

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第六七冊



責任編輯：孫言誠 賀 偉

ISBN 7-5333-0535-3



9 787533 305352 >

3388/11

四庫全書存目叢書·史部六七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精製印務有限公司印製

787×1092毫米 16開本 55印張

1996年8月第1版 1996年8月第1次印刷

印數1-100

ISBN 7-5333-0535-3

Z·37 史部定價：87600圓

史部第六七冊目次

史部·詔令奏議類

清忠堂撫粵奏疏十四卷清忠堂署理總督奏疏一卷(二)

〔清〕朱弘祚撰

山東師範大學圖書館藏清康熙刻本

一

大觀堂文集二十二卷首一卷(卷一至卷三)

〔清〕余縉撰

中國科學院圖書館藏清康熙三十八年刻後印本

九四

疏稿一卷

〔清〕胡文學撰

北京圖書館藏清康熙二年自刻本

一五三

楊黃門奏疏不分卷

〔清〕楊雍正撰

南京圖書館藏清康熙刻本

一九八

撫黔奏疏八卷

〔清〕楊雍正撰

中央民族大學圖書館藏清康熙刻本

二九〇

于山奏牘七卷附詩詞合選一卷

〔清〕于成龍撰

天津圖書館藏清康熙二十二年刻本

六七三

清忠堂撫粵奏疏十四卷清
忠堂署理總督奏疏一卷

(二)

〔清〕朱弘祚撰

山東師範大學圖書館藏清康熙刻本

附《四庫全書總目·清忠堂奏

疏無卷數》提要

清忠堂撫粵奏疏卷十三

敬抒一得之愚

條議現任官員捐免所陞扣俸

錢糧虧額繁多

覆周振聲摺

特奏縣令

參陵水縣安國聖達例印空倉收文

借命抄陪

泰華武舉羅英賢

叩

關事

參承追彭濟未完駐銀職名

生生打死父命

何萬有陳死陸品龍摺擬

清忠堂奏疏

卷十三

目次

一

咨查事

參候選縣丞林育盛等起復選延

打死弟命

呂起麟等打死王瑞龍摺擬

打死父命

潘政君毆死陳耀恒摺擬

詳請參追那欠錢糧

承行追茹並侵那限滿接

侍營慘打立死

丁鳳殿死張遇侯摺擬

稟報事

王自勝謀殺梅喬摺擬

打死父命

陳阿三等打死陳寶日摺擬

出首事

謝開復甘肅狀文明等贓銀職名

服官舉貢監給互許

參通檢高廷臣與舉貢監給互許

茶謝

天恩 奏謝頒發孝經行義

遵

官編輯全書等事 五大衛所屯田減則

奏銷康熙二十九年錢糧

康熙二十九年分錢糧奏銷考成

請演火器兵丁 旗兵打造烏鎗

題明事 請勸捐救賑民

清忠堂奏疏

卷五 目次

二

題為恭

請酌定

朝審秋審分別之例以廣

皇仁事 三十年秋審

清忠堂撫粵奏疏卷十三

條議現任官員捐免停陞扣俸

題為敬抒一得之愚推廣邊儲捐納之例恤人杜

以佐軍需事案准部行大同張家口現今大兵

前往駐劄此二處所駐官兵需用米豆草束應

在張家口大同宣府地方開捐納米豆草束事

例捐納內有因公註誤降革告病等員各予還

級還職錄用身故與已任未任及雜職等官愈

清忠堂奏疏

卷五 捐納一

一

得

詰贈封典生俊富民准作貢監給與頂帶於籌措軍

餉之中為軫恤人才之意且使大小諸臣各遵

榮親

曠典

廟謨弘遠凡屬臣民自當竭力仰報將見踴躍捐輸

急公恐後倉庾充溢軍有餘裕臣又何庸再奏

未議惟仰體我

皇上仁恩周渥意見所及思現行例內尚有可推廣之處不敢緘默敬陳於我

皇上之前以候

睿裁查在外道府同知通判州縣各官歷俸已深或有因錢糧盜案承追承緝未完照例任俸降俸罰俸降職停陞者或有地處繁劇罰俸過多致難陞遷若此等官員內豈無操守清廉賢能素著之人止因其有議處之案無可見長督撫遵

清忠堂奏疏

捐納二

照定例不敢薦舉以致淹留歲月與碌碌者同其浮沉轉瞬衰老歸於廢棄甚為可惜夫同屬因公註誤其被降被革離任與告病休致之員已蒙

浩蕩宏恩准其捐納給還原職卽降級留任者亦予開復而現任因公停陞之員比諸實降實革處分其輕似更可以援例邀

恩臣請將凡任俸降俸罰俸降職停陞之官與未滿

罰俸年分之官亦准其在大同官府朱家口或米或豆或草比照降級之數每停陞一案毋未滿罰俸一年各酌減若干准其一體捐納免其停陞扣俸與應推之員一體較實歷之俸挨轉如有才守兼優賢能出眾之官亦准督撫一體薦舉其各員下未完之案仍照常按限完結在各官無逾階級之嫌俾皆得聞風奮勉

清忠堂奏疏

捐納三

皇上深恩從人材邊儲起見不揣愚昧條議上請如果臣言可採伏乞

勅部議覆施行康熙三十年四月初四日題五月初九日奉

旨該部議奏該戶部議覆查得宣府捐納事例已經停止其大同捐納事例于本年七月初一日停止開此捐納事例原因大兵駐防所需米豆草束難於卽運甫買運送一時權行皆也今大兵

已經出口

國家錢糧甚足應將該撫所通任俸等官捐納之

處無庸議等因康熙三十年五月二十一日題

本月二十七日奉

旨依議

清忠堂奏疏

初納四

覆周振聲招

題為錢糧虧額繁多盤冊混淆難擬合亟申明免

干違悞事據按察司呈詳該臣看得原茂名縣

革職知縣周振聲等官役侵缺康熙十九等年

錢糧罰俸共銀五千一百四兩五錢零康熙十

七等年米一千五百一十二石五斗零各案捐

積穀一千二百三十石八斗零經臣

題奏嚴審除先完解司併迫回貯倉及脫逃黃會

清忠堂奏疏

卷五 虧額一

五

龍朱祚尤等未完米穀另行比追還項周振聲

自認侵用除已完補外尚未完銀三千七百二

十八兩九錢零米三十七石七斗零穀五百八

十石經承黃友良認侵銀一百二十兩米七百

三十二石九斗零龔登賢認侵銀二百五十兩

陳瑜認侵銀一百五十兩米一百二十三石八

斗零倉吏李明新認侵米五百一十七石一十

宋庫書楊光興認侵銀一百三十六兩六錢零

區士雄認侵銀九十五兩三面質供各認不諱
按依律例招擬具

題部覆黃友良等俱係戶房經承專主其事之衙
役借用倉米七百三十二石照常人盜擬罪不
符且或係當官借用或係倉書李明新私自借
與未取有確供再加嚴審定擬具題茲行按察
使劉元勳會同布政使張建績督糧道秦政劉
標嚴加確審據黃友良等供係經管排門戶口

清忠堂奏疏

卷三 刑部二

六

冊籍過割稅契之役金無專主倉庫錢糧文案
即李明新等亦俱倉庫收支銀米文冊係伊等
管理與黃友良等無干至各役所借米石因康
熙二十七年夏間風雨連綿倉米漏濕周振聲
自令各役登簿領出放借俟秋成收回旋即被
參提審各役遂致侵用無還嚴訊官役供吐如
一則黃友良等確非專主其事之衙役米石當
官借用亦非倉書李明新私自借與者也再

嚴詰委無遁情各犯相應仍照原擬周振聲除
私借錢糧等輕罪不議外仍照監守侵盜錢糧

數滿三百兩例擬斬監候秋後處決李明新照
律條例監守盜糧一百石以上楊光興區士雄
各照監守盜銀五十兩以上俱發邊衛充軍李
明新等三犯前遇熱審今仍減等杖徒黃友良
照常人盜錢糧至三百兩例擬絞真登賢陳瑜
各照常人盜銀一百兩以上律條例俱發邊衛

清忠堂奏疏

卷三 刑部三

七

充軍前遇熱審減等杖徒但黃友良等三犯均
在

赦前應予援免再查周振聲先於

大計案內審擬徒罪未經發配今應從重歸結至李
明新侵米五百一十七石一斗八升零人已照
數完補還倉理合聲明候部核議既經該司道
會審招解前來經臣覆勘無異臣謹會同兩廣
總督臣石林合疏具

題伏乞

勅下三法司議覆施行康熙三十年四月初十日題

五月十八日奉

旨三法司知道該刑部會同都察院大理寺會看得
原茂名縣革職知縣周振聲等官役侵缺錢糧
銀米一案先經廣東巡撫朱弘祚審擬斬戍等
罪具題臣部等衙門以黃友良等俱係戶房經
承借用倉米照常人盜擬罪不符行令該撫再
清忠堂奏疏

卷三 虧額四

八

加嚴審定擬具題去後今該撫疏稱黃友良等
係經管排門戶口冊籍金無專主倉庫錢糧文
案仍擬斬戍等罪分別援
赦具題前來查周振聲侵用康熙十九等年銀米除
私借錢糧等輕罪不議外周振聲合依侵盜錢
糧入已數滿三百兩者擬斬監候例應擬斬監
候秋後處決又律例內監守盜贓二百兩以上
者限三箇月果能盡數通完真犯死罪者減等

免死充軍如過期不完依本律例定擬李明新
合依監守盜糧一百石律充軍今參後全完應
減一等遇熱審又減一等徒二年半至配所折
責三十五板楊光興區士雄合依監守盜銀五
十兩充軍遇熱審減等各徒三年至配所責四
十板黃友良龔登賢陳瑜三犯非係專管倉庫
之人且事犯在

清忠堂奏疏

卷三 虧額五

九

赦前相應免罪李明新等均刺字革役康熙三十年
六月初五日題初七日奉

旨周振聲依擬應斬著監候秋後處決餘依議

參陵水縣安國璽違例印空倉收文結

題爲特參縣令空出印收擅給家人攬納侵逃請
勅嚴加議處以肅

功令以實倉儲事據布政司呈詳該臣看得常平倉
積貯米穀備賑屢奉

上諭申飭又准部行捐納米石若有泄漏侵蝕短少
等弊該督撫指名

題參臣節次轉飭有司各官實力奉行乃有陵水

清忠堂奏疏

侵逃一

縣知縣安國璽製備空收文結擅差家人楊浚
生赴省以致浚生將自身及弟楊漢生各名與
報後該縣有捐納俊秀許國翰等同張福貴空
收到省又被浚生盡取倉收私騙陳際瑞等一
十三名每名得銀壹百叁肆拾兩不等罄捲潛
逃該縣始具文中報查此項米穀如已收貯在
倉應卽給發實收且收內不過填寫生俊姓名
米穀數目收倉月日有何格式參差乃該縣製

備空印倉收文結遠差赴省殊屬違例除許國

翰等願捐米穀曾否收倉張福有無通同情弊

現行布政使嚴查楊浚生楊漢生二名咨達部

監除名并移山西撫臣查拿楊浚生等解粵到

日究審實情另報外所有陵水縣知縣安國璽

備印空收文結擅差家人赴省以致侵騙潛逃

情由相應特疏

題參請

清忠堂奏疏

侵逃二

勅該部嚴加議處既據該司呈詳前來臣謹
廣總督臣石琳合詞具

題伏乞

勅部議處施行康熙三十年四月初十日題奉

旨安國璽著嚴加議處具奏該吏部議得查定例內

各項錢糧係官自乾沒拖欠者照貪贓例革職

提問等語該撫既稱捐納米穀州縣各官自應

明白收倉始行出具實收文結陵水縣知縣安

國璽製備空收文結擅差家人楊浚生赴省以致浚生騙陳際琯等銀兩逃應將知縣安國璽照例革職交與該督提問可也康熙三十年六月初七日奉

旨依議

清忠堂奏疏

使逃三

參革武舉羅英賢

題為借命抄陪事據按察司呈詳該臣看得粵東惡俗假命圖賴肆行抄搶搶捲家資拆毀房屋詐取財物往往見告經臣屢次飭禁勸諭此風較前稍息不意猶有武舉羅英賢藐法橫行武斷鄉曲先據蕭子聖於臣放告之日以借命抄陪一詞泣控當即批發惠潮道會事史起賢嚴查又據羅景元亦以女命捏訴併批該道審明詳報到臣復行按察司覆勘茲據按察使劉元勳詳稱訊究羅氏致死之由咸供自縊並無別故且經驗明入字交合傷痕則詞稱蕭宗河強姦傷胎致死情節盡屬子虛至勒索銀兩質之蕭鐸親見子聖交羅英賢銀十人兩羅淑千錢二十文再詰統眾抄搶據賴仕亮等堅供羅英賢羅景元羅廷傳等同行在場已經眾証明白弟羅英賢身係武舉羅景元羅廷傳均屬生員

清忠堂奏疏

卷三 抄陪一

三

役口不招未便嚴訊等由呈解前來經臣親鞠
無異除所搶家財等項現行由寧縣逐一勘明
羅景元羅廷爵各衣頂繳行學道飭革外羅英
賢口恃武舉猶肆狡辯理合

題奏請

革去武舉容臣將本內同行各犯一併嚴究定擬

另疏

題覆臣謹具

清忠堂奏疏

卷三 抄略二

十四

題伏乞

皇上睿鑒

勅部議覆施行康熙三十年四月二十二日題奉

旨羅英賢著革去武舉所有同行各犯該撫一併嚴

提究擬具奏該部知道

參承追彭演未完贓銀職名

題為叩

聞事據按察司呈詳該臣看得流犯彭演名下應追
入官贓銀一萬三千六百一十八兩彭演仲贓
銀一百六十八兩方維俊贓銀一兩入錢准部
咨移臣即檄行按察司嚴行追解茲據按察使
劉元勳詳稱行據廣州府詳據番禺縣申稱本
案贓銀屢提各犯屬嚴比止據完納銀二千二

清忠堂奏疏

卷三 叩附一

十五

百七十六兩六錢四分解貯司庫又彭演名下
尚有產業可抵贓銀三千七百兩六分現在召
買追比完解外其餘贓銀嚴比無完臣查此案
入官贓銀一萬三千七百八十餘兩今承追一
年止據完銀二千二百七十六兩零其承追不
力則係番禺縣知縣武壽也相應題參候部議
處至彭演未完贓銀據請應否再行福建流所
查追完報金候部奪既據該司呈詳前來理合

具

題伏乞

初部議覆施行臣未敢擅便謹題請

康熙三十年四月二十六日題六月初九日奉

旨武籌著議處具奏除著議奏該部知道該刑部議

得據廣東巡撫朱弘祚疏稱流犯彭演等名下

應追入官贖銀一萬三千七百八十餘兩今承

追一年止完銀二千二百七十六兩零其承追

清忠堂奏疏

卷五

叩關二

共

不力之番禺縣知縣武籌相應題參等因前來

據此應將承追不力之番禺縣知縣武籌交與

吏部議已完銀兩行令解部未完銀兩照例限

一年作速嚴追全完如一年內未完仍行題參

可也康熙三十年六月二十九日題七月初二

日奉

旨知道了又吏部議得刑部咨稱廣東巡撫朱弘祚

疏稱流犯彭演等名下應追入官贖銀今一年

未完將承追不力之番禺縣知縣武籌相應題

參交與吏部議等因前來應將初參番禺縣知

縣武籌照例降俸二級戴罪督催康熙三十年

七月十一日奉

旨依議

清忠堂奏疏

卷五

叩關三

七

何萬有毆死陸品就招擬

題爲生生打死父命事據按察司呈詳該臣存體
何萬有毆死陸品就一案終品就之子陸鳳鳴
原與區逢貴夥作打銀生理嗣因櫃內失銀心
懷疑貳遂乘鳳鳴歸鄉後稍輒將打銀器具搬
移萬有舖中迨鳳鳴知覺于康熙二十九年七
月二十六日偕父品就同往查取互相爭論經
扭鳴官行至中途品就舉手先毆萬有揮拳還
擊適中耳根肚臍隨卽仆地伊子扶起復跌磚
磕膝手諸傷不逾時而殞命驗審傷真証確何
萬有直認不諱緣抵美辭區逢貴難戮由伊起
且在傍同扭但無謀毆情事餘人滿杖允蔽厥
辜餘俱省釋茲據該司招解前來經臣親訊無
異理合具

題伏乞

勅下三法司核擬施行康熙三十年四月二十三日

清忠堂奏疏

卷三 打死一

文

題六月初五日奉

旨三法司核擬具奏該刑部會同都察院大理寺會
看得何萬有毆死陸品就該撫歷審各自認情
真何萬有合依凡鬪毆殺人者不問手足他物
金刃鎗絞監候律應擬絞監候秋後處決同扭
之區逢貴合依餘人律應杖一百遇熱審減等
杖九十折責三十五板等因康熙三十年六月
十一日題十三日奉

清忠堂奏疏

卷三 打死二

九

旨何萬有依擬應絞若監候秋後處決餘依議

奏候選縣丞林育盛等起復延

題為咨查事據布政司呈詳該臣看得候選縣丞

林育盛林本盛服闋起復經臣據詳咨報隨准

部查林育盛等丁憂服滿何遲至一年一箇月

方報起復查奏到日再議茲行據布政使張建

績詳稱林育盛等隨父在任自晉至粵相距甚

遠又兼家人途中患病具呈起復實係稱遵有

因業於咨內敘明但既經部查則遲報之候選

清忠堂奏疏

卷主

起復一

年

縣丞林育盛林本盛相應

題參候部議處至海豐縣現任知縣姚德基據呈

隨即轉報金未遲延合併聲明既據該司呈詳

前來理合具

題伏乞

勅部議處施行康熙三十年四月三十日題奉

旨該吏部議處查海豐縣知縣姚德基該撫既稱金

未遲延無庸議外應將候選縣丞林育盛林本

盛均照例于補官日各罰俸一年等因康熙三

十年七月二十四日奉

旨依議

清忠堂奏疏

卷主

起復二

主

呂起麟等打死王瑞龍招擬

題爲打死窮命事據按察司呈詳該臣看得呂起麟等俱係駐防廣東正黃旗甲兵其毆死民人王瑞龍也緣康熙二十九年八月初七日起麟等輪守城門時將薄暮瑞龍剃頭營生挑擔出城行走匆忙偶撞起麟互相嚷罵乃起麟見瑞龍語言不遜輒逞一朝之忿先用拳打耳根後復腳踏陰囊徐天貴司應賢皆從傍助毆以致

清忠堂奏疏

卷三

旗兵一

重

瑞龍受傷仆地僅存一息起麟等又因天晚開門將瑞龍扶出城外是夜殞命歷審傷供金確各犯自認不諱呂起麟先後下手致命重傷絞抵不枉徐天貴司應賢合照餘人滿杖係旗人照例鞭責餘俱省釋查呂起麟係駐防廣東另戶甲兵應否解部合聽部議茲據該司招解前來經臣親審無異臣謹會同廣東將軍臣拜音達禮副都統臣魏黑納臣佟徵年兩廣總督臣

石琳合疏具

題伏乞

勅下三法司核擬施行康熙三十年四月三十日題
六月初十日奉

旨三法司核擬具奏該刑部會同都察院大理寺會看得駐防廣東另戶甲兵呂起麟等毆死民人王瑞龍該撫歷審各自認情真呂起麟合依共毆人因而致死以致命傷爲重下手者絞監候

清忠堂奏疏

卷三

旗兵二

重

律應擬絞解部監候秋後處決徐天貴司應賢用拳助打毆無致命均合依餘人律各杖一百遇熱審減等係旗下人應鞭九十等因康熙三十年六月十四日題十六日奉

旨呂起麟依擬應絞若監候秋後處決餘依議

潘啟著毆死陳耀恒招擬

題爲打死父命事據按察司呈詳該臣看得潘啟著之毆傷陳耀恒致死也因康熙二十九年八月十五日啟著在藻尾墟與耀恒爭殺價還酒行兇拳擊耀恒心坎左肋耀恒趨避於梁爾璋酒肆中啟著復行追趕拳腳交加致傷乳脇及肩膊腋腹等處越至二十九日而耀恒斃命歷審傷真証確潘啟著自認下千致命重傷絞文照追給王既據該司招解前來經臣親審無異理合具

題伏乞

勅下三法司核擬施行康熙三十年五月初四日題

六月十五日奉

旨三法司核擬具奏該刑部會同都察院大理寺會

清忠堂奏疏

卷三

毆死一

五

看得潘啟著毆死陳耀恒該撫歷審自認情真

潘啟著合依關毆殺人者不問手足他物金刃並絞監候律應擬絞監候秋後處決潘啟文潘錫生潘啟都不行勸阻從旁助勢合依餘人律應杖一百遇熱審減等杖九十各折責三十五板短少殺錢一百文照追給與陳耀恒家可也等因康熙三十年六月二十日題二十四日奉旨潘啟著依擬應絞監候秋後處決餘依議

清忠堂奏疏

卷三

毆死二

五

承督追茹鉉侵那限滿援詔請豁

題爲詳請參追那欠錢糧以清款項事據布政司

呈詳該臣看得瓊山縣革職知縣茹鉉任內那
用錢糧銀九千四百四十七兩四錢四分零經
臣審擬流罪援

赦具

題部覆免罪那用銀兩作速照數嚴追還項臣據
飭追取計今一年限滿據布政使張建積呈稱

清忠堂奏疏

參追一

茹鉉那欠前銀屢行嚴追老病廢員至今毫無
完補查其所那各項實係用兵之際奉前任督
撫司道差微守取那動解應均是緊急軍需與
康熙二十六年五月初三日

恩詔內開一自用兵以來一應動用錢糧有因原未

題明不准開銷屢經核減現在追取召買價值
拖欠在民變賣糧草多給兵餉各項及蓋造營
房修理軍器俱募船隻俱令賠補歷年未清者

概准開銷豁免之

詔款相符呈請

題明豁免并列承督追各職名具詳前來臣查此
案承追不力自康熙二十九年四月十三日奉
文起至本年八月二十五日止則係瓊山縣革
職離任知縣佟世南自八月二十六日起至九
月二十日止則係署縣事離署瓊州府現任同
知韓自強自九月二十一日起至康熙三十年

清忠堂奏疏

參追二

四月十二日限滿止則係瓊山縣現任知縣羅
承順督追不力則係瓊州府現任知府張萬言
也相應循例開列職名

題參查佟世南已經別案革職韓自強署事未及
一月羅承順承追未滿一年之限合併聲明候
部查議至茹鉉那解錢糧俱係用兵時奉行提
取支應一切軍需之用今歷年未清查與

詔款相符應否豁免金候部會既經該司呈詳前來

臣謹會同兩廣總督臣石琳合疏具

題伏乞

勅下該部議覆施行康熙三十年五月初四日題六

月十六日奉

旨該部議奏該刑部議得據廣東巡撫朱弘祚疏稱

瓊山縣革職知縣茹鉉那用錢糧銀兩俱係用

兵時奉敕守取支應軍需之用與

赦款相符應否豁免等因前來查康熙二十六年五

清忠堂奏疏

參追三

月初三日

恩詔內開自兵以來一應動用錢糧有因原未題

明不准開銷案准開銷豁免等語但此款為動

用錢糧之時原未題明動用之後題請奏銷部

議不准開銷者而言今茹鉉那移康熙二十等

年錢糧銀九千四百四十七兩零那用之後金

未請銷與

放款不符應仍行該撫作速嚴行追完可也等因康

熙三十年六月二十七日題七月初二日奉

旨依議

清忠堂奏疏

參追四

丁鳳毆死張遇侯招擬

題爲特營條打立死事據按察司呈詳該臣看得

丁鳳與張遇侯素無仇怨祇緣遇侯賭欠銅錢

三百文未償康熙二十九年九月初一日早晨

丁鳳踵門討取遇侯無錢以應且謂朔日非索

逋之時兩相噴論丁鳳輒逞兇性拳腳交加以

致遇侯兩脇後腰皆負重傷仆地張遇伯等扶

救回家卽日殞命歷審傷証金確本犯自認不

情忠堂奏疏

卷三 條打一

三

諱丁鳳合依闕毆殺人律絞抵不枉至此案事

起賭博其該管各官失察職名除自查開到日

容臣另疏補參外臣謹會同兩廣總督臣石琳

合疏具

題伏乞

勅下三法司核擬施行康熙三十年五月十三日題

六月二十四日奉

旨三法司核擬具奏該刑部會同都察院大理寺會

看得丁鳳毆死張遇侯該撫歷審自認情真丁

鳳合依凡闕毆殺人者不問手足他物金刃金

絞監候律應擬絞監候秋後處決其失察賭博

官員依該撫查取其題到日交與吏部議等因

康熙三十年六月二十七日題七月初三日奉

旨丁鳳依擬應絞若監候秋後處決餘依議

情忠堂奏疏

卷三 條打二

五

王有勝謀殺梅喬招擬

題爲稟報事據按察司呈詳該臣看得王有勝係

高州鎮標營兵先曾撥守平坡塘汛與鄉民王

科之妻李氏通姦竊經調撥梅喬輪守因營房

被風吹倒梅喬寄食於王科之鄰居盧進林家

遂亦與李氏私通後被有勝在山上撞遇妬心

與殺機並起預同王科商謀於康熙二十九年

九月初八日夜王科先往陳錦地方等候有勝

肅忠堂奏疏

卷三

稟報一

三

哄誘梅喬遁送公文復慮盧進林知情洩漏假

以陪伴查夜爲詞強之偕行迫至棚中有勝拔

刀連砍梅喬頭傷喉斷登時畢命當與王科棄

屍水濱次日爲鄉民百總尋獲身屍通報經縣

驗明傷供各各匪審各犯招認不諱王有勝謀

造意斬抵不枉盧進林雖未與謀但被誘同

行知情不首滿杖允宜李氏認姦情真照例枷

責時逢熱審應進林李氏各減等發落王科審

供後病故毋容議既據該司招解前來臣謹親

審會同兩廣總督臣石琳合詞具

題伏乞

勅下三法司核擬施行康熙三十年五月十三日題

六月二十四日奉

旨三法司核擬具奏該刑部會同院寺會看得王有

勝等謀殺梅喬該撫歷審自認情真除同謀之

王科病故不議外王有勝合依謀殺人造意者

肅忠堂奏疏

卷三

稟報二

三

斬監候律應擬斬監候秋後處決知情不首之

盧進林合依凡知同伴人欲行謀害他人不即

阻當救護及被害之後不首告者杖一百律應

杖一百遇熱審減等杖九十折責三十五板李

氏合依凡軍民人等與相等人妻通姦者男婦

各枷號一箇月鞭一百例遇熱審減等免其枷

號折責四十板可也等因康熙三十年六月二

十九日題七月初三日奉

旨王有勝依擬應斬著監候秋後處決餘依議

清忠堂奏疏

卷三

原報三

旨

陳阿三等打死陳賓日招擬

題為打死父命事據按察司呈詳該臣看得陳阿

三毆死陳賓日一案緣康熙二十九年八月初

七日同在海濱爭捕魚蝦互相雀角賓日扯破

阿三之網而阿三遂逞兇憤先用拳打賓日肩

腔後又腳踢右膀仆地有陳皇錫在傍喝令陳

阿保揮拳助毆以致賓日受傷深重調治不痊

延至九月初一日身死檢審傷供金確本犯自

清忠堂奏疏

卷三

死父一

旨

認不諱陳阿三先後下手獨重紋抵奚辭脫逃

陳皇錫陳阿保嚴緝獲日另結既據該司招解

前來臣謹親審具

題伏乞

勅下三法司核擬施行康熙三十年五月二十四日

題七月初二日奉

旨三法司核擬具奏該刑部會同院寺會看得陳阿

三打死陳賓日該撫歷審自認情真查律內若

手足他物傷限二十日等語又律內條例內開
辜限內不平復至限外十日之內果因本傷身
死情真事實者方擬死罪奏

請定奪等語據此陳阿三合依共毆人因而致死者
以致命傷為重下手者絞監候律應擬絞監候

請旨

上裁脫逃陳皇錫陳阿保獲日另結可也等因康熙

三十年七月初七日題初九日奉

清忠堂奏疏

卷五

死父二

吳

旨陳阿三依擬應絞若監候秋後處決餘依議

請開復督催耿文明等駐銀職名

題為出首事據按察司呈詳該臣看得行追革職
糧道耿文明已故都司王瑜分取尙之信家金
銀珍珠等物一案業經開列承追督催限滿未
完各官職名具疏

題參部議將知府劉茂溶等照例降俸二級戴罪
督催節經飭追迨至限滿復行參處在案茲據
按察使劉元勳詳稱耿文明部覆現在江南查

清忠堂奏疏

卷五

出首一

毛

勘家產外伊在廣家私衣物共變價銀一千一
百五兩五錢零俱已解部僕婢車來等變價銀
九十一兩五錢現貯候解已故王瑜原籍家產
人口業經山東撫臣勘報伊妾并子已解部入
官在廣家私婢僕共變價銀一千一百七兩八
錢零俱已追完解部訖此案粵省業已完結除
革職官毋庸開復外所有廣州府知府劉茂溶
降俸二級戴罪督催之案相應題

請開復註銷既據該司呈詳前來理合具

題伏乞

勅部議覆施行臣未敢擅便謹題請

旨康熙三十年五月二十四日題七月初五日奉

旨該部察議具奏該刑部議覆查已故都司王瑜家

產已經盡絕伊子王廷柱照例入官在案耿文

明名下未完贓銀等物現在江省查追未經完

報其廣州府知府劉茂洛降俸二級戴罪督催

清忠堂奏疏

卷三 出首二

美

之案不便註銷應俟江南追完之日該撫具題

到日再議可也康熙三十年七月二十七日題

三十日奉

旨知道了

奏巡檢高廷臣與舉貢監衿互訐

題為職官舉貢監衿互訐謹據詳

題參伏乞

勅下部監分別議處以肅

功令事據按察司呈詳該臣看得粵東人情刁詐素

稱難治而廣州府南海縣之佛山堡五方雜處

尤多奸宄五斗口司巡檢係該管官稽查盤詰

固其責任所專然富奉公守法寧謐地方斯為

清忠堂奏疏

互訐一

稱職屢經嚴飭誠諭不意巡檢高廷臣罔遵

功令藉事婪贓經按察司按察使到元勳行據廣州

府知府劉茂洛南海縣知縣胡雲客查審有據

詳報前來布政司布政使張建緒廣南韶道陳

于威亦各詳報相同誠不可姑容地方以貽民

害雖微員例不具題但案內款蹟告發與風聞

者不同何致銀錢互異數目不符或誣輕為重

或盡屬子虛或被害提審不到或証佐金不知

情或事非職掌或屢換口供况俱非紳衿里民切已之事違禁公同陳告更有原狀無名公然挺身投証者其中不無挾仇捏砌情弊且據該巡檢中詳舉人李錫瓚梁慎等恨其查拏私情賭博聯黨扛訟以圖逞志又現獲私鑄窩犯龐秀長卽係詞內監生龐觀迨生員龐上樞等之弟兄叔姪除另案查審

題報外事關職官與舉貢監衿互相訐告未便止

清忠堂奏疏

互訐二

將巡檢查革審擬臣謹會同兩廣總督臣石琳

合疏

題奏伏祈

皇上府鑒將高廷臣革職以便與案內有名蠹役及與受過交各犯嚴究律擬併請

勅下部監將違制公陳之舉人李錫瓚李師錫梁慎黃國鈺梁應培梁逢泰簡遇熊何天縱貢生鄭果羅額黃如仲黎烈斌監生龐觀迨何若水何

黃梁應瑞黃如伯霍廷傑沈相照例議處其是否挾仇捏砌容俟與生員梁鎮簡等里民陳忠等一併審明

題覆臣等未敢擅便謹會題請

古康熙三十年六月初八日題七月十六日奉

旨高廷臣著革了職該撫嚴提究擬具奏李錫瓚等議處具奏該部知道欽此准刑部咨開相應移咨

該撫將高廷臣等連行審擬定罪具題可也等

清忠堂奏疏

互訐三

因又准吏部咨開應將乳源縣丁憂教諭李師錫候選訓導黃如仲革職交與該撫審可也微官例不具題并咨該撫知照再查李錫瓚等俱係武舉文學監生應將移送兵部會同禮部議可也等因又准禮兵二部咨開吏部既將丁憂教諭李師錫候選訓導黃如仲革職交與該撫審其武舉李錫瓚梁慎黃國鈺梁應培簡遇熊何天縱文學梁逢泰貢生鄭果羅額黎烈斌監

生麗觀迨何青黃如侑何若水梁應瑤霍廷傑
先樹均應華去舉人貢生監生交與該撫查辦
可也

清忠堂奏疏

互訐四

革職巡檢高廷臣等招擬

題為職官舉貢監矜互訐謹據詳

題參伏乞

敕下部監分別議處以肅

功令事據按察司呈詳該臣看得巡檢高廷臣武

舉李錫瓚等互訐一案微員介縱士習蓄凌經

臣據詳

題參奉

清忠堂奏疏

互訐一

旨斥革行臣究擬茲據按察使劉元勳審詳緣廷臣

藉事婪贓勒劉蟾仙蒙亞倫陳啓生匿慎可李

文育銀錢入已又其子完姻收受里民馬素白

等賀禮致賄物議而李錫瓚以說情不允因而

銜恨遂假公濟私首犯虛款託名公陳目開紳

矜姓名榮楨等從而附和將不切已事聯詞呈

告乃廷臣不靜聽審理妄中李錫瓚等私結今

審公呈諸款廷臣實共得贓錢三十七千九百

四十文銀八兩五錢其李錫瓚所開包匿藩口
鹿上樞所開勒詐區殿倫賊錢六十五千盡屬
虛誣盧承德所開勒詐李文言銀兩誣輕爲重
廷臣所申李錫瓚等私鑄並無實據高廷臣除
得賊輕罪不議外合依誣告人死罪未決律杖
流加役李錫瓚除勒詐公事冒開姓名輕罪不
議外合依誣告律加等杖流鹿上樞照律反坐
杖流衙役周通共得錢一千六百文黃君垣得

清忠堂奏疏

互詳二

錢六百文廷臣之弟高羽文得錢一千八百文
又公孫調卿得銀八兩弓兵何由寵誣拏私銅
張隆勒令求情梁楨黃國斌簡遇熊梁國輔洗
應輝霍襄霍獻除告二事以上重事告實輕事
招虛免罪外以不切已事違禁公呈麥尚均原
狀無名挺身捕誣均應分別杖微又馬素白胡
太初胡吉龐子儀黃御章羅成君何聯君買光
高區象臣霍士隆陳聚隆高卿榮陳起郎簡起

陽霍臣錫何貴初李瑞明梁起國倪送賀禮均
應照律笞責區樞可高貽照律枷責盧承德年
老免議賊各照追入官至公呈有名之丁憂致
前李師錫候選訓導黃如伸貢生羅顯鄭果黎
烈斌係李錫瓚代僉舉人梁逢泰武舉何天縱
監生龐觀道係李錫瓚冒僉審係無干應請開
復其會經僉名並無夥同列款之武舉梁應培
監生沈相何若水何青梁應瑤黃如侑霍廷傑

清忠堂奏疏

互詳三

應否開復聽候部議里排陳忠等係李錫瓚勒
令僉名俱應免議陳璉取供後病故霍之鵬梁
太未經提毒之先在家病故合併聲明餘俱無
辜旨釋既據該司招解前來經臣覆審無異理
合具

題伏乞

欽部議覆施行康熙三十一年二月十七日題奉
欽部核擬具奏該刑部看得查高廷臣因劉增仙

拏送賊僕及區俱可高賄等事共得錢三十七千九百四十文銀八兩五錢衙役周通得錢一千六百文公孫調卿得銀八兩黃君恆得錢六百文廷臣之弟高羽文得錢一千八百文各入已高廷臣又誣申李錫瓚等私鑄該撫歷審各認情真將高廷臣依誣告律擬以流徒查律內凡誣告人死罪未決者杖一百流三千里于配所加徒役三年例內貪贓官罪不至死擬流者

清忠堂奏疏

五計四

發遼陽安插等語高廷臣有貪婪銀錢之處據此除高廷臣誣許李錫瓚等輕罪不議外高廷臣合改依貪贓官罪不至死擬流者發遼陽安插例應食妻妾安插遼陽係貪官永不敘用枉法贓一兩以下一兩以上不等衙役周通公孫調卿黃君恆高羽文俱照律減等周通公孫調卿責二十五板黃君恆責二十板高羽文責十五板在家高賄之區俱可應照在家存留賄博之

人枷號三箇月係民責四十板例應枷號三箇月責四十板僇送禮物之里排馬素白等十八人照律各減一等笞三十折責十板周通等均革役職各照追入官其誣告廷臣隱匿人官人口四名之李錫瓚并誣告廷臣詐區殺倫錢六十五千之龐上樞俱合依誣告人流徒加三等罪止杖一百流三千里律應食妻流三千里至配所各折責四十板將高廷臣誣輕爲重之處

清忠堂奏疏

五計五

承德亦應治罪但年逾八十照律免議誣率私鑄銅鈔之方兵何由寵勅令求情之張陞及以不切已之事違禁陳告之梁楨等七人并原告無名出証之麥尚均合依不應重律杖八十各責三十板陳連取供後病故霍之鵬梁太未提之先在家病故均毋庸議再該撫疏稱丁憂故諭李師錫舉人梁逢泰等八人姓名係李錫瓚代命應請開復武舉梁應培監生沈昭等七人

曾經會名並未夥同列款應否開復統聽部議
生員梁鍾簡等十七人并里排陳忠等四十三
人俱係李錫賁勒令會名俱應免議等語查李
師錫等各以不切已之事公同陳告且未經具
題議革之先初審時俱堅供高廷臣情事是真
據此其開復免議之處均無庸議應將李師錫
等七十五人均合依不應重律杖八十各折責
三十板內教諭舉人俱于此案革職仍行收贖
自依議

清忠堂奏疏

互計六

龐達元等審係無干毋庸議等因奉

奏謝頒發孝經衍義

奏為恭謝

天恩事康熙三十年六月十三日准禮部咨頒發孝

經衍義一部到臣隨恭設香案率在官文武各

官望

闕叩頭祇領訖欽惟我

皇上

化洽寰區

清忠堂奏疏

奏謝一

道隆作述

文謨得武烈而益顯繼序其皇

至德與要道之兼施永錫爾類

致愛致敬合萬國之歡心

作君作師探千秋之精義本

躬行心得之懿教化民成俗之方惟孝經一書為萬

化根源六經總會師居弟侍聖賢之授受最真

古本今文疑信之相傳不一自開孔壁迫勒石

臺山其斷句尋章止詳訓詁是以提綱挈領未
得指歸爰

命儒臣推弘義蘊上承

先志用廣流傳依紫陽刊誤之編仍分經傳仿西山衍
義之例博採菁英舉一十三經之大義宏綱成
歸採擇凡二十一史之嘉言懿行盡入蒐羅冠
以

皇極之敷言永爲

清忠堂奏疏

奏謝二

聖朝之彝訓頒行有位用覺斯民爲禮樂爲政刑捐
之而成事業若公卿若士庶奉此以爲訓行在
南北東西無推不準卽幽明上下有感皆孚誠
哉

孝治彌隆允矣太和再觀臣欣逢

盛世肅於

鴻編敢不進思盡忠退思補過念靖共爾位之誼
知敬孝卽以敬忠誦無忝所生之言識事君資

於事文隨行刊刻轉發官民速播膠庠廣行黨
塾庶使山陬海澨子孝臣忠龍戶蠻人風淳俗
厚將兩儀協應必致金車銀鬃之祥萬物效靈
聿來素鵲蒼鳥之瑞矣臣謹具疏恭
謝以

聞康熙三十年六月十六日奏奉

旨該部知道

清忠堂奏疏

奏謝三

五次衛所屯田減則

題為遵

旨編輯全書告竣進呈

御覽頒行天下事據都使司呈詳該臣看得粵東衛

所新墾屯田仍照減則徵收一案經臣四次具

題部議未允竊思屯糧關係

國課苟可勉力徵輸臣亦何敢再為瀆

請惟是節年報墾之地盡屬荒蕪應停止徵收難

清忠堂奏疏

全書一

定向因減則徵收每年尚有承墾之人及開復

照原則遂爾農足不前歷次造報有案可考查

粵省民地每畝科則多少不等輕者或二三五

升極重者至八升入合零而止乃屯地科至三

斗幾於五六倍之多夫屯地與民地彼此無殊

而屯糧與民糧輕重懸絕宜乎再四呼籲之不

已也若使成熟之地收穫果多屯丁果盡得所

不致萬分艱難豈敢下狗聚情上虧課額且因

見在

請減之際是以未便將督徵經徵各官

題參今自康熙二十五年起已少徵米十餘萬石

按年補徵併在一旦窮丁焉能照數輸納將來

軍逃田荒勢所必至總之此案在部臣從錢糧

起見

請照原則徵收上充

朝廷之賦在臣從地方起見

清忠堂奏疏

全書二

請照減則徵收下墾屯丁之困蓋臣身膺重任為

國為軍皆職分以內之事斷不敢顧屯丁而忘

國計既目覩其情形心知其困苦安忍不力為

上陳且臣亦何難遵照部文轉行各屬督徵經徵一

有不力不過按年報參但於弁丁受累無窮於

國賦亦終無補其何以仰副我

皇上愛養元元不使有一夫不獲之至意乎或者謂

民田則例銀米金徵屯田止徵本色所以輕重

不及詳查粵省銀米並徵不過十餘州縣其額甚輕餘則係按畝派米折銀徵收所徵本色仍於額折銀內扣算減徵非盡於科糧之外更有編賦軍民一體課額相懸又安忍不為額請旨伏覲我

皇上恩隆覆載澤遍寰區卽如臨高澄邁吳川積年荒殘無徵錢糧歲事迫參官民交困十餘年來終于懸欠直至

清忠堂奏疏

全書三

特沛恩綸槩行蠲免濱海之間一時歡聲雷動大有起色今此案卽照減則徵收已同民地極重之則窮丁尙不能完若必仍復原額又復按年補徵敲朴追比丁佃困苦勢必拋田逃避現在之糧不能徵輸已望之上復成荒棄將來又如臨澄等縣參革多官終於無濟臣因其知灼見不憚五次貢陳仰祈

皇上俯鑒下情

恩准減則併豁免補徵之項則通省弁丁感沐皇仁于無既矣茲據該司具詳前來臣謹會同兩廣總督臣石琳合疏具

題伏乞

勅下該部議覆施行康熙三十年六月十六日題七月二十七日奉

旨該部議奏該戶部等查得廣東巡撫朱弘祚疏稱粵東倘所屯糧仍照減則徵收一案經臣四次

清忠堂奏疏

全書四

具題部議未允屯地與民地無異而屯糧與民糧輕重殊絕屯地卽照減則徵收窮丁尙不能完若仍復原額又按年補徵丁佃困苦勢必拋田逃避又如臨澄等縣參革多官終於無濟臣因其知灼見不憚五次貢陳仰祈

皇上俯鑒下情恩准減則併豁免補徵之項等因前來查先經該撫以屯地瘠薄科則數倍於民糧請仍照八升八合零之例徵收臣部以屯田暫

照民田科則徵輸金非永遠減除覆令按年補徵在案今該撫既稱屯地即照減則徵收窮丁尚不能完若復原額窮丁困苦勢必拋田逃避五次陳請減則應將新墾屯田准其仍照民田科則八升八合零徵輸應行該撫將未墾屯田設法勸墾俟荒屯盡墾成熟之日仍照原額徵收可也康熙三十年閏七月初五日題本月初七日奉

清忠堂奏疏

全卷五

旨依議

康熙二十九年分錢糧奏銷考成

題為

奏銷康熙二十九年錢糧等事該臣看得廣東省

康熙二十九年分民屯正襟錢糧例應造冊

報銷經臣催據該管司道各官冊報通省民屯地丁

襍稅錢糧均平恤餉當餉商稅香山澳地租學

租扣追降任罰俸武職扣缺俸薪逃故兵丁截

贖餉米等項除抵補魚課虛米部差徵收廠稅

清忠堂奏疏

卷五

奏銷一

手

雷祭雷降修理天妃宮改徵本色米價驛傳鹽課及病故革職等官應免并現請免追降罰俸外實該徵銀一百三萬七千八百一兩八錢二分零內係一項地丁存雷節年墾復起徵地畝魚課新增丁口稅契匠價襍稅陞科雕漆衣裝及奉文歸入起運運裁併衛所屯丁等項實徵充餉銀八十七萬五千五百五十八兩六錢五分零一項存雷均平差壯官役俸廉膳夫及都

司作食等項連濠租協助共實銀一十三萬七千二百四十五兩三錢二釐零一項文武職降住罰俸銀九千二百兩九錢八分五釐五毫零一項武職各官扣缺俸薪銀六千四百五十兩八錢二分三釐零一項當戶稅餉銀七百三十五兩一項全書已載未載鐵爐餉銀八百一十二兩七錢五分一項逃故兵丁截贖餉米共扣銀一千八百七十三兩八錢九分零一項廣州

清忠堂奏疏

卷三

奏銷三

聖

府稅課司商稅并溢徵銀二千二十六兩五分八釐一項香山縣濠鏡澳地租銀五百兩一項屯耗地租屯丁銀一千七百四十兩三錢一釐零一項學租銀一千六百五十八兩五分七釐零今已徵完支銷買辦起解香料價值康熙二十九年分官兵俸餉朋扣米草價起解人官人口糧糧官役口糧馬草舉人迎宴旗匾酒席會試水手又職與都司衛所俸工曆日解戶

水腳世職俸銀食生燈油併撥充康熙三十年兵餉暨候支經費等項又各官侵那虧缺另案參追共銀九十萬一千七百四十六兩五錢四分一釐五毫零內一項地丁銀內動支買辦

上供物料香價解官水腳起解人官人口糧糧官役口糧馬草舉人迎宴旗匾酒席會試水手共銀一萬六千八百九十二兩一錢四分二毫零又支給康熙二十九年官兵俸餉朋扣米草

清忠堂奏疏

卷三

奏銷三

聖

價銀五十五萬三千三百四十四兩五錢六分二釐八毫零又奉撥支康熙三十年兵餉完解司庫銀二十萬又完時州縣庫候支舉人迎宴旗匾會試酒席水手銀二千六百五十八兩二錢七分六釐四毫零又始興縣病故知縣魏琪瓊山縣革職知縣修世南各官徵完侵那虧缺共銀六千八百五兩八錢一分六釐四毫零經臣分案

題奏審究應于各案追完另報一項存留備支銀

內支給官役俸工曆日解戶水腳祭祀孤貧口糧製造

表箋抵解無徵魚課米等項共銀一十一萬九千

五百四十七兩七錢二分四毫零又有司庫候

支經費銀六十七兩七分二釐七毫零又完貯

府州縣庫候支經費銀三百六兩四分七釐七

毫零又始興縣病故知縣魏琪徵完侵缺畱支

清忠堂奏疏

卷五 奏銷四

聖

銀三百二十四兩應于案案追補另報一項降

住罰俸銀內支世職俸銀一百四十二兩八錢

四分七釐二毫零一項學租支給貧生銀一千

六百五十八兩五分七釐八毫零又已徵完貯

庫候撥銀一十一萬一千六百九十四兩八錢

四分七釐五毫零內係一項地丁銀內已完解

貯司庫銀七萬四千七百六十八兩四錢五分

六毫零又完貯府縣庫銀二千一百三十六兩

五錢三分四釐三毫零一項存留備支銀內已

完解貯司庫文職缺官馬夫師生缺俸廩膳衛

所缺官俸新銀三千二百九十八兩二錢七分

一毫零又完貯府州縣庫文武缺俸廩膳銀二

十兩一分八釐四毫零又完解司支剩充餉解

戶水腳曆日月小銀九千四百四十一兩八錢

六分九釐六毫零又完貯府縣庫解戶水腳曆

日銀一百五十六兩二錢五分二釐一毫零一

清忠堂奏疏

卷五 奏銷五

聖

項文武降住罰俸已完解司及扣貯共銀六千

六百七兩二錢三分九釐四毫零又完貯府縣

庫銀一千一百二十七兩三錢八分八釐九毫

零一項武職各官扣缺俸新銀六千四百五十

兩八錢二分三釐零一項當稅完解司銀七百

三十五兩一項糧餉完解司銀八百一十二兩

七錢五分一項逃故兵丁截贖餉米共扣銀一

千八百七十三兩八錢九分一釐三毫零一項

商稅并溢額完解司銀二千二十六兩五分八釐一項香山澳地租完解司銀五百兩一項屯耗地租屯丁已完解司銀一千七百四十兩三錢一釐八毫零尙荒逃無徵應除銀一萬一千四百九十二兩七錢七分三釐零尙未完銀一萬二千八百六十七兩六錢五分七釐八毫零內係一項地丁起存等項荒逃無徵銀一萬二千九兩二錢八分一釐五毫零未完銀八千九百二十三兩五錢八分八釐一毫零一項存留銀內荒逃無徵文職俸廩膳銀一十七兩七錢五分一釐七毫零又無徵畱支銀一千四百四十五兩七錢三分九釐七毫零未完文職缺俸廩膳銀八十一兩二錢一釐九毫零未完畱支銀二千五百三十九兩三錢五分七釐九毫零一項文職降任罰俸未完銀一千三百二十三兩五錢九釐九毫零又額徵本色民屯米三十

清忠堂奏疏

卷三 奏銷六

奏

三萬二千八百九十八石五斗八升零今已徵完支銷俸糧馬料米三十二萬六千二百一十四石八斗四升零內支給康熙二十九年官兵俸糧馬料米三十二萬六千一百八十石一斗七升五合零又支關差官役俸糧米三十四石六斗六升六合零又徵完貯倉米五千八百二十七石五斗五合零尙荒逃無徵應除米八千五百六十二石三升五合查各衛所屯糧康熙十年以後起徵墾復荒遷田畝臣屢啟都司飭行各衛所照依全書原則徵收復據各衛所官弁并沿海屯丁節次呈訴節年開墾荒地實係斥鹵不堪歲止一熟萬難遵照原則完輸臣現在另疏題請仍照減則徵收今康熙二十九年分屯糧節年墾復田畝仍以減徵收數造報至催徵各官除革職病故與一年內二三官經營及在歲內

清忠堂奏疏

卷三 奏銷七

奏

歲外正項已完而留支未完開列在冊外所有

督徵民糧正祿銀米歲內全完十分官廣州府

現任知府劉茂洛等又未及週年督徵正祿銀

米歲內全完十分官廉州府現任知府董昭祚

經徵民糧正祿銀米歲內全完十分官南海縣

現任知縣胡雲客等又催徵屯糧歲內全完除

廣州右前等衛所俱有節年墾復田畝照減則

徵收銀米雖在歲內全完但墾復屯田之案臣

清忠堂奏疏

卷五

奏銷八

奏

現在另疏

題請仍照減則科徵應候部覆

允准之日另請議敘外所有額徵熟米照原則徵收

經管週年并未及週年歲內全完十分官連州

所現任千總吳萬等以上各官候部議敘督徵

民屯錢糧未完開列在冊候部分別查議又吳

川臨高澄邁三縣錢糧臣先于恭繳

上諭事案內請自康熙二十九年超徑照實在熟額

徵收奏銷

題明在案應照實額銷算理合聲明又

新例每年奏銷時令巡撫親身盤察司庫如無虧空

于奏銷本內保

題今廣東省康熙二十九年分存剩地丁正祿錢

糧與各年各案銀兩臣逐一查核內有已撥康

熙三十年兵餉現在支給與存貯候撥候支現

貯銀兩經臣親赴司庫公同在省司道各官盤

清忠堂奏疏

卷五

奏銷九

奏

察金無虧空相應保

題再查粵東向遭兵燹地方荒殘每年額徵錢糧

必歷大至數萬餘兩臣抵任以來宣布

上諭嚴飭所屬盡革雜派耗羨按時酌量催徵其未

完之數近年漸減今吳川等三縣無徵積欠又

蒙

皇恩賜免所有二十九年民糧歲內全完六十餘員

起運銀兩止未完入千九百餘兩亦見司道府

等官仰遵

聖諭督徵經徵咸盡厥職既經司道造冊呈詳前來

除冊揭送部科外臣謹會同兩廣總督臣石琳

合疏具

題伏乞

勅下該部核覆施行康熙三十年六月十九日題聞

七月初二日奉

旨張建績等若議處具奏該部知道欽此該戶部等

清忠堂奏疏

卷三 奏銷十

卒

查得廣東巡撫朱

弘祚

將粵省康熙二十九年

分徵收地丁正雜錢糧併完欠各官職名造冊

保題前來查冊開二十九年應徵地丁銀一百

二十七萬四千二百四十七兩八錢八分零又

太平橋稅銀三萬二千六百二十八兩一錢四

分零又衛所及文武各官住劄俸并商稅漳和

等銀二萬六千六百五十三兩四分零三項共

銀一百三十三萬三千五百二十九兩零內將

地丁銀二十二萬七千七十二兩五錢零改徵

米二十一萬六千五百四十四石三斗七升零

又本色米三萬一千五百四十四石七斗一升

零衛所屯米八萬四千八百九石四斗九升零

共米三十三萬二千八百九十八石五斗八升

零內准銷銀二萬三十三兩四錢零米三十四

石六斗六升零另案查核銀八十三萬一百一

十一兩一錢零米三十二萬六千一百八十石

清忠堂奏疏

卷三 奏銷十一

空

一斗六升零駁查銀一萬四十一兩二錢四分

零米八百五十六石二斗三升零存剩銀九萬

八千七百七十八兩四錢零米五千八百二十

七石五斗零未完銀一萬二百四十七兩八分

零又存需銀一十三萬七千二百四十五兩三

錢零其支解各款開列于後一買辦本色白蠟

銀珠等項并水腳共銀八千五百五十八兩二

錢九分零等語查與收數完價相符應准開銷

一支給世職官俸及起解入官人口口糧銀一百五十五兩一分零開差官員米三十四萬六斗六升零等語查係應給之項應准開銷一給舉人迎宴旗匾及會試盤費共銀八千三百二十一兩六錢七分零又學租銀一千六百五十八兩五分零支給各學貢生等語查係應給之項應准開銷一免追革職病故休致等官住罰俸銀一千三百四十兩三錢七分零等語查既

清忠堂奏疏

卷三 奏銷

空

係革職病故休致官員住罰俸銀例應免追應毋庸議一撥二十九萬兵餉地丁銀五十五萬三千三百四十四兩五錢六分零太平橋稅銀三萬二千六百二十八兩一錢四分零米三十二萬六千一百八十石一斗六升零又鹽課銀一百二十一兩一錢七分零等語應于兵馬奏銷及鹽課奏銷案內查核一撥三十年兵餉銀二十萬兩等語應俟三十年兵馬奏銷之日查

核一支給驛傳銀三萬四千五百五十三兩一錢二分零等語應俟兵部奏銷送到之日查核一始與縣病故知縣魏琪瓊山縣革職知縣佟世南校那共銀六千八百五兩八錢一分零已經另案題奏追補等語應于奏案內追結一候支結舉人迎宴旗匾等銀二千六百五十八兩二錢七分零等語應俟支給之日報部查核一

清忠堂奏疏

卷三 奏銷

空

荒逃無徵銀一萬二十九兩二錢八分零等語米八百五十六石二斗三升零于恭敘上諭事案內題銜等語查該案內止諸免康熙十八年起至二十八年止金未將二十九年銀米歸免之處前項銀米係二十九年銀米仍令作速催徵完報一雷支致祭天妃官銀一十一兩九錢六分零等語查前項銀兩金未開明係何項銀內支給之處應查明報部一存剩銀九萬八千七百七十八兩四錢零米五千八百二十七

石五斗零等語應存貯倉庫候部文撥餉一未
完銀一萬二百四十七兩八分零等語應作速
嚴催完報一存雷項下銀共一十三萬七千二
百四十五兩三錢零內一支給祭祀曆日官俸
役食銀一十一萬九千五百四十七兩七錢一
分零等語係應給之項應准開銷一支剩充餉
銀一萬二千九百一十六兩四錢零等語應令
存貯候部文撥餉一存候支給官俸役食等銀
三百七十三兩一錢二分零等語應俟支給之
日報部查核一始與縣病故知縣魏琪侵那銀
三百二十四兩已經另案參追等語應於案案
內追結一未完銀四千八十四兩四分零應速
催完報至於督催經徵各官除一年內二三官
經徵及病故革職不議外其餘內督徵經徵全
完十分廣州府現任知府劉茂濬等七十一員
應開列職名交與吏兵二部議敘至督徵未完

清忠堂奏疏

卷五

奏銷五

空

百依議

清忠堂奏疏

卷五

奏銷六

空

巡撫朱弘祚等十員應開列職名未完分數交
與吏部議處及未完文職缺官等銀署澄邁縣
事離署瓊山縣現任縣丞劉養樸等七員開列
職名交與吏部議處又疏稱吳川縣雜稅印冊
疊催未據造報遲延署吳川縣事電白縣現任
知縣彭玉振相應題奏等語亦應一併交與吏
部議處可也康熙三十年閏七月二十一日題
本月二十二日奉

旗兵打造烏鎗

題為請演火器兵丁以壯軍威以冀戰備事據布政司呈詳該臣看得駐防廣州漢軍兵丁部議一半演習烏鎗將都司庫貯堪用者揀選撥給若不足動用正項錢糧打造工完造冊具

題查核臣經轉行查揀撥給茲據布政使張建績呈稱都司局內存貯烏鎗內揀有堪用一千五百杆但係康熙十八九等年陸續收到捐助及

清忠堂奏疏

卷三 火器一

奏

投誠陣獲并逆藩家烏鎗式樣短小不能多著藥彈施放不遠且鎗口鐵薄不耐久放不適旗兵之用仍應存貯聽候另撥金請照旗式打造前來臣等查旗兵演習烏鎗關係緊要會商將軍臣拜音達禮副都統臣魏黑納修徵年成以前項烏鎗不能久放作速造給以應照式堅固節省打造開長大厚重烏鎗一千五百杆并杆需用工料銀三兩三錢一分四釐共銀四十二兩

九百七十一兩內除將庫存廢器熟鐵二萬一

千三百七十八斤零奏充料用該除銀二百九

十九兩二錢九分零實用銀四千六百七十一

兩七錢零移會選撥能識烏鎗旗員兼同打造

相應具題

請撥餉款以便遵照核實

臣銷既經該司造冊呈詳前來除冊送部查核外臣

謹會同兩廣總督臣石琳合疏具

清忠堂奏疏

卷三 火器二

奏

題伏乞

勅下該部議覆施行康熙三十年六月二十二日題

閏七月初一日奉

旨該部知道欽此工部查得先准兵部咨稱川陝總

督馬 題前事議政王等議覆得各省駐防兵

丁特備地方防守教習烏鎗火器兵丁既有益

于事應將西安漢軍馬兵內挑選一半學習烏

鎗又京口杭州廣州福州俱駐防漢軍官兵將

此四處駐防漢軍馬兵內若一半學習烏鎗給與烏鎗火藥鉛子之處著工部議奏等因臣部以西安京口杭州廣州福州此五處一半學習烏鎗兵丁需用烏鎗藥彈俱行令該將軍副都統督撫等將各省收貯烏鎗藥彈揀選撥給將不足者造給等因具題行文在案該臣等查得廣東巡撫朱弘祚疏稱駐防廣州漢軍兵丁部議一半演習烏鎗將庫貯烏鎗揀選撥給若不足動用正項錢糧打造工完具題臣會商將軍拜音達禮等咸以旗兵演習烏鎗關係緊要舊烏鎗式樣短小施放不遠且鎗口鐵薄不耐久放應照式節省打造據開長大厚重烏鎗一千五百桿除庫存熟鐵湊用除銀二百九十九兩二錢零實用銀四千六百七十一兩七錢零等因造冊具題前來查該撫既稱庫貯烏鎗俱係式樣短小不耐久放等語應准製造烏鎗一千

清忠堂奏疏

卷三

大器四

交

五百桿又冊開製造烏鎗每桿銀三兩三錢一分四釐等語查製造烏鎗所需工料俱與例浮多應行該撫核減造冊具題到日再議可也等因康熙三十年閏七月十四日題本月十六日奉

旨依議

清忠堂奏疏

卷三

大器五

究

請動捐穀賑民

題為題明事據布政司呈詳該臣看得粵省農民素少積蓄且負山濱海外難接濟所以年成豐稔米穀較賤倘水旱稍有不時糧食即時騰長數年以來仰賴

皇上洪福時和年豐不意自去冬以至今年春夏雨澤久愆雖經播種早稻少收近者各屬漸次得雨然距秋成之期尚遠據各府屬具文申報行

清忠堂奏疏

捐賑一

據布政使張建績等查議會詳前來臣查常平倉捐積米穀原以備賑荒歉向有不時賑給報銷之例當此青黃不接之候米價踴貴自應速為平糶賑貸以廣

皇仁除行各府屬不暇察看情形如有米穀仍貴之處減價平糶令地方官於秋成照買還倉倘有不足即照捐補或量行借給免取生息計其冬間償還再果有真正窮民即令州縣官動支倉

穀親行賑給俟歲終彙冊報銷兵米有催徵不前者亦於倉穀內暫時通融給發仍陸續徵收補項不過稍為轉移於民生實有裨益臣等身在地方見小民適遇亢暘早收既薄晚種無資艱於謀食乃仰體

皇上愛養生民至意及時補濟以望秋收因粵東距京遙遠往返動須數月若必待題

報始動倉穀恐稽時日業經飭令各屬加意軫恤毋

清忠堂奏疏

捐賑二

致失所相應具疏

題明查各屬詳報之後雨澤漸霑幸不成災毋庸委官往勘取結合併聲明臣謹會同兩廣總督臣石琳合疏題

報伏乞

睿鑒勅部議覆施行康熙三十年六月二十二日題

閏七月初一日奉

旨該部知道欽此該臣等查得廣東巡撫朱弘祚疏

稱常平倉捐積米穀原以備賑荒歉當此青黃不接之候米價踴貴自應平糶賑貸以廣

皇仁除行各府屬不時察看情形如有米穀仍貴之處減價平糶令地方官員秋成之時照買還倉倘有不足卽照捐補或量行借給冬間償還再有真正窮民卽動支倉穀賑給其兵米有催徵不前者暫時通融給發仍陸續徵收補項今各屬詳報之後雨澤漸霑幸不成災等語查該撫

清忠堂奏疏

捐賑三

既稱常平倉捐積米穀原以備賑荒歉當此價值踴貴自應平糶借給賑貸俟秋成照數照買還倉倘有不足卽照捐補其兵米有催徵不前者暫時通融給發俟徵收補項俱如該撫所請俟秋收之時照數催徵貯倉毋致朽爛仍將借給及通融給發賑貸穀石數目開明造冊報部查核可也康熙三十年閏七月十六日題本月十八日奉

旨依議

清忠堂奏疏

捐賑四

三十年秋審

趙爲恭

請酌定

朝審秋審分別之例以廣

皇仁事據按察司呈詳該臣看得粵東秋審十三案

一起王瑞昂因族人與李姓爭水被毆謀欲還

毆李姓之人適與李浩源相遇瑞昂執棍奮擊

立斃覆審自認情真一起黃向辰因爭樹餘斃

清忠堂奏疏

卷三

秋審一

七

死黃天球復謀制死無服族叔黃四公抵賴覆

審自認情真一起黎見雄強奪舖屋不遂持鎗

逐刺屈壽球身死覆審自認情真一起趙應操

因爭祖山追毆趙已立仆地復砍重傷殞命覆

審自認情真一起何逢太因強評帽價相噍趕

打蘇起潛立時打死覆審自認情真一起黎玉

瑄強押良民楊士烈到家學戲假哭瞞印不肯

放回因其脫逃親自率黨鎖拿復噍烈母吳氏

救護輒用棍又毆死蒙恩克憐至此已極覆審

自認情真一起藍廣生因渡頭偶遇王癸長醉

後登舟適以扁挑誤撞廣生立毆斃命覆審自

認情真以上王瑞昂黃向辰黎見雄趙應操何

逢太黎玉瑄藍廣生七犯合照原擬斬絞應決

一起周尙元因充惠州府庫吏康熙二十六七

年各屬解府錢糧共加收得平頭銀五百兩覆

審招認無異但據稱所得平頭銀兩爲本官備

清忠堂奏疏

卷三

秋審二

七

辦心紅紙劄等項支用情有可原一起蘇德芳

因與妹夫陳士廣兩眷同居伊妻明氏夢寐中

似覺有人摸腿次早語知德芳致疑士廣行姦

心中懷恨後在舖對飲酒醉士廣罵德芳懶惰

欲收本銀觸動舊忿用刀砍死士廣覆審招認

無異但該犯先疑士廣行姦繼因士廣醉罵觸

忿砍死情有可原一起余成用夜間巡緝私鹽

遇見李毓蒼等挑鹽跑走扎死毓蒼覆審招認

無異但因疑爲私販持鎗亂刺情有可原一起
汪祿因向袁朝盛索債角口持刀恐嚇致傷朝
盛左耳田應浩赴救被戮身死覆審招認無異
但祿因見傷人情急力圖脫身誤傷應浩初無
必死之心情有可原一起楊登九因催鹽課見
許仲英端坐不理棍毆仲英身死覆審招認無
異但催課原係急公而端坐亦覺無禮且仲英
越二十日身死並非有心欲殺情有可原一起

清忠堂奏疏

卷三 秋審三

主六

鍾承錫因目認已故譚氏爲母同鍾仕進賴稱
鍾文相放火燒死捉詐文相父子銀兩又兆科
兆佳因鍾仕進勒詐鍾文相鍾逢年梁帝聖劉
氏等銀兩山地房屋二犯聽從主使前去捉拏
動手細打推倒廖氏墮胎覆審各招認無異但
鍾承錫雖係光棍爲從然當日不過倚附聲勢
聽憑鍾仕進驅使今首犯仕進已正典刑鍾承
錫情有可原以上周尙元蘇德芳余成用汪祿

楊登九鍾承錫六犯似應緩決至兆科兆佳皆
爲鍾仕進奴僕當日所行之事係聽伊主指使
情有可矜應否減等以廣

皇仁綏候部議既據該司會審備造各起招冊詳解
前來經臣公同覆勘無異除將各招冊揭送刑
部都察院大理寺會核外臣謹會同兩廣總督
臣石林合疏具

題伏乞

清忠堂奏疏

卷三 秋審四

主七

勅下三法司核覆

上請行臣等遵奉施行康熙三十年六月十二日題
該刑部會同九卿詹事科道會看得王瑞昂黃
向辰黎見雄趙應操何逢太黎玉珪俱照前擬
于冬至以前正法周尙元鍾承錫蘇德芳余成
用汪祿俱仍應監候緩決兆科兆佳楊登九俱
免死減等照律會妻流三千里至配所各折責
四十板向楊登九名下照律追埋葬銀二十兩

給付死者之家等因康熙三十年九月初三日

題初八日奉

旨這情真王瑞昂黃向辰黎見雄趙應標何逢太黎

玉瑄俱依擬處決周尙元鍾永錫蘇德芳余成用

汪祿俱著監候緩決情有可矜各犯此科等俱依

議免死減等發落

清忠堂奏疏

卷五 秋審五

夫

清忠堂撫粵奏疏卷十四目次

聖德獨超 恭請 允府徽覽

直陳東省 清查並無冤苛稅賦

殺死夫命 岑信榮招擬

打死僧命 李亞三招擬

打死姪命 余龍川縣潘好讓承審遲延

嚴拿私鑄 佛山居民羅秀長等私鑄招罪

支領俸銀 降住司俸照現支數扣解

清忠堂奏疏 卷十四 目次

一

打死父命 姜連鳳招擬

打死夫命 黃壯君招擬

欽奉

上諭 審擬盜犯陳亞弟等招由

乞天驗雪 盧伯寧招擬

請嚴保舉 保題異途出身各官

行取官員 銜送再勞二介歷休已滿允其行取

恭謝

天恩 吳臨澄三縣叩謝餘免荒殘

強賊刦殺 盜犯顏志廣等招擬

強盜刦殺 盜犯張化生等招擬

打死男命 吳殿柱招擬

強盜刦家 盜犯李亞邦等招擬

謀財殺命 陳大章等招擬

活殺給命 鄒衍來招擬

清忠堂奏疏

卷十四

二

清忠堂撫粵奏疏卷十四

恭請 允膺徽號

奏為

聖德獨超今古曾天莫不尊親恭請

允膺徽號以光萬年之史冊以慰萬國之臣民事欽

惟我

皇上誕敷文德載績武功西被東漸南諧北變海寓

之內無一民一物不得其所近者喀爾喀懷

清忠堂奏疏

卷一

德畏

威傾心歸化皆由我

皇上府算神謀拯其困厄

開誠布教加以撫綏當

舉華親蒞之時慰絕域來蘇之願歡聲雷動

聖化風行服從古未臣之人成

盛朝無外之治帝德王功我

皇上兼而有之固應

茂膺徽號昭示來茲乃廷臣上請

聖意淵冲謙辭不受

新綸隨播圖治益殷盛典未獲

允從羣心猶然覲望夫以我

皇上聲教四訖卽此抑強綏遠實可當顯隆之名以

光前烈以

俗後昆况自我

皇上御極以來未明思衣向晨忘食尋求治理念切

清忠堂奏疏

敬覽二

生民三十年之內

萬幾日親片時無曠是

皇上聽政之勤爲自古帝王所無也至若

郊社

宗廟之禮以時而舉必躬必親備物合歡嚴恭寅畏是

皇上敬

大尊

祖之誠爲自古帝王所無也至若

爲孺慕之忱隆四海之養問安不輟視膳惟虔當

太皇太后慈體違和之時進樂

觀音祈

大益昇及

崇宮午掩毀殆不勝

欲行三年之通喪以舉百世之曠典迨王公卿士交

章勸止至再至三我

皇上重違羣情

清忠堂奏疏

敬覽三

節哀從議雖

歸晏已收猶然敬粥

山陵既就尚爾素衣爰暨附

朝禮成

洪恩錫類是

皇上奉

親之孝爲自古帝王所無也至若

人縱之查閣律聖之學情一上銘乎唐虞淵源直探

夫洙泗崇儒重道

親謁孔林講義談經時

臨甲帳琴經以大

頒行通鑑實多

論斷

聖文格被

府澤光華是

皇上之禮樂文章爲自古帝王所無也至若

清忠堂奏疏

敬覽四

知稼穡之艱難

軫閭閻之疾苦竟征減賦之

詔史不勝書出帑發粟之

恩遠無弗屆災荒甫告

音澤隨施晴雨少愆

祈求必應而又

清閭下民哀矜庶獄曲事生全屢停秋審

好生之德洽于民心

解網之仁決于天下是

皇上之至仁至慈爲自古帝王所無也至若觀風問

俗

聖駕謁巡州縣無供億之煩黎庶獲蠲租之

賜一時樂帛迨及高年嘯世

仁恩不遺下戶是以黃童白叟幸視

天顏巷舞聞歌頌出

盛格是

清忠堂奏疏

敬覽五

皇上得兆姓之歡心爲自古帝王所無也至若

聖武布昭

皇仁遐暢海外之地盡入版圖荒服之遙咸脩職貢

或聞風而慕義或重譯而受書是

皇上化隆設戢爲自古帝王所無也至若

大經大法載在章程

一語一言垂爲典則

美善多端尤難悉數臣歷觀往古準之當今如我

皇上道隆德備業廣功崇誠至矣極矣無以加矣前
代帝王有一於此其時之臣民仰相率而上休
美之稱使當時頌之後世傳之蓋上善于君臣
子之誼宜然耳今廷臣上請而未
允是

聖主之謙也一請不已而再請實臣子之誼也况
受

皇上特達之知膺不次之擢巡撫粵東已踰三載每

清忠堂奏疏

微覽六

瞻望

闕廷不勝眷戀惟有飲冰茹蘗早作夜思竭其駑駘
之力宣布

皇上威德仰報

隆恩近又蒙

皇上無微不燭

軫念高境二府田畝荒蕪宿逋致累

特頒上諭命臣行查及臣繕疏入

告以十餘年之積欠十餘萬之正供一旦盡蠲
詔免山陬海澨之間咸慶更生莫不望

闕感頌踴躍歡呼夫被淪肌浹髓之

恩使聞

皇上有聖德神功之號實粵之士民所翹首而望

耳而聽者也臣因受

恩最深奉勅封疆大吏情不能已且上稽堯舜之聖

當時臣工如伯益皋陶伊尹之列益之稱堯

清忠堂奏疏

微覽七

曰乃聖乃神乃武乃文早陶之稱舜曰帝德罔

愆因為悉數其事不一辭而足自是而後臣之

頌君載在簡編者難以殫述蓋臣子之愛君惟

恐尊崇之未盡發於中心之誠而然也臣至愚

極陋幸際

昌期上遇

堯舜之主下撫臣民之意仰請

皇上俯從草議

允膺徽號以光千古臣不勝欣忭激切之至緣以恭

請事理字多逾格貼黃難盡伏乞

皇上俯賜全覽施行奉

旨知道了該部知道

清忠堂奏疏

徽號八

清查稅畝

題為直隸東省詭寄積弊請均賦役以慰民困事

據布都二司呈詳該臣看得粵省向日用兵之

時差徭繁重兼之展界田畝招墾荒蕪未分因

而劣矜勢棍乘機包攬目免在所必有臣蒞任

之初恪遵

聖諭嚴禁雜派清理錢糧察核稅畝又通飭各屬分

別宦儒民三戶開造實丁實田照則徵輸使宜

清忠堂奏疏

清查一

矜與民糧不相攙混是以數年來新舊錢糧各

有頭緒積逋漸清先准部文飭查確議續又准

部行將欺隱田糧及不行查出隱田各律例立

榜曉諭因各屬並無別議隨經咨部查銷又准

部覆將欺隱田糧詭寄人等仍查明作速具

題茲行據布都二司詳覆各屬稅糧已分宦儒民

三戶徵輸無從詭寄隱蔽紳衿止免本身一丁

如有免不盡丁銀仍解充餉且雜派盡革差徭

簡少亦無庸其包匿濫免今再照直隸將各律
例在于城市關廂豎立木榜仿諭紳衿諸色人
等永遠遵守誠無俟再查而田糧自可清楚等
因前來除再嚴行各屬曉諭稽察每年終取具
州縣衛所印結存查倘有前項說寄濫免等弊
容_臣不時察拏叅處外所有現今查無欺隱偏
累緣由相應

題覆既經該司呈詳前來除印甘各結揭送部科

清忠堂奏疏

清查二

外_臣謹會同兩廣總督_臣石琳合疏具

題伏乞

勅下該部議覆施行康熙三十年八月初十日題奉
旨該部知道欽此欽遵於本月二十二日抄出到戶
部該_臣等在得粵省地丁錢糧該撫既稱見今
無說寄隱蔽包匿濫免之弊應毋庸議仍令每
年終取具州縣衛所各官印結報部嗣後如有
說寄濫免等弊該督撫印行指名題叅可也欽

旨依議

熙三十年十月初七日題本月初九日奉

清忠堂奏疏

清查三

岑信榮招擬

題為殺死夫命事據按察司呈詳該臣看得岑信

榮等致死陳象宸一案緣康熙二十九年七月

十五日象宸往索岑聖從舊通兩相爭鬪聖從

力怯急呼救援而族人岑信榮等各持鎗刀協

助致傷象宸臂脇越口身死經縣驗審傷供並

確將岑信榮等照同謀共毆人致死律分別絞

戍流杖具招解府該府改引威力主使他人毆

清忠堂奏疏

卷古

夫命一

十一

打致死律由按察司覆勘招解到臣經臣親審

詳查律文情罪未符批駁妥議仍以岑信榮下

手致命擬絞岑信持執有兇器毆有重傷擬軍

岑聖從元謀擬流岑信坤岑信奕餘人擬杖時

逢熱審軍流杖罪均照例減等餘卽省釋既據

該司招解前來臣謹覆勘具

題伏乞

飭下三法司核擬施行再照本案承審遲延聯名先

經具疏

題參在案合併聲明康熙三十年七月初二日題

閏七月十一日奉

旨三法司核擬具奏該刑部會同院寺會看得岑信

榮等鎗刺陳象宸身死該撫歷審各認情真岑

信榮合依凡共毆人因而致死者以致命傷為

重下手者絞監候律應擬絞監候秋後處決岑

信持合依共毆之人執持兇器亦有致命傷痕

清忠堂奏疏

卷古

夫命二

十一

者發邊衛充軍律應會妻發邊衛充軍遇熱審

減等應徒三年至配所責四十板岑信坤岑信

奕均合依餘人律應杖一百遇熱審減等折責

三十五板又據該撫將岑聖從引元謀律擬流

查岑聖從因力怯呼救並未謀毆但由陳象宸

索通起釁岑聖從合改依不應重律杖八十遇

熱審減等折責二十五板岑聖從所欠銀兩照

數追給死者之家可也等因康熙三十年閏七

月十七日題十九日奉

青岑信榮依擬應絞著監候秋後處決除依議

清忠堂奏疏

卷十 夫命三

吉

李亞三招擬

題為活活打死僧命事據按察司呈詳該臣看得

李亞三與僧人宗識素無嫌怨康熙二十九年

十二月二十四日偶因賭錢索負互相爭鬪宗

識先扯亞三髮辮以致亞三一時忿激拳腳交

加中傷宗識小肚腎囊等處致命印口身死歷

審傷符証確李亞三直認無辭絞抵不枉其失

察賭博職名則係陽山縣丁憂離任典史關竹

清忠堂奏疏

卷十 僧命一

吉

書現任知縣王永侯也相應附奏候部查議既

據該司招解前來臣謹親審具

題伏乞

勅下三法司核擬施行康熙三十年七月初六日題

閏七月十五日奉

吉三法司核擬具奏該刑部會同院寺會看得李亞

三毆死僧人宗識該撫歷審自認情真李亞三

合依凡鬪毆殺人者不問手足他物金刃並絞

監候律應擬絞監候秋後處決其失察賭博之

陽山縣現任知縣王永侯丁憂離任典史關竹

書俱應交與吏部議可也等因康熙三十年閏

七月二十日題二十二日奉

旨李亞三依擬應絞著監候秋後處決餘依議該吏

部議得失察賭博之廣東陽山縣知縣王永侯

照例罰俸一箇月丁憂典史關竹書照例于補

官日罰俸一箇月等因康熙三十年八月二十

清忠堂奏疏

卷古 命二

五

八日奉

旨依議

察龍川縣潘好讓承審遲延

題為活活打死姪命事據按察司呈詳該_臣看得

張臨吉等致死廖亞八一案先據龍川縣詳報

經_臣批行按察司嚴催檢審招解今據該司詳

稱本案自康熙二十九年十二月二十一日告

發到官除扣歲暮封印日期計至康熙三十年

七月十七日限滿今已屆期人犯尚未審解到

府不能依限完結將承審遲延之龍川縣知縣

清忠堂奏疏

卷古 命一

六

潘好讓職名開報外查潘好讓雖因患病請休

但既于定例相應指參候部查議理合具

題伏乞

勅部議覆施行康熙三十年七月初六日題該吏部

查得承審遲延之龍川縣知縣潘好讓已經休

致應毋庸議

佛山居民龐秀長等私鑄招罪

題爲嚴拏私鑄事據按察司呈詳該臣看得私鑄銅錢定有嚴例臣恐小民無知悞犯屢經通行出示禁飭詎有南海縣佛山堡居民龐秀長等嗜利忘法商同呂成善招佩璋置備器具購買銅鉛僱倩匠人丘學義何勝工人周亞華相國於康熙三十年正月十九日在秀長屋後開爐私鑄至二月初九日夜間被巡檢高廷臣查知

清忠堂奏疏

卷五

私鑄一

七

拏獲呂成善丘學義并起出私鑄器具銅鉛等物解赴廣州府究明同夥姓名檄發南海縣拘到龐秀長何勝等歷審供認不諱龐秀長出本爲首丘學義何勝係匠人皆應擬斬家產入官呂成善夥謀爲從擬絞立決龐恩長代弟龐榮長現充十家長不知私鑄不行舉首枷責徒配均無枉縱鄰里客陳德興審非知情賣給銅鉛查無賣錢經紀亦無輿販舖戶右鄰係井空房

該管官既經覺察拏解俱無庸議招佩璋周亞

華相國獲日另結現獲私錢銅鉛器具等物分別銷燬變價入官既據該司招解前來經臣覆勘左鄰羅氏雖係寡婦亦應照例納贖行回該司遵照外匠人何勝到爐甫經五日法難難貸情似可矜應否末減以廣

皇仁候部查議臣謹會同兩廣總督臣石琳合疏具

題伏乞

清忠堂奏疏

卷五

私鑄二

八

勅下三法司議覆施行等因康熙三十年七月十七

日題閏七月十九日奉

旨三法司核擬具奏欽此刑部會同院寺會看得龐

秀長等私鑄銅錢一案據廣東巡撫朱弘祚審

擬斬絞徒罪具題前來查龐秀長商同呂成善

招佩璋置備器具購買銅鉛僱倩匠人丘學義何

勝工人周亞華相國於康熙三十年正月十九

日在秀長屋後開爐私鑄至二月初九日夜巡

檢高廷臣查知拏獲該撫歷審各認情真曉諭
長丘學義何勝合依私鑄爲首者及匠人處斬
例俱應斬立決家產入官呂成善合依私鑄爲
從處絞例應絞立決招佩璋周亞華相國嚴緝
獲口另結現獲銅鉛器具等物分別銷毀變價
入官十家長麗恩長並鄰佑羅氏審不知情查
例內十家長鄰佑若不知情係民貢四十板等
語今該撫將麗恩長等引枷徒之例不符麗恩
長羅氏合改照贖四十板例麗恩長責四十板
羅氏係婦人照律收贖鄰鼎客陳德興審係無
干無罪釋放再該撫所稱匠人何勝到爐甫經
五日應否末減之處毋庸議可也等因康熙三
十年八月十三日題十六日奉
旨麗秀長若卽處斬丘學義何勝呂成善俱從寬免
死照例減等發與黑龍江新滿洲披甲之人爲奴
務期嚴押解到餘依議

降住罰俸照現支數扣解

題爲支領俸銀事據布政司呈詳該臣看得粵東
各府有荒州縣文職與衛所各官俸銀自康熙
二十五年起悉照除荒徵熟支領若降住罰俸
則仍照原額扣解歷年

奏報在案茲瓊州府張萬言申稱瓊郡遠在海外
各屬每因錢糧催解不前疊受叅處降住罰俸
按額難完請照現支除荒徵熟實數一例扣解

等因行據布政使司張建績查議詳覆前來臣
查粵東各官文俸除荒徵熟既與河南粵西各
省相同則扣俸似宜畫一相應具疏

題明

請自康熙三十年起凡係有荒州縣文職與衛所
各官遇有降住罰俸之案悉照除荒徵熟支領
之數一例扣解以恤窮員以廣

皇仁既據該司呈詳前來臣謹會同兩廣總督臣石

琳合疏具

題伏乞

勅下該部議覆施行等因康熙三十年七月二十三

日題八月初四日奉

該部議奏欽此該戶部等查得廣東巡撫朱弘祚

疏稱粵東各官支俸除荒徵熟與河南粵西各

省相同則扣俸似宜畫一相應具疏題明請自

康熙三十年起凡係有荒州縣文職與衛所各

清忠堂奏疏

卷十 俸銀二

主

官降住罰俸悉照除荒徵熟支領之數一例扣

解等因前來查粵東有荒州縣衛所各官俸銀

原照除荒徵熟支領其降住罰俸銀照原額扣

解並未除荒遵行已久該撫所題一例扣解之

處應毋庸議可也康熙三十年八月二十三日

題本月二十八日奉

旨依議

姜進鳳招擬

題為活活打死父命事據按察司呈詳該臣看得

姜進鳳打死顧彩英一案因彩英先曾租種進

鳳之田欠穀未清康熙二十九年六月十八日

進鳳將彩英捉回私家逼取無償繩拴棍打頗

門胸脇等處重傷十九日夜殞命先經羅定州

驗審解司轉發值季官確勘乃該犯狡稱自縊

未有成招詳請覆檢定案經按察使劉元勳檄

清忠堂奏疏

卷十 父命一

主

發該州會同東西兩縣細檢各傷前後符合頭

項並無自縊痕跡本犯倪首伏辜姜進鳳狡抵

不枉姜兆雄不行勘阻杖敲奚辭餘俱省釋既

據該司招解前來臣謹親審具

題伏乞

勅下三法司核擬施行再照此案承審遲延各官職

名先經具疏

題參議處在案合併聲明康熙三十年閏七月初

四日題八月十六日奉

旨三法司核擬具奏該刑部會同院寺會看得姜進鳳毆死顧彩英該撫歷審自認情真姜進鳳合依凡威力制縛人于私家拷打因而致死者絞監候律應擬絞監候秋後處決姜兆雄合依不卽阻當救護者杖一百律應杖一百折責四十板等因康熙三十年八月二十七日題九月初三日奉

清忠堂奏疏

卷五

父命二

三

旨姜進鳳依擬應絞若監候秋後處決餘依議

黃壯君招擬

題爲打死夫命事據按察司呈詳該臣看得黃壯君與張應文素無嫌怨緣應文以木匠營生會收壯君定錢製床業已整備不料其床被焚至康熙三十年二月初八日壯君往取應文無以爲應互相角口壯君遂用拳打脚踢致應文傷重殞命歷審供証並確黃壯君招認不諱紋抵奚辭廖啟明等供明省釋既據該司招解前來

清忠堂奏疏

卷五

夫命一

四

臣親審具

題伏乞

勅下三法司核擬施行康熙三十年閏七月二十八日題九月初十日奉

旨三法司核擬具奏該刑部會同院寺會看得黃壯君毆死張應文該撫歷審自認情真黃壯君合依凡毆毆殺人者不問手足他物金刀金絞監候律應擬絞監候秋後處決廖啟明等審係無

于應坊容議等因康熙三十年九月二十二日

題二十四日奉

旨黃壯君依擬應絞著監候秋後處決餘依議

清忠堂奏疏

卷十四 夫命二

五

審擬盜犯陳亞蒂等招由

題為欽奉

上諭事據按察司呈詳該臣看得羅定州生員黃郁

賓家於康熙二十八年九月初四日夜被盜緣

有近村居住之陳亞蒂素知郁賓兄弟家貨殷

實偶與沈麻瘋陳亞六陳士傑聚賭於陳望之

家遂起意謀劫喚同梁亞三梁亞四梁亞晚偕

往上陌橋人烏肉蛇處令伊子盤亞法糾合盤

清忠堂奏疏

卷十四 上諭一

五

公大梁亞漢盤公四共一十二人齊至郁賓門

首盤公大盤公四梁亞漢在外把風沈麻瘋盤

亞法踰垣啟戶衆擁入室沈麻瘋捉細郁賓之

父光奇用火烤燎挖取埋藏銀兩并捲掠財物

出至石牛山底分散踪光奇傷重越月殞命歷

審各盜供認情真雖贓多未獲但盤公四名下

已經起出布衫二件給主認領真盜何疑除盤

公四陳士傑取供病故不議外陳亞蒂沈麻瘋

陳聖梁亞三梁亞四梁亞晚律斬梟示不枉未
獲贓物照例變賠逸賊盤亞法盤公大梁亞漢
陳亞六又窩主烏肉蛇緝獲另結失察賭博之
地方官係羅定州吏目熊文衍州同程起周知
州秦銳應開列職名附參聽部查議本案盜犯
一十二人現獲八名已符過半之例合併聲明
既據該司招解前來臣謹親審會同兩廣總督
石琳合疏具

清忠堂奏疏

卷五

上諭二

三

題伏乞

勅下三法司核議施行康熙三十年八月初四日題

九月十三日奉

旨三法司核擬具奏該刑部會同院寺會看得查陳

亞蒂與沈麻瘋等聚賭於陳聖家遂謀行劫黃
郁賓家糾同梁亞三等偕往獵人烏肉蛇家又
糾脫逃盤亞法等同夥共一十二人各持器械
於康熙二十八年九月初四日夜到黃郁賓家

越牆進去沈麻瘋捉細郁賓之父黃光奇因
烤燎劫得銀錢衣飾等物分贓後光奇傷亡
三十六日身死該撫歷審各認情真除盤公四
陳十傑取供後病故不議外陳亞蒂沈麻瘋陳
聖梁亞三梁亞四梁亞晚合依強盜殺人不分
會否得財皆斬梟示律均擬斬立決梟示已獲
贓物給還失主未獲贓物將各賊家產變賠還
賊盤亞法盤公大梁亞漢陳亞六并窩主烏肉

清忠堂奏疏

卷五

上諭三

三

蛇俱嚴緝獲日另結其失察賭博之羅定州知
州秦銳州同程起周吏目熊文衍俱交與吏部
議等因康熙三十年九月二十七日題十月初
四日奉

旨陳亞蒂沈麻瘋陳聖梁亞三梁亞四梁亞晚俱著
卽處斬梟示餘依議

盧伯寧招擬

寔爲生生打死乞天驗雪抵償事據按察司呈詳
該臣看得盧伯寧等打死黃祥照一案緣二姓
祖塋相鄰康熙三十年三月初六日伯寧等往
山祭掃正欲脩葺而黃啟聯率其子祥照爾其
有碍風水前往攔阻兩相毆鬪祥照持棍奮毆
伯寧伯寧奪棍還擊適中祥照右太陽穴傷甚
致命盧展勦亦揮拳助毆及祥照仆地啟聯扶

清忠堂奏疏

卷五 雜貨一

无

回調治越日殞命歷審傷証並確各犯自認不
諱盧伯寧先下手致命重傷按律絞抵盧展勦
既無兇器且傷非致命律以餘人滿杖均無枉
縱既據該司招解前來經臣親審無異理合具
題伏乞

勅下三法司核擬施行康熙三十年八月初十日題

九月二十二日奉

旨三法司核擬具奏該刑部會同院寺會看得盧伯

寧等打死黃祥照該撫歷審自認情真盧伯寧

合依共毆人因而致死者以致命傷爲重下手

斬絞監候律擬絞監候秋後處決盧展勦合依

餘人律杖一百折責四十板等因康熙三十年

九月三十日題十月初四日奉

旨盧伯寧依擬應絞著監候秋後處決餘依議

清忠堂奏疏

卷五 雜貨二

予

保題異途出身各官

題為請嚴保舉之例務開宕官事實以免冒濫之

虞事據布按二司呈詳該_臣看得治民之道莫

先察吏_臣撫粵以來仰遵

聖諭凡於大小屬官時加告誡而異途出身之員尤

復諄切勸誨各盡職守用膺薦拔年來勉力自

效者多有其人然或蒞任日淺或事件未完於

例未合者_臣不敢彙行

清忠堂奏疏

保舉

上請果有才守兼優奉職無忝之員於例相符若不

保舉令其得以循序陟轉既無以鼓勵屬僚更

何以仰副我

皇上用人無方至意茲據布政使張建績按察使劉

元勳會詳稱和平縣知縣韓師愈由生員納監

准貢陽春縣知縣康善述由廩生納貢布政司

理問張拱極由准貢按察司經歷沈掄英由吏

員補授各職任內並無加派無火耗無贖貨詞

訟無腹割富民無酷刑濫罰諸弊實心奉行

上諭每月占聚眾講解重農積穀更無未完錢糧盜

逃等案以及委令查審事件料理科場錢局給

散罪囚衣食等項勤慎供辦毫無遲誤各皆奉

公守法清廉愛民興行教化才能稱職備具司

道府印結并列事實冊保舉前來經_臣等逐一

確查與例符合應將各官事實照依部文開列

入疏循例具

清忠堂奏疏

保舉二

題候部註冊既據二司呈詳前來除將印結送部

查核外_臣謹會同兩廣總督_臣石林合疏保舉

具

題伏乞

勅部議覆施行康熙三十年九月初四日題奉

有吏部知道該吏部議得陽春縣知縣康善述山西

歲貢係正途出身定例內無歲貢保舉之例將

保舉之處無容議和平縣知縣韓師愈江南准

貢保舉與例相符應准註冊陞用布政司理問
張拱極按察司經歷沈倫英俱係開散徵員隨
行衆後並無親身奉行之事保舉之處無庸議
等因康熙三十年十一月初六日奉
旨依議

清忠堂奏疏

保舉三

續送冉勞二令歷俸已滿允堪行取

題爲行取官員事據布按二司呈詳請看得行
取知縣爲

朝廷用人大典前准吏部咨行臣遵例將科甲出身
任內無未完錢糧盜案才能夙著之員咨送經
部覆

允行取陽江縣知縣范士瑾等四員其增城縣知縣
冉存異香山縣知縣勞可式當臣咨送之時雖

清忠堂奏疏

行取一

歷俸三年之期尙有一二月未滿但增城香山
邑稱繁劇錢糧向多逋累自冉存異勞可式蒞
任之後撫字惟勤催科有法不獨各任內正供
每歲全完且帶徵從前拖欠自康熙十八年起
至二十六年止逐年逐項悉皆解給民盡樂輸
邑無逋負經臣於

題敘惠州府知府王煥督催積年錢糧全完疏內
聲明兩縣實心催撫在案且計臣咨到部行回

之日其俸已歷三年臣身荷重寄敢不仰體

皇上愛惜人才至意既地方有此才能出衆之員自

應一體咨送會於咨內敘明緣由茲准部文以

臣出咨之時兩縣俸猶未滿不准行取查前次

江西省亦有續經題

請仍准行取之例今冉存異勞可式俸滿三年且各

任內並無未完錢糧盜案至其居官廉潔蒞事

精敏教化興行政績表著在州縣官之中才守

清忠堂奏疏

行取二

最爲卓越允堪行取茲據布政使張建續按察

使劉元勳會詳并具事實冊印結前來除將冊

結送部外臣謹會同兩廣總督臣石琳合疏具

題仰祈

皇上俯鑒賢能之員破格錄取則循良者益知感奮

矣伏乞

勅部議覆施行康熙三十年九月十六日題奉

旨該部議奏該吏部議得增城縣知縣冉存異香山

縣知縣勞可式前因歷俸未滿駁回今既經該
撫以歷俸已滿補送與補送董謙吉之例相符
相應准其行取可也等因奉

旨依議

清忠堂奏疏

行取三

吳臨澄三縣奏謝豁免荒殘錢糧

奏爲恭謝

天恩事據布政司呈詳該臣看得高瓊二府界居山

海向值兵荒田有汙萊賦多懸欠自康熙十八

年起至二十八年止一應正雜錢糧有額無完

民困追呼官受熬罰臣自蒞任以來見各屬具

述苦情呈請

題因上體我

清忠堂奏疏

恭謝一

皇上愛民至意先將瓊州府澄邁臨高二縣具疏

請部議未准嗣將高州府吳川縣具疏

請部乃臣疏未到

特旨已頒於此益見我

皇上子惠元元無微不至無遠弗届

九重之上每切惻憐萬里之遙時蒙

宵旰誠粵屬吏民之厚幸也臣恭奉

德音卽行查高瓊等府各屬將實係戶口稀少田畝

荒蕪徭賦無從辦納及歷年所欠錢糧數目核

明人

告於是吳川澄邁臨高二縣十餘年之積欠十餘萬

之正供一旦盡邀

賜免

旨下之日通行宣布山陬海澨澤比川流白叟黃童

歡如雷動無不望

闕感

清忠堂奏疏

恭謝二

恩叩頭頌

德各縣下情經布政使張建績據府縣申詳轉請

題謝臣歷觀前代帝王亦間下蠲租減賦之詔不

過惠及一時澤及一方然已播諸詩歌傳諸史

冊以爲盛事從未有

儉以行仁慈以恤下三十年憂勤之內歲歲

施恩數萬里幅員之中在在被

澤如我

皇上者也至粵東遠在天末我

皇上念切如傷

恩綸遐布積欠悉蠲民實有心寧不知感近者新聖

屯田又蒙

俞允燕減則徵收并豁從前少徵之項在

聖德如天固已率土均被而粵省軍民需

恩最厚宜乎謳塗舞巷共慶生成擊壤吹豳咸安作

息卽唐樂康衢虞歌解慍不是過也臣躬膺重

清忠堂奏疏

恭謝三

寄身在地方值茲萬姓騰懽聯名請

謝念其情辭肫切出自至誠因爲題

報至紳衿士民所懇除荒徵熟容臣詳加查核另疏

題

請既據該司呈詳前來臣謹會同兩廣總督臣石琳

合疏奏

康熙三十年九月二十九日奏

盜犯顏志廣等招擬

題爲強賊刦殺事據按察司呈詳該臣看得康熙

二十八年十二月二十九夜南海縣大觀堡居

民李浩傳等家被賊刦殺一案緣顏志廣探知

浩傳畜有牛隻遂起盜心在官窺墟遣子顏號

連糾黨葉亞三商同梁太元李君祐梁昌洪萬

士達湯漢清共八人會集松岡持械上盜殺死

李浩傳父子三命刦取耕牛砍傷鄰人何文會

清忠堂奏疏

卷四 刑殺一

奏

遣火焚燒何文集房椽并掠文集劉氏二家衣

物往平岡頂依分各散嗣因葉亞三別案偷牛

敗露究出同夥姓名住址陸續拘獲到官起出

贓物經主認領歷審自認情實顏志廣梁太元

葉亞三李君祐顏號連均應立斬梟示花費之

贓照例追賠湯漢清在案病故梁昌洪萬士達

緝獲另結本案盜犯八名現獲五名已符過半

之例合併聲明聽候部奪既據該司招解前來

經_臣親審無異謹會同兩廣總督_臣石琳合疏

具

題伏乞

勅下三法司核覆施行康熙三十年十月初五日題

清忠堂奏疏
卷五
月
二
光

張化生等招擬

題為強盜劫殺事據按察司呈詳該_臣看得南海

縣九江堡居民余廣臣家被賊劫殺一案緣伊

父余碧生賣柴帶錢回家被張化生探知遂與

陳兆華商謀糾合陳延輯黃偉金梁忠相關與

智共六人於康熙二十九年三月二十二晚各

持器械二更時候齊登事主之門張化生梁忠

相撞門進屋碧生叫賊拒敵受傷身死黃偉金

清忠堂奏疏
卷五
劫殺一
罕

關與智在外把風陳兆華陳延輯相繼入室掠

取財物羣至鉄潯涌尾分駐藏械魚塘各散查

緝無踪後因陳兆華又與張化生商謀行竊潛

入魚塘尋取器械適被巡夜人役撞遇罕解赴

縣究出夥黨姓名住址陸續拘獲歷審供認執

械上盜殺命分贓各招不諱駐經主認真盜無

疑除陳兆華取供病故不議外張化生陳延輯

黃偉金關與智俱應按律梟斬未獲贓物照例

雙陪本案賊數六人現獲五名已符過半

梁忠相緝獲另結既據該司招解前來經_臣親

審無異謹會同兩廣總督_臣石琳合疏具

題伏乞

勅下三法司核議施行康熙三十年十月十九日題

清忠堂奏疏

卷五 刑殺二

聖

吳殿柱招擬

題為生生打死男命事據按察司呈詳該_臣看得

吳殿柱打死吳翹向一案因康熙三十年四月

二十一日翹向向吳殿俊索取舊逋兩相爭論

適翹向之父吳仲璧踵至殿俊恐其父子攢毆

寡眾不敵急呼殿柱救援翹向惡其勸解輒棄

殿俊而毆殿柱殿柱不忿奮拳還擊適中翹向

心坎致命傷重仆地吳殿標路遇扶回至家殞

清忠堂奏疏

卷五 男命一

聖

命歷審傷符証確本犯直認不諱吳殿柱絞抵

奚辭吳殿俊梟由伊始杖懲不在餘俱無辜省

釋茲據該司招解前來經_臣親審無異理合具

題伏乞

勅下三法司核擬施行康熙三十年十月十九日題

李亞邦等招擬

題為強盜劫家事據按察司呈詳該臣看得順德

縣居民李殿禮於康熙二十八年十一月二十

八夜被劫因伊無服族姪李亞邦住居相近窺

其稍有積蓄且知殿禮出外易於行劫遂起盜

心先於二十六日糾同簡奇客張與趙張亞三

馮亞七并脫逃關作周六人在隆江墟商謀亞

邦先帶與趙探路約定是夜齊到村外桑林藏

清忠堂奏疏

卷十

強盜一

四

伏三更時分亞邦潛引羣盜從巷尾山上落巷

齊至事主門首奇客以鐵挖牆而入復用鉄鏈

毀門衆賊擁進室中搜掠首飾銅錢衣物各以

布袋裝負仍由巷尾上山而去次早將所劫贓

物帶至廣城四處變賣得錢均分花費起出餘

贓經主認領兇器貯庫李亞邦簡奇客張與趙

張亞三馮亞七均應按律駢斬立決逸盜關作

周殿緝另結花費贓物照例查產變賠本案賊

夥六人除已獲五名未獲一名已符獲賊過半

之例合併聲明聽候部奪既據該司招解前來

經臣親審無異謹會同兩廣總督石琳合疏

具

題伏乞

勅下三法司核覆施行康熙三十年十月二十八日

題

清忠堂奏疏

卷十

強盜二

四

陳大章等招擬

題為謀財殺命事據按察司呈詳該臣看得陳大

章等之謀殺雷賡虞也緣康熙三十年四月三

十日賡虞攜錢買穀脫宿陳大京家大章見財

起意商同陳六述計圖殺取伺賡虞次早回歸

遂假言赴墟六述先與偕行大章藏刀尾後至

六凹逕中乘賡虞憩食橫柳大章拔刀連砍賡

虞負傷格鬪又被六述抱倒大章復連砍五刀

清忠堂奏疏

卷五

謀殺一

聖

各取衣錢而去適有白瑞朝聞喊奔救并呼附

近鄉人追趕二犯先後就擒賡虞受傷六處經

縣驗明至五月初六日身死歷審二犯招認情

真傷証並確陳大章陳六述均應照謀殺人得

財律立斬不枉現贓給主兇仗貯庫餘係牽連

釋寧茲據該司招解前來臣謹親審具

題伏乞

鈔下三法司核擬施行康熙三十年十月二十八日

題

清忠堂奏疏

卷五

謀殺二

果

鄒衍來招擬

題為活殺弟命事據按察司呈詳該

臣看得鄒衍

來陳伯興素無嫌怨緣康熙三十年五月初五

日節屆端陽衍來登山酒後口渴闖入伯興菜

園摘瓜潤吻伯興向前阻論衍來恃氣逞兇遂

拾瓜棚木賊一擊額顛重傷仆地鄰圃李秀林

等聞聲奔赴勸救不及共扶伯興歸家當夜殞

命歷審傷符証確鄒衍來自認不諱絞抵奚辭

清忠堂奏疏

卷四

第命一

畢

李秀林等俱明省釋既據該司招解前來

臣謹

親審具

題伏乞

勅下三法司施行康熙三十年十月二十八日

保奏遊擊千把各升

題為欽奉

上諭事康熙三十一年正月初五日准兵部咨開康

熙三十年十二月十二日奉

上諭論兵部武職官員任寄封疆關係甚重必得其

人始有裨益朕所簡閱素悉之員俱已次第擢

今宜選材以備任用爾部行文各將軍總督提督

巡撫及無提督省分總兵官於武職官員內副將

清忠堂奏疏

保奏一

以下千把總以上有灼見人才勇健諳練軍務整

飭行伍愛恤士卒及行間効力曾經立功者不論

本省別省見任候補限文到三日內各舉所知保

奏不必彼此會同其在內八旗漢軍官員有人才

素優嫻於約束堪任要地者亦著各都統副都統

保奏兩部即遵諭行特諭欽此欽遵合咨前去煩

為欽遵施行等因到臣臣恭頌

聖諭仰見茂

皇上念切武備簡用人才至意臣受封疆重任留心整飭茲奉

上諭敢不悉抒所見第臣標兩營將弁無多與見在各營弁員照常供職者不敢濫舉外查肇慶城守副將吳聯瓊州水師副將熊經黃岡副將李榮映臣標左營遊擊朱元英千總袁能右營把總鍾定元廣州左翼鎮標左營千總馬龍廣州城守把總賴高又有江西南贛鎮標後營遊擊

清忠堂奏疏

保奏二

李生桂皆係見任人才勇健諳練軍務整飭行伍愛恤士卒之員臣所灼見足備任用相應具疏保

奏再准刊部文正值封印之時因奉

上諭限文到三日內保奏臣不敢稽遲謹遵限具

題伏乞

皇上睿鑒

敕部查照施行等因康熙三十一年正月初七日題

鹽課餉引鹽臣報考

題為鹽課業有專司謹具疏

題明以重職守事竊臣猥以菲材蒙

皇上簡命填撫粵東兼理鹽法臣抵粵之後將鹽政事宜次第條

奏仰邀

聖主鑒允遵行數年來催徵支解幸俱克副期限第

臣衙門綜理全省兵馬錢糧刑名各案事務繁

清忠堂奏疏

職守一

多引鹽又行於粵西并湖南郴州桂江西南贛各屬地方遙遠水陸旁維稽察難周且粵省卑商非同淮浙等處綱商可比完欠不一歷來舊例於六月內與地丁各項錢糧同時奏銷今荷蒙皇上睿照專員巡視誠於錢務大有裨益茲新鹽臣沙拜於康熙三十年十二月十三日到任接理訖以後一切完銷課引考成并帶徵未完餉銀未繳引目鹽臣自行催督料理完結其康熙三

十年分應徵之課與應納之引亦准鹽臣移覆
俟驛鹽道造送查核至期報考等因相應

題明至臣原領

敕書內有兼理鹽法字樣應否另換

頒給合候部議其原領

敕書候

新收換頒到日送部伏乞

皇上睿鑒

清忠堂奏疏

職守二

敕部議覆施行康熙三十一年正月二十日

題奉

旨該部議奏欽此欽遵抄出到吏部該臣等查廣東

鹽課先令巡撫兼理故該撫

敕書內開載兼理鹽法字樣今既設有專員料理相

應將該撫

敕書內兼理鹽法字樣刪去俟

命下之日移揭內閣另行換給其一切鹽法事件俱

以鹽臣沙拜到任之日扣限督催完結可也奉
旨依議

清忠堂奏疏

職守三

請帑高瓊二府屬荒殘無徵難徵錢糧

題為恭繳

上諭事據布政司呈詳該臣看得高瓊等府屬先年
清值兵荒戶口稀少田畝荒蕪致歷年錢糧積
欠無完荷蒙

皇上於九重之上念切閭閻萬里而遙適忝疾苦特
頒

上諭詳察積逋愛民至深憂民至切誠從前帝王所

清忠堂奏疏

錢糧一

難能史冊所罕觀者也臣謹叨

簡任身在地方敢不上承

聖意下恤民艱因查明吳川臨高澄邁并高要開平
化州瓊山昌化八州縣歷年無徵及難徵各項
并請於二十八年之後將吳臨澄三縣止照見
在熟額徵收造冊題

報隨奉部議止免吳臨澄三縣自康熙十八年起
至二十八年止無徵錢糧其各州縣難徵之項

并吳臨澄三縣請照見在熟額徵收之處部臣
均未議及竊念錢糧關係

國課苟有可催追登容州縣急緩况各州縣例有
考成一抵限期恭罰降革在所難免焉有不愛
惜功名願甘處分之理臣是以於恭繳

上諭疏內聲明各州縣未完難徵之數有容臣再行
飭追倘實在無完另疏陳奏等語乃自奉獨之
後屢行飭追不遺餘力查難徵項內高要縣業

清忠堂奏疏

錢糧二

經捐解全完開平縣亦報賠將完并各州縣陸
續徵捐及所欠皆係備支共除去銀一萬九千
六百一十餘兩外尚存化瓊臨澄四州縣難徵
未完銀兩及吳臨澄三縣無徵銀米查此項錢
糧實係荒逃夫戶口稀少縱日事招徠生聚匪
易田畝荒蕪卽間有開墾成熟甚難有額無徵
年增歲積徒累官民終無裨益茲據各府州縣
出具印結經布政使張建績造冊轉詳通共請

錫銀四萬四千五百一十四兩九錢三分零米
八百五十六石二斗三升零并吳臨澄三縣見
造康熙三十年奏冊內無徵銀米及以後錢糧
止照見在熟額徵收仍責各州縣勉力招墾接
限陞科前來臣仰見

皇上宵旰憂勞勤求民瘼無微不至弗屈
聖心仁愛蠲免時行伏祈

俯鑒滄海荒逃之額無從辦納未完之賦難以追徵

清忠堂奏疏

錢糧三

大沛

皇恩敕部議給照實徵收則小民聞風鼓舞咸思復
業共樂耕耘將戶口日增田畝日闢作息之倫

永敬

帝德於無既矣既據該司造冊呈詳前來臣謹會同
兩廣總督臣石琳合疏具

題伏乞

放下該部議覆施行康熙三十一年六月十五日

題奉

旨該部議奏欽此欽遵抄出到戶部該臣等查得吳
臨澄三縣無徵銀米實係荒逃戶口稀少有額
無徵出具各府州縣印結請免應自二十九年
以後無徵銀米准其豁免照熟額徵收仍責令
各州縣招民開墾至高要等七州縣難徵銀兩
先因該撫疏稱如其難完另行陳奏是以未經
議及今高要等三縣陸續完解外尚有化州瓊
山等四州縣自十八年起至二十九年止難徵
未完銀三萬三千二十二兩一錢零既稱民欠
難徵准其豁免仍出示曉諭百姓知悉令沾實
惠自三十年仍照原額徵收可也奉

旨依議

清忠堂奏疏

錢糧四

請暫停鼓鑄

題為粵錢搭放日多壅積難行仰

請暫停鼓鑄以沛

皇仁事據布政司呈詳該臣看得錢法貴乎流通日久漸致壅滯粵東為山海與區官鑄之錢止行本省自開爐以來每年搭放兵餉雖散之於營伍實積之於民間歷今六載用止一隅宜乎錢日益增價日以減也夫積滯既多則疏通無術

清忠堂奏疏

鼓鑄一

目今錢價每串止值銀伍錢兵丁月餉無幾按定例而支照市價而用已屬苦累且各營內有道里遙遠山海險阻者赴省領錢搬運有費則領一兩之錢尚不及五錢之用至於民間亦因錢價日減貨物難行若鼓鑄不停未免兵民交困茲據布政使張建績呈詳前來臣為恤兵便民起見謹據詳仰祈暫停鼓鑄俟錢法疏通之時如應舉行容臣再行

題請至該司見在鑄出之錢與庫存息錢仍照搭

放兵餉俟放完之日彙給全銀所放息錢年終

奏銷冊內扣除餉銀彙銷合併聲明臣謹會同

兩廣總督臣石琳合疏具

題伏乞

敕下該部議覆施行康熙三十一年六月十五日題奉

旨該部議奏欽此欽遵抄出到戶部該臣等查得康

清忠堂奏疏

鼓鑄二

熙二十八年四月內原任雲撫石琳以滇省錢多價賤兵丁領一兩銀之錢不能當三四錢之用窮兵苦累已極請將爐座暫停等因具題臣部覆准爐座暫停三年之後照常鼓鑄在案今該撫既稱粵東兵丁領一兩之錢尚不及五錢之用因錢價日減民間貨物難行兵民交困請照滇省之例暫停鼓鑄俟錢法疏通之時再行題請等語應照滇省之例將爐座暫停三年之

後照常鼓鑄其存庫錢文數目查明報部仍照舊搭放兵例放完之日支給全銀其爐座既行暫停應將原部撥鑄本銀一十六萬六千三百二十兩行令該撫貯庫候部文撥餉可也奉旨依議

清忠堂奏疏

鼓鑄三

奏謝

上差垂問

奏為恭謝

天恩事康熙三十一年七月二十四日內務府營造

司員外郎董殿邦奉

差到粵臣率領在省司道文武各官請

安畢員外郎董殿邦口傳

皇上旨意問巡撫好臣隨即叩頭謝

清忠堂奏疏

謝恩一

恩詔伏念臣蒙

皇上特簡自恭請

陛見以來已經四載有餘被

高厚之澤舉念不忘矢犬馬之忱迄今彌切粵東地

方上賴

聖主錫福年歲順成兵民安堵臣身叨重任仰荷

洪庥誠屬厚幸惟是久遠

比闕戀

主情深願臣心方結念於

九重而

聖眷乃遙傳於萬里曉聆之際如覩

天顏不勝歡抃臣又念

皇上勤求民瘼宵旰靡寧近因秦中西鳳二府歲歉

發帑運粟動至百萬病瘼獨切乎

宸衷經畫悉由於

睿慮當此多方賑濟

清忠堂奏疏

謝恩二

聖意憂勞之時乃因

上差之便

念及微臣

俯賜垂問臣自顧菲才遭逢

異數寸心感激惟有夙夜恪共益勵臣節上答

天恩於萬一也臣無任榮幸感戴之至謹具本恭

謝以

聞康熙三十一年八月初三日奏

條議非真正逆屬人員免查察

題為

聖德真同覆載萬方咸慶生成再請推廣

皇仁嚴定妄首株累之例以杜詐害以安民生事臣

伏見

皇上宵衣旰食子惠元元自

御極以來念念以愛民為先事事以愛民為本凡從

前帝王已行之德政我

清忠堂奏疏

條議一

皇上無不舉而行之凡從前帝王未行之德政我

皇上無不創而行之克寬克仁盡美盡善之端難以

悉數仰如臣近接准部文覆雲南撫臣王繼文

所題移送事一案奉

旨土司高曠驚聚陳氏年久已經生子若停其解送

仍給與高曠驚完聚嗣後逆屬婦女一聚不必行

察該部知道臣恭誦

新編附錄

聖意

九重之上曲體人情使匹夫匹婦無不各遂其願悉

得其所

皇上之量

天地之量也

皇上之心父母之心也是以蒙

恩者感切于肌膚聽聞者羣傳為歌頌臣因思于清

查廢藩人口之外尚有可以推廣

清忠堂奏疏

條陳二

皇仁者敬請為我

皇上陳之臣案查康熙二十年十二月內議政王貝

勒大臣會議逆藩下人等至雲南所立新人均

應查明令其為民又二十九年二月內部覆雲

貴督臣范承勳條奏如有逆藩下真正偽員及

偽包衣人等仍起發進京其零星存餘之輩源

源來歸者准其補伍歸農又二十九年六月內

簡沅撫臣鄭端疏稱三逆及孫延齡屬下不係

偽員偽商零星存餘之輩部議止云在雲南

伍歸農今若不查出解送恐有遺失若不論偽

員偽商凡屬會為逆屬之人盡行查出解送小

民苦累部覆別省零星存餘之輩亦令其補伍

歸農以上諸條俱奉

俞旨通行在案是各省不係真正偽員偽商沐

皇上寬大之恩如此其至也若夫粵東省會之區五

方雜處當藩焰方張之際各處商民聞風投目

清忠堂奏疏

條陳三

因親及友倚恃聲勢指解藩下者實繁有徒迫

至逆藩平定經原刑部侍郎宜呂阿來廣覘查

藩下應歸旗人員俱已造冊解京凡冊內無名

者皆釋放為民又康熙二十三年九月內兵部

咨覆廣東將軍王永譽內開覆奉

旨內事理查定南王下官兵家僕人等或尋親戚牽

連良民白米投充倚靠備資及剿殺些小土賊

所帶之人并買賣人等內無印信憑據人等除

真正遼東舊人及給銀地方官用印所買之人
外逐一清查發出爲民奉

旨欽遵在案等因又康熙二十六年十一月內部覆
前撫臣李士楨將周略等借欠尚之信等未完
債本銀一十一萬二千餘兩悉准援

赦豁免至各犯人口內如係民發回原籍等因又奉
旨欽遵在案是粵省不係真正遼東舊人及不係給
銀地方官用印所買之人并豁免借欠逆本逆

清忠堂奏疏

條議四

旨釋放歸籍者沐

皇上寬大之恩又如此其至也臣詳釋前後

詔旨

天恩浩蕩無非以此等諸人皆係

朝廷赤子不忍株累且十餘年來或經補伍或已歸
農或死亡遷徙或冊內無名在地方官實無籍
可考無法可查乃奸宄之徒因見部議應歸旗
人員尚有潛居別省者地方官隱匿不解例有

處分遂補風捉影蔓引株連將不應入官及零
星存餘之輩已經釋放歸農者視爲奇貨可居
或在內部出首或在地方官告訐希圖傾陷索
詐及至詳查辯白而官民之被累已深此不獨
粵省爲然而在粵言粵查尚逆屬下向日留粵
駐防亦有歸入上三旗者其中不無好事之人
借端索害臣撫粵數載稔知此地土俗澆薄人
心奸狡動輒勾引詭詐設有冊內無名零星存
餘之輩久已歸農保無有指爲逆屬首告貽累
小民者乎臣敢請

清忠堂奏疏

條議五

皇上垂格外之仁

勅部定議嗣後除部行高一品等及已經解部復行
脫逃人口仍嚴行查拏務獲其餘在部在外有
以原冊無名部行無名及零星存餘之輩非係
逆屬人員首告者除不准行外治以妄首之罪
其非真正逆屬人員一槩免其查察則率上官

民益頌我

皇上高厚之德矣抑臣更有請者查部行見在通緝及分移各省轉緝尚之信沈上達家應入官脫逃人口如鍾裕陳旺楊連周上進劉顯珍金嘉爵等約一二十案計百有餘人節據各府屬及外省回覆遍加躡緝實無其人內部因係入官人口屢覆屢駁迄今歲月久遠或係亡故或變易姓名莫可踪跡而轉轍行查逐都還甲取具

清忠堂奏疏

條陳六

甘結一案未了一案踵至其間不無胥役需索光棍挾詐因此株累里民亦未可定查緝拏叛犯勒限三年無獲俱令案緝今前項人口既年久通緝無踪似可比例請將粵省及雲南福建等省或有似此無獲人犯亦槩令案緝省案續之繁吏官民之累又推廣

皇仁之一端也如果臣言可採伏乞一并收部議覆施行康熙三十一年八月十七日題

清忠堂署理總督奏疏目次

恭

報署理 題報署理總督印務及起程赴

欽奉

上諭 題新會游嘉樂等被劫限滿盜犯未獲職各

拏送逃人

題參廣府劉茂洛承審塔巴一案遲延

特參管將

題參督標中軍副將辛性溫衰老不堪

懇察衛所

題覆歸併衛所

清忠堂署督疏 自次

欽奉

上諭 參曾士奇家被劫限滿未獲各職各

制錢銷燬

題報鑄錢總局

稟報事

題大潘村失事護道陳鳳言因公出境

恭

報徵臣 題送總督印務日期

清忠堂署理總督奏疏

題報署理總督印務及起程赴肇日期

題為恭

報微臣署理總督印務及赴肇日期事准兩廣總督

降三級調用臣吳興祚咨為遵

旨察明議奏事康熙二十八年八月初二日准都察

院咨到部院准此為照本部院奉

旨降調例應貴都院署理所有

清忠堂署督疏

恭報一

欽頒廣東廣西總督關防及

敕書

王令旗牌文卷各項相應委官齎送等因并委分巡

肇高廉羅道僉事胡永亨督標中軍副將辛性

溫齎送總督廣東廣西關防一顆

王令旗牌十面杆前督臣吳興祚坐名

敕書一道連吏書文卷到臣臣即於康熙二十八年

八月十五日在臣公署恭設香案望

闕叩頭開印署理其原督臣吳興祚坐名

敕書容俟便差恭附咨送吏部查繳外臣思璧慶介

在兩粵之中為兵馬重地必須親往彈壓隨於

八月十六日自省起程赴肇駐劄凡督臣衙門

一切錢糧軍務各項容臣逐一清查料理如有

應行人

告者另疏題

報所有微臣署理總督印務及起程赴肇日期相應

清忠堂署督疏

恭報二

題

報伏乞

皇上睿鑒敕部查照施行再照

王令旗牌驗有微金裂痕各處先經前督臣吳興祚

驗明具疏造冊報部在案臣經查驗合併聲明

臣未敢擅便謹具題

知

題新會游嘉樂等被劫限請盜犯未獲職名

題為欽奉

上諭事康熙二十八年八月二十五日據廣東按察

司按察使李焯呈詳該省有新會縣沙前村

居民游嘉樂等家於康熙二十五年七月初五

夜被賊劫殺一案盜夥一年未獲經前督臣吳

興祚查開承接督緝文武職名會疏

題參部覆照例議處再限一年緝拏茲據按察使

清忠堂署督疏

欽奉一

李焯詳稱此案原參新會縣沙村司巡檢范國

璜知縣賈維英廣州府知府劉茂溶同知袁飭

廣南韶道陳子威新會營遊擊歐陽嗣爽俱經

部覆照案緝拏并接緝無庸議之官毋庸開列

職名外所有原參承緝並職留任再限一年緝

賊新會縣別案革職離任典史丘斌與新會營

左哨頭司把總葉青今限滿仍未獲解解實難

辭等因具詳前來臣覆核無異相應照例

題參候部議處臣謹會同廣東提臣許貞合詞具

題伏乞

敕部議處施行再照臣署總督印務毋庸再會撫銜

合併聲明臣等未敢擅便謹題請

旨該兵部彙題粘單內開據署理廣督印務廣撫朱

弘祚疏稱新會縣沙前村居民游嘉樂等家被

劫一案再限一年之限已滿賊仍未獲將原參

各官具題前來應將專汛把總葉青照例降一

清忠堂署督疏

欽奉二

級調用但把總無級可降相應革職賊犯令接

管官照案緝拏兼轄遊擊歐陽嗣爽先因此案

限滿賊無拏獲已經罰俸一年無容議康熙二

十八年十一月初六日題本月十二日奉

旨依議

題參廣府劉茂溶承審塔巴一案遲延

題爲拏送逃人事據廣東按察司呈詳該臣查得

旗人趙家祥等私拏許進福囑扳民人屈德賢

等一案先經前督臣吳興祚審擬具

題部覆將筆帖式塔巴革職確審定擬具

題再議經前督臣檄行提審及臣接署催解去後

今據按察司李緯詳稱轉行廣州府審擬展催

至今未據確招詳覆茲定限已逾開列承審遲

清忠堂署督疏

年卷一

延知府劉茂溶職各具詳前來相應

題參候部議處伏乞

敕部議覆施行康熙二十八年九月十三日題奉

旨劉茂溶著議處具奏該部知道欽此該吏部議得

署理兩廣總督印務廣東巡撫朱弘祚疏稱旗

人趙家祥等私拏許進福一案將承審遲延廣

州府知府劉茂溶題參前來應將逾限不及一

月之廣州府知府劉茂溶照例罰俸三個月康

熙二十八年十一月初三日奉

旨依議

清忠堂署督疏

年卷二

題參督標中軍副將辛性溫衰老不堪

題為特參營將衰老以肅軍政事康熙二十八年

八月十五日臣接署兩廣總督印務竊念肇慶

為五嶺要衝兵馬重地前督臣已經離任恐各

營將弁或有懈弛急須彈壓即於十六日星馳

赴肇宣布

皇上威德遠奉

聖諭嚴禁扣剋虛冒各營兵將無不鼓舞踴躍感戴

清忠堂署督疏

特參一

天恩臣又酌量給賞以示獎勵至前督臣任內一應

錢糧兵馬臣既接理自當清查其鼓鑄一項業

經咨問前督臣俟回答到日另行題

報外其標下兵馬臣於九月初五日釋服初六日看

閱城池初七日親赴教場點視各營馬匹共該

九百九十六匹內缺一百八十餘匹詢之弁兵

稱係陸續倒斃併有二十七年

題准尚未買補之數在內至如各營盔甲器械經

前督臣招修與兵丁自製器械整齊可觀盔甲

尚有未備又如水師營船原

題准三十隻見有十二隻餘則招造未完又前督

臣所帶進廣兵丁一千二百名已經前督臣

題明應否交新督臣另立一營隨標管轄免其分

散臣諭令各安隊伍候

旨定奪惟是督標控制兩省一遇緊要即有接剿之

責而中營副將尤為諸營表率且標下各營支

清忠堂署督疏

特參二

領官兵俸餉糧料金諸凡營務皆由中軍核轉

必得精力強壯饒有幹略之員方可勝任乃標

下中軍副將辛性溫履歷雖開六十二歲實年

已七十有餘精神衰憊操縱無靈錄之姿行步

有蹢躅之態龍鍾老邁難以姑容臣蒙

皇上特恩簡用刻刻冰兢仰圖報効茲署理總督印

務為時雖暫然從

前廷封疆起見豈敢蹈常襲故苟且塞責稍徇情面

以滋貽誤為此將中軍副將辛性溫衰老不堪之狀據實

題參伏乞

皇上敕部議處施行臣未敢擅便謹題請

旨康熙二十八年九月十三日題十月十六日奉

旨辛性溫著議處具奏該部知道該兵部議得查署

理總督印務巡撫朱弘祚既稱副將辛性溫年

老衰憊等語應將辛性溫照例勒令休致可也

清忠堂署督疏

特參三

等因康熙二十八年十月二十七日題十一月

初一日奉

旨依議

題殺歸併衛所

題為懇察衛所等事准兵部咨該臣看得裁併衛所實為省官省費起見然必須上顧

國計下順人情相地方之險易度田土之遠近視軍民之便否原非可一槩而論查粵東衛所或在深山或濱大海或遠離郡邑或近介徭黎或一府之內設立數衛所或一衛所之地鄰接數州縣在當日因險制防隨軍撥地自有不得不

清忠堂署督疏

懇察一

然者且相沿已久屯丁止知向衛所納糧其深鄉僻壤之氓竟有不識城市每當催科之際必得衛所各官徧歷村莊親行勸輸方肯完納倘催比少遲卽致拖欠諸凡編審人丁清查保甲稽察盜逃招徠戶口勸諭開墾等事惟衛所官役與屯丁相習今若歸併州縣在州縣事繁勢難分身親歷點者易於為奸愚者因之受累至歸併之後若軍民合為一里則屯丁編入甲戶

有受制里長之苦若軍民各自爲戶則屯地坐落各處有分應糧差之苦又屯糧三斗起科較之民賦多至數倍屯丁見在哀額一經歸併與民一例當差屯丁愈增其困勢必逃避熟地漸致拋荒荒地無人承墾誠未易議裁也茲行據布政使張建績會同按察使李燾詳議併將在山谷衛所相近州縣衛所造冊前來經臣確核除糧多衛所併專城駐守衛途要地及糧運少

清忠堂署督疏

懇察二

而地方荒殘者俱

請仍留外惟香山所雷州衛海康所三處似可裁去其屯田與荒稅地畝應就近歸併貢成香山海康遂溪徐聞海安各該縣所管理總之粵東衛所與他省不同應裁者少應留者多應裁者固當議裁爲

朝且節省之圖應留者仍應議留爲地方久遠之計合將清冊送部查核統聽部議既據該司呈詳

前來理合具

題伏乞

敕部議覆施行康熙二十八年九月二十一日題十

一月初三日奉

旨該部知道欽此該兵部議覆查該撫既稱粵東衛所或在深山或濱大海或一府之內設立數衛所或一衛所地鄰接數州縣誠未易議裁俱應仍留外惟香山所雷州衛海康所三處似可裁

清忠堂署督疏

懇察三

去應就近歸併香山海康遂溪徐聞各縣海安所管理等語均應如其所題其所裁各官任內有無事故查明給咨赴部另補至所裁衛所地方事務亦令查明造冊咨報戶部可也康熙二十八年十二月初五日題本月初七日奉

旨依議

叅會士奇家被刦限滿未獲各職名

題爲欽奉

上諭事康熙二十八年十月二十四日據廣東按察司按察使李焯呈詳該臣看得茂名縣貢生會士奇家於康熙二十七年二月二十四夜被賊刦殺一案經前督臣吳興祚查開疎防失事文武職名會疏

題叅部覆照例議處限一年緝賊茲據按察使李

清忠堂署督疏

欽奉一

焯詳稱此案緝獲賊犯文成孔等審供一十五人同行夥刦業將賊夥確數詳明前督臣報部在案今計已獲賊犯取供病故李泰運一名審招題

允處決文成孔等五名續獲審擬題

報黃寶彩一名共計已獲七名尚未獲賊犯大頭晚等八名屢催未據獲報今一年限滿除原叅專汛高州鎮標左營右哨頭司把總王斌部議斥

逐離營兼轄署左營中軍守備聿右營守備郭

承業署高州府通判事廉州府同知張輔署同

城知府事廉州府同知張輔統轄陞任肇高廉

羅道僉事孫允恭俱經部議罰俸未獲賊犯令

接任官照案緝拏母容查叅外所有原叅部議

住俸限一年緝賊茂名縣現任典史文通別案

糾叅革職知縣周振聲今一年限滿未經獲賊

過半難辭其咎等因具詳前來臣覆核無異相

清忠堂署督疏

欽奉二

應照例

題叅候部議處理合具

題伏乞

敕部議處施行再照臣署督篆毋庸再會撫銜臣未

敢擅便謹題請

旨該兵部欵題內開據署理兩廣總督印務廣東巡撫朱弘祖疏稱茂名縣貢生會士奇家被盜一案一年限滿同黨一十五人已獲七名未獲八

名將原奏各官題參前來查嵩汛把總王斌光
因外委官已經斥逐兼轄署事守備郭承業已
經照署事官例罰俸一年在案均無容議盜犯
仍令接管官照案緝拏康熙二十九年正月二
十日題本月二十三日奉
旨依議

清忠堂署督疏

欽奉三

題報鑄錢獲息

題為制錢銷燬滋弊錢價騰貴累民

請鑄稍輕之錢金廣採銅之源事准前督臣吳興祚

咨連冊移送到臣該臣看得前督臣吳興祚在

肇鼓鑄例應年終

奏銷今督臣奉

旨降調離任之日具疏

題明暫停所有自康熙二十八年五月初一日起

清忠堂署督疏

制錢一

至八月初十日止計三箇月零十日准前督臣

吳興祚造冊移會

題銷前來查原設續添共爐五十座用銅四十五

萬斤每銅一百斤內除折耗八斤十三兩共除

去耗銅三萬九千六百五十六斤四兩實淨銅

四十二萬三百四十三斤十二兩鑄出錢六萬

五千六百五十五串每原銅一百斤扣去匠工

物料錢一千九百七十四文共除去錢八千八

百八十三串淨得錢五萬六千七百七十二串
每串價銀一兩值銀五萬六千七百七十二兩
內除銅本銀四萬五千兩淨獲息銀一萬一千
七百七十二串所鑄之錢陸續搭放兵餉息錢
貯候部撥其用過銅斤鑄過錢文給過工料養
過息錢查與從前

奏銷定例相符相應照造印冊題

請銷算其原撥錢本銀三十萬兩先於奏

清忠堂署督疏

制錢二

報康熙二十七年鑄錢案內部履催解銀一十三萬

三千六百八十兩應留銀一十六萬六千三百

二十兩但應解應留銀兩臣節經查催未准前

督臣交明統候新督臣到日清核明白另

報合併聲明除冊咨送戶部及錢法部堂查核外理

合具

題伏乞

敕部核銷施行臣未敢擅便謹題請

吉康熙二十八年十一月十二日題二十九年正月
十七日奉

旨著察核該部知道欽此該戶部查得署理兩廣總
督印務廣東巡撫朱弘祚疏稱前督吳興祚在
肇鼓鑄例於年終奏銷今督臣奉

旨降調離任之日具疏題明暫停所有自康熙二十
八年五月初一日起至八月初十日止計三箇
月零十日用過銅斤等項造冊具題銷算前來

清忠堂署督疏

制錢三

查先經朱弘祚咨稱將肇慶爐局已經停止各
營兵餉已令徑赴藩司支領全銀等因臣部以
總督吳興祚離任署督印巡撫自應接管
况停鑄之疏並未到部行令照舊作速鼓鑄照
例搭放兵餉在案今朱弘祚只將前督吳興祚
任內鼓鑄所用銅斤等項造冊題報竟不聲說
接鑄之處應行署督巡撫朱弘祚仍代補鼓鑄
搭放兵餉俟鼓鑄一年限滿照例造冊具題銷

算又疏稱原撥錢本銀三十萬兩內部覆催解銀一十三萬三千六百八十兩應留鼓鑄銀一十六萬六千三百二十兩但應解應留銀兩未准前督交明等語合該省應留錢本銀兩外餘銀一十三萬三千六百八十兩係康熙二十八年七月內已經題明解部之項亦應行署督撫撫朱弘祚限文到之日作速解部可也等因康熙二十九年二月初四日題本月初九日奉

清忠堂署督疏

制錢四

古依議

題大潛村失事護道陳鳳言因公出境

題爲稟報事據廣東布政司布政使張建緒按察司按察使李緯呈詳該臣看得瓊州府陵水縣大潛村失事一案經前任督臣吳興祚將疎防各官會疏

題參部議降革業經轉行欽遵在案茲據雷瓊道見任副使佟世雅詳稱失事之日前護理道事知府陳鳳言因公出境前因失於詳查未經剖

清忠堂署督疏

稟報一

晰致陳鳳言奉議降調檢舉具詳請

題開復經臣行據廣東布按二司查議覆稱康熙二十七年十一月十三日陵水縣失事之時陳鳳言尚在省城清算雷瓊二府錢糧果屬因公出境臣查本案盜賊業已剿撫淨盡原參之官先經前任督臣吳興祚題

請開復止因前後數目不符致部行令查明到日再議除俟行查明白另疏

題覆外所有原護理雷瓊道事雷州府今降調知

府陳鳳言因公出境情由相應具

題應否照例開復至雷瓊道副使佟世雍先開職

名之時不將該護道因公出境緣由敘明難辭

疎忽但係新經蒞任爲日無幾又自行檢舉應

否免議合併

題明統候補部議既據布按二司會詳前來理合具

題伏乞

清忠堂署督疏

稟報二

敕部議覆施行再照臣係廣東巡撫署理兩廣總督

印務無庸會疏合併聲明臣未敢擅便謹題請

旨吏部覆署理兩廣總督印務廣東巡撫朱弘祚

題前事康熙二十九年二月十二日奉

旨朱弘祚著調任九箇月餘依議連粘抄一紙內開

查該撫既稱二十七年十一月十三日陵水縣

地方盜賊行劫護理雷瓊道事雷州府知府陳

鳳言十月初五日自雷起行十一月十三日尚

在省城銷算錢糧失事之時實係因公出境前

開職名時道官佟世雍未經敘明等語應將陳

鳳言所降之級准其開復申報之雷瓊道佟世

雍照例降一級留任有紀錄二十次應銷去紀

錄四次抵降一級免其降級總督吳興祚巡撫

朱弘祚均照例各罰俸九箇月查吳興祚已經

別案降調應於補官日罰俸九箇月

清忠堂署督疏

稟報三

題送總督印務日期

題為恭

報徵臣交送總督印務日期事竊臣於康熙二十八年八月十五日准前任總督兩廣降三級調用

臣吳興祚咨為遵

日察明議奏事到臣遵例即於康熙二十八年八

月十五日在臣公署恭設香案接受署理業將

署理日期併赴肇駐劄料理錢糧軍務具疏題

清忠堂署督疏

恭報一

報及將前督臣坐名

敕書咨送吏部轉繳外康熙二十八年十月十三日

據廣西南寧府知府佟鵬彩稟報探得新督臣

石琳於本年九月十三日在滇起程赴任臣於

十五日因准部文旋省盤查鹽庫至十一月初

十日接聞邸報奉

旨石琳不必來京陛見著兼程速赴新任該部知道

欽此抄報到臣隨於十一月十二日將兩廣

總督開防一顆

王令旗牌十面杆併書吏文卷仍委分巡肇高廉羅

道僉事胡永亨署督標中軍副將事肇慶城守

副將吳聯賞送前去新任督臣接收外所有交

送日期理合題

報伏乞

敕部查照施行臣未敢擅便謹具題

知康熙二十九年正月二十日奉

清忠堂署督疏

恭報二

旨該部知道

清忠堂奏疏

無卷數 江蘇周厚堦家藏本

國朝朱宏祚撰宏祚字徽蔭高唐人是編乃其官廣

東巡撫時奏疏始於康熙二十六年十二月終於

三十一年八月凡七十五篇前有梁佩蘭序稱其

在粵五年凡上一百六十有五疏則此刻亦選擇

而存之者也

大觀堂文集二十二卷首一

卷(卷一至卷三)

〔清〕余縉撰

中國科學院圖書館藏清康熙三十八

年刻後印本

附《四庫全書總目·大觀堂文

集三卷》提要

大觀堂文集卷一

暨陽余 經浣公甫著

奏疏上 時任山西道
監察御史

軍需浩繁疏

題爲軍需之浩繁已極農戰之古制當脩請復鹽
屯交鈔之法以佐時艱以裕本計事切 臣 以殘色
下吏荷蒙 殊恩授置臺員自慚疎陋何克仰報
涓埃顧念初進小臣未諳經 國大計苟言而失
當徒瀆

大觀堂文集

卷一 奏疏上

一

宸聰故自受

命辦事以來唯取當今 國計民生所最關切者日
夜思之以庶幾一得焉切謂當今所亟無若兵餉
一端之爲甚也蓋 國家連年捷伐師旅煩興雖
使桑孔持籌亦不免仰屋之慮此時欲行開採之
令既恐奸徒煽誘而一切籌商告緡間架除陌之
弊政又非 盛世所宜有則爲今日計亦惟有行
軍屯之法脩開中之制與印造寶鈔以通錢貨之
絀而已夫前此屯鹽寶鈔之利諸臣曾言之至悉

矣然臣以為有可行者有不可行者苟不相時地之宜而槩為區畫猶未收其益也今總天下之大勢計之惟滇中最宜行軍屯之制蜀中最宜行開鹽之制閩浙江南最宜行寶鈔之制三者脩而軍需庶可贍足國用庶可充裕也曷言之滇中苗獠雜處原係漢臣諸葛亮所稱深入不毛之地在前朝沐氏世鎮茲土素無土供錢糧况今經李逆蹂躪歲久人民凋敝川土荒蕪而以

大觀堂文集

卷一 奏疏上

二

勢然也今餘孽未靖誠不能旦夕班師而道途險遠轉餉艱難雖有金錢詎堪果腹此屯政之宜急脩者也臣請敕諸鎮督撫大臣相擇要害諒留滿漢精兵休番禦守其餘悉令屯田每營計丁多寡授以牛種耕具俾其盡力開墾荷野無曠土自當軍有餘糧較諸按兵釋甲坐食一斗數金之米其損益寧不相去倍屢戢蜀中沃野千古稱天府之國自賦逆盤踞以來人民屠脬畧盡今雖蒙皇師底定遺民耕種無幾欲待十年生聚則迂緩無

濟請仿古開中之制令淮浙鹽商給引入川隨便墾植秋成輸粟於官而領鹽於場隨其穀價之高下以為給鹽之多寡在國家既收開墾之益復省轉輸之勞而在商人藉地力以代課賦其美息厚者趨赴必勤况久荒之土所收自倍蜀民貧不能耕者兼可賴商賈以獲濟此實兩利之策也至於浙閩江南方在用兵剿海之時民間雖有米粟而無金錢所以追呼鞭朴非不嚴峻而逋負終不能償民嗟庚癸兵患脫巾苟無策以通變之豈

大觀堂文集

卷一 奏疏上

三

真能鬼輪神運乎臣稽歷代有寶鈔之制與錢法通行明之成弘間其制尚存今仿其法而行之與銀錢互相干涉令官民出入一體收受則是國家無開採之患而忽增數百萬金錢寧慮不公私兼贍乎雖奉行律例再宜詳細講求而要之虛實相權不悖古制於以濟時艱而佐國用無過於此者也臣草莽豎儒簿書下吏因目擊當今軍需既乏謬効管窺又條陳字稍逾格伏望

睿慈鑒宥併

盜賊縱恣有由疏

題爲盜賊之縱恣有由有司之困苦無告請嚴勒
索之禁以收蕩平之功事切惟 國家設立有司
原爲弭盜安民保全疆宇計也任斯職者自當先
事綢繆嚴保甲謹城守慎庫獄詰奸宄俾四境之
內鳴吠不驚斯無負牧守之義耳苟不夙戒而今
小醜竊發甚至行劫於城邑則疎玩之罪誠百喙
無辭矣然以么麼小盜而敢窺羈城邑戕賊長吏
雖屢經捕戮而餘氛猶復效尤者何也由上司之
大觀堂文集 卷一 奏疏上 五
借端誅求而州縣之困苦交至也夫地方失事卽
捕自當呈報撫按自當 題參原以嚴督捕之責
而靖盜賊之源也村爲有甘受戮辱隱諱遷延事
已騰播 都門而撫按尚未入告者乎 臣近見按
臣陳 因曲陽縣被盜一疏有云近日有司憚於
參罰卽有失事寧爲隱忍不言斯語誠洞切時弊
矣然 臣切謂有司所憚不止在參罰也夫部議參
罰不過革職戴罪使之糾賊自贖而已有司旣受
賊所害方欲生噉其肉雖屢參罰安肯隱忍不報

手惟是積弊相沿上司每欲伺州縣之釁而恣爲魚肉偶有失事上自撫按以至司道府廳往往借名督察專事苛求不日申報稽遲則曰防禦不密及需索既飽可隱者遂扶同隱之萬不可隱者方且改重爲輕飾功掩罪數字轉移而有司之囊篋賊所未罄者上司已盡攫之矣及其立限比較也賊既覓脫無踪而提捕官捕役提刑房鄉保動輒以開散劣狀爲辭有司心寒股慄焉敢不厚餽以求免歟幸而賊敗就擒有開復之日矣經承更須

大觀堂文集

卷一 奏疏上

六

打點舊案未能註銷此外經營所懇者尚不知何道之從也夫有司既經被賊業已氣勢銷沮重以上官之凌逼俯仰若有芒刺跼踖至此而欲望其不爲隱匿詎可得乎所以近日盜賊劫官較便於劫民而有司寧受盜賊之劫不願受上司之再劫時弊至此焉得不劇盜益繁姦徒接踵上履宸慮之焦勞下致民生之困瘁耶臣愚以爲欲俾盜賊之衰止必令有司之不畏需索有司不畏需索則申報必真捕討必力既得一心辦賊自能盡殲

根株矣然欲禁上司之需索則必自分別叅罰始蓋有司不徬徨於叅罰則上司雖欲需索而無從近見直隸懷柔縣賊騎詐冒打地滿官賺開城門部議知縣陸騰駿能斬賊獲馬倉庫居民無失已奉

旨免議矣臣請推廣恩例自後凡地方失事有司除怠玩畏縮致賊劫失帑藏者照舊議處外如果能率衆禦賊倉庫無虞者既經申報均應免其革職降級俾得殫力踴緝務靖奸藪如有司道府廳

大觀堂文集

卷一 奏疏上

七

借端嚇詐者撫按據實糾叅撫按通同情庇者叅道發其奸狀一併治罪如是則盜賊不敢以劫官爲得計而上司不敢借盜賊以恣誅求庶幾澄清之效日臻而外戶不閉道不拾遺之風可再見矣臣久聞盜賊縱肆之由在於有司匿不敢報謹謬抒管見因條陳字稍踰格伏望

睿鑒

敕部詳議施行

欲奏澄清疏

題爲欲奏澄清之效先嚴竊訪之條謹陳積蠹通家大弊伏乞立 敕按臣殫心釐剔以除民害以肅紀綱事切惟 國家設立巡方無非欲其除奸剔弊察吏安民俾

朝廷之德澤下布民間之困瘁獲蘇也乃每歲之輶車四出墨吏之糾劾時開而狐鼠猘未屏蹟虎狼尚復擇人者豈真叱馭之輩咸不體

皇上憂勤之至意而甘養此蠹賊以貽害閭里乎臣再

大觀堂文集

卷一 奏疏上

八

四思維悉心細訪始知民之未安由於吏之未廉而吏之未廉由於積蠹通家竊訪實訪之大弊未除也何謂積蠹通家凡各省之大奸巨猾或倚勢富豪或屏藉宦族勢必佔人田宅奪人子女惡積罪深恐人發覺於是連結衙蠹彌縫官府上自撫按衙門下至州縣胥吏苟得俸俸者無不結納交歡非定盟歃血則諸族聯姻線索既爾神通喜怒卽成禍福其力量尤大根株最深者

輦轂之下黨羽如林郡縣有司稍拂其意卽時捏造

流言散布中外既能使黑白顛倒寒長吏之心焉

得不貓鼠同眠狗羣奸之慙此通家積蠹之大槩

也何謂竊訪實訪卽此輩慣熟之伎倆也蓋巡按

初至地方雖曰精明歷練於吏治之賢否胥役之

蠹弊焉能旦夕通曉自必諮詢於司道府廳而司

道府廳等官其平日能屏絕私邪獨出已見者

不受若輩之籠絡矣若夫庸闇之流素日惟仰瞻

左右溺愛嬖幸者一旦聞揭報之令自然熒惑靡

定非謀諸此輩何由遽得單欺於是此輩乘時羅

大觀堂文集

卷一 奏疏上

九

織大肆株連彼巨貪大惡者反獲漏網而循良中正者偏以失歡取罪作姦蔑法者早以賄免而舉公謹慎者更以失賂招愆在按臣據各官之揭報似屬虛公而各官受此輩之欺朦竟成大謬其種毒之最深者惟刑廳一關爲尤甚蓋刑廳職司賢否爲巡按耳目雖司道府互有開報而總之原本於刑廳故若輩之精神氣脉全聚於斯凡竊訪實訪之家斷無不結交刑屬書役而得逞其惡者也誠使任斯職者能精明公正不假手於巨蠹則官

役之賢奸猶可得其過半然左君既多窺伺之人
緩急自生役間之法苟刑官秉心稍有不正鑒察
稍有不精則一單欺也或誣牽証佐或巧砌賊私
一經拘訊家產業已蕩然比及審明多至殘軀隕
命所以小民飲恨吞聲畏同豺虎長此不已則是
國家彰庫勸懲之大典竟爲羣奸報警誅賄之專門
矣

皇上試觀前此撫按所察官役罪款一單之內賊貨動
至千萬証佐不下百十及至審結而賊私固歸焉

太觀堂文集

卷一 奏疏上

十

有証佐多屬無辜豈前此之單欺係刑官所捏造
乎抑撫按所妄構乎總不離若輩之乘機播陷耳
故通家未盡除窩訪未盡革則害衆成家者比肩
接踵澄清之化猶未可立臻也但此輩藏身至巧
構人至密身不在胥役之列而能驅使胥役捷於
臂指事不登簡牘之跡而能飛騰簡牘幻於鬼神
雖有明斷不阿之按臣若祇信刑官之耳目未有
不墮其術中者也伏乞

皇上嚴飭巡方諸臣凡所歷郡縣必先悉心訪究此屬

或微服潛行或集衆公詢務廉得其實盡法處治
以雪吏民之冤枉以杜地方之大害則自然弊絕
風清民安物阜爲國家千萬年熙隆之治矣臣
久叨外吏稔知通家大弊深害民生故敢痛陳情
狀因條陳字稍逾格伏乞

睿鑒原宥

敕下部院詳議施行

太觀堂文集

卷一 奏疏上

十一

浙省駐防疏

題爲直陳浙省駐防之弊請 敕滿漢大臣詳議
永久之法以撫輯兵民事切惟 國家於各省初
定地方類設滿城以資彈壓既收居重馭輕之勢
復峻兵民侵越之防誠良法也使處其地者果能
仰體

皇上恤兵愛民之心俾營伍不侵市廛壁壘永成保障
則不但會城之民皆安居樂業卽披堅執銳之徒
亦獲所至如歸之樂矣苟不仰承

本觀堂文集

卷一

奏疏上

主

德意而徒糜帑藏罔顧民艱或亟城而弗處或閱歲
而再遷則無論物力民膏暴殄可惜亦思會城之
地官民廬舍幾何其堪此屢毀屢遷輾轉而不已
耶 臣浙人所見浙省駐防之情形尤確謹爲

皇上詳陳之湖之會城曰杭州府其地左江右湖負山
瞰海實東南形勝之區也順治二年大兵臨浙督
臣於鳳山門外建有滿洲城一座甃砌堅完房舍
具備大兵飲馬于江而芻牧于野水草咸便甚足
資防禦矣乃無何又議遷于城南割杭城三分之

一連亘錢塘永禁二門中包官署民居不下數十

萬間徵所屬十一郡之丁夫匠役載運磚甃物料

築造斯城兩閱歲始克竣工郡縣所費不可計數

而動用 國家之金錢者 臣尚不知其款額也斯

時民間業已蕭然罷敝惕然驚恐然猶庶幾自此

一勞永逸兵民各保其居也乃昨歲有自 臣鄉來

者語 臣曰滿洲城房舍近已拆空又將議遷居矣

未幾而杭嚴道臣范印心果以園撥民房爲科臣

汪 所糾參矣計自科臣疏糾以來經今又將一

本觀堂文集

卷一

奏疏上

主

歲尚未見督撫按諸臣有以善後之宜入告

皇上者 臣誠不知近日更作何措置也夫 國家雖統

御萬方而以省會計者祇一十有四况每歲 國

用仰給東南其間飛鴻挺鹿猶未寧止正借省會

之地兵民安輯士庶康居漸以招懷異類而使之

丕服奈何歲歲紛更多事使途歌巷舞之區竟有

室家不保之患耶且

皇上軫念民情卽 都城內外自滿漢分居以後軍民

住址未嘗侵踰尺寸而外省營伍之所顧且朝遷

而暮改終無定議豈所以仰體

憂勤之至意乎臣細詢從前數徙之由蓋緣地方僻

棍利滿城物料可以賤售故誘令兵丁恣情拆毀

又有奸巧之輩視同蘆廬竟以房舍木植代爲柴

薪故居之未幾而盡撤其門扉盡露其木石前至

者既墟其地矣後至者安得不又顧而之他此實

駐防之弊士民惴惴焉不安其生者也今卽既往

不咎而來者當追荷不急爲之計而徒任營伍之

見欲遷則遷欲毀則毀將來民居既盡城市丘墟

大觀堂文集 卷一 奏疏上 十四

此荷戈往戍者又將安置於何地乎臣言及此誠

不禁股憂太息而不得不痛陳於 君父之前

也伏望

皇上先事綢繆立 敕該督撫按會同都統佐領諸臣

深謀遠慮務爲永久之法或將內城拆毀房屋各

輪捐助諒行脩理仍令兵丁居住或將鳳山門外

舊城合各郡之力再加苦蓋令大兵永久安插必

商議盡一始可剋期興工至既居之後不得再議

遷移以致合城驚恐合省重勞而尤當嚴禁黥兵

土豪不得串同拆賣恣意燔燒有犯者必置之重

法如是則兵民安輯凡駐防調遣均有寧居而

國家省不給之費郡縣免于役之累其裨益於地

方營伍非淺鮮矣臣日觀築城屢遷之害爲 國

計民生起見謬抄狂謬字多踰格又詳述原委貼

黃難盡伏望

睿裁鑒採施行

大觀堂文集 卷一 奏疏上 十五

恭陳河防利弊疏

題為恭陳河防利弊以備

採擇事臣聞近山者知樵近水者知漁言耳聞之不如目覩遠度之不若躬親也臣自順治十一年正月受任河南封丘縣知縣邑當大王廟決口首衝城郭淹沒臣寄處水濱日從治河諸臣奔走大工諸凡利弊情形因得悉心稽訪故於河防諸務稍有管窺今幸叨恩擢敢不俯竭芻蕘且近聞祥符虞城南縣地方河又潰決而南矣臣為國

太觀堂文集

卷一 奏疏上

七

計民生慮自無不及時堵塞以圖竣工者但中州歷年昏墊之患上切宸衷臣安敢有聞不告以負

皇上已饑已溺之盛心乎除前此委官蠹役諸弊曾經條奏已詳者不敢復贅外謹就臣六年中所身親目覩有關河務者恭為

皇上陳之以備睿鑒俯擇焉一疏鑿之政宜講也稽大禹治水首稱疏濬決排而未嘗有修堤築塘之事况河自滎澤以下土疏善潰苟不順其性而利

導之則雖築堤如山終不免潰決之患蓋河流冬春之交大抵埽灣洄溜侵刷堤根其水勢迂緩之處必淤成灘洲灘南則水射北灘北則水射南勢使然也及夏秋水至河勢高於平地前此侵刷之處竟成頂冲其浩悍洶湧之勢如以鐵騎擣孤壘焉有不克所賴先期相度於水汛未發時鳩集工衆豫鑿灘洲壅阻之區引為支流俾水勢漸徙始可於受冲之處下埽加土以圖堅完如上年儀封之三家莊祥符之陳橋河臣皆用此策以免潰決其明效也但挖河之工尤貴迅速非早為估議則河水一發無從措手請

太觀堂文集

卷一 奏疏上

七

敕河臣每歲於水落之後先議疏鑿後估堤工則緩急有序必收事半功倍之效矣一採青之弊宜禁也河工用柳固不能不採辦於民間然從來定例皆各州縣照地均派民自運送官給以價真甚良法也自前此工限嚴緊始令河夫四出採伐於是不問民戶應否出柳凡有樹木盡皆採取甚至園圃桑棗之屬砍伐無遺其夫役之奸惡者百十為

羣望門索食詐錢不可勝數及採伐已畢又令地方撥夫看守撥軍運送以致居民視種樹爲種禍雖枯根朽株去之惟恐不盡若此弊不禁則將來之種木者益少而埽料取之何地乎况以河夫每日之工食准諸所採之柳稍在朝廷原無節省之益而在民間已深怨痛之心亦何事更張古例以釀此厲階乎臣謂不若嚴禁採青仍使照地出柳民自運送之爲便也一濱河之居民宜恤也瀕河州縣恒患冲決居民遷徙不常故地畝頗多

太觀堂文集

卷一

奏疏上

太

荒蕪其依戀不能去者惟至貧極苦之家每至夏潦水漲則人皆荷擔而立官司值隄防危急又從而催呼役使之其間酷暑薰蒸風雨饑疲之狀最爲可憫乃一歲正賦而外又有門夫雜差之累故瀕河居民日稀而隄防乏人救護臣請自今凡近河村落除正賦照常輸納外其雜徭門差宜盡行豁免以示優恤庶人有安土之心而隄防亦緩急可恃矣至于沿河額設堡夫最稱苦役一歲之內既不獲耕種以糊口區區工食幾何又令其納芟

纒納蔴柳種種名色謂之課程究竟國家何嘗收纖毫之益而徒令吏胥借端勒索苦累窮民尤足異者管河道廳衙門原有額設薪銀不知何用而每歲令各州縣堡夫採運劈柴以供炊爨此種陋弊尤宜嚴禁以蘇苦役者也一遠邇之夫役宜免也河工用夫繁多附近州縣力不能支固不能不派於各郡但三百里以內者應役猶便若四百里之外未免跋涉艱辛徒勞奔走其間更番接替齎送衣糧往往不能及期而至於是有前役盡逃

太觀堂文集

卷一

奏疏上

九

而後役復在途觀望者曠時悞工惟此爲甚且上人憚於遠役不樂赴工則不能不重費以覓流傭遂致奸徒恣包攬之習蠹役索換班之錢種種弊端皆由此始請救河臣撫臣公同詳議嗣後河工夫役但從附近僉派其道遠不便者一槩免役如有別項差徭如供兵喂馬辦解物料之類則於免夫州縣通融派役庶使勞逸相均而工程獲有實濟既可便民又以杜弊實治河之良策也一堤柳之護視宜勤也臣初因大王廟工程屢患乏柳

細詢土人之耆老者咸云前朝承平時凡堤上俱有合抱大柳枝幹蔚茂一望無際故雖有工程採取足用自經寇亂兵民砍伐悉盡故今日之柳採辦至難臣深味此語因力率土人沿堤種植每歲添補守護今數年之後已成拱把矣倘使沿河之柳處處皆然再加十餘年必成固抱根株既可護堤支條即可捲埽雖有工程緩急可恃矣但恐各州縣裁者固多旋復毀伐則奉行亦祇故事耳請敕河臣令河道河廳時加巡察專責各縣管河主簿

太觀堂文集

卷一 奏疏上

壬

督率堡夫常川守護務令成長既可免民間採辦之擾復可省國家價值之費似亦於河防有大裨也一場版之舊制宜復也臣查明時濱河州縣俱有柳場草版及芟蔴蘆纜堆積之處額設版書版夫以司登記守視之役歲時有司查驗物料察其勤惰故儲備不致朽腐而需用無煩疾呼自前此裁扣工食廢其役而不設因致守視無人出入無數侵盜耗蠹之弊莫可究詰非所以豫儲備華隄防也且工用浩繁苟無勾考耗損不貲與其節

數役之工食而漫無稽查不幾所惜者小所失者大乎臣愚以謂復之便以上六款雖所見庸平而六年奔走目覩情形最確故不揣瑣屑敬抒末議因條陳字多踰格伏望

睿慈鑒宥併

敕部詳議施行

太觀堂文集

卷一 奏疏上

壬

河防道臣疏

題爲河防至重道臣尤在得人請 敕部酌行遴補以裨輓運以濟急工事切惟黃運兩河關數省民命億萬漕糈故治河之策不可少緩而治河之官尤不可不精擇也 臣思河患莫大於中州而管河道一官尤爲治河之綱領苟不得其人則潰決固所不免卽得其人矣而材非素練事未常熟猶未克勝任而愉快也伏見道臣盛治謝事以來經今已半載有餘矣此時祥符虞城兩決口尚未堵

太觀堂文集

卷一 奏疏上

主

塞來年歲修工程正宜及時估計雖有代署之官焉能詳悉經理所望於新河道臣真不啻飢渴之待壺食也近見工部尚書臣楊 爲申明職掌一疏內稱河道一官往例於內外各官叙資俸酌量推陞自科臣條議奉

旨於工部查司屬曾經河干著有成績者咨送吏部題補但今時勢偶違無可咨送之人請仍照舊例於內外各官內依次推陞等語然則前此懸缺不補者部臣亦慎重其人而未得所當也但人材貴

太觀堂文集

卷一 奏疏上

主

於豫擇重任豈可輕嘗若祇循資陞授仍是未經試可之人耳况河道一官以監司而轄千里之隄防苟有疎虞則上虧 國計下害民生其責任非易易者耳且名爲道臣而勞不獲秉畀不獲蓋日惟日風雨忍饑餒沾體塗足與畚插之徒奔走沙洲水渚間其艱苦既異於他吏而征夫派柳均非人情所樂願每有舉動怨謗易生兼之土疏善潰河勢靡常往往功已垂成猝致衝毀故任斯職者苟非胸有成畫久歷艱難而又能任勞任怨不震

不難者未有不隨試而輒敗者也 臣稽在內諸臣既乏諳練河務之人而在外道府推次陞調亦未必遽有習熟水性之吏萬一以生手僨事不幾隨乃績而誤 國家之重務乎 臣愚謂應速 敕總河臣會同河南撫臣酌議審擇卽於附近府廳各官中有向歷河干勞績素著者具實上聞聽鈐部伏補速催任事不惟省道遠曠誤之憂兼可收駕輕就熟之効其于運道生民當大有攸賴矣因河道關係至重推擇素難其人 臣謬抒管

見伏望

敕部速議施行

奏疏上

牛

貢途壅滯疏

題爲貢途之壅滯已甚由教職之尸餐太久謹陳
變通之法以收器使之効事切惟 國家三途取
士總貴及鋒而用蓋年齒未衰則精神猶堪鼓勵
前途尚遠則志氣尚足奮庸苟因一官之阻滯而
致天下之宿學老儒皆困頓於蓬茅之下甚至髮
白齒落終身不獲沾一命之榮詎

朝廷儆賢養士之初意哉臣見近日歲貢一途大省

凡積至千人小省不下四五百人往往有守候十

木觀堂文集

卷一 奏疏上

五

餘年尚未得一官半職者詢厥所由蓋由歲貢種
授當任訓導陞教諭學正由教諭學正陞府教授
由府教授始得分授州縣佐二等官夫訓導教諭
學正三職猶分隸各州縣員缺稍廣至于府授則
一省多者不過十餘人少者僅六七八九人止
矣况近日甲科改授又居其半則舉通省千百爲
計之歲貢悉瞻望此數缺以爲進身之階寒賸片
席難若登天苟已任之遷轉稍遲則捱選之耽閤
愈久將後來之鱗次出貢者其展布于何日乎無

論衰暮者有人稱幾何之嘆少壯者有時不再來之感卽揆諸國家原於庠序試於大廷之盛典詎不欲養一人卽收一人之用而顧忍令明經學古之士遂與草木同腐乎臣愚以謂銓法有必當變通者準諸三年兩貢之義謂自今府教授皆一年爲滿除有薦錄者照例陞縣正外餘皆佐二陞用則人才庶不苦于壅滯而國家亦有收器使之効矣至于前此裁缺候補訓導亦應查其前任有歷俸二年以上者竟陞教諭以免其守候稽

大觀堂文集

卷一 奏疏上

主

遲之苦若江浙楚閩之地其教諭多係舉人署職或會試至四五科不第猶然留任廣文未膺民社因使訓導一官挨陞無日明經百輩坐老衙門此法不變則不但貢途益致遲速卽舉人亦竟成頽暮矣况近奉新令舉人會試三科方准就教是其任職時距登鄉書之日已不下十餘年矣若再需遲歲月偃蹇公車將英銳有爲之氣不幾消磨殆盡乎請併敕該部通查舉人就教者自今會試一科不第卽陞授有司旣俾早展才猷又可疏

通壅滯似亦法之至便者也總之日月易逝人才可惜與其多用雜流以滋巧弊之端不若疏通正途以廣儒術之効况教職原無錢糧考成之事又何必令其尸冷久位以致前後爲之壅沮乎臣目擊貢途太滯總由教職太久謹劾芻蕘伏望勅部速議施行

大觀堂文集

卷一 奏疏上

主

銓政難拘成例疏

題為銓政有難拘之成例恭請因時變通以杜觀
覲之幸端以疏外吏之壅沮事切惟

國家大政首在用人而銓曹選試有司陞轉尤人材
關係之大端也臣見近日吏部諸政固已釐剔疏
通不遺餘力矣然而奉行條例中尚有考選陞轉
二端未盡周詳者謹為

皇上陳之以備 睿裁俯定焉其一為選吏部不宜開

列正陪也從來翰林吏部科道謂之四衙門凡

大觀堂文集 卷一 奏疏上 未

其選者莫不謂人生之榮遇故徵幸營衆之弊
生焉自明季考選之法濫觴已極人至皆清華者
為穢途而官方不可復問矣幸遇

皇上神明首出凡翰林科道等官咸 親加試擢遂與

從前資緣賄賂之局一旦廓清悉盡即蒙選試之
臣亦莫不洒然丕變其肺腸矣惟是吏部一官雖
等屬引 見而相沿成例猶然今開列正陪未盡
出於 睿裁之立定也雖部臣秉公矢慎原無弊
端而名次先後之間未免以資格為輕重其中豈

無才品優而資格反後才品劣而資格乃前者乎
在部臣遵守舊例固不得不以先後分正陪而揆
諸

皇上如神之明鑒不多此一番擬議乎且人情恬競不
齊彼識見鄙淺者見該部有開列之成例或未免
圖度營求墮猾棍騙詐之術豈所以光昭知遇之
盛典哉臣愚以謂嗣後考選銓曹應照翰林科道
例祇令該部通列職名恭候

皇上親試時立行點定則不特候考者泯營競之心而

大觀堂文集 卷一 奏疏上 未

部臣亦可免嫌疑之跡此實太公至正之道也在
與朝亟宜更定者也其一為中行既由知推升授其
遷轉不宜太滯也從來中書行人二官原係進士
初授之官舊例必需其俸滿二年始許考選陞遷
者亦為其初授故也自前此奉

旨將在外俸深有薦知推陞補而今日之中行遂大
槩皆有司之困滯者為之矣夫有俸薦合式遇部
缺原即應陞補惟緣五部無缺故議暫陞中行今
乃以暫陞之故而竟與初授者同論資俸似尚非

故同一考選也出於

皇上之睿斷則躁競者亦安其分出於部臣之擬議則退者亦疑其私同一陞轉也以歷練之人久置閒散則歲月浮沉固爲可惜以內員之壅併妨外官則人才銷阻尤屬可虞臣備員言官實見銓政有格礙難行之舊例不敢不俯竭芻蕘伏望
庶裁敕部詳議施行

舟山必不可棄疏

題爲舟山有必不可棄之形勝小門有當早設之藩籬恭請

庶裁敕部亟議進取防守機宜以保全東南疆土事
切惟

國家自海逆跳梁以來沿海設防星羅棋置固已周匝無遺矣惟是地形有緩急之分戰守亦有輕重之勢苟不擇其要害而急圖之則雖羅戈如林未足以制賊之死命也臣鄉浙江三面環海而寧波

一郡尤孤懸海隅往時以舟山爲外藩鎮臣駐師定海與舟山爲犄角之勢故雖有鯨鯢之驚而內地得以休息自叛將把成功之變賊鯨盤踞內洋而寧郡無日不受兵矣幸而

皇師恢復逆艘宵遁此正東南底定之會也乃不知行間諸臣何所見而忽倡捐棄之議遂將江海門戶倒授于人使數十餘年久定之版圖竟歛手而委之逆豎耶卽云島嶼孤絕氓戶凋殘勢難復守歟殊不知形勝所在正兵志所云守其所必攻者

也况舟山離定海不遠其中田地膏腴物產豐厚使賊據之則必招集流亡且耕且戰非近犯寧波則遠窺江左是明予以一進退可恃之巢穴矣夫閩海祇一廈門尚以數萬衆窮年攻之不克奈何復以已克之舟山增其巢穴哉臣愚以謂前此舟山之不守者非由兵力單弱糧餉匱拙也由用非其人而鎮臣憚于策應耳今試得忠勇仁智之將重其事權俾得隨機措置更徙內地坐食之兵增益營壘無事則半屯半操有事則且戰且守賊如

太觀堂文集

卷一

奏疏上

聖

登陸而戰則定海出舟師以搗之令賊首尾不相救如是而不獲全勝者未之有也蓋守舟山者非守舟山也所以局兩浙之門戶而遏江淮之寇鋒俾賊不敢揚帆直指也苟謂孤嶼不堪宿重兵萬一有警鞭長不及則江南之崇明獨非孤懸海外者乎彼何以能堅守待援而此何以不能守并不能援耶此恐不能逃

上睿鑒者也至于浙省雖有大兵駐防而城外錢唐一江直注大海臣記順治六七年間嘗有賊船五

六艘乘潮而上追奪鹽舟官軍相視莫敢發任其鼓吹譟謀而去雖小醜無足震驚而思患豫防曷可不早爲之計乎臣聞下游有杭紹兩境相對處地名小門其間江流甚隘若于此嚴設防戍安置炮臺令賊舟不能溯江入犯則會城永無風鶴矣此亦江海要害之區不可不先事綢繆者也總之海氛颺忽不常非嚴守固防不足以制賊之死命而于形勝藩籬之地尤不宜輕棄以資賊之狂逞苟因一時失利而遽捐險要則賊勢益致鴟張武

太觀堂文集

卷一

奏疏上

聖

臣愈懷退縮豈蕩平殲滅之勝策乎臣非不知軍旅機宜廟堂自有神籌非小臣所得管窺但熟審情形杞憂殊切敢不竭愚者之千慮以望睿思俯鑒乎因條列海防事宜貼黃難盡伏乞御覽全疏併敕部速議施行

督臣調度失宜疏

題爲督臣調度失宜據疏已徵舛謬謹陳海上情形伏乞 天語嚴飭早圖善後之法以靖逆氛以固疆圉事切惟用兵之法南北異勢水陸殊宜原未可以嘗試爭勝負也況大海茫然颶風時作卽幼習操舟熟識洋路者猶時有覆溺之患而况以素未諳練之徒責之乘風破浪之衆萬一進退失據行止違宜是將數十萬精兵猛將不拱手而投之鯨鯢之穴乎臣聞邸報伏見閩督李某議還

本觀堂文集

卷一 奏疏上

五

海濱居民一疏深切駭異焉夫海濱之民與賊狎處其中或有冥頑貪狡之輩嗜賊厚利爲之番通聲息以相接濟者固未必無之督臣身在地方定有確見臣誠不敢議遷民之說爲失策也但據所稱排頭方田等處人民有將牧馬偷送廈門者有將苦獨力縛送廈門者其事已足驚訝矣夫賊巢祇隔一水此時兩軍相當巡徼應倍加嚴密果旌旗壁壘連屯相望雖有奸民安能竊馬飛渡乎臣不知督臣安營放牧之法若何訓飭而令不軌之

徒得艤舟海渚遂乘間盜馬以去也由此言之其

號令之不整肅已槩可知矣至云派撥舵工水手

公然不應臣益不勝駭異焉夫舵工水手非若里

役之可以隨戶僉派也臣雖浙人素聞海上舵工

名曰老大其人必少長海舟凡一切內洋外洋島

嶼徑路靡不熟歷而後能駕風使舵操縱自如蓋

大海寥濶數萬里中間石礁泥塗隱現相半苟拏

舟者稍失其宜則千金之艘立成糜爛唯老大能

夜占斗極以知南北晝觀雲氣以辨風雨故所向

本觀堂文集

卷一 奏疏上

五

有趨避之利豈督臣處閩多歲而尚未之知耶奈何欲以至險至危之事而責之素不練習之輩乎無論強所不能人情必致大沮試問今日閩海之時何時閩海之地何地乎鄭逆雖同釜底之魚實爲必鬪之獸在

國家帑數省之財賦悉境內之精兵以屬督臣卽使謀出萬全算無遺策尚恐有意外在逞之變矧堪此舉動乖張輕爲嘗試也臣愚以爲舵工水手必宜重賞購募令先于內洋試演技能果否精熟然

後使駕轅關並聯隊伍嚴設營壘賊若覘我
水師新集必來輕犯以誘我宜且持重勿與交鋒
俟其氣衰技訕然後各道並進戮力同心以剪此
數十年之通寇當一舉而永逸也不然而橫加僉
派不應則加以兵誅彼仰勉強應役技既不精心
復叵測萬一戰有未捷變從中起將置此數十萬
番戈持滿之士于何地乎此實

國家大利大害之所關臣不避嫌怨直陳狂悖總欲

為

未觀堂文集

卷一

奏疏上

奏

皇上稍舒南顧之憂非樂與督臣相為矛盾也如果臣

言可採伏乞

敕部密議施行

陳情終養疏

題為援例陳情籲恩終養事切臣一介下吏叨蒙
殊恩拔置臺員未克稍有建明以圖報稱於萬一何
敢輒萌內顧之念唯是犬馬之念固懸而羔鳥之
情更迫有不能不哀籲於君父之前者臣父元
文年七十有八臣母趙氏年七十有九皆衰老多
病臣同產祗胞兄一人向恃其在家侍養故得安
心供職不意於上年正月間忽染中風竟成半身
不遂之症迄今病勢日久轉加危篤不特奉養無

大觀堂文集

卷一

奏疏上

奏

能而更以此苦累父母臣屢接臣父手書唯見淚

痕滿紙中間備寫愁痛悽切情形臣讀之不覺方

寸如焚肝腸欲絕臣思臣年方壯報

國尚有歲月事親唯在此時苟明知父母之顛危無

倚而不思奉侍則在家為不孝之子在國即為

不忠之臣亦何顏苟存於孝治之世乎臣謹按

會典開載凡親老雖有兄弟篤疾不能服事者准

令終養查臣今日苦情正與前例相合為此激切

具陳伏望

宸恩俯鑒允臣終養則臣舉家生生世世永戴
睿慈於無極矣爲援例陳情事理冒昧哀籲唯乞
鑒宥收復施行

男毓澄全懷錄

木觀堂文集

卷一 奏疏上

三

大觀堂文集卷二

奏疏中時任河南道
監察御史

請復朝覲疏

題爲請復

朝覲大典以悉外吏之隱情以察民生之利弊事切
惟三年述職六計弊吏皆古帝王之制也遐方殊
俗不能自達於

朝廷故必合衆諸侯之輯瑞而具詢其實焉所以親

木觀堂文集 卷一 奏疏中

一

疎逖通蒙蔽也 國家自定鼎以來二十餘年四
方安戢萬國教寧凡諸典禮亦旣次第舉行矣而
惟是

朝覲大典尚未脩復者或慮地方責任繁重守令遽
赴 京師未免催科緝盜等事置之悠忽歟且代
庖之吏未必清廉恐其乘間掊剋虐民蠹國歟臣
以爲此皆易理也而大典不可不舉蓋守令爲親
民之官諸如地方利弊小民疾苦苟非至愚未有
不諳悉者况其平日果身受督撫之苛求腹削則

必疾首痛心思得一哀鳴於

君父之前而無奈

觀典久廢下吏望長安如在天上不肖上司因得恣意科派多端窘辱守令憚其威權焉得不剝民以飽其所欲蓋前此尚有行取內用之例而近今久停卽春明之夢不敢復作矣夫內外之睽隔如此而欲下情不壅於

上聞德澤不阻於下究其可得乎如是則

朝廷雖日遣軒輜之使巡行郡邑廉問賢否終不若

太觀堂文集

卷二 奏疏中

二

使守令親詣

殷陛之下瞻仰

天顏口述情狀之較真也何則凡督撫之工聚斂者

必善彌縫彼聞

朝廷有採訪之官則必潑賄責緣百端哀懇卽鐵面

冰心者稍墮其術中未免遊移顛倒而譽阿毀墨

之說行矣卽令臣等殫心糾察猶多揣摩影響之

辭曷若令 覲員畢集時

皇上試宣一二郡縣問其廉貪之狀併地方之疾苦利

弊彼見

天威咫尺敢不據實以對乎夫遐方小吏咸得見

聖天子而言情此真盛世之美舉也况本年計吏之典

將行則

觀典尤不可廢至于爲錢糧盜案計則請 敕督撫

行令本官自擇佐二之賢者報明署攝如縣不足

則以府幕代之總擇廉正之官勿用貪緣之吏而

本官 觀同日一一交盤查訪明確然後具結則

代庖者雖有不肖之心無所用其貪橫矣大典一

太觀堂文集

卷一 奏疏中

三

行而可盡外吏之隱情悉民間之疾苦似于治安

大有關係伏望

睿鑒俯定

敕部速覆施行

恭請嚴禁畜優疏

題爲恭請嚴禁見任官畜養優戲以遏淫邪之橫
行事竊稽梨園之樂原非風雅正音自習俗既久
競以靡色相誇而變童妖妓靚粧華服蕩人心思
廢人職業啓淫靡之弊俗滋侈汰之澆風其害有
不可勝言者臣觀近自京師遠及外省優戲繁多
幾等四民之一而在外將軍副都統及督撫提鎮
等官多自畜家樂演習歌舞此輩因得出入營署
恃勢凌人往往索人賄賂騙人妻女官民共懷投

大觀堂文集

卷一

奏疏中

四

鼠之忌宵人益張狐假之威如臣鄉浙東紹興府
有停雲玉蘭等班戲子倚冒提標營勢不分閨女
孀婦但訪有姿色者卽擁衆強娶至有斷髮赴水
而卒不免者又有樂戶賤人亦恃勢強娶良家婦
女以致民間驚懼羞慚數日之內嫁娶畧盡此亦
優人奇橫之一端也雖道遠未經確查姓名而惡
餒如此使不早爲禁戢則敗俗傷風厲民害政寧
有底止乎臣愚以請梨園有必當禁者三諱語醜
態導惡宜淫啓庸人蠱惑之志其害一也長髮包

巾藐冠哀詞誘亂人不軌之念其害二也呼朋引
類挾寵橫詞藉禁官虐弁之威靈爲巨蠹大奸之
窟穴其害三也杜此三害伏乞

皇上大奮乾斷速 敕禮臣嚴立禁條先行申飭督撫
正身率物如有文武見任官私畜前項戲子懸帶
某簪某旗牌額提挈某府某標燈籠在外招搖生
事者督撫卽行密訪糾叅如督撫不叅許臣等衙
門訪實彈劾除戲子治罪外本官并該督撫并行
褫黜如是庶幾惡薄淫蕩之風有返朴還淳之日

大觀堂文集

卷一

奏疏中

五

矣如果臣言可採伏望

宸鑒敕議施行

遵 旨指名疏

題爲遵

旨指名具奏事 臣於本月初五日具疏爲恭請嚴禁見任官畜養優戲以遏淫邪之橫行事初十日奉旨知道了該部知道本內停雲玉蘭等班戲子倚冒提標營勢不分閩女孀婦訪有姿色者卽擁衆強娶及樂戶賤人恃勢強娶良家婦女著指名具奏欽此仰見我

皇上勤求民隱亟欲禁暴之德意至深遠矣切念 臣待

大觀堂文集

卷二 奏疏中

大

罪言職雖大奸巨逆訪聞既確自當指名直奏矧區區戲子樂戶何敢稍爲徇庇第浙中距 京師四千餘里雖訪聞最真猶恐姓名偶有未確致開展卸故不敢遽列奏中 臣原疏業已題明今奉 旨着 臣指名具奏 臣謹以輿論彰著者據實上 聞查得停雲玉蘭等班戲子俱冒稱浙江提標名色倚勢橫行種種不法難以悉數如孀婦則有趨門山鄭起龍弟媳姚氏新寡被停雲班正旦吳仲雲卽仲甫窺伊姿艾強逼爲婚本婦矢志不從毀面

截髮赴水幾死仲甫竟行強娶莫敢誰何伊父姚

茂之伊伯鄭起龍可証閩女則有屠龍卽屠承宇

之女業經許配土人被停雲班金生挾黨逼勒成

親屠龍喊稟知府夏霖拘審問衆優將屠氏從府

門簇擁拉抱而去并將夏知府辱罵不堪全無顧

忌本府案卷并屠龍可証又有草茅樞尉德華之

女被玉蘭班周生強佔爲妻德華可審又有楊裁

縫之妻鮑氏被小生朱仁甫強奪爲妾伊夫可証

又有塔山下朱姓之婦城內舟行被大淨陶祥甫

本觀堂文集

卷二 奏疏中

七

斃其姿色統衆強奪爲妾本婦憤恚躍入河中仍撈取奸佔伊夫可証內查有周旦徐生等原係樂戶浙俗謂之丐戶其種類卑賤良民素不爲婚今亦冒充戲子圖娶良家婦女以致閭閻駭懼旬日之間嫁娶殆盡 臣所聞輿論歷歷有據者如此 臣思

皇上臨御以來內外大小臣工孰不恪遵法紀而優非

小人乃敢倚冒肆惡如此 臣若知而不言則溺職

負 恩罪將奚追故不避嫌怨冒昧直陳誠欲懲

一方之淫邪以挽天下之澆俗也伏乞

睿斷敕部嚴行查察并飭各省督撫早圖禁戢以肅

奸暴而安良善實爲億萬世無疆之慶

臣因指名

具奏貼黃難盡惟望

宸鑒全覽俯擇施行

大觀堂文集

卷二

奏疏中

八

權開條禁事權疏

題爲權開既奉裁併請飭條禁以杜悠忽重事權以防掣肘事竊惟南北各鈔關自明季來官役煩多征求苛細商民幾於裹足矣幸蒙

睿鑒酌量併省卽令監司府倅就近兼收且悉驅積蠹以澄錮弊俾地方無擾商旅通行此誠簡事省官之美政度越萬古者也第國稅所關條禁不嫌詳飭董察尤貴森嚴倘任事者僅從遙制而局外者槩可傍撓其弊不僅厲商終且虧

大觀堂文集

卷二

奏疏中

九

國不可不深計也臣本歲自浙東來舟次見權開諸臣未常親駐關上一切收稅事務俱委員役料理甚或令家僮小子輩代爲點查雖云正課無虧而督察未嚴能保用事之人不借端作弊否且淮郡一關道臣身駐其地諸凡貨稅既經驗收前途似不煩稽盤矣乃自清江浦至夏鎮猶有照票名色關役如林則是清江夏鎮諸關官撤而私未盡撤也且自淮安至夏鎮幾及千里道臣一身能督察於千里之外乎此則條禁未飭之患也至於利權

所在人情不無垂涎前此部差各官專 敕蒞事
猶有受制督撫見厄藩旗而不克自行職掌者矧
今改任司道而司道不足又改任府佐位愈卑則
權愈輕權愈輕則上司又易於欺壓勢要尤易於
阻撓萬一貪悍督撫及藩旗貿易之家連舫大船
裝載私貨上虧國稅下累商民權關司道其敢過
而問之乎司道尚不敢問而况於府佐之末僚耶
蓋司道猶不過受制於督撫而府佐并受制於司
道苟督撫之賢者秉公持正弊絕風清則司道猶
大觀堂文集 卷二 奏疏中 十
知顧忌而府佐或能行其志若督撫不無誅求則
司道從風而靡區區府佐一官雖欲勉辦正課而
進不敢失上官之歡心退又自營其谿壑是正課
之外勢必倍取於商人也夫多取則商困商困則
相戒不前而 國稅自此漸虧矣此則事權太輕
之患也 臣請今後權開諸臣俱令親駐關上其一
切司道府佐衙門事務卽於關上施行而既墩之
關不許復設吏役照票之名以防需索則條禁嚴
矣若監司府佐權輕不足彈壓應尙責本省撫臣

不時提調稽察如有上司欺凌勢要把持之事卽
刻飛章奏處至於叅謁調遣尤宜嚴禁以杜借端
傍撓之弊如該撫有通同朦混及股削瓜分等情
或被人首告或 臣等訪實糾叅宜將該撫重處以
專責成如是則事權重矣條禁嚴事權重而法庶
可永行無弊矣 臣待罪言職知無不言倘芻蕘可
採伏望
敕部詳議施行

大觀堂文集

卷二 奏疏中

十一

請集濱海殘黎疏

題爲請集濱海殘黎併移內地兵弁共修耕戰以保疆圉以舒

國用事切自海逆發難以來東南數省蕭然罷敝而遷徙之苦唯濱海郡縣爲尤甚雖奉 旨按插而守令亦無擴地點金之術上下交困賦稅久虧誠可深慮也 臣思閩浙江東皆財賦之區而沿海一帶延袤數千里其間生齒田賦何啻億萬計苟不亟爲之所恐數年之後灰亾略盡及臺灣蕩平日

大觀堂文集

卷二

奏疏中

主

始議招徠勸墾亦已晚矣稽自古戍守之法原令兵民相倚明初設立衛所環羅海上所以控禦倭寇雖間有警急而防守甚固未嘗患寇而輕徙也今一望萑葦人烟斷絕而以二三疲卒守禦其間謂可息鯨鯢之窺伺未足深恃也 臣請 敕各該督撫提鎮會同巡海諸臣通計某縣某州海濱界外地長廣若干里有某村落可以屯兵若干某集鎮可以住民若干或卽故明衛所要害之處或另築墩堡烽臺參錯其間一面招集流亾并將內地

無事坐食之兵盡數移屯海上除水涯仍防守嚴

禁毋令寸板入海外至可屯種之處兵民各立界

限無事則兵耕於外民耕於內有事則兵以力戰

民以力守既有輔車相倚之勢自成首尾聯絡之

功昔明太祖所稱養兵百萬不費民間一粒米者

用此道也第墾荒之始宜寬其征輸戢其暴橫俾

兵民歡然有固結之心更簡大帥之智謀忠勇者

會同巡海各官時時督察其間則彼濱海之民皆

吾赤子也詎肯悖浩蕩之

大觀堂文集

卷二

奏疏中

主

皇恩棄安居之世業而甘心狗賊乎或者疑海波未靖遽議興屯萬一有鷹眼未化者爲之內間則藉寇賞盜將若何 臣以爲不足慮也如廣東之瓊州江南之崇明皆四面距海而至今堅守無虞豈閩浙濱海之地獨不可彷彿其法以防遏耶若慮近海卽有交通而久虛其地詎非自損其丁戶自蹙其境土自匱其財賦乎誠彷彿古軍屯民屯之法農戰交脩則數年之後守禦益堅賦入必倍不唯兵無轉餉之勞 國有增課之益而將來海晏河清卽

可爲散兵歸農之漸似亦東南之要策所宜講
求者也臣從民土財用起見謬抒狂瞽伏望
睿鑒俯擇施行

大觀堂文集

卷二

奏疏中

古

升任復留在任守制疏

題爲詳稽升任復留之例併酌在官守制之因乞
改部臣拘執之成見以杜大弊以廣孝思事切思
臣子効力一官誰不期升遷以圖榮顯至值父母
終天之日又誰不冀解綬以展哀慕之心故赴任
立有期限洋服必待終喪載在會典不可誣也近
因錢糧盜案爲重有升任二三年不得赴其新任
者有離任而仍提回舊衙門者又有提回而以他
事題參革職者所以地方缺官業聞升補之人而

大觀堂文集

卷二

奏疏中

古

經年望若雲霓則鑽謀署事之徒蜂擁蟻聚地方
受累可知矣至於新官捧檄蒞任在長安中不知
費幾許拮据始克就道及到地方滿望接印受事
而前官不許離任新官復令改補以筑筑初受之
官令往返道途近境已稱勞瘁若數千里之外委
頓展其苦累可勝言乎且再入長安未必卽蒙
給補是其守候之苦更甚於在任之舊官也夫推
部臣定例之初意不過謂前官未完之事反得赴
其新任接任官代爲緝賊帶徵不得升轉爲可矜

耳獨不念後官回部改補之苦更可矜於代緝代徵耶况舊官既開升任則人情皆親望怠弛雖欲振作無由矣易若新剛初發之官猶有朝氣可鼓而奈何使應行者不得行應止者不得止兩相膠滯坐視地方之事乎至於丁憂之官開計卽宜杜門或有盜案錢糧未完之事儘令舉衰視事亦祇應暫展時日俾其速竣未有太平盛世而監司守令咸可奪情留任者此事下開風俗人心上係

國家典制在部臣亦應深思長慮勿貽天下後世之

大觀堂文集

卷二 奏疏中

七

口實者也

臣

稽二事俱經

臣

同官黃敬璣孫錫齡

具疏條陳奉

旨該部議奏而部臣執持成見槩以遵照現定則例

一語率意具覆此真膠柱鼓瑟之故智也

臣

思進

退羣吏予奪可否部臣俱應酌量中正之法恭請

皇上睿裁以爲行止今部臣全憑督撫之指示而並不

講求國體稽察吏治同一丁憂升任之官也督

撫以爲宜留原任則竟留原任矣以爲宜赴新任

則竟赴新任矣督撫以爲宜在任守制則在任守

制矣督撫以爲應解任終喪則解任終喪矣詎

朝廷之銓選狗督撫之愛憎輕

國家之典制重大吏之威權部臣可謂顛倒失倫矣

夫升任之官固有失歡於督撫而故爲稽留者亦

有新任荒疲不若舊任之美而賄求督撫謬報未

完以爲戀棧之計者丁憂等官有因父母病故哀

求終制而督撫索賄不遂忽以別案繫維令不獲

去者亦有貪戀地方全無哀戚而賄求督撫留任

守制俟逡巡服闋併免赴補者在各官雖有賢不

大觀堂文集

卷二 奏疏中

七

肖之異而揆督撫留任之心總未有出於公道者

也使出於公道則豈不知部臣銓轉一官必查明

錢糧盜案全完而後升授既升授矣卽偶有未完

何難令新官接緝帶征而必令舊官復回新官復

去紛紜不憚煩乎至丁憂之官方寸已亂何堪久

理民事且方今英才濟濟焉知新官之不必如舊

官而必使內服不祥之人覲顏仕途久妨賢路耶

臣

請
嚴飭部臣詳議各官去留之法必如何而後至公無

弊如何而後新舊咸宜如何而後無悖倫紀務因
國家大體起見從長打算勿徒徂一時偶行之例而
牢不可破致天下視

朝廷之升擢不如奉督撫之去留遵

國家之典禮不若按有司之條例則所裨官方吏治

風俗人心非淺鮮矣臣因條陳留任事理語詳字

多貼黃難盡伏望

宸鑒全覽俯擇施行

太觀堂文集

卷二 奏疏中

七

河勢變遷疏鑿宜先疏

題爲河勢變遷日甚下流疏鑿宜先謹陳末議以
裨大工事切惟河漕爲天下大命而天妃關係黃
淮合流之地尤南北之咽喉也自烟墩口既塞之
後黃家嘴復潰而漕艘益梗矣河臣拮据任事固
當有成算以奏膚功第是役也

皇上宵旰靡寧三省民力殆竭而決口猶未報竣苟懷
一得之愚何敢嘿嘿已乎臣思河之不循故道者
由下流填淤也下流填淤則水不通利故洪流暴

太觀堂文集

卷二 奏疏中

七

漲非潰而南卽潰而北勢使然也查本年五月間
河臣直陳黃河底墊等事一疏內稱黃河盛漲暴
越淮河淮水返退湖內河沙逆上勢若排山亦因
黃河墊高不復循軌等語由是觀之則下流填淤
不能順行入海亦已審矣矧今黃家嘴衝刷日深
則河之故道益高徒欲捲埽築堤挽建瓴之勢與
淮合流此不可得之勢也黃淮不合則漕輓何從
北上計惟有先鑿下流使海口通利而後導黃合
淮上游庶保無虞漕渠亦克永濟耳不然則水無

所歸而遠絕其去路即使堤埽幸成來年復秋水發他處必復潰決是以有限之民力與大河爭勝負也詎萬全之長策哉臣請速諭河臣細閱情形從長酌議赴此決口未塞水方伏漕之時訓集夫役將天妃閘上下一帶老河故道挑濬深廣俟開挖既成然後將黃家嘴決口上緊捲築一面開放大流注入新渠則水得所歸而工程堅固當無衝潰變遷之虞庶幾國漕永賴民困漸蘇而河臣之勞績亦足仰答

大觀堂文集

卷二 奏疏中

壬

宸恩矣緣係條議河工字稍逾格如果臣言可採伏望

敕部立議施行

閩兵宜戢疏

題爲閩盜固宜亟除閩兵更宜速戢謹陳密策以靖殘疆事切唯閩南諸郡山海相聯向稱逋逃之藪不可不慎防也臣見福撫劉某漳屬盜賊劫擄頻聞等事疏稱漳郡窮黎爲盜固多兼裁移兵丁進匿烏合等語臣思小盜者大盜之囿也矧漳屬密邇海逆勢易勾通倘不及時剪除爲害滋大請敕新督臣兼程受事早行撲勦諒茲烏合之衆無難殲滅也唯是平盜之後臣猶有深慮者我

大觀堂文集

卷二 奏疏中

壬

皇上念閩省兵多累民故令裁老弱移投誠皆救寧地方之至計向令奉行盡善所裁者盡是老弱所移者不致驚疑亦何至相繼逃匿歟今既往固不可咎而將來必宜熟籌臣請合閩省京制之兵與投誠之兵通行選汰其老弱者編入里甲勒令歸農其精壯者查額兵空伍悉行頂補大抵客兵十之七土兵十之三則勢足以相馭情足以相聯俟有調發新舊並遣上無督遷之名下無猜懼之患寧更有宣逸嘯聚者乎至投誠各弁不應仍轄舊兵

果有才勇傑出者生令該督確查具

題或改授外省或調補別鎮以豫防萌孽即大帥不
便輕裁亦當以河朔援兵易其部曲蓋遷移以漸
則衆不驚更調有方則餘患息似亦善後之要圖
也臣因除盜戡兵謬抒狂瞽事關軍務密具疏陳
伏望

府鑒酌擇施行

本朝堂文集

卷三 奏疏中

七

直陳民隱疏

題爲直陳民隱亟請立法勅諭以圖豫備事切惟
皇上臨御以來各省年穀豐稔卽間有水旱之區而南

北米價甚賤生民皆含哺鼓腹矣乃細察閭閻尚
有深憂未釋者一慮官糧之通欠一患私貸之責
償也蓋民間止有米粟而無金錢變價輸納則密
糶者多商販者寡故有穀賤傷農之說其實非穀
賤也由民貧急於求售故無關價值耳臣思秋成
豐歉難以恒定小民亟目前之計無暇爲蓋藏之

本朝堂文集

卷三 奏疏中

七

謀萬一偶值災疫則今日之粒米復戾卽異日之
半菽不飽者也非早爲畜備何恃以無恐乎請
敕各督撫設法勸輸凡州縣常平豫備等倉及今米
價平賤之時不拘官紳士民有能納米百石以上
者照本歲三省賑饑之法分別多寡定例獎敘卽
令就近輸納冊報彙題更新

天語中飭務期實心奉行嚴加稽核勿令吏胥鼠雀
恣意耗費則不惟民間緩急有恃而庾廩充實足
支數年卽有堯湯水旱可無意外之虞矣臣從民

隱起見謬爲先事之圖伏望

府鑒採擇施行

太觀堂文集

卷十一 奏疏中

三

撫標理宜酌復疏

題爲督臣既經裁併撫標理宜酌復請

敕部詳議以固封疆事切稽舊制巡撫統轄軍民保障全省故設標兵以資彈壓所關至鉅也自前此各省俱設總督而撫標似屬無用故議裁以節冗餉此特因時制宜而非永久之定例也今楚屬督臣既撤而各省亦皆裁併則較前控制之勢業已不侔時宜變通可無綢繆之要策乎計天下總督六員巡撫一十八員除同城共事者無庸更議外

太觀堂文集

卷十一 奏疏中

三

如蜀疆險阻甫經戡定楚湖南北相距甚遠中間雖設提鎮而汛守各方鞭長不及恐緩急未克有濟此撫標之首應議復者也至浙閩逼近海隅西粵獨鄰交趾甘肅之孤懸絕域黔中之密邇苗蠻晉省係神京右臂而口外卽接蒙古山左爲食海岩疆而前此屢經兵燹豫章澤國萑苻時聞南粵災荒鯨鯢未息安慶有操江之責蘇郡爲財賦之區河南界聯七省直隸控制三關凡茲諸撫皆任封疆重寄與總督各城分闔而徒挾節鉞之名

所部兵不滿百何以壯威重而銷萌孽歟此撫標之必應議復者也或謂軍需孔亟時方議裁一旦遽復撫標獨不爲糜餉計歟不知兵有必當裁有必不可裁必當裁者如支郡下邑零星隸食之兵有無不足重輕必當裁者也若撫標之兵非守禦會城則防扼要地所關至重餉苟未敷猶當節彼以裕此況以撫標原設之兵仍歸該撫則兵不煩募餉不煩增營舍不煩蓋造而控制之勢已鞏固於不拔此必當復而不可裁者也第省分有大小

太觀堂文集

卷二 奏疏中

主

地方有邊腹而距督臣所駐亦有近遠請 敕部詳定先將楚蜀三撫標作何議復其餘督臣雖并未撤者作何遞減至窮邊荒微形勢可虞及距督甚遠不能兼顧者更作何增設務期籌畫至當輕重合宜於以忒彈壓之威而銷窺伺之孽似于封疆大計不無裨益也緣係條議撫標事理字稍踰格如果 臣言可採伏望

睿鑒俯擇施行

周國効順疏

題爲屬國之効順既誠流戶之來歸宜早恭請敕諭遣還以永安邊境事切惟廣南國密邇粵省自明季冠亂中華士民流寓彼境者以億萬計此輩俱有親戚墳墓今聞故鄉康樂誰不翹首思歸其無賴者或因生還無策甘爲戎首因而潛跡海舶窺伺疆圉者有之雖不足爲地方大患而網繆未然似亟宜招復以杜奸萌者也 臣查上年廣督周疏稱該國送還都司劉世虎一案其護送三十六人盡係江南等處人氏並無廣南國一人雖事情可疑現奉

太觀堂文集

卷二 奏疏中

主

旨確議然據此可見中土之民留滯彼國者何可勝計矣若不及今責令來歸勢必終淪異域萬一狡黠者因思歸之衆生事海疆如明季徐海汪直等流毒東南該國能常爲捍禦乎 臣請乘伊歸附之誠勉之送還之義特

賜璽書顯加褒勸凡各省流寓人戶如趙文伯等願歸故土者

諭令該國王悉行查遣還籍倘有疆吏借端留難奸徒違法窩藏該國嚴行禁治俟流亡盡歸之日許加

懋賞以彰効順如是則不惟流離赤子咸歸故鄉將來奸宄之根株永杜屬國之推戴益堅而

天朝威德更遐播於海外矣臣因事關疆圉謬抒末議伏乞

府鑒酌擇施行

太觀堂文集

卷二

奏疏中

未

請嚴保舉疏

題為請嚴保舉之法以收賢能之實效事欽惟

皇上求賢若渴知資俸不足以盡人才故緊要員缺俱令部院保舉賢能而諸臣亦各以推進為務一時師濟休風誠足度越唐虞矣臣思

皇上不恃知人之哲而俯詢諸臣諸臣不昧緇衣之好而薦賢為國固非無據而云然也第揆諸保舉之義似尚有未盡者臣請詳言之夫保舉者所以保其賢能也其人果賢且能則異日居官蒞政斷無

太觀堂文集

卷二

奏疏中

五

敗類不肖及悞國殃民之事故不惟舉之而且保之也既保舉矣異日試之而驗則保舉者應受進賢之賞試之而不驗則保舉者應受連坐之罰故保舉之法不必堂上官盡署職名也惟知之深信之確者或一人獨保數人或數人共保一人應將其才品據實直書末署臣某保舉其狀存貯御前以為異日賞罰之案如是則保舉者不敢徇私賢能者不敢奔競是

皇上合諸臣之耳目為耳目公聽並觀而真才可盡得

也今_臣見部院所推賢能尚未開有保舉字樣不知所推之人果皆知之深而信之確乎抑亦姑舉以待試耶夫

皇上開誠以信諸臣諸臣安可不求確信之賢能以報皇上_臣請今後部院所推之人宜更加慎度果係知深信確者即宜實署保舉職名以仰副旁求之典如保舉後其人變節許舉主先首免坐若疑信相參者不得雷同附和以干日後濫舉之罰如是則法嚴令斷而公道大昭人人以

太觀堂文集

卷二

奏疏中

三

皇上之心爲心賢能自有實效矣_臣因保舉大典所關至重謬效芻蕘字稍逾額伏望

睿鑒俯擇施行

督撫互糾疏

題爲遵

諭敬陳請立督撫互糾之法以肅吏治而救民生事切惟民生之安危視吏治吏治之貪廉視督撫我皇上鑒之至詳矣今督撫潔已愛民正身率屬者固不乏而奇貪大惡者亦復不少乃數年來曾未有總督參一巡撫巡撫糾一總督者互庇如此欲望其澄清吏治拯救生民寧可得乎伏讀

太觀堂文集

卷二

奏疏中

三

也何則通省之官莫尊於督撫下之藩臬守令矜知其奸貪而不敢發者誦於勢也內之部院科道欲發其奸貪而慮不盡責者遠於地也惟督撫勢均地近易相糾察而前此互相徇隱遂成牢不可破之勢者何也向無互糾之舉彼此競爲貪黷即有秉正嫉邪者亦以素無成例不便翔舉况締交既深敗不相及則亦務求容諱爲得計耳安肯公爾忘私獨絕情而者乎_臣以爲窮督撫之奸貪非令自相糾發無從盡得其隱欲令自相糾發則必

嚴立條例如借名巡歷大肆誅求及伴示禁除隱
令加派之類俱著察實糾舉如敢仍前曲爲徇隱
者事發一體連坐如是則奸狀易彰莫能掩匿雖
欲巧相倚庇以圖脫削必有所顧忌而不敢矣督
撫無敢倚庇而藩臬以下尚敢託餽獻以漁獵小
民者未之有也 臣 恪遵
上諭謹據所見伏望
睿鑒俯擇施行

嚴禁私鹽疏

題爲請

旨嚴禁私鹽以免 國課壅滯事 臣等奉差長蘆到
任以來查得私鹽與販官鹽壅滯引日不能銷完
皆由直隸所屬順天永平保定河間府等處住居
奸棍滿州庄頭放馬人役并投入旗下者結夥百
餘盡騎驢馬牽帶牛車各持器械拒敵衙門捕役
將嚴鎮海豐蘆臺等鹽場之鹽販出強佔貨賣又
與滿州庄頭土豪奸棍結聯將私鹽窩囤伊家竊
賣州縣捕役畏其滿州家人威勢不敢捉獲故私
鹽甚多官鹽壅滯七八年鹽尚未賣完而州縣各
官又因每年鹽引不完之故以致

題叅俱停陞轉商人不敢將 國課虧欠年年借債
上課苦至極矣私鹽之法雖前已禁過但藏鹽窩
主及左右鄰舍該管之人不治其罪以致私鹽盛
行今滿州庄頭并放馬人役等販賣私鹽并接引
到家窩囤者其主子佐領分得撥什庫小撥什庫
屯撥什庫并本犯鄰佑治以何罪其兵民與販窩

皇上勅部議覆施行

國者該管官及總甲鄰佑人等亦定以何罪傳示
入旗下併包衣牛泉直隸巡撫總兵官協同臣等
嚴行禁止庶私販之路杜絕官鹽之路不壅商人
亦得疏通州縣官鹽引年年可以銷完亦不致悞
陞轉矣如果臣等所言不謬伏祈

大觀堂文集

卷二 奏疏中

手書

認地行鹽疏

題為 題明認地行鹽代銷懸引之例仰祈

敕部詳議責一以便遵行事康熙九年十月十一日

據長蘆運司題日豫呈據商人何清王瑞等連名

呈稱切照課完于商引銷于地惟地認不清則引

因之而告減課因之而告誦勢所必至如定州等

處告減四萬餘引此地既減何地可增因無可增

之地則引屬懸矣再如孟裕等商乏遺三萬餘引

此商既逃何商可代雖權加之商等終非定著則

大觀堂文集

卷二 奏疏中

手書

引亦為懸矣以八萬懸遺之引賣于商等兼復

縱鹽阻之日財窮力盡之餘即自身額課尚在攤

指難完又焉能挑僵李代若不亟為設法酌併則

今日現在竭蹶之數商焉知不為異日之逃恐者

乎因思減懸之引良由地認紛亂不清批商去留

不常煎販橫行不禁所致如地方有向來商等舊

認一定者九十餘處苦樂自甘趨避永絕急公告

運殫力竭私每年額引全完歷來案簿可考其夥

告八十餘處有利則趨無利則避以致告無常責

私販鹽起官引坐壅有司受考成之累如定州等處批減之引是也課無額認批撥負逋支商受奸騙之險如孟裕等高遜遺之引是也今商等矢公僉議無如循例將夥告八十餘處一如舊認一定者責商歸併認俾地方有端責承認引有端責告運而課亦有端責完納引地既清仍將批減之遺之引均責在各商名下自認地方作額完課仍責在于各所自認地方溢額告銷如斯則官引不督自運私鹽不禁自戡法紀畫一鹽政肅清等情

大觀堂文集

卷二 奏疏中

手

據此該本司查得長蘆額引七十七萬餘引其引分銷于州縣其課責納于諸商是無容減懸者今查批減定州等處四萬三千三百七十九引與乏商孟裕等縣引三萬八千五百四十四引共計減懸八萬一千九百二十三引矣事關國課勢不得不責之見在各商完納但每逢限比苦苦告艱且私販橫行半由于夥告地方事無端責所以日益充斥官引亦因之而告壅今據衆商公呈新併循如舊認地方之議並請均派批減之商懸遺之

引各在于自認地方帶銷私販自絕官引自疏等因呈詳蒙批據詳歸併八十餘處循例而行似矣第查此例起自何年行因何事曾經奉何批詳有無具題達部併于衆商有無累害國課有無裨益日後有無流弊該司逐一詳查妥確立速具文回報以便酌奪此繳蒙此該本司復看得長蘆額引七十七萬餘引行銷于各州縣衛堡共計一百八十餘處內如薊永儀封宣引俱經前院題定專認者如薊縣營保安州等處有詳蒙前院批允

大觀堂文集

卷二 奏疏中

手

及商人久經認定者則九十餘處向有專商承辦所以引課按年完銷從無遺欠惟昌平等州縣夥告八十餘處因事無責成以致引壅課誦自康熙五年間陞任周運司任內諸商即議併認行鹽迨奉行三載各商多有紛更不一至康熙七年間李運司任內各商又議復併俱經詳蒙前院批允刊刻成書即爲遵行矣及本司到任後屢據衆商呈稟復以夥告地方引鹽趨避不一正課因而不前且批減及乏商懸遺之引至八萬有奇若不亟議

當商承辦則 國課必致有虧第查併認之舉原
非創行若責成既專則趨避可杜縣引有著則額
課無虧此誠有裨于 國計有利于商民而實無
累害也至于日後有無流弊本司查舊認九十餘
處每年引疏課裕行之已久今將夥告八十餘處
照舊認歸併之例責成實力奉行是屬有利無弊
今蒙批查合再據實詳覆伏祈上念 國課下憐
商困俯賜具 題俾令永為遵守等因本月二十
二日呈詳到 臣等據此該 臣等看得蘆屬行鹽州
縣原泉商夥告自前此地方消乏引墾商遊前任
鹽臣節據司詳責今當商承辦將批減懸遺之引
各于自認地方通融代銷從此刻永儀宣等專認
各州縣計九十餘處年額年銷頗稱利便惟夥告
昌平等八十餘處地無專責以致趨避不一正課
因而不完故該運司遲日豫仍據商人何清等公
呈詳請欲照前例責商併認俾課有專辦鹽無越
行庶幾趨避永杜懸引有歸等情 臣等慮有違礙
復行駁查今據司詳舊認歸併等處每年引疏課

太觀堂文集

卷二

奏疏中

手

裕行之已久是屬有利無弊第前此未經具
題故猶有紛更等語是專認歸併之誠課商兩便
疏引裕 國之要務矣 臣等查欽奉
敕書有博採利弊斟酌損益及 敕內開載未盡事
宜聽爾等酌便請行之
旨故凡有裨商民 國計不敢不以
上聞為此理合具 題伏乞
敕部詳議施行

太觀堂文集

卷二

奏疏中

手

男毓瀚全較錄

大觀堂文集卷三

暨陽余 緒流公甫著

奏疏下

時任河南道監察御史未奏稿附

錢糧收解之弊疏

題爲直陳錢糧收解之弊請 敕部詳議變通以杜加耗之源事切惟 國家有丁地則有賦役有賦役則收解錢糧之事皆賦役中事也何可諱役民之名而行厲民之實乎

本朝深恤民艱初爲吏收官解之法至善矣然行

大觀堂文集

卷三

奏疏下

一

之未幾諸弊叢生名爲吏收而吏未嘗收名爲官解而官未嘗解其收之解之者皆百姓也夫錢糧收解既由百姓而有司何以借端加耗派索益繁則由吏收官解之名有司得以藉口耳臣稽古制編徭之法里甲十年一輪總以本甲地畝之多寡定徭役之輕重故值糧解糧必擇殷實戶丁身家自愛者爲之雖收解不無勞費而以一歲之勞費得九年之休養故民不告匱有司惟據案較閱簿書自拆封秤兌查比批剋之外全無所預雖貪吏

無從染指此民收民解之便也今有司以吏收爲

名僉點糧吏更非衙門積蠹卽係市井遊民錢糧

一經其手強半花銷遂致掛批壓欠包賠攤派苦

累里民謂之幫貼重加納戶謂之補征此一害也

有司以官解爲名因借傾銷添搭等陋規或陰勒

櫃頭恣收重耗或巧緣名色私行加派年年如是

里甲無休息之期此又一害也臣思 國家立法

本以利民而流弊之害如此可不亟圖拯救之術

乎然救弊非難惟正其收解之實去其官吏之名

大觀堂文集

卷三

奏疏下

二

可矣夫使吏果能收官果能解名安可去惟以民收民解之實謬託乎吏收官解之名而又藉其名以朘削民膏則其名安可不去而賦役之法安可不求變通也臣請 敕部詳議或兼咨各督撫叅酌時宜訪求古法務先去虛名除實弊俾有司不得藉口以肆貪漁庶幾上慰宵旰下拯疾苦較之叅劾繁而加耗日甚者得失相去遠矣如果臣言可採伏望

睿鑒俯賜施行

銓司成憲疏

題爲銓司有必遵之成憲請除變更七大弊以正用人之本事切惟 國家大政首重用人而銓司者又用人之根本也前此秉銓者紛更成憲我皇上赫然震怒電掃霆除旬日間煥然丕變矣然以謂成憲之大者莫如銓司之官制誠取銓司之變更者重除之而其餘官制次第就理矣查今日銓司之制異於

世祖皇帝時有七

請悉數之舊制銓曹必極一時

大觀堂文集

卷三 奏疏下

三

之選漢人非登進士有盛名者不得與焉今則一榜明經皆濫及矣變更者一舊制四司每省各用一人以周知同籍之賢否故資俸之中猶存鄉舉里選之意今則不分直省一槩引用多者一省或至數人少者數省全無一人矣變更者二向有每歲甄別之例內升外轉各一人故咸以名節自持畏苞苴慎請託今則停止甄別不復有杜門謝客者矣變更者三至於考選之例內則中行評博外則行取推知必由本部具題考選其深薦多及

素有清通之目者何敢過問今則部員州縣平升徑授矣變更者四舊惟試差遣副郎係無馳傳外省者今則鹽差關差雜然並遣矣變更者五吏部之不轉別部尊天官也尚書爲六卿之長禮殊百僚則曹署亦有定體矣今何以四司員外與別部較俸並轉也變更者六至文選司郎中舊稱選鈞不惟五部郎中不敢妄覬卽本部三司正郎亦必推擇品望至優者需次良久然後授之其人亦不敢違受也引嫌避選不獲已而後受之是豈謬飾

大觀堂文集

卷三

奏疏

四

欺謙讓者所以砥奔競恬淡者所以挽貪風也今則五部雜升朝聞而夕至無復慎推詳擇者矣變更者七凡此七弊皆由阿思哈剛愎執拘恣意妄爲遂舉 國家良法美意紛更殆盡今其人雖戮其弊未改恐將來銓政因循日久遂使用人之地無復澄清其餘官制何由悉符成憲 臣請敕部先將銓司事悉心詳議務合舊章其餘朝政次第脩復則政本治而人才與 國運並興矣緣係條陳字稍踰額如果 臣言可採伏望

睿鑒施行

欽定四庫全書

奏疏下

五

特糾溺職疏

題爲特糾溺職道臣以肅漕政事切惟漕糧爲

國家第一重務故各省俱設糧道以司董察任至重也任其職者自應釐奸剔蠹盡絕弊端始爲無負乃職若平時不能正身率屬而所屬奇貪大蠹又絕無報聞國家亦何賴此監司而任其貽誤乎臣於蘇常糧道盧某有甚可駭者查前此總督屈撫臣韓疏奏丹陽知縣路望重科徵六年漕糧每石派銀六分共銀二千餘兩又派心紅銀六百

大觀堂文集

卷三 奏疏下

五

餘兩二款狼籍甚矣乃當揭報者惟臬司知府而該道之端司漕務者反未聞也猶云偶失發覺歟及今督臣麻疏奏宜興知縣高標徵收七年分漕米漕兌未開先繳耗米二百石又勒販書銀共五百四十兩此皆漕政大弊該督撫已據藩臬府揭報糾叅而該道仍無發覺也夫漕政莫重於蘇常蠹弊莫大於私派該道專任其官身處其地而一任貪蠹橫行前後總無開報不知所司安在若知而不報是徇庇也不知而不報是昏庸也溺職

如某翁可令其安然尸位乎臣繕疏甫畢又見撫

臣韓 漕船裝運白糧等事疏稱船丁行月之外

勒借添簋提溜等項銀米而後裝行水手復逼工

價鼓衆停挽等語已奉 旨該督撫嚴拿究擬矣

臣思船丁指勒固爲不法然令該道能先事綢繆

亦何敢刁橫至此如添簋提溜等項果應借給卽

當預請動支如不應借給卽當嚴行禁止何待其

鼓衆橫肆始畏而曲從耶卽此一端其鄙懦無能

已可槩見又安望其釐奸剔弊彈壓旗丁也臣聞

太觀堂文集

卷三

奏疏下

七

該道食積衰庸悞漕非一茲就其罪狀之顯著者

據實糾參恭請 敕部嚴加察議以爲徇縱不職

之戒漕政庶有起色矣緣係糾參事理字稍逾格

伏乞

睿鑒施行

請廣開屯疏

題爲邊地既應耕墾旗藩似宜並給請廣開屯之

制以贍餘丁以固根本事切惟

皇上軫念直隸園地之苦 諭諸王大臣會議將邊外

空閒之地撥給旗丁耕種已奉

旨依議矣臣思各旗聚處 畿輔生齒日繁非移屯

口外將來誠有人滿之憂況邊外膏腴久成棄壤

今今移居耕牧則人畜兩獲其便洵治安之上策

也第荒地甚多旗丁安能盡墾查遼西寧錦一帶

太觀堂文集

卷三

奏疏下

八

距奉天不遠尤 本朝開創之始基也 國初南

服未靖暫徙藩封以資征討而關外遂致丘墟今

閩廣滇黔久已大定藩下生齒亦日繁矣聚數十

萬衆於海嶠蠻荒之地而不早圖資養詎善後之

良法乎況南方地隘人稠民無作業與其需有限

之餉贍日增之丁易若以能耕之衆就其曠之土

臣請 敕部并議除各藩經制兵馬及有田可贍

者仍應留禦外其餘退閑官弁額外壯丁及支子

族屬有願居關外者俱應照各旗例造冊咨部撥

給地土以資養贍則地無棄利人有餘財矣第久
荒之後墾闢維艱其蓋房屋置器牛種行糧等項資
給似宜優厚并請省其調發寬其地畝以示休養
之恩則人情樂赴而旗藩各有世業人士並皆生
財太平根本之謀寧外是乎臣推廣
上諭俯竭芻蕘倘言可採伏望
睿鑒俯擇施行

恭陳四願疏

題為講武固為盛典起居尤宜慎重恭陳四願安
聖躬以安天下事臣聞

皇上於今農隙之時欲行巡狩之典各旗官兵業已
秣馬擐甲戒期啓塗矣臣思講武大閱原係古禮
况上年宮車一出近郊之民咸被恩膏歡聲
雷動臣雖下愚知

皇上切念民生未嘗以遊畋為樂也第
天子舉動史冊必書

聖躬所臨嚴稱警蹕則時巡固不可止而起居
尤不可不慎也臣區區犬馬之心切有四願敢為
吾

皇上陳之一願合圖之時

皇上勿親射猛獸昔漢武帝好射熊刺豕納司馬相如
之諫而止今其書具在可為明鑒况格軼材之獸
以示武猛此材官力士之技也

皇上選拔驍果寘諸侍從已合天下之勇為

皇上之大勇矣射飛逐走寧足煩

聖體乎一願 行在房室

皇上勿輕騎微行夫清閭民間廉訪吏治固

宸衷所宜加意第草野愚賤不知

至尊之體而地方奸宄懷謀臣測往往有衝突儀仗

者語云白龍魚服困於豫且此皆不可不深慮也

臣思前代人主高拱深居放下情患不上達今吾

皇上一歲之內數與吏民相見但使 駐蹕之地引見

高年有德之人詢問疾苦採訪政治自然隱微畢

照矣若荒阻林莽之區

太觀堂文集

卷三

奏疏下

十一

聖躬幸無輕歷也一願

皇上廻鑾及早以恤羣情臣見科臣趙 一疏奉有田

獵原以講武並無糜費錢糧勞困民力之

臣思

皇上節儉愛養固未嘗輕費財力但

御駕一行千乘萬騎咸扈從以往離 京稍遠裹糧

漸艱萬一露宿日久士馬饑疲當亦

皇衷所深惻也 臣思講武之禮在乎蒐討軍實不在

乎馳逐田禽倘典禮已畢似宜早廻

御駕以體恤內外之輿情也一願

皇上慎擇居守以悅

兩宮京師者天下之根本九門鎖鑰八旗將領督察

雖各有人而

大駕躬巡則防禦尤宜加謹而

太皇太后暨

皇太后慈愛惓惓寧忘頃刻 臣知

皇上雖臨幸郡國而定省之思亦未嘗頃刻忘也 臣請

慎擇親王大臣加意料理防察非常上以悅

太觀堂文集

卷三

奏疏下

十一

兩宮之心下以釋臣民之慮

聖躬安則天下安矣凡此四願 臣知

皇上必熟審而豫圖第 臣區區愚悃私憂過慮誠結於

中無敢緘嘿字多逾格倘芻蕘可採伏望

睿鑒留覽施行

外官告病一體疏

請更外官告病之例以一內外之體收人才之效
事切惟

皇上統御羣工推

恩內外不一體誠以臣子驅馳

王事爲

國宜猷原無分於遠近也乃查舊例京官告病

病痊之日原官補用外官告病則令休致不准補

用思同一病也何以京官之病應准補用外

本觀堂文集

卷三

奏疏下

主

官之病獨不准補用乎意者外官有規避地方託

病求免故以此示懲者歟如果託病規避則常明

正其罪或革職或降調不應准其告病矣如果真

正患病則情非獲已俟病痊之日亦應照京官

例原官補用何可獨令休致耶况

國家立法均平內外人才總屬一體卽註誤罪廢之

員猶許辨復起用矧茲患病等員原無過犯或因

一時勞瘁傷感遂致終身廢棄揆厥情由當亦

宸衷所憫惻也請

敕部詳議凡嗣後外官告病應察明果係真病非屬

規避取有驗勘官印結併醫生結狀存案者似應

照京官例病痊日原官補用以昭

皇恩一視同仁之義倘係荒殘地方疑有託病規避

等情則病痊之日仍補原任可耳蓋

皇恩無間於遐邇人才不終於淪棄破從來拘牽之

苛例成

聖朝特達之曠典端在此矣如果言可採伏望

聖鑒俯擇施行

本觀堂文集

卷三

奏疏下

古

江南藩臬疏

江南藩臬不宜分駐請酌定會城以重職掌事切
國家分設各省自撫臣而外其職掌重大無過藩臬
兩司蓋以通省錢穀刑名唯兩司實並專其任故
撫臣倚之如左右手必得同處一城朝夕商確而
後呼應俱靈事無耽閣倘分居兩地徒藉文移往
來恐經旬累月卽有敏捷之才未免曠時誤事矣
臣稽江南二撫臣蘇撫駐蘇郡而臬司駐江寧相隔
距既已太遠至安撫駐安慶而藩司駐江寧既隔

太觀堂文集

卷三

奏疏下

七

大江又非本屬諸凡徵解錢糧提審案件檢勘災
傷察報賢否其便與不便臣雖不敢遙度而以情
勢揆之似非相宜之策也何則地方政務緩急難
以豫期今撫臣不能與藩臬面相咨議則庶績之
舛謬必多曷若同處一城如臂指相使之爲善乎
或謂督臣駐江寧而無藩臬則制閫之體統不尊
故江南江北各分一司以備任使似矣殊不知藩
臬職掌雖分而實以相合爲用者也今江北無藩
司則安撫之錢穀問之何官江南無臬司則蘇撫

之刑名寄之何人卽督臣有兩司官而藩司不知
江南之錢穀臬司不知江北之刑名猶之乎非全
省也况以江北之錢糧返輸解於江南蘇郡之刑
獄更赴質於江郡道塗遠涉艱苦倍常有殊不便
者乎臣愚謂督臣職掌原重軍務至於錢穀刑名
兩撫臣已分任之矣藩臬兩司似宜各令與撫臣
同駐以便辦理職掌者也如果臣言可採伏乞
敕部詳議施行

太觀堂文集

卷三

奏疏下

七

江督安居要地疏

督臣有安居之要地請酌形勢以固疆圉事切唯
國家念江南爲財賦根本之地前以海隅不靖勢幾
燎原故於會城設督臣以爲肆應之策而於京口
復設將軍以重其彈壓之威誠欲使犄角之勢成
而賊氛永息也顧形勢有緩急之分而號令有偏
全之別審其要而圖之則不煩增兵藥餉而氣勢
強固可坐操全勝矣今督臣雄據上游雖曰形勝
之地然以全勢論之則南北咽喉江海門戶莫過

大觀堂文集

卷三

奏疏下

七

京口爲最若督臣開闢鎮江以重兵控制要害則
氣勢聯絡與南北撫臣江淮提鎮互相首尾又有
江寧將軍與總漕臣爲之聲援調度策應之便莫
善於此矣如是則京口將軍似可併撤何則督臣
總統文武兼督滿漢較之將軍止領各旗兵將者
其事權不侔其機宜亦絕遠也或謂京口距江右
稍遠似於統轄稍有不便不知督臣常有節制三
四省者况江右係腹裏之地何難兼顧歟蓋攬勢
可以操勝而扼要斯能制遠不然而備多者力分

地偏者威細非策之上也臣從江南形勝起見謬
陳末議倘言有可採伏望
敕部詳議施行

大觀堂文集

卷三

奏疏下

末

請分未完輕重疏

爲請分未完之輕重以便責成事切唯錢糧上關國課盜案下係民生故各官考成唯此爲重雖陞遷等官必詳查有無未完者誠重之也第事有大小情有輕重若不分別等例一槩名曰未完則有大不可者如一錢糧也有官役侵欺者有那移前後者有舊官逋欠新官帶徵者有地方荒殘民逃賦虧者有賦役繁重民力不支完至八九分餘雖追呼鞭撻終不能完者又有藩司自顧考成將州縣

太觀堂文集

卷三 奏疏下

九

現年所解之糧改爲前官舊欠而現徵返致缺額者有款項不過細微而作爲十分考成遂稱掛欠者一查案也有山海大賊破寨擄掠如廣東之潮陽縣諸案者有營兵爲盜拒捕對敵殺傷汛弁者有名城大邑公然劫殺而捕役防兵相顧不敢追者有窮村僻路剪徑截奪者有鼠竊狗偷因失主窮迫拒開傷人者有流民饑窘伺隙搶擄旋即奔竄者諸如此類苟不分別輕重大小槩稱未完則侵那鉅萬與疎縱巨寇者不過循例降級而細微

尾欠及零星小盜之未獲者竟爾同科似非情理之平也 臣請

敕部詳議將前項未完俱分別大小輕重以定處分其重大者立行題叅其輕小者竟免降級則涇渭清而吏治肅矣抑 臣更有請者催科之政原屬有司討捕之責應歸防弁蓋有司所轄者不過捕役鄉保其力能制小盜不能禦大寇彼千百成羣之賊防守將卒尚不能勦捕而欲責之文弱之吏豈通論乎况將弁知地方失事文武並懲則卸過之心生而任事之念寡此盜賊所由無忌也 臣謂強盜二十人以上者應有司防弁同緝不獲均處如過二十人以上則非捕役鄉保所能討擒雖均應承緝而責任應歸歸汛弁有司如遇陞遷理應免其降級蓋輕重允宜而文武各盡乃職自然盜息民安永致太平之效矣 臣因錢糧盜案情有重輕謹陳芻蕘伏望

睿鑒俯賜施行

太觀堂文集

卷三 奏疏下

十

請復養士之禮疏

請復養士之禮培學校以勵人才事切唯

皇上重道崇儒特舉

臨雍大典又復八股之制廣鄉會之額四方髦士靡不蒸蒸向風矣顧臣聞之漢臣賈山云地之美者善養禾君之仁者善養士今仁如

皇上

養士之法安可不備夫養士者何養其廉恥也士有廉恥而後學校尊人才盛然所以養其廉恥者安在在

太觀堂文集

卷三

奏疏下

三

國家待士之禮臣稽

世祖皇帝時各學生員非犯法革黜雖督撫不得加刑以公事拜謁則督撫降榻爲禮其餘司道府縣體貌甚優卽有罪應褫亦必先申學道除名然後許加杖責未有無故榜笞嫚罵視如奴隸者也自前此一二劣生抗糧獲罪始令有司責治自此貪殘之吏借端欺凌擅作威福視諸生之溫飽者恣行挾詐無復顧忌稍有違拂卽誣以不赦之條鞭撻鎖禁窮辱異常諸生惕於

功令雖至破家貽命莫敢申辨如近日直隸撫臣金

世德疏叅知縣胡一蛟因生員趙廷朴等言語激觸遽誣叛逆遂將三衿酷刑慘死現奉

旨革職提問此其明驗也夫直隸如此况外省乎縣令如此况上司乎故今日學校之士不唯有司賤之卽輿隸小人皆蔑視之矣然士雖賤而詩書之好進取之心猶無異於疇昔者則知有司賤之而

皇上

未嘗不重之也故恩詔一頒士之觀光太學者接踵而至園橋俊彥盛越西京由此則知諸生孰不

太觀堂文集

卷三

奏疏下

三

急公尚義愛慕功名詎肯以欠糧細故自罹法網乎唯食吏摧折之餘賢者無由自奮中材以下廉耻道微矣夫

國家養士將以期異日之用也乃侮蔑至此異日安望其功名氣節卓然表見者歟臣請

敕部查議待士之禮悉遵

世祖皇帝舊制除諸生果有抗糧犯法者仍中學道嚴行究革外其餘貪酷官吏凌蔑誣陷之風宜痛行禁止如有仍前擅恣恣恣僥端辱士督撫立行參

究倘督撫擬經事發一併議處如是則苗莠辨而士氣伸學校重而人才出

國家收尊賢敬士之報奕世無替矣蓋士爲四民之首

皇上愛民必先愛士以臣區區之心欲爲

朝廷重教養非僅爲諸生惜體貌也如果臣言可採伏望

聖鑒施行

大觀堂文集

卷三 奏疏下

主

請卹建言疏

爲前卹建言從罪諸臣以初忠直之氣收治平之故事切唯水旱災異何代無之唯

聖主憂勤之念遇災加儆不靳下罪已之詔求言納諫

務臻至治斯天心鑒格而民物永安矣然天下正直敢言之士常少而浮沉取容之輩恒多非有以作忠直之氣而感發其廉耻則必以庸碌隱忍能保富貴者爲得計孰肯奮不顧身以觸邪指佞爲

當責乎臣伏祝前代建言諸臣或一時獲罪流貶

大觀堂文集

卷三 奏疏下

主

然不旋踵卽賜環召對其已故者必贈官葬祭卹

其子孫故上雖嚴威莫測而犯顏直諫者不喪良

以忠直之氣迫於中由恩義之感屬於上也吾

皇上臨御以來受言樂諫雖有懇激之辭未嘗深譴又

屢頒

上諭俾言臣指實具奏雖古之懸輅設鐸莫能過也

然邇來水旱地震災異頻仍

皇上雖求言若渴而尚未見有忠謀至計允當

上心豈所以作直臣之氣勵其廉恥者尚有遺義歟

臣思

世祖皇帝時建言諸臣凡獲罪還謫者咸蒙

赦還錄用唯是條議近人一案當時因

功令初行利弊未顯而諸臣忠愛之心過於激切遂

至有長流不返者今幸

皇上聖心洞察特允憲臣公疏遂回二十餘年久沿之

成案以救天下億萬生民將

世祖皇帝在天之靈實式憑之矣夫全一逆人也憲臣

言之於後適逢

大觀堂文集

卷三 奏疏下

五

皇上雨露之施而膏澤沛於兆庶諸臣言之於前適犯

世祖皇帝雷霆之震而身命畢於還方是諸臣之言雖

有當否而忠愛之心如出一轍

皇上既錄現在之忠謨併當

念前時之狂瞽亟

敕部臣查明當日建言被謫諸臣存者

召還錄用歿者亦許歸葬故里加以贈卹如是則

不唯忠魂義骨感激於九原而今日之守官待罪

者亦將慕鳴鳳而耻寒蟬昌言不諱寒謬成風永

致太平長治之麻矣臣因請卽建言事理字多逾

格伏乞

睿鑒統覽施行

大觀堂文集

卷三 奏疏下

五

廣西瘴屬甚重疏

爲廣西瘴屬甚重仕宦死亡可憫乞

敕部酌議就近邊補之法以恤人才而收實效事切

四方風土唯廣西素多瘴屬中原西北之人仕宦

其地者多染疾致斃生還十僅二三臣閱邸報見

撫臣馬

題稱數年來大小各官物故不下數百餘人深可

傷憫夫臣子受

朝廷一命之寄咸思建立功名榮歸故土若客死窮

太觀堂文集

卷三

奏疏下

七

鄉魂棲異域雖人臣盡忠之義固不容辭而揆諸

仁主愛惜人才撫養地方之計當不忍出此矣考古

粵西數郡原係罪人遷謫之鄉其人法當殊死

朝廷有而遣之故危亡有所不恤今以有用無罪之

人選授彼地方拜官之日已有畢命之憂雖作邊

俸優陞而病斃接踵安望其寬心整理爲

國家綴養百姓乎

臣

思風土相近之處其人必可久

處廣西密邇湖南廣東等處生長斯地者素相習

服必無瘴厲之虞今後倘廣西缺出卽令就近選

補則宦遊者不患暴亡而地方又得久任之吏不

致新舊迎送苦累小民似於愛惜人才撫養地方

之義不無小補也如果

臣

言可採伏乞

敕部詳議施行

太觀堂文集

卷三

奏疏下

六

科場貼卷可憫疏

為科場貼卷過多人才困厄可憫恭請

敕部查復舊例以光大典事切我

皇上嘉意人文覃

恩廣額又

允禮臣所請更定科場條例凡從前立法過嚴者咸酌裁至當矣唯是場中試卷不合式者固應貼示而從中亦有字畫稍誤抬頭小錯之類舊例免貼者近因

太觀堂文集

卷三

奏疏下

五

功令較嚴監試諸臣唯恐失察取咎遂將纖毫舛錯槩行貼出如已酉科直省鄉試俱貼至數千卷騰送內閣者僅及其半多有文藝至佳以小誤不錄者雖云恪遵新例而人才未免過屈矣臣思

國家設科原期廣拔才俊以備任使今不問其文章工拙而先窘人於點畫微細之間似於

皇上審察求賢之意尚相左也查

世祖皇帝時每科貼卷甚少雖自丁酉科試官作弊防察加嚴然大意原為闢節貽略阻厄真才故痛繩

以法非謂微小錯誤當槩行不錄也今本年會試

場期已及臣恐監試諸臣相沿苛細遂致粘貼過

多士子有懷才莫展之憂內閣有卷不足收之嘆

詎所以光

大典乎臣請

敕部查照舊例除原不合式者仍行貼示外其餘或筆畫小誤或抬頭稍錯之類諒免貼出以珍惜人才則不唯士子三年攻苦千百里奔馳六晝夜嘔心所作獲一經主司之目得失總荷

太觀堂文集

卷三

奏疏下

三

皇仁而

皇上特賜廣額之

盛心更俾典試諸臣得以博觀精選不致聊且充數

庶幾人才益盛

文治彌光矣臣因

國家大典所關謬抒末議伏望

睿鑒俯擇施行

請別奏銷紳衿疏

為請別奏銷紳衿以昭激勵而廣

皇仁事 臣仰瞻

皇上憂勤儉嗚諸凡脩省之實解網之

仁已固不舉行周悉矣唯是江南奏銷一案因先

年頑鈍之輩抗糧逋賦不得已痛加敲黜以懲宿

弊誠救時之良法也但聞當日諸案中亦有貧無

寸土而為親族所株累者又有絲毫無欠而為胥

役所捏報者此類固可憫念即自下

太觀堂文集 卷三 奏疏下

功令之徒若事後果能悔罪求新急公奉法在

聖朝屢弘肆赦之條雖與臺賤隸作奸犯科者咸蒙

昭雪豈有仕紳子衿顧忍令其終身罪廢之理况

此案歲月已久詎無惕然遷改而輸將恐後者若

莠苗不分同錮於

仁聖之世則遷善者何所勸而怙惡者何所懲似應

敕該督撫將前項紳衿逐縣確查自處分後何者完

糧最先何者輸課仍後其能補過者作何優復其

不悛改者作何治罪分別造冊具題以昭曠典

查澄察既往所以鼓舞將來而甄敘紳衿所以

發庶族當亦

與朝風勵之機權於以敬迓天休至順也唯江南實

財賦之區亦人材之藪從來經理財用與鼓舞人

才當並行不廢倘 臣言可採伏望

敕部詳議施行

太觀堂文集 卷三 奏疏下

呈

請禁妖言疏

爲請禁妖言僞術以肅法紀以杜隱憂事切查術士妄言禍福律所首禁蓋小人託稱休咎最足搖惑人心故雖遐方僻壤有挾左道以煽俗者猶禁捕必嚴况

京師輦轂之地詎容奇邪妄人放言無忌以誑誘愚俗乎臣聞近日外城江夏會館有朱方旦者原係

湖北撫臣董國典

題參解

太觀堂文集

卷三

奏疏下

三

京之罪犯也雖其事之始末臣未能盡悉第聞長安

中官紳士庶奔走若狂祈問禍福者動以千百計

而其人亦儼然以神僊自處恣爲詭誕察其言辭

閃爍可駭臣思此人若果至誠前知則當抱道自

重絕遠趨附之人不應如此招搖多事若祇是市

井巫卜之流謬託神僊以鼓煽流俗則恐將來黨

類漸繁奸謀叵測萬一養成氣勢然後除之損傷

者衆矣况近日直省等處邪教餘孽猶未盡殄倘

或觀望興起轉相效慕豈世道人心之福乎臣歷

稽前代如少翁樂大王老志林靈素陶仲文之類皆以符水幻術邀取寵榮一時朝士嗜進無耻者咸倚附于求門庭如市卒之術無所驗旋皆誅譴揆此可知迂怪之徒妄言欺世類無足信而况邪說之害又有甚於此者乎臣請

敕部嚴行查議或將本人投逐遠方以禦魑魅不則收攝內城深密之地勿令與外人交通以杜禍源至其餘黨再行五城嚴加禁戢如有仍前借名誑誘者卽拏送刑部按律究擬如此則法紀肅而人

太觀堂文集

卷三

奏疏下

三

心正奇邪息而風俗淳實爲億萬年治安之關鍵

矣臣從世道人心起見直抒狂瀾伏望

睿鑒俯察施行

聖荒回籍安插疏

爲聖荒既准回籍安插更宜慎詳請分效用歸農之例以定人心以靖地方事切吾

皇上軫念投誠之衆資生無策

特允臣同官蕭震所請分遣各省聖荒以圖贍養既

令增裕餉課亦俾安靖海隅誠

廟謨之至善者也乃行之未久而川湖督臣蔡某又

以此曹不諳耕種逃亡者多請聽其回籍自便復

奉

永觀堂文集 卷三 奏疏下

聖

旨允行矣臣思

皇上聽言納諫速於轉圜總欲俾投誠之衆各得其所

咸含哺鼓腹於

堯天舜日之下耳第人生氣質不同地方情形亦異

此千萬人之中固有悔罪求新自甘力田以終身

者亦有負才尚氣猶思立功以自顯者今概無分

別悉令縱還是使狡悍之徒與愚弱之輩成聚處

故鄉共事南畝乎恐於勢猶有所未便也蓋人各

有能不能彼遷居外省既以不諳耕種爲辭者豈

旋歸故土復肯以力田爲事歟况此輩平居多縱

橫閭左一旦失勢來歸恐怨家讐人乘時報復必

惴惴焉有不敢寧居之意而且密邇海濱其游魂

竄伏者未必無招搖鼓煽之術萬一潛相勾引磨

眼復萌則熟蹊舊徑何可悉防也臣請

敕該督撫將回籍者細核實數通行驗閱內有才技

優長膂力驍健者雖經繳例仍准酌量分送各省

督提隨標效用果老弱愚懦者許其歸農復業仍

令本籍隣佑互相保結再行曉諭各州縣人民一

永觀堂文集 卷三 奏疏下 聖

概不許懷挾夙讐私相報復如是則驚驚者既開

以功名之門耕鑿者復享其身家之樂卽有奸謀

萬輩無所逞其詭誘不唯東南半壁從此永寧將

見臺灣餘孽亦皆釋甲來歸矣何則內間杜則賊

勢自亡彼亦安能久遁孤島耶臣思前此招徠非

易今茲安頓尤難與其事後更煩

庸慮不若及今先令消弭故謬陳一得之愚以祈採

擇伏乞

敕部議施行

漕輓遲速疏

爲漕輓之遲速難期

畿輔之蓄積空廣請脩近郊倉儲以裕本計事

臣聞

積貯者天下之大命

京師者天下之根本故古者國都所在必有數年之

蓄以備不虞而後凶荒不能爲患今

國家歲仰漕輓以贍

京師自按額支放而外未聞倉廩有數年之積近郊

有升斗之儲卽令北歲豐稔猶可深慮況今水旱

大觀堂文集

卷三

奏疏下

手

饑荒所在見告

皇上軫念窮黎漕糧業多改折卽輸運本色者又因黃

河決口未塞天妃岡一帶處處淺淤恐

今漕艘

未必如期抵通凡

都城內外億萬人民日用米不下數十萬計將何策

以濟之

臣

思士庶家稍稱溫飽猶慮食指繁多豫

謀蓋藏矧

神京所在可云民食足支目前便謂晏然無虞耶

俯竭管窺雖有亟脩近郊倉儲之一法庶可稍佐

京通之未足耳考故明時近郊唯天津衛倉廩最

多儲米最廣其地距京密邇又切近河干轉輸

甚易第歲久不脩倉廩塌毀幾盡間存一二亦積

貯無幾

臣

愚謂宜及今脩繕完固另發

帑金於近省豐熟之處召糴米麥等項貯足一二年

之食則雖有水旱災傷而緩急可以常恃矣或謂

故明時儲米以饋開寧今開寧並不需米此倉何

庸復設殊不知

畿輔尤重於邊防

大觀堂文集

卷三

奏疏下

手

國儲更懸於軍餉

皇上愛育羣生雖偏州小邑猶脩復常平等倉積穀以

防饑歲而况天津咫尺

神京足爲滿漢官民所仰賴者乎倘非豫有所貯以

防京通之不足萬一水旱不時漕渠偶梗此地之

米價其堪騰踴否乎思及於此當不以

臣

之杞憂

爲過慮矣總之以京通爲正額以津倉爲副餘若

遇外省歲歉米貴將漕糧量行改折以蘇民困而

以津米抵兌京倉之數俟新漕至津仍行補額則

諸倉遞相轉輸儲米不致紅朽而 畿輔常有數
年之積此實根本民命之所關不可不亟圖者也
臣從 國計民生起見謬抒末議伏望
敕部議覆施行


男 毓浩
毓湘 全較錄

大觀堂文集

卷三

奏疏下

三九



大觀堂文集三卷

浙江巡撫
採進本

國朝余緒撰繙字仲紳號浣公諸暨人順治壬辰進
士官至河南道監察御史是集卽其官御史時所
上諸疏凡四十三篇其外官告病諸疏皆繙私擬
未上之稿未嘗見之施行不當一例附入也

疏稿一卷

〔清〕胡文學撰

北京圖書館藏清康熙二年自刻本

附《四庫全書總目·疏稿一卷》

提要

序

臺臣之與科臣言責同也
而言分自宋以後則兼之
矣臺臣之與科臣言責同
也而官守異自秦漢以來
則然矣漢以諫大夫掌議
論以御史掌糾察唐以補
闕拾遺匡君德以御史儆
官邪宋之正言司諫初不
任糾劾而御史分隸六

疏稿序 董玉

一

乃得兼諫諍至今相沿而
不廢此臺臣科臣之有言
責分於古而兼於今者也
周迄戰國止以御史爲贊
書紀事之官迨乎秦漢出

疏稿序 董

二

監諸郡衣繡持斧或議鹽
鐵監賦稅轉漕諸事東都
魏晉以至唐宋內則彈擊
百僚簪白筆糾行馬外則
案行風俗分任三院至今

畧倣其遺制此臺臣之有
官守而科臣之所無古今
大畧然也夫有言責者喋
喋而咕咕仰視天而俯畫
地起而行之苟捍格而不

疏稿序 董

三

通言固何當有言責而又
有官守者坐而言立而可
行試之而立有效俾官無
繇曠守無叢脞而不徒以
空言沾毛鷲劇切之名也

吾同年四明胡公擢御史
數月章四五上內及官府
外及四方細如會王之膳
饗正賓客之牢禮殮牽大
如海戰之寫材治艦莫不

疏稿序

四

朝上而夕報可非言之無
當者比庶幾無負言責矣
出按兩淮鹽政三月而悉
索欠餉百五十萬竣事而
溢額幾四十萬然其抗章

力請則惟銷引減百斤行

鹽復三府二疏蓋一再上
而後報可蓋其言之當故
不憚其言之數而後得無
曠其官之守公之爲臺臣

疏稿序

五

也可謂官守與言責兩得
之者乎雖然吾不難其言
責之無負而尤難其官守
之無曠何也國家取給鹽
課以資軍興者幾二百萬

而淮南北居其大半然行
鹽之地日感而舊引壅至
九十餘萬官此者不可謂
不重且難而公以兩言立
辦使舊引無盈車之積新

疏稿序

六

鹽湧萬斛之舟此豈僅爭
牢盆析秋毫以言利事者
哉善乎虞山錢牧齋先生
推言之曰王文成急贛兵
而割袁臨吉三府以屬廣

胡公急淮餉而割衡永寶
三府以屬淮易地皆然又
以其權緩急議減斤猶霍
文敏之言治鹽如治河爭
上流而不爭下流嗟乎是

疏稿序

七

真知公亦知鹽法者矣蓋
鹽者神液陰漉誠富媪之
藏而公室之寶也其品固
殊河東種于猗氏解池長
蘆淮浙煮于海他若蜀鹽

產于井河北成于鹵地永
康出于山崖塞北生于木
石食之少權之微惟海與
池關軍國之計最大使得
公輩數人落落然分六氣
疏稿序 卷一
之任必當如劉晏司度支
而權鹽至六百餘萬緡諸
費仰給焉故曰不難其言
責之無負而尤難其官守
之無曠豈虛語哉公旣梓

其前後疏稿屬予序之
與公受知

先帝同日擢爲臺臣顧予旣
言事數不效掌庾一歲又
曠其官未能礫大廡之鼠
疏稿序 卷二
予蓋兩失之而公乃兩得
之如此公且入爲卿貳代
工天府以彌

聖主以報

先帝之知古之人君往往得

賢人而利子孫者予猶及
於公見之獨以

先帝之知人何其兩得之於
公而兩失之於予也予滋
愧矣時

疏稿序

十

康熙癸卯夏仲朔江南道
監察御史前行人司行人
董文驥撰



序

天下事不患不能言患在
不能行人侈口議論成敗
莫不洞中機宜一旦身膺
厥任功實不相副十常八

疏稿序

一

九夫使言與行胥出是人
孰敢不審慎而出唯言之
者一人爲之者又一人則
言常易而爲常難此議與
任遂分兩途事功所由不

立也余待罪掖垣六年矣
兢兢以是爲慮凡所條議
必審顧名實不敢肆言高
論然余僅能言之未常行
之使執余之言責余以必

疏稿序

姜

二

行未知得當與否余心滋
愧今于道南胡先生不能
不服膺嘆息焉道南自入
西臺諸所建白皆關切天
下大利大害海內望其丰

采如威鳳景星其奉差則
巡視光祿兩淮巡鹽二役
也光祿司上供食物胥吏
因緣爲奸侵漁中飽錮習
難破道南洞燭其弊毅然

疏稿序

姜

三

疏請剔釐之而冒濫以清
矣兩淮自軍興後課數不
登兼之私販橫行官鹽坐
壅當事者蒿目焉道南設
法疏通多方條畫商困藉

以少蘓而國課乃至溢額
矣夫以精詳明敏之才目
擊利弊然後形之于言旣
以言之旋卽舉而行之是
以真文章爲真經濟豈徒

疏稿序姜

四

侈其論議已哉古能言之
流于漢推賈誼於唐推陸
贄然三表五餌諸策說者
謂夸誕無事實而宣公奏
議切劘時政間亦得失相

半使今日操券以責二子
吾知其難也然則道南方
駕古人勝二子遠矣余在
京師睹道南行事心儀旣
久今以疏稿屬余序余何

疏稿序姜


五

以序哉夫文章卓犖今古
有目共見吾願讀是編者
因其言想見其所行如日
星河嶽毋徒作賈陸文字
觀則庶幾矣

康熙癸卯季秋朔日奉

旨內陞禮科都給事中年家

眷弟會稽姜希輒頓首題



疏稿序 姜

六

疏稿目次

天心既誠

欲隆彙遠

天厨重地

蠹棍借名

備陳畿南

國家應豫

清查委官

疏稿目次

磨勘之典

民力已盡

漕米改折

兩淮鹽政

裕課必在

弊莫大於

淮北商困

懲私宜嚴

裕課必在

疏稿目次

二

福建道試監察御史臣胡文學謹

題爲

天心既已誠應求言務臻實効請

勅部議詳明以奏昌言之績事切惟今夏以來亢陽

不雨我

皇上省躬引咎下

詔求言令部院科道等盡言無隱至

步禱之日甘霖隨降遂使秋成可望惟至誠格

疏稿

一

天故孚應如此之速也惟時諸臣條議累牘連篇有

未經指實者俱令明白回奏仰見我

皇上真切求言不欲虛邀名譽誠有如

上諭之諄篤者但今部覆條議求其有益于國計民

生者未見所行何事有關乎興華利害者未見

所從何議不過如捏款投揭納粟准貢及在外

行查等事間依其請此外非日已經會議遵行

已久則日不必再議因念諸臣立言必先計其

可行而後乃無負于言之責部臣用言必期能
行其言而後乃收言之益惟是能言者不能與
其必行用言者又不肯深擇其言此天下事所
以議論日多成功日少也臣伏憶十六年三月
間

上諭諭吏部爾部爲六卿之首職司用人凡吏治民
生重大事務皆當盡心籌畫詳切具覆方爲不
負委任近來爾部一切議奏本章多拘相沿陋

疏稿

二

習但云已經具覆在案卽各官條陳亦不詳看
其果否可行此皆不肯敬慎存心真實任事只

圖草率結局負

朕委任至意殊不合理以後若不悉心着意詳明覆
奏仍前草率定行治罪不饒特諭欽此煌煌

諭旨凡在議覆者皆應恪爲祇遵况值昌言不諱之

日千載一時尤當仰承

德意伏念我

皇上以誠于事

天之心誠于求言故雖剝襲雷同者不加深咎使議
覆諸臣以誠于事

皇上之心誠于用言何至奉

旨可採議覆者盡置勿錄昔唐臣陸贄曰言其事之
得者勿卽以爲是當原其得之由言其事之失
者勿卽以爲非當究其失之理故臣謂如其言
可用則當勿拘成見亟宜請行如其言而不可

疏稿

三

用亦當明指其故緣何不便庶幾以可辨其言
之是非而上之可副

皇上求言之典下之可作諸臣敢言之氣如仍以數
語點綴究竟何裨實益臣請現在議覆者仰祈
天語申飭詳加核議卽前經議覆已奉

俞旨或事應更正難以輕議者亦應明列可否奏請
上裁定奪則稽首拜颺無不共底乃績而我

皇上痛加克責實實省改之諭將與堯咨舜傲千百

世並見之矣臣以叅補李官十六年部院諸臣
舉臣卓異茲荷

特簡臺班備員言路請因臣立言之始先陳用言之
要伏乞

睿鑒施行

順治十七年八月十九日奉

旨該部議奏

疏稿

四

巡視光祿廟建道試監察御史臣胡文學謹

題為欲隆柔遠之文應復

闕門之制事切惟光祿寺衙門其自進供

御膳外至于

賜宴大典皆其職掌臣等備查舊誌凡遇外來遠人

賜宴俱于闕左門伺候此即古者坐于門外拜

恩闕下之意所以懷徕遠方不以親近恩至渥也今

一應宴席俱改于禮部等衙門擺設竊計禮部

疏稿

五

衙門為堂司各官視事之所今以公座之堂列

朝廷宴享之席觀瞻所在誠為非體且遠人瞻望

恩膏不能親承

寵渥于禁近徒委之部曹公署之內欲以彰懷柔而

予親厚是咫尺

天威不啻上下相隔矣請乞

勅部議覆查照舊例遠人

賜宴果在

闕左門擺設相應改正遵行庶幾永遠有方而

國體攸崇矣如果臣言不謬仰祈

睿鑒施行

順治十七年十月初二日奉

旨該部議奏

疏稿

六

巡視光祿福建道試監察御史臣胡文學謹

題爲

天厨重地舊觀應復請

勅查議以垂久遠事臣等辦事光祿案查該寺因改

十王府部議拆毀脩理別衙門除後房俱經拆

完止存中堂大門亦在議拆之內巍巍巨觀半

成瓦礫目擊其地未嘗不爲之心異也臣等復

查該寺誌書原有涼樓爲供御所卽今中堂之

疏稿

七

地所以儲膳品供鋪設非爲該寺各官公署而

建也再查大門卽大烹門舊制因以上供重署

特用朱丹彩畫以示表異載在古誌可考而知

今雖仍王府之遺實係光祿舊地若盡議拆毀

不惟無以重供

御肅觀瞻竊恐品物無所安頓陳設無所容庇將來

必至再議營造何如仍留故址更爲省費至于

拆脩各衙門卽鳩工最亟不若該寺備儀備物

爲我

皇上致養之地

上供玉食享祀大典俱出于此較之別署脩築未有

重于此者臣等備查古制謬陳愚見請

勅工部查議仍將中堂大門存留以復舊觀則億萬

斯年規模宏遠矣伏乞

睿鑒施行

順治十七年十月初三日奉

疏稿

旨工部議奏

巡視光祿福建道監察御史臣胡文學謹

題爲查棍借名擾害都民違詞具控據實直糾請

勅部究擬以安民生以儆將來事臣等奉

命巡視凡稽查出入平估物價罔不兢兢祇慎至于

事關該衙門者惟恐不能釐剔有負

皇上委任至意今續據彰儀門內等處居民李迎春

張鉉宋福耀世廉王江順進孝顧進賢宋舉郝

孟夏等告有悖

疏稿

九

旨園地逐民科詐各等事狀詞到臣內稱光祿寺菜

戶張汝源馬二秦大田俊小等借端添設菜園

爲由朦朧園佔城內民園或強佔民地吞壩菜

苗或拆毀房基推壞牆屋或奪墳地而破塚殃

民或毆官井而勒錢買汲或私科租銀至十兩

二十兩之多或搶擄器具及家伙日用之細逐

民詐贖不一而足甚有勒賄飽欲放還復業者

情詞慘痛紛紛具告臣等伏念

皇上愛民如子輦轂之下時加軫恤且奉有再不許

圈佔民間房地之

旨今以光祿寺題請菜園不足等事一疏

部覆查地補給致使居民失業哀籲萬苦雖兩

造未質誠僞未辨但今查園未完誠恐蠹棍借

地圈佔騷擾畿民若不嚴加窮詰將來奸棍恣

意效尤何所底止臣等職司巡視有聞必告謹

據狀

疏稿

十

題請乞

勅下刑部將原詞犯証備提質審庶民生獲全而後

來者知戒矣除將原詞八紙封貯公所候

旨移送伏祈

睿斷施行

順治十七年十月初四日奉

旨刑部嚴審擬罪具奏

福建道試監察御史臣胡文學謹

題爲備陳畿南時弊亟請

嚴加釐剔以重根本事切惟

京師爲四方之樞機而畿輔爲

宸居之屏翰

京師治則天下皆治

畿輔安則四海皆安故致治之本未有不自近始

者我

疏稿

十一

皇上首念畿民發

帑賑恤旬服之內靡不廣被

皇仁其所以爲根本計者至深且遠顧有疾苦時聞

而有司力不能軫弊害相仍而守令法難以制

臣任真定李官受事四載耳目既悉豈容隱默

謹據實縷陳惟

皇上垂聽焉

一供應草苴及牛車運送水旱蠲荒每年銷算

州縣止發總算里書分散各役託名大部使
費扣除其半細戶小民什不得其二甚且
隔年銷算里甲多有逃亡或鄉城遠隔全無
不知官役盡爲侵分細戶未領分毫應查道
府稽查務令各里親收不許代給僉領狀
呈報則苦役貧民皆沾實惠

一需用刀槽并修理衙門

朝覲造冊等項一倍必加派數倍如造冊一本需費

疏稿

十二

數兩多至一二拾兩皆由府城胥役身充歇
家與州縣衙蠹串通包攬各項州縣知係上
司胥役倘不俯從恐致多事只得勉強加派
完銷前件小民賣妻鬻子含忍賠償無可控
訴至如鋪設衙門久已禁革但遵行不力積
弊猶然應請一併嚴革以甦民困

一北地既經圖佔真順等府撥補每有部牌初
撥仍復退還原地前後行牌不一以致保民

因地租不給而具控真民以現奉部牌退地
爲詞連年詰告拖累傾家其間亦有取租北
民原非本主勾引旗丁橫索數倍或輪租佃
戶見其假日故爲勢指短少因而刁告隔屬
差提擾害益加之因請查原行部牌如退還
前地至今未補者應另行給地仍不許借糧
爲名株連犯証則流離得所人皆樂業矣

一大兵往來迎送滿州家口應用車輛雖經條

疏稿

十三

議官爲置辦但用車既多日需喂牛費不可
支勢必給價催覓使戶甲輸流應值勞苦猶
可相均無如上司蠹役恃強求免或學霸說
情目稱優免箝制州縣不敢不從遂使貧戶
偏枯獨受其累至有借名起送各州縣胥蠹
私派車輛折銀入已里甲騷然嗣後如有濫
派村庄有司徇情不舉請

勅撫按題參治罪非奉上行不許私自派車庶幾凋

疲稍飾其苦

一真定鎮兵近今議裁且分汛三全撥守鋪地
所餘營兵無幾舊例過往差使部牌發兵護
送西至山西平定南至河南漳德日夜奔馳
何暇防剿而屢至失事况過往差使不願護
送勒索折銀將領不得不扣除兵餉月餉既
虛餉口無計豈惟不能禦盜且將以爲盜請
勅該部凡護送差使量行減撥毋許勒索折銀庶騰

疏稿

十四

飽有日可用以防剿矣

一鎮標關口各兵俱赴易州領餉今餉司既裁
司役仍踞本道衙門凡遇領餉必重索規例
且故意勒指守候多時又于常例之外另索
多金及分散各兵俱以公費扣減歷經告發
如道書潘涵春等按臣現今拿訪在案竊計
以真定之餉給真定之兵最爲至便何至往
返千里不唯候領稽遲獎賞難窮并累小民

護送兵民交困莫甚于此前經按臣具題部
覆未允如以庫藏文冊俱在易州爲詞豈真
定鎮道府衙門何獨無此應請

勅議改正

一畿南盜賊每多營伍益以衝途迎送往來無
定易于爲盜且有司不敢詰問將領兼爲徇
庇以至橫行無忌至于積竊大盜往往投充
各衙門聽用或借投誠以爲護身此輩即公

疏稿

十五

然劫殺誰敢擒拿以後如有司廉訪真盜實
跡徑行揭報者許撫按卽與獎叙如將領挾
同庇護一有發覺卽將該管官一併議處稽
察既嚴盜源自可永清矣

一各府通家劣衿多與京棍內外勾連專意把
持府縣挾制不遂卽開狀上告或在京捏揭
恐嚇有司一切聽其虐使罔之魚肉小民竊
藏響馬撒帖聚錢無惡不爲官府聞之加畏

小民懼而側目卽有撫案訪查誰敢提實聞
報反招其尤如遇此等該府縣容隱不報極
按糾參卽以徇縱治罪則虛害稍知斂迹矣
以上諸款皆彙南通弊不止真定一府爲然以
臣閱歷既久情事最確切念根本重地尤宜首
先剔釐以爲四方之倡伏乞

勅部詳議具覆事關係陳宇多逾格親祈
鑒宥施行

疏稿

十六

順治十七年十一月初四日奉

旨該部詳議具奏

福建道試監察御史臣胡文學謹

題爲

國家有應陳之機宜

廷臣習因循之故習日昧直陳仰祈

嚴給中飭速結未完諸案悉心籌畫重務以收治平

之效事切惟

國家根本之計實能先事而謀人臣因事盡職務在

當機以決使不權于輕重緩急之勢而玩愒成

疏稿

十七

風徒曰已治已安未可恃以無慮也我

皇上統一區宇十七年于茲乃滇黔始受叛亂蜀粵

猶需安輯且以海上遊魂不時窺伺以致荷戈

萬里軍士之勞苦未獲轉餉頻年民生之困苦

益甚其間費

宵旰之勤勞藉諸臣之殫謀者卽朝夕圖維惟恐其

有不遑矣近如傳聞蜀省叛將郝永喬露然反

側兩川人心洶洶不寧加以舊撫高爾瞻已經

逮聞新撫佟鳳彩由江右推陞隔越數千里到任無期督臣以一人兼理彼此瞻顧不能久住西川切恐西南新闢之地一日無人彈壓卽胎一日之憂至如餉匱告急所在頻呼脫巾之慮勢有難支如平南王疏稱封疆重任設有債事臣罪難逭非甚激切何以言此無如持籌鮮術不過嚴爲檄催無補枵腹萬一士散兵逃誰爲防禦且鄭逆久踞閩海大兵進剿不卽授首而

疏稿

十八

奸細隱伏在在可虞倘來春南犯浙江隨地可以躡入如昨歲京口之變內地一時騷擾凡此皆今日切要機宜不可不預爲綢繆者也當此之際在

廷諸臣未開出一策建一謀爲

國家思患預防早計攸寧如必待有事而後經營變生而計奠安雖補救多方而所失已多豈日爲計之得職辦事衙門伏見入夏以來一切部作

槩多廢闕雖科臣按季查銷各部止明註已完未完不過循行故事仍多怠緩除軍情重密臣不得而知其間有應請

旨酌裁而不卽具題者如劉芳名官兵奉

旨著仍回本鎮查寧夏標兵已經招募足額今發回

本鎮作何安頓有已經

皇上親訊而未曾結案者如劉正宗張縉彥佟國器

前事其情事始末何難立決而延挨至今迄無

疏稿

十九

定奪至耿焞張自德等或曾經奉

旨或久已寃擬而停閣多時尚未成招竊恐一事未

完則事事牽制卽有封疆關係藉口會議不暇

姑置勿問漸使諸事廢弛誰任其咎叢脞之患

莫此爲甚而習久不以爲非盈

廷不知其失良可慨也伏乞

皇上軫念安危大計何者宜重何者宜速特

勅諸臣將從前未完諸事嚴立限程或一月或半月

徹底完結如遇邊疆重務先事周謀不得徂于
目前如蜀省降將爲剿爲撫何以得宜滇黔閩
蜀催解協餉何者實濟閩粵江浙要害之地分
兵防禦何以嚴立責成海外道孽蠢動之逆令
師戰守何以得操全勝遂件詳議細心籌算務
使事實着可行仍

勅川撫星馳赴任整理危疆則治內安外于以定萬
世不拔之基矣臣從

疏稿

二十

國家大計起見不嫌忌諱字稍逾格統所

睿斷施行

順治十七年十一月二十五日奉

旨該部詳察議奏

福建道試監察御史臣胡文學謹

題爲清查委官之弊以清

國課之源事切惟理財之法自正賦墮政而外固莫
重于關稅矣年來權差諸臣往往以缺額見告
推原所以縈云軍興孔亟封船爲害商賈聞風
不前因而虧課日多伏念軍興之事歲不多見
商旅不行豈曰盡由于此誠使官有專司課有
常額啓閉以時抽分以法蓋未有官如恤商而
商猶視權關爲畏途者是缺額之患其阻于軍
興者什之四而阻于橫征者什之六矣以臣見
聞所及莫有如夏鎮之甚者夏鎮一關去淮未
遠舊例工部以河差駐劄呂梁戶部以倉差駐
劄徐州離夏鎮抽分之地百數千里而一地兩
征百計勒索部差全未知也止有該差家僕與
委官攢典得以隨意輕重且此地過往不用報
單納銀之後又無官票給發切計司臣旣已奉

疏稿

二十一

差關防宜密何得輕縱家僕承管稅事至如委
官皆係用賄鑽管奉

旨禁革已久攢典不過一上納胥役耳居然操部司
之權此輩貪婪成風加之內外交通剝商害民
無所不至司臣又藉其分潤不得不受其籠絡
歲輸所入不盡飽私橐不止而過往諸商納銀
無票竟不知何項徵收無奈部差駐劄寫遠控
訴無門而往來又不能越此飛渡唯有飲恨吞

疏稿

二十一

聲聽其魚肉諺云客商好做夏鎮難過良有以
也查徐州倉差帶征額收止有三千六百餘兩
中河鈔稅額收止有五千二百餘兩為額無多
今全憑蠹役徵收小船輪納數兩大船輪納數
十兩以歲計之其克奸胥之腹者不知凡幾千
萬矣雖為弊已久無可寤詰然借

朝廷帶徵之名為官蠹婪贓之法以

國家防河之官為上下攫取之計若不嚴加究治不

惟法紀難容且使商旅累足漸致額課日缺皆
自此橫徵為厲始伏乞

勅部嚴查擅用委官起自何人既經輸稅因何不給
官票一一計贓定罪行查有據如額數或多則
當嚴法防奸以裕

國課如額數或少則當就便歸併以甦商困庶幾弊
除則利自生而源清則流自裕矣如果臣言不
謬仰祈

疏稿

二十三

睿斷施行

順治十七年十二月十三日奉

旨該部嚴察議奏

福建道試監察御史臣胡文學謹

題爲磨勘之典最重彙題之法宜更請

書

勅該部速閱分省具題以清積弊事切惟致治之理

首重倫才我

皇上雅意作人黔滇初下再行會試求賢若渴之誠

雖古之開門額俊無以復加慨自匪人躍冶賣

綠科目以致大法重申年來人知愛鼎而苟且

之念無復自生非其明效與竊有慮者科場之

疏稿

二十四

痛習雖以肅清然使

功令常新凜然不敢再犯而有隱必窮無弊不剔者

惟有磨勘之典關係最大伏查磨勘往例必候

硃卷解齊磨勘全完然後彙題每有本年九月

間解到硃卷而彙題直遲至次年二月者在部

臣不過祇遵舊例不嫌詳慎但念省地既有遠

近解卷不無先後如必待解完稽遲日久反生

弊端卽如秋闈不下數千餘卷同考各官不過

十餘人未及一月亦可告完至如中式硃卷止

有數百何難立竣而濡遲時日部臣不速爲移

送科臣憑何較閱切恐望風揣摩既可用其彌

縫而耽延多日漸且生其轉移則科場之弊雖

清而所以整肅科場之弊前此猶未清也誠使

隨到隨閱一省閱畢卽就一省具題則磨勘無

過者既服其批閱之無私卽因磨勘處分者亦

不以經營之未至如必拘舊例文字之推求一

疏稿

二十五

日未有定評則士子之憂危一日不能遽釋况

當磨勘之時更有神棍巨慝乘人疑畏之途借

端恐嚇值部科諸臣嚴加迴避消息不通之際

或借名吹索或捏揭暗投無論迹涉嫌疑聞風

加懼卽中懷可信亦畏

新令孔赫不得不用賄求免以致神奸飽詐而流毒

無窮如臣同官錢廷宅疏參劉頤慶錢國忠詐

鄭麒光科臣楊雍建臣同官蕭震歷疏糾參實

次賢等俱奉

旨嚴拿究擬矣此就北聞言之保無他省效尤倘此風不息使窺伺日深漸將以科場爲畏途是豈皇上作育之初心固如是乎而不知其流極已至于此矣仰祈

勅部速將解到殊卷移科公閱照省分題不必仍拘舊例彙疏耽延致滋多弊則公論蚤定鑽管者無可用其鑽管訛詐者無所容其訛詐庶幾不

疏稿

二十六

失

皇上特重科場之至意而大典亦爲有光矣如果臣言不謬伏乞

睿斷施行

順治十七年十二月十四日奉

旨這本說的是禮部議奏

福建道試監察御史臣胡文學謹

題爲民力已盡于船工脩練宜燭于平昔請

勅部詳議轉行督撫嚴加整頓以備軍興以恤殘黎事切惟海逆未靖會師揭穴未卽蕩平江浙督撫諸臣疏請造船工役又見告矣竊謂欲資造船之利不可不窮造船之弊不窮其弊則利未見而先滋其累欲收造船之功不可不明用船之法不明其法則功未得而益加之困卽如各

疏稿

二十七

府派遣船隻需用大木經累次造船之後老材巨幹蒐伐無遺勢必售之外省計大木一株值價不過數兩然運送至厥車牛夫役僱車一輛用價十餘兩覓夫一名用價四五兩不等凡此數百里數千里之遙計一切工價量用一二百金是大木一株卽破中家數人之產矣其他釘鐵油麻物料未必出于開厥之地煩費騷然未可數計始也運木入厥繼也拖船出口水陸川

梁之費扛挽牽拽之工無一不靡費

國家之金錢竭盡小民之膏血然猶曰急公固不可緩也至如借船工爲名橫派多端不知凡幾如
且鄉諸暨縣造船一隻派用石青二十餘斤無論彩畫戰船從無用此試問價值幾何卽此一
端民膏已罄又傳聞江南徽州一郡派夫一萬餘名各郡皆然保無慮鳥獸散況督工官役驗造船料聽其高下全憑上下打點又將多派所

疏稿

二十八

餘之木轉賣于各屬應造船隻釘稀板薄奏成一船便圖完事溪壑已盈卽聊且報竣綽綽未
到則百計遲延其獎固有不可得而窮者推原其故皆由軍興一次卽造一次戰船所造船隻
江浙二省土產松木爲多入水易腐船底一經海外鹹水卽生虫蛀每年不加焚洗立見朽爛
加之風濤衝擊檣桅柁桿未免損傷或板漏蓬壞因而委之無用前工甫畢新工又起東南物

力安得不竭髓枯膏耶至于造船既多必得駕

舟習熟之人方克有濟今海禁已久長年出海慣經海道者既少至于里遞食報柁工水手皆係貧民希圖食糧報名塞責何能諳練潮汐辨別風雲一旦欲其充當前役豈能迎風上下夾勝波濤且船蓄內港平時不輕駕出洋試演操習山礮沙壅茫然不知臨時責其操縱勢必不能凡此皆造船之弊與用船之法不可不亟爲

疏稿

二十九

詳究者也伏念向時海澄之勝近日江寧之捷皆乘賊登岸克有全功原非取必舟師試于不測當此軍餉匱乏之時造船供億靡費良多江浙兩省又值十室九空之際使造一船而可當一船之用則與其多造以勞民何如少造以節費使造一船而可以備數年之用苦累于一時猶可儉安于後來倘船工可竣異日不加整理徒棄之沉沙拍浪之中則新船未完舊船已壞

海氛一日未平此役一日不已竊恐東南財賦之地元氣蕭然殆盡伏乞

皇上軫念船工浩大經費民生關係最重

勅部從長酌議嚴行督撫備查前後戰船數目若干將舊船每年估價裝修量添新船務期堅固可用仍飭水師召募人役按期習練不許偷安虛費月糧則費既不多民力易于拮据共皆可用遇賊卽操勝算矣臣目擊時艱冒昧直陳字多

疏稿

三十

逾格貼黃難盡伏乞

睿斷施行

順治十七年十二月十五日奉

旨該部議奏

福建道試監察御史臣胡文學謹

題爲漕米既經改折濫派應加剔釐請

旨嚴行禁革以速軍需以甦民困事切見戶部

題定十八年起運十七年分江南浙江江西三省

漕糧改折二百六十餘萬奉

旨依議欽遵在案除咨行總漕總理會同該撫從公議定凡一切耗米行月本色并隨漕各項本折行查一例折徵是應輸在官者固已絲毫不漏

疏稿

三十一

矣第從來兌漕之苦不在正額之難完而在雜派之名多如過淮監兌有派脩造使費有派官役規例有派他如陽斗淋尖墊倉屬餒種種名色以至截頭水脚使用多寡不等在平時尤當禁革况今折米收銀百凡私派皆在可省竊恐改折在官者不過什之一二卽有未完尚可陸續追比而此外各項費用貪夫奸胥嚙民既熟反以此額外之誅求爲應得之常數因而照前

科歛即使小民賣妻鬻子死亡相繼幾幾求免
其一而不可得故應納糧一石必須用數石應
折銀一兩必需費數兩而官尚未納私先入已
矣况江浙諸省歲額有秋石米八錢有奇傳聞
議折一兩四錢其價已倍加之官私兩項無一
不取償于米誠恐改折則米必多米多則售者
少而價賤價賤則完官有餘完私不足而民病
民病則追比不前追比不前而掛欠必甚餉仍

疏稿

三十二

不給因之

國儲愈絀持籌益窘故改折雖一時之權宜但慮窮
戶因米賤而艱于得錢復以費多而窘于無力
勢必輸納稽遲始因兵餉而議改折漸緣改折
而誤兵餉未必不由此也矧在漕諸臣止知責
成糧道而糧事無人專司糾劾不過力為彌縫
勢必上下扶同惟知挾旗丁而剝小民豈肯急
公裕而緩私素若非嚴立法程將來兵民並受

其困伏乞

皇上垂念東南赤子彫疲已劇

嚴勅撫按痛除前弊止許照價徵收如仍借兌漕爲
名恣行科索者卽行提參重處倘撫按徇庇事
發一併坐罪則除一分漕派卽可盡完一分正
項除千百漕派卽可盡完千百正項而官知儉
戒民皆急公矣臣從

國計民生起見直抒愚隱仰祈

疏稿

三十三

勅部速議施行

順治十七年十二月十五日奉

旨戶部嚴察議奏

巡視兩淮鹽課試監察御史臣胡文學謹

題為兩淮鹽政已壞補救宜先本治敬陳末議仰

祈

睿鑒事切惟兩淮鹽課實居天下鹽課之半故滇黔

閩粵無一不取給以濟軍需則凡可以謀疏導

而施通裕者宜無不亟亟矣顧臣自四月十五

日受事以來案查每歲額徵引課止一百三十

餘萬而前此部撥未解已一百五十餘萬即本

疏稿

三十四

年全徵完額尚不敷已撥之數及稽在庫引目

自甲午以至於今壅積已一百八十八萬四千

引有奇每歲額銷一百四十餘萬引查在冊或

亡消乏不下三十餘萬引除歸綱攤認外勉力

行鹽者實不足九十餘萬引當此商疲課誦倘

再不從原本疏通雖竭力催呼究竟何補推求

其故大約鹽行則課裕鹽不行則課逋其理易

見如鹽日加而行銷之地窮則徒增壅塞課日

督而轉輸之力窘則空費追求此臣甫任事而

日夜焦思不能不為

國計總總慮也稟遵

勅書開載博採利弊斟酌損益謹就目前關切者列

款

上陳唯我

皇上垂聽焉

計開

疏稿

三十五

一鹽法年運年銷方可鹽行課足若必鹽行課

足應遵

舊制止行正鹽削去浮窩前鹽臣李 題

請三年附銷積引隨帶鹽一百斤因為疏通起見但

查庚子附銷積引僅三十餘萬而本年新引

反積下四十餘萬銷前積後壅滯更甚皆因

鹽斤過多行銷無地為今之計宜以辛丑為

正引每引仍照舊額止行正鹽二百二十七

斤將庚子以前各綱統算積引若干照前

題定附銷之法分作三年附銷止帶課而不帶鹽

則課仍不減引復易行庶幾鹽行正額自無

壅積如謂鹽減價貴但查鹽帶百斤原非

舊制疏理之法合此更無良策伏候

庫款

一計口授鹽原爲定理若戶口少而行鹽多勢

必壅阻查淮南行鹽舊地已裁三分之二而

疏稿

三二六

裁去額地鹽課未除又加浮課浮窩增行額

外宜其積漸成壘今各府難以議忍唯衡永

寶二府彼地之民苦粵西鹽貴又多砂石查

上湖南道并邵陽縣曾具詳申請願食淮鹽

前鹽臣白 奉部制議三府仍食粵鹽蓋

緣彼時湖南寇氛未清淮商畏難舉足且前

此未有滇黔急餉不便議更當此之時應權

緩急總期有濟軍需况二府原係淮綱額地

仍食淮鹽彼此兩便至如額課如照淮南舊

例仍該粵西完課但粵地甫定原派額課暫

加淮南徵納三府既復積引可銷既不虧課

兼利商民兩全之道莫善于此伏候

庫款

一關橋溢額及所掣割沒從重議罰者蓋恐多

帶一斤卽壅一斤官課故也前此鹽法尚寬

溢額之斤割斤補引故割沒解部無幾顧治

疏稿

三二七

八年前鹽臣張瑤以淮鹽壓運甚多將委官

掣過所鹽倒追割沒銀兩使夾帶混而正課

銷維時亦恐後因爲例故原疏

請焚去名存孰意相沿成例割沒多斤必責令其多

帶甚且虛填斤重是昔時防姦保課之法反

開縱今夾帶之弊豈可爲訓嗣後

請有則填有無則填無如有夾帶依例重罰尚借名

考成勒令多帶卽以徇縱坐罪則官知察法

而弊絕風清鹽政頓為肅然矣伏候

睿裁

一淮北行鹽地方戶口凋殘如河南汝寧等府俱失原額計額行二十二萬九千餘引或亡消乏并下等商名共計八萬四千九百餘引其餘盡皆攤賠代銷且自甲午以至庚子停歷七綱倘此時不思變計終日攤賠誠恐課本有限窩加無已久之日燦月磨即殷實亦

疏稿

三千八

漸消乏然招商則人皆畏縮不前倉報又慮奉行滋弊查淮北向有原名認窩近因無利驟閃亦有不認引名貸本引商行鹽利則歸已害則歸人合無酌量從公頂補庶幾商力稍舒亦一勞而永逸之道也臣自淮至揚見淮北諸商汪成吉程濟等泣陳苦狀稱非倉補不能裕課但未奉

俞旨慮有阻撓俾脫應否遵行伏乞

睿裁

以上諸款皆遵成法酌時宜先從根本疏理使臣目擊時艱而因循緘默則溺職之愆實有難逭如臣言之而議者以為更張不知鹽課急需關係最重倘聽其大壞極弊而後云救則非臣言之不蚤之過矣謹摺實直陳伏乞

勅部詳議具覆事關係陳字多逾額統祈睿鑒施行

疏稿

三千九

順治十八年六月二十六日奉

旨戶部議奏

巡視兩淮鹽課試監察御史臣胡文學謹

題為裕課必在疏壅冒昧再陳仰祈

勅部確議以濟軍需事本年閏七月十二日奉都察

院勘劄准戶部咨該本部題覆臣 題兩淮鹽

政已壞等事奉

旨依議欽此竊照臣前疏如

請行辛丑正鹽附銷積引帶課而不帶鹽蓋因銷引

額地有限戶口非能日增近

疏稿

四十

請多帶百斤法非不善而鹽多成壅故庚子附銷僅

三十餘萬引新引反積至四十餘萬已為明驗

今部覆以減斤病民難以准從不知臣前議減

斤原

請削去額外附銷浮鹽非減部額額定斤兩也伏查

本朝鹽法制一為二每引連包索經解費止行鹽二

百二十七斤內部頒行已久如果屬病民從前

部議豈肯永為定例况溢斤多帶尚且倒追懸

坐而議削浮鹽反慮病民不允致衆商不知輕

重何適懷疑縮手今時已八月並無綱鹽一引

過所將來協餉何濟臣日夜傍徨不知所措一

面微行運司督率諸商遵照部頒舊額赴場捆

築一面請

旨遵行至于衡永寶三府部覆稱自明到今難以更

張但以前無滇黔急餉併無新寧加窩歸綱諸

引今引數日增銷鹽無地如責其輸納則日引

疏稿

四十一

尚未行如責其領引則日無地銷運且三府願

食淮鹽詳請再四今六月初四日又據湖廣驛

鹽道具詳備呈寶慶等府詳稱極苦極困之地

行食粵鹽上無利于

國家下有害于小民三年銷引尚未及半且係沙

土又阻山嶺惟恃肩運為害無窮不若仍食淮

鹽一轉移間兵餉無虧商民兩利等因到臣念

課餉緊急法宜變通無從民便故據實

上陳何敢憑臆妄

請臣實查淮南綱冊見在行鹽止五十九萬餘引而
消乏逃亡四十四萬餘引此項課額無追勢難
盡數攤賠使前議復行則疏通可望否則壅積
日多徵比立窮更有何法補救臣是以不避斧
鉞冒昧實陳仰祈

勅部從長確議速定疏壅之法為將來輪用無窮之
計則催呼可應而軍需有濟矣伏乞

疏稿

四十二

睿鑒施行

順治十八年九月初九日奉

旨戶部確議具奏

巡視兩淮鹽課試監察御史臣胡文學謹

題為弊莫大于侵課罪莫大于欺

若謹據實直陳仰冀

勅部確查以足賦額以肅鹽法事閏七月初四日據
兩淮革職運使梁知先詳稱據臣案驗六月二
十一日奉都察院勘劄准戶部咨山東司案呈
奉本部送戶科抄出該本部

題覆前鹽臣李題前事等因順治十八年五月

疏稿

四十三

二十五日題本月二十七日奉

旨依議欽此欽遵抄出到部移咨到院備劄到臣奉

此擬合就行為此案發該司查照部覆奉

旨事理應遵

新例照引輪納每引該派銀若干隨同正課按期帶
納毋得因循遲悞未便等因又牌行同前事備
由發司火速傳集各商按數帶徵限文到三日
內先具遵依繳查以憑具文達部遵即傳集各

商議派間據商人汪開元秦晉泰趙永年等稟
為商困已極飛累難支謹瀝血披陳哀號請

命以甦積困以保正課事詞稱今日辦課之商已非
昔日行鹽之人前任李御史審竊刊冊淮南見
在更換不足四十餘萬而消乏逃亡乃有六十
餘萬淮北見在更換十四餘萬而消乏逃亡又
八萬餘引刊列綱冊彰明較著即如順治八年
前任張御史

疏稿

四十四

題明兩淮行鹽每引二百二十斤淮南加包索十
五斤淮北加包索二十五斤部覆在案竊思法
行在上遵行在下朦溷何來况兩淮疊加窩多
鹽壅見在告減斤告帶課以足軍需如此苦情
叩
聞難達今奉部覆商等固知所措計算正雜附銷
帶徵新寧每引輪納銀一兩三錢八分四厘二
毫八絲若再加倒追每引又加五錢二分有零

則每年共徵銀二百三十五萬二千二百有零
通計兩淮商本不上二百萬鹽行不過百餘家
儘竭商本尚虧額數以後軍餉將何措辦伏乞
詳察俯念長蘆兩浙俱邀

皇仁兩淮急公輸餉反為倒追仰冀轉詳等情據此
該本司看得淮商多帶鹽斤本司嚴加追比衆
商環庭泣訴咸云題自前鹽臣張御史遵

疏稿

四十五

相半况長蘆兩浙

恩准豁免何獨兩淮不沾

皇恩連名哀訴本司細查昔年行鹽斤重果係前任
張御史

題明遵行非無實據值今窩多鹽壅灰亡殆盡欲
取盈于二年則商資立竭勢必瓦解豈可拔本
絕源不得不冒昧代陳等因到臣該臣嚴駁催
比去後續據該司呈稱據臣批詳前任李御史

題

請帶徵部議猶爲愆期今創行日久檄催至再如云

虛懸之課何不鳴于未

題之先乃至今日曉曉致辦軍需至急豈可一任

衆商環庭泣訴希圖結案限三日內設法徵比

具詳報奪除牌行該司勒限追比去後又據該

司覆看得帶鹽一案既經部覆敢不仰遵徵比

以佐

疏稿

四十六

國用但昔日行鹽斤重

題明有據昔之商人多屬逃亡卽如汪源素內歟

徒又復多人至于新報食補原非昔日行鹽之

商安肯代爲賠累若再定限二年勢必將措辦

疲商同歸于盡况長蘆寧餉滴珠并壯丁銀兩

及兩淮折價額銀皆得援民欠地畝銀兩之例

邀

恩蠲免兩淮俱屬赤子似應一視同仁均賜免追卽

萬不得已或將附銷催完仍照前議每引帶銀

一錢二分養其餘力以保課源等因到臣該臣

看得多帶鹽斤一案其來已久使以前追比可

完遲延豈至今日是以前鹽臣目擊時艱題

請每引帶銀一錢二分以結前案誠非得已蓋因多

帶各商年久逃亡卽如倉報新商何堪代人賠

納一二見在各商實爲無辜徒加敲朴萬不能

完今據該司詳請長蘆創追銀兩蒙

疏稿

四十七

恩蠲免兩淮事同一例自應並沐

皇仁或嚴催附銷完日仍照前鹽臣所

請每引帶徵一錢二分以裕將來俱從課源根本起

見不得不冒昧再陳既經該司呈詳前來該臣

覆核無異可否准從未敢擅便相應具

題伏乞

睿鑒

勅部議覆施行

順治十八年十二月十一日奉

旨戶部確議具奏

疏稿

四十八

巡視兩淮鹽課試監察御史臣胡文學謹

題為淮北商困難支因時救弊宜亟敬陳一得仰

祈

勅部詳議以裕課源事竊惟兩淮鹽法年來商波課
訕臣自受事以來多方撫循淮南始有起色目
今正課可完懸窩漸補至如淮北停壓七綱通
課三十餘萬懸窩十萬有奇商半逃亡血比無
追卽今僉報新商唯恐認引包賠人多畏縮如

疏稿

四十九

此凋殘若不亟為補救不惟淮北立盡勢且兼
因淮南臣親詣淮北備悉艱難恭列四款為

皇上陳之

計開

一淮所宜改設安東也淮北所設淮城商船至
草灣地方運鹽入口紆道起掣剝運艱難以
致成本過重不敢私鹽且草灣出入難稽最
易影射前鹽臣翟 題

請改所安東以就水次部覆巡鹽御史因時權變務期通商裕課等語奉

旨欽遵在案因循至今皆緣近所腳夫恐所改商務無從射利借端阻撓遂成廢閣臣念裕課爲重應從商便請

勅部議仍將准所改設安東嚴飭地棍毋許把持各衙門不得因而掣肘則一時更易萬世永利矣

疏稿

五十

一泗州關口宜專官搜緝也淮南地方經前鹽臣李

請設立搜鹽廳地扼要衝私販稍知斂迹淮北惟泗州浮橋最爲總要近因淮南專官搜緝私販不能飛渡皆從泗州關關直上既可直達盧鳳亦可遠通江廣因此淮北口岸遍地私鹽臣查泗州浮橋與該州衙門咫尺相近應

請照淮南前例設立搜鹽廳專責印官查緝按季登

記循環簿送臣衙門稽查如徇私賣放卽照新例題參則官知責成而私販可杜矣

一近海鹽場宜併廢也淮北惟徐濱臨洪興莊三場僻在海北然運鹽必由海道今海禁既嚴商不敢赴不無奸徒貪利恣行下海私販今徐濱一場奉

疏稿

五十一

旨遷徙臨洪興莊以近內港未曾議徙但商不敢違禁航海三場煎鹽鍋鐵俱供私鹽之用誠恐日後借此通海尤爲可虞請將三場鍋鐵通行廢毀應輸折價量爲酌

獨或量派商人認納其半則私販既絕海禁更密矣一淮北分任司員宜仍撤也兩淮專屬運司統轄其來已久近因改設運判移駐淮北專任淮徵但淮商在淮運鹽而辦課者仍在淮揚今運判遠在淮北商人齎銀赴納往返稽遲反得推諉况且收票止憑木刻私記不無假

偽課銀既無衙門封貯寄存民居盜竊可虞
起解又無會手護送恐生不測屢提鹽運判
詳稱分任無益反多隱害等情臣微運司集
商公議俱請應照舊例撤回仍歸運司總理
則事權既一而課餉無虞矣

以上四款皆臣日擊淮北凋敝已極外此數款
更無別法可以疏通伏乞

勅部從長酌議爲

疏稿

五十五

國課無窮起見立賜許覆庶商力可賒積運可完
否則日甚一日竊恐壅塞之患不止在淮北已
也事關條陳字多逾格仰祈

睿鑒施行

康熙元年二月初三日奉

旨該部議奏

巡視兩淮鹽課試監察御史臣胡文學謹

題爲懲私宜嚴其重除弊務塞其源謹據實參陳
請

勅部詳議以絕私販以裕軍需事竊惟私鹽日多則
官鹽日壅故課誦餉匱其貧難小民肩挑背負
所販無幾禁之亦易惟有不可禁之私鹽最爲
妨課者無如有司捕役與南回馬座船頭倚恃
公差恣行私販或託官票影射或一時連踪直

疏稿

五十六

上無可緝挈臣初受事嚴加密訪擒獲巨販劉
取卜玉等審明治罪私販稍輯嗣又獲黨犯何
燦如臧忠仇二尤四麻子蔣垣白劉文薛一之
周鳳趙順等俱冒稱有司捕役以巡鹽爲名積
年與販及臣親提質審供稱革役已久又據商
人陳元標現獲鹽犯梁滿倉王元等供係江南
驛鹽道船頭臣隨將各犯發道屬提訊確情依
律究擬外惟是各犯接踵敗露多係捕役船頭

蓋緣有司設立捕役原爲巡緝私鹽給以腰牌因係在官人役愈便行私他人不敢緝拏卽有盤詰藉口功蹟鹽斤可以濫濶故多一捕役卽多一私販甚有問革竄役仍稱捕快結連與販至于各省差遣馬快船頭俱由驛鹽道差遣及至北回南往往潛往張灣訪有奉差赴任職官及管伍兵丁例給勘合可以護身百計鑽營求坐本船及至天津地方恣賣鹽一船何止數

疏稿

五十四

百石數十船何止數千石且天津鹽價每斤不過一二厘既不納課載至江廣獲利幾倍官鹽輸課成本既重不敵私鹽以致連年課逋商逃伏讀

上諭有官員貿易倚勢漏課情弊該管官務須嚴加稽查參奏本主一併從重治罪欽此竊思行鹽漏課尚許嚴加稽查參

奏本主何况倚勢與販全不輸課情罪更大安可

聽其恣行不嚴加處分且捕役倚恃各衙門之勢座船倚恃官差之勢俱有本主臣請

勅部詳議立法嚴禁嗣後有司捕役如有私販事犯卽罪坐本官其應給腰牌督令巡鹽官照額定人役給發毋許濫用多人凡差使職官并防剿兵船往南者兵部給與勘合內應開載不應夾帶私鹽一語便其覓察仍令船頭至揚赴巡鹽官掛號查驗一聽稽察如不遵行竟自開關長

疏稿

五十五

往者船頭坐以拒捕之罪卽將座船本主一併參

奏至于船頭水手俱屬各省驛鹽道遣發回空之日查無巡鹽官掛號查驗字樣卽係違禁私販本官不加覓察許申報巡鹽官題

請照例處分如此則法嚴于本主人知微覺捕快船頭不敢倚勢行私而官鹽易行可以無引壅課誦之患矣緣係條陳鹽法禁弊事宜字多逾格

伏祈

康熙施行

康熙元年二月十二日奉

旨戶部議奏

疏稿

五十六

巡視兩淮鹽課試監察御史臣胡文學謹

題為恭課必在疏墮冒昧再陳仰祈

勅部確議以濟軍需事順治十八年十月二十三日

奉都察院勘劄准戶部咨覆臣題前事內開衛

永寶三府先據該鹽臣疏稱三府原係准綱額

地仍食淮鹽彼此兩便至于額課加之淮南徵

納臣部查前鹽臣白尚登疏稱衛永二府地勢

便于兩廣行之已久難以更張今該鹽臣復稱

疏稿

五十七

據驛鹽道寶慶府詳稱極苦極困之地行食粵

鹽上無利于

國下有害于民三年行銷尚未及半且鹽係沙土

又阻山嶺惟恃肩運為害無窮不若仍食淮鹽

兵餉無虧商民兩便等因前來查前鹽臣疏稱

地勢便于兩廣今鹽臣又稱民情地勢俱便兩

淮且願認廣課議論互異未便遽議且相隔三

省事關鹽法臣部亦難懸議應請

勅下兩淮鹽臣會同偏沅撫臣確查三府行鹽民情
地勢果便何處歸淮在廣額課孰多速行具題
務使課裕民便行之久遠可也等因順治十八
年九月二十八日題本月三十日奉

旨是依議行欽此欽遵抄部咨院劄行到臣奉此隨
經備移偏沅撫臣確查去後今准該撫臣周召
南手本回稱隨行驛鹽道會同銜永寶各道查
明三府行鹽舊例或在粵西或在淮上淮鹽便

疏稿

五十八

民粵鹽便民并問商願納淮課願納粵課日後
不得互異紛更及淮課歲入粵課歲入孰多孰
少民情地勢孰為便益逐一詳察妥確茲據驛
鹽道詳稱銜永寶三府明季原食淮鹽舟楫流
通一水直到並無山嶺間隔又無擔運艱難費
輕價賤商民兩利後因粵西苗徃作亂軍需急
缺借三府改食粵鹽但淮鹽味甘價平較之粵
鹽味苦價高而沙多相去倍徙所以三府百姓

有舍粵復淮之控州縣有報派通課之請遵兩
淮法做壞巡鹽胡御史再

題于後請復舊地疏理更新荷蒙查詢粵餉多寡巡
鹽胡御史前疏已經

題明合淮商認納今謹照頒行每年稅餉銀四千六
百八十五兩二錢五分如數辦納起解以克粵
餉必不紛更互異虧違庶

疏稿

五十九

南道詳稱銜永之食粵鹽也明季為始從前原
食淮鹽粵鹽價貴砂多淮鹽價廉潔淨採之與
情則忻忻願食改淮鹽深為民便又據分守上
湖南道詳稱寶郡叢爾五屬例食淮鹽但改食
粵鹽因明季古田兵變改粵鹽以佐軍需但寶
慶距廣途遙數千嶠嶇高險水陸兩難脚費盤
纏苦楚萬狀毋怪乎窮商蕩產破家賣妻鬻子
此人情地勢所以大不便于粵鹽也至若淮鹽

舟楫可通無肩運之苦省脚費之繁兼又漕濟
價輕易售則餉自不難可行永久不惟商民兩
利而官亦得以副考成等因又據湖廣驛鹽道
詳稱至若前延鹽白御史原

題疏內所謂衝永寶三府地勢便于兩粵者蓋因伊
時楚疆苗裔出沒辰沅武岡逆孽盤踞以致歷
來行鹽之淮商中斷而三府接壤西粵不得不
就一時之便權宜行銷今小醜遁跡苗民歸化

疏稿

本十

凡舟車人力之所至俱成太平本道審時度勢
所知所見者如此又據該道詳稱看得衝永寶
三府改食淮鹽官民咸已樂服惟是新墾在通
彼地小民懸望甚殷伏乞迅賜疏

題撥足三府行銷之鹽庶鹽課不致有虧民望得以
早慰也各等因到臣該臣看得衝永寶三府原
係淮網舊地自明季改食粵鹽而額課不減原
引未除迄今地去課存鹽壅課詘且年來兩淮

鹽政攸壞已極連年套搭卽如張子謙等增引
上元江寧等縣九萬餘引以致原派歸綱引目
十三萬八千有奇無地行銷商得藉口推諉遂
致課通難追不得已而

請復三府部議會同偏沅撫臣確查茲行據各道查
覆前來商民地勢既已均便于兩淮而三府粵
課每年額共四千六百八十五兩二錢五分在
部自有定額可稽如數應令淮南辦納但查三

疏稿

本十一

府行銷衝州府一萬八千三百七十包每包重
一百七十斤每包納課七分五厘該銀一千二
百七十七兩七錢五分永州府二萬一千五百
包每包重一百七十斤每包納課銀七分五厘
該銀一千六百十二兩五錢寶慶府二萬二千
六百包每包重一百七十斤每包七分五厘該
銀一千六百九十五兩計包輪稅應將淮南歸
綱引目照三府行銷包數配引銷運約三府行

鹽共計六萬二千四百七十包配淮南綱引四

萬六千九百八十四引此外存剩歸綱引目俱

作附銷每年止帶課而不行鹽照新寧例加以

粵課四千六百八十五兩二錢五分與雜課一

同追解則淮南自不得借名歸綱無地行銷推

諉逋欠是不惟民情地勢最為便益而歷年歸

綱逋課亦有歸着再無虛懸而所增實多矣臣

會同偏沅撫臣 合詞具

疏稿

卷十一

題因叙鹽法字稍逾格統祈

睿裁

勅部議覆施行

康熙元年六月十三日奉

旨戶部議奏

戶部

題為欽奉

勅諭事戶科抄出淮鹽胡文學題前事奉

旨該部院知道冊并發欽此該臣等查得兩淮運司

歲額正雜鹽課銀一百三十六萬二百三十四

兩五錢三分零今該御史自順治十八年四月

十五日受事起至康熙元年三月廿五日離任

止除閏計十一箇月零十日按日扣算應徵額

疏稿

卷十五

銀一百二十八萬四千七百六十二兩三錢九分

零該御史任內徵過正雜鹽課銀一百七十五

萬六千二百四十三兩五錢一分零又徵收額

外割沒漚水溢斤公罪節省經費鹽物變價等

銀一十九萬二千八百六十五兩三錢八分零

又前院李未報割沒銀九千一十一兩四錢三

分計徵收過正雜鹽課并額外割沒等銀共一

百九十五萬八千一百二十兩三錢零又冊開

前差御史李任內舊存庫銀并報通制及溢所
公罪等項共存庫銀二十六萬九千九百六十
九兩七錢五分零又運司續收引課等銀一萬
三千八百三十三兩八錢六分零查連該御史新收
通共二百二十四萬一千一百七十三兩九錢
四分零內解過雲南平西王福建廣西廣東江
南貴州等處兵餉銀一百七十七萬四千六百
七十兩五錢一分解部贖銀公罪銀一千七百

疏稿

本由

九十八兩四錢零共存庫銀四十六萬四千七
百五兩三錢八分零內前院舊存庫銀二十六
萬五千七百七十九兩七錢零該御史見存庫
銀一十九萬八千九百二十七兩六錢八分零
及查順治十八年十二月二十五日臣部接奉
上諭內開以後管鹽各官多得課銀者着以稱職從
優議叙額課不足虧欠者以溺職從重治罪欽
此已經通行在案今御史胡文學任內共徵收

過鹽課銀一百七十五萬六千二百四十三兩
五錢一分零比計日應徵之數已帶徵過逾額
銀四十七萬一千四百八十三兩一錢零比應
徵之數計溢三分以上應請
勅下都察院照例考核可也
康熙元年七月初十日奉
旨依議

疏稿

本由

都察院

題爲考覈事據巡視兩淮鹽政試監察御史胡文學呈稱一年差滿例應考覈緣由到院今准戶部咨開等因康熙元年七月初五日題本月初七日奉

旨依議欽此欽遵抄出到部移咨到院該臣等考核得試御史胡文學巡視兩淮鹽政一年差滿今據戶部咨稱該差任內應徵年額銀兩照數全

疏稿

六十六

完外帶徵過溢額銀四十七萬一千四百餘兩此應徵之數計溢額三分以上等因查得戶部欽奉

上諭以後管鹽各官多得課銀者着以稱職從優議敘額課不足虧欠者以溺職從重治罪再查吏戶二部會議定例各巡鹽御史除任內鹽課全完者仍照戶部先定之例紀錄外若應徵及帶徵課銀正額十分之外溢額半分者再紀錄一

次溢額一分以上者除以全完紀錄外再加一

級若比此加溢者照此紀錄加級等語又查題定例試監察御史差滿同日考核准其實授御史今試監察御史胡文學一年差滿奉到勘劄俱已全完爲新撥餉銀不到等事降職二級已經全完開復爲指參違例本章事罰俸六箇月應徵鹽課除額銀全完外溢額三分以上通商裕課拮据鹽政可謂能稱厥職者相應准其實

疏稿

六十七

授監察御史回道管事仍所

勅下吏部查照定例從優議敘可也臣等未敢擅便

爲此謹題請

旨

康熙元年七月二十八日奉

旨是胡文學准回道管事

吏部

題爲考核事吏科抄出都察院題前事奉

旨是胡文學准回道官事欽此該臣等查得都察院

疏稱巡視兩淮鹽政御史胡文學一年差滿任

內應徵年額銀兩照數全完外帶徵過溢額銀

四十七萬一千四百餘兩計溢額二分以上通

商裕課指揭鹽政可謂能稱厥職者請

勅吏部從優議敘等因察得御史巡鹽溢額者前經

疏稿

本八

臣部會同戶部議有紀錄加敘之例嗣于康熙

元年正月二十三日准戶部移咨奉有

上諭以後巡鹽各官多得課銀者著以稱職從優議

敘額課不足虧欠者以溺職從重治罪欽遵在

案今據都察院考核巡鹽御史胡文學溢額四

十七萬一千四百餘兩請

勅臣部從優議敘前來案查順治十年都察院爲請

旨褒加一疏內稱張璠巡視兩淮鹽課正課之外溢

額二十三萬有奇臣部覆准以五品京堂陞轉

今胡文學溢額四十七萬一千四百餘兩較張

璠倍多相應照張璠例以五品京堂用可也

康熙元年八月二十六日奉

旨胡文學內陞已有旨了

疏稿

本九



疏稿一卷

兩江總督
採進本

國朝胡文學撰文學字卜言鄞縣人順治壬辰進士
官至福建道監察御史此卽爲御史時題奏之稿
自順治十七年起至康熙元年巡視兩淮鹽政止
凡十六篇

楊黃門奏疏不分卷

〔清〕楊雍建撰

南京圖書館藏清康熙刻本

附《四庫全書總目·楊黃門奏

疏無卷數》提要

叙

間常慕古直臣之風烈所謂指斥乘輿則天子動色摩切當路則公卿避位者吁豈不偉哉夫國家方隆平綱舉目張莫敢以叢脞

前序一

隳百事公卿兢兢守職慮玷清議負朝廷其憚言路之摩切宐矣若夫天子至尊嚴怒非止若雷霆也虛已而求諫和顏色而受之臣下尚懷撓鱗之恐孰敢

以倖直嘗蓋傳不云于信
而後諫人臣先自正而後
可以正君是以貴所養也
我

世祖皇帝以天挺之資弘三五之
治愜想直言崇諫官廣聽

胡序二

採作表忠記

賜臣僚旌往昔以風來者於是
言路莫不鼓動奮發端揆
六卿牧伯戲下人人惕息
震恐惴惴然虞救過不贖
昌言不諱之風可謂盛矣

歲丁酉自西楊君以高要
令稱循良

召入內庭授兵垣給諫時

駕數巡幸南苑講武蒐田給諫

首上書諫獵請養

聖躬慎出入毋勤於原獸

胡序三

世祖皇帝赫然震怒謂

國家以武定禍亂順時于田示

不敢忘戰豈其舍穡事而

思麀牡會方

召文學之臣問對苑庭公卿百

職事咸在傳宣給諫前跪

面數之令免冠謝給諫但對曰

臣惟知忠愛

陛下心無他

上益怒色變往返數數過給諫

譙讓不已

廷臣聞者皆股栗慮得罪且不

一胡序四

測給諫神色不動

上乃曰而詎不聞善則歸若過

則歸已乎奈何翹翹然沽

直聲將謂

朕盤于游畋欲方何代至於

給諫始一頓首謝曰此則

臣罪然

上固已心重之匪直不加譴責

後凡有章奏未嘗不亟稱

善幾及

今皇帝繼志述事有不言言輒

聽可故給諫遭時遇

一胡序五

三得以條列便空言民所疾苦

小人則小利大入則大利

以此也給諫爲人性高簡

介而不期諧俗退

朝燕處謝賓客勿通亦不好數

過同列第日取

中朝所下章奏反覆閱視推求
其是非得失有所見未常
不直陳律已嚴自爲令及
官清要拒苞苴賂遺惟謹
生平漸靡六經之義貫通
傳註老生宿儒不能及故

胡序六

見機必明持論必正吾故
曰貴所養也藉令自信無
素安能言人所不敢言忠
而見許直而見容各顯乎
天壤功存乎生民若此之
巍巍哉今年壬寅給諫方

請

假歸里梓其前後疏草三十餘
篇布之通都就正于有道
且以備他日作史者之採
擇而索予言序之蓋天下
之服給諫者以其敢言而

胡序七

立身本末修性行己之素
或未之詳也予故爲推原
給諫所用結

主知遂忠盡侃侃正論而無沮
之本如此夫朝宁有直臣
主德之隆也王珪魏徵千

秋謫義無窮而貞觀以是
增美季代之主諛言日進
而後世譏之故退焚草藁
臣心則厚矣而反使一時
轉圜納諫之盛事晦而不
彰給諫官言路犯

胡序八

天威海內無不知如不取年來

疏草

批答之詞公之衆覽將

世祖皇帝

今皇帝虛已聽言之大德篋由
章徹于百世然則梓行又

烏可少哉

康熙元年秋七月

賜進士出身資政大夫太子少

保吏部左侍郎前

經筵日講官禮部右侍郎文淵

閣內秘書院學士未戌亥

胡序九

丑四科教習庶吉士胡兆

龍題



自序

昔在

世祖皇帝之論曰人臣事君勿欺爲本大哉

王言每三復之未嘗不凜然內省也任之艱鉅無踰

諫官奈何弗敬夫諫官言爲職也立言者莫大

乎公私義利之辨而已無所爲而爲者曰公曰

義有所爲而爲者曰私曰利言生於心入告於

君奉

命而出則共諸寮采矣置郵而傳則達之天下矣爲

自序一

公爲私孰義孰利而人品邪正見焉胡可掩也

言生於心也必可以對其心斯可以對我

后必可以對我

后斯可以對寮采并可對天下自余爲端州令甫踰

一

先帝特以拔置諫垣兢兢乎愧未能盡職

今一以擢遷俾列刑垣之長遭逢

盛世從諫如流而碌碌無所表見余愧滋甚余惟學

以別公私審義利也出於公入於私出於義入

於利言而私與利聞之欺生平所學何事其敢

蹈欺蔽以違官謗也歷吏禮兵刑四垣章凡三

十餘上詎謂一言有貴顧自勉於勿欺云爾歐

陽公作諫院題名記嘉僕人惕然於公私義利

之不可掩余故不焚而壽之以饗世覽觀者

康熙二年仲春發旦

賜進士出身

特簡刑科都給事中前吏禮兵科左右給事中楊雍

建自序

自序二

奏疏目錄

請慎起兵

亟除東粵

銓法混淆

戶部差規

嚴革衿蠹

會試屆期

急籌三省

封疆責在

奏疏

目錄

微臣前任

闢邪說以

今秋鄉試

鹽法有難

嚴禁社盟

改給奉有

請剔假冒

並陳登聞

旱荒萬分

請廣直言

請弭盜賊

請蠲租稅

請訓平糴

請溥恩施

請議賑濟

請插流亡

請理冤獄

直陳疲邑

奏疏

目錄

臬司現奉

站銀當核

特參惡棍

恭釋上諭

盛京發祥

刑官誤漕

敬陳會推

叩關原以

請停丈量

敬因星象

修省既切

恩詔方新

法祖為敬

直陳改折

安民惟在

宸衷採納

以下復入垣中奏疏

推廣欽恤

遵旨明白

奏疏

目錄

三

服用之僭

繁簡之更

副卷錄取

撫臣庸碌

以下西臺奏議

請復拾遺

捏報之弊

捐納縣令

余以內陞復入垣署會奏及西臺諸疏原稿散失無存賴吾姪存理中發留心蒐輯得以續梓
二子勞不可泯附記於此

兵利給事中臣楊雍建謹

題為請慎起居以重

皇躬以慰羣望事臣惟

人君一身

天地

宗廟社稷之主百官萬民之所待命遐方異域之所式

瞻也其關係甚重則所以保惜愛護之者自不

左暫輕

皇上親政以來躬理萬幾如耕籍田行釋奠御經筵

奏疏

一

動必以正求言若渴樂善不倦雖虞舜之好問

好察大禹之無怠無荒何以加焉而微臣倦倦

之意有不能自己者本月初二日臣辦事垣中

奉閣臣傳

諭孟春初五日當躬享

太廟因

上體一時違和或未親祀先傳與爾等共知臣惟

皇上敷政好學宵旰靡寧勤勞太過正宜深宮靜攝

以養安寧之祉且聖賢對越之理無時不在則

遣官致祭授之孝享之德未嘗有違也及日於
初五月中

朝觀天仗之森列瞻庭燎之有輝方夜未央而
變興即詣

廟中矣一時臣下以爲

睿體悅康中心共慶且祀事孔將必誠必親無不
皇上之敬

天地也如此

皇上之敬

奏章

王

祖宗也如此然而戴星履霜以修祀典

皇躬雖曰已豫尤宜自愛爲重乃回宮未幾復有幸

南海子之行寒威方冽晨曠未開涉歷郊原非

所以保惜而愛護之道也臣聞左史以記言也

右史以記勳也春秋君舉必書誠慎之矣古之

王者在與有旅賁之規位寧有官師之典倚几

有誦御之諫居宸有贊御之箴所以昭德塞違

養神定志也憂謗曰吾上不遊吾何以休遊豫

雖聖王不廢但貴乎得節而慎重焉耳且夫安

不忘危古之訓也乃春蒐夏苗秋獮冬狩猶各
有其時則非輕出可知我

皇上神武天縱計深慮遠原非于畋于遊者可比然
而獸起于前馬逸於後驚屬車之清塵者不能
無萬有一危之慮犬馬愚忠實有寢卧不寧者
伏願

皇上爲

天地

祖宗臣工億兆而愛此身起居必謹出入以時則清明

奏章

王

強固寶真

宗社億萬世無疆之祉臣草茅新進謬肆狂瞽伏惟

裁納臣愚幸甚天下幸甚

順治十六年正月十一日具題十五日奉

旨知道了該部知道

兵科給事中臣楊雍建請

題為亟除東粵之大害以拯積困之殘黎事臣海

隅豎儒嶺外下吏荷

皇上特簡隆恩兩試南苑拔置兵垣雖捐頂踵無以

圖報萬一夫盡忠者人臣之至性况居得言之

地而不竭其惻誠非所以仰答

高厚也臣為吏粵東日擊今日之粵民顛連困苦為

已極矣兵燹甫定元氣未復供輸之艱實男鬻

女而不足誅求之擾敲骨吸髓而難充富者無

奏疏

四

樂乎有產貧者不如其無生及今不有以休息

之則流亡日盡漸至土滿夫孰非

皇上之赤子其棄之也然休息之法必先去其害政

就臣所聞所見據實直陳大抵委署太濫也雜

派太繁也里役無定例也用夫無限數也鹽埠

日橫也私稅日盈也砍柴之肆虐也採木之流

毒也何謂委署太濫印官缺員當擇凡任佐貳

首領之廉能者攝之業奉

功今而粵東則不然有等市井無賴不知來歷出身

蜂聚廣城剿遇缺出重賄鑽營務求必得或數

人湊本一人居官或一委未已後圖再委遇事

風生取償本利忘却身命真如劫賊雖事露而

掛彈章地方已受其荼毒矣又况有遊手冒名

飽而颺去主者曲護前非并不敢形之章奏者

則為害益不可問今與其摘之於後不若慎之

於先請

嚴飭督撫按訪查若輩盡行驅出境外倘遇缺員必

於見任中擇委隨即

奏疏

五

題請部選弗至稽延如仍前濫委者治以私通賄

賂之罪則鑽營杜而吏治得清矣何謂雜派太

繁粵東額外之派幾倍於正賦有夫役匠役之

派有河船馬船哨船之派有砲車鉛藥器具之

派俱在正項之外猶曰軍需耳突有持藩令而

至州縣者採買稻子名曰王穀採買鹽包名曰

王席如其處出產某物即採辦是物非無發價

之名巧肆攫取之計民受其價每三四倍以納

之更且勒索供應詎嘗州縣鞭撻小民額外之

額耗外之耗膏血幾何其能堪此自今請

勅督撫按凡軍興所需取諸地方者雖纖毫必造冊
達部稽查至如兩藩有取辦於民間者不得徑
行道府州縣必由該撫酌其所買者作何應用
果係軍務攸關亦必悉照時價給發則橫歛絕
而民命稍甦矣何謂里役無定例有產當差固
其分也今不立良法而竟使里長輪流值月上
司之什物於是取之軍旅之供億於是辦之衛
途絡繹事無公私大小悉以問之值月甚而官

奏疏

大

索贊儀吏勒陋規幾以里長爲利穴奇貨恣意
噬嚙也或愚民畏事情人代當其中刁惡之輩
自相魚肉指一派十因公科歛民奈何不窮且
盜也定

令該撫轉行各州縣從長酌議革除值月之例豈後
雜項若干以備支應但須每季核筭以杜加派
侵漁則徭役定而冒濫可免矣何謂用夫無限
數夫役雖雜派之一而用之無度民無餘力彼
紛紛索夫者非盡助合火牌之可據也大抵藩

鎮之牌上司之票耳或云差遣公幹挑送行李

或云往來投文指引路途或與土木之工或運
貿易之物或喂養馬匹或割辦青草咆哮逼迫
有司莫可誰何究且不以夫爲力而以夫爲財
每夫一名指折銀伍陸錢不等而去此處既折
而至彼處仍復取夫所過地方在在受累民既
勞其筋骨又遭其鞭撻良可憫也合請

奏疏
天語嚴行申飭於各州縣驛路立木榜刊示除勘合
火牌外不得妄役民夫如仍前故違依律治罪

奏疏

大

則民力寬而農工無妨矣何謂鹽埠日橫鹽埠
之害廣西按臣田昇龍已言之而廣東尤甚奸
商借納餉之名私立各埠高擡時價揶揄沙和土
延村計口坐派多鹽不問貧富不分老幼既論
口而誣派復限期而逼價帶刀挾矢突入民室
奸淫暴戾無所不至甚或藉口藏匿私鹽鎖拏
嚇詐究竟未嘗納餉銷引致累各官考成厲民
病

國蠹莫大焉莫若痛革私埠平其價直則官鹽行

而私販自消矣何謂私稅口盈關稅之設原以助國用而粵東每多私稅即以潮州一處而論自潮州至石上路不及二百里而抽稅者數處始石上大大浦次三河次蔡家園次廣濟橋惟廣濟橋載之經制其餘悉皆私設私稅增則商困商困則物貴物貴則民困專利孔而藐王章罪孰甚焉室

勅下撫按嚴行禁革倘有本處土官及鎮防諸弁不遵

奏疏

八

功令者道府卽行揭報指名

題參則商賈通而物價亦平矣何謂砍柴之肆虐粵民自田產而外皆以菓木爲生息有強橫兵丁結隊聯舟以砍取柴火爲名擾掠鄉村伐人墳木截人菓樹小民無奈多金未免至於污辱婦女劫奪財物道路因而斷絕雞犬爲之不寧種種擾害在肇慶府治更多督臣王國光雖屢行驅逐而旋散旋聚倏彼倏此終無寧宇臣不知鎮防將領之紀律何在也請

肯嚴禁如遇此等兵丁以軍法從事倘鎮將徇縱督撫按立刻

題參則軍紀肅而地方安枕矣何謂採木之流毒凡各縣開山已無民商盡屬營頭踞占終年刑運常累民夫及土有採買反在民間問之而民不得不購諸王商以應重價既賠解運復苦此皆流棍私乞王牌便赴州縣立限嚴催急若風火凡此遺黎敢怨而不敢言請

奏疏

九

飭督撫按嚴查營頭所佔立時清出並不許問民間採木滋擾則刊運罷而勒索罔施矣以上諸款害雖未盡於此而此尤其較著者爲今日之粵民去其疾苦卽爲今日之粵民謀其生聚一方安而天下安是在

皇上之大奮乾斷而行之耳臣近閱邸報見靖南二備陳粵地拮据艱難一疏內稱官兵家口衆多難以自給夫以疲困之粵民而支兩藩之公務爲力誠難然措處固宜悉計原本不可過傷見今川貴底定彈壓貴乎有人合無移一王坐鎮

其地則兩粵省拮据之繁而川貴併收屏翰之效敢因粵民之疾苦而并及之小臣新進不知忌諱止知從

國計民生起見宇多溢格稅所

鑒宥採納施行

順治十六年正月十一日具題本月二十日奉

古該部察議具奏

兵部題為亟除東粵之大害以拯積困之殘黎事職方司案呈覆兵科給事中楊雅建題前事

奏疏

十

等因奉

旨據奏廣東各縣開山營頭占踞終年刊運常累民夫流棍私乞王牌催買致民既賠重價又苦解運殊為不法藩王職掌軍務與民事無涉濫發牌票害民於理不合以後着嚴加禁飭餘依議行

兵科給事中臣楊雅建謹

題為銓法混淆多端不止覆議有失謹據事指陳仰祈

睿鑒嚴飭以儆積習以儆將來事臣近讀

上諭諭吏部為六卿之首職司用人凡吏治民生重大事務皆當盡心籌畫詳切具覆方為不負委任近來爾部一切議奏本章多拘相沿陋例但云已經具覆在案即各官條陳亦不詳看言其果否可行此皆不肯敬慎存心真實任事只圖草率結局

奏疏

十二

負朕委任至意殊不合理以後若不悉心着意詳明覆奏仍前草率定行治罪不饒特諭欽此仰見我

皇上深悉知入任使所關甚大務期敬慎以襄上理

臣聞昔臣有云天下未治皆百官不職之罪也

百官失職皆吏部之罪也我

皇上勵精求治若此其勤而臣下不能早作夜思斟酌確當即覆

奏本章屢煩

睿慮批駁下部更議甚非所以矢靖獻佐隆平也顧上諭所及謂銓臣議奏草率耳孰知銓臣草率之咎有不正于議奏者人言嘖嘖咸謂銓法舛謬種種不一臣備員言路有聞必

告義難緘默以負

皇上簡拔謹先就所聞一二端爲

皇上陳之如大理寺司務缺出去年十二月二十日

出榜取國子監學正王天成陞補及天成赴部

辯論云不應陞乃于今年正月二十日將學錄

奏疏

主

劉涵之推陞夫天成不應陞也何以遽爾出片

涵之果應陞也何以始序無名且品級考亦有

陞同知通判之途今乃藉口蔭生不陞助教仍

陞司務或扣或取先後不符此臣之所未解也

且十日一推天成旣不應陞而陞涵之不予當

時改定乃遷遲一月使學錄一缺歸于大選舍

裁缺之張惟德而選司現延推之際遂滋疑議

此又臣之所未解也推陞有人先付考功司查

有無參罰必俟功司回付然後推用此定例也

聞長蘆運同缺出二月廿四日籤陞永平府

知王覺民矣廿五日功司忽行一付云覺民署

縣事馬價未完一分因而扣缺何不查於未陞

之前而停於旣陞之後安知非打點論謀吏胥

上下其手因有欲補之官遂扣已陞之缺俟陞

候扣之間視爲故套成何銓法此又臣之所未

解也更可異者陳卣以本部司務乃以不陞戶

部員外之故具呈援例抗辯銓堂何地陞補何

事未聞

奏疏

主

朝廷爵祿之典而可以私意爭者陳卣之爲公爲私

臣不具論但旣經呈揭在案是非果否有據便

當從實具

題直窮到底何以聲言參處終爾含隱不發使銓

法不足以服本部之司務而又何以進退天下

之人才乎此又臣之所未解也臣聞銓衡者蓋

謂銓次群僚量度人物如衡之平也庶可分其

事冢宰總其成戶於冢臣孫廷銓不能無議焉

冢臣以選司歷陞卿貳受

皇上格外之恩委任今職是宜銓收分之不而足即
衡量無不平矣乃今外謬之端不一而足即
司官之事吏胥之過豈有身為冢臣在先漫無
確察在後又無指責可以服衆多之心而塞
路之口臣愈不能爲冢臣解也伏乞

大語嚴飭使一匕釐剔以仰副

皇上敬慎至意庶積習除而銓政肅清矣抑臣更有
請者內外臣工或有註誤供着吏部議處所以
示懲也若以吏部之失仍轉吏部自議自奏豈

奏章

出

無徇庇輕重之嫌臣請自今以後如吏部或有
應議之罪竟請

乾斷特加處分或下該部會同都察院核實議

奏於以擴大公而昭至正在吏部亦不至有徇庇

嫌疑之迹矣臣從銓政起見不避怨謗統祈

鑒宥施行

順治十六年三月十六日具題本月二十日奉

旨這所奏事情着吏部明白回奏

禮科右給事中臣楊雍建謹

題爲戶部差規獨異請

勅查一以清獎實事切照戶工二部司官與都察院
御史俱辦事三月方准出差此定例也顧新陞
新授者以到任日爲始京差無考核者以交代
日爲始過滿三月挨序掣差無可訾議而外差
回部者其爲辦事三月則有兩等之異若工部
都察院俱以考核

命下之日爲始而戶部獨以回部之日爲始臣見工

奏章

十五

部覆臣同官蘭挺達部差宜有定規一疏內開
凡京差以交代之日爲序外差以考核

命下之日爲序新陞新授以到任之日爲序又見都

察院請定風憲事宜一疏內一欸差滿回道以

考核

命下之日爲準在道辦事三個月方許列名請差如

出差乏人雖不足三月亦可開列具

題業經九卿科道會議奉有

俞旨遵行在案是工部與都察院俱以

命下之日爲始此至公而無弊者也戶部何獨不然
夫以回部之日爲始差回各官往往借考核之
遲速覷後差之高下差未善者故意延捱以推
諸新陞新授之人一有美地卽時考核以俟掣
差故有考核

命下不過一二日而忽已得再差者止因從回部時
算起或踰三月之期而新陞新授者遂不敢不
計日而讓之此中機巧止爭頃刻疾徐遲早權
自己操積習相仍牢不可破此不但部與院異

奉
疏

六

卽部亦與部異也豈法之至公者哉臣愚以爲
無弊之道斷當以工部與都察院爲法蓋未經
考核之先錢糧未曾察核單簿未曾磨對則是
功罪尚未定而黜陟尚未分也焉得許其回司
焉得許其管事若以回部之日卽爲辦事之日
則後來考核之疏所云相應准其回司管事者
不幾爲贅詞乎任意欺朦臣竊惑焉伏乞

皇上勅下戶部照工部都察院事例歸於畫一庶彼
此不致參差而考核無用遲延差規之弊可立

清耳更有請者戶部完銅之期已限回部兩月
矣差回各官果能一一如限否如蕪湖鈔關王
維藩已經革職回籍迄今三年銅尚未清不知
此項銅勛果爲本官冒濫乎抑爲書吏侵欺也
何以遲之又久漫無着落請乞

勅部一併嚴察則

功令肅而積弊除矣

順治十六年閏三月十三日具題本月十七日

奉

奏
疏

七

旨戶部察議具奏

禮科右給事中臣楊雍建請

題爲嚴革衿蠹以安民生以端士習事臣惟懲貪之法先戢其類除蠹之方必清其窟今日之巨蠹不在一州一邑而在上司衙門何也州縣衙役作奸犯科事露難容勢必貪充府廳司道之役再經敗露究必潛藏督撫按衙門一爲督撫按書吏承含莫敢過而問焉多有漏網終身者矣屢經諸臣條議督撫蠹役責成巡按訪拿又巡方不許用舊役奉行已久皆所以祛蠹也惟

奏疏

十六

是名列青衿買充上司書吏差士類而玷官清爲諸臣所未言者請爲

皇上陳之臣聞江浙督撫按書吏嘗有生員充做或以行劣黜革而買承或見在學官而兼充多者用銀四五千兩少亦一二千兩授受相承名曰頂首數人朋買一缺上下輪班上班則爲督撫按私人下班則與有司分庭抗禮以青青子衿爲赫赫稱辦則其隱忍貪狠舞文弄法必有大過於羣吏書之所爲者矣本官利其文移通熟

反多愛護此輩因之狐假虎威出入招搖不可究詰以臣所聞如張天鼎揚州府學生員也現充江南總督書辦戴渭臣仁和縣學生員也現充浙江巡撫書辦沈宗玉湖州府學生員也現充浙江巡按書辦天鼎害衆成家近知士民切齒希圖納粟入監渭臣戀缺生奸陰排下手徐卿陷置獄底宗玉在官飽索圖謀善後欲援府庠生丁如立爲接手串名易姓此去彼來何儒蠹之相傳竟展轉而無已臣思學道以衡文訓

奏疏

十九

士爲職士爲人役而不能覺察除名是昏憤也督撫按以振綱肅紀爲任明知其爲士而竟役之是徇縱也請

勅該督撫按嚴查天鼎等何年充買書吏果否仍列學冊立時革究并通行各省凡有生員爲衙役者盡數除之如仍立頂首名色重價買充計數論贓與受均置重法倘或陽革陰留卽治督撫按以徇庇之罪庶爲士者皆以端方自厲而蠹根可除矣更有在官壞法躬挾餘貲貪錄入泮

爲護身符牒廩生見小利而扶同保結教官愛
束修而不詢由來遂使列名費序冒跡儒林究
之把持官府包訟通糧其長技也習尚不端大
率由此若枉年繆邦達以衙役改名濫中奉
官革去舉人着刑部究擬誠以名器之不可假也今
各省學宮豈無如邦達之類者與其有玷賢書
事後恭革何如釐正學冊慎重始進者之爲得
也哉應

勅各省學道徹底清查行該學教官各具其結如有
未竟

衙役出身倖進者據實申報立刻除名倘容隱
不舉或被旁人訐發或經科道指叅學道教官
一體議處至考校儒童更須嚴互結以重始進
匪類既去則經明行修所關於民生士習非淺
鮮也伏祈

鑒宥施行

順治十六年閏三月廿四日具題本月廿八日
奉

旨這所奏事情着嚴察議奏該部知道

禮科右給事中臣楊雍建謹

題爲會試屆期請嚴私謁之禁以絕賁緣定首告
之例以窮奸弊事近者真黔底定禮闈再舉四
海人士群踴躍以赴功名之會甚盛典也自丁
酉懲創以來中外振肅斷無不愛惜身命自干
法紀者獨是曠典攸行除獎務盡臣備員禮垣
竭思盡職竊惟所當先事而必飭者莫如私謁
之禁空嚴與首告之例宏定也嚴私謁之禁若
何士子愛其身如圭璧蓋言慎也况乎闕山迢

奏疏

遞跋涉而至

京華勞頓已甚縱有倚爲之才亦須靜養以待乃
或輕躁之士好言聲氣投刺長安徘徊乎公卿
之門往來於知交之室廣播文稿則自號名流
遍投詩箋則居然風雅於是致有儀文以致慙慙
宴飲以盡款洽卽此標榜酬酢之際遂生關節
授受之私自今請

旨嚴禁凡會試舉人場前不許投刺私謁在京官員

題奉一體治罪盡在還之跡既嚴刑賊昧之然自

絕矣定首告之例若何

朝廷貢舉大典期得真才若賄買行私誠

法所不容有能搜剔弊端赴官陳告庶幾奸人

知所儆惕但人情憚於賈怨往往止匿名開揭

莫肯呈身實對如以事屬無憑舉置不問即作

奸者必多漏網若據匿名所指竟加譴責則被

罪者未即甘心且其中豈無挾私忿而逞誣陷

者乎臣愚以為欲審是非之真須定首告之例

奏

三

科場情弊果係聞見真確務要的名直書或赴

鼓院登聞或在五城舉首即將首狀密封諱

旨嚴審兩造實對真則作獎之人立置重典虛則謠

告之徒加等反坐蓋奸人既無從幸脫而刁詐

亦莫敢橫行矣如果臣言不謬伏候

廉鑒施行

順治十六年五月初三日具題本月十一日奉

旨該部議奏

禮部題為會試屆期請嚴私謁之禁等事儀制

司案呈禮科右給事中楊雍建題前事奉

旨該部議奏欽此該臣等議得舉子應試來京原應

靜候試期如有輕躁之徒借文稿詩箋干謁標

榜者應嚴行禁止凡後會試舉子除京官父兄

子姪至親不在禁例外其余藥不許場前私謁

以杜往還陋習至于科場弊端誠宜糾舉但止

處匿名謗帖挾私誣陷勢難得實以后果有闕

節授受親見的確出名首告者親身赴鼓院登

奏

三

聞該科道官會審明確即為密封候

旨勅審兩造赴該衙門實對情真將作弊之人立置

重典如涉誣告加等反坐至有假捏姓名粘貼

謠揭相應

勅下巡城御史嚴行訪拿以杜挾私誣陷之弊可也

奉

旨舉子場前不許私謁京官投送詩文原為禁絕營

競弊竇本內但云嚴行禁止未議犯者作何處分匿

名揭帖律例原禁其出名告發科場關節授受有提

者本內但云立置重典亦未明言何典如此草率具覆殊不合理還着嚴加詳議具奏

禮部題爲會試屆期請嚴私謁之禁等事儀制司案呈覆禮科右給事中楊雍建題前事等因奉

旨還着嚴加詳議具奏欽此該臣等議得今後舉子有場前違

旨借詩文投謁京官者本官即時舉發應將舉人斥革如本官容隱不舉經科道據實糾參者舉人

奏疏

旨

斥革官聽吏部嚴加議處至於科場開節果係出明告發審明授受有據者照丁酉科南北兩關犯事考官舉子大辟流徙等項應聽刑部察照治罪如涉誣告嚴行反坐伏乞

勅下臣部轉行申飭施行奉

旨會試舉人場前投遞詩文干謁京官最爲可惡以後有犯的着革去舉人下刑部究擬京官不行舉首事發一體重治科場開節出名告發授受有據的俱照丁酉科南北兩關例重處如係誣告反坐爾部卽

嚴行申飭

奏疏

旨

禮科右給事中臣楊雍建謹

題爲急籌三省援勦之策以振

國威以靖海氛事臣惟天下之勢有見爲至急而正當乘機以制勝者則今日之海逆是也彼窺伺江南志在剽掠論者以賊踪聯絡漸逼境地不無過慮而臣竊以爲不然蓋茲海逆蕩漾島嶼飄忽無際出沒不常我兵向患無從殲擊今旣聯翩而至此正

厭元兇延頸待命之時

奏疏

六

禁旅前驅膚功克奏將見靖厥根株一勞永逸斷不令飽颺而去貽後日憂也蓋賊所恃者舟楫我所長者弓馬如用力堵禦猶恐彼處其逸我處其勞惟誘賊舍舟登陸而用我之長技以禦之賊未嘗強我未嘗弱何嫌何疑而不殄滅此醜類乎况賊衆旣集江南則其巢穴必虛島屢門以斷其歸路者閩督諸臣之事也於溫台寧紹濱海門戶在七固守扼其吭而制其背者浙督諸臣之事也皆當密

勅任事以期成功夫天下事每成於相濟而敗於相

諉今賊犯閩七之官兵自爲戰守如遯而之浙則閩勿之問矣賊犯浙七之官兵自爲戰守如遯而之江南則浙勿之問矣賊犯江南江南之官兵自爲戰守如遯而之浙之閩則江南亦弗之問矣此冲彼突迄無寧晷臣不知其可也臣聞善戰者必知分合善守者必知常變分則各守其汛合則相助爲理分守者爲常合助者爲變大抵防兵不得擅離汛地應於浙閩江南二

奏疏

七

省各設將增兵議駐交界要地以爲互援之計如賊犯某省該總督卽移會隣省於要害處愈加周防以待賊徒之逸倘彼越入本地卽調發援兵併力擒勦毋得推諉懈弛蓋近則神速而不患後時合則堅強而弗憂孤壘如臂指之相使若首尾之互應三省成一體之勢而海賊無容身之處矣總之殲賊之黨奪賊之船者上策也固守海口不令登岸使坐困者中策也驅賊使退與民休息者下策也若賊至束手賊退報

功謂之無策該督撫鎮將當痛加勉厲協力圖
功無取粧點門面掩飾目前足該督撫鎮諸臣
上爲

國下爲軍爲民而亦卽所以自爲其身也臣書生

不諳兵事憑臆指陳伏惟

鑒宥施行

順治十六年七月十四日密題

奏疏

廿八

禮科右給事中巨楊雍建謹

題爲封疆責在樞臣運籌獨勞

肅笑仰祈

天語嚴飭責成以儆尸素以崇

國體事稽古大司馬之職掌九伐以正邦國制軍

詰禁是故寇賊奸宄責在中樞由來尚矣我

皇上神武天縱一切樞畧悉出

廟笑洞如指掌然身膺樞務者亦當留意封疆悉心

籌酌綢繆調度慮周末雨仰副

奏疏

廿九

皇上簡任至意乃邇來海氛告警突犯江南目今

禁旅星馳定當戒此朝食立

奏蕩平但不知樞臣平日之運籌者何在且一應

密

奏奉

旨皆樞部議覆諸臣所不得聞者宜其聞之熟矣豈

有職掌軍機於凡地形之要害防兵之多寡勦

撫之得失鎮將之優劣戰守之緩急功罪之是

非不發一謀不建一策而僅以隨事具覆依樣

蒞蒞遂爲無忝斯任者不亦負

君恩而誤

國事卽臣屢閱該部覆疏不曰今應再行申飭則曰臣部難以懸議叙功則不察其虛實紀錄則不審其高下唯諾苟且套習相沿若非

繪音駁正竟且視爲故常而不知改矣當此小醜未靖凡爲臣子無不發憤以圖報効在樞臣尤宜痛自刻責引罪不遑乃自警報以來因循如故既不能盡心經畫預定策於幾先又不能反躬

奏疏

三

詔咎其敗效於事後夏卿何官中樞何地而泄泄至此臣恐

皇上宵旰於上而樞臣優游於下殊非所以重樞務而鼓六師也揣其意不過謂地方多事該督撫之責於我何與獨不思督撫分任於外樞臣決勝於內督撫之失職總由樞臣叅贊無能一味推諉所致伏乞

皇上嚴飭樞臣痛改積習凡軍務重大實意摺當一切機宜不時密疏

奏請定奪毋循覆轍成套便謂了事其在目前亦

當引罪以昭大體庶

朝廷設立中樞之意不致虛靡而封疆得所專責矣
順治十六年七月十四日題本月十六日奉

旨這所叅事情着兵部明白回奏

兵部尚書等奏爲遵

旨明白回奏事兵科抄出禮科右給事中楊雍建

題前事奉

旨這所叅事情着兵部明白回奏欽此欽遵臣等查

奏疏

三

科臣疏稱云

謹據實明白回奏恭候

睿鑒施行奉

旨樞臣職司戎務調度機宜須盡心籌畫方爲不負委任這回奏巧言飾辯殊不合理還着明白回奏

禮科右給事中臣楊雍建謹

題爲徵臣前任帶徵司冊完欠不符謹據事直陳
仰祈

睿鑒勅部察核事臣辦事垣中見廣撫董應魁請舒
江南三大困一疏內開粵東各官十五年分帶
徵十二三十四年錢糧完欠分數查工部四
司料價臣前任高要縣時全完十分冊內開註
已明無容置喙外惟戶部民糧本折兵部驛傳
節裁未完數內俱列臣名臣閱之不勝悚異臣

奏疏

三

細查冊內有臣已經透完分數仍註未完臣不
能默以處此也據藩司冊報十五年分帶徵
十二三十四年民糧本折謂臣自十五年正
月初一日起至三月十九日止經管七十九日
該徵銀貳百陸拾肆兩叁錢零未完十分但臣
查十四年帶徵冊云十四年分該完銀玖百肆
拾伍兩柒錢零全完訖計完十分冊內復云又
催完十五年分帶徵銀貳百陸拾捌兩貳錢零
則是十五年帶徵之銀臣早於十四年催完以

額數計之尚多完銀叁兩玖錢也乃於十五年
叙恭冊內將此項帶徵全完之銀誤開未完十
分此臣所不得不請

旨察核者一也據藩司冊報十五年分帶徵十二
三十四年驛傳節裁謂臣自十五年正月初一
日起至三月十九日止經管七十九日該徵銀
肆拾肆兩柒錢零未完十分但臣查離任造報
底冊十二三十四年分驛傳節裁每年該徵
銀壹千壹百肆拾叁兩壹錢零查十三十四年

奏疏

三

臣俱完解十分訖並無未完之銀無可帶徵其
十二年分除完過外止未完叁百餘兩臣已催
完壹百伍拾捌兩零於十五年三月十八日批
差巡檢汪起蛟解府投納訖所解之銀卽是帶
徵前項係臣十五年經管七十九日任內所解
也且查十五年經徵驛傳節裁冊內謂臣全完
十分外又多徵完銀貳拾叁兩捌錢貳分流抵
下官應徵未完之數夫多完者可以流抵下官
則未完者亦當責成見任乃既有完解之銀又

以肆拾肆兩柒錢壹分陸釐計日以筭而作十
分未完此臣所不得不請

旨察核者又一也總之臣果未完不敢隱諱於

皇上之前臣所已完豈其竟列於不完之數伏乞

勅部細加察核則完欠自明矣緣係前任帶徵事理

爲此據冊直陳伏惟

睿鑒施行

順治十六年十月十八日題本月廿八日奉

旨該部察議具奏

奏疏

三十四

禮科右給事中臣楊雍建謹

題爲關邪說以正人心事臣惟六經之道炳若日
星用以窮理盡性閑邪存誠其來尚矣學庸語
孟四子之書所以發明六經而宋儒朱熹集註
又以發明四書者也詞確而道該使習其解者
涵泳於義理之域而體驗於人倫日用之間爲
功最鉅自古迄今莫之能易未有逞一己之臆
見毀先哲之格言而可刊布其說自鳴得意者
臣從坊刻中見有張自烈四書諸家辯不勝駭

奏疏

三五

異何其敢於駁朱註而伸狂辯也書中所云大
抵言章句之誤集註之泥止善不遷之解詆其
膠固不通三綱八目之稱謂非經文本旨格物
致知譏補傳之涉贅率性修道訛人物之難著
諸如此類不可枚舉總之尋章摘句無非捕影
之詞累牘盈篇盡是畔道之語臣辦事禮垣見
各省解到試卷多有文體浮靡若山東陝西等
處其字句舛謬不一皆因理學未明學臣訓迪
無術所致此書遍布好事者從而附會之是教

天下士子以新奇可喜之論而顯悖章註則程朱之說棄矣程朱之說棄而孔孟之理不明正所謂邪說誣民充塞仁義者也又有四書大全辨開端則援引交遊稱述書札不過皆明末陋習欺世盜名其非端人正士已可槩見以至譏訕先賢崇尚異說止以快一時之辨而不知其獲罪於名教者不小也我

皇上隆重聖學廣厲澤宮取士必遵傳註是以經學粲然正如日月經天何可使曲學之徒逞私辯

奏疏

手六

以亂指歸也伏乞

勅下該部火其書削其板闡明聖賢之道以示天下併飭各省學臣嚴查坊間如有此等私刻未行禁止庶先賢傳註不爲異說所奪而學術大醇人心可正矣

順治十六年十月初十日題本月二十日奉

旨禮部察議具奏

禮科右給事中臣楊雍建謹

題爲今秋鄉試屆期北闈簾官宜慎請祈先事嚴飭破除往例不必拘定衙門臨期廣行開列仰候

欽點以絕揣摩弊端以光

熙朝文運事臣惟士子之致身也必始進以正而後真材輩出

朝廷收多士之功人臣之報

主也必公足生明而後爲

奏疏

手七

國求賢

簡命無覆餗之懼若乃任意營私混淆賢路上負君恩下玷名節真有污

盛世之斧鉞而未足蔽厥辜者矣臣於丁酉科南

北鄉闈關節敗露俱經正法迄今猶服

皇上之明斷而恨匪類之貽羞也在

王法無私自足使群邪膽落猶慮日久滋玩邪慝復萌不得不鯁臣過計焉臣惟北闈同考各官向來限定中行評博衙門及守部進士內取用

人得屈指計其奸弊易生不肖官邪隱然自負
視分校爲故物先事招搖以致敗類劣紳鑽營
百出趨終南之捷徑走險如鶩雖科場作弊法
所不

赦與其事後誅殛若先時悉防合請

天語預勅該部於今秋北闕除主考屆期照例開列
請

皇上親點外其同考各官大破往例不必限定某衙
門致生私揣或於五部郎中員外主事中行評

奏疏

辛亥

傳國子監等官及近畿廉慎素著甲榜推知臨
時一併開列進呈

睿覽恭候

皇上點用數員卽刻入簾其守部進士一槩不用以
杜奔競之門且見今鄉試中額業經奉

旨減半則同考官亦不必仍用多人蓋開列既衆則

可否未定難爲揣摩而取用者少則責成更專

人知自愛從此首善肅清賢書無忝天下仰文

治之盛而薄海胥慶同風矣至於在外各省同

考各官皆係該撫按聽藩司取用前此因人選
擇易於徇私卽憑文考定亦成故套大抵每用
一內簾官藩司交通撫按以爲攫金取利之符
卽有托名公闈究竟巧通線索多有費至數百

金或一二千金不等旣出重貲勢必取償關節
藐視名器此丁酉南闈之弊可鑒也今應請

勅在外各該撫按公慎酌量不得假手藩司借端騙

索其所取各官廣列少用或慎取本省推知或

調取隣省推知更移互用則人情未習衡鑒必

奏疏

辛亥

公總宜密咨取到卽時入闈無致早行聘取先

任省會致滋獎竇難爲防範倘所用匪人闈中

作弊許主考不時糾叅俟行查係某撫某按取

用者一體連坐如主考與同考官通同作弊許

撫按不時糾叅庶上而遴取者不敢有徇私妄

舉之弊下而共校者亦不敢以身家性命爲嘗

試矣臣備員禮垣理合預陳伏乞

皇上飭部詳議施行

順治十七年正月廿五日題二月初六日奉

旨禮部議奏

奏疏

聖

禮科右給事中臣楊雍建謹

題爲鹽法有難清之弊積蠹多蟻據之奸請

敕戶部轉行該差御史嚴查盤飭以銷壅引以足額
課事竊惟鹽稅關軍餉之需引目有歲銷之額
兩浙鹽法日壞引壅鹽積致煩鹽臣之蒿目請
舊課之停徵抑知民間食鹽何嘗減少歲引常
額何以難銷必有相仍積弊未能徹底清查以
致行鹽多而銷引少若因循不革歷舊欠新必
有虧課之患臣謹就風聞所及一二弊端爲我

奏疏

聖

皇上陳之兩浙年額行鹽六十六萬七千引零每引
額鹽二百斤加包索滷耗二十斤浙西包補漂
課又加七斤此定例也比聞邇來運鹽有重至
二百六十斤者及赴所秤掣尚有餘斤割沒夫
每包之數加重至三四十斤是十引之中夾帶
幾及二引通計一歲額銷正引內帶無引私鹽
十餘萬包矣民間食鹽有數引內夾帶無窮五
六年間必且壅一年之課此當清釐者一也引
鹽掣發過所浙東由富陽三關浙西由蘓湖二

門向例府縣秤盤及到應賣地頭亦聽印官抽驗然後開引近聞關門槩行點包地頭不復秤驗不惟引塩原重而沿途添灌夾帶彌多塩斤之重愈甚則引目之銷愈艱此當稽核者一也杭郡之餘杭地連徽嚴向止有肩挑小票不設引塩比聞新立小引乘機夾帶私販他方松屬之華亭上海青浦二縣引塩例於蔣涇埭秤掣以其僻在海濱無碍行塩地方也若蕪屬之崑山常熟嘉定太倉舊例必於嘉興所秤掣近且

奉疏

聖

移并蔣涇埭改爲松江所秤掣之後不由嘉興竟往各州縣地僻港多無從查核聞有加重至四五百斤者私販行則正引滯塩斤重則銷額遲此當更革者一也商人說法爲奸營私射利宜若立見肥家而往亡傷財力之重困苦額稅之難清者蓋有積蠹奸胥從中蠶食先飽其狼貪之欲而後縱商人以鼠竊之奸故

國受其弊而商不蒙其利且聞兩浙巡塩衙門書吏承差各役多屬積年奸棍或父子兄

占戀或伯叔甥舅表裏爲奸隱姓易名移甲換乙荼毒商灶紊亂塩規該差未見指省參奏至其作弊嚼商科派索詐之事不可枚舉大抵書吏把持於中承差奔走於外戶部一例之舉行動謂由承差之幹辦塩臣一事之典革卽稱係掌案之轉移派京費則每引均攤勒使用則推家需索如部發引目包索油布脚價盤費乃所必需及解部硃紙每引不過分釐之間而比聞派至六分以外秤掣塩斤照額爲準平則放行

奉疏

聖

多則割沒本有定規何須使費近聞每次掣塩未掣之際先定塩斤割沒之多寡悉聽書承講定任意低昂及秤掣之時書役有免委減劬加鈎批掣供應公費之需求承差有監摯監艚傳旗叫牌填封發封催掣擺幫之橫索名目甚多費用無紀無怪乎商人重困而妄欲取償於加重之塩觔也且如沿海縣場歲徵本折額課以三限全完邇來未至限期運司分司紛紜差擾重以巡塩承差接踵屢催動輒科索差錢不飽

不已嗟。竊灶其何以堪。又如私鹽之禁。職屬官捕。遇有大夥。鹽梟及勢豪窩頓。捕役力不能。勦者應聽該地方府縣官據實申請。設法擒拿。亦須船盤現獲。始有實証。乃或止憑承差片紙之申報。卽差提四出。嚇詐咆哮。審實則事無確憑。而差拿則家已立破。夫承差止供。資奏之用。豈應承票催餉。提人總由與蠹書表裏交通。多方作弊。凡可以嚇詐誅求之法。無所不行。如此則商安得不貧。引安得不壅。臣請

奏疏

聖

敕部嚴行該差御史將逐一弊端徹底清查。是否有無詳確具奏。并察積蠹壞法之奸訪實嚴究。已後大加整刷。剔弊甦商。庶舊課可以漸銷。新引不致後壅矣。如臣言可採。請乞

皇上嚴敕施行

順治十七年正月廿五日題二月初九日奉
旨該部嚴察議奏

禮科右給事中臣楊雍建謹

題爲嚴禁社盟陋習以破朋黨之根事。臣聞朋黨之害。每始於草野而漸中於朝。寧蓋在野旣多。類聚之私。而服官必有黨援之弊。如明季仕途分門立戶。意見橫生。其時社事孔熾。士子若狂。如復社之類。凡一盟會。動輒數千人。標榜爲高。無不通名當事。而縉紳大夫各欲下交多人。廣樹聲援。朝野之間人皆自爲。於是排擠報復之端起而國事遂不可問矣。我

奏疏

聖

皇上鑒前之弊

特諭臣子當砥礪品行。奉法盡職。不可因事疑揣致開黨與之漸。如明末群臣背公行私。黨同伐異。大哉

王言。所以擴公忠之益。塞比私之路。大小臣工孰敢不洗滌肺腸。恪修職業。以仰副

睿懷者。臣竊以爲拔本塞源之道。在於嚴禁社盟。苟社盟之陋習未除。則黨與未可得而化也。臣聞社盟之習所在多有。而江南之蕪松浙江之杭

嘉湖爲尤甚蓋其念始於好名而其實因之植黨於是家稱社長人號盟翁質鬼神以定交假詩文而要譽刻姓氏則盈千累百訂宴會則決日連旬大抵涉筆成文便爭誇乎壇坫其或片言未合思構纂於戈矛彼此之見既分朋比之念念切相習成風漸不可長又有不肖之徒飾其虛聲結交有司把持衙門闊說公事此士風所以日壞而人心由之不止也臣見福按李時茂惡棍結黨立社地方受害難堪一疏內稱福

奏疏

罪

州會闢有社黨各分門戶如至德北林西藍等社其社首陳子佳等結衆歛金橫行城市尋非啟衆攘臂爭雄列款特參奉

旨着該撫行提嚴究追擬凡此惡習皆始於儒生而流及市井小人尤而效之者也臣伏讀

欽飭學政全書有云生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪煌煌

功令非不明肅但恐學臣視爲故套士子積習難更

若不力行嚴禁何以杜漸防微請

敕該部再爲申嚴行該學道實心奉行約束士子不得妄立社名其投刺往來亦不許仍用社盟字樣違者治罪倘學臣奉行不力聽科道糾參一併處治則陋習除而朋黨之根立破

朝廷大公至正之意於此共見矣如果臣言不謬仰祈

睿鑒施行

順治十七年正月廿五日題二月十三日本

奏疏

罪

旨士習不端結社訂盟把持衙門闊說公事相煽成風深爲可惡着嚴行禁止以後再有這等的各該學臣卽行革職參奏如學臣隱徇事發一體治罪該部知道

禮科右給事中臣楊雍建謹

奏爲改給奉有

俞旨伏乞

敕部一體

題給新銜以廣

皇仁事臣一介外吏荷

皇上特恩拔置科員

高厚之德捐糜莫報覆餗之懼日夕恐惶乃復仰邀

恩典榮及所生查吏部題覆臣同官薛鼎臣疏內

奏疏

聖八

單恩改給一款先任外吏陞任京官品同照例改給

新銜奉有

俞旨欽遵在案臣先任廣東高要縣知縣今授給事

中俱係七品與會典例正相符伏乞

勅部照題定事例一體改給則臣之父母及身榮而

益榮者皆沾被我

皇上錫類之仁矣臣不勝惶悚待

命之至

順治十七年二月十八日具奏三月初三日奉

旨吏部察例具奏

奏疏

聖九

禮科右給事中臣楊雍建謹

題爲請剔假冒之姦未杜囑託之弊以肅

詔令以清法紀事臣伏讀十七年正月二十五日

詔款內有云私書囑託罪在不赦誠以公私之介卽

國事得失攸關人品邪正所係向來吏治混淆民

生貽危率由囑託成習徇私害公我

皇上洞悉前弊特申

明禁內外諸臣當無不屏却情面盡絕請託疏

自愛而畏犯法矣臣愚以爲囑託既有明條而

奏疏

幸

假冒尤宜痛究五方寥廓詐僞易滋積棍神奸

每多潛藏京邸肆行不法往往僞刻圖篆捏造

書兩出歷郡邑冒稱職官親知飾無稽之言綴

不根之語指名囑託哄誘聽聞此尤賢者不及

防而

王法難輕貸者揆其情弊約有二端或遷逐情濃

度此方之可適而招搖誑騙希遂貪饕之願或

謀爲機巧受他人之指使而憑空捏寫陰播陷

害之私鬼域伎倆種種巨測其計得售則利歸

已而害歸人偶被看破彼亦遠舉高飛膽然無

患若不嚴拏重治不幾以職官之聲名似恐棍

之影射哉往如假官假旗則有金震假稱欽取

則有錢見龍假稱藩差則有不國祥假稱巡方

則有鄢德禹俱經敗露奉

旨正法近更有詐冒欽差乘驛誑騙者似此膽大包

天目無三尺名器可假

簡命可假又何私書囑託之不可假也查十五年部

覆臺臣李之芳嚴察假冒棍徒一疏內稱官員

奏疏

幸

子弟有仗父兄之勢各處投謁官府說事納賄

者亦有姦棍謊稱官員親識招搖拜謁詐騙財

物者請

敕在內五城在外各該撫按行令各屬嚴緝訪拏從

重究治如地方官不能覺察一併究治奉有

嚴給欽遵在案年來

功令彌肅內外遞隔僞冒易乘臣聞有惡棍徐晉錫

原籍浙江金華府入粵一指稱宦戚周遊直隸

真順廣大等處冒謁官府投遞假書恣行騙索

已非一日地方各官無有摘其奸而置之法者
明係昏庸成習誰是摘發如神夫違禁囑託律
法昭然卽如略陽知縣馬如龍私書囑託業經
該撫糾舉獻縣舊令李廷橋求情欺壓臣同官
訪聞入

告可見來歷情真尚當叅處以儆官邪况乎假冒豈
容徇縱臣恐詐冒私囑如徐晉錫者正復不少
合請

勅部再行通飭內外各該地方官員留心體察着實
奏疏 辛三

嚴拏如遇前項棍徒踪跡詭秘假冒私書騙財
摧害者加等治罪無致兔脫倘徇情隱忍別經
發覺一併重處更

敕順天巡按通行所屬緝拏徐晉錫明正其罪以申
國法則懲一儆百而奸徒斂迹矣若夫杜請託之
根原防假冒之流弊先從部院卿貳及科道諸
臣始蓋部院卿貳位望崇高易於假託科道俱
有言責動招怨尤保無棍徒巧爲影借聳人聽
信或故爲指稱污其名節務期實心砥礪至公

無私除家信平安事屬無碍外若果事關囑託
自干罪戾倘有姦棍僞冒情弊所當訪實糾叅
以懲詐僞而戒徇縱者也臣從官方起見冒昧
實陳仰祈

睿鑒嚴飭施行

順治十七年三月廿四日題四月初四日奉

旨該部嚴察議奏

奏疏

辛三

禮科右給事中臣楊雍建謹

題爲直陳登

聞四事請

旨申嚴以肅官守以通民隱事登

聞鼓之設所由剖明冤抑伸理重情其關係甚鉅而
職任難忽向有定例遵行已久但恐久則玩
則無震是貴申嚴成法力破積弛然後綱紀可
肅治效畢宜臣謹就規條所最切者備列四事
爲

奏疏

手正

皇上陳之一曰定專差以杜推諉一曰慎會議以防
寬濫一曰懲替告以儆刁詐一曰刊榜示以飭
章程何以言之凡直鼓職掌每日輪科道官各
一員共司其事遇有擊鼓者將狀詞情節面同
推勘應否准收俾無冤滯誠重之也但逐日更
換忽爲故套參差不齊豈無畏避煩難任意推
卸以今日之事而姑諉諸明日者莫若專任厥
事有所責成合無比照光祿十庫等差請
旨特差科道各一員專司鼓狀令其每季一換季終

差竣通計三月之內有無封進狀詞造冊奏明
請官更替雖欲諉卸有所不能則職掌庶乎無
曠矣故曰定專差以杜推諉也凡直鼓科道收
到狀詞卽定日期會同本科道各員從公酌量
以定封駁然或識見不齊議論難一不應封而
封恐至濶竇

天聽應封不封又慮壅抑下情若使偏執已見徇私
背公抑或雷同附和漫無可否均非靖共之誼
夫伸冤理枉原無假借游移是必先觀其狀之

奏疏

手正

果否合例再詢其事之果否實情無執任私意
無隨人唯諾虛公定議協於至當則封駁庶乎
不苟矣故曰慎會議以防寬濫也凡官民人等
果有冤抑事情當親身赴訴或本人見在羈繫
勢須抱告亦必親丁正身乃爲無弊近有一種
惡棍包攬詞狀任代代人抹頸替人擊鼓當其
抱狀來訴詢以情節支吾莫應而且架捏虛詞
擊鼓遞呈有今日遞出不收而明日更換一人
者總之妄冀封進借端肆害不行嚴究何知戒

懼嗣後抱告之人果係親丁務要確寫年貌以便稽查真偽如有棍徒代替情弊拏送該城御史嚴加刑訊枷號示衆則包攬庶乎歛迹矣故曰懲替告以儆刁詐也凡民間詞訟理應自下而上向來

題定事例內外各衙門有真正貪贓虛害不公不法及地方重大緊急事情六部督撫按不行處治又不奏

聞方准具本連原狀封進若係瑣事虛詞混行擊鼓

奏疏

手示

准監鼓官徑責三十板至於官員被革被降欲辯者俱應赴通政司具奏該司審確封駁其奸民假託條陳希圖倖進尤可痛恨相應嚴禁奉旨立案邇來刁謊愈熾其未由督撫按三處告理或雖告理而未結徒以瑣事虛詞混行擊鼓者不少至如辯復前程假託條議亦嘗見之蓋鼓狀雖有定例而未經刊示或者未能通曉伏讀

上諭嚴禁奸民抹項具告

特命刑部行直省各地方官刊刻榜示一體欽遵登

聞重地何獨不然應查

題定事例刊立木榜張布鼓廳門首以見鼓狀規如此則合例而准封不如此則違例而責治如有逞刁妄告再三攪擾許直鼓官明開違例不應准情由押送該城御史確查來歷牒回原籍取該地方官收管印結則誣詐庶乎少息矣故曰刊榜示以飭章程也以上四款臣從官守民隱起見統祈

天語申嚴乃可永遵無弊惟

奏疏

奉七

皇上垂察焉

順治十七年四月廿五日題五月初二日奉

旨該部議奏

禮科右給事中臣楊雍建謹

題爲早荒萬分堪軫亟陳救災實着以沛

皇仁以回邦本事竊惟國以民爲本民以食爲天歲逢饑饉人不聊生在念切民艱者鮮不動念而况乎死喪相望流亡載塗田土爲之拋荒盜賊是以竊發變亂之釀成甚易生聚之後安其難此古之聖帝仁君往往遇災而懼思所以補救安全之爲謀甚悉也伏見今歲

京師亢旱雨澤愆期比日以來雖天氣連陰霖霖

奏疏

奉
聖
批

漸降而旋復開霽未親滂沱夏麥無收秋粟漸槁至於山東河南二省災傷疊報呼籲頻聞如彰德等府安陽等二十三州縣點雨未霑則見於撫臣賈漢復恭報旱災等事一疏濟南東三府一冬未有雨雪至今不雨如故兗東九屬昨年水災異常今歲復遭早暵自泰安寧陽以至沂州郯城費嶧等縣兗州濟寧嘉祥金鄉如緒如焚而城武爲尤甚自去歲八月至今滴雨未降其運河之干東汶諸縣先水今旱亦有同然

則見於察荒臺臣陳裴恭報山左等事一疏清屬去冬雨雪全無一春青澤不降今時入夏亢旱日甚二麥高者盡枯窪者一穗不過數粒麥秋既已無望禾苗又難佈種則見於河臣楊茂勲亢陽不雨等事一疏大抵河南一省半屬災傷而山東則到處亢旱獨是兗州以西接連江南淮安邳徐桃源宿遷一帶去歲既經水滂之灾目今復受旱魃之虐其困苦尤深以臣所聞道達滿野十室九空運河臨水一帶饑民流離

奏疏

奉
聖
批

奔走動輒數千萬人本土不能賑卹撫安他郡不敢懷來安插鳩形鵠面保抱扶携號泣震天悲慘賊目夫荒連京省數千里之地災不爲不遠矣雨澤之不降近者自三春至今遠者自去冬去秋至今旱不爲不久矣二麥顆粒無收粟米又將枯槁凶不爲不甚矣饑民流徙死亡沿途遍野動計數千萬慘不爲不深矣而內外大小臣工泄洩視之無地方之責者置之不問有地方之責者但能備陳其狀而無所爲修救之

方轉盼秋冬倘凶荒不改臣恐兗西一帶盡受
水旱之災者弱填溝壑壯爲盜賊必且斷絕人
烟而彰德等府濟南各屬安保其民之安堵寧
居不至如今日之兗西郡縣也臣嘗讀小雅雲
漢之詩咨嗟痛切反覆憂危有曰鞠哉庶正疚
哉冢宰甚至膳夫趣馬莫不勤憫以念民艱蓋
遇災而懼思所以回天心而救民命固人臣之
責也今我

皇上敬

奏疏

本

天勤民

德意誠切始和

頒罪已之詔

深宮厯宵旰之憂而大小諸臣不能奉承

清衷寅畏

天變今半載以來驕陽乾暵呼號而

天不應祈禱而雨不流必實有所以感動

天心矜全民命而後可以維挽凶荒補救萬一臣請

皇上申飭內外大小臣工滌慮洗心實行脩省人懷

不職之懼共圖弭變之方不得仍前偷惰晏安
恬然若處豐穰無事之日至於動

天以實心救民以實政非有奇策但貴力行臣謹釐爲
八款另疏具

題請乞

勅下該部酌議速覆庶災變可回而小民有再生之
望矣伏惟

皇上睿鑒施行

順治十七年五月二十日題廿五日奉

奏疏

奉

旨該部知道

禮科右給事中臣楊雍建謹

題爲請廣直言事從古帝王遇災而警莫先於求
言蓋災異之來也必有所以召致之由其擇樂
之法也必有所以修救之道臣聞湯有七年之
旱禱於桑林以六事自責豈以聖敬日躋之主
當九圍底定之初而有是數失哉夫亦惟是兢
業小心不自滿假而爲此鯁也過慮也况盛王
之御宇也所可自信者夙夜求寧之心而所不
能必得者匡扶盡職之佐是以旁求直言務廣

奏疏

李一

聞見漢文帝因日食之變詔求極言敢諫之士
唐太宗貞觀十一年秋七月穀洛溢詔百官極
陳得失十三年五月早詔五品以上言事此皆
古之英君明辟也招來而勸勉之位無崇卑皆
得自抒其所見其言當則用其言而顯其身其
言卽或迂疎慤直亦赦其愚而不之罪此所以
收明目達聰之用而事無壅蔽也今

皇上欽

天子民乾七夕惕萬無闕失之政而又獎借言路從諫

猶如轉圜廷臣有一得之愚皆得抗疏上陳而
無所諱避顧以四海之廣萬民之衆一夫之不
得其所亦能鼓其怨黷之氣而上干

盛治之和平寧可謂京省數千萬郡縣之中窮簷蔀
屋無有咨嗟困苦而不能上達者乎今條利病
劾奸貪臺諫之官固當有聞必告尤恐耳目有
限心思不周其職可以無所不言而實於兵刑
錢穀吏治民巖未嘗有專司之責以不周之心
思用有限之耳目而謀其所未嘗專司之事其

奏疏

李二

所未盡敷陳者亦不少矣際此旱魃爲虐茲省
同憂臣請

皇上特沛

綸音命內外大小臣工各就分職分土之所司凡有
利病悉心條奏或政令有未宜刑獄有未當貪
暴有未除猾吏有未革以及軍興饋運借芻輓
以肆征求供億差徭困里甲而輸額外驛遞之
繹騷或基本折之辦解或艱或因工役而擾農
民或縱追呼而害耕植所爲革弊釐奸之法內

自六部九卿外至督撫司道皆得據事直言而
科道亦從而補陳其未備將見昌言之氣振民
情之隱伸則上下交通休和翔洽而謂不能消
陰陽之沴霈霖雨之膏者未之有也伏候

睿鑒施行

順治十七年五月二十日題廿五日奉

旨該部議奏

奏疏

李三

禮科右給事中臣楊雍建謹

題爲請弭盜賊事年荒穀貴饑民群聚其强有力
者往往多爲盜賊賈誼所謂饑寒易於肌膚欲
其毋爲奸邪不可得也從古荒年多寬盜賊之
禁若宋仁宗時饑民劫困害者薄其罪神宗熙
寧中詔河北災傷州軍劫盜罪死者並減死刺
配廣南然司馬光又有議曰臣竊聞降勅下京
東京西災傷州軍如人戶委是家貧偷盜斛斗
因而盜財者與減等斷放若果如此深爲不便

奏疏

李四

周禮荒政十二率皆推寬大之思以利於民獨
於盜賊愈更嚴急蓋饑饉之歲盜賊必多殘害
良民不可不除也嘗見州縣官吏有不知治體
者或遇凶年有劫盜斛斗者小加寬縱則盜賊
公行吏相劫奪鄉村大擾不免廣有收捕重加
刑罰或死或流然後稍定是始於寬仁而終於
酷暴意在活人而殺人更多也夫盜賊之源不
可不杜况饑窘則情迫群聚則勢張始則搶奪
米糧漸且肆行劫掠日久嘯聚依附者必多亂

皆由此而起然荒年之盜出於饑寒所迫與平時安心橫掠者不同撫輯消弭務須仁威並濟如果

特沛鴻恩與以賑濟是饑民已有得生之路始可禁其劫掠而加以故犯之刑臣請

敕下該撫按責成州縣有司察地方先有十百成群竊聚搶掠者差役給以曉諭告示備述

朝廷德誼深仁諭令即日解散赴官安插復為良民結不散劫奪為非者申報本道差兵

奏疏

李五

造孽者既有曉諭之明文而仍前不改是真盜

也一經勸戒免使日久勢成至於城邑鄉村有

二一十人沿門打詐需索糧食及道上

一經見者立時拿究責治枷示懲

一經見者得食差易并一則貧

富相安隱然一燭聚不能

覺察撫輯消弭者以與一

題參議處庶盜賊不作而安堵無憂勇於盜黨

未成之時不致貽患於凶年召亂之變矣伏候

睿鑒施行

順治十七年五月二十二日題廿五日奉

旨該部議奏

奏疏

李六

禮科右給事中臣楊雍建諱

題爲請蠲租稅事

國家仁愛斯民凡遇災荒地方撫按得以據實奏聞量免租稅惠至渥也今河南撫臣賈漢復既以旱災入

告其輕重分數委臣察勘後另疏上

聞已稟

皇上之矜恤之矣而山東全省及江南邳徐等處亦有同情臣伏念今日當軍興未息需餉萬分緊

奏疏

李七

急之時又荷

皇上大沛仁恩將十六年以前逋賦拖欠在民者盡行蠲免止此本年之額餉用齊戶奇之急需則在今日而議蠲租誠爲不易然又思條糧之徵由田畝而出田畝之熟待人戶而耕苟田畝無收則小民口食之不足其又何能措處以完官以空乏之赤身隨催科之嚴限至於萬難支應則勢不得不盡室逃亡苟盡室逃亡則拋荒地土日後開墾爲難是因一歲之糧而反誤數年

之餉也惟

恩允蠲徵令有司明示曉諭則小民得免催科之擾土著者皆戀土而安居卽流亡者亦思歸而復業矣漢之文景平時常免田租之半及乎水旱蠲貸尤多唐太宗貞觀元年以山東旱免今年租明太祖弘武元年令水旱去處踏勘實災稅糧卽與蠲免此皆古帝王恤民之美政也至如明孝宗弘治元年議准蠲免事例全災者免七分九分者免六分以次遞降法亦稍嚴矣但其

奏疏

李八

時仍百年平治之後卽有荒土民未流亡是以免之分數不敵荒之分數今日之民若田畝十分全荒則戶口逃亡不復此不可不備爲籌畫也但所慮者奸胥猾吏借以營私賄賂既入則以熟作荒需索不遂則以荒作熟朝廷有恤災之政而民間不蒙蠲免之仁臣請敕下該撫按從實踏勘分別奏聞如邳徐兗府疊災以後全荒者應盡與蠲免其山東三府及河南彰德等府初經旱災者勘實

分數奏

請定奪如有胥吏朦朧妄報者察出從重議罪又從來蠲免租稅必俟撫按具

題奉

旨下部議覆然後允行文移往返動經歲月有司恐

蠲免之未必果行畏以逋根而致叅罰未奉

明綸之前早已迅速催徵及至豁免而民間已鬻女

賣男輸納殆畢矣更今

皇上特念非常旱災不俟該撫按開報分數先

奉疏

李九

頒特諭令災傷郡縣曉然知蠲免之必行有司亦且

停徵以待

題定分數如此則小民得沾實惠而井畝可以復

安甦一歲之困所以利民而養百年之安亦以

利

國矣伏候

肅鑒施行

順治十七年五月二十日 乙丑廿五日奉

寺戶部知道

禮科右給事中臣楊雍建謹

題爲請訓平糶事歲既凶荒穀價踊貴小民之資財業已耗竭而又苦甚貴之穀一斗之價常敵平時數斗有束手無措終爲餓殍而已每見地方奸猾之徒囤積米麥希圖射利博數倍之息以苦平民當此艱難饑饉之時若穀價稍平得省分毫銀錢即可濟分毫之需糶升合糧食即可需升合之飽是平糶不可不亟講也宋文帝元嘉中三吳水潦穀貴人饑彭城王義康議以

奉疏

七十一

富商蓄米日成其價宜令積蓄之家聽留一年儲餘皆勒使糶貨并爲制平價明嘉靖中陝西饑荒兵部尚書唐龍請各州縣官善言戒諭富室將所積粟麥先扣本家食用數足其有餘者照依時價糶與饑民若每石肯減價一錢尤見尚義減價至百石以上者官加獎賞若有擅富要利坐視民饑不與平糶者里老舉呈饑民告發官發銀兩儘數糶運上倉仍問重罪蓋減價出於好義之心而囤積實有要利之罪但使有

積必糶則穀值自平臣請

敕下該撫按備令各屬州縣出示曉諭訓民平糶然
初旱之士富家之蓄積尚多疊荒之餘閭里之
蓋藏必盡若驟平穀價則外商利薄農足不前
或反致騰貴者有之故宋趙卞之在會稽不減
穀價而商賈輻輳請

令撫按諸臣悉心籌畫如民間有積粟者先行儘令
發賣量地方積聚之多寡定米價貴賤之等差
招來客商務期接濟仍設法通那如有無碍官

奏疏

主

銀可以借支及令大小各官士著富室量行捐
助專差廉幹員役資赴出米地方買運入境平
價糶與饑民官銀仍與抵補捐助者卽行賑濟
如此庶穀價稍平而饑民有更生之慶矣伏候
睿鑒施行

順治十七年五月二十日題廿五日奉

旨戶部議奏

禮科右給事中臣楊雍建謹

題爲請溥

恩施事饑民流離載道雖有救卹之

深仁不能保生全之威遂疾病之死亡者必多嬰兒

之遺棄者必衆夫小民饑餓而死而屍骸暴露

冤慘之氣足以傷和民食既艱父子兄弟不能

相保切稱孩童委棄中路苦無人收養則盡填

溝壑傷

天地生之之心亦足致陰陽乖沴之應周文王葬無王

奏疏

主

之骨而天下歸心掩骼埋胔月令所載爲每歲
常行之政富弼之知青州也流民死者爲大塚
塋之謂之叢塚則道殣不可不瘞也禹鑄莊山
之金爲幣以贖民之無餽鬻子者唐太宗賑卹
山東鬻子者出金寶贖還之夫鬻者尚生全無
恙也猶且從而贖之况遺棄道途有必死之患
者乎明嘉靖中兵部尚書唐龍條議一款凶荒
之年多有遺棄子女州縣官務須設法收養俟
歲熟訪而還之若民間能收養四五口者量行

獎賞多至二十口以上者給以冠帶榮身則遺棄不可不收也但此二事行之在官則事必舉廣之在民則澤始周宋仁宗英宗一遇災變老幼不能自存者官爲收養之饑疫若厭溺死者官爲瘞埋之今安貴成郡縣有司專差吏役巡視城野鄉村遇有屍骸擇隙地爲義塚令地方里甲擡往埋藏嬰孩遺棄者無論大小收領到官擇空隙官房專委老成衙役看守撫養仍出示曉諭百姓一年以內有來識認者查取委棄

奉疏

主

處所相符聽憑領去如一年以外無人識認者生命既爲

朝廷所全不妨解赴京師給與功臣使用此行之自官者也明嘉靖八年題准災傷地方軍民人等有能收養小兒者每名日給米一升埋屍一軀者給銀四分今定勸諭地方富室僱人擡送遺骸至義塚埋葬官給一票若干軀口逐日填註其能收養小兒者里甲具申州縣有司埋葬至二十軀以上受養至五口以上者給匾旌獎埋

葬至百軀以上收養至二十口以上者驗實具

申撫按彙名

題請量給職銜頂帶榮身此廣之在民者也如此則暴露得載勿孤得養於以召和氣致豐年不淺矣伏候

廉鑒施行

順治十七年五月二十日題廿五日奉

旨該部議奏

禮科右給事中臣楊雍建謹

題爲請議賑濟事竊惟民生於

天養於

君故承

天而子民者卽有愛養元之責今不幸有京省數千里之旱荒此堯湯以來再見之災異也廷臣或請留漕糧用積穀以沛

皇上嘉惠百姓之仁而部議格而不聽然則此京省數十萬之民其忍終視其死亡而莫之軫恤乎

奏疏

主五

自古英君賢辟賑貸之政史不勝書若漢文帝發倉庾以賑貧民魏孝文詔郡縣爲粥以食饑者唐太宗貞觀二年遣使賑卹山東宋太祖建隆三年遣使賑貸揚泗太宗淳化二年以官倉粟貸永興鳳翔等州人五斗五年出粟以貸宋毫陳潁等州七五千石及萬石明太祖洪武二十五年令山東災傷去處每戶給鈔五錠二十六年令天下有司凡遇歲饑先發倉廩賑貸然後奏聞二十七年定災傷去處散糧則例大

去年小旱三平世宗嘉靖元年出太倉銀二十萬運赴陝西蝗旱地方給賑二年南北二京山東河南湖廣江西俱旱戶部孫交請發太倉銀二十萬折漕米九十萬從之此皆古帝王恤民之善政一時頌聖千載懷仁我

皇上仁育生民之意軼累代而上之發銀發粟加惠遠近之仁無歲無有今獨至於災傷困苦之甚嗷嗷仰澤之時而不爲之軫恤諒我

皇上所不忍也臣聞宋太祖之賑揚泗也適戶部郎

奏疏

主六

中沈義倫使吳越還言揚泗饑民多死郡中軍儲尚餘萬斛倘以貸民至秋收新粟公私俱利有司阻之曰若來歲不稔孰任其咎義倫曰國家以廩粟濟民自當召和氣致豐年寧憂水旱耶此當斷自宸衷耳夫有司爲

朝廷守成憲者也漕米之解收倉根之存貯廣國儲積出納固其職掌自不敢輕議俵散臣以爲今日賑濟之舉亦惟

皇主斷自

宸衷而已誠念小民之死亡不可不救而此日之小

民非得

朝廷之賑則其勢必死必亡而必不可以或救則

雖非有數十萬百萬石之積猶將百計以謀贍之況今者承累歲豐盈之餘

天庾充實京外倉儲陳陳相因本有可以賑濟之米設臣請

皇上特沛

恩綸惠施百姓或酌留漕糧或查發倉廩察邳徐充

奏疏

主

西臺荒之地每縣給米若干石山東濟南等府

河南彰德等府初荒之地每縣量給米若干石

其流民轉徙道途者除令所至安插外本處有

司卽清查戶口按人給發務須實惠均沾而其

所以賑濟之法有當分別酌議者昔人有云極

貧之民便賑粥蓋其民或老弱孤獨伶仃無倚

流徙而無家可歸赤身而無釜可爨所當責令

郡縣有司設立粥廠每日一賑者也次貧之民

便賑米蓋其民雖空乏而猶有室家雖流亡而

猶携鑿釜夫妻父子係聚相依在本地者留之

可爲土著適遠方者止之亦成戶口所當責令

郡縣有司清查口數按口給米者也又曾鞏之

議救荒其大指以爲與其日給以米則小民待

領煩難必至廢業不若月給之爲長司馬光之

請於英宗者則曰若斗斛數少不能周徧且須

救土著農民各據版籍先從下等次第賑濟此

其間階地權宜在該撫按之相機籌畫與郡縣

有司之以實心行實政而已若以比年軍興未

奏疏

主

息糧餉在所急需不能竟委數十萬石於民間

而慮

天庾之積則臣又有通變之法在或權貸農民俟

豐收後補則此時可贍百姓之急而日後不慮

額餉之虧但當詳按田土冊籍計戶分給庶便

徵歛之稽查或發粟平糶官收價值則小民得

免穀貴之憂而

朝廷仍有金銀之用但當限以零星雜買毋過數千

以禁官家之牟利誠行此二法此外無地詘無

資財之民真實瀕於死亡者則量行賑給之其

所費於司農之積貯者已省其大半矣此議行

則數十萬之民幾死而復生此議不行則數十

萬之民日望

朝廷之生全之而終不免於死臣伏思

皇上如天好生之仁其必有

獨斷之德意而不俟臣下之敷陳者也伏候

睿鑒施行

順治十七年五月二十日具題廿六日奉

奏疏

七十九

戶部詳議具奏

禮科右給事中臣楊雍應謹

題爲請卹流亡事安土重遷民之常性至於穀貴

無食遠徙他方其情亦可矜矣自荒政不講積

貯無聞不得不出於移民移粟之計漢武帝四

年東被水災乃徙貧民於關以西及朔方以

南十餘萬口衣食皆仰給縣官唐闕中年荒

則計食東都古者移民之令乃朝廷理之給其

口食之需所至如歸而無失所之慮故雖流

道路而死亡則稀今年荒而官不問安居之不

奏疏

八十

得而奔走越鄉扶老携幼宿露衝風資糧無所

携疾痛無所養及所至之處又復迫驅出境而

不容其棲身故往往芟舍道傍啼號曠野冤剛

駢死溝中而後已此誰非

國家之赤子誰非爲

朝廷辦稅糧供徭役之良民何忍使之至於此極也

宋富弼知青州會河朔大水民流京東乃擇所

部募者三州勸民出粟得十五萬斛益以官

廩所在貯之各因村坊擇寺廟及公私空屋

爲廬舍十餘萬區散處民人以便薪水及將復其業又各以遠近受糧凡活五十餘萬人今山東淮徐一帶流民無慮數千萬其沿途賑濟俵散口糧應俟另議外但今各府州縣因恐有東人在內貽累地方以致隨處驅逐不容居住憐此等民扶其饑餓孱弱之軀跋涉艱難望見一城一邑以爲租可存身而又累遭驅逐投止無地是迫之以必死之路也臣請

敕部議購各行該撫按所屬地方遇有流民入境者

奏疏

全上

聽其就便居住仍做富弼青州安插之例擇有卷觀寺院及官民空房隙地可棲身者許以棲身可營舍者許其營舍卽人口既多或有東人混雜在內事發之日止究攜帶同行之人該地方星王免其連坐庶流民有寓止之地不至盡就死亡而他日年穀稍豐仍可回籍復業則凶荒虛所田土可無全荒戶口可無盡絕矣伏候

睿鑒施行

順治十七年五月二十日具題廿六日本

旨戶部議奏

奏疏

全上

禮科右給事中楊雍建議

題爲請理冤獄事臣聞水旱之災皆生於乖沴之

氣小民之怨咨上干

大變者爲多至於驕陽失暉二氣不和其端往亡始於

刑獄故東海之孝婦誅而枯旱三年楚王英之

獄不決而赤地千里此其明效也漢和帝永元

六年秋七月京師旱帝如洛陽寺錄囚未還官

而澍雨降宋太宗端拱二年自三月不雨至於

夏五月詔錄繫囚遣使分往諸路決獄是夕雨

奏疏

全五

蓋刑罰之用主嚴亡則應乎炎蒸酷烈矜恤之

意主寬亡則應乎膏澤霑濡天人感召之理不

可誣也竊見順治十四年四月不雨

皇上命清理獄囚隨

躬禱

郊壇

駕方出而甘雨先降此

至仁禱

天已試之亡威驗也況今時民風僞偽承明季之餘作奸

犯罪者衆斷絕四月以數十計自京師刑部獄

中以及外省按察司郡縣罔圖駢首繫累者不

可勝數如官吏犯贓徇情作弊等案罪在空誅

矣顧二案之中得無有証佐株連情罪本輕而

出囚不釋者乎人命強盜謀叛十惡之條法在

難宥矣顧天下之大保無有仇害妄扳誣告傾

陷而冤抑不伸者乎他若戶婚田產之小故鬪

毆忿爭之微嫌或者假捏重情累審不結有司

之貪縱者方借羈囚以爲需索之地而怠玩昏

奏疏

全四

庸之官又往亡因循沉滯曠日持久使無辜長

禁於狴犴而胥吏因得以上下其權此所以冤

憤呼號而致陰陽之乖沴也臣請

敕下刑部先將在京獄囚審理疏釋并行各省撫按

申飭按察司及各府推官問刑衙門將從來積

案嚴限審結雖情罪已真者不妨再三研鞠防

有寬濫之愆其有可疑者即與從輕發落如

係干連証佐本屬無辜及徒杖以下小罪應釋

放者立放寧家應斷決者立與決遣定限部文

到日爲始三月以內彙報某府某縣清理完獄

幾件斷遣釋放獄囚若干人咨覆刑部如遲滯

留難不行疏理者該巡按

題參議處將見刑獄清而怨詛息

皇仁布而甘澍流矣伏候

肅鑒施行

順治十七年五月二十日具題廿七日奉

旨該部議奏

奏疏

公芳

吏科左給事中臣楊雍建謹

題爲直陳疲邑六害請乞

天語嚴禁以甦民生困苦事臣惟民生關乎

國計養民之政興利除害而已是故法貴實行法

立而不行猶之無法弊常永革弊革而後生安

能祛弊卽以杭屬之海寧言之其爲民生害者

有六如漕糧官收官兌何嘗不飭行乎而額外

之私貼如故也舊制每米百石加耗九石八斗

其後改名官截每米百石納銀三十七兩六錢

奏疏

公芳

四分官收官給軍民不相見也近聞開徵截銀

永追差役每兩科銀八分經收書吏每兩科索

兌耗一錢票銀二分合計三十七兩六錢四分

并所出差費兌耗加二共銀四十五兩一錢零

且以海寧旗丁兌海寧漕米初謂本縣印官易

制本所旗丁耳豈知成群橫勒倍於別縣官截

之外每石又勒索私貼三四錢不等總計每石

竟費至八九錢矣糧長米未上倉先賣米完截

如十六年冬新米價賤每石九錢非賣五十石

不能完納此項截銀加以私貼橫勒臨兌虧欠

需子折該勢所必至此其害一南糧官收官解何嘗不奉文乎而浮費之苛求無厭也南米收解責成在官意主便民無如書役作奸百般苛索雜費無紀每年十月承追各差催米貯倉每石先勒使費三錢加贈解頭每石七升進販腳價有費經承記數有費又口有費解省之後動稱斛折每米十石折止八石糧長補完二石折止一石六斗屢折屢補方完十石之數大約每米十石贈至三石二斗加使費三兩五錢是每

奏疏

全七

米十石加費至六石外矣夫南糧自縣解省不過百里豈必多費且省斛與縣斛較同即斛面稍浮何至加三良由蠹役侵欺盜賣科勒糧長使費斛頭那後蓋前此其害二永米徵收何嘗無定期乎而預徵之賠累難堪也永米出諸十遞每丁三升三合同係隨漕並收兌後交軍令本年永米即於本年正月開徵糧長難從十遞取討必先賠納諸如進販記數斛頭等項無不有費承追差役每石需索便費三四錢不等竊

照十六年夏米每石二兩二錢加雜費五錢是二兩七錢矣糧長冬收十遞永米每石價止九錢故民間有正月追永米一粒是三粒之語朝廷優恤運丁每船既撥屯田一百五十一畝八分則永米一項留至冬間隨漕徵兌未爲軍病今十七年漕米尚埃冬兌而永米則於正月嚴追急若風火窮民承值糧長方始何堪捐債代應此其害三草穀官辦何嘗無明示乎而追呼之騷擾不休也草穀動支正項官買銷筭不應驚

奏疏

全八

擾糧里今十六年糧長於十五年十月及十六年正月二次坐派馬草每里一百九十三束合計寧邑三百六十一里凡六萬九千六百七十二束民費銀二千零九十兩二錢九分應給官價銀八百三十六兩零七分六釐並未給價即云扣筭條銀而小民急公分毫欠無從扣抵則二項民納馬草未有支銷至於十六年九月各里派草一百三十九束官給一兩六錢六分八釐每里則費至三兩八錢矣十六年十月各

里派草二百九十三束官給三兩五錢一分六釐每里則費至一十二兩矣十六年十月坐鳳各里馬穀八石九斗七升官給三兩五錢八分八釐每里則費至一十二兩矣又派各里白米七斗三升官給五錢八分四釐每里則費至一兩六錢矣又派各里緯夫三名每里又費僱夫銀一十二兩矣雖各官辦其費擾民雖有官價從增數倍糧長之門衆差絡繹廢家蕩產皮骨難存此其害四押單虎差何嘗不禁革乎而交

奏疏

全九

攢之橫行復恣也每當冬月忽插百克皆係積胥奸棍每人出銀三兩彙輸糧官充爲單差命之押兌在官名姓詭稱三十六人貼臬實有數百朋謀嚙噬雞犬皆抄順治八年曾經糧道申詳撫按批革前項虎差止令畧差押兌立石遵守乃積棍惡其害已極官嫌其不便行之未幾恣助踵弊而勒石無存矣夫單差害民串結惡旗婪弁每將各里虛實指授豺軍科派諸費居間罔勒四六烹分甚而零星配兌肆其奸惡兌

單飽饑全無顧忌此其害五蠲免積欠何嘗不布告乎而

赦後之重徵可駭也蠲租免稅屢沐

皇仁率十共被如順治十年十一年民欠錢糧蠲蒙恩赦不知何故復征如絹折銀一項每里約有八九兩不等白榜紙銀一項每里約有四五兩不等火票飛籤差催如織致使

朝宁雖有深仁閭里不沾實惠推究復征之弊恐不止此兩年亦不止此二項殘黎吞聲不敢控訴

奏疏

全十

此其害六是故查照良規使官收無私官兌有力則漕糧私貼之害革矣釐剔侵欺必印官親收糧官親解則南糧浮費之害革矣永米隨漕並徵俟冬兌一同行糧而交則預賠之害革矣草穀未給價者准給官價遵照官辦弗累民間則追呼之害革矣勒石倉門永著爲令無許改畧差爲單差則交攢之害革矣嚴查

赦後追比奉何明文作何著落則復徵之害革矣要之糧務弊害大約司道臺胥與司縣各役上下

作奸表裏朋儔請

勅該撫按嚴查盡役害民積弊盡法重懲以後務須

逐一清釐永除民患庶法行弊革而疲邑之困

苦可懸矣伏惟

睿鑒施行

順治十七年六月十六日具題廿四日奉

旨該部察議具奏

奏疏

李一

吏科左給事中臣楊雍建謹

題為臬司現奉回奏推升不安濫及謹據事駁參

伏乞

乾斷敕部釐正以定

國是以肅官常事臣聞予奪必慎者

朝廷取世之大權而升陟允宜者餘司官人之大法

若乃穢跡掛於彈章回奏尚無定案而循序推

遷濫膺高位臣於江西按察使樓希吳之推升

不能無議焉查希吳於本年五月內被糾其弊

奏疏

李二

賄多端業經奉

旨嚴察議奏及部覆解任蒙

皇上慎重吏治確察情偽着自行回奏此固核實至

意非謂其竟無可議仍令照常升轉也是回奏

一日未明則

欽案一日未結本官款蹟尚在黑白未分之際即本

官原職亦尚在予奪未定之間也乃臣閱九月

內吏部升補方面一疏內開山東布政員缺正

推于朋舉而希吳則儼然陪推矣近聞本月推

升之期則希吳又已正推河南布政使矣夫一
希吳也現當奉

旨回奏即仰體

皇上慎重之心不遽罷斥亦當暫停推升乃今一則

陪擬再則正擬揆諸事理準之輿情誠有未當

在銓司不過曰循資拔擢動因成例抑思臬司

回奏出自

新恩原非定例則今日之應否停升自當

題請候

奏疏

李三

旨遵行願乃照常升轉即希吳一人不足惜何以候

各器而微官邪也查吏部前疏有云希吳未報

到任不應陪推查按察使內俱未報有到任不

得不以希吳擬陪等語夫

朝廷設官必以到任受事為據豈可以甫升未任之

官遽推方伯此尤事例之急宜更正者若夫奉

旨回奏可否一例推升銓司何不一併題明仰體

睿裁耶摠之推升大典藩司重任為無過之希吳可

升為特奏之希吳則不可升為奉

旨回奏之希吳不可升為回奏未經免議之希吳則
尤不可升伏乞

皇上敕部確議釐正停其升轉仍候回奏之後奉

旨定奪則推升庶平克當而

國體不至混淆矣至於貪廉是非關係甚鉅為本

官者果盡能據實無欺上告

君父者乎果皆肯自供罪案其玷名節者乎究恐開

仇訐之端消是非之柄在地方大吏必有畏屬

官之反噬瞻徇顧慮而不敢發奸者所關吏治

奏疏

李四

非淺也嗣後各官有貪賍壞法者

皇上即令自行回奏合無仍請

敕該督撫按一面嚴查庶回奏者不敢欺

君罔

上而奉查者亦不致任意徇私矣臣從吏治起見仰

祈

乾斷敕部施行

順治十七年十月十七日具題日五自奉

旨這奏內情節著吏部明白回奏

吏科左給事中臣楊雍建謹

題為站銀當核實在不宐止論應付謹據冊指陳

仰祈

勅部確核行查以定完欠以清郵政事竊惟驛傳存

留一項各州縣俱有應完之數則歲終奏報自

當查明已完若干未完若干開除幾何實在

何始可定完欠而入考成此不易之法也臣見

廣撫董應魁協濟本可通融一場內開十五

通省州縣驛傳存留完欠分數督徵經徵各官

奏疏

本五

職名其未完內列有臣銜臣思錢糧絲毫皆關

國計若果核其實在完欠分明又何敢仰瀆

宸聰但細查該道冊報不核實在銀兩止憑應付數

目臆列完欠恐不足服經徵者之心也如目前

任內驛傳錢糧除節裁乞餉外該存留銀壹千

鑒三十八兩三錢七分四釐一毫據開臣十五

年該管七十九日該徵銀二百五十兩零八錢

六分一釐已完支銀五錢未完九分獨不思應

付口糧因乎過往往來勘合本無常期惟過往

無多則應付亦少未有一時差使倘稀而能支

結前項如數報完者則不宐止以應付之多寡

定考成也明矣查臣十五年正二月內共給過

差管高成貴等口糧十分計缺止該五錢此七

十九日之內幸而有此數分口糧耳倘絕無一

人往來不幾十分未完耶總之應付雖有多寡

存庫必有實數豈可不問實在彙作未完臣查

離任時其十五年分存庫銀尚有四十六兩七

錢三分一釐現有交盤印冊可據再如署印接

奏疏

本六

徵官李國祚任內六月十一日支銀四十九兩

四錢零給崇臺驛差船水手本年春季工食用

豈非臣所已徵存留之銀乎若以應付多寡而

言似非完欠之定論事關錢糧必須核實在而

後可定完欠伏乞

皇上勅部確核行查實在銀數若干務有歸着則完

欠定而郵政清矣仰祈

睿鑒勅部施行

順治十七年十一月初四日

旨該部核議具奏

奏疏

牛

吏科左給事中臣楊雍建謹

題為特恭惡棍夥黨嚇騙假官詐冒請

旨嚴拿究罪以肅法紀以清

禁地事臣惟科場立法最嚴蓋我

皇上慎重求賢至意非為惡棍結黨詐騙之門乘機

假冒之端也今各直省鄉試告竣

京師五方雜處流氓棍走險如鴛計必有借

功令以恐嚇冒官名而指詐者臣悉心體訪聞有武

進縣惡棍賈汝寶索詐順天舉人鄭麒光孫輝

奏疏

奏八

武捏稱禮部主事巢震林磨勘伊卷欲行指摘

麒光聽信竟被賈汝寶騙詐多金因復恐嚇主

考莊朝生云若不嚴緝亦有不便朝生急詢震

林謂並無此事莊然不知遂與汝寶三百對質

而震林指摘之言果虛汝寶之迹已露詎

惡棍自知敗露聞不畏法猶然變幻百出又串

夥黨無錫縣惡棍朱遠聲自揭希圖嚇詐聞

朱遠面向朝生云有武進人房造揭帖揭鄭麒

光的我聽見揭帖事行過意要糾奏我曾任廣

東寧慶府判為陽給事上司故此祇認曉得追
朝生追詰根由又復閃爍其詞云不是楊給事
知道是我聽見楊給事之弟說的等語臣聞駭
異不勝髮指臣先任粵東並未見有此人從何
上司識認今入垣二載力任交並不知朱遠
姓名有何相接麒光等有無情弊臣未見揭何
由而知且臣寓從無親戚子弟一人有何兄弟
在京總之鬼域欺謀日無三尺語言變幻詐騙
情真若不請

奏疏

七

旨急除則此輩自謂得計流毒無窮豈職官身名可
供其影射耶理應據實糾參伏乞

皇上勅部嚴拿訊究將賀汝寶朱遠等嚇詐假冒等
情直窮到底從重治罪則奸徒知儆而

輦轂肅清矣統祈

乾斷施行

順治十七年十一月初八日具題廿四日奉

旨惡棍賀汝寶等著嚴拿究擬具奏刑部知道

吏科左給事中蕭福雍建請

題為恭摺

上諭所禁直言據揭之非仰祈

睿鑒以肅治體事伏讀禁嚴光棍之

上諭有云或能端緒隱微告縣証或假隱匿名

布告可見揭帖者光棍之伎倆而

功令所首嚴也臣見臺原胡來相對後言

明開揭帖一疏內詳言官糾劾照

例務須明開係某處某人揭報等語

奏疏

是

覆准似乎揭帖固不可廢矣臣愚以為布揭斷

宜嚴禁而據揭未為定論蓋言官與督撫按

異督撫按之舉動可以為國而官之糾參不

可以據揭也查臣等所歷地方所據以舉劾者

由司道官之糾參是官揭也若在京外道從

無據揭而參之例今日明開某處某揭報其

人非謀詐即該仇大約光棍居多耳

官而據光棍之揭耶吏治之壞由官邪也或共

入果不肖乃以無人具揭而不敢其非未免

沮言者之氣否則彼其一用焉據之而指參此
具一捐焉據之而彈劾草野刁頑非而清是非
之柄豈所以辨上下定民志哉夫借端誣陷捏
造事款稟奉

諭禁炳若日星臣等竊思其端一而而誣陷之

風捏造之術自出各具揭
與臣名不局愛既欲乘機而肆
害不難合已之計不遂勢必出名
具揭公行後治罪亦已晚矣近

奏疏

上

如李時之奏志在議韓志道矣楊爾昌
青衿也而竟能矣節經該城題奏奉

旨寃擬則揭帖不足

上諭宜恪遵也明其言官糾劾之虛實自有

皇上洞鑒既嚴布揭之禁請更提揭之治體所關

良非淺渺伏惟

睿鑒施行

順治十八年三月十七日具題二十一日奉

旨該部議奏

吏部題為恭摺

上諭所禁直言據揭之非仰祈

睿鑒以肅治體事考功司案呈吏科左給事中楊雍

建題前事奉

旨該部議奏欽此該臣等竊得科臣楊雍建題為直

言據揭之非一疏內稱督撫按糾參所據者司

道府廳揭報在京科道從無據揭糾參之例又

稱揭報之人非謀詐卽挾讐請更據揭之議等

語查臣部叢臺臣胡來相為言官糾劾當明開

奏疏

查

揭據一疏內稱科道糾參或係身經日擊者或
係他人具揭者卽一一註明虛卽反坐已經奉

旨依議在案原疏止期言官建言須有的據非令務

必有揭糾參也無容再議奉

旨楊雍建原奏甚明依其所言不許據揭糾參則光

棍不敢挾私逞刁平人不致無辜受陷着昭楊雍建

所請通行禁飭

吏科左給事中臣楊雍建謹

題爲

與京發祥重地流入稽察宜嚴請設巡視之差以

崇法紀事我

皇上以

京師首善之地理宜肅清是故嚴棍惡之令申禁

戢之典責令該管章京五城御史譏察擒拿誠

重之也惟是

與京發祥之地流入充斥不能無過慮焉蓋流

奏疏

重

徒之人大抵官吏犯罪安置茲土抑或因事干

連遠徙其鄉萃五方黠智之徒而雜處其中恐

不能無強凌弱衆暴寡之患查十七年十月內

憲臣朱之弼具有奸棍怙惡不悛流入受害無

已一疏內稱奸棍李乾德詐害流人大張聲勢

業經奉

旨嚴提擬罪可見此中匪類正復不少如李乾德其

較著也夫

盛京爲

本朝之重地流入皆

皇上之赤子豈可聽其擾害而不爲之計乎伏見戶

部申請衙門一疏奉

旨流徙人犯甚多一人難以管理應於幾處安插編

爲幾牛衆設佐領管轄俱著另議具奏欽此仰

見

皇上留心遠方加意安插臣愚以爲在

京緝拿光棍既有該管章京復責之該城御史蓋

覺察欲其周詳也發祥之區與

奏疏

重

畿輔等今流入既已衆多除應編牛衆設佐領管

轄外合無請

旨特差御史一員巡察其地比照五城事例六月爲

滿於以安撫善良釐剔奸暴訪有怙惡不悛之

徒

題參治罪庶法紀克振淳樸成風其善者知所勸

而樂於守法不肖者亦知所警而不敢爲惡矣

至於墾上之令戶口之數舉劾之權試士之典

向以責之奉天府尹然而地廣則恐經理之未

通人衆又虞彈壓之未周有御史以巡歷馬問
田野之開闢者幾何處詢丁口之安集者幾何
族舉劾無事乎虛名學政不妨於兼攝與利除
弊之界相其緩急而次第布之又不止流人之
受治已也或以地方賦入不敷設官爲難不分
御史約已率屬原無取乎騁從之煩與鋪設之
擾豈因多所靡費而難於差遣也哉如果臣言
不謬伏乞

奏
睿鑒勅部議覆施行爲此具本謹題請

旨
五

順治十八年三月十七日具題二十一日奉

旨該部院議奏

刑科都給事中楊雍建請

題爲刑官俱漕實山撫臣徇庇謹據事直糾仰祈
乾斷並賜處分以肅官評以飭吏治事臣辦事垣中
見總漕臣巴格藥士英具有直糾玩誤刑官以
肅漕紀事一疏內稱蘄州府推官高宗樞將所
轄監兌船糧延緩未竣及行查名又不恪遵
開報如此自應厭職誠漕法之所難貴特疏

題參奉

旨高宗樞着議處具奏該部知道欽此臣謹按宗樞
奏疏

真

本一庸愚末品闕茸無能其玩誤罪狀不待今
日而始見也當其蒞任之初已共見共聞矣查
宗樞新選後領憑赴任以蕪郡繁劇心懷疑畏
行至楊州忽然瘋顛將自帶小刀抹喉流血又
有手書五張每紙不過模糊數字該按因有刑
官赴任病迷傷喉之疏奉

旨察議當部文咨查之時正情狀難掩之日以公論
而言則病狂抹項之人難容一日復居民上也
明矣及查該撫朱國治覆疏有云宗樞本一謹

愆之才一時迷惑至於抹頂又云新剛初試後

按可策等語遂以仍令供職觀其後效爲請而

藉郡之中遂儼然有傷喉之司李矣夫鑒別賢

否整飭官方撫臣之事也迷惑之新剛無庸再

試抹頂之後效有何可觀向使遵

古行查據實具覆謂瘋顛之人才識短淺志氣沮喪

斷難受事急

請罷黜宗楫另簡賢能則劇郡自然得人何至有玩

誤清務之愆乎惟其有供職之請遂致有誤漕

奏疏

重

之罪是撫臣知愛宗楫而不知肅漕紀也糧儲

者軍

國急需鑒先者推官重務蘓松等府漕船原限冬

月開幫正月過淮今乃漠不經心至於四月而

延緩未竣所稱謹愆者固如是耶撫臣曰一時

迷惑而迷惑之景似不止一時矣撫臣曰後效

可策而後效所就已具見大槩矣貌

天庾而誤軍糈宗楫玩泄之罪誠無所遁要皆撫臣

徇庇依違仍請供職之所致耳若不據事指參

並

請處分以爲撫臣養癰貽害者之戒臣恐將來官評

混淆吏治大壞其流有不可勝言者矣故不避

嫌怨冒昧血糾伏乞

乾斷施行爲此具本謹題請

旨

順治十八年六月二十二日具題二十五日奉

旨該部察議具奏

奏疏

重

文一、刑官誤漕實由撫臣徇庇等事考功
案呈刑科都給事中楊雍建題前事奉

該部察議具奏欽此該臣等議得查總漕臣蔡士
英糾叅玩誤錢糧一疏內非止推官高宗楫一
人共有方面有司三十餘員但科臣疏稱高宗
楫本一閹茸無能要皆巡撫朱國治徇庇之所
致等因題叅前來相應請

勅督臣郎廷佐鳳陽撫臣林起龍將推官高宗楫委
係閹茸無能併巡撫朱國治徇庇情節確查具

奏

章

奏之日再議可也奉

旨楊雍建疏稱高宗楫閹茸無能朱國治徇庇原係
該部朱國治止議行察殊為不合着朱國治自行明

回奏

吏部題為遵

旨明白回奏事考功司案呈江寧巡撫朱國治奏前
事奉

旨這回奏情節着一併察議具奏吏部知道欽此該
臣等查議得據該 朱國治回稱臣與宗枬彼

時俱是新任因

欽案堆積一時料理工人宗枬以病迷傷喉既而
愈望其勉結

欽件從臣職事急切起見有何私於初任之宗枬
宗枬誤漕臣於本年四月間已具疏題叅並經
部覆將宗枬罰俸一年在案臣既叅宗枬又何
謂之徇庇等語案查高宗楫先經巡撫朱國治
疏叅漕糧冬兌冬開立有定限糧道李來 惟
官高宗楫等將蘇松所屬州縣漕米於正月二

奏

章

月始兌過開幫難辭怠緩之咎臣部議覆
俸一年朱國治雖先會稱高宗楫病後效
題

請留任而後高宗楫遲悞漕糧已經題叅議處去國
治無有徇庇高宗楫之處朱國治無可查議其
高宗楫已經別案違誤軍需革職無庸再議奉
旨楊雍建原疏稱高宗楫閹茸無能朱國治徇庇依
違稱其後效可期等語朱國治不將楊雍建原叅之
語回奏含糊支飾大不合理爾部不察其含糊支飾

遠云無庸再計亦殊不合理着嚴飭仍着朱國治再行明白回奏

奏覽

聖

刑科都給事中臣楊雍建謹

題爲敬陳會推末議以疏壅滯中臣惟天下之事
得難久行者貴乎詳酌而通其變况乎用人爲
治平要務尤不可拘泥成例而設有偏滯之患
者也近日會推所當酌議者如吏禮兩部侍郎
之陞轉是矣舊例吏部侍郎一員禮部侍郎二
員皆用內院學士陞補上年

先帝諭旨吏部左右侍郎悉用詞臣夫詞臣爲吏禮
侍郎例不轉別部尚書止候禮部正卿缺出始

奏疏

行

得推用是固所以優異詞臣而不寄以刑名錢
穀之任也臣愚以爲詞臣地望清華雖不宜累
以刑名錢穀然既已辦理部務業與他部侍郎
同其責任豈可不與他部侍郎同其勸懲今以
吏禮侍郎四員而止候禮部尚書之一缺人多
缺少遷轉無期以之優遊歲月則可矣何以明
黜陟而踴積滯乎不持此也五部尚書缺出會
推俸深侍郎陞補儘有吏禮兩部資俸在前欲
徑行推用則有違詞臣不轉別部之舊例緣此

屢置不推反將別部俸淺之員先行陞補是揆諸銓政循資之序亦未有合也請

勅下內院吏部會同確議以後吏禮兩部侍郎遇各部尚書缺出無拘舊例准與別部侍郎一體陞補庶無壅滯之嘆矣若夫會推之法開列正陪貴乎公慎按序而陞則應論資俸量能以授則兼採才望不當以衙門之大小定正陪之次序也如止以衙門而論其中先後遲速未免偏滯不均今欲用當其材使人無倖進則正陪應有

奏疏

臺

定論未可舍資俸才品而別開假借之端也如果臣言不謬伏惟

皇上睿鑒施行

順治十八年閏七月二十日具題二十三日奉

旨吏部議奏

刑科都給事中臣楊雍建謹

題為叩

閣原以申寬橫行殊非法紀謹據實指參請旨嚴懲以肅

國典事臣惟治世之大經大法在乎辨上下以定

民志是故惟名與器不可以假人從未有叩

閣之小民而擅用金字牌面橫逞無忌者如浙省棍

徒王式王春則大可駭異焉案查王式為許告

沈文然一事候審未結伊子王素相繼叩

奏疏

臺

聞其所告事情有無虛實現聽該督撫察審臣不敢

置喙外獨是王式王春自以父子叩

聞目無三尺居然乘坐肩輿擺列硃紅金字牌二扇

大書奉

旨質對等語躬翔省會挾制官府一郡詫為奇事竊

思

朝廷設官分職令其陳設執事以壯觀瞻在外現任

督撫等衙門有列屏前導者蓋亦體統所宜而

名器攸重斷斷不可假借者也式等兩人而敢

由之即向者王春通送該省奉有沿途防護之
旨不遇留以質審未嘗許其用金字牌也今乃任意
橫行設牌遮道府縣欽手而不問督撫明知而
不言省會何地而聽其恣肆至此一時庶民見
之遠近傳之以爲叩

閣之人其聲勢尊大有如是者尤而效焉將使刁惡
成風奸徒接踵是

朝廷申寬理枉之法竟爲惡棍利已嚇人之具藐法
玩紀莫此爲甚應

奏疏

重臺

勅該督撫嚴究治罪使其知所懲戒并請

旨通飭各省凡叩

問之人俱當遵法候審無得借端猖狂庶法紀肅而

刁邪少息矣臣非不知此言一出必招棍徒嫉

怨然從風俗人心起見未敢知之而緘默也伏

惟

乾斷施行

康熙三年九月初六日具題本月十五日奉

旨該部嚴察議奏

刑科都給事中臣楊雍建謹

題爲請停丈量以甦民困以裕

國本事臣辦事垣中見江南督臣郎廷佐特參食

婪縣官一疏內稱高淳縣知縣葉自燦丈量圖

縣田地朦朧蠹胥陳元吉票催四十一里耆假

稱使費名色每里科飲銀一二兩不等約計六

十餘兩名雖貯庫使用實圖官蠹朋侵怨聲載

道被害里耆夏克彬等可審又安徽撫臣張朝

珍縣令縱蠹婪贓二疏內稱貴池縣知縣王還

奏疏

重臺

冲下鄉抽丈蠹役施天祐等指稱造冊使費名

色每保勒銀一二兩三十九保共騙銀四百

餘兩約正章九朋等証俱奉有該督撫親審確

議之

臣思各省官吏借丈量以肆貪婪者恐不止葉自

燦王還冲二人也夫丈量一事將以清查隱弊

然奉行不善履畝均查則弊未除而害已滋開

貪吏誅求之門長蠹胥科派之術無益於

國計徒擾乎民生所當亟議停止者也何以言之

丈量必用圖長圩長好胥易以妄報愚民畏懼
求脫朝夕薄俸報條除紛紛板累此念報之
害也有司躬親履畝隨從多人加以弓手索手
算手書手等費工價之外舟車火食供億煩多
圖長派及各戶此供給之害也應用厰舍繕繕
界牌木植爲費不一卽如增造圖冊逐號繕寫
自縣府至道自藩司督撫至部紙張筆墨工費
浩繁毫無官價悉出民資又如提冊繳冊駁冊
經承需索無有虛日此造冊之害也業主居或

奏疏

章一

寫遠暴擾奔赴既苦艱難况乎上司差承府縣
快役借名催弓催役徵丈催冊絡繹不絕彼差
甫去此差復來多方勒索不啻不已此差役之
害也印烙書弓恐不可考吏胥意爲增減分寸
之悞毫釐之差便爲詳局此弓式之害也事繁
未竣立限比較該管衙門圖長必催數人分應
日川工食既有常例一經朴責費愈不貲此比
較之害也丈完一圩勢必更員覆丈并與從役
再費經營其或地形曲直難齊尺宇參差盤錯

山勢崎斜水蕩災圖引繩就墨積算爲難雖所
丈絕無弊端而執弓者未充所欲上下其手挪
移之間杖責立至前功盡棄後費更滋此覆丈
之害也更有舞久之徒藉鑽營以充算冊法
之吏黠良善而庇奸豪種種弊實不可究詰縱
使良有司實心任事未免驚擾村落况有不肖
州縣剝民潤索利已溢功遂或捏報溢額致令
小民包賠則其流害益不可問如臨鞏二府知
縣許上通等捏報開墾荒地現奉

奏

章一

嚴給議處非其明驗乎臣聞西北之地有熟有荒東
南之土熟多荒少與故明萬曆年間賦役全書
所載頃畝數目原自符同糧額未嘗減也版籍
未嘗更也按圖以考雖豪右不能匿矣夫興利
莫如除害而裕賦先在安民請乞
一責成該督撫止隱漏之令許其自首陞科不
必通行履畝徒增勞擾如拋荒原有定數勘其
荒者不必核其熟者額徵自有底冊察其缺額
者不必查其如額者有弊可祛而於民不擾又

何必經年累月令督撫司道府廳州縣之心思
聚數千萬圖長圩長弓手索手書尋手之人
奔走郊原騷然煩費竭生靈有盡之膏血以
貪官污吏無厭之勒索也哉近者海氛已靖
賊方平正宜與民休息無事丈量滋害免各省
之擾累所以恤民而培萬世之根本卽以裕

國矣冒昧直陳字多逾格伏祈

睿鑒施行

康熙三年九月二十八日具題本年十月初三

奏疏

日奉

旨丈量田地如有情弊照定例治罪楊雍建所奏欲
停止丈量田地不合不准行該部知道

刑科都給事中 臣楊雍建謹

題爲敬因星象之異恭陳修省之實仰祈

睿鑒以格

具 奏 以圖治安事伏見本年十月初間彗星現於箕軫
分野迄今未消日漸西行直抵婁宿現經五十
餘日歷有一十三宿誠非恒見竊念從來

上天仁愛人君垂象示警儆其恐懼修省力行德政加
惠生民故商湯之時大旱七年湯禱於桑林以
六事自責而甘雨隨降周宣王時旱既太甚宣

奏疏

三事

王遇災而懼側身修德故終爲一代令主漢文
帝二年日食文帝詔求直言命群臣悉思朕之
過失啓告無隱故能恭儉化民海內富庶號稱
至治是以有道之世雖有異不爲災非不爲災
也遇災異而勤修省則可以化災而致福也卽
以彗星考之宋真宗咸平元年正月見於營室
明憲宗成化四年九月彗星見掃三十七年十
一月出天田入太微垣考其時或下詔求言或
廷臣疏請修省上皆嘉納由此言之存乾惕之

誠心勵憂勤之實政古之賢君所以回

天心而弭變異未有不出乎此也今

國家永清大定邊陲悉已靜內地悉已寧正當全

盛之日我

皇上以英明睿知之資恭已守成

德政無闕固宜祥徵瑞見永膺隆平而星象之異日

久未消此政

上天仁愛

皇上之心至臻至厚欲

奏疏

聖

皇上已治益求其治已安益求其安實畏祇承用臻

唐虞三代之化也請乞

皇上清宮齋戒力圖修省

發德音下

詔旨廣求直言詳詢利病有可以惠百姓者立

賜舉行并

飭内外文武大小臣工將慮洗心共修職事將凡

吳蒼可格無難轉災為福天下不勝幸甚

不敢緘默倘有美可採伏祈

皇上睿鑒施行

康熙三年十一月二十九日具題本年十二月

初十日奉

旨據奏因星象示異請乞齋戒修省大小臣工共修
職業這本說的是楊雍建從直建言可嘉星象示異
皆出料理政務之處未能合宜才薄所致今當力圖
修省務求允當以答天心該部知道

奏疏

奉

刑科掌印給事中臣楊雍建謹

題爲修省既切

皇情臣工並宜引咎請

飭內外大小諸臣戴罪辦事實心修職一新庶政事

伏見

皇上因星變求言旋頒寬大之

詔凜畏

天變念切生民此古帝王克自抑畏之盛心也臣備

位言路凡興除利病隨時可以條奏一政一事

奏疏

三章

之小不足仰副

皇上格

天之至意者未敢瀆陳塞責竊念

皇上所與共理生民者惟是大小臣工凡治化之未

登由於臣職之不盡今

皇上儆心戒懼修省更新在位諸臣豈得晏然尸素

不察失職之咎伏讀

上諭有內外大小文武各官應洗心滌慮更改前非

之語在羣臣自宜恪恭寅畏以圖克副內而政

府九卿外而督撫尤總持綱紀之司也此者部

臣惟以推諉爲卸責而曾無任事之實心督撫

惟以蒙蔽爲養安而非有澄清之實政部臣之

推諉者明明本部應議之事或請咨別部或請

勅督撫不肯直辭決斷以及一案之處分因一人

供之未到而更待另議一事之行止因一時文

卷之小錯而重復咨查展轉遷延若有俟於彌

縫打點之至者至於地方利病生民疾苦所關

憚於釐正輒云已經臣部題定在案無庸再議

奏疏

下略

曾未肯虛公酌議揆利害得失之大而建白施

行如此則一二吏胥執定例以馭之足矣臣不

知滿漢堂司所司爲何事乎督撫之蒙蔽者民

苦於差徭額外之私徵所在多有而未聞建長

策以除積困吏橫於貪暴有司之掎克比比皆

然而不過摘小罪以引輕條向日行考滿之法

則

題報者皆一二等稱職而曾無三等以下之官平

時上叅核之章則特科者止州縣一二有司而

不及藩臬道府之吏臣恐徇情容隱在所不免
惟以開通黨庇爲事而民生之至計漠不經心
國家承平數十年於茲而小民貧困盜賊未息不
可謂政事之舉得也政事之不得則皆臣下失
職之咎也請乞

嚴勅內外大小臣工自行引咎疏請處分戴罪辦事
力圖稱職如有仍前推諉蒙蔽持祿苟容者
立賜罷斥以儆闕冗卑庸之習庶政事更新民生獲
安而

奏疏

重事

天心自順矣如臣言不謬仰祈

皇上睿鑒施行

康熙四年三月初六日題初八日奉
旨知道了該部知道

刑科掌印給事中臣楊維建謹

題爲

恩詔方新用刑宜慎謹將

紅木封

進仰候

睿裁以重民命以信

詔令事本月初五日臣隨滿漢諸臣後於

天安門外跪聽

維新之令大小歡呼

奏疏

重事

皇慈遠被

天心可格治安之機不外乎此伏讀

詔內一款云除十惡等真正死罪不赦外其餘自初

五日昧爽以前已發覺未發覺已結正未結正咸

赦除之又一款云除叛逆強盜等情罪重大者即

行立決外其律中所載凡應監候秋後處決者仍

着照例行欽此仰見

皇上慎惜民命尚德綏刑至意本日臣科接得

御前發下

紅本內刑部等衙門一本題爲拿獲三次逃人事內

稱小三兒逃走三次自行招認應照定例立絞

奉

旨小三兒著卽處絞餘依議又一本題爲稟報謀餉

害命事內稱韋記元合依用藥殺人者律擬斬

監候但自認情真應卽立決奉

旨韋記元著卽處斬餘依議欽此臣思三次逃人非

同十惡之罪用藥殺命律載監候之條一宜

赦除一宜緩決以廣

奏疏

百毛

皇仁若槩卽正法似與

詔款不符臣仰體

皇上好生之心不敢抄發該部謹將

紅本二本封

進伏候

審裁更正施行

康熙四年三月初六日題初八日奉

旨這駁奏二本係初三日啓奏初四日批紅旣於初

五日頒赦之日發科刑部等衙門自有請旨定例

並無錯發之處這二本着三法司再議具奏

題為法

題為法

示之實請

飭各衙門因事定議以遵成憲以杜紛更事竊惟紀

綱法度所以釐飭政治務期措施得當貽百世

不愆之則有弊則不得不更而現行者亦不宜

屢變伏見

國家用行政之法自

奏疏

百五

太祖

太宗以來延及

世祖章皇帝整施釐飭參用故明之制度損益折衷百

事畧備雖因時裁酌豈無通變之宜而規模已

允惟在奉行之善求

皇上勵精庶政務求萬全無弊比年以來因

祖宗之成憲而稍有更耕無非振飭紀綱鼓勵明作之

德意然或有綱舉初行者或有屢變未定者愚以

為

未皇之政令苟非有大壞極弊扞格而難行不如相仍

弗改使臣民易於遵守也如吏部品級考一書

各衙門陞遷資次條理詳分相沿已久似宜從

舊戶部催徵條例處分已審新增議罰規則似

屬過嚴禮部科場內外簾各官及直省學道處

分則例有心作弊與無心錯誤不同舊例不為

不嚴似不宜舉加重典刑部之熱審宜復恤刑

宜差其他各衙門種種興革事小者無足縷述

大抵用人行政設官分職與其屢變而未定不

若遵守之無愆幸承

皇上實心修省一新百度之時誠

令部院諸臣悉加籌畫著為定例務不失法

祖守成之意垂不刊之令典俾日後永久遵行則紀綱

肅而政治自成矣如臣言可採仰祈

皇上睿鑒施行

康熙四年三月初七日題十二日奉

旨這所奏知道了該部知道

刑科掌印給事中 臣 楊雍 建議

題爲直陳收折白糧之害請照時價減征以恤民

困事 臣聞治天下者貴有久遠不易之謀而無

爲一時權宜之計何也權宜之計不過取濟於

目前然行之未嘗徒以厲民究也厲民而卽以

病

國則何不深憐乎利病之所在而謀其久遠也案

查康熙三年戶部爲題明收折白糧一疏議將

康熙四年運解三年分江浙二省白糧正耗盡

奏疏

三

行改折以充兵餉每石照舊例折征銀二兩限

支到六個月內照數全完等因奉

旨依議在案部臣爲

皇上計軍需事非不急也以臣愚見之所及合諸近

今之所聞而竊歎其病民也米價隨時爲高下

比年江浙之米每石價僅七八錢而止今每石

改折二兩加以食更火耗之資盡書勒索之費

非本色三石不足以完折色之一石小民終歲

勤動計其所獲祇止一鍾今也所供浮於所出

又從而倍之以有盡之膏脂供逾額之備科和
收愈急敲朴愈煩勢必賣男鬻女流離播遷熬
苦之氣上干

天和所當急爲

軫恤者也

國家天糧所備半仰給於東南惟令民氣完固則

賦稅充盈數年以來江浙民力竭矣錢糧積欠

日餘萬兩疊奉蠲免方共仰

皇上之深仁乃以改折一項重累窮簷

奏疏

三

寔衷能無惻然也哉查二省白糧正米二十一萬七

四百七十二石五斗零耗辦等米一十六萬

一千一百四十七石九斗零如以本色之三完

折色之一是一改折而多費民間八十萬石矣

又況有夫船等銀二十九萬三千九百兩零一

併征解者乎愚以爲有本色則有耗辦既已

改折矣不應并耗辦而亦折之也有本色則有

夫船等銀既已改折矣不應并夫船而又折之

此事可便於

國者則爲之事有便於

國而未便於民者則不必爲之改折之議可以權宜不可以久遠者也

京師根本之地太倉之粟陳陳相因有備無患必不得已而議折則當權衡穀價之高下穀貴則酌量折征穀賤則照時徵取總之意在便民而已矣恭逢

皇上勤求治理力圖修省倘

俯念東南財賦之地改折爲累速勅該撫轉行所屬

奏

聖鑒

照時價減徵其溢收者盡以還諸民間抑或抵算別項正賦無使吏胥因緣爲奸則猶可甦兆庶之貼危而見休徵之協應并

飭該部總自今慎弗輕議改折徒苦百姓爲也臣從國計民生起見字稍逾格仰祈

睿鑒施行

康熙四年三月初七日題十二日奉

戶部確議具奏

刑部掌印給事中楊邦建謹

奏爲安民惟在休息省事不如省官督撫現議裁併差察未可新增事恭頌

慈詔內開星變地震意者所行政事未盡合宜吏治不清民生弗遂以及刑獄繁多人有冤抑見用肆赦嘉與海內維新欽此遠近稱頌莫不歡忻感激以爲天下寧察自此有安靜之日矣復

乞鑒臣所請裁併督撫著諸臣會同確議仰見我

皇上洞鑒致災之由良以官多滋擾無非與百姓休

奏

聖鑒

息之意甚

盛德也昨見都察院疏請差察官員奉有具保推泰之

旨臣愚竊有議焉差察者察吏治之未清與民生之弗遂也今蒙

皇上肆赦之後正與天下更始之初從前官吏人等犯罪俱已赦除矣錢糧拖欠及有侵盜者又已赦除矣刑獄中大小疑案淹滯拖累者又已赦除矣更何所用其差察者乎此後治安之道惟

省官卽以省事省事卽以寧人而已今裁併之
議所裁者總督十員而差案之官反增二十餘
員以視裁併督撫之意得毋相左乎卽使保用
各員盡是賢能公廉事不知差案各官事當創
始此官一出則書辦衙役乎不用書辦衙役乎
且官吏一切諸弊如災荒河道有形可見若
察訪之督撫督撫未開報於

皇上者肯開報於差察之官乎若察訪之司道等官
從前未經開報者今日又肯開報乎若寄耳目

奏疏

百五

於衙役圖告訐于地方則其生弊害人誠如

詔旨所載奸棍刁訟借端勒索等弊有不可勝言者
矣況此時

詔書甫到從前之事俱經赦免將來之弊尚未見端
察無可察則差亦不必差矣現今屢奉

上諭事理言言治安要策但祈

勅現在督撫事事欽遵力行倘日久玩愒違背

上諭者一經糾叅嚴加處分俟三年後恐有積弊難

清再行請

旨差察庶不負

皇上與民休息之盛意矣如果臣言不謬伏惟
睿鑒採納施行

康熙四年三月十一日題十六日奉

旨吏部議奏

吏部尚書臣阿思哈杜立德等謹

題爲安民惟在休息等事覆刑科給事中楊雍建
題前事等因奉

旨據楊雍建疏稱肆赦之後從前官吏人等犯罪及

奏疏

重

錢糧拖欠俱已赦除刑獄中淹滯拖累者又已赦除
更何所用其差察後有積弊難清再行請旨差察等
語說的是這差察着且停止

內陞以正四品頂帶食俸骨戶科給事中臣楊雍建謹
題爲

宸衷採納甚殷部覆成見未化請更無容議三字以
收聽言之實效事臣惟圖治莫要於聽言而聽
言宜收其實用我

皇上求賢若渴雖古帝王懸幣設鐸之盛心無以尚
矣而吏治猶未盡興民生猶未盡遂者臣以爲
求言雖殷而用言實寡皆六部諸臣不能仰體
睿懷虛衷採擇之故也伏見近日言路條陳自奉
奏疏

臺

旨下部之後其見諸施行者十不二三大概以無容
議三字了之而已非惟不行亦並不議也在言
官各就議處所及不時條奏豈必皆鑿鑿可行
然業經入

告亦何一非

國計民生所關倘言之而必不行則所言之利莫
徒費其指陳且言之而并不議則其言之得失
先無從辨別矣况我

皇上睿照精詳於條奏之無益者卽奉有不准行六

旨必稍有可採者始

勅該部議奏或令其詳議確議而部臣執持成見其
題覆各疏或云先經臣部題定遵行在案或云
先經某人條奏臣部議覆不准行在案相應無
容議是

皇上命部臣議而部臣竟置不議也

皇上命部臣詳議確議而部臣亦竟置不議也無容
議三字沮獻替之誠喪敢言之氣豈大臣虛公
謀國定心任事之義哉請乞

奏疏

臺

天語申飭六部諸臣大破積習凡奉

旨議奏事件必虛公詳察酌議妥確備將利弊得失
可行不可行之故分晰明白具覆弗得仍前膠
執成見概用無容議三字套語庶言路之苦心
不置諸無用而

朝廷可收聽言之益矣臣蒙

皇上隆恩簡用骨戶科事仍居言職不避嫌怨冒昧
直陳伏祈

睿鑒施行

康熙十一年七月初一日題初七日奉

旨據奏近日言路條陳自奉旨下部之後其見諸施行者十不二三大槩以無容議三字了之等語言官條奏某件係應行之事該部衙門稱無容議楊雍建必有確見着明白指實具奏該部知道

奉 諭

聖 旨

內陞以正四品頂帶食俸管戶科給事中臣楊雍建議
題為推廣

欽恤之仁以全民命事我

皇上念刑獄至重

特沛綸音遣閣臣會同三法司將刑部已結大案逐

一詳審凡罪可矜疑者開列具奏仰見

皇上大德好生卽古帝王泣罪解網之仁心也但見在部獄者已經清理而推之直省地方刑獄煩多人犯監禁不少既有已結大案更有歷審未

奉 諭

聖 旨

結淹滯日久之案或係

欽部事件或係各衙門批發及本衙門准理詞狀紛紛不一情罪大小亦各不同自按察司以至各府州縣各有監倉無不羈繫多人兼之天氣炎熱地窄人多穢氣熏蒸疫病易作日久監斃民命堪憐雖熱審屆期內外一體同遵而尚恐奉行不力有一案延挨不結則案內人犯仍然拘繫獄中且熱審定例流徙以下始得減等發落而重罪不與焉臣念刑部獄囚皆經三法司核

擬定罪至詳至慎而尚有可矜可疑之犯况直

省地方之廣已結未結重罪之現禁益多如

上諭所云無知而罹法網小過而陷重辟者徒以地

遠之故不得與在京各犯同邀

浩蕩之恩致有淹滯待斃之慘諒我

皇上欽恤仁心必有惻然不安者也伏乞

勅部通行各省督撫將所屬司府州縣監犯已結者

照律詳加審鞫未結者速行訊明審擬除真正

十惡人命強盜証佐屍傷贓件的確者仍應牢

奏疏

重

固監候外其情可矜疑及一應案犯死罪逐案

開列緣由具奏請

旨定奪再應嚴行申飭凡徒流以下各犯應與減等

發落其各案証佐干連及爭訟細故拘禁候審

之人務須盡行保釋寧家倘司府州縣各官有

遵行不恪仍然延捱監禁者該督撫訪實指名

糾叅從重議處庶

皇仁溥被薄海均沾民命之矜全者多而罔圖空虛

之治山此漸奏矣伏乞

皇上睿鑒勅部施行

康熙十一年七月初二日題初七日奉

旨該部知道

奏疏

重

內陞以正四品頂帶食俸戶科給事中臣楊雍建謹
奏為遵

旨明白指實具奏事臣於本月初二日具奏

宸衷採納甚殷部覆成見未化請更無容議三字以
收聽言之實效事一疏初七日奉

旨據奏近日言路條陳自奉旨下部之後其見諸施
行者十不三三大槩以無容議三字了之等語言官
所奏某件係應行之事該部衙門稱無容議楊雍建
必有確見着明白指實具奏該部知道欽此臣伏念

臺

六部摠持政務

國計民生之大在其整施興利除弊之方聽其舊
畫凡言官條奏機宜行與不行決於部議任至
專而權至重矣乃邇來遇有條陳俱以無容議
具覆若此者甚多臣前疏不勝備列今奉有明
白指實具奏之

旨敢為我

皇上陳之如憲臣陳洪明謹陳緝盜之法等事一疏
地方失事文官無防守之責應酌量處分免其

奏疏

臺

降調又兼轄文武各官知而隱匿不報者降調
不知不報者量加罰俸庶諱盜誣官之弊可絕
臣思禦盜在先事汛防文武原無專責失盜若
不經首發兼轄何由而知直省地方諱盜者多
皆因處分太嚴反至扶同不報是故免文職之
降調正所以嚴其察覈寬不知之察處卽所以
專責緝拿洵應行之事也而吏兵二部以為無
容議矣此其一臺臣張冲翼投克之禁宜嚴等
事一疏請禁軍民人典身旗下以杜倚旗詐害

之奸臣思投克之輩皆無籍棍徒竄身入旗唯
思倚勢害眾與其事發而治罪良民之受害已
深不若未投而先禁奸民之刁詐自息况典身
與契買不同日後必至竄逃在旗主不得其使
喚之力而良民每受其嚇詐之殃故禁典身以
杜棍黨免使若輩以非旗非民之身而行假旗
詐民之惡洵應行之事也而兵部督捕以為無
容議矣此其一臺臣徐旭齡請嚴稽核錢糧之
法等事一疏因州縣糧餉侵那歷年掩飾等弊

直至本官離任乃始發覺致有累千盈萬之多
請責成該府每季查核誠以歷欠數多皆年久
失察之故若按季稽核則有欠未清追賠自易
洵應行之事也而戶部援引舊案以爲遵行已
久應無容議臣思舊案遵行果善何爲數十萬
數百萬之餉仍然歷欠若舊案行之不善仍下
急爲立法按季清釐致年久弊深發覺之日臨
勒令追賠輒以家產盡絕題請豁免則額餉虧
缺無抵

奏

聖

國賦所損實多是查餉之法宜嚴而不肯加嚴此
其一原任科臣嚴沆欲弘恤下深仁一疏內一
件申言江撫臣馬肅請減蘇松浮糧之事誠以
蘇松額重係故明害政以致民力重困逋欠日
多若蒙

恩豁免乃獨其必欠之額非獨其可完之額無損於
國而有利於民洵應行之事也而戶部謂逋糧不
盡皆民欠額征已久應無容議臣思蘇松浮糧
非民欠卽借解借解者那後解前止因前此民

欠之故民欠由於力絀力絀由於賦重不減則
後將復欠減之庶可望全完是恤民之政宜寬
而不肯從寬此其一又如原任科臣嚴沆請行
廣勵人才之法等事一疏謂滿漢人才漸盛請
廣鄉試之額監生進身無路復請積分之規於
以登典文治鼓舞士心亦應行之事也而禮部
以爲無容議此其一臺臣王遵訓各省災荒疊
告等事一疏謂被災之民流移他省務令安插
得所於以矜恤播遷保全生命亦應行之事也

奏

聖

而戶部以爲無容議此其一至於臺臣萬泰請
酌蠲災之例等事一疏稱災傷之地輸納爲艱
請按被災分數以爲蠲免之數而戶部以爲蠲
免已有定例應無容議查定例被災十分者僅
蠲三分下此以次遞減此可施於累歲豐稔之
後今者歷年荒歉積蓄全無自應軫念民艱縱
不能按分數盡免亦宜酌量從寬何可竟置不
議乎此其一臺臣孟熊飛部郎郡守升轉不均
等事一疏稱道府缺出盡歸郎中知府遷轉無

路請分月推升以便疏通而吏部以爲定例遵
行已久並無偏滯之處應母容議查定例一道
一府缺出升郎中有道缺而無府缺始升知府
有道缺之日必有府缺是知府不得升何謂
並無偏滯白應酌議變通縱不便截然分月亦
應派缺均升何可竟置不議乎此其一如臺臣
何元英禮曹職司磨勘等事一疏稱吏部衙門
司屬非精舉業者不能勝磨勘試卷之任應照
世祖章皇帝時舊例用進士出身之員補授洵應行之

奏

臺

事也吏部以爲品級考新經刊定通行不便更
改應不允行臣不知該部謂磨勘試卷不必精
通舉業之人乎抑能保不由進士出身之員盡
皆精通舉業乎况吏部四司皆改用兩榜何其
重視本衙門司屬必復
世祖章皇帝時成例而獨輕視禮部以舊例爲不必遵
乎且主考學差僅司一省文衡者尚用兩榜而
禮部司屬磨勘天下試卷者更不必慎擇其人
乎變母容議之文而直曰應不允行何所見而

膠執若此臣更有所不解也他若臺臣孫錫齡
法不可縱等事一疏稱強盜殺傷人者乃
應治罪刑部前議以爲無容議非類

皇上乾斷特依後議則殺人之盜犯倖免而被祭者
舍根九泉矣臺臣張冲翼地方之狐壤口甚等
事一疏稱各州縣有從無升任之官者應行督
撫查受病根由奏請處置吏部以爲母容議若
非奉

奏

臺

旨特着各督撫確察議奏似乎地方應聽其敝壞而
人才之枉棄竟不必問矣又若憲臣李之芳奸
最爲害政等事一疏又叅罰煩密等事一疏
以部皆稱母容議幸蒙

宸鑒一

初九卿科道會議具奏一奉有着再議具奏之
旨見部臣成見不化將應行之事以母容議三
之尤大彰明較著者也更可異者臺臣徐越
星屯之兵日逃等事一疏與川湖督臣蔡毓榮
請准墾荒官兵回籍安插爲民等事一疏兵部

先後議復同一事宜也於臺臣則不行於督臣則行之矣臺臣熊一瀟度支關係非輕等事一疏請

勅戶部酌議另設一印添註鹽引字樣以杜重混該部議復以爲無容另設近則又以印信不敷請另鑄鹽茶之印同一印信也臺臣謹鑄而不行該部欲用而更鑄矣凡此前後參差自相矛盾所謂虛公者豈若此哉總之部臣遇一條奏先有一無容議之見橫於胸中言官屢言而屢不

奏疏

臺

七

行則空言究歸無益臣謹就愚見所及逐一明白指實具奏伏乞

皇上俯賜全覽施行

康熙十一年七月

白奏奉

旨知道了該部知道

內閣以正四品頂帶食俸曾禮科掌印給事中臣楊雅建謹
是爲服用之僭越雖嚴辭奏之習尚未改請飭軍
民訐上之禁以崇

國體以肅治化事臣聞易曰上天下澤履君子以
辨上下定民志又曰有上下然後禮義有所措
是故班朝治軍蒞官行法自

京師以迄直省凡屬軍民有其統之莫敢犯也不
徒爲官吏飾體貌而已蓋以尊

朝廷也我

奏疏

事

皇上以維持風化辨別等威爲念

特沛綸音着九卿科道會議官員軍民人等服用於
以禁奢從儉爲治化計至詳且切矣臣愚更有
請者切以服物采章禮之文也名分綱紀禮之
實也所以別其等而防其僭者豈僅爲樽節云
爾哉卽此使知上下之分也若使軍民人等徒
然不戴貂帽不穿花緞而以爲禮在是焉猶非
其本也伏見近年以來悍卒告其主將刁民告
其官長一見於京口將軍李顯貴之案矣再見

於吳松提督梁化鳳之事矣兩淮鹽臣則汪藻
首之矣兩浙鹽臣則孫吉士控之矣雖爲主將
爲官長者其人定皆不肖貪污刻薄以致兵譁
民告致煩審勘然而狙詐成風刁悍不息藐視
上官畧無顧忌尚謂知有上下之分者乎臣聞
天下有道則廢人不議

國家設官分職得以言事者外有督撫內則臺諫
總以治此小民務令秩然有紀也自許吉之風
熾而督撫亦在危疑之地矣自臺諫不敢風聞

奏疏

臺

言事而棍徒之妄控者反有權矣草野刁民得
進而亂是非之柄揆諸

國體所傷實多臣切惟我

皇上留心風化莫若卽等威之說而重申焉使天下
曉然於以貴治賤之義請自今以後凡官吏不
公不法有訴諸督撫者卽與審理入

告而言官因事指叅亦不必避風聞之嫌如是而
軍民之越控者自無所用矣至於所控虛者罔
應反坐實者雖與准行亦必量加責治以爲犯

上者之戒何也尊卑有倫貴賤有統者順也賤
勿貴少凌長小加大下訕上者逆也以兵
以民告官大不敬也至亡等也此非
盛世所宜有也

上諭所云人心嚮變風俗頽壞治化所係政在於此
而不徒區區服用之間也臣在禮言禮禮之大
經孰有過於辨上下定民志者欲定民志先禁
刁告始冒昧直陳如所言不謬伏乞

皇上睿鑒施行

奏疏

臺

康熙十一年十一月

奉

旨該部議奏

內陞以正四品頂帶食俸官禮部掌印給事中臣楊雍建謹
題爲繁簡之更調既不允许大縣之分疆急宜通
變請乞

勅部從長酌議不致遺憾地方事臣惟調繁調簡之
法欲使人材與地方兩得其宜而爲之衡量也
內外諸臣一疏再疏以請更調而部議堅執不
行則亦無復有行之時矣亦安用再爲置喙然
則江南財賦重地最繁最劇之縣可竟爲聽其
焚壤而不必補救乎他不具論如蘇屬之吳江

奏疏

臺

常熟崑山嘉定等縣松屬之上海青浦等縣其
丁二項實征銀兩及漕白糧米雜項征收每
以數十萬計是一縣之財賦竟足當別省之
府而有餘錢穀既繁而其餘審理刑名承緝
案諸務紛紜煩雜亦稱是矣爲有司者雖入
面長材猶恐日不服給况以庸常謏劣之輩試
之劇縣其不以闕茸遺悞者鮮矣年來蘇屬
糧壓欠最多從無勝任之官職是故也若不急
議變通恐叅罰日益甚人材日益困地方且日

益壞矣臣愚以爲煩簡之調既不便行宜將蘇
松所屬繁劇之縣各改爲兩縣而分治之地分
則事務稍減事簡則頭緒易清使縣令之耳目
心思寬然稍有餘力庶幾察劇詳而胥吏不得
因緣爲奸然後錢糧不至於混冒而一切事件
可以次第舉也前此曾以華亭一縣事煩難治
分設婁縣行之已久事非創舉補偏救焚無過
於此或曰縣治分矣而

奏疏

臺

國課仍未完民生仍未遂可若何臣則以爲此在

吏部之爲地擇人耳臣查吏部復江督廉勒吉
松屬焚壤等事疏內稱升授官員能否臣部無
從得知等語切惟銓衡澄敘流品豈有付之不
知且不知其能而用之猶可言也若不知其否
而用之尚可問乎合無比照

世祖章皇帝舊例慎考身言書判之意核其才品以備
大縣之用凡選補大縣者仍具題引見

皇上觀其動容詢以語言而人材之能否可舉見矣
既分繁劇之任而又擇其強幹之材其於吏治

未必無小補也仰祈

睿鑒施行

康熙十一年十一月

日題奉

旨該部議奏

奏疏

聖

內陞以正四品頂帶食俸管禮科掌印給事中臣楊雍建謹
題為副卷錄取失均主考難辭違悞謹據例糾參
請

勅部察議以重大典事切惟科場取士所以收羅人
材直隸鄉關應試者有滿洲漢軍漢人磨監生
員各項查科場條例正榜中式每項各有定數
至於副卷何獨不然乃今放榜查取副卷三十
二名俱係漢監生員而滿洲漢軍一名不與
殊失均平若使副卷無優異之典與尋常不中
式者相同無關士子進身之路猶可不必要照項
均取今科

奏疏

聖

題定所取副卷前列准其克貢似此

新與數自應一體均沾何可使滿洲漢軍竟無一
人耶臣見禮部議復國子監祭酒賈等請廣
援以培人材事一疏內稱副榜准貢入監肄
業遵照

世祖章皇帝時舊例行奉有

俞旨欽此在案查甲午科順天鄉試副榜有漢軍五

人准貢此舊例之昭然可考者主考察修傳副
主考徐乾學與同考各官身在闕中夫豈不知
定例而任意去取蔑棄舊章違悞之愆臣不能
爲之解也請乞

勅部察議處分以服人心而後科場事例永遵無失

矣臣職掌攸開據例直糾伏祈

皇上睿鑒施行 謹題請

旨

康熙十一年九月 日題奉

奏疏

臺

該部察議具奏

都察院左副都御史臣楊雍建謹

爲撫臣庸碌無能巖疆未可貽悞事切照巡撫

官奉天子之命令撫蒞茲土以綏輯兵民表

正僚屬必其有守有爲品望凝然而後無忝于

節鉞之重寄今日之督撫賢者固不乏人其或

貪婪不法罔恤民瘼自宜立挂彈章然事涉風

聞非有確據未敢遽以入告若夫庸碌克己

籌莫展有顯然無益於地方者臣于江西巡撫

佟國楨不能無議焉臣閱邸抄見兵部尚書

西臺奏疏

臺

王熙等督撫均任封疆等事一疏內稱撫臣佟

國楨治軍則有鎮臣爲先驅治民則有督臣爲

兼攝徒令其養尊處優居閑坐鎮揆之事理似

屬非宜又云未聞撫臣一出蒞城身親戎障等

語卽此觀之則撫臣之平庸懦鈍無所短長之

效已見于此臣意爲撫臣者一聞此言必常特

疏上請躬履行間彈智竭能少效涓埃之報何

爲若罔聞知也乃自曠移省以來其爲尊優如

故也而治績更無聞矣查定例所載督撫係封

疆大臣該省百姓如有流離失業者一
方毫無治理者該部查實治罪江右
地際此兵燹之餘哀鴻甫集元氣未
任迄今流移果盡復畝田野果盡開
餘氛果盡革面歟分牧之有司果盡
此皆不敢爲撫臣信而撫臣亦難以
素不識國楨但訪之輿論証諸邸抄
無能勝任兼聞其步履蹣跚無以肅
瞻而繫士民之重望易曰跛能履不
足與有行

西臺奏稿

稟

也巡撫何官江右何地而可聽其貽誤也哉
皇上試令來京陛見詢以地方之利弊生民之卞戚
則該撫之庸碌無能自難掩于

中矣

康熙十八年正月

日題奉

部察議具奏

都察院左副都御史臣楊雍建議

題爲請復拾遺之舊典舉劾兼行以收澄清實效
事臣聞安民莫如察吏則澄清吏治洵今日第
一要務然欲整飭官方必彰羶互用使公論著
而黜陟昭天下知勸懲焉案查六年京察三年
大計部院衙門據冊考核其不稱職者照八法
議處請
肯定奪事竣之後又令科道合疏糾叅以補部院之
所未及名曰拾遺此舊典也在

西臺奏稿

稟

章皇帝時常行之順治十年正月內會奉有四年
糾拾反坐言官有壞吏治塞言路以後科道糾
拾官員照大計一例處分之

自考滿之法行而計察停併拾遺亦停矣其后又
停止考滿議復京察大計然拾遺之典則尚未
復也拾遺之所以未復者有言官既許不時叅
奏故謂此舉可已乃臣以爲叅奏者一時之見
而合詞糾劾者輿論之公使公論弗彰則不肖
者豈得倖免而無所顧忌矣何以肅

南臺奏議

聖

攸關不厭詳慎故也口今京察屆期大計伊邇我

皇上勵精圖治以澄敘官職爲急則計典事竣之后
科道糾拾所當復矣唯是事必求其至確議貴
協于大同無挾私而害公無逐影而失實無舍
大條而苛小吏無摘細事而掩生平應
勅旨路諸臣虛已以察之平情以衡之實心以任之
務期有以仰副

皇上黜幽陟明之至意更有請者拾遺之制有劾無

功令風有位乎且內計官評惡各衙門堂官開註

外計賢否據督撫司道冊報在部院衙門不過

按籍而稽即使詳加覆核無能更別妍媸在內

者或藉庇乎堂官在外者或邀恩於督撫有心

之徇隱與無意之失察其有應挂彈章而遺漏

于八法之外者不少也故計察之典行則拾遺

不可不復如謂自平時參劾而糾拾可廢豈三

年六年之大典亦屬贅舉乎况在外督撫亦許

不時奏奏何以又有兩年舉劾之例總以黜陟

南臺奏議

聖

舉原以儆惕官邪在大計有卓異之選而京察
則無之夫舉錯不可偏廢勸懲何妨並行古者
鬻人于朝與舉其之除三品京堂去留原出自
上裁外而有才品特薦者合無公薦一二人以見衆
好之正是亦數廟籌工之一道也將見大小諸
臣爭自琢磨而吏治可清矣
康熙十八年正月 日題奉
旨該部院議奏

都察院左副都御史臣楊雍建謹

題爲捏報之弊端已露清查之實效當籌據事指

陳請乞

天語通行嚴飭以除欺弊事臣在署辦事接有安撫

徐國相捐爲所升虛報清出隱地等事內稱洪

塘所千總徐振業則報查出隱地二百七頃二

十二畝其應征十六年錢糧一任催提分毫不

完隨行司嚴查履畝會勘知前項隱地係徐振

業妄思邀敘無分荒熟任意捏報迨莫能掩飾

西臺奏議

奏

始將捏報情由直吐不諱捐稱止有不糧熟地

一十九頃九畝其餘皆屬荒田願甘處分等語

臣聞之不勝駭異夫清查隱地宥罪起科所以

足國便民職官有加秩之榮小民免隱匿之罪

立法甚善原未嘗許其朦混捏報也無如功令

方懸僥倖頓起上司嚴責於州縣州縣嚴催於

里甲一面勒報一面捏報或以無爲有或以少

作多或以荒爲熟是以按冊則有賦而履畝則

無田也夫捏報必至於攤派百畝加丁丁畝加

百隨意詭增而交盤總局無據捏報必至於空

賠額外有額耗外有耗升科追比而飛洒視爲

罔前官作俑後官效尤卽有叩公庭而問其

地在何處以便耕種輸糧者亦目前官之所爲

我口無可如何耳迨糧不能完而始和盤托出

百姓之受害已不堪言矣如該撫所指其已經

發覺者也衛地若此民地可知一方若此天下

可知且亦幸而該弁自吐真情故撫臣得以入

告倘其工於掩飾上下相蒙豈不爲該衛永遠之

西臺奏議

奏

害也哉不特此也無地之稅征輸更難加以水

旱災荒民力不繼尤復嚴行敲撲勢必展轉溝

壑或逃亡走險不惟荒者不熟而熟者亦必至

於荒是本欲足國而反以病國本欲便民

而反以厲民卽該撫所述徐振業中文已有軍

丁外竄無從征比之語又其明驗矣我

皇上聖德同天愛民如子自軍興以來既不忍以籌

餉之急議及加征又豈肯以無田之糧累及赤

子若使捏報之弊不除官罔不次之榮民受無

窮之甚矣。臣愚以為欲收清查之益，非先重懲隱漏固不可。而不可廢兩縣之重懲，隱漏固不可寬而妄報者尤宜重懲。中詳請乞前官之掩飾，務使中詳請乞。

執部通行直省督撫嚴查所報隱地如有洪塘所千總徐振榮情弊早為發覺。

奏請開除如通同容隱一體治罪其有州縣供吐實情而督撫不與具題以致有糧無地貽累

兩臺奏議

奏

民生者別經發覺治督撫之罪庶國課不致虛

懸清查始有實濟矣

康熙十八年正月 題奉

旨該部知道

都察院左副都御史臣楊雍建謹

題為捐納縣令宜另立勸懲之法以肅吏治事。切惟縣令為親民之官其為職雖微而所關甚鉅軍興以來需餉孔亟不得已而有捐納之舉於是吏道維而多端積弊奸棍下賈白丁輸其所

兩臺奏議

奏

者實欲爭先而習民耳近來有司居官不法見諸叅劾者大約捐納之員為多而嗣後之待銓者更為不少是不可不有以澄清之也但思捐納之銀既已准收置而弗用則恐失信於天下用而不辦則必重害乎民生諒非

皇上察吏安民之至意也補偏救敝莫若將捐納知縣另立勸懲之法查內閣中書初授者先與試職臣衙門亦有試監察御史皆歷任一年題請實授夫京官之例慎重如此而在外武職題補

莫非署職臣以爲此等捐納縣令驟膺百里之
寄催科撫字關係匪輕合無予以試職字樣俟
其身到地方一年之內奉公守法無有過犯者
該撫核實奏請准其實授至於因公誣誤援納
還職知縣亦應加以署職字樣察其一年內操
守政跡方與具

題實授若官箴有玷政務乖張卽行罷斥無滋民
害庶人人自愛而重犯法不敢恣意攫金以速
官謗民生其有瘳乎然而捐納一途其潔已自

西臺奏議

夏

好者千百之中豈無一二如其勉於爲善果有
清操惠政卓卓可紀者該督撫一體薦揚以示
鼓勵不得以捐納爲嫌阻其上達夫旣以試職
寓裁抑之意然後從而曲成之則吏道縱雜而
吏治可清矣

康熙十八年正月

日題奉

旨該部確議具奏

楊黃門奏疏

無卷數 浙江
巡撫採進本

國朝楊雍建撰雍正字自西一字以齋海寧人順治
乙未進士官至兵部侍郎此編乃其官給事中時
所上奏疏故以黃門爲名前有康熙元年胡兆龍
序謂雍正壬寅假歸梓其前後疏章三十餘篇又
自序云歷吏禮兵刑四垣章凡三十餘上今卷內
實五十一篇末四篇稱西臺奏議蓋康熙十八年
官左副都御史時也目錄後有自識云余以內陞
復入垣署章奏及西臺諸疏原稿散失無存賴吾
姪存理中發留心蒐輯得以續梓然則此所載者
蓋合前後所刻通爲一編矣

撫黔奏疏八卷

〔清〕楊雍建撰

中央民族大學圖書館藏清康熙刻本

附《四庫全書總目·撫黔奏疏

八卷》提要

皇帝勅諭都察院右副都御史楊雍建茲命爾巡撫

貴州兼理湖北川東等處地方提督軍務駐劄

貴陽府專理該管地方舉劾文職賢否糧餉刑

名一切民事兼理湖北辰常靖三府州麻陽鎮

算九永各守備常德辰州沅州九溪永德施州

六衛并改轄平溪清浪偏橋鎮遠四衛永順保

靖二宣尉司施南散毛忠建容美等宣撫司算

子坪五寨長官司及川東重慶二府烏撒鎮雄

東川烏蒙四府并各衛所酉陽平邑等土司及

勅諭

一

湖南長沙一府平越府黃平州湄潭龍泉麓安

餘慶四縣并遵義府衛所爾宜宣布德意撫安

人民約束衙門員役使之恪遵法紀毋致作弊

生事擾害兵民操練兵馬脩濬城池詢訪民瘼

禁戢奸頑其掌印都司行堂印都司屯局都司

僉書衛守備守禦所千總衛千總經管錢穀仍

照舊聽爾統轄開懇屯田疏通商稅勸農土舍

事情綜核楚川協餉所屬地方應徵應免錢糧

皆照戶部題過新定經制遵行曉諭仍細加體

察如有司各官朦朧重收借端科派參奏處治
嚴飭所屬察解逃人凡地方利弊有可蘇息民
困振飭維新者逐件條奏請旨施行地方備儲
之計如常平社倉等事責令有司力行修舉境
內逃丁荒糧責成道府轉行有司從實察核造
冊開報應蠲豁者奏請蠲豁一面曉諭招徠勸
課農種嚴禁濫徵侵占使民人樂業毋容有司
將見存人戶槩派包賠以致重累黎民所屬司
道以下各官果有真心任事廉能著效者卽據

勅諭

二

實舉薦如粉飭欺僞貪酷殃民庸懦溺職者不
時參奏副將以下武職聽爾節制併該管防守
地方勦禦賊寇提調兵馬舉劾武職賢否一切
軍務俱會同總督提督行如有武官騷擾地方
攪害良民縱兵搶掠及隱匿賊情不報等事聽
爾會同總督提督糾參從重治罪爾仍聽總督
節制勅中開載未盡事宜聽爾詳酌施行年終
將行過事蹟及兵餉錢糧造冊送部察考爾受
茲委任須持廉秉公殫心竭力以副委任如怠

玩廢弛貪黷乖張貽悞地方責有所歸爾其慎
之故諭

康熙十八年四月

日

勅諭

二

撫黔奏疏總目

卷之一

康熙十八年三月二十日至康熙十九年十二月初十日止計六十三本

卷之二

康熙十九年十二月初十日至康熙二十年七月二十日止計五十九本

卷之三

康熙二十年七月二十五日至康熙二十一年五月初四日止計六十一本

卷之四

康熙二十一年五月初四日至康熙二十二年十月初四日止計五十四本

撫黔奏疏

總目

一

卷之五

康熙二十一年十月初四日至康熙二十二年五月十五日止計五十八本

卷之六

康熙二十二年五月十五日至康熙二十三年十二月十一日止計五十二本

卷之七

康熙二十三年十二月十一日至康熙二十四年五月二十八日止計五十二本

卷之八

康熙二十三年五月二十八日至康熙二十三年十一月十二日止計五十二本

巡撫貴州兼理湖北川東等處地方提督軍務都察院右副都御史臣楊兆璽

題為循例請帶筆帖式事切照各省督撫俱有滿

州筆帖式以資翻譯微臣不識滿文而照省正

在用兵之際凡機密事情清字文移往來必多

恐一員未足應用查廣東巡撫金僑廣西巡撫

傅洪烈俱以用兵地方准用二員伏乞

皇上敕部照例准臣隨帶滿州筆帖式二員俟

命下之日或在部院衙門現任筆帖式或候補筆帖

式或官學生內容臣訪擇二人咨部以便同往

撫黔奏疏

卷之一

一

伏祈

睿鑒施行

康熙十八年三月二十日題二十八日奉

旨該部議奏

巡撫貴州兼理湖北川東等處地方提督量務都察院右副御史臣楊乘建謹
題爲請

旨隨帶文職能員以整理巖疆事邇者湖南漸次恢復賴

皇上威仁黔省蕩平指日可期臣奉

命撫黔若殘疆一復急切需人共事凡措辦軍需支應驛站愛養百姓撫輯流移惟賴司道郡縣正佐等官分職料理若臨事求才題請部銓竊恐道里遙遠旣不免耽延時日又未必人地相宜

撫黔奏疏 卷之一 二

查近來用兵地方督撫諸臣俱有疏請隨帶人員之例况黔省久屬巖疆必藉長才始克勝任
伏乞

皇上俯俞准照各督撫疏請帶官之例其有才堪任使願効邊疆爲臣所素知者容臣列名咨部給照與臣同行俟黔地恢復之日量才補用具疏題報庶諸事不至廢弛而疆圉攸賴矣臣從地
方起見伏乞

敕部迅覆施行

康熙十八年三月二十二日題 日奉
旨吏部議奏

撫黔奏疏 卷之一 三

巡撫貴州兼理湖北川東等處地方提督軍務都察院右副都御史臣楊雍建謹

題爲請補臣標將備事切照臣標額設兵數現在請

旨召募充伍然有兵則必設將領以專統轄所有兩營遊擊二員守備二員非素知堪用之人似難寄以心膂黔省正在用兵臣標將備例得自行遴選坐名題補就臣聞見所及有候推先用守備熊中蘊練達戎行著有勞績堪爲臣標左營中軍遊擊正白旗一等阿達哈哈番周之禮英

撫黔奏疏

卷之一

四

年銳志果毅有爲堪補臣標右營遊擊候補功加守備吳嵩原任京營守備宣承昇皆技勇夙擅堪補臣標下右營守備均請給札更有鑲黃旗漢軍王有威佐領下七品官加一級楊國安浙江壬子科武舉楊名彪願隨臣標効用伏乞敕部議覆允臣帶往試其才畧遇相當員缺咨部題補庶邊疆守禦得人可收臂指之效爲此密奏康熙十八年三月二十日題本月二十三日奉旨兵部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲遵

旨開列人員職名事臣會具有請

旨隨帶文職能員等事一疏吏部覆稱將賢能人員准臣帶往應帶官員職名令臣開明具題奉旨依議吏部密咨到臣欽此該臣看得軍興之地糧餉孔亟新附之衆法令初張藩臬二官最爲緊要必得才幹敏練之人始克勝任臣一時諮訪未確伏乞

撫黔奏疏

卷之一

五

敕部議將貴州藩臬二司遴選能員不拘資俸速行推補勒限赴黔庶無悞事今所應帶人員朱昌緒等四十九員謹遵旨開列職名具奏命下之後隨臣同行俟黔省一復量才補用另疏題報伏乞敕部議覆施行應帶人員職名開後候補主事朱昌緒

正紅旗內閣撰文中書汪世印

鑲黃旗內閣中書劉茂溶

候補中書汪 煥

候補中書端象震

候補中書張弘傑

候補中書裴天錫

候補通判曾文通

候補州同楊 暄

候補州同黃允亮

撫縣奏疏

卷之一

六

鑲白旗候選州同白崇璽

候選州同趙崇哲

原任黃州府同知屠 宏

候選卽用知縣胡德輔

候選先用知縣劉之彥

候選先用知縣汪 贊

正紅旗候選先用知縣王治民

鑲藍旗候選先用知縣周 邦

候選知縣顧 梅

候選知縣張其琯

候選知縣龐上梓

候選知縣周會津

鑲紅旗刑部筆帖式加一級張建策

鑲黃旗通政司筆帖式加一級張可建

正紅旗候補鴻臚寺主簿鄒嘉璽

正紅旗候補七品筆帖式孫國輔

正白旗候補七品筆帖式祖光珮

鑲紅旗候補七品筆帖式晉顯卿

撫縣奏疏

卷之一

七

鑲紅旗候補七品筆帖式王宣猷

鑲紅旗候補八品筆帖式周 鏞

鑲藍旗候補八品筆帖式華 善

正白旗候補八品筆帖式羅在廷

正白旗候補筆帖式張國弼

正紅旗隨都統張 鼐

鑲白旗候補筆帖式蔣 琰

候選經歷王道弘

正紅旗候選縣丞楊國士

候選縣丞董儒龍

鑲紅旗候選縣丞王來瑞

原任上虞縣知縣耿宗埴

順天舉人沈一成

鑲紅旗佐領下監生張岐

山東濰縣監生胥琇

正黃旗佐領下監生李實秀

鑲藍旗佐領下監生李若滋

鑲藍旗佐領下監生周士

撫黔奏疏

卷之一

八

正紅旗佐領下監生金廷奎

鑲白旗佐領下監生張士岱

湖廣江陵縣監生胡忠論

康熙十八年三月二十日題奉

旨

巡撫貴州兼理湖北川東等處地方提督軍務都察院右副御史臣楊建禮謹

題為巖疆恢復在邇請募標兵以資扞禦并懇預

借餉銀事臣本樛材荷蒙

皇上特恩畀以撫黔重任臣敢不竭盡駑庸以圖報

稱但黔省係巖疆要地苗民裸處一經恢復必

須鎮禦况

敕印重務長途跋涉非單騎可以前往查臣標左右

兩營額設馬步兵一千五百名必得技勇之人

始可以寔營伍而備臂指目今在都召募而應

撫黔奏疏

卷之一

九

者無幾容臣沿途陸續募選俟募到後造冊咨

部現今有願隨臣標効力壯丁八十名令其從

行但此輩皆赤貧之人未能枵腹荷戈所需鞍

馬甲械為費不貲臣叨沐

聖恩久玷清班與會任督撫者不同一切器具皆須

剝辦萬不能為無米之炊伏乞

皇上垂念巖疆遠地俯准預借餉銀三千兩為馬匹

器械諸費以利攸往如蒙

俞允卽于戶部支領俟到黔之後照數扣還至于所

募兵丁月糧及馬匹草料前途應作何支給

應一併

奏請伏乞

敕部迅覆施行臣從嚴驅起見未敢擅便

康熙十八年三月二十二日題二十七日奉

旨該部議奏

撫黔奏疏

卷之一

十

巡撫貴州兼理湖北川東等處提督兼都察院右副都御史臣楊雍建謹

奏為恭報微臣抵荆日期仰祈

睿鑒事臣一介庸愚荷

皇上特恩簡任黔撫於本年五月二十八日

陛辭蒙

恩賜宴兼

錫鞍馬銀緞

天語諄摯寵賚逾涯臣敢不益勵駑駘以圖報稱於

萬一謹於六月初一日起行就道八月十三日

播黔奏疏

卷之一

十一

至荊州府其黔省應行事宜容臣抵境之日次

第八

告所有到荆日期合先奏

報伏乞

睿鑒施行為此具本謹具

奏

聞

康熙十八年八月十八日奏九月初六日奉

旨該部知道

巡撫貴州兼理湖北川東等處地方提督兼務都察院右副都御史臣楊瑞建謹

題爲遵

諭陳言事本年八月二十三日准吏部咨行到臣不

勝悚仄除一面遵

諭據實自陳伏聽處分外敢不竭芻蕘之獻以仰答
清問竊惟制治之本不慮災殄之見告而慮民生之
不安不患邊境之未定而患民勞之未息誠使
民各得所自可以消變異而召禎祥就臣管見
所及直陳二事一難民子女查還也

撫黔奏疏

卷之一

三

本朝用兵紀律素嚴屢奉

天語申飭不許擾害良民但恐行間弁首未能盡體
皇上愛民至意或有掠帶男婦占民子女以致百姓

骨肉離散新奉

上諭森嚴嗣後將士自當倍凜約束矣而前此被掠
難民尚有未沐

皇仁者向隅之泣仁政必先臣近閱邸報見福建督

臣姚啓聖疏稱汀州府永定縣難民繫累萬計
帶往兩廣江南等處寬恤難言經前督臣移咨

廣東督撫清查給還未准移覆又稱難民金呈
稱各旗營鎮故意稽留潛匿終無生還之日等
語切念用兵之地不幸居近賊巢致子女被掠
流離者不止永定一縣如江西浙江比比有之
而湖廣之衢州府永嘉縣爲甚該縣難民乞食
至京尋覓妻女者不少伏請

敕部通行內外各旗營凡年來得獲子女如有本夫
及父兄親戚識認者給還完聚則歡聲遍野民
生安而和氣集矣一船夫苦累宜均卹也凡官

撫黔奏疏

卷之一

三

兵所過應用船隻夫役在在有之船夫既不能
不用而困苦亦所常計查現行事例大兵由水
路經過將驛站額設船隻夫役應付如不敷將
沿河上下州縣驛站船隻夫役接濟應付如再
不敷僱募夫船應付而僱募支銷未定何項竊
思兵馬駐札所需夫船動以千計驛站之額設
有限而州縣之應付無窮地方有司或因無僱
覓錢糧一旦急于應付封船派夫勢必重累窮
民恐有僱募之名而無僱募之實也似應酌定

欵項以便支銷又定例僱車脚價每車每站給銀一兩繙夫脚價千名以上者每名每站給銀一錢五分每多川夫一百名即多增銀一分至三錢止而民船脚價未會議及但船戶多係窮民守候河干飢寒勞瘁與車戶繙夫無異似應照例量給銀數爲糊口之資至于用兵地方運糧運草運砲等項用夫無算困苦尤甚或奔走彌月或斃於道路民間僱夫之費有一夫而至數十金者哀此災黎其何以堪亦應照例給與

撫黔奏疏

卷之一

吉

脚價俾沾實惠如是則民勞雖不能免而民困亦可少甦矣如臣言不謬伏乞

睿鑒施行

康熙十八年八月二十八日題九月初三日奉旨九卿詹事科道會議具奏

巡撫貴州兼理湖北川東等處地方提督軍務都察院右副都御史臣楊鼎建謹奏爲遵

諭自陳不職事本年八月二十三日准吏部咨到臣跪誦之餘不勝戰慄謹遵

諭自陳臣聞變不虛生必有由名

皇上勵精圖治若此其勤而災異見告此皆臣工奉職無狀所致如臣者糜祿二十餘年尤其溺職之甚者也臣浙江進士初任縣令荷

世祖章皇帝特恩遴選科員康熙四年蒙

撫黔奏疏

卷之一

吉

恩內陞十一年正月復蒙

皇上召用以內陞品級仍補科員歷陞兵部督捕理事官通政使司左右通政十三年六月內爲檢舉事罰俸六個月十四年十二月遇

恩詔加一級十五年正月內爲封進劄格一本議降二級調用遇

恩詔寬免十七年九月陞太僕寺卿十八年正月陞都察院左副都御史二月內奉

命充會試主考官事甫竣奉

旨補授貴州巡撫本年三月內京察自陳奉

旨楊雍建簡任巡撫着赴任供職該部院知道欽此

伏念臣至愚極陋未能免過而磨巖壘重寄材

薄力微不堪勝任邇者身入楚境莫展寸長受

恩深而負

恩實多任職重而溺職愈甚當此地震示儆若不亟

請罷斥竊恐貽悞封疆伏乞

皇上收回

成命另簡賢能則黜陟當而職分安矣謹據實自陳

撫黔奏疏 卷之一

去

臣不勝惶悚待

命之至

康熙十八年八月二十八日奏九月二十三日

奉

旨楊雍建着赴任供職該部知道

巡撫貴州兼理湖北川東等處地方提督軍務都察院右副都御史臣楊雍建謹

題為恭請寬慶賀之典事 臣奉

命撫黔甫入楚境念身在邊陲未能時覲

天顏所有慶賀表章理應隨時具進但臣身在旅邸

規式未備繕寫乏人恐致疎畧有褻

盛典謹據實題明仰祈

睿鑒俯俞一應慶賀表章容臣到黔之後照例恭

進

康熙十八年九月初八日奉

撫黔奏疏

卷之一

去

旨該部議奏

巡撫貴州兼理湖北川東等處地方事務都察院右副御史楊雍建密

題爲亟請設立營制等事竊照各省巡撫俱有額設標兵以爲建威銷萌之具此不但用兵之地爲然也而用兵地方則尤不可省矣臣奉

命撫黔會具疏請募標兵部議以進取雲貴大兵甚多需餉浩繁應俟臣到境地之日將招兵緣由具題到日再議臣亦以開復在即未敢復請但今入楚以來業已數月辰沅之梗塞未開滇黔之負隅如故無由赴任供職切思吳逆煽亂以

撫黔奏疏

卷之一

六

米生靈塗炭凡屬臣子義竊同仇恨不滅此朝食以早紓

皇上南顧之憂臣今標下無兵寸長莫展留滯旅邸坐銷歲月臣竊恥之且天下事臨事而後籌畫不知先時而豫計之爲得也將貴知兵兵貴習將練之於平日乃能用之於一旦如使臣到境之日然後具題請

旨下部再議往返途遙延時日不已遲手黔地依山阻險利用綠旗步兵又苗多民少卽既關之

後應暇未化伏莽易滋必須在在設防守禦犄角聲援始可恃以無恐則額設之兩營尚慮不敷臣不揣愚昧仰請

皇上俯俞准臣卽設營制於原額外再增兵一千五百名分爲三營或陸續召募或就近抽調請

勅部議允臣所請臣雖書生願當一面以勉圖報稱至於標員將領必素悉其材略始可以備調遣所有兩營遊守熊中蘊等已荷

聖恩准臣隨帶其中營之設如蒙

撫黔奏疏

卷之一

九

俞允查前鎮紅旗紀振遠佐領下原任行人王清彥雖以文職挂吏議然饒有智謀心切報効堪補中營遊擊廂紅旗邁思漢佐領下例監滿成貴壯年勇敢堪補中營守備邊疆用人難拘成例伏乞

勅部并議將此二員發至軍前効用庶營制立而臂指備戰守有賴矣仰祈

睿鑒施行

康熙十八年十一月十七日題十二月初六日

奉

旨該部議奏

撫黔奏疏

卷之一

三

巡撫貴州兼理湖北川東等處地方提督軍務都察院右副都御史楊鍾經

題爲請

旨事康熙十八年十一月二十七日准戶部咨開該本部等衙門題覆戶部題前事內開該臣等議得戶部疏稱需用錢糧甚多今內外諸臣有將米豆草束等項價值題請加增者有稱百姓困苦題請蠲緩者有稱百姓困苦條奏賑救者今江南等處災荒又見告矣倘概議不准恐民生不遂有負

撫黔奏疏

卷之一

五

皇上愛養斯民之至意若竟從所請則錢糧愈少軍需不足所需錢糧足與不足豈得不預行籌畫在外督撫身在地方知之必悉如何使百姓不致困苦以足

國用有益兵餉之處俱行陳奏等因奉

旨現今各路大兵需餉浩繁關係重大這本內事情著九卿詹事科道會同確議具奏欽此於十月初一日抄出到部遵查得兵餉關係最爲緊要不得不預行籌畫在外督撫等身在地方錢糧應

生應節之處知之必悉應仍照戶部所議請
勅各督撫如何使百姓不致困苦以足

國用有益兵餉之處務使盡心速議陳奏之日再
議可也等因奉

旨依議欽此欽遵咨行到臣該臣看得錢糧應生應
節之處必身在地方知之詳悉始能籌畫至當
有所裨益今臣尚在常德未到黔省不敢懸揣
寒責以瀆

宸聽容臣到黔之後悉心體訪另疏入

撫黔奏疏 卷之一 圭

告理合據實

題明伏乞

睿鑒施行

康熙十八年十二月十九日題十九年正月十

九日奉

旨該部知道

巡撫劉秉璋湖北東寧縣知縣朱昌緒臣

題為報明丁憂事該臣看得候補主事朱昌緒臣

題帶赴黔之員據呈本年十月十四日聞計伊

親母程氏在籍病故伊係親男例應守制隨令

取具原籍印結去後今據丹徒縣知縣徐煒仁

申稱已取該坊隣佑結狀粘同印結中報本省

在案其印結應俟江南省送部外理合

題報令其守制該員服闋之日應否仍令赴黔補

用或赴部候補合聽部議謹題請

撫黔奏疏 卷之一 圭

吉

康熙十八年十二月十九日題十九年正月十

九日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲

題明事臣自奉

命以來所有陸續奉到

欽部事件理合遵行但臣尚駐常德軍前未得照例

奉行容到黔之後次第完結相應

題明謹題請

旨

康熙十八年十二月十九日題十九年正月十

撫黔奏疏

卷之一

五

九日奉

旨該部知道

題爲

題明事竊照滿漢大兵雲集黔省進取滇南軍供

浩繁非一手所能辦理現今止有潘泉二司及

糧驛一道初因銅仁江口貯有兵米起運思南

故留布政司柯開在彼管理糧驛道勞之辦安

設鎮遠一帶驛站其省城滿漢官兵支放糧餉

暫委按察司李輝祖經管嗣因思南官兵移駐

湄潭江口轉運可停隨檄調布政司赴省該司

撫黔奏疏

卷之一

五

已將倉糧交與銅仁府知府葉樹德於去年十

二月二十二日已至貴陽目下大兵陸續前進

臣在省城督催諸務勢難分身兼顧貴陽以南

安順一帶不可無職大之員綜理糧餉臣卽令

布政司前往安順矣查行糧係糧道職掌其貴

陽以北令參議勞之辨經管一切催徵秋糧採

辦軍糧清查賊遺米穀皆其專責至在省支放

滿漢官兵糧餉仍令按察司李輝祖身任其事

俱經該司道面議承認責成既專則事無推諉

矣理合

題明仰祈

皇上睿鑒施行

康熙十九年正月初十日題奉

旨該部知道

撫黔奏疏

卷之一

三

巡撫貴州兼理湖北川東等處地方提督軍務都察院右副都御史臣楊雍建密

題爲

勅印必需防護衆丁日給無資等事案查各省巡撫

原有護

勅印兵五十名所以尊

綸綍而重關防也其後設有標兵則此五十名者卽

在標兵數內矣臣奉

命撫黔再疏請兵因未到本省境地未蒙准行但臣

佩有

撫黔奏疏

卷之一

三

欽頒 勅印在躬關係匪輕臣既未有標兵而跟隨

衆役又不可省柰自去夏迄今已經九月餘矣

各役日給莫繼枵腹難支紛紛具控一旦嚴疆

開復誰爲賞捧前進合請照例准設護

勅印兵五十名支給糧餉以資扞衛查原任四川巡

撫張德地前至陝西隨帶壯丁准照馬戰兵例

支領糧餉近如雲南撫臣李天浴引例請給護

勅印兵業經該部議准在案臣與例相符伏乞

皇上勅部照例准臣於湖廣布政司支領護

勅印兵糧餉五十分或卽於雲貴督提兩標內分掛
五十分則各役膳養有資而防護不致乏人矣
康熙十九年二月初三日題本月二十四日奉
旨該部議奏

撫黔奏疏

卷之一

无

題爲

巡撫貴州兼理湖北川東等處提督軍務都察院右副都御史臣楊雍建謹
請補賢能道員事該臣看得黔省恢復在卽監司刻
難乏員除糧驛二道業經疏請

勅部推補外查分守平大黔威道彈壓苗民最爲緊
要茲奉大將軍貝勒諭開隨征主事袁時中敏
練勤勞堪補道員合無卽以袁時中補授平大
黔威道庶邊方得諸練能員兼可協理軍供伏
乞

撫黔奏疏

卷之一

无

勅部議覆施行謹題請

旨

康熙十九年三月十一日題本月三十日奉

旨吏部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲黔省開復在即糧驛急需道員伏乞

勅部速行推補事竊照滇黔蕩平在邇嚴疆一復最要緊者無如糧驛矣糧餉出入雖有藩司必藉糧道助理至羽檄星馳驛務孔亟更藉該道專理庶無貽悞在承平之日一官兼理已自有餘今軍務倥偬勢須分任若俟恢復之日題請誠恐稽遲請

勅部將貴州糧驛二道速補催赴軍前庶糧餉有賴

撫黔奏疏

卷之一

三

軍機無悞矣謹題請

旨

康熙十九年二月二十日題三月二十二日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建密

題爲微臣已入黔境營制亟宜設立事臣奉

命撫黔屢疏請設標兵該部議覆俟臣到境之日具題再議在案今已抵境受事則標兵之設正在此時矣現今大兵雲集係各路進剿之師而守禦不可以無備臣標額兵刻不容緩况初復城池皆與賊逼近伏莽易滋在在必須防守兩營兵數實屬不敷伏乞

勅部速議准立三營庶布置得宜而聲援克壯或俟

撫黔奏疏

卷之一

三

大定之後再議裁減可也仰祈

睿鑒施行

康熙十九年五月二十六日題六月二十五日

奉

旨兵部議奏

巡撫貴州兼理湖北川東等處地方提督軍務都察院右副都御史臣楊維禎謹

題爲題明効用武職人員事竊照黔地初復營制

刻難乏員所有兵部効勞候補守備吳訥溫實

雲南武舉楊暉何羹等隨標効力業經咨飭兵

部在案遇缺委用另疏奏報尚有兵部効勞守

備王賓已未科二甲武進士胡紹聘才堪驅策

現在軍前効用容臣一體委授相應一併題明

更有廂藍旗馬如驥佐領下監生周士臣曾題

列文職員內部覆查係蘇喇章京未准以文職

撫黔奏疏

卷之一

三

隨帶查周士年力方壯弓馬熟嫻黔疆用武之

際仍請發至臣標以收臂指之用伏乞

勅部議覆施行

康熙十九年五月二十六日題六月二十五日

奉

旨該部議奏

巡撫貴州兼理湖北川東等處地方提督軍務都察院右副都御史臣楊維禎謹

題爲

請頒黔屬各官印信事竊照黔疆漸次恢復道府州

縣衛所土司各官一切事宜全賴印信爲憑伏

乞

勅部速行鑄造頒發庶號令有徵矣謹題請

旨

康熙十九年五月二十六日題六月二十六日

奉

撫黔奏疏

卷之一

三

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為恭報徵臣入境日期仰祈

睿鑒事黔屬銅仁等郡縣已經恢復臣自常德府間
捷就道於五月二十四日已入銅仁府境內矣
地方經逆賊蹂躪之後田土拋荒人民絕跡凋
殘已極困苦莫甦臣一面廣布

皇仁多方招徠其應行事宜容臣次第入

告外所有入境日期理合

題報謹題請

撫黔奏疏

卷之一

三

吉

康熙十九年五月二十六日題六月二十六日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為補授銅仁守令事黔屬銅仁等府縣已入版

圖撫綏招徠必藉專員所有臣隨帶人員先經
題明量才補用在案今將內閣撰文中書汪世印
擬補銅仁府知府候選卽用知縣胡德輔擬補
銅仁縣知縣一面委令任事訖理合

題報謹題請

吉

康熙十九年五月二十六日題六月二十六日

撫黔奏疏

卷之一

三

吉

旨吏部議奏

奉

巡撫貴州兼理湖北川東等處地方提督軍務都察院右副都御史臣楊雍建謹

題爲查明招撫投誠官兵事該臣看得銅仁一隅
爲紅番出沒之區地方新復城守營制亟宜設
立其協守將領應聽貴州提督臣趙賴題補外
查銅仁原額馬步制兵一千名茲據冊報投誠
兵丁四百六十一名已經補入城守營制現在
分防苗隘偵探艱辛自難枵腹用命乃數月以
來挖蕨採蒿嗷嗷待哺查湖南投誠官兵補入
制營卽照入伍之日請支俸餉相應照例題請

撫黔奏疏

卷之一

奏

伏乞

勅部速爲撥項按日開支以資宿飽其各營馬匹甲
械并請撥給製備除將投誠入伍官兵原冊咨
部外其未足之額仍聽提督臣趙賴轉行該協
守招補足數另冊報部臣謹會同提督臣趙賴
合詞具題仰祈

睿鑒施行

康熙十九年六月初六日題七月初五日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲預籌黔驛馬匹事康熙十九年五月十八日
准兵部咨該臣看得黔驛馬匹經臣具
題部覆係驛站關係最要理應准行儘黔省尚未
恢復預備馬匹糜費錢糧俟一經恢復具
題到日再議在案今銅仁黎平思州思南等府縣
已入版圖雖非盡屬孔道而各鎮營官兵分防
屯聚軍機絡繹况查平溪一驛係楚黔接壤尤
急宜整頓請

撫黔奏疏

卷之一

奏

勅部照臣前疏所請速議再查康熙十年間撫臣佟
鳳彩因貴州驛站皆石山峻嶺上下艱險夫馬
苦累難堪如興隆等站遠至百餘里請於重安
江楊老黃絲盤江江安軟橋等坡添設六站每
站照例設馬五十匹夫二十五名部覆准行在
案臣前疏未經論及今用兵之際羽書旁午必
當循照舊例庶可無誤軍機伏乞

勅部一併議覆施行

康熙十九年六月初六日題七月初六日奉

日該部議奏

撫黔奏疏

卷之一

三

巡撫貴州兼理湖北川東等處地方提督兼務都察院右副御史臣楊維禎謹

題爲

請給關防以專職守事康熙十五年五月十五日據

臣標中軍遊擊管左營事熊中蘊呈稱竊照各省撫標中軍遊擊俱有

欽頒關防一顆所以稽詐僞而察奸宄卑職蒙恩

題授今職於康熙十八年六月間隨至軍前關防

未經請領值今黔省開復應行募兵起餉卑職

職隸中軍軍務攸關錢糧冊籍非關防無以稽

撫黔奏疏

卷之一

三

詐僞塘報文移非關防無以察奸宄合無呈請
俯准

題咨迅賜頒給庶得專職守而軍務有憑矣等因

到臣該臣看得撫標中軍例有關防以重職守

今黔省漸已恢復募兵核餉防僞察奸關防更

不可緩既據該營遊擊熊中蘊呈詳前來相應

題請伏乞

勅部頒給施行謹題請

吉

康熙十九年六月初六日題七月初六日奉
旨該部知道

撫黔奏疏

卷之一

罕

經撫貴州兼理湖廣等處地方提督軍務都察院右副都御史楊建禮
題爲請蠲殘郡本年錢糧以沛

皇仁以固邦本事竊惟吏治兩端日撫字曰催科獨
至初復地方民生顛沛二者不能並行重撫字
則不得不置催科矣今黔屬銅仁黎平思州思
南四府五縣相繼克復悉屬凋殘郡邑臣前在
沅州據各屬所報疾苦情形已經據實籲陳自
入境以來目擊流離繪圖雖盡臣初至銅仁時
但見荒城廢廬絕無人跡多方招徠半月而後

撫黔奏疏

卷之一

罕

間有至城市者類皆鳩形鵠面惟採蕨茹蒿以
延朝夕以臣所見合之所聞如被水被旱凶歲
相連逃兵經過一十九次淫掠焚燬一空如洗
奔逃異境上滿人稀則見於銅仁紳士之呈詞
房倉灰燼田地坵墟各寨苗民採蕨延生苟全
性命耕種尚無牛隻則見於黎平府之詳文賊
兵叠擾居民被害死徙過半春耕盡失又兼旱
魃肆虐水涸源枯則見於思州府之申文去歲
旱魃爲殃又被逃兵蹂躪現今百姓遍山挖蕨

度日苦不堪言則見於思南府之稟報疾病之
呼所在皆是傷心慘目亟待安全臣職在撫綏
不得不爲請命此時休養之道惟有請蠲本年
錢糧以少甦殘喘而已當軍興煩費之際何敢
輕言蠲貸但斯民甫離湯火皮骨僅存卽欲照
例催徵不過徒加敲朴合計銅仁等四府五縣
額徵錢糧不滿二萬納之

公帑數本無多散之窮民澤已大沛我

皇上視民如傷蠲租賑饑每歲不絕卽如江南江西

撫黔奏疏

卷之一

呈

財賦之區積年逋欠有蠲至百餘萬者若此彈
丸之地瘠薄之賦又當瘡痍災肯之餘仰邀

慈惠知必倍厘

宸衷之惻隱也且吳逆橫征暴斂黔民塗炭已經七

載今得復覩

天日喁喁向化望異數之

恩若蠲此數郡錢糧則

仁風遐播無不引領恐後矣伏乞

勅部議覆將銅仁黎平思州思南四府五縣康熙十

九年錢糧

特准蠲免則

皇恩浩蕩而邦本鞏固所關非淺鮮也仰祈

睿鑒施行

康熙十九年六月初六日題七月初六日奉

旨該部議奏

撫黔奏疏

卷之一

呈

巡撫貴州兼理湖北川東等處地方提督軍務都察院右副都御史下楊維建謹

題為請發雜職人員事竊照用兵之地往來奔走
雜職不可乏員現今急需佐理一面以軍前効
勞及投誠堪用委署外伏乞

勅部將考定候補雜員量發二十人赴黔遇缺填補
則庶事無曠矣仰祈

睿鑒施行謹題請

旨

康熙十九年六月初六日題七月初六日奉

撫黔奏疏 卷之一

聖

旨吏部議奏

巡撫貴州兼理湖北川東等處地方提督軍務都察院右副都御史下楊維建密

題為飛報事看得思南逼近賊壤逆氛狂逞據鎮
臣王度冲咨報思南城池緣我兵單賊眾力不
能支於六月二十八日失陷印江勢若累卵等
情臣隨與同城山西提督臣周卜世面商提臣
周卜世已於三十日帶領標兵親往江口應援
一面移咨綏遠將軍湖廣總督臣蔡毓榮及貴
州提臣趙賴迅飭各鎮撥兵恢勦外事關思南
府城失陷情形理合報

撫黔奏疏 卷之一

聖

聞伏乞

皇上睿鑒施行

康熙十九年七月初一日題本月十七日奉

旨兵部速行嚴察議奏

巡撫貴州兼理湖北川東等處地方提督軍務都察院右副都御史臣楊維禎謹

題為據詳

題明事據布政使柯昀按察使李輝祖詳各到臣

該臣看得奉到

欽部事件臣曾疏請到黔之後次第完結

題明在案今新闢地方止有銅仁等府縣未得通

行又大兵雲集各官辦理軍需拮据惶惶難以

依限完結據藩臬兩司具詳前來相應

題明應俟全黔底定之日起限完結伏乞

撫黔奏疏

卷之一

哭

勅部議覆施行

康熙十九年七月初一日題八月初一日奉

旨該部議奏

巡撫貴州兼理湖北川東等處提督軍務都察院右副都御史臣楊維禎謹

題為進剿之期已近撥餉萬難再遲事臣查總理

糧餉臣佛倫等前奏內有大兵至雲南交界供

應之處交與貴州巡撫楊會同雲南督撫料理

之語今進兵時日漸近尚在候

旨未有撥餉如竟束手無措則有悞大兵之供支若

欲勉辦軍需又難為無米之空爰督臣遠在蜀

省雲撫尚未到黔臣以一身而膺重任實竊蚊

負之懼况黔屬新復府縣產米不多征兵分佈

撫黔奏疏

卷之一

哭

競購米糧以供朝夕數月以來搜括無遺是本

地之米已無可採買矣瘠壤人丁寥寥無幾自

思南失守苗民逃竄藏匿山谷惟恐不深是本

地之夫已鮮有應役者矣萬不得已再籲

皇恩勅部速撥就近餉銀數十萬兩解交黔地容臣

於楚屬附近有米有人之地分頭買米懸價募

夫以為大兵自貴陽前進之需但隔屬難於呼

應更請

勅偏撫臣知會該地方官如黔省差員到彼協同採

買母令退糴卽僱用湖南船隻運至鎮遠其水
手工食等費仍照湖南支給之例至於運米人
夫馬省旣已無夫勢必在楚催募但道里遙遠
跋涉艱辛工食脚價比湖南似應加倍庶足鼓
舞方役抑或可以總理糧餉臣早有預撥餉銀其
自鎮遠運至貴陽者不妨多爲儲備使臣至省
城專籌轉運之策是又在

皇上之睿照也伏乞

勅部速議施行

撫黔奏疏

卷之一

哭

康熙十九年七月二十二日題奉

旨該部議奏

巡撫貴州兼理湖北川東等處提督軍務都察院右副御史楊建密
題爲請設黎平城守制營事竊照黔屬漸次恢復
開一府則當設一府之制管雖目下進征大兵
星羅棋布一經前發則城守空虛制營之設斷
不可緩除銅仁營已經會同提督臣趙賴合詞
具題現在候

旨外查黎平一府襟帶靖沅屏障西粵山溪險峻爲
黔東之奧區舊制城守副將一員守備一員千
總二員把總四員馬步額兵七百四十名相應

撫黔奏疏

卷之一

哭

照舊安設其將領官弁應聽提臣另行具題外
所有城守額兵若待召募恐延時日或於內地
就近抽調或於投誠兵內撥補應請

勅部速議再查思州府向未設有營制當此逆氛未
靖防禦宜周合無暫設防兵七百名以一遊擊
一守備領之俟全省底定照舊裁去可也臣謹
會同提督臣趙賴合詞具題仰祈

睿鑒勅部一併議覆施行

康熙十九年七月二十二日題八月十九日奉

旨兵部議奏

撫黔奏疏

卷之一

辛

題爲請

巡撫劉永福湖北川東等處提督軍務都察院右副都御史楊瑞建謹
官事竊照投誠各官應俟全省底定通查彙報但各
官久陷賊巢重贍

天日念切故鄉紛紛具控合無將各官始末訊明存
案除願在軍前者仍留黔省外其願歸本籍者
暫准回籍俟底定之日詳查彙

請

題造冊報部有應錄用之員聽部議覆可也謹題

撫黔奏疏

卷之一

壬

旨

康熙十九年七月二十二日題八月二十一日
奉

旨該部議奏

巡撫劉秉璋湖北川東等處地方提督軍務都統右副都御史楊鍾建密

題為懇恩轉詳起支糧餉以救窮卒以廣

新恩事看得黎平城守制營業經臣會同提臣趙賴

題請設立其額兵七百四十名或於內地抽調

或於投誠兵內撥補現在候

旨外今准提臣咨稱黎平城守將備已部選有人查

該營額兵舊係一千因從前裁去止有七百四

十名目今招回兵丁四百零六名卽令補足七

百四十之數然地方新復苗蠻雜處非照舊額

撫黔奏疏

卷之一

至

一千未足以資防守誠從鞏固巖疆起見合聽

部議以足舊額至官兵糧餉一經入伍自應照

例開支但黔省未有部撥餉銀於何支給籲懇

皇恩勅部速議現今城守制兵糧餉作速酌撥以鼓

勵向化之心使不至枵腹以待其於新復城池

裨益不淺也臣謹會同提督臣趙賴合詞具題

仰祈

睿鑒施行

康熙十九年八月初七日題聞八月初三日奉

旨該部議奏

撫黔奏疏

卷之一

至

巡撫貴州兼理湖北川東等處地方提督軍務都察院右副都御史臣楊雍建謹

題爲

請定隨帶人員委授之法事准吏部咨行到臣隨行
布政司詳議今據布政使司柯鼎詳覆到臣該
臣看得員缺相當之議無非慎重名器之至意
但黔地窮邊瘠壤各官裝糧跋涉勞瘁經年亦
望從優拔用若拘成例中書以同知用貴州同
知止有一缺而隨帶中書現有六人其州同縣
丞貴州並無此缺懸缺以待部銓既有曠時之

撫黔奏疏

卷之一

五

慮數人而候一缺又有難俟之嗟合無准照該
司詳請除相當者照例補授外其餘果有才能
不妨以小銜管大任或照思州知府謝恩綸等
之例先令署事俟三年後再請實授伏乞

勅部議覆施行謹題請

旨

康熙十九年八月初七日題聞八月初五日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲

慶賀大典攸關行間未敢草率再行

題明仰祈

睿鑒事臣於康熙十八年內具有恭請暫寬

慶賀之典一疏禮部議覆准到黔之後照例恭

進在案今臣雖已到黔界但初闢數郡諸事草創

料理軍供日不暇給

慶賀表文尚未能隨時具

撫黔奏疏

卷之一

五

進仰懇

皇恩容俟全黔底定後照例恭

進庶免違悞之愆至黔屬各員皆身在行間催根

價運難覓繕寫之人總俟全省恢復遵例奉行

合併聲明伏乞

皇上勅部議覆施行

康熙十九年八月初七日題聞八月初五日奉

旨該部議奏

巡撫湖北川東等處地方提督都察院右副都御史臣楊雍建謹

題爲

題明委補經歷事准吏部咨該臣看得銅仁黎平

思州三府及銅仁永從二縣知縣黎平思州二

府經歷俱

題授有人其典史吏目無應補之員應咨部銓選

外查銅仁府經歷員缺臣暫將僞經歷蕭成龍

署理應否准其補授抑或聽部另銓伏乞

睿鑒勅部議覆施行

撫黔奏疏

卷之一

奏

康熙十九年八月二十一日題聞八月十六日

奉

旨吏部議奏

巡撫湖北川東等處地方提督都察院右副都御史臣楊雍建謹

題爲請蠲殘卹本年錢糧以沛

皇仁以固邦本事康熙十九年閏八月十一日准戶

部咨該臣看得銅仁思州黎平三府及思南府

屬之印江縣湯火餘黎洞瘡滿目臣是以特疏

請蠲本年正賦部覆以需川錢糧之際仍令設法徵

收臣敢不竭力奉行今據司詳以奉文開徵限

促期迫地荒人逃敲朴難施恐年終不能全完

懇於次年帶徵額詳前來伏乞

撫黔奏疏

卷之一

奏

勅部將康熙十一年本省造報由單查發以便磨對

查二十年由單例應於本年十一月內頒發今

大兵正在進剿又無憑刊造應俟十一年由單

發到於全省底定之日照例刊發庶易遵行其

經徵各員於本省未經恢復之先暫免考成則

黔屬官民共沐

皇仁於無既矣統祈

敕部議覆施行

康熙十九年閏八月二十五日題九月二十二

日奉

旨該部議奏

撫黔奏疏

卷之一

奏

巡撫貴州兼理湖北川東等處地方提督軍務都察院右副御史臣楊維禎謹

題爲驛站錢糧應有動支之款乞速賜題請撥

給以無悞郵傳事該臣看得黔驛馬匹經臣具

題部覆准行捐助在案現今平溪清浪緊要衝站

俟捐馬到日卽應設立大師一進全黔指日恢

復各站次第安設一經設立則芻糗夫役差使

口糧等項錢糧萬不可少更時不可待若候已

闕數府酌徵銀米之內動支哀鴻未集徵比不

前且爲數無幾不敷支應恐馬斃夫逃差使遺

撫黔奏疏

卷之一

奏

悞此該道所以有速請撥給之詳也伏乞

皇上勅部速議酌撥附近現在餉銀以濟驛費又黔

省兵燹以來草料夫役差使口糧應支若干及

楚省協濟站銀無案可稽并祈

勅部將定例查發庶務軍機均有攸賴而錢糧亦有

歸着矣仰祈

睿鑒施行

康熙十九年閏八月廿五日題九月廿二日奉

旨該部議奏

巡撫劉秉璋湖北川東總督楊昌濬都察院右副御史楊鍾建密

題爲徵臣已入黔境營制亟宜設立事看得臣標

營制蒙

恩特准設立三營部議將投誠現食糧餉之兵撥入

如不足另行召募在案臣移咨綏遠將軍湖督

臣蔡毓榮調查去後茲准回咨並無多餘投誠

未經補伍之兵止有投誠總兵劉應龍所帶兵

丁四百零四名等語查此投誠之兵並未支食

糧餉似與部覆不符應否撥歸臣標合聽部議

撫粵奏疏

卷之一

卒

黔疆用武營制未便久懸除臣一面召募造冊

咨部外所有三營將備相應請補案查康熙十

八年四月內臣疏請將熊中蘊周之禮補左右

營遊擊吳嵩宣承昇補左右營守備兵部議覆

該撫標下未准招兵請補遊守之處無庸議奉

旨熊中蘊等俱照該撫所奏准其帶往欽此今既准

設營制仍請以候推先川守備熊中蘊補授左

營遊擊正白旗一等阿達哈哈番周之禮補授

右營遊擊候補功加守備吳嵩補授左營守備

原任京營守備宜承昇補授右營守備均請

勅部給札其中營遊擊現有雲南提標隨征都督食

事吳勝原係投誠食副將俸隨標進征著有勞

績歷經

題敘在案該員諳練營務請以原銜補臣標中營遊

擊管中軍事可收臂指之効其中營守備現有

投誠遊擊李成龍熟諳地形苗民信服前提臣

趙賴將該員

題補銅仁營守備因部推有人未曾錄用以之補

撫粵奏疏

卷之一

卒

授臣標中營守備似屬允當臣謹保題伏乞

勅部議覆至於官兵俸餉既准入伍之日開支應於

何項支給并請

勅部定議行臣遵奉可也

康熙十九年閏八月二十五日題九月二十三

日奉

旨該部議奏

巡撫貴州兼理湖北川東等處地方督軍事務都察院右副都御史臣楊建寧

題爲查明招撫投誠官兵事該臣看得銅仁城守

營額設兵七百四十名投誠入伍兵四百六十

一名又提臣趙賴續撥投誠兵六十二名自歸

附以來蚤已固守城池分防苗隘今准部文官

兵俸餉於文到入伍之日起支其應用錢糧數

目俟臣查明具題再議臣隨行該城守確查

去後茲據詳稱現在兵丁戰守各半分別馬步

共五百二十三名應均於本年閏八月二十六

撫黔奏疏

卷之一

奎

日本文之後准其入伍起支其餘照數募補再

查原額官兵馬匹每年應支俸餉乾銀共一萬

三千五百七十兩五分零所有兵丁花名應用

錢糧細數備造清冊送部查核外伏乞

勅部速議撥給以慰羣望庶新附之衆不致有庚癸

之呼矣臣謹會同貴州提督臣趙賴合詞密

題仰祈

睿鑒施行

康熙十九年九月初七日題奉

旨該部議奏

撫黔奏疏

卷之一

奎

巡撫貴州兼黑北川東等處地方提督軍務都察院右副都御史臣楊鍾建密

題爲衝郡需才甚亟保題能員以辦軍供以整嚴
疆事切照鎮遠一府乃貴州全省門戶地當首
衝今進征在即總理糧餉臣佛倫等將駐茲地
轉運軍需招集人夫供應緩急之間關係軍機
遲速郡守一官必得百鍊長才乃堪勝任臣圖
維再四殊難其人竊意綏遠將軍湖廣總督臣
蔡毓榮現在提師進勦且久處用兵之地所屬
各員必有諳練精勤者因咨請去後續准湖廣

撫駱奏疏

卷之一

查

督臣蔡毓榮咨開鎮遠乃官兵攻取要路誠宜
才能郡守竭力整頓庶兵民相安供辦無悞黃
州衛守備加四級王清遠久在軍前屢著成效
兼之出身科目雖係武職實有兼才合此別無
妥員等因咨送到臣自入楚以來亦習聞其
人前在荊州軍前支放兵餉實心任事勞苦而
功多見今大兵雲集自辰常抵沅轉輸糧餉難
高水迅該員往返督解飛輓爭先此皆已然之
效共見共知者以之委授鎮遠府知府理煩治

劇必有可觀臣非不知武職改文非爲定例但

軍興之際自應破格用人萬一任非其材辦運
無策一有遲悞關係非輕在別府可俟開復之
後始行題補若此首冲要地必當擇人先任使
得預行籌畫蚤收掃蕩之功除一面委令隨師
辦事外臣謹會同湖督臣蔡毓榮合詞保

題伏乞

勅部議覆施行謹密

題請

撫駱奏疏

卷之一

密

旨

康熙十九年九月初七日題十月初四日奉

旨該部議奏

巡撫貴州兼理湖北川東等處地方提督軍務都察院右副御史臣楊建謹

題為報明事康熙十九年九月初六日據布政使司柯鼎詳前事該臣看得印江縣查出賊遺烟硝一千四百七十五觔雖為數無多既係賊遺之物理合申報據該司詳稱烟硝易致消折如振勦各營有缺少火藥者應否准其領用作價送司入黔餉款內支銷相應

題明伏乞

勅部議覆施行

撫黔奏疏

卷之一

審

康熙十九年九月二十五日題十月二十四日

奉

旨該部議奏

巡撫貴州兼理湖北川東等處地方提督軍務都察院右副御史臣楊建謹

題為補授縣令事竊照思南府屬之印江縣員缺查

題帶人員內有候選知縣顧梅江南舉人擬補印江縣知縣銜缺相當今值進勦之際刻難乏員一面委令任事外相應具

題伏乞

勅部議覆施行

康熙十九年九月二十五日題十月二十四日

撫黔奏疏

卷之一

審

奉

旨吏部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲

請補黔省都司以專職守事竊照大兵尅期進剿蕩平在於指顧凡料理軍功文武各員均有職守以專責成查貴州地方設有掌印都司一員操捕都司一員諸如屯糧站夫軍器緝捕等務皆其分職亟借能員勢難緩待若俟開復之後始請補授程途遙遠惟恐後時伏乞

勅部將黔省都司速行推補卽於附近地方揀選能

撫黔奏疏

卷之十

奏

員勒限赴任庶朝聞

命而夕受事公務不致廢弛矣仰祈

睿鑒施行

康熙十九年九月二十五日題十月二十四日

奉

旨兵部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲請

旨事康熙十九年九月十三日據布政使柯昀詳該

臣看得軍興以來籌餉孔亟前准部文將錢糧應生應節之處令各該撫陳奏臣未到黔地不敢懸揣具疏

題明容到黔之後入

告今臣抵銅仁數月以來目擊湯火餘黎疲於奔命

地瘠人稀應生者無可生矣在昔承平無事通

撫黔奏疏

卷之一

奏

省額賦有限多取給於協濟今各路兵馬雲集

需餉更自浩繁應節者又難議節若不預爲籌

畫非所以佐

國計而濟時艱也隨行布政司柯昀確議去後茲

據該司詳覆惟有議開事例捐納本色以濟急

需但黔省僻處天末鎮遠以南舟楫不通羊腸

鳥道線路崎嶇轉輸艱難倍於他省今別省尚

有事例人情未必肯拾近而就遠拾易而就難

合無

請照長沙之例量減十分之二以示鼓勵使急公者
多則收效自倍其即用先用者仍與長沙廣東
捐納之人分缺選用入必樂趨恐後所裨於軍
需者非淺鮮也如蒙

俞允伏乞

勅部將長沙事例抄發到臣於大兵前進之處隨臣
駐劄地方委令布政司收納造冊報部可也仰
祈

睿鑒施行

撫黔奏疏

卷之一

奏

康熙十九年九月二十五日題十月二十四日

奉

旨該部議奏

巡撫貴州理沅州東等處學政長壽軍務都察院右副御史楊維禎

題為捐助大兵糧米事該臣看得大兵赴剿進剿
需餉浩繁自楚南運至銅仁江口灘高水迅轉
輸萬難卽欲稍圖節省鮮有良策今據隨帶人
員鴻臚寺主簿鄒嘉璽捐貲買米一千石自備
脚價運至軍前該員急公之誼有裨軍需洵可
嘉與隨批發布政司轉移糧驛道查收去後據
該道照數驗明取具實收申報前來相應具
題伏乞

撫黔奏疏

卷之一

奏

勅部議敘以示鼓勵可也仰祈

睿鑒施行

康熙十九年九月二十五日題十月二十六日

奉

旨該部議奏

巡撫劉秉璋湖北川東等處地方提督軍務都察院右副都御史臣楊雍建謹

題為恭報微臣赴沅會審日期事准吏部郎中坤

都倫兵部主事格爾忒咨會審姚珩等一案查

官犯現在沅州羈禁應赴沅會審臣隨於九月

二十八日自銅仁府起行前赴沅州會審所有

出境日期理合

題報伏乞

睿鑒施行謹具題

知

摺給奏疏

卷之一

主

康熙十九年九月二十八日題十月二十七日

奉

旨該部知道

巡撫劉秉璋湖北川東等處地方提督軍務都察院右副都御史臣楊雍建謹

題為恭報微臣回署日期事臣於本年九月二十

八日赴沅州會審姚珩等一案茲審理事竣於

十月十五日已抵銅仁所有回署日期理合

題報伏乞

皇上睿鑒施行謹具題

知

康熙十九年十月十七日題十一月十八日奉

旨該部知道

摺給奏疏

卷之一

主

巡撫貴州理湖北川東等處地方提督並都察院右副都御史楊鼎建謹

題爲

題明事案照本年七月間總理糧餉臣佛倫金鉉
與臣會題爲請

旨事因大兵進勦滇黔派夫運米將鎮遠與江口分
作兩路其江口一帶交臣率領貴州各員俟官
兵前進安塘起運奉

旨欽遵在案臣於九月二十八日因會審赴沅十月
十五日仍返銅仁正在催趲人夫分派各員齊
撫黔奏疏 卷之一 圭

集江口聽候晚運間十八日准總理糧餉臣佛
倫等移咨始知鎮遠克復之信此真

皇上威德遠播所致嗣聞旬日之間師抵貴陽臣有
撫綏招徠之責應從鎮遠前發隨令按察使司
李輝祖糧驛道叅議勞之辨等星赴軍前料理
驛遞諸務其江口儲備之米暫留布政使司柯
問安站起運臣卽於十月二十五日自銅仁起
行十一月初一日已抵鎮遠現在兼程赴省所
有赴省緣由相應

題明仰祈

睿鑒施行

康熙十九年十一月初三日題十二月初九日
奉

旨該部知道

撫黔奏疏

卷之一

圭

巡撫貴州兼理湖北川東等處地方提督軍務都察院右副都御史臣楊雍建謹

題為緊急軍需事康熙十九年十一月十二日准

總理糧餉內閣學士臣佛倫等咨前事內開今

大兵照順治十五年例喂養馬匹一月前進本

關部所請餉銀倘有不敷支給之處即動用貴

院所請餉銀難以遲悞為此合咨前去煩為查

照施行等因到臣該臣看得大兵雲集貴陽養

馬一月即行前進前奉部撥餉銀十五萬兩現

今採辦糧米支給城守制兵月餉尚在不敷茲

撫黔奏疏

卷之一

七

准總理糧餉臣佛倫等咨會前來軍需萬緊不

得不通融支給相應亟請伏乞

勅部速議於附近省分先撥餉銀三十萬兩勒限於

本年十二月內解赴貴陽以濟支放再祈撥發

五十萬兩於康熙二十年正月內解至黔省庶

餉銀不致中斷而軍需攸賴矣仰祈

睿鑒施行

康熙十九年十一月 日密題奉

青

巡撫貴州兼理湖北川東等處地方提督軍務都察院右副都御史臣楊雍建謹

題為委授衛所各員事竊照黔屬地方次第恢復

凡料理驛站徵收屯糧衛所守備千總刻難乏

員所有隨征諸弁先經咨

題在案相應量才委用除一面先令任事外理合

列名具

題仰祈

勅部議覆施行

胡紹鼎浙江武進士今擬補貴州衛守備

撫黔奏疏

卷之一

七

王賓雲南武舉候推守備今擬補安南衛

守備

楊暉雲南武舉考授守備今擬補赤水衛

守備

伍九爾江西提標撫州營功加守備裁缺今

擬補敷勇衛守備

何羹雲南武舉考授守備今擬補威清衛

守備

吳訥雲南武舉考授守備今擬補新添衛

守備

溫 實雲南武舉考授守備今擬補平壩衛
守備

丘 衍浙江人將材出身今擬補興隆衛守
備

裴袞錫江南武生今擬補濯靈守禦所千總
康熙十九年十一月二十二日題十二月二十
七日奉

旨兵部議奏

撫黔奏疏

卷之一

美

巡撫貴州兼理湖北川東等處地方提督雲南都察院右副御史臣楊建緒

題爲

請留重臣彈壓新復地方事竊照貴陽地居邊徼崇
山深箐苗蠻雜處伏莽易滋仰伏

皇上威靈渠逆敗遁恢復城池但黔西之餘孽未消
遵義之遊氛接壤在在皆須防禦查城守營兵
甫在招集額尚未充臣標制兵新經召募數猶
未足督臣遠在川省提臣進取滇南今大兵喂
馬一月卽行前進滇南則遵義之賊防其剽突

撫黔奏疏

卷之一

差

兵進遵義則滇南之寇又慮其鳴張省會空虛
周防宜預未雨綢繆必得重臣以資彈壓若從
他處調遣既需時日又糜糗糧不如就近留守
有濟机宜查內大臣和碩額駙石和善臣雖素
未相識然聞其前在江南時保障疆圉輿情感
頌有果敢任事之氣真實愛民之心且其資力
足以贍士卒丁壯足以充扞衛今現在貴陽以
之留鎮彈壓地方於八旗每佐領下抽撥甲兵
二三名令其統攝則黔省可弭意外之虞而苗

民亦有長城之恃俟事平之日再議裁撤可也
石和善係內大臣非臣分所常擅請但從封疆
起見故敢冒昧直陳仰祈

皇上勅部速議施行

康熙十九年十一月 日密題奉

旨知道了該部知道

撫黔奏疏

卷之一

奏

巡撫貴州兼理湖北川東等處地方提督兼移都察院右副都御史臣楊建寧

題為亟請撥解餉銀以濟燃眉事康熙十九年十

一月十五日據貴州布政使柯鵬詳前事該臣

看得大兵已抵貴陽滇南餘孽掃除在即自貴

陽至雲南交界供應之處現在籌畫但滿漢兵

馬雲集需餉浩繁又查本省制兵歲餉銀五十

七萬餘兩口糧十萬餘石向係別省接濟現今

安籠大定黔西威寧四鎮俱已設立其餘城守

各營亦次第募補前所撥餉銀十五萬兩本月

撫黔奏疏

卷之一

奏

十二日准糧餉臣佛倫等咨商通融支給為大

兵養馬草料之用臣於十三日為緊急軍需事

疏內

題明請於附近省分先撥餉銀三十萬兩勒限本

年十二月內解赴貴陽再祈撥發五十萬兩於

康熙二十年正月內解到此皆目前急需萬難

稍緩必得如期而至乃可無悞軍需今據該司

詳請酌撥前來理合再為

題請伏祈

皇上勅部速議撥發施行

康熙十九年十二月初二日題二十年正月初

五日奉

旨該部議奏

撫陽奏疏

卷之一

全

巡撫劉世明湖北山東等處學政都察院右副都御史楊鼎建謹

題為報丁父憂事准浙江督臣李之芳咨等因到

臣該臣看得銅仁府署知府沈鈐生首先投誠

隨奉綏遠將軍湖督蔡毓榮委令照舊管事乃

鈐生親父沈嗣駿在籍病故本年三月二十九

日間計據報丁憂又經督臣蔡毓榮移行原籍

查明取結並無過繼違碍情節查伊父沈嗣駿

於康熙十四年十月二十二日在籍病故雖時

日已久但人子至情例應准其回籍守制茲准

撫陽奏疏

卷之一

全

浙江督臣李之芳移咨前來除將印結送部外

理合

題報伏祈

睿鑒施行

康熙十九年十二月初二日題二十年正月三

十日奉

旨吏部知道

巡撫貴州兼理湖北川東等處地方提督兼務都察院右副都御史臣楊鼎建謹

題爲亟請銓補學道以廣

聖化事竊惟安民莫先於治士齊武尤貴於修文念

茲黔省地方被吳逆盤踞以來阻隔

聲教已經七載今貴陽等郡一旦恢復正士民望

澤之時百度維新之日也查黔省舊制設有學道

一員不特爲

國掄才且藉以鈐束士子俾無抗拒阻糧差等弊况

今軍興之際勸諭尤爲急務則學道一官就不

撫黔奏疏

卷之一

全

可一日缺員也請乞

勅部速行銓補貴州學道勒限赴任庶邊方士子均

得蚤沾

聖化矣仰祈

睿鑒施行

康熙十九年十二月初二日題二十年二月初

二日奉

旨該部議奏

巡撫貴州兼理湖北川東等處地方提督兼務都察院右副都御史臣楊鼎建謹

題爲請申復業之令併禁力役之煩以沛

皇仁以蘇民困事竊惟貴州地方向來土瘠民稀慘

遭吳逆蹂躪之餘自鎮遠以上數百里人烟斷

絕而貴陽省會之區凋殘尤甚百姓流離失所

其繪圖難盡也當恢復之初征南將軍穆占目

擊苗民疾苦啟請貝子鈐束兵弁禁止擾掠殘

民漸有起色臣自抵省以來亦復多方招徠然

而哀鴻之聚散不常去來無定蓋因素居城郭

撫黔奏疏

卷之一

全

者既無房屋棲身其遠處鄉寨者又苦過往兵

丁滋擾是以安民之令不止再三而畏避山箐

未盡復業至夫役一項爲累更甚如轉運糧草

損糧餉鞘跋涉崎嶇用夫無算乃至砲火軍裝

亦煩民力更有沿途撲捉挑送行李者雖屢行

飭禁罔知顧忌湯火子遺何堪奔命日今滿漢

大兵進滇在邇辦糧納賦各項差徭無一不資

於民若不亟爲招集則目前之軍需恐悞而來

歲之額賦何徵休養之法誠不可不亟講也查

貴陽城尚有未燬民房應卽復業其已經灰燼者量減差徭使得經營構造其貴陽南北一帶大路民有新經招集者亦唯量免徭役至應付夫役除運送糧餉自應急公外其餘軍裝等項應着營丁自運不得濫用民夫至若過往兵丁尤不許擅拉人夫挑送行李有故違者立行拏究並領兵將弁一併叅

奏伏懇

天語勅下各營鎮一體遵奉庶民困少蘇而

撫黔奏疏

卷之一

金

皇仁普被矣仰祈

勅部議覆施行

康熙十九年十二月初二日題二十年二月初

七日奉

旨該部議奏

經撫貴州兼理湖北川東等處地方提督軍務都察院右副都御史楊雍建謹

題爲地方新入版圖亟酌催科之法以救殘黎事竊照貴州一省久被吳逆蹂躪間錢糧則橫征暴斂百計誅求問徭役則力盡肉枯僅存皮骨迫逆黨奔竄之時又復擄掠資財焚燬房屋以致百姓流離失所控訴無門幸賴我皇上威靈遠播業已恢復黔疆乃百姓脫離湯火獲解倒懸之日也臣奉

命撫黔首以安民爲急務自入境以來處處宣布

撫黔奏疏

卷之一

金

朝廷德意招徠殘黎不遺餘力唯今大兵進剿之時一切供億恐後若不酌議催徵則軍需易竭若催科太急則民命難堪臣是以總總過計夙夜靡寧案查本年六月內具有請蠲殘郡本年錢糧一疏又於本年閏八月內疏請將銅仁思州黎平三府及思南府屬之印江縣本年未完錢糧悉於次年帶徵迄今尚未接准部文是臣之兩次

題疏已經上瀆

宸聰矣今鎮遠平越貴陽安順等府及所屬各州縣
衛所在於本年十月內甫入版圖所有本年額
徵錢糧若不分別先後槩責全徵恐致民逃土
荒將何以濟軍需而裕

國計乎臣查貴州全省錢糧每歲額徵無多與其
急事追徵在公家不過涓滴之一助苟若少留
餘力在小民卽沾浩蕩之

皇仁合無將鎮遠平越貴陽安順等府及所屬各州
縣衛所本年錢糧分別先後或以大兵臨省之

撫黔奏疏 卷之一 全

日爲始或照康熙十九年分額徵數目量徵一
半以彰

朝廷嘉惠殘黎之至意猶慮窮民不能如期完納或
照臣前

題銅仁思州黎平等府次年帶徵之

請俾民力少寬而軍需

國計均有攸賴矣臣於本年十一月十一日抵貴
陽閱歷地方情形凋殘至極不得不爲民請

命仰祈

府鑒勅部速議施行

康熙十九年十二月初二日題二十年二月初
七日奉

旨該部議奏

撫黔奏疏 卷之一 全

巡撫貴州兼理湖北川東等處地方提督軍務都察院右副都御史楊璠謹

題為

題明投誠官員事據偽根道查函偽總兵周強呈
各到臣該臣看得原任雲南晉寧州知州查函
原任貴州平越營遊擊周強向陷賊中雖授偽
職聞大兵入黔即於廣西密謀反正帶領弁兵
間道來歸與

王師歷境投誠者不同相應具

題聽部議覆除偽印札已繳大將軍貝子榮祿外

撫黔奏疏

卷之一

全

仰祈

睿鑒施行

康熙十九年十二月初七日題二十年正月初

十日奉

旨該部議奏

巡撫貴州兼理湖北川東等處地方提督軍務都察院右副都御史楊璠謹

題為惡奴隱匿印疏拐帶人口伏乞嚴題審究以

正

國法事據貴州按察使李輝祖詳稱康熙十九年
十一月十四日奉本都院批據監生羅四輔呈
前事等因到竽該臣看得栢紫以惡奴而背主
情尚可原託密疏而潛藏法所難貫但事關重
案不厭詳慎除一面駁行按察司李輝祖確審
招報外惟查原任四川巡撫羅森身陷逆境於

撫黔奏疏

卷之一

全

本年二月初一日以密疏密報印布等件泣付

栢紫赴川通誠竟被沉匿繼以五月內通誠一

疏現有川督回咨可據是羅森一腔報

國之苦心似不容氓滅者也其密疏密報印布等

件送部查核外理合據詳

題報伏祈

睿鑒勅部議覆施行

康熙十九年十二月初七日題二十年正月二

十一日奉

旨該部議奏

撫黔奏疏

卷之一

七

巡撫貴州兼理湖北川東等處地方提督軍務都察院右副御史臣楊鼎建謹

題爲急請補授要地道員以資彈壓事康熙十九年十二月初三日准綏遠將軍湖廣督臣蔡毓榮咨會到臣該臣看得平大黔威四府境多烏羅俗尚強悍素係苗蠻巢穴乃黔省肘腋要區也舊制設有巡道一員以資彈壓目今平遠一府雖新復版圖而黔西大定威寧尚爲逆賊吳應期等盤踞苗民未出湯火莫不引領

王師亟藉諸練能員隨師招徠况正在進征之際

撫黔奏疏

卷之一

七

兵馬雲屯軍需萬緊一切採辦供億尤必得人綜理方克有濟查湖廣荊州府江防理事同知捐納應陞知府先用王效宗才堪肆應滿漢兼通久在軍前允稱諸練臣等因緊急地方急切需人卽將王效宗委補平大黔威道令其親赴平遠宣諭招徠料理軍供外伏乞

皇上俯念巖疆重地

特允所請以鼓勵任事之心庶軍機苗情均有攸賴且以卽陞知府之人補要地道員人地相宜如

懸缺以候部選恐悞事機臣謹會同級遠將軍

督臣蔡毓榮合詞保

題仰祈

睿鑒勅部議覆施行

康熙十九年十二月初七日題二十年二月初

二日奉

旨吏部議奏

撫黔奏疏

卷之一

奎

巡撫貴州兼理湖北川東等處地方提督軍務都察院右副都御史臣楊雍建謹

題爲

請補黔省缺員事竊照貴州知府以下等官吏部議

覆准臣於隨帶人員內量才

題補在案查隨帶各員除丁憂三員病故三員未

到軍前者五員現在三十七員已經先後

請補矣今地方開復隨帶各員尚不敷用不得不以

軍前効用及投誠之員暫行委署所有石阡安

順二府知府永寧州知州婺川清平二縣知縣

撫黔奏疏

卷之一

奎

布政司照磨按察司經歷都司經歷以下各府

衛經歷州吏目縣典史長官司吏目等缺皆有

缺無人臣暫行委署近准部咨停止保題之例

前項各員雖經委署但非部發人員臣仰遵

功令不敢列名具

題軍務俗僚各員既無

題補之望無復踴躍任事誠恐諸事廢弛伏乞

勅部將石阡安順永寧婺川清平各守令及首領雜

職等官按缺速行銓補勒限赴任有遲誤者嚴

加處分倘蒙

睿慈念此日黔疆非他省可比部選之人一時又未能即到准將暫委之員署印容臣列名

題請聽部議補更不至懸缺以待致有叢脞之虞

也并祈

勅部議覆施行

康熙十九年十二月初十日題二十年二月初

四日奉

旨該部議奏

撫黔奏疏

卷之一

七

巡撫貴州兼理湖北川東等處地方提督吳勝李成龍等奏

題為微臣已入黔境營制亟宜設立事康熙十九

年十二月二十四日准兵部密咨前事該臣看

得臣標中營遊擊守備員缺以隨征都督僉事

吳勝投誠遊擊李成龍保

題補授部覆准從行臣將吳勝等履歷查明具

題到日再議奉

旨欽遵在案今將吳勝李成龍履歷造冊送部外伏

乞

撫黔奏疏

卷之一

七

勅部議覆給劄俾其任事再查投誠總兵劉應龍所

帶兵丁四百零四名准歸臣標但此項兵丁先

准提督臣趙賴咨送除汰老弱并歸農安插外

實在止一百七十一名因銅仁城守制兵缺額

業於康熙十九年九月內撥入該營差操訖臣

標兵丁自另行招募矣相應一併聲明仰祈

皇上睿鑒施行

康熙十九年十二月初十日題二十年二月初

七日奉

旨該部議奏

撫黔奏疏卷之一終

巡撫貴州兼理湖北川東等處地方提督軍務都察院右副都御史臣楊雍建謹

題爲詳請

題明暫停鄉試事據布政使柯鼎詳前事該臣看

得賓典

大典固宜按期舉行而軍務孔殷尤當從權酌緩茲

屆康熙二十年辛酉科鄉試之期正多士觀光

之日但今平遠等府尚事恢勦軍興旁午刻無

寧畧况僞時考取諸生必須查核學道雖經

題請銓補未能卽到卽使星速赴黔然爲期促迫

撫黔奏疏 卷之二

亦不遑遍行考較至如修理貢院以及供給諸

費更糜

帑金現今軍需浩繁似未暇舉行文事合無請乞

睿裁俯准暫停黔省今年鄉試展期於壬戌之秋庶

得從容從事而

大典有光矣既據該司詳請前來理合具

題伏乞

勅部議覆施行

康熙十九年十二月初十日題二十年二月十

六日奉

旨該部議奏

撫黔奏疏

卷之二

二

巡撫貴州兼理湖北等處地方提督都察院右副都御史臣楊維禎謹

題爲確查實在兵馬事康熙十九年十二月初十日准戶部咨前事該臣查得貴州省撫鎮各標官兵馬匹舊額經制開載俸餉等項每年該銀肆十九萬九千八百餘兩此康熙十一年分之實數也臣抵省以來卽應造冊

請撥祇因恢復之初營制未定卽如臣標三營現在名補陸續充伍分別馬步戰守另冊咨部再如安龍大定黔西威寧四鎮雖經奉

撫黔奏疏

卷之二

三

旨各設總兵官一員而各鎮所帶兵馬尚在援勦進征之數未便列爲留黔守汛之兵也今平遠雖經投誠而大黔威尙未開復至於各城守汛兵馬有經名補足額者亦有缺額一面調補者參差不一碍難造冊臣查兵馬錢糧例由藩司造冊絲毫不容混冒今布政使柯鵬尙在銅仁江口管理糧運相隔道遠一時未得備造清冊轉盼新春兵餉孔亟臣約畧現在領餉之兵有增無減而黔省舊設之營均應補額所有康熙二

十年貴州撫鎮各標兵馬錢糧合無

請照康熙十一年舊額酌撥接濟容臣查核實在數

目另行題報倘有不足再

請找撥庶兵餉不致愆期而錢糧亦免涸竭矣事關

撥餉重務既准部咨理合

題明伏祈

睿鑒勅部速議施行

康熙十九年十二月十五日題

撫黔奏疏

卷之二

四

巡撫貴州兼理湖北川東等處地方提督兼務都察院右副都御史臣楊雍建謹

題為請

查事康熙十九年十二月初一日准偏沅撫臣韓世

琦題前事移揭到臣該臣看得滿漢大兵糧餉

向係偏沅撫臣經手支放今大兵已抵貴陽偏

沅撫臣議將各官兵每月應支糧餉廩鹽等項

銀兩交臣就近查核供支已經具

題臣查八旗官兵需餉不貲綠旗各督提鎮官兵

共計二十八標營其本年十一月十二月准偏撫

撫黔奏疏

卷之二

五

臣移交銀兩臣不過據領掛發仍應聽偏撫

報銷以清欸項外所有康熙二十年分每月所需糧

餉自應扣算明白預

請撥發但今地方初闢軍務倥傯各標營有分駐貴

州各汛者有前進雲南交界者若必一一查

確數前後

題請為期促迫必至遲誤是以臣前疏

請撥兵餉亦止舉其大概茲准偏撫移揭前來相應

具

題伏乞

勅部將康熙二十年滿漢大兵糧餉廩鹽等項照十九年湖南協餉之數撥發勒限解交貴陽臣一面先據冊領掛發一面查核實數造冊題報俟大兵進滇之日如有餘銀交與雲南撫臣照例就近查核供支可也仰祈
睿鑒勅部速議施行

康熙十九年十二月十五日題

撫黔奏疏

卷之二

六

巡撫貴州兼理湖北川東等處地方提督軍務都察院右副御史臣楊雍建謹

題為敬奉事康熙十九年十二月十一日據貴州按察使李輝祖詳前事該臣看得貴陽初復得獲偽印九十一顆偽銅品級山十八塊奉大將軍貝子諭發查看銷錄隨行按察司查議去後今據司詳除銅山應卽銷燬不議外查偽印例應解部銷燬但今驛遞煩苦似應於本地銷銷且將來投誠繳印甚多若一槩解運不無糜費錢糧嗣後有呈繳偽將軍銀印及大帥印者仍照例解部其道鎮府以下偽印飭令地方官查銷仍將銷過銅劬數目報部查考可也伏乞
勅部議覆施行

康熙十九年十二月二十二日題

撫黔奏疏

卷之二

七

巡撫貴州兼理湖北川東等處地方提督軍務都察院右副都御史臣楊建德謹

題爲請定營兵額數以固嚴疆事康熙十九年十

二月十二日據臣標左營遊擊熊中蘊等詳前

事該臣看得臣標營制蒙

恩准設三營現今召募充伍而每營兵數尚未有定

額黔省阻山負險地連川粵餘孽未消若照腹

地每營止設七百五十名征調不敷似非添設

三營之意

請照偏沅撫標之例每營設兵一千名庶可用資彈

撫縣奏疏

卷之二

八

歷且撫標之兵不同城守更

請定爲馬二步八戰七守三之制則防禦有賴矣至

於馬匹甲械爲營中急需並祈酌撥錢糧以便

購造據三營遊守熊中蘊等具詳前來相應

題請伏乞

勅部議覆施行

康熙十九年十二月二十二日題

巡撫貴州兼理湖北川東等處地方提督軍務都察院右副都御史臣楊建德密

題爲軍需供應浩繁殘疆支給立匱謹陳萬難情

形仰祈

睿鑒事切照滿漢大兵進勦滇南雲集黔省師行糧

從爲目今第一急務持籌而議者曰清查遺糧

也塘運楚米也催征秋糧也就近採買也經學

士佛倫等之規畫及臣之行催凡可稍佐軍糧

者亦旣不遺餘力矣從前計議大兵喂馬一月

卽行前進從貴陽起行裹糧半月又慮盤江轉

撫縣奏疏

卷之二

九

運艱難於安順府預備米三千餘石俟大兵到

彼再行裹帶便可直抵滇南計日供支可無缺

乏不意平遠有警遂停進滇之師征南將軍穆

占貴提趙賴於歲前進兵恢勦綏遠將軍蔡毓

榮亦於正月初四日前赴安順已將府倉儲備

行糧三千餘石支給無存貴陽南北在在皆有

重兵每月約需糧二萬三千餘石急若燃眉黔

省所屬福小素少蓋藏原非可以久駐大兵之

地自恢復以來供應三月賦遺糧米數本無多

業已支盡矣以拊運言之自鎮遠至貴陽卽令如數轉運每日二百五十石每月七千五百石尚不足供官兵三分之一而孔道路艱險又搬運日久湖南夫力疲憊現調湖北人夫轉運其現在之夫檄行各該處照數更換學士臣佛倫等具題請

旨是則目下楚米又難如期接濟矣以秋糧言之恢復之期在十九年十月苗民當吳逆變亂之後逃亡死徙十室九空其僅存者又鳩形鵠面採撫黔奏疏 卷之二 十

高度日身無完衣雖竭力催徵不能完納則紙上之虛數難濟實用矣至於採買一項雖檄行各司道分遞辦理搜括已竭總因出產有限米日少而價日增所得無幾疊准雲南提臣桑祿稱安南之米先市價每石二兩四五錢目今騰貴至四五兩不等且竟無米買等語又奉大將軍貝子章泰論開據總兵白成功啓稱安南古稱不毛百物騰貴彼地米賣五錢一斗竟無處覓買等語又准征南將軍穆占等咨稱平遠

地方褊小皆險山危路苗子阿五之處三年並未耕種不能得米四面搜尋不出等語則是採買之難到處皆然臣目覩情形日接各屬呼籲之詞不禁心胆俱裂除一面催運楚米及嚴檄司糧各官徵收秋糧并不限定價值覓買接濟外誠恐米糧稀少縱有銀兩無從採辦勢必貽誤軍需臣籌畫無能自當席藁待罪亟

請處分但此萬難情狀不得不先籲於

君父之前伏念黔地狹隘駐兵衆多勢難曠日持久

撫黔奏疏 卷之二 十一

今征南將軍賴塔已克取安籠自必直取滇疆四川總兵官王用予現在進勦遵義貴州止平遠等四府未入版圖釜底游魂諒亦不難底定乃今兵多糧少地瘠民貧多方備辦未足以資飽騰似當急議變通之法其滿洲大兵臣不敢輕議去畱外查綠旗官兵現住黔省數萬有餘合無請

敕大將軍將軍等從長速議量撤萬餘或回本標或暫駐湖南辰沅之間因地就食使聲息可通調

遣亦易似於兵威無損而亦可節省錢糧於萬
一臣不避斧鉞冒昧陳

請緣係軍精萬難事理仰祈

睿鑒俯賜全覽施行

康熙二十年正月二十六日題二月初十日奉
旨該部議奏

撫黔奏疏

卷之二

主

巡撫貴州兼理湖北川東等處地方提督兼都察院右副都御史臣楊雍建密

題爲再疏請留重臣事康熙十九年十一月臣具

有請留重臣彈壓新復地方事一疏因貴陽初

闢伏莽易滋餘孽未靖大兵前進省會空虛請

留和碩額駙石和善駐防彈壓原從地方起見

迄今尚未奉有

諭旨今大將軍貝子章泰等於正月二十五日起行

前進貴陽留守必須得人庶幾兵民相安臣以

爲非石和善不足以慰輿情也查貴陽城市貿

撫黔奏疏

卷之二

主

易之輩江南流寓者居多感和善舊時駐鎮之

恩稱道弗置黔地苗民所共知茲聞和善將隨

師進勦紛紛呈請冀得留鎮羣情迫切似宜俯

從卽今軍需緊急米價騰湧辦理行糧正在萬

難之際和善慷慨籌畫大有急公之心與之同

事不惟疆圉攸賴更足共濟時艱事關封疆臣

謹會同提督臣趙賴合詞題請伏乞

睿鑒施行

康熙二十年正月二十六日題二月十一日奉

旨已有旨了該部知道

撫黔奏疏

卷之二

五

題爲楚米遽難停運亟請

巡撫貴州兼理湖北川東等處地方提督軍務都察院右副都御史臣楊璽建密

天語重頒以免貽誤軍糈事竊照貴州地方苗多民少恢復之初人民尚匿深箐徵派夫糧俱在萬難目今滿漢大兵駐劄省城貴陽南北各路每月需米二萬餘石雖今歲薄有收成但地方褊小出產無幾支給不敷所恃楚米運送以資宿飽查自鎮遠以至貴陽設立四塘每塘用夫五百名每夫日運米五斗每日該米二百五十石

撫黔奏疏

卷之二

五

前經會題奉

旨欽遵在案今大兵已抵貴陽安塘起運一月以來運到省城者不過千石初因師行神速塘運未到所有賊遺米穀已經各營官兵自行支放現在確查另報其本年分秋糧偽逆橫徵民間早已完納及發銀召買百姓又紛紛苦訴咸稱米窖倉房悉被劫搶無存等語臣惟大兵養馬一月卽行前進爲期已迫是以抵省後卽檄行各員親自下鄉勸諭苗民上納糧草更分途採買

無如黔米有限黔民有限竭力督催尚鮮就緒
是楚米輓運實爲目前急需未可遽議停止也
本月十七日准總理糧餉學士佛倫等咨商停
止楚運糧米固爲節省錢糧起見微臣豈無同
心但征兵雲集黔米難以立辦楚運雖少力行
不斷猶堪接濟一旦遽行停止軍糈告缺恐悞
機宜是欲節省而反致糜費也伏祈

天語勅下偏沅撫臣韓世琦仍遵前

旨飭催塘站各員源源運濟臣一面殫心備辦俟黔

撫黔奏疏

卷之二

六

省稍有積聚卽議停運可也伏祈

序鑒勅部速議施行

康熙二十年二月初三日題四月初一日奉

旨該部知道

巡撫貴州兼理湖北川東等處地方提督兼都察院右副御史臣楊雍建謹
題爲清查賊遺銅鉛事康熙十九年十二月十二
日據按察使李輝祖申前事該臣看得永寧州
報有賊遺銅鉛以未開明飭數駁行按察司確
查去後今據該司申據該州報稱紅銅大小三
百七十八塊共計六千五百四十二觔倭鉛厚
薄一百七十五磚共計二千六百五十七觔稱
明收貯臣覆核無異相應

題報伏乞

撫黔奏疏

卷之二

七

勅部查照施行

康熙二十年二月初八日題三月十五日奉

旨該部議奏

巡撫荆襄湖北川東等處地方提督都察院右副御史臣楊鍾建謹

題爲報明賊遺砲位藥鉛事康熙十九年十一月

十六日奉定遠平寇大將軍固山貝子諭開一

得貴陽府南門樓子上有車鐵紅寬砲三個銅

紅寬砲一個有架子銅砲四個牛腿砲三個空

車兩個火藥二百二十桶錫二十五塊北門有

鐵紅寬砲一個東門角上有火藥七十桶火箭

三十四桶硝二十桶硫磺二十桶可照此數收

訖等因到臣奉此隨行臣標左營遊擊熊中蘊

撫黔奏疏

卷之二

六

逐一查明收貯去後據該遊擊報稱遵奉王諭

發查砲位等項計大小銅鐵砲位十二個錫二

十五塊計六百四十觔火箭三十四桶硝二十

桶計一千觔硫磺二十桶計一千三百八十觔

火藥二百九十桶計八千七百觔臣覆核無異

卽令該營收貯備用官兵現在進剿與賊對壘

需用火藥節操各標營具領支用照數給發俟

彙冊另行報部外所有賊遺砲位藥鉛數目相

應

題報仰祈

睿鑒勅部查照施行

康熙二十年二月初八日題三月十六日奉

旨該部議奏

撫黔奏疏

卷之二

五

巡撫貴州兼理湖北川東等處地方提督事務都察院右副御史臣楊雍建疏

題爲重修鐵索橋梁事康熙二十年二月初十日

奉定遠平寇大將軍固山貝子論開本大將軍統領大兵至鐵索橋看得雖搭浮橋水小之時尚可以渡若水大之時則萬萬不可今征勦雲南大兵已經前進軍機事務轉運糧餉皆由此路往來關係甚要有原舊鐵索六根該撫奏

請動正項錢糧速速修理其橋上之房緩修可也等因到臣該臣看得盤江中流一線兩壁陡懸山

撫黔奏疏

卷之二

辛

高水迅向稱天險乃川蜀之分道滇黔之咽喉舊設鐵索橋所以通往來而控形勝也去年十月間逆賊自省敗遁焚燬橋梁幸仗

皇上天威方冬水涸官兵從浮橋而渡直抵安南繼慮春水汎漲浮橋難恃臣隨檄行該地方官備造船隻擺設舊渡口以利軍行目下大兵已經前進但水勢漸發渡船亦非可常用一應馳遞軍機轉輸餉鞘所關甚重大將軍貝子目擊情形是以有重修鐵索橋之論似不可緩者也查

舊存鐵索止有六根今若查照原式重新構造

既非旦夕可以竣工又備辦物料僱募匠役需

費浩繁應支何項錢糧不得不預

請撥給除一面行糧驛道從實估計酌議舉行外相

應具

題伏乞

勅部速議施行

康熙二十年二月十三日題三月十七日奉

旨該部議奏

撫黔奏疏

卷之二

壬

巡撫貴州兼理湖北川東等處地方提督兼都察院右副都御史臣楊雍建謹

奏為恭謝

天恩事康熙二十年二月初七日准吏部咨為預籌
黔驛馬匹事內開計職名單一紙捐馬二十四
匹者貴州巡撫楊雍建應於現任內加三級等
因咨移到臣欽此伏念臣因黔驛初設馬匹稀
少馳遞軍機關係緊要既開捐馬之例自應勉
勉急公故將騎坐馬匹率先捐助此臣分所當
然何敢妄希夫

撫黔奏疏

卷之二

三

榮寵乃蒙

皇恩俯允部議加臣三級臣望

關叩頭感愧交集惟有竭力前驅勉圖報効而已臣

曷勝感戴惶悚之至為此具本謹具奏

聞

康熙二十年二月十三日奏三月十九日奉

旨該部知道

巡撫貴州兼理湖北川東等處地方提督兼都察院右副都御史臣楊雍建謹

題為請

旨收補事准吏部咨掣補雲貴官員單開李挺生授
威寧府通判馬驥授平遠府通判王來瑞授平
越府經歷該臣查得平遠通判舊有王廷獻威
寧通判舊有郭景隆平越經歷舊有常燦光俱
於康熙十二年代

覲進京因吳逆梗阻奉

旨准食原俸隨大兵前進仍回原任今伊等原缺復

撫黔奏疏

卷之二

三

有新選之人相應

題明或令王廷獻等三人赴部改補或將新選李

挺生馬驥撤回另選其王來瑞或仍留黔遇缺

題補伏乞

勅部議覆施行

康熙二十年二月十三日題三月十九日奉

旨該部議奏

巡撫貴州兼理湖北川東等處地方提督軍務都察院右副御史臣楊雍建謹

題爲銜衛繁劇異常庸材實難勝任特請題明議處
處亟選能員事據糧驛道勞之辨揭報該臣看得普安衛亦資孔地方與滇接壤向號衝繁目下大兵凱旋及搬移投誠家口糧料大馬支應不遑卽精明強幹者猶恐弗勝豈容材短之員尸位貽誤如該衛守備張盛時到任未久事事畏難秋糧之催徵無法而兵食常苦不敷驛務之整頓無能而滇馬屢致越站似此材力不及

撫黔奏疏

卷之二

五

日復一日諸事漸致廢弛據該道揭報前來與臣訪聞無異相應指叅請

敕部議處者也再照該衛爲進滇門戶一刻不可乏員若俟部選之人往返需時斷難懸待查有原任平溪衛守備王士梓曾署貴州前衛守備事辦理軍需從無違悞經臣具題因部推有人未准補授茲當急切需人之際該員練達堪用除一面委令前往署事外報名具

題應否准其實授以鼓任事之心仰祈

敕部議覆施行

康熙二十年二月二十三日題四月初十日奉旨張盛時着議處具奏餘着議奏該部知道

撫黔奏疏

卷之二

五

經撫貴州兼理湖北川東等處地方提督兼都察院右副御史臣楊雍建

奏爲恭謝

天恩事康熙二十年二月十一日據雲貴提塘守備

張承禧從翰林院領出

欽頒日講書經解義一部遞送到臣臣恭設香案望

闕叩頭祇受訖欽惟

皇上

業隆堯舜

德邁禹湯

撫黔奏疏

卷之二

三

演道法於心傳已闢惟精惟一

靖頑民於下邑不煩多士多方

武功雷厲而嚴馳

文教家絃而戶誦亦既治推無上化臻大成矣乃

皇衷聖不自聖

睿業新而又新謂典謨實政治之書銘誥垂不刊之

訓幾康是勅既條貫而無遺訓行克昭俾臣隣

之咸式臣一介書生兩年戎馬莫副保釐之

命常懷無逸之辭拜

寵錫於簡編捧琅函而什襲敢不益竭驚駭勉思報

稱所願兩階來格消禹甸之干戈萬里西南訖

虞廷之聲教則

皇風遐播而

聖學彌光矣謹特疏謝

恩臣楊勝感激懼忭之至

康熙二十年二月十三日奏四月十一日奉

旨該部知道

撫黔奏疏

卷之二

三

巡撫貴州兼理湖北川東等處地方提督軍務都察院右副都御史臣楊雍建謹

題為請

旨事康熙二十年二月初十日據布政使何昂詳前事該臣看得苗蠻土司向無加級紀錄之例茲當軍需孔亟相應鼓勵急公查苗蠻土司俱在本省議照長沙捐納加級紀錄之數捐米二百石者加服色一等多捐者照數遞加捐米五十石者紀錄一次有多捐者亦照數遞加再查黔省土司有向雖投誠因失落印劄未經頒給

撫黔奏疏

卷之二

三

者其土地人民仍相沿管理尚稱應襲名色合無准其捐納有捐米二千石者查無別項事故取具宗圖隣司保結移咨兵部給與印信號紙照舊管事以示鼓勵據該司詳請前來應否

允行伏乞

勅部議覆施行

康熙二十年二月二十四日題四月初一日奉旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為清查賊遺糧米事康熙二十年二月二十一

日據貴州糧驛道叅議勞之辨詳前事該臣看得清查賊遺糧米奉有部文臣一抵黔境即嚴檄司道通行各屬逐一清查茲據糧驛道詳稱據各屬報到之數有與大將軍貝子支放存留之數相符者有大兵初到時未經查出而陸續申報者自鎮遠以至安南通計得賊遺米并穀折米共二萬七百五十一石三斗四升二合四

撫黔奏疏

卷之二

三

勺五抄黃豆一百四十九石四斗麥子一百零三石俱經查核支放其支放細數另俟造冊奏銷外所有遺糧數目既據該道冊報前來臣覆核無異除清冊送部科查核外相應

題報伏乞

勅部查照施行

康熙二十年二月二十四日題四月初一日奉旨着察核該部知道

巡撫四川兼理湖北川東寧遠地方提督軍務都察院右副都御史臣楊建德謹

題爲懇恩具

題遵例迴避事據布政使柯鼎詳該臣看得新補

安順府經歷張岐係現任安順府通判張建策

堂弟例應迴避據該司具詳前來除印結送部

外相應

題明給咨赴部收補其經歷員缺伏乞

勅部另銓仰祈

睿鑒施行

撫黔奏疏 卷之二

三

康熙二十年三月初三日題四月初四日奉

旨吏部知道

巡撫四川兼理湖北川東寧遠地方提督軍務都察院右副都御史臣楊建德謹

題爲詳請具

題一體錄用事據布政使柯鼎詳該臣看得候補

通判曾文通係臣

題帶之員吏部給以執照赴黔候用該員自到銅

仁以來料理軍供歷著勞績今准部咨

題帶各員俱已按缺銓補而曾文通獨未議及既

在隨帶之列宜邀一視之仁據該司具詳前來

相應

撫黔奏疏 卷之二

三

題請作何錄用伏乞

勅部議覆施行

康熙二十年三月初三日題四月初六日奉

旨吏部議奏

巡撫貴州兼理湖北川東總督地方提督軍務都察院右副都御史臣楊鼎建謹

題爲特舉署事道府殫力軍供無誤進勦仰祈

睿鑒破格優敘以勵賢勞事竊照安順一帶爲黔之

上遊四面皆苗中通一線路當孔道地極衝疲

進勦大兵必由此而入滇一切供應支放採買

輓運等項事甚浩繁兼之逆賊叛亂以來橫征

暴斂繼被潰兵焚劫田荒民散舉日丘墟則措

辦軍需尤爲不易非得賢能道府具四應之長

才難以勝任而無誤也臣抵貴陽時移商綏遠

撫黔奏疏

卷之二

三

將軍督臣咨取能員隨准咨送軍前候補知府

李益陽八品筆帖式鍾彥到臣因進征期迫

此時布政使柯鵬尚在銅仁江口急藉料理之

員卽於去年十一月內將李益陽委署威清道

銜鍾彥委署安順知府令其星馳任事辦理軍

需該員自委署以來俱各實心任事查李益陽

會爲安順知府素得民情熟諳土俗以故籌畫

有方設法勸輸而秋糧之徵收不斷分途召買

而米石之儲備能周奔走於菁谿峻嶺之間不

辭勞瘁鍾彥年力方剛立心慈惠招徠撫綏則

嚴禁苛派催辦支放則會計精明而且不畏強

暴不徇情而凡恤兵安民之術條理井井綽有

可觀臣伏念進勦平遠進勦滇南之大兵雲屯

絡繹俱從安順一府裹帶行糧供應維艱既無

往昔之積貯又無隣封之協濟乃能催餉備辦

初則支應威清平壩安順安莊暨江安南池

平遠三岔之坐糧繼則運濟三岔安順安南征

兵之行糧遂使士馬飽騰長驅前進無誤機宜

撫黔奏疏

卷之二

三

雖其後復有藩司爲之綜理實皆署道李益陽

署府鍾彥殫心協理之功也查威清道缺久經

議裁而安順知府有部銓之員且係

題之例奉文停止臣固不敢違例

題補但兩人勞績實不可泯相應特疏薦揚若非

於定例之中開破格之典何以示鼓勵而慰賢

勞伏乞

勅部從優議敘將李益陽鍾彥或仍留軍前辦事遇

缺

請補抑或給咨赴部另候補用庶該員從前勞苦不致空懸更可策其後効矣仰祈

睿鑒施行

康熙二十年三月初三日題四月初六日本

旨該部議奏

撫黔奏疏

卷之二

五

巡撫貴州兼理湖北川東等處地方提督兼都察院右副都御史臣楊瑄謹

題為特參婪弁借端搜財請乞

勅部議處以肅法紀事竊照投誠遊擊李成龍臣因

營制初設需員料理

題補本標中營守備一面令其署理營務候

旨實授該弁自當奉法惟謹圖報

國恩不意賦性貪婪行事乖張於本年二月二十

四日有苗民老保么誣告鄉紳吳大申通逆事

情因地近苗寨差李成龍前往拘訊誠以無得

撫黔奏疏

卷之二

五

騷擾詎該弁借端生事以搜索書札為名將吳

大申箱籠盡行開視擅取買米銀一百二十兩

入橐經臣訪問隨傳吳大申面詢據稱本年二

月二十日奉發採買糧米銀一百二十兩竟被

取去等語則該弁之恣意橫行見金篋法真目

無三尺者矣臣不敢以保

題之員而有所徇庇除一面發按察司收審外相

應特糾伏乞

勅部議處庶法紀肅而貪婪知儆矣仰祈

詹鑒施行

康熙二十年三月十四日題四月十七日奉

旨李成龍着嚴加議處具奏該部知道

撫黔奏疏

卷之二

三

巡撫貴州兼理湖北川東寧遠地方提督軍務都察院右副御史臣楊鍾建謹

題爲

勅印必需防護衆丁日給無資仰籲

天恩照例准支糧餉事案查康熙十九年四月十一

日准兵部咨前事等因到臣該臣看得臣前疏

請設護

勅印兵五十名支給糧餉部議覆准俟招撫兵之日

將此五十名歸入經制數內奉有

俞旨欽遵在案但臣於去年四月十一日接准部文

撫黔奏疏

卷之二

三

此時正從常德赴沅州途路匆忙後抵銅仁去

楚漸遠所有

勅印兵糧餉尚未支給各兵嗷嗷稱貸餉口隨至貴

陽去年十一月十九日設立營制此五十名兵

丁已經遵照部議歸入經制數內矣查自四月

十一日奉文之日起至十一月十九日止

勅印兵丁應支糧餉遲延至省無不紛紛哀籲臣已

於協餉內照例補給俟另冊報銷外理合

題明伏乞

勅部議覆施行

康熙二十年三月十四日題四月十七日奉
旨該部知道

撫黔奏疏

卷之二

三

經撫貴州兼理湖北川東等處地方提督軍務都統右副都御史臣楊雍建謹

題爲報明設站數目事康熙二十年三月二十四
日據貴州糧驛道勞之辦詳前事該臣看得黔
驛馬匹安設足額已經咨報兵部停止捐納矣
今據該道申詳設站數目日期理合造冊報部
查核案查兵部覆臣原數內有俟貴州全復之
日將驛站錢糧十分裁四

題報等語但黔省驛站與各省不同自平溪以至

亦資孔二十六驛一十八站山高路險差役紛

撫黔奏疏

卷之二

五

繁夫苦奔命之不遑馬以驅馳而日斃就現在
之工食料草而論站夫每名日支米一升銀一
分五釐馬每匹日支料穀五升草一束折價一
分馬夫每名日支米一升銀二分原無多餘不
敷支給今若照裁四之例則減之又減馬斃夫
逃勢所必至一有貽誤關係匪輕據該道詳請
照舊存留前來相應具題仰懇

睿慈俯念黔驛衝途一線支應萬難弗與他省并議
裁減庶驛站不致倒廢而官民少甦苦累矣伏

乞

勅部議覆施行

康熙二十年三月三十日題五月初三日奉

旨該部議奏

撫黔奏疏

卷之二

罕

巡撫貴州兼理湖北川東等處地方提督軍務都察院右副都御史臣楊雍建謹

題為彙繳投誠偽印扎牌事該臣看得投誠各官

繳到偽印扎牌臣卽啓繳大將軍貝子查收轉

報外續於康熙二十年正月十九日啓繳偽印

札牌因大將軍貝子進征滇南將原偽印札發

回令臣自行

題報臣謹具

題除偽印經臣

題請於本地銷燬現在候

撫黔奏疏

卷之二

罕

旨外所有偽札牌二十張相應送部應否照例換札

伏乞

勅部議覆施行謹題請

旨

康熙二十年三月三十日題五月初三日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為營伍有兵無械懇請撥款製備以資防禦以重封疆事康熙二十年三月十六日據鎮遠協都督僉事管副將事唐光堯詳前事該臣看得盔甲器械為營中急需資防禦鎮遠一協額兵二千二百二十名所有應造甲械據該協造冊請撥錢糧照數製造前來除清冊送部外臣謹會同提督臣趙賴合詞具

題伏乞

撫黔奏疏

卷之二

望

勅部議覆施行

康熙二十年三月三十日題五月初三日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為請

旨事准兵部咨該臣看得黔省投誠人員臣前疏請俟全省底定彙

題奉

旨欽遵在案今黔疆漸定所有投誠各員除大將軍貝子章泰及綏遠將軍楚督蔡毓榮已經列名具

題移會到臣無容資

撫黔奏疏

卷之二

望

奏外今將投誠道員沈日昇等二員知府高之駒等九員通判楊鳳翥一員知州傅春闢等二員知縣王炳一員經歷謝時保等二員開明始末造冊聽部核議或有遺漏及續到者容臣另報至武職各員應聽提臣趙賴彙報伏乞

睿鑒施行

康熙二十年四月初九日題五月十二日奉

旨該部知道

巡撫貴州兼理湖北川東等處地方提督軍務都察院右副都御史臣楊維建謹

題爲委授衛所各員事康熙二十年三月三十日

准兵部咨前事該臣看得黔屬衛所各官有根
務驛站之責難以虛懸故於去年十一月間將
咨

題各弁列名具

請茲准部覆以楊暉等五員無越補之例胡紹勛等
五員人缺與例相符因無保

題之處不便卽補等語臣思新復地方需員急切

撫黔奏疏

卷之二

聖

而軍前効用又無多人卽銜缺未盡相當亦不
得不因才器使臣再加遴選開列職名循例保

題伏乞

勅部議覆其餘衛所未補各缺甚多刻難緩待并請
勅部查照經制速行銓補勒限赴任庶諸事不致廢
弛矣仰祈

睿鑒施行

康熙二十年四月初九日題五月十三日奉

旨該部議奏

巡撫貴州兼理湖北川東等處地方提督軍務都察院右副都御史臣楊維建密

題爲惡奴隱匿印疏等事准兵部密咨該臣看得

栢紫受伊主之重托恣行奸拐沉匿密疏印布
歷審供認無辭誠法所難貸矣查原任川撫羅

森密疏關係軍機而栢紫敢於沉匿律無正條

比照失機軍機之律擬斬仍候部議其毛弘京

趙二譚經言審不知情俱行省釋吳氏應隨官

賣據該司招詳前來臣覆勘無異相應具題伏

乞

撫黔奏疏

卷之二

聖

敕部議覆施行

康熙二十年四月十一日題五月二十日奉

旨三法司核擬具奏

巡撫貴州兼理湖北川東等處地方提督軍務都察院右副都御史臣楊雍建謹

題為詳請展限事據布政使何鼎詳該臣看得請
頒黔屬各官印信一案於康熙十九年內接准
部文內開將土司各官名缺查還等因隨行布
政司確查去後茲據該司詳稱土司官弁歷來
襲替緣由及有無印信號紙無案可稽又地方
恢復先後不一往返駁查尚需時日限內未能
完結詳請展限前來相應題明伏乞

敕部議覆施行

撫黔奏疏

卷之二

聖

康熙二十年四月十八日題五月二十一日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為申報逃入中途脫逃事據按察使李輝祖詳
該臣看得遞解逃入定例甚嚴地方官自應慎
選解役加意防範今本年二月內偏沅撫臣咨
解逃入小保子等遞至貝子軍前發落而署興
隆衛守備丘衍止差解役一名不遵例遞解以
致小保子四子中途脫逃雖稱新復之地衛役
寥寥然疎失之咎不能為丘衍寬也據該司審
詳前來除將逃入嚴行緝捕外相應指參請

撫黔奏疏

卷之二

聖

敕部議其營兵張顯貴解役周世倫照例責懲至於
分防重安之於虎係外委未弁已行該營嚴斥
相應一并題明仰祈

睿鑒施行

康熙二十年四月十八日題五月二十二日奉

旨丘衍着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲稟報事該臣看得高寨地方離龍里縣十里

據該縣稟報本年三月十八日有益十人白日行劫截殺行商五命劫奪財物該管各員疎防之咎難辭除武職應聽提臣查叅外其文職專轄則龍里縣委署知縣王來瑞委署典史王師舜也統轄則不同城之貴陽知府汪燝也相應指叅再據司詳高寨失事之時委署知縣王來瑞已赴平越府經歷新任理合一併申明伏乞

撫黔奏疏

卷之二

哭

敕部察議施行

康熙二十年四月十八日題五月二十二日奉
旨王來瑞等着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲懇撥夫價以速輓運事康熙二十年四月二

十一日據貴州糧驛道勞之辨詳前事該臣看得雲南撫臣疏稱自安籠以至昆明計程七百餘里轉運粵米需夫一萬五千名自安籠至馬別河二百餘里欲令黔省撥夫運交滇界等因軍需孔亟之際如可催派無不踴躍共濟但黔省人民稀少前此總理糧餉臣佛倫等供應大兵糧米因本地無夫議于湖南派夫九千名而

撫黔奏疏

卷之二

哭

貴州銅仁等府則派夫一千五百名自鎮遠以至貴陽每三十里一塘運米入省皆係湖南民力嗣因湖南運夫疲困欲議更換又因黔省官兵各處分駐所在用夫免其派催議於湖北派夫七千名因大兵進滇遂爾停止由是觀之從前運米一派於湖南再派於湖北總因黔省無夫艱於催派彰彰較著矣現今楚運已停滿漢大兵尚有一半留黔供應輓輸日不暇給兼之協餉銀鞘炮火軍裝絡繹不絕小民疲於奔命

當此流離初集農事方殷之時而欲派四五千名之夫遠運粵西糧米此令一下竊恐苗民逃匿山箐田土荒蕪秋成失望將來駐滇黔二省之兵必致無民運米是不惟無益在滇之轉運而反誤在黔之軍糈矣斷難照湖南協濟黔省之例轉責黔省之協濟雲南也且雲南地廣民稠十倍黔省既請撥夫價儘可就近催覓又何必問之於人丁稀少之地乎今據該道將黔省夫役萬難催派情形具詳前來不得不據實

撫黔奏疏

卷之二

辛

題明伏乞

勅下雲南撫臣另行籌畫即於本地催覓庶彼此不

致貽誤矣仰祈

睿鑒施行

康熙二十年四月二十二日題奉

旨該部議奏

巡撫貴州兼理湖北川東總督地方提督並移都察院右副都御史楊雍建

題爲留兵未蒙撥餉仰祈迅賜

題請以濟燃眉事康熙二十年四月二十一日據貴州布政使柯昀詳前事該臣看得滿漢大兵一半進京一半留黔其進滇兵餉已在黔省支至三月終止而留黔官兵糧餉仍當按月支給前奉部撥協餉六十萬兩止足供兩月之用所餘無幾其總理糧餉臣佛倫等請撥協餉三十萬兩原議轉交到臣酌量支給滇黔大兵今

撫黔奏疏

卷之二

壬

部議解交滇撫供給進滇大兵則是留黔官兵之餉除前撥六十萬兩外未蒙另行撥給今四月已盡別無餘銀可爲接濟滿漢官兵何恃以資宿飽又本省制兵已陸續募補俱以入伍之日起支前止蒙部撥十萬兩不敷支用兼以採買糧米製造器械需餉實繁無項可動該司詳請具

題以就近地方速撥數十萬兩勒限解黔專作留黔官兵及本省制兵之供應伏乞

勅部速議撥發再請於黔省協餉未到之間暫將轉解雲南三十七萬兩協餉之內准酌量留用以濟目前之急俟黔餉到日卽爲補解庶無中斷之虞矣統祈

府鑒施行

康熙二十年四月二十二日題

撫黔奏疏

卷之二

三

巡撫貴州兼理湖北川東等處地方提督兼理都察院右副都御史臣楊鍾建題爲地方新入版圖亟酌催科之法以救殘黎事據布政使柯鼎詳該臣看得黔屬苗民久苦逆賊暴斂荷蒙

皇恩將鎮遠平越貴陽安順等府屬錢糧准以大兵臨省之日爲始催征供應湯火遺黎無不感頌鴻慈矣茲據布政司詳稱黔省共十四府除先經恢復之銅仁思州黎平三府及思南府屬之印江縣十九年應征錢糧仍照原題帶征外今鎮遠

撫黔奏疏

卷之二

三

平越貴陽都勻安順石阡思南七府屬各州縣衛所及思州府屬之都素都坪黃道三司地方俱於十九年十月十一日內開復其十九年應徵錢糧應照部覆自大兵臨省之日爲始扣算日月按數催征至平遠大定黔西三府又安順府所屬之南籠普安州普安衛普安縣安籠所新興所於本年二三月間先後恢復其威寧一府則尚未入版圖所有十九年錢糧固難一例開征卽本年額賦亦俟該地方官查明到日酌

征可也相應題明伏乞

敕部議覆施行

康熙二十年四月二十七日題五月二十八日

奉

旨該部知道

撫黔奏疏

卷之二

奏

巡撫貴州兼理湖北川東等處地方提督雲南都察院右副都御史臣楊秉建謹

題爲地方凋殘已極課稅萬難足額額請題明量
時抽收隨得儘解以通商賈以恤民困事據布
政使柯鼎詳該臣看得黔省鹽雜等稅每年約
計共該銀一萬八千餘兩於大兵入滇之後隨
檄布政司轉飭各地方官照例抽收按月報解
去後但地方新經恢復百姓糊口無資商販稀
少而且川鹽未通滇貨尚阻三月以來據各屬
申報每月所收之銀不足十分之一春季如此
將來可知斷難以平時舊額取足於荒殘之際
據該司詳請前來相應據實題明額懇
睿慈俯念初復殘區與承平不同准令地方官儘得
儘解不拘原額俟川滇大定商賈疏通仍照舊
額徵收可也伏乞

敕部議覆施行

康熙二十年四月二十七日題五月二十八日

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲題明事該臣看得臣標三營定爲馬一步九

所需馬匹共二百二十五匹部覆准於協餉內
動支購買但軍興之際需餉浩繁前項馬匹約
需銀六千餘兩現今協餉不敷若動支購買不
無糜費查提臣趙賴請捐營馬疏內雖無撫標
字樣然均屬營馬似應一例捐助以圖節省臣
一面行令本標中營遊擊吳勝勸諭急公有捐
馬者出給實收臣照例將各官職名馬匹數目

撫黔奏疏

卷之二

奏

造冊咨部聽候議敘俟足額停止可也臣從節
省錢糧起見伏乞

敕部查照施行

康熙二十年四月二十七日題五月二十八日
奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲願闡精忠以風臣節以光

大典事據布政使柯鼎按察使李輝祖公詳該臣看
得舍生取義臣道克勵乎艱危殺身成仁公論
共彰其激烈原任雲貴督臣甘文焜節制滇黔
體國愛民政績茂著當逆藩之不軌識叛亂之
將形始而飛章入

告旋卽散資犒軍冀遏方張之焰而乃勢逼肘腋逆
黨縱橫一木難支孤軍莫敵知貴陽不可復守

撫黔奏疏

卷之二

奏

遂令伊妾盛氏等七人俱行自盡卽星馳鎮遠
謂據此要隘猶可力圖堵禦以待援師無如鎮
遠官弁亦已從賊呼應不靈調遣不聽計無復
之惟有捐軀報

主因北面再拜勒死幼子隨即自殺此康熙十二年
十二月初八日酉時事也其慷慨殉難之概可
謂忠炳皎日氣凜秋霜者矣猶可慘者旣死之
後復被逆殲身首異處父子骸骨暴露者七年
行道之人皆爲心惻

王師恢復之餘遂得蒙

恩歸骨此時衆論同聲如山一口我

皇上褒顯忠良憫念死事之臣以風有位至於身在

地方博採輿情闡揚義烈臣之責也茲據士民

公訴及司府申詳前來謹將該忤臣殉難本末

據實通報伏乞

敕部從優敘卹於以維風節而勵人心所關非淺鮮

也仰祈

睿鑒施行

撫黔奏疏

卷之二

奏

康熙二十年五月十六日題六月二十一日奉

旨已有旨了該部知道

巡撫貴州兼理湖北川東等處地方提督楊應龍右副都御史臣楊雍建謹

題爲稟報事據按察使李輝祖詳該臣看得余九

江張應倬劉二皆投誠之悍卒其劉玉頑則流

棍也因利戴起貴黃三元之所有以投兵爲名

賺至山箐殺死戴起貴黃三元兩命得銀三兩

三錢四人瓜分隨爲平越營兵及地方百姓盤

獲送官贓銀兇器現據且有黃三元繼子黃榮

盛與隨行之蕭占春同時被誘在旁目覩歷審

情真各犯咸俯首服辜造意者余九江同謀者

撫黔奏疏

卷之二

奏

張應倬劉玉頑劉二其劉二雖未動手業已分

財均應按律擬斬再查余九江劉二係旗丁應

遵新例解部定奪茲據該司詳解前來臣覆訊

無異除招冊送部外謹錄全招具題伏乞

敕部議覆施行

康熙二十年五月十六日題六月二十一日奉

旨三法司核擬具奏

巡撫貴州兼理湖北川東等處地方提督軍務都察院右副都御史臣楊建德謹

題爲人丁逃亡過多田地消長不一仰祈題請重
定賦役全書以清國課以遂民生事據布政使
柯鼎詳該臣看得則壤成賦自有常經而因時
制宜務核實數貴州山多田少地瘠民稀論人
丁則苗蠻而外俱係四方流民遷徙不常原無
一定之額論地畝則大路而外懸崖絕壁鮮有
平土水衝沙壓便成荒蕪實有消長之殊且自
逆賊蹂躪以來戶口之逃亡過半田地之拋荒

撫黔奏疏

卷之二

奉

更多雖極意招徠勸諭開墾無如凋殘已極元
氣難回節據各屬申報皆有土荒民散之哀額
勢難以承平額賦責之無田無丁之地方臣以
時值軍興未敢遽

請蠲免但民間疾苦不得不熟籌茲據該司詳稱除
康熙十九年錢糧遵照部覆以大兵臨省之日
爲始扣算征收外共二十年錢糧照十一年報
部由單開徵如有不完者仍於次年帶徵至二
十一年錢糧應照定例確查實在人丁田地刊

刻由單另訂賦役全書送部查考俟土闢民稠
漸有起色再爲增訂庶可以清國課而免包賠
申請具題前來據詳入告伏乞
敕部議覆施行

康熙二十年五月十六日題六月二十一日奉
旨該部議奏

撫黔奏疏

卷之二

奉

巡撫貴州兼理湖北川東等處地方提督軍務都察院右副都御史臣楊建寧

奏為協餉遲悞已極等事五月十五日准戶部密咨該臣看得部覆雲南撫臣密疏以大兵在黔之時撥給銀內餘剩銀兩令貴州巡撫速催隨解雲南今何得止解銀三萬兩其餘銀兩遲延未解情由令臣明白回奏等因查大兵進勦雲南前准部文將所撥餘剩銀兩隨解雲南是必有餘剩而後能起解也節據撥解六十萬兩之數支放滿漢大兵所剩無幾不能備入滇之用

撫黔奏疏

卷之二

奎

本年二月內業經滇撫為請

吉事一疏將不敷之處題明另請撥發矣則黔省協餉原無餘剩况大兵進滇之後仍畱一半在黔所需糧餉除前撥六十萬之外未蒙另撥其進滇滿漢官兵錢糧在黔支給已至三月終止又征南將軍穆占帶往雲南滿漢大兵錢糧支至五月終止建義將軍林興珠等帶往雲南綠旗官兵錢糧支至六月終止皆於湖南解到餘剩等銀及撥解本省制兵俸餉項內移緩就急通

撫黔奏疏

卷之二

奎

融接濟現今畱黔滿漢官兵無銀供給黔省制兵俸餉採買米價尚多壓欠臣已於畱兵未蒙撥餉等事一疏題請在案其學士佛倫等所請三十七萬兩之餉初議解交到臣酌量支給滇黔大兵之用續准部文又令轉解雲南臣以滇黔事同一體不敢岐視進滇大兵餉銀雖在黔支至三月終止惟恐中斷故於前項三十七萬兩未到之先行令布政司不拘何項不論多寡隨到隨解於本年二月二十一日差平遠府經歷李實秀解銀三萬兩三月初五日差委署教官傅孟解銀一萬兩三月二十六日差隨帶候補官楊國安解銀二萬兩四月初三日差銅仁府知府葉樹德帶解銀二萬兩四月二十一日差貴陽府經歷王道弘解銀五萬兩五月初二日差候補守備溫實解銀三萬兩五月十九日差投誠叅將朱珊解銀四萬兩前後共解滇餉二十萬兩俱經查明滇撫在案原非止解銀三萬兩也至於學士佛倫等所請三十七萬兩餉

銀內江西存庫各案銀二萬二百三十二兩五錢委官成寬本年三月初十日解交學士佛倫等於三月二十一日轉解到貴陽兩淮鹽課銀十萬兩委官景麟角本年三月二十三日解交學士佛倫等於四月十八日轉解到貴陽又鹽課十萬兩委官高拱星本年三月二十五日解交學士佛倫等於四月十九日轉解到貴陽江蘇白折等銀五萬九千九百兩委官朱學周又五萬九千九百兩委官黃第先又一萬二百兩

撫黔奏疏

卷之二

奎

委官婁成章蘇松糧道存庫漕折等銀一萬九千七百六十七兩五錢九分委官婁成章俱於本年三月二十三日解交學士佛倫等於四月十九日轉解到貴陽所有收到日期正在陸續題報查雲撫協餉遲悞等事一疏於四月初三日具題尚在前項餉銀未到貴陽之先無憑起解非臣之遲延而未解也謹據實回奏再查黔餉孔亟臣前疏請於部文未到之間將三十七萬內酌量留用今既經解送雲南二十萬其餘

十七萬兩應留黔省接濟且滇餉撥發百有餘萬此時絡繹在途似無庸在黔之零星轉解矣相應一併聲明伏乞

敕部議覆施行

康熙二十年五月二十一日奏六月初七日奉旨該部議奏

撫黔奏疏

卷之二

奎

巡撫貴州兼理湖北川東等處地方提督軍務都察院右副都御史臣楊鍾建謹

題為恢復之地皆有遺糧仰祈早定清查之法以

佐蕩平事據布政使柯鼎詳該臣看得清查賊

遺銀米奉有部文臣即通行所屬確查具報除

賊遺米穀前據糧驛道冊報已經具題外茲據

布政司詳稱貴陽府清出廣順州賊遺條編銀

一百六十七兩七錢都勻府清出賊遺條編銀

三十一兩三錢五分又都勻縣賊遺米折銀二

十三兩九錢六分九釐思南府清出印江縣賊

撫黔奏疏 卷之二 奏

遺錢糧銀七十四兩二錢一分共銀二百九十

七兩二錢二分九釐其餘各府州縣衛所申稱

並無賊遺銀兩取具不致隱匿甘結存案所有

貴陽都勻思南三府賊遺銀兩數目造冊彙報

前來除冊送部外相應具題伏乞

敕部查照施行

康熙二十年五月二十四日題六月二十九日

奉

旨該部議奏

巡撫貴州兼理湖北川東等處地方提督軍務都察院右副都御史臣楊鍾建謹

題為驛站額夫有限差使需用甚繁懇賜

題明亟為調劑以免誤軍需事康熙二十年五月

二十一日據糧驛道勞之辨詳前事該臣看得

貴州一十八站每站額設長夫一百名止以打

糧餉鞘在承平之際需餉稍緩陸續撥運可以

無悞今大兵雲集滇南餉鞘之絡繹不停站夫

之筋力有限計每站一百名兩夫一鞘每日約

撥餉銀五萬兩次日回轉是兩日止撥五萬兩

撫黔奏疏 卷之二 奏

也至若下游之重安黃絲楊老上游之盤江河

江西坡軟橋哨等處坡嶺崎嶇險遠更倍窮日

之力不能擡一大站必於腰站歇宿往返三日

是此數站三日止擡五萬兩也今起解滇餉定

限甚嚴不論餉銀多寡每日必須一站即以一

官解銀十萬兩計之如兩日擡五萬必四日擡

完十萬則違限已三日如三日擡五萬必六日

擡完十萬則違限已五日况領解之銀有不止

十萬者乎倘各省解官一時齊到站夫無術分

身勢難同時起運則一線衝途無不遲悞之官
矣雖概請處分究於軍需何裨勢窮則不得不
少爲變通除各站兩日不能運五萬兩及重安
等處三日不能運五萬兩者此必站夫缺額應
治以違誤軍需之罪至餉銀數多及解官同時
到站止可陸續起運此雖不能依限似難一例
處分相應分別定議者也再查協夫一項久經
禁革在案自不便於額設之外另爲增派但今
餉鞘而外又有火藥鉛彈砲位催運軍前需夫
撫黔奏疏 卷之二 突

題伏乞

勅部議覆施行

康熙二十年五月二十四日題六月二十九日
奉

旨該部議奏

撫黔奏疏

卷之二

究

巡撫貴州兼理湖北川東等處地方提督軍務都察院右副都御史臣楊雍建謹

題爲彙繳投誠偽印札牌事該臣看得投誠各員續繳到偽印三顆偽札牌一十四張除偽印遵照部覆於本地銷燬外所有偽札牌相應送部驗明焚燬應否換札以示鼓勵伏乞

勅部議覆施行

康熙二十年五月二十四日題六月二十九日

奉

旨該部議奏

撫黔奏疏

卷之二

主

巡撫貴州兼理湖北川東等處地方提督軍務都察院右副都御史臣楊雍建密

題爲額陳黔省採買之難官兵待哺之急乞速賜題明事據糧驛道勞之辨詳該臣看得黔省地狹民稀每年額糧不過十二萬餘石自康熙十九年十月內恢復省城迄今供應過滿漢大兵及提鎮制兵糧米約計十二三萬石除用過賊遺米及運到黔省楚米并捐納米約共六萬五六千石此外俱係徵收及採買接濟但去年秋糧應徵有限僅可供驛遞夫馬之需平大黔威

撫黔奏疏

卷之二

主

四府直至本年二三月恢復目下秋糧無徵專待給於採買已竭力買過六七萬石值此青黃不接之時臣恐有誤軍需嚴檄糧驛道覓買供支并加意節減今據該道詳稱去年十月迄今每石自一兩五錢以至三兩一二錢不等皆零星給過之價萬難一例銷算等情到臣查黔省米價實因時地艱難以致日漸湧貴俟秋收之際米價漸平庶可再行節減理合題明仰祈

睿鑒施行

康熙二十年六月初六日題七月初七日奉

旨該部議奏

撫黔奏疏

卷之二

圭

巡撫貴州兼理湖北川東等處地方提督軍務都察院右副都御史臣楊雍建謹

題爲援例題明

慶賀表箋事准貴州提督趙賴咨該臣看得貴州自威寧恢復之後全省俱已底定所有慶賀表箋關係

大典理應照例恭

進臣檄行所司轉行各屬遵照去後據該司詳稱文職印信尚未頒到無印鈐蓋碍難恭進且欲照定例差委堂官賁條不得順帶查黔省道員甚

撫黔奏疏

卷之二

圭

少各府州縣印官辦理軍需拮据不遑現無可差之員又進表動支正項錢糧殘疆新復不無糜費兼之各項表箋底案無存雖各移偏撫將式樣鈔發尚需時日恐致遲悞詳請題明前來合無籲懇

皇恩俯念地方新復文武各員尚在軍旅倥傯之際本年慶賀表箋准其暫停自康熙二十一年起照例恭

進庶

大典不致褻越矣臣謹會同擬臣趙賴合詞具題伏乞

敕部議覆施行

康熙二十年六月初六日題七月初八日奉

旨該部議奏

撫黔奏疏

卷之二

七

巡撫貴州兼理湖北川東等處地方提督軍務都察院右副都御史臣楊建誠

題為懇驗患病難前乞賜具題事據貴陽府詳該

臣看得新陞雲南永昌府知府張承賜自浙領

憑赴任於五月初二日行至貴陽府因途中積

勞感患傷寒現在調治恐違憑限援例呈請具

題隨行貴陽府查驗去後據該府詳稱本官患

病果真取據押結并醫生店家甘結前來查定

例新復地方補授官員一日限行七十里違限

一日以上者革職如有患病及中途阻滯難行

撫黔奏疏

卷之二

七

情由者俟該地方督撫查明果真具題免議等

因通行在案今雲南永昌知府張承賜患病果

真覆查無異除結送部科外相應題明伏乞

敕部查照施行

康熙二十年六月初六日題七月初八日奉

旨吏部議奏

巡撫貴州兼理湖北川東等處地方提督軍務都察院右副都御史臣楊鼎建謹

題爲給發文憑事康熙二十年二月初六日准吏

部咨前事內開照得汪燦等所有陞補文憑照
新經恢復地方例定限合行封發爲此令各前
去煩爲查明轉給各官速催赴任施行等因到
臣隨將汪燦等文憑轉給催令赴任外查內有
周邦候選知縣今補貴州都勻府清平縣知縣
憑限在在本年三月二十三日趙崇哲考定州同
今補貴州按察司經歷憑限在在本年三月十八

撫黔奏疏 卷之二

事

日以上二員係臣題帶之人在先並未隨赴軍
前今憑限已踰杳無踪跡或在途間別有事故
亦未可定但新復地方缺難久懸除將文憑二
道繳部外相應具題伏乞

敕部察議所遺員缺速行另銓仰祈

睿鑒施行

康熙二十年六月十三日題七月十七日奉

旨吏部察議具奏

巡撫貴州兼理湖北川東等處地方提督軍務都察院右副都御史臣楊鼎建謹

題爲文憑途路相阻懇恩 題明違限情由免干

部議事該臣看得新陞平大黔威道楊大鯤原
任湖廣下江防道初因楚省督撫調赴軍前協
理運務及陞任貴州在湖北布政司徐惺以該
道已赴軍前將文憑轉送黔省就近給發而該
道聞

命之後又回湖北交代

敕印不期文憑先已差送到黔兩不相值已經呈請

撫黔奏疏 卷之二

奏

湖廣撫臣咨明吏部在案隨星馳赴任行至辰
州府患病難前欲呈明該地方巡撫照例具題
適偏沅撫臣已回長沙若更往返愈滋遲滯取
有沅陵縣知縣鄭一鳴甘結前來於六月初八
日到任查憑限在三月二十八日今已踰限但
該道向在軍前領憑相左既非無因患病中途
又屬有據委非規避迥迥茲准湖北撫臣咨移
並據該司詳報臣覆查無異除結送部科外相
應題明伏乞

敕部查照施行

康熙二十年六月十三日題七月十八日奉

旨吏部知道

撫黔奏疏

卷之二

老

巡撫貴州兼理湖北川東等處地方提督軍務都察院右副都御史臣楊雍建疏

題爲黔米採買甚難楚米積貯易朽亟籌轉運之法以接濟駐省官兵事據糧驛道勞之辨詳該臣看得貴陽駐鎮滿漢官兵月需糧米浩繁本年秋糧催徵尚早各項捐納爲數無多當此青黃不接之候雖有重價無從覓買目前支給不敷查平越府倉所貯楚米五千六百餘石該道議將四千五百石運至省城以供官兵之用於平越黃絲新添甕安龍里谷覓分立陸塘每塘設夫一百名逐站運送若照搬運楚米之例每夫日給食米一升銀五分共該食米五百四十石銀二千七百兩方可運完前項米石但今需用錢糧之際不敢動費公帑其運夫食米臣與司道合力捐給至腳價一項責成各該府鼓舞急公除一面撥夫起運外所有平越之米轉運貴陽情由理合題明伏乞

敕部查照施行

康熙二十年六月二十日題七月二十四日奉

旨該部知道

撫黔奏疏

卷之二

堯

巡撫貴州兼理湖北川東等處地方提督軍務都察院右副都御史臣楊鼎建謹

題爲武舉事據布政使柯鼎詳該臣看得辛酉科

例當武生鄉試之期但黔省學道尚未抵任卽

使目下到黔爲時無幾未遑通行考校則武闈

定期難以克副案查貴州文場鄉試展期壬戌

之秋舉行奉有

俞旨欽遵在案其本年武鄉試合無照例暫停俟康

熙二十一年補行據該司詳覆前來相應具題

伏乞

撫黔奏疏

卷之二

卒

敕部議覆施行

康熙二十年六月二十日題七月二十四日奉

旨該部議奏

巡撫貴州兼理湖北川東等處地方提督軍務都察院右副都御史臣楊鼎建謹

題為縣官抗拘不肯應夫急請憲飭以濟時艱事

據糧驛道勞之辨揭報該臣看得軍興之際餉
藉絡繹雖地極凋敝而公務難以廢弛臣屢檄
糧驛道轉行各府州縣預備人夫隨到隨運不
啻額禿該地方有司自當竭力奉行催夫上站
庶可無悞急需乃涇潭縣應出站夫四十名協
幫平越該縣知縣華善一任檄催推諉不應倘
各屬效尤貽悞非淺違玩之愆不能為華善寬

撫黔奏疏

卷之二

全

也伏乞

敕部議覆施行

康熙二十年六月二十日題七月二十四日奉

旨華善着議處具奏該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為年老患病不堪任事恐悞地方懇乞休致事

該臣看得廣順州壤接泗城地多苗穴催科撫
字必得年力強壯之人始克勝任茲新任知州
劉子豫蒞任未幾以老病乞休據呈年逾六旬
精力衰朽感得病症恐悞公務等情隨行布政
司查驗去後據該司詳稱該州年老患病服藥
鮮效取據貴陽府押結并醫生甘結前來臣覆
查無異若復畱任勢必貽悞地方除結送部科

撫黔奏疏

卷之二

全

外相應具題伏乞

敕部議覆准其休致員缺速行另錄庶新復嚴疆諸
事不致叢脞矣仰祈

睿鑒施行

康熙二十年六月二十日題七月二十四日奉

旨吏部議奏

巡撫貴州兼理湖北川東等處地方提督軍務都察院右副都御史臣楊雍建謹

題為再叩懇恩請

題解任以終餘年事據布政司柯鼎詳該臣看得
都司一官專督屯政黔疆新復必藉強幹之材
悉心料理今新任掌印都司王鳳熙蒞任未幾
卽以病告臣因公務殷煩勉令調攝以供職守
乃該司再以老病籲請辭職觀其龍鍾之狀原
覺衰邁復行布政司確查果否患病去後據詳
老病果真取據醫生甘結并貴陽府押結前來

撫黔奏疏

卷之二

全

臣覆查無異除結送部科外相應具題伏乞
敕部議覆照例准其休致員缺速行銓補勒限赴任
庶閭司職掌不致廢弛矣仰祈

府鑒施行

康熙二十年七月初三日題八月初五日奉

旨兵部議奏

巡撫貴州兼理湖北川東等處地方提督軍務都察院右副都御史臣楊雍建謹

題為請復道員以資彈壓事據布政司柯鼎詳該

臣看得貴州地隣川粵壤接楚滇土司之鴛鴦
難馴苗彝之叛服靡定守令而上必藉道員分
佈彈壓舊制設有守巡道九員自康熙元年以
後陸續議裁通省止畱糧驛道一員後復設平
大黔威道一員其餘十府俱無道員管轄查各
省裁汰道缺經督撫題請復設者往往有之再
查議政王等議覆原任四川巡撫張德地一疏

撫黔奏疏

卷之二

全

內稱各省邊疆近海及果係緊要地方道官必
不可少者俟該地方督撫確查再行題請等因
在案今貴州實係邊疆新經恢復難比承平則
道員亟當酌復據該司詳議不敢照原缺概請
復設但就目前時地之緩急酌量變通分設貴
東貴西二道卽以平大黔威道移駐安順因地
近水西改爲分巡貴西道兼管貴陽安順平大
黔威等處再添一道駐扎平越因地近腹裏擬
爲分守貴東道兼管鎮遠平越黎平都勻思南

銅仁思州石阡等處庶官無冗員而嚴疆可資

彈壓臣謹據詳題請伏乞

睿鑒敕部議覆施行

康熙二十年七月初三日題八月初六日奉

旨吏部議奏

奏疏

卷之二

金

巡撫貴州兼理湖北川東等處地方提督都察院右副都御史臣楊維禎謹

題爲疏補要地衛所官員事竊照黔省衛所各員

准有部覆將銜缺相當之人保題等因臣因軍

前効用現無多人而衛所缺員甚多故於本年

四月內將胡紹鼎等八員具題補授其餘各缺

請

敕部銓補現在候

旨但今軍興之際協理糧餉答應夫馬省城兩衛一

刻不可乏員除貴州衛守備已經保題外其貴

撫奏疏

卷之二

金

州前衛勢難懸缺以待部銓至於安籠所接壤

粵西修文所地近邇義向爲僻地今屬衝途往

來支應急切需人該所千總俱未便緩待者也

查原任平溪衛守備王士梓山東武進士向陷

賊中於康熙十九年十月內投誠隨委署貴州

前衛守備事半載以來協辦軍供勤慎無悞今

若准與實授更可策其後效再查雲南武舉楊

倬何美係臣咨部隨帶之員初經題補衛守備

部覆以該員並未考授守備不便越補今安籠

修文二所需員臣已委令楊時管理安能千總
何義管理修文千總以上三員皆銜缺相當並
請實授除履歷送部外謹循例保題伏乞

收部議覆施行

康熙二十年七月初三日題八月初六日奉

旨兵部議奏

撫黔奏疏

卷之二

全

巡撫貴州兼理湖北川東等處地方提督軍務都察院右副都御史臣楊建寧

題爲跑送軍機事據平越府詳該臣看得平越府
坐塘筆帖式布爾賽於本年正月間抵平越半
年以來馳遞軍機晝夜靡寧本年六月內據呈
染病不能跑差等情隨行平越府確查去後據
該府詳稱布爾賽勞傷成病旦夕難愈實非虛
言出具甘結詳報前來臣覆查無異除結送部
外相應具題伏乞

敕部更換庶軍機不致貽誤矣仰祈

撫黔奏疏

卷之二

全

睿鑒施行

康熙二十年七月初七日題七月二十四日奉

旨該部議奏

巡撫貴州兼理湖北川東等處地方提督軍務都察院右副都御史臣楊維禎

題爲直陳衰老不堪懇恩准賜休致以延殘喘以歸骸骨事據布政司柯鼎詳該臣看得定番一州居苗穴之中風氣曠悍蒞斯土者卽精明強幹之材猶恐弗勝豈容以老病之員尸位誤公今新任知州王懋聲年已七十視聽俱廢該員有自知之明甫報到任卽請休致臣目覩其形容頽憊動履艱難復據布政司詳覆該州衰老龍鍾並非虛捏取據貴陽府甘結前來除結送

撫黔奏疏

卷之二

允

部科外相應具題伏乞

敕部照例准其休致員缺亟行銓補勒限赴任庶嚴疆不致貽誤矣仰祈

睿鑒施行

康熙二十年七月十一日題八月十五日奉

旨吏部議奏

巡撫貴州兼理湖北川東等處地方提督軍務都察院右副都御史臣楊維禎

題爲定議添設茶引事據布政使柯鼎詳該臣看得添設茶引一案初准部文卽行布政司確查黔屬地方有無出產茶葉可以設廠領引之處節據該司詳覆思銅黎三府及貴陽等七府素不產茶無憑設廠領引已經兩次咨明戶部在案茲准部文將新復地方一并查明具題之日再議等因復准據該司詳報平大黔威四府亦無產茶之處取具各府不致隱匿甘結前來臣

撫黔奏疏

卷之二

允

覆查無異除結存司備案外相應題請

敕部銷案者也仰祈

睿鑒施行

康熙二十年七月十一日題八月十五日奉

旨該部知道

巡撫貴州兼理湖北川東等處地方提督軍務都察院右副都御史臣楊璉建議

題爲黔黎困苦已極天災流行更甚謹據實籲請

特疏具題以救倒懸以恤子遺事據布政使柯

鼎詳該臣看得黔民遭逆賊蹂躪之餘幸視

天日方期漸就休養共享昇平不謂天災流行夏秋

之交遍地瘟疫死喪相繼或一家故絕而掩埋

無人或一寨繼延而烟火俱斷而且殃及畜類

耕牛倒斃土田頓爾拋荒尸骸委於溝壑傷心

慘目不忍見聞甚而疫氣流傳行道人夫染之

撫黔奏疏

卷之二

全

立殞如赴滇新任官趙慶元等及別省解餉官

汪元綬等死亾接踵節經題報至於臥病旅店

者更未可枚舉也凡此災疫情狀貴陽平越鎮

遠安順思南石阡思州銅仁都勻黎平等府大

概皆然萬里

君門繪圖難盡我

皇上視民如傷痍痍一體卽興師除寇無非拯民水

火乃今兵燹之後復罹鞠凶戶口消耗糧賦從

何辦納土滿人亾所關非細是皆臣奉職無狀

所致自應靜候處分當此異常慘厄情迫勢窮

臣一面率屬省咎禳災若不急

請蠲恤立沛

恩膏則垂斃殘黎豈能遽有起色據司中報前來與

臣見聞無異除各屬死亾人尸拋荒田畝數目

俟造冊到日另報外所有災疫情形合據實

上聞伏乞

皇上敕部速議作何蠲賑使僅存之遺子可免流移

現在之土田不至荒棄則殘喘甦而邦本固矣

撫黔奏疏

卷之二

全

仰祈

府鑒施行

康熙二十年七月二十日題八月二十日奉

旨該部議奏

撫黔奏疏卷之二

巡撫貴州兼理湖北川東等處地方提督軍務都察院右副都御史臣楊瑞璽謹

題為遵

旨會議事據按察使李輝祖詳該臣看得革職荆右鎮總兵姚珩奉

旨從寬免死軍前効力其名下應追贓銀二千六百七十八兩四錢五分五釐因姚珩現在沅州臣移咨偏沅撫臣照數行追去後茲據該司詳稱據沅州驗報姚珩於本年六月二十八日辰時風痰中厥病故並將所遺衣物騾馬等項冊報

據呈奏

卷之三

一

前來所值無多查姚珩原籍係福建福清縣人據伊僕詹四正等供稱姚珩妻子相繼死亡並無家產人口然偏詞難以遽信應請

敕部行文闔撫確查姚珩有無家產人口就近結案者也除原冊送部外臣謹具題仰祈

睿鑒施行

康熙二十年七月二十五日題八月二十六日

奉

旨該部議奏

巡撫貴州兼理湖北川東等處地方提督軍務都察院右副都御史臣楊瑞璽謹

題為操捕都司久不赴任謹特疏指參請

收部察議另推能員事竊照操捕都司一官有製備軍器稽查奸宄之責嚴疆初復尤難缺員臣於去年九月內具有請補黔屬都司等事一疏本年正月內接准部文內開直隸龍門衛至貴陽府計七千三百餘里應限一百零五日到並行各該撫以剴票到日限十日速令該弁星馳赴任不得遲延如違新定期限指名

據呈奏

卷之三

二

題參從重議處等因在案經今半載有餘而常泰運尚未到任雖暫用委署之員但官非實授難專責成該弁逗遛不前殊屬違玩相應指參聽部察議員缺於就近地方另行推補勒限赴任庶無遲悞仰祈

睿鑒施行

康熙二十年七月二十五日題八月二十六日

奉

旨兵部察議具奏

巡撫貴州兼理湖北川東等處地方提督軍務都察院右副都御史臣楊雍建謹

題爲銜途需員整理州官規避不前據詳指參請
敕部察議另補能員速催赴任事據糧驛道勞之辨
詳該臣看得普安州路極衝疲由黔入滇餉鞘
砲火等項絡繹不絕向因地方新闢急需料理
不得不以投誠人員暫令署事無如凋殘之地
諸事棘手署員傳春聞趙九功勞瘁焦愁相繼
病故數月之間屢易其官驛站廢弛餉鞘遲滯
人人視爲畏途現委之馬兆麟受事日餘又復

撫黔奏疏

卷之三

三

告苦告辭專望部選州官赴任辦理始無遺悞
查新選知州柴勝任已於康熙十九年十二月
內推補經今半載有餘查無音耗明係畏難規
避據該道具詳前來相應指參伏乞

敕部察議員缺速行另銓勒限赴任庶銜途公務不
致叢脞矣仰祈

睿鑒施行

康熙二十年七月二十五日題八月廿六日奉

旨柴勝任着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲甫出湯火之民復罹災害之慘籲恩題請破
格優卹稍延殘喘事據布政使柯鼎詳該臣看
得黔屬災疫流行死亾載道除貴陽等十府已
經據詳題報外至平大黔威四府向遭賊兵盤
踞誅求刦掠三載輟耕其受禍更慘而開復獨
遲乃今厲疫爲災民人死徙以致廬舍丘墟土
田荒廢兼之彝目操戈自相讐殺苗民難以安
枕嗟此子遺既患耕種之無資又苦災疘之淹

撫黔奏疏

卷之三

四

至凋殘流離之狀較之別府倍覺可憐臣前以
此四府本年額賦俟該地方官查明到日酌徵
已於地方新入版圖等事一疏題明在案茲據
該司詳稱水西四府真荒真絕最慘最苦則是
催徵之事勢所難行而

蠲恤之仁澤宜速沛事關地方疾苦臣不敢壅於

上聞伏乞

皇上軫念荒徼殘黎立賜蠲賑拯貼危於目前庶可
望生聚於日後除死亾人戶拋荒田畝細數俟

造冊到日另報外仰祈

敕部迅覆施行

康熙二十年七月二十五日題八月二十八日
奉

旨該部議奏

撫黔奏疏

卷之三

五

巡撫貴州兼理湖北川東等處地方提督兼都察院右副都御史臣楊璉建謹

題為協餉遲悞等事據布政使柯鼎詳該臣看得

解滇餉銀二十萬兩於本年二月二十一日三

月初五日二十六日四月初三日二十一日五

月初二日十九日前後共解二十萬兩俱取獲

批收在案此解滇之月日也其學士佛倫等所

請餉銀三十七萬兩於本年三月二十一日四

月十八日十九日先後到黔此三十七萬兩解

至貴陽府之月日也查前奉部撥協餉六十萬

撫黔奏疏

卷之三

六

支放正月之外所剩無幾先經滇撫題明在案

因進滇官兵需餉孔亟只得將留供駐黔兵馬

及本省制兵餉銀移緩就急通融奏解滇南仍

將三十七萬之數抵項此二十萬兩有先期解

送者亦有到後轉解者實皆三十七萬數內之

銀臣前疏請於部撥黔餉未到之間將三十七

萬內酌量留用今部覆不准留用仍令解滇但

前項餉銀支放無存已經行令布政司俟現撥

黔餉三十萬兩到日補解一十七萬兩以足三

十七萬兩之數據該司報稱於七月二十八日
已將江西解到黔餉先解五萬兩尚少一十二
萬兩俟兩淮餉銀一到再行補解可也仰祈
睿鑒施行

康熙二十年八月初四日題九月初四日奉
旨該部議奏

撫黔奏疏

卷之三

七

撫黔奏疏

八

巡撫貴州兼理湖北川東等處地方提督軍務都察院右副御史臣楊雍建謹
題爲呈報家主中途患病情真乞賜查明轉報事
據鎮遠知府王清遠詳該臣看得新陞雲南驛
傳道副使郭廷弼領憑赴任行至鎮遠府忽抱
寒痰病勢沉重難以前進呈明該府據詳驗看
患病是實至六月初旬病勢稍減領文就道取
據醫生甘結粘連該府結狀前來查例新復地
方補授官員一日限行七十里遠限一日以上
者革職如有患病及中途阻滯難行情由者俟
該地方督撫查明具題免議等因通行在案今
郭廷弼在於鎮遠臥病兩月遲滯有因委非規
避相應照例具題除結送部科外伏乞

敕部查照施行

康熙二十年八月初四日題九月初八日奉

旨該部知道

巡撫貴州兼理湖北川東等處地方提督糧務都察院右副都御史臣楊鍾建謹

題爲詳報軍需所惠核奪請銷事據按察使李輝

祖詳該臣看得大兵進剿逆賊蒙我

皇上軫念黔疆貧瘠逆兵盤踞兩年蹂躪不堪無糧

可措

特差學士臣佛倫等會同湖南撫臣韓世琦於鎮遠

起貴陽止設塘安夫轉運接濟官兵仰仗

廟謨飽騰捷伐恢復黔省其貴陽以上軍儲俾臣料

理臣仰遵

撫黔奏疏

卷之三

九

敕旨尾隨大兵到省時貴州布政使柯鼎糧驛道勞

之辨一在江口塘頭一帶督理兵糧一在平溪

鎮遠一帶安設驛站隨征各員止足以供各處

招撫殘黎分任收放糧料而在省收支滿漢大

兵糧餉任重事繁良非輕易惟按察使李輝祖

長才四應諳練精詳臣今先同大兵到省俾其

總司出納糧餉是時賊遺米石爲數無多大兵

星飛雲集待炊頗急兼之開州湄潭等處爲遵

義一路要隘分兵堵禦望米更殷臣令該司就

近相機採買源源供應隨後大兵前進其上游

普安盤江一帶山高路險糶糧殊難自應就食

彼地其時民苗遠遁無跡備辦米石尤爲棘手

臣查隨征候補知府李益陽曾任安順才具優

長咨商綏遠將軍湖廣督臣蔡毓榮調赴黔省

委以威清道銜責令備辦自威清平壩起至盤

江安南一帶各處滿漢官兵行坐等糧當行該

司移發銀兩前去令其一面招撫一面採買價

值隨時消長以廣我

撫黔奏疏

卷之三

十

皇上柔遠恤民至意去後查大兵駐黔約計四個月

按察使李輝祖署威清道李益陽不求濟於別

省之協幫不擅役一凋殘之百姓採買得法支

應以時今據按察使李輝祖并署威清道李益

陽各將經手採買糧米價值數目彙冊請銷前

來查冊開該司所買共米六千五百石每石價

銀自一兩五錢起至二兩止共用價銀一萬一

千四百五十兩該署道所買共米二萬二千二

百八十二石七斗每石價銀自一兩五錢起至

二兩二錢止共用價銀四萬二千七百三十四兩五分合而計之共採買米二萬八千七百八十二石七斗共用價銀五萬四千一百八十四兩五分黔省山高田少產米無多又舟楫不通督運煩苦價值素與他省不侔然

廟堂籌餉甚艱該司道雖極意樽節而臣復加再四駁察據稱初買路近其價稍賤漸買漸遠其價日貴臣通盤打算裁長補短約計每石不滿二兩官民物力較為節省除支放數目該司會同

撫黔奏疏

卷之三

士

糧驛道另為彙冊年終報銷應俟彙報到日另題外所有採買價值米數臣覆核無異除冊送部查核外理合先具題報伏乞

敕部核銷施行

康熙二十年八月二十日題九月二十五日奉旨着察核該部知道

巡撫貴州兼理湖北川東等處地方提督兼都察院右副都御史臣楊雍建謹

題為請頒黔屬各官印信事據布政使柯鼎詳該

臣看得黔省土司各官名缺前准部文俟臣查送到日再議等因隨行布政使查明具報去後茲據該司詳稱土司各官襲替年月及有無印信號紙從前案籍無存難以清查止據黔志所載與各土司冊開襲替緣由宗圖冊結兩相磨對其中有相合者有未盡合者再加駁查猶恐耽延時日除白納喇平等司宗圖清冊屢駁未

撫黔奏疏

卷之三

士

清俟報到之日另行呈報將已經磨對者開具清冊申送前來除冊送部科外查康熙十二年以前部頒黔屬土司印信號紙自有底冊可查伏乞

敕部將現在清冊與從前案冊再加磨勘查照名缺頒給號紙如有舛錯遺漏之處覆核改正行臣遵奉可也仰祈

睿鑒施行

康熙二十年八月二十日題九月二十五日奉

旨該部知道

撫黔奏疏

卷之三

主

巡撫貴州兼理湖北川東等處地方提督軍務都察院右副都御史臣楊璠謹
題為欽奉

上諭事准兵部咨該臣看得臣標中營中軍守備員
缺奉

旨將貴州現在之官就近選擇題補臣慎加遴選查
有投誠給札付將劉遇泰係湖廣道州人原任
雲南提標右營守備自吳逆變亂者授偽職去
年十月間率領官兵首先歸正於征南將軍穆
占軍前投誠隨經大將軍貝子頒給付將札付

撫黔奏疏

卷之三

十四

向隨臣標効用該弁久歷行間諳練營務堪補
臣標中營守備除履歷送部科外臣謹保題伏
乞

敕部議覆施行

康熙二十年八月二十日題九月二十五日奉

旨兵部議奏

巡撫貴州兼理湖北川東等處地方提督軍務都察院右副御史王楊維建謹

題爲重修鉄索橋梁事五月二十日准工部咨該
臣看得從來興大工動大衆未有不先定其規
模而後從事者盤江夙稱天險鉄索橋梁亟議
重修所關甚鉅前奉大將軍貝子令諭臣隨具
題部覆准動支協餉構造臣卽檄糧驛道遵行
竊慮工程浩大非一手一足之力所能獨辦復
委平大黔威道楊大鯤協同督理屢經飭催在
案但工料之艱難力役之煩苦勢難猝辦有不

撫黔奏疏

卷之三

五

得不據詳直陳者橋工務期永固必得請練巧
匠始克勝任向來俱用雲南修造瀾滄橋匠役
今必仍行咨取聽用兵火之後前此匠役未知
存否此工匠之難也橋梁跨踰江面闊十餘丈
全賴鉄索維繫查舊存六條一經火燒兩條已
壞其四條雖未銷鎔恐難經久必俟匠役驗過
可用則用更須添鑄練索需用上號鉄舢本處
鉄不堪用往時亦取給於雲南應咨查產鉄處
所委官採買此鉄舢之難也盤江河底陡絕搭

概難施須用十餘丈之木數百根橫亘搭方
可上鋪木板又襍用中樣木植約數千根今附
近山木小不中用其大者向於永寧州龍山等
採取深秋方可砍伐每根須人夫百餘名拖運
遇隘阨之處則必鑿山開路方得出口此木料
之難也大工一起用夫動以千計舊派通省民
夫但兵燹之後瘟疫盛行目前擡運餉鞘砲火
軍裝已是皮穿骨折萬難一時並用此夫役之
難也以如許之工程爲費不貲今大將軍貝子

撫黔奏疏

卷之三

六

等所稱週圍山上有木不甚糜費錢糧蓋亦未
嘗確查而熟計之也橋梁關係緊要臣何敢怠
緩不速行修理但工大而責重非可草率從事
查康熙八年修造鉄索橋彼時承平日久物力
較易尚至年餘告竣未有際此凋殘而能旦夕
觀成者也除咨移雲南撫臣訪查舊匠及產鉄
處所去後誠恐隔屬呼應不靈必藉
天語救下滇撫遵照往例催取修理瀾滄橋舊匠赴
黔供役并查明產鉄之處如遇貴州差員到彼

協同該地方官採買始無掣肘之虞查大兵前
渡盤江紫搭浮橋後因水發又行該地方官造
船四隻凡糧餉之轉運兵馬之往來從未有悞
近照學士佛倫等議稱橋工難以速就渡船尚
少應動支正項錢糧再造大船六隻以利軍行
臣一面檄行該道動支藩庫銀四百兩作速添
造船隻暫爲權宜之計一面飭催該道興舉橋
工外其造船之費請

敕部議作正開銷駕船水手辛勤異常工食銀兩並

撫黔奏疏

卷之三

七

請支給再如造橋匠役人夫亦難聽其枵腹今
議照搬運楚米之例每名日給銀五分米一升
庶可鼓其趨事而臣更有請者橋工緊急遵照
部文動支協餉修造當此軍需浩繁之際文武
官弁有能捐助工料銀兩者准與加級紀錄以
示獎勵或可少佐涓埃其管工勤事各員亦宜
分別勸懲使人無怠忽而厥功易竣伏乞
敕部一并議覆施行

康熙二十年八月二十日題十月初二日奉

旨該部議奏

撫黔奏疏

卷之三

六

巡撫貴州兼理湖北川東等處地方提督糧務都察院右副都御史臣楊雍建謹

題爲照例

請給出征官兵廩鹽行糧以壯軍行事康熙二十年

八月十四日准偏沅撫臣揭移前事內開除密

題外理合具揭等因到臣該臣看得逆賊黃明等

遁入古州八萬地方奉

旨令湖南粵西官兵會勦偏沅撫臣所請廩給鹽菜

行糧欲於部撥貴州現在協餉內給發並

請檄行該地方將官兵行糧設法運送等因移揭前

撫奏疏

卷之三

九

來臣查古州八萬乃係徑地居楚黔粵西三省

之間某省官兵卽應某省自供糧餉如謂經由

之黎平屬在貴州其黎平同城之五開衛又屬

湖南地土人民數倍於黎平衛之所轄者漢人

也府之所轄者苗民也從無人丁差徭似不宜

以一時經過之地專責其備辦糧餉况黎平秋

糧向不敷本處制兵之供應今因防勦黃明有

黎平城守制兵七百五十員名又調撥江西援

勦營遊擊白璣等官兵一千五百餘員名鎮遠

協官兵五百餘員名約計三千員名所需糧糗

行令黎平府竭力措辦猶慮不給何由而有餘

米供給湖南兵馬乎以楚粵官兵就近調征原

欲省轉運之勞供應之煩今以征兵出境

請給廩鹽行糧查湖南附近之靖州黔陽天柱等州

縣皆產米之地不難運至黎平自黎平前進責

令黎平府五開衛照地畝人丁多寡派夫起運

軍前庶幾無誤至於餉銀貴州原無贏餘額賦

其部撥餉銀俱係外省協解爲按日計口之需

撫奏疏

卷之三

十

目前供應駐省滿漢大兵尚苦不足又將何項

支給湖南卽有已到貴州之餉不知費幾許夫

彼方得抵黔又復倒送湖南非計之便也莫若

另行酌撥徑送偏撫軍前較爲直捷事關軍供

務期合難就易有濟實用若俟部文到日再爲

題請恐需時日理合預爲

題明伏乞

睿鑒勅部議覆施行

康熙二十年八月二十二日題

巡撫貴州兼理湖北川東等處地方提督軍務都察院右副都御史臣楊建德

題爲稟報事據貴州都使司驗報前事該臣看得

濯靈所小箐地方強盜白荳橫行殺死黔西鎮

標把總邢國英刦去餉銀二千兩當據濯靈所

千總任仲倫協同駐防把總于化鵬追趕殺死

盜犯一名活擒盜犯宋孝搜出餉銀四百兩得

獲兇器審供同夥十人續據拿獲盜犯一名王

麻子搜出餉銀一百一十二兩隨發貴陽府嚴

審刦殺情真尚有未獲七名如鄭進才李大王

據請奏疏

卷之三

主

二疤喇三名均係旗丁在雞場養馬會齊行刦

者也如張長子一名係營丁也如董四尤有功

劉林三名係遊棍也事關刦餉殺官大干法紀

一面通行嚴緝地方官弁疎防之咎難辭除營

汛武職聽提臣題叅外查衛所兼轄則都司王

風熙已經病故耑轄則濯靈所委署千總任仲

倫也相應指叅查小箐係貴陽地方據按察使

詳稱該府非衛所兼轄之官是以未開職名應

否免議聽部議奪再照未被盜犯鄭進才李大

王二疤喇等歷審現獲之宋孝王麻子供係同

夥堅執不移旗色年貌整齊可據及臣移查

詢但回稱並無其人而已則是此案終難完結

而地方官之叅罰竟無已時伏乞

敕部察議通飭旗丁不得借養馬之名遠離隊伍相

比匪類自不至有盜案干連之事矣仰祈

睿鑒施行

康熙二十年九月十三日題十月十四日奉

旨旗丁借養馬之名遠離隊伍爲盜該管各官所司

據請奏疏

卷之三

主

何事着一併嚴察議奏該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為請頒黔屬各官等事據布政司柯鼎詳該臣
看得行查土司各官名缺一案除已經題報外
當有駁查未清者俟申報到日另行具題茲據
布政司詳據貴陽府申報府屬白納司正土官
周爾齡新貴縣屬喇平司土官宋世爵新添衛
申報衛屬丹平長官司土官莫慶明等各宗枝
圖冊並取具隣司戶族結狀該府縣衛印結到
司將各結狀存司備案另造簡明清冊詳請具

撫黔奏疏

卷之三

七

題前來除冊送部科外伏乞

敕部俯照各土官名缺頒給印信號紙以示柔遠至
意倘有舛錯之處仍候覆核改正行臣遵奉施
行仰祈

睿鑒施行

康熙二十年九月十八日題十月十九日奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為報明設站數目事據糧驛道勞之辨詳該臣
看得黔省為滇南孔道兼以山高路險差使繁
多非各省可比經臣具題將現在夫馬工料照
舊存留部覆不准仍行臣十分裁四隨微糧驛
道遵照去後但查黔省驛站實與各省不同自
平溪以至亦資孔原設二十六驛一十八站皆
係一線衝途並無僻驛每驛僅設馬五匹馬夫
二十五名每站止設夫一百名馬每匹日支料
五升草一束價銀一分馬夫每名日支米一升
銀二分站夫每名日支米一升銀一分五釐此
現在之夫馬工食原無多餘萬難裁減况前奉
上諭差吏部郎中門德里整理貴州驛站如額設夫
馬不足應添夫馬并南驛遠中山險路狹程途
遙遠應設腰站之處俱令臣會同定議料理不
得有悞往來馳送軍機是

皇上軫念滇黔用兵於原額夫馬之外尚令增添臣
從節省錢糧起見會同差員確查仍照原額設

足不致遲悞現今湖廣廣西四川各路大兵進
取雲南一切軍機報務俱由貴州驛送絡繹不
絕而貴州現有駐防滿漢官兵其鎮遠平越貴
陽安南衛亦資孔五處安塘筆帖式等羽檄交
馳不容刻緩又非各省承平無事者比至於解
送餉銀擡運砲位等項相望於道值今災疫流
行死亾接踵卽重價僱募呼應不前沿途官弁
在在賠累方且求增工食銀兩今縱未敢議增
若將驛站錢糧十分裁四必至馬斃夫逃驛通

撫黔奏疏

卷之三

五

廢池貽悞軍機所關非細茲據該道將合屬公
詳萬難裁減情由仍請具題前來臣謹再疏入
告伏乞

皇上俯念大兵進剿黔驛衝疲將夫馬工料等項照
舊存留庶郵遞無倒廢之虞而軍務得免遲悞
矣仰祈

敕部議覆施行

康熙二十年九月二十二日題十月廿七日奉
旨該部議奏

巡撫貴州兼理湖北川東等處地方提督都察院右副御史臣楊鼎建
題爲回兵大肆擾害殘黎逃散一空統帥將領毫
無鈐束謹特疏

上聞仰祈

乾斷嚴行懲飭以安民生事九月二十五日准貴州
提臣趙賴咨該臣看得勞苦征兵固當軫恤而
凋殘遺孑猶賴安全黔省地隘民稀湯火之餘
繼以災疫卽竭力撫綏元氣尚難驟復臣目擊
哀鴻會具有請申復業之令併禁夫役之繁等

撫黔奏疏

卷之三

五

事一疏部覆令臣將流散人民設法招集復業
務令得所至於大兵等正差外如有借端多取
人夫擾民者該撫指名題參等因奉有

俞旨欽遵在案臣仰體

皇上德意多方招徠徧示過往兵丁不得擾民黔屬
殘黎漸漸復業然現在應差者無非椎髻跣足
之苗民藉以棲身者不過結草編茅之廬舍運
送餉鞘扛擡砲火足敝肩穿未有寧息再加蹂
躪萬萬難堪本年九月內大將軍貝子章泰從

撫黔奏疏

卷之三

毛

雲南起送病故官兵尸骸及染病兵丁退甲苦
獨力等交與正黃旗佐領卜濟章京阿積圖正
白旗章京鄂海等總領回荆又征南大將軍賴
塔從雲南遣發凶故官兵骨殖并老病傷殘無
馬甲兵前往荆州駐扎又川陝總督哈占自雲
南領兵回川先後各會到臣臣已檄糧驛道轉
行各該地方預備口糧僱覓民夫照數應用豈
意各兵罔遵紀律自亦資孔而下竟爾擾掠踐
割田禾搶奪牲畜折毀房屋姦淫婦女沿途挫
鎖人夫四鄉遍行搜索一時百姓紛紛避竄俯
藉因之而停閣公文由此而遲悞准貴州提臣
各據普安衛署守備張一鵬普安營守備詹尚
貴安南營守備楚林鳳稟報相同傷心慘目切
思口糧夫役有地方官區畫何得妄行擾掠既
用人夫何復勒折銀兩甚將該備毆鎖鞭撻捲
其衣物衝途衛弁其何以堪無惟乎驛站署員
聞風而驚避也前項兵丁原有總領之員乃竟
無鈴束任其橫行時值秋收小民失望將來滇

城克復

王師凱旋羊腸一線必係經由之地今苗民畏懼遠
匿山箐竊恐招之不來糧賦何從備辦人夫何
從僱覓撫字之術已無所施

皇上視民如傷而過往官兵輒肆凌虐臣若瞻徇不
以入

告是負百姓也臣負百姓卽負

皇上除一面會同提臣再行禁飭外不敢不據實直

陳伏乞

撫黔奏疏

卷之三

天

敕部嚴查特加懲創嗣後領兵將弁務使恪遵

功令嚴束兵丁所過之地毋得摧殘庶軍紀肅而民

命甦矣仰祈

乾斷施行

康熙二十年九月廿七日題十一月十一日奉

旨凡過往兵丁不許擾害地方屢經嚴旨申飭據奏
兵回經過貴州沿途大肆擾害以致黎民逃散種
種不法該管各官務無鈴束殊爲可惡着一併嚴

察議奏該部知道

巡撫貴州兼理湖北川東等處地方提督都察院右副都御史楊舉謙

題為清查賊遺糧米事據糧驛道勞之辨詳該臣
看得招佃租穀及逆賊發銀採買二項前准部
文行臣查明有無米穀之處造冊報部等因隨
行糧驛道逐一嚴查去後據該道詳稱原任提
督李本深招佃租穀並無隱匿取具安順府屬
甘結存案其招佃名色已經革除發還各軍民
管業當差矣又逆賊發銀採買未收之米止據
敷勇衛報出一百九十石現在清追其餘並無

撫黔奏疏

卷之三

手

遺畱在民者節次駁查亦取有各屬甘結在案
續據江西坡分防千總楊振國報出賊遺米二
百八十九石七斗五升署普安州知州馬兆麟
報出賊遺米五十八石三斗一升以上共米五
百三十八石零六升合前報過賊遺米數通共
二萬一千二百八十九石四斗零二合四勺五
抄黃豆一百四十九石四斗麥子一百零三石
粟冊呈送前來臣覆核無異除冊送部科外查
例清出賊遺銀米將各官照查出存畱錢糧例

按數議敘今黔屬查出賊遺米數等項二萬一
千餘石應否議敘伏乞

敕部議覆施行

康熙二十年十月初八日題十一月二十二日
奉

旨該部議奏

撫黔奏疏

卷之三

手

巡撫貴州兼理湖北川東等處地方提督務都察院右副都御史臣楊建禮

題爲慶

賀事據布政使柯鼎詳該臣看得康熙二十一年分元旦表箋貴州都司與各衛所理應專員賁

進但今滇南餉鞘軍裝絡繹不絕屯糧驛站料理不

可乏人部選尚多未到委署亦無閒員據該司

詳請同文職表箋一併委官賁

進前來事關

大典相應題明伏乞

撫黔奏疏

卷之三

奉

敕部查照施行

康熙二十年十月初八日題十一月二十五日

奉

貴部議奏

巡撫貴州兼理湖北川東等處地方提督務都察院右副都御史臣楊建禮

題爲一省兩例碍難遵行仰祈

題明改正以歸畫一以專責成事據布政使柯鼎

詳該臣看得黔省土司漢苗各異苗土司係改

土設流原聽州縣管轄相安已久無容置議至

漢土司錢糧各徵各解向隸府管不屬州縣從

無有悞自康熙十二年前撫臣具題請將土司

錢糧歸併府屬附郭之縣經徵此例雖改後經

寇亂並未舉行然自歸併之議興而土司藉口

撫黔奏疏

卷之三

奉

推諉縣官呼應不靈彼此具控事多貽悞蓋土

司人民與知縣素不相習既難以自行催徵而

漢土司官從無聽知縣節制之處又不便徑行

督責是以扞格難施況總一土司有附郭之縣

者歸併無附郭之縣者仍隸府屬一省兩例亦

覺未當現今康熙二十年二十一年由單遵照

部文悉依十一年額數刊造已經通行各屬如

將府屬土司歸併於縣勢必改造由單矣若將

漢土司錢糧仍令自徵自解以知府督徵庶責

成可專而完納無悞據該司詳請前來相應題

明仰祈

敕部查照施行

康熙二十年十月初八日題十一月二十五日

奉

旨該部議奏

撫賚奏疏

卷之三

三

巡撫貴州兼理湖北川東等處地方提督軍務都察院右副都御史臣楊雍建謹

題為特參署弁借端躲避誤餉鞘請

收部議處以儆違玩事據河南安徽解餉官廬州府同知金夢旦貴池縣縣丞黃世傑申該臣看得平壩路當孔道前因開復之初料理需人暫以隨征武舉種名遠署理衛務後雖有部選守備溫實因解餉入滇未回仍屬種名遠署事當軍興孔亟之時臣屢飭沿途官弁凡遇餉鞘隨到隨運已經三令五申乃本年九月內有安徽解

撫賚奏疏

卷之三

三

官押解餉銀到衛種名遠因滿兵經過躲避無踪以致餉鞘停閣數日尚未起運據金夢旦等申報前來臣不勝駭異雖旗丁擾掠間風畏懼而萬繁軍需豈容借端逃避致有貽悞違玩之罪不能為署守備種名遠寬也除一面飛檄糧驛道將前項餉鞘專役嚴催起運外相應特參伏乞

敕部議處施行

康熙二十年十月二十二日題十二月初一日

奉

旨神名遠着議處具奏該部知道

撫黔奏疏

卷之三

奏

巡撫貴州兼理湖北川東等處地方提督都察院右副御史臣楊繼誼

題爲患病益成廢癰萬難赴任就職懇乞諭明轉

達恩准休致以無悞邊疆事據貴陽府詳該臣

看得雲南鶴慶府劍州知州楊應標領憑赴任

本年五月行至平越感患寒熱病症報明該府

在案因憑限嚴切扶病前至貴陽瘧痢並侵復

經該府縣查明該員在省調治初欲勉力赴滇

不謂病勢日加竟成癰廢難以前進呈懇繳憑

題請休致情詞迫切隨批布政司覆查無異取具

撫黔奏疏

卷之三

奏

結狀前來查赴任官員中途患病不能前進者

所在督撫具題今楊應標年已六旬委係病廢

實無規避之情除將文憑結狀揭送部科外相

應具題伏乞

敕部議覆照例准其休致員缺另行銓補可也仰祈

睿鑒施行

康熙二十年十月二十二日題十二月初二日

奉

旨吏部議奏

巡撫貴州兼理湖北川東等處地方提督軍務都察院右副都御史臣楊雍建疏

題爲稟報事據標下中營遊擊吳勝詳該臣看得臣標右營守備宣承昇領有兵部札付馬牌據報本年六月內失火燒燬等情隨行中軍遊擊查明有無別故去後據該遊擊取據貴州衛印結前來雖云自蓋草房因風失火旋即撲滅並未及民居然焚燬部扎疎忽之咎難辭除將結狀備案外相應指叅聽部議覆其札付照例補給可也仰祈

撫黔奏疏

卷之三

三

睿鑒施行

康熙二十年十月二十二日題十二月初二日奉

旨兵部議奏

巡撫貴州兼理湖北川東等處地方提督軍務都察院右副都御史臣楊雍建疏

題爲特叅焚弁等事康熙二十年十月十六日據按察使李輝祖詳前事該臣看得李成龍利慾薰心罔顧法紀其差拘吳大申也帶領多人擁入其室以搜取書札爲名開視箱籠致大申失去採買官銀一百二十兩初審未即承認且欲卸罪於兵丁而全無指實再三研訊始有伊僕陳玉竊取五十八兩三錢之供其餘已爲陳玉花費無存詰問大申亦有未見成龍親手拿銀

撫黔奏疏

卷之三

三

之語然出自陳玉之手入於成龍之橐此與自取何異陳玉雖服天刑而成龍之染指供吐已確歷審情真未可諉咎於既死之僕而遂有恕辭也查律勾捕罪人因而竊取財物者計贓准竊盜論今成龍入已贓銀五十八兩三錢應杖六十徒一年其陳玉花費銀六十一兩七錢亦應於成龍名下追賠共追賠銀一百二十兩因屬買米官銀合斷給原主吳大申以完公務者也據該司招解前來臣親審無異理合備錄招

由具

題伏乞

睿鑒勅部議覆施行

康熙二十年十一月初一日題

撫黔奏疏

卷之三

五

巡撫貴州兼理湖北川東等處地方提督軍務都察院右副御史臣楊鍾經謹

題爲衛弁撤夫倒站籲恩急救以免風火中斷事
據糧驛道勞之辨揭報到臣該臣看得滇餉急
於風火其人夫應循舊例各應各站則糧運無
悞查普安州站原議普安衛屬南北二里入夫
五十名并土司總兵龍天祐自認出夫一百名
協力扛擡該總兵具有遵依在案不意署普安
衛守備張一鵬於九月內擅將普安站夫撤赴
亦資孔以致土司人夫藉口逃回一時餉鞘堆

撫黔奏疏

卷之三

卑

集違悞軍需一鵬無所逃罪除一面檄行該道
將普安南北二里入夫仍歸原站外相應指叅
聽部議處至普安一帶盡屬苗徠僱募艱難今
土司總兵龍天祐不遵原認之數止出夫四十
四名又復逃去似此任意閃悞則地方官呼應
不靈切念天祐受

國殊恩當軍需萬緊之時不思急公報効咎亦難
辭據該道揭報前來相應一併

題叅伏乞

敕部嚴飭嗣後該土司違悞夫役定議作何處分庶

站夫不致缺額而軍需免於中斷矣仰祈

睿鑒施行

康熙二十年十一月初一日題十二月初九日

奉

旨張一鵬着議處具奏餘着議奏該部知道

撫黔奏疏

卷之三

聖

巡撫貴州兼理湖北川東等處地方提督軍務都察院右副都御史臣楊鍾建謹

題爲揭報遲悞餉鞘之員以速軍需事據糧驛道

勞之辨揭報到臣該臣看得由黔入滇之餉鞘

前後接踵俱關急需所賴地方官弁竭力轉運

以免貽悞無如湯火之餘力役艱難而在站各

官又未能多方調劑雖票催差催日無寧咎求

其隨到隨運者什無二三律以遲悞之愆無一

得免然未有屢次停畱如署新添衛守備柯蕙

之尤者也查新添路屬衝衛開復以來刻難乏

撫黔奏疏

卷之五

聖

員不得不委員署理若柯蕙者初辦支應無悞

日久力薄漸見廢弛據該道揭報節據解官宋

國英等餉鞘到衛屢屢停擱或五日或十日等

情事關軍需豈容怠玩遲延之罪難爲該弁寬

也謹據揭糾叅聽部議處再查衛所各弁本年

六月內已經部選有人迄今未到並請

敕部嚴催赴任庶驛站諸務有所責成矣仰祈

睿鑒施行

康熙二十年十一月初一日題十二月初九日

奉

旨柯蕙着嚴加議處具奏餘着議奏該部知道

撫黔奏疏

卷之三

聖

巡撫貴州兼理湖北川東等處地方提督楊都察院右副都御史臣楊鍾建謹

題爲請停捐納事據布政司詳該臣看得捐納事例不過一時權宜之計黔省事例在貴陽鎮遠兩處捐納節經該司冊報咨部在案所收過米石草束陸續支放應俟另冊報銷查部文內有俟雲南底定之日將此捐納之處停止等語今雲南省城既已開復貴州捐納應於本年十二月終停止據該司具詳前來相應題明伏乞敕部查明施行

撫黔奏疏

卷之三

聖

康熙二十年十一月十二日題十二月十二日奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲稟報事據按察司詳該臣看得龍里縣高寨地方失盜一案准有部文行查貴陽府有無捕盜同知通判及兼轄道官並查該縣委署典史王師舜係何項人員等因隨行按察司確查去後茲據該司詳稱貴陽府無有捕盜通判止有同知一員查高寨失事在本年三月十八日同知白邦傑於本年四月內到任在此案失事之後貴陽向無兼轄道員今貴西道係新行改設不

撫黔奏疏

卷之三

聖

在此案兼轄之例其典史王師舜前因地方初復綏遠將軍委署今部選典史已到業經卸事等因詳報前來相應題覆伏乞

敕部查照施行

康熙二十年十一月十二日題十二月十二日

奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲題明事該臣看得臣標應需管馬二百二十

五匹前奉部文准臣所

請照廣西之例捐助足額之日卽行停止仍將捐馬各官職名馬數造冊送部以憑議敘等因隨行中營遊擊吳勝慈照去後茲據該遊擊詳稱捐助本標營馬已經足額相應停止將捐馬各官職名并馬匹毛齒數日分發三營起支餉乾日期造具清冊呈報前來除冊送部科外相應

撫黔奏疏

卷之三

聖

題報伏乞

敕部查照施行

康熙二十年十一月十九日題十二月二十三

日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲酌撥康熙二十一年兵餉事據布政司柯鼎

詳該臣看得黔省各標鎮營經制官兵馬匹康

熙二十一年分應需俸餉乾銀共五十一萬五

千三百一十三兩九錢四分九釐零例應先期

請撥據該司造具清冊前來臣覆核無異除冊

送部外相應題

請伏乞

睿鑒敕部酌撥施行

撫黔奏疏

卷之三

七

康熙二十年十一月十九日題

巡撫貴州兼理湖北川東等處地方提督軍務都察院右副都御史臣楊雍建謹

奏爲再疏乞休仰祈

睿鑒立賜罷斥另簡賢能無悞封疆事臣於本年二

月內具有微臣夙疾陡發等事一疏奉

旨楊雍建簡任巡撫正資料理着照舊供職不必以

病求罷該部知道欽此伏念臣以衰病求退蒙

皇上不加處分仍勉以照舊供職捧讀

綸音不勝感激時因滇孽尚未授首不敢再辭半載

以來力疾從事冀竭盡駑駘以圖報効無如臣

撫黔奏疏

卷之三

哭

年齒衰暮兩目昏聩加以秋夏之間瘧痢間作

精神日益委頓政務日見廢弛天災流行民脂

於死臣不能救兵馬更調民苦於擾掠臣莫

能禁餉稍停滯而轉運不靈驛站疲廢而安頓

無術臣之庸碌尸位毫無治理已可槩見矣周

任有言曰陳力就列不能者止衰病如臣若不

亟請罷斥日復一日貽誤不小況今滇城開復

賊首殄除臣循分乞休非同規避謹再疏陳

請伏乞

皇上俯鑒微臣庸駑衰病難堪重任允臣休致另簡
賢能以撫黔疆地方幸甚微臣不勝激切待
命之至

康熙二十年十一月二十八日奏二十一年正
月二十三日奉

旨楊雍建前以病請已奉旨畱任今大兵凱旋事務
繁多正宜殫力料理以盡厥職乃託病畏避復行
陳請殊屬不合着嚴察議奏吏部知道

撫黔奏疏

卷之三

兗

巡撫貴州兼理湖北川東等處地方提督軍務都察院右副御史臣楊雍建謹

題爲捐修營房事據布政使柯鼎詳該臣看得貴
陽兵火之後所存房屋無幾自大兵起行入滇
騰出空房已經招集原主認住並無空閑者可
以安插後來官兵自常德調駐滿洲大兵於十
月內抵省隆冬苦寒無處棲止旣不便再住民
房使復業之衆又致失所欲議修蓋則民力已
竭臣與在省司道各官公議照例捐資蓋造營
房六百間爲大兵棲身之所俟其撤調後卽將

撫黔奏疏

卷之三

辛

此屋撥給在省綠旗官兵居住今已如數蓋完
據該司將捐修營房間數銀兩及各官職名備
造清冊前來除冊送部外相應具題伏乞

敕部查明施行

康熙二十年十一月二十八日題二十一年正
月二十七日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為報明船隻遭風飄失文憑懇憐稽程有因賜

結轉報事准偏沅撫臣咨前事該臣看得新補

貴州提學道錢捷領憑赴任行至常德府武陵

縣牛鼻灘地方遭風覆舟飄失文憑先准偏沅

撫臣咨移再據武陵縣驗報出具印結前來查

水火事出意外失憑委無別弊除印結分送部

科外相應

題明伏乞

撫黔奏疏

卷之三

聖

敕部查照施行

康熙二十年十二月十六日題二十一年正月

二十八日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為請頒

收印以明職掌事據布政使柯鼎詳該臣看得道員

例有

敕書所以專考成而明職掌貴州分守平大黔威道

叅政楊大鯤經臣題請改為分巡貴西道所有

敕書據該道詳請頒給隨批布按二司將職掌事宜

會議去後茲據兩司詳議備造清冊前來臣再

加酌核除冊送部外相應具題伏乞

撫黔奏疏

卷之三

聖

敕部議覆將該道

敕書查照職掌擬給其分巡貴西道關防一顆并請

鑄造俟頒發到日將原領分守平大黔威道關

防繳部可也臣謹會同雲貴總督臣蔡毓榮合

詞具題仰祈

睿鑒施行

康熙二十年十二月十六日題二十一年正月

二十六日奉

旨該部知道

巡撫貴州兼理湖北川東等處地方提督兼務都察院右副都御史臣楊建勳

題為雲南已經底定大師陸續凱旋懇恩具

題籌畫夫船庶免臨時擾攘事康熙二十年十二月初二日據布政使柯昀糧驛道勞之辨公詳前事該臣看得大師凱旋取道貴州兵馬絡驛如欲索用人夫則黔省地窄民稀擡運餉糈日無寧晷自額設站夫之外萬不能再派一大夫至船隻一項准征南大將軍咨請預備但黔地不通舟楫自鎮遠而下始有一線水路然河淺

撫黔奏疏

卷之三

奎

灘多僅可用沅州一帶極小舢舨方能行走據該司道詳稱河路非貴州所有不能越俎而議請乞

題明前來其大兵到鎮遠或仍由陸路入楚停其覓船或行令有船地方備辦臣謹據詳

題請仰祈

睿鑒勅部迅覆施行

康熙二十年十二月初三日密題

巡撫貴州兼理湖北川東等處地方提督兼務都察院右副都御史臣楊建勳

題為請

青事康熙二十年十二月十五日准戶部等衙門密咨前事內開雲南清吏司案呈等因准此除在貴州喂養馬匹二十日草料銀兩另疏

題請外該臣看得自雲南凱旋大兵馬匹羸瘦喂養誠不可緩然必草料充裕喂養不缺方克有濟但查貴陽地方福小出產有限自恢復貴州以來常有兵馬駐防應用米糧草料俱取給於

撫黔奏疏

卷之三

奎

此彈丸之地民間蓋藏搜括殆盡今此回京數萬兵馬喂養二十日之草料貴陽一處萬萬不能取足本年十二月十五日奉到部文之時參贊副都統莽吉祿等帶領官兵已抵貴陽即需喂養馬匹臣思如在貴陽一處喂養馬匹衆多縱折給價值亦難覓買議將馬匹分於貴陽府新添衛平越府三處喂養或稍易於得獲等因移商副都統莽吉祿達漢泰翁受沙禮將官兵馬匹分在貴陽新添平越三處喂養與臣所議

相合除一面分撥官兵馬匹在三處喂養外理
合

題明抑臣更有請者以後自雲南回至貴州官兵
馬匹俱應照此在貴陽支給二十日草料銀兩
至應否在回兵順路分散喂養之處容臣臨期
與兵主商酌而行可也仰祈

睿鑒施行

康熙二十年十二月十七日題

撫黔奏疏

卷之三

聖

巡撫貴州兼理湖北川東等處地方提督兼都察院右副都御史臣楊建德謹
題為請

旨事康熙二十年十二月十六日據布政使柯鼎爵
該臣看得凱旋大兵准照順治十五年例有貴
州喂馬二十日其應用錢糧出自何項部文並
未議及查雲南進勦滿洲大兵除留守而外其
回京者每佐領下約甲三十副共需草料銀二
十萬兩現在無項可動目下副都統莽吉祿帶
領兵馬已抵貴陽喂養馬匹之費刻不容緩其
撫黔奏疏 卷之三 奏

餘兵馬亦絡繹而至豈能坐待部撥款項始行
支給事關萬緊不能不暫作權宜據該司詳請
將解滇餉銀內已到貴陽者陸續截留二十萬
兩以作供應等因除一面移會總理糧餉臣外
相應具

題伏乞

勅部另撥喂養馬匹錢糧二十萬兩勒限赴黔補解
雲南總係支應大兵之餉無妨移緩就急者也
仰祈

睿鑒施行

康熙二十年十二月十七日題

撫黔奏疏

卷之三

老

巡撫貴州兼理湖北川東等處地方提督兼理都察院右副都御史臣楊鍾建謹

題明遷移投誠官兵仰祈

睿鑒事康熙二十年十二月二十日據糧驛道勞之
辦詳該臣看得遷移投誠官兵家口需用人夫
口糧船隻大將軍貝子具

題移文到臣迅行地方官預備臣隨行糧驛道遵
照去後但查吳三桂屬下官兵家口尚有四萬
七千餘名如每人給夫一名便須四萬七千餘
名之夫雖云陸續起程需夫亦以萬計否則亦

撫黔奏疏

卷之三

奏

以數千計查貴州通省原額人丁一萬三千八
百餘丁兵燹之餘繼以疾疫死亡故絕又十去
共三四即使盡貴州之人而為夫亦不足用况
今解滇餉餉絡繹如前額設站夫猶且艱於催
募則此項人夫萬難派集者也至口糧一項黔
省秋糧尚不敷本地制兵月米及驛站糧料之
需雖有捐納之米一年以來供應進勦駐鎮滿
漢官兵隨收隨放已鮮存貯日下凱旋之衆沿
途支給口糧而又喂養馬匹三十日需糧更多

秋收不及上年米價日漸騰貴乃遷移人等又需口糧彈丸之地蓋藏有限儲備實難臣愚以爲遷移投誠家口固係急務而地瘠民稀萬難措備之處又不得不據實

上聞請於萬不得已之中行用一緩二之法如口糧乃勢所必需卽價值騰貴亦當令地方官儘力覓備或按站支領或量給其半其人夫則貴州無從催覓應令遷移人等自行措辦至於黔省不通舟楫人所共知鎮遠而下雖有一線灘河

撫黔奏疏

卷之三

奏

然船隻非貴州所有臣已於雲南已經底定等

事一疏

題明在案今必需用船隻伏乞

勅部行令湖南地方將所有船隻催赴鎮遠備用庶可臨期無誤不然而必欲於無夫之地派夫無船之地覓船卽將黔屬官員盡行指叅究無益於遷移之家口也據該道將萬難情形詳覆前來相應

題明仰祈

睿鑒勅部迅覆施行

康熙二十年十二月二十日題

撫黔奏疏

卷之三

奉

巡撫貴州兼理湖北川東等處地方提督軍務都察院右副都御史臣楊琳建謹

題爲頒給印信事據布政司詳該臣看得設官分理必有職掌若一無所事似當議裁查貴州巴香地方原非衛治又非經制既無錢糧驛站之責亦無防汛兵馬之任守備一官似屬冗員據該司詳請裁撤以省糜費等因前來其部推巴香衛守備史揚芳應否撤回將印信繳銷相應具題伏乞

敕部議覆施行

撫黔奏疏

卷之三

奎

康熙二十年十二月二十八日題二十一年正月二十六日奉

旨該部議奏

巡撫貴州兼理湖北川東等處地方提督軍務都察院右副都御史臣楊琳建謹

題爲賓典在邇歲科兩考難週懇賜

題請稍爲變通以便遵守事據提學道僉事錢捷詳該臣看得學道考試先歲後科事竣報滿此定例也但黔省辛酉科鄉試展期壬戌之秋原屬創舉學道錢捷於康熙二十年十一月內到任因兵燹之後清查學冊務宜詳慎兼之滇南克復以來回兵絡繹府州縣官俱有辦理軍需之責勢不能分身提調寥寥士子日拮据於納糧應役亦未遑從容就試屈指秋闈爲期甚迫數月之內萬難歲科兩週該道詳請具題作何變通前來或以歲考優等改爲科考以應今秋鄉試之後該道再補一考卽行報滿或以歲科兩考必需一週方行鄉試請將今秋試期再轉限於康熙二十二年二月舉行庶無違悞伏乞

敕部迅覆行臣遵奉施行

康熙二十一年正月初九日題二月十五日奉

旨該部議奏

撫黔奏疏

卷之三

奎

巡撫貴州兼理湖北川東等處地方提督兼都察院右副都御史臣楊彝鼎

題為請

旨事竊照雲南餘孽一旦廓清皆賴

皇上德威遐暢所致查滇省新復自留守而外其餘

滿漢官兵俱議撤回而貴州省城仍留副都統

莫達帶領八旗兵馬駐防仰見

膚慮周詳如此其至但思雲南既定宇內共享昇平

僅一胡國柱遁逃未獲大兵現在追勦自可計

日就擒貴州已屬承平內地安順一帶則有提

撫黔奏疏

卷之三

審

標兵馬貴陽則有臣標三營及城守官兵安籠

黔西大定威寧四鎮而外各有城守設防分汛

其駐防滿兵似可不必復設查此項官兵俸餉

等銀每月約需二萬餘兩協餉到黔崎嶇險阻

解運非易軍需孔亟之際亦當酌量其可以撤

調者而節省之也伏乞

勅部速議將副都統莫達所領駐防貴陽滿兵作何

撤調庶幾措兵於有用之地而糧餉不致虛糜

矣仰祈

睿鑒施行

康熙二十一年正月十三日密題

撫黔奏疏

卷之三

奎

巡撫貴州兼理湖北川東等處地方提督軍務都察院右副御史臣楊雍建謹

題爲請頒黔屬各官印信事該臣看得土司各官
名缺一案前據布政司將宗圖冊結已經磨對
者具文申送已於去年八月二十日具題在案
茲復據該司將貴陽等府補報各土司宗圖冊
另造簡明清冊一并呈送此外尚有駁查未清
者俟申報到日另行具報等因具詳前來除冊
分送部科外伏乞

敕部將康熙十二年以前底冊再加磨勘查明名缺

撫黔奏疏

卷之三

奎

頒給印信號紙如有舛錯遺漏之處覆核改正
行臣遵奉可也仰祈

睿鑒施行

康熙二十一年正月十三日題二月十五日奉

旨該部知道

巡撫黃州兼理湖北川東等處地方提督軍務都察院右副御史臣楊雍建謹
題爲特叅貪酷州牧以除民害以肅官方事竊照
黔省當逆氛蹂躪之餘民苗久罹湯火全賴爲
民牧者加意撫綏庶可起瘡痍而登衽席臣屢
飭各屬有司絜已愛民亦既諄諄告戒乃有秉
性貪殘飛刑肆虐借端勒派如鎮寧州知州李
文雄者據布政司柯鼎按察使李輝祖貴西道
楊大鯤安順府以同知管知府事汪世印揭報
前來與臣訪聞無異謹臚列事跡爲我

撫黔奏疏

卷之三

奎

皇上陳之

計開

鎮寧州貪酷知州李文雄劣蹟

一本官賦性殘忍凡遇衙役鄉約小過輒用腦

樨夾棍飛刑弔拷以致衙役逃散百姓畏威

遠竄楊得裕李禎祥伍舉等証

一本官於康熙二十年九月內借催糧名色設

立總催八人勒索公禮銀三十六兩汪應俸

董應鳳等証

一本官於康熙二十年十一月內勒索火紅紅
腊播東地方以夫代寫折銀一百二十兩總
催李先貴收解証

一康熙二十年九月內修造盤江渡船奉發銀
四百兩分發各屬該州應造船二隻聽經承
王士俊陳桂芳額外派銀四百兩官役分肥
入案以致軍民怨聲載道總催李先貴收交
蔡應登証

此一官者殘忍爲心貪婪成習馭下則動用飛

撫黔奏疏

卷之三

奎

刑遇事而恣行苛派民怨已騰官箴有玷斷難

姑容民上貽害地方所當照貪酷例亟請褫革

并有名蠹役提問究擬者也謹特疏糾叅仰祈

睿鑒施行

康熙二十一年正月十三日題二月二十二日

奉

旨這所叅李文雄着革了職其貪酷各款併本內有
名蠹役該督嚴審究擬具奏該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為慶

賀事據布政使柯鼎詳該臣看得康熙二十一年三

月十八日恭遇

皇上萬壽都司與各衛弁慶

賀表文理應需官賞

進但今大兵凱旋各衛俱有錢糧夫馬之資據該

司詳請炤慶

賀

撫黔奏疏

卷之三

宋

元旦及

太皇太后萬壽表箋共委文職一員并費之例具詳

前來事關

大典相應

題明伏乞

睿鑒敕部查照施行

康熙二十一年正月十九日題二月十四日奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為慶

賀事據布政司柯鼎詳該臣看得康熙二十一年三

月十八日恭遇

皇上萬壽所有慶

賀表文理應遵例差委一官賞

進據該司詳稱黔省共止設守巡道四員貴東道

尚未抵任貴西道現委督修盤江浮橋伺候凱

旋大兵糧驛道管理通省糧儲驛傳提學道抵

撫黔奏疏

卷之三

辛

任方新正在舉行考試既無道員可委至於知

府各有地方錢糧夫役之責不便曠其職守惟

有府佐尚堪差委詳請批委前來除需委貴陽

府同知白邦傑恭

進外事關

大典相應

題明伏乞

敕部查照施行

康熙二十一年正月十九日題二月十四日奉

旨該部知道

撫黔奏疏

卷之三

主

巡撫貴州兼理湖北川東等處地方提督軍務都察院右副都御史臣楊鼎建謹

題爲詳報軍需所憲核奪請銷事據按察使李輝

祖詳該臣看得貴陽以上軍儲係按察使李輝

祖候補知府李益陽各經手採買共米二萬八

千七百八十二石用過價銀五萬四千一百八

十四兩五分經臣查核方敢具題請銷部議以

前項米石本省秋糧之後採買價值尚浮行臣

核減具題再議等因隨行該司嚴加核減去後

茲據該司詳稱開復貴陽之初市無粒米多方

撫黔奏疏

卷之三

主

招徠分途覓買在康熙十九年十一月初旬雖

秋成未遠且在附近採買每斗一錢五分其後

近地無米向遠鄉採買愈遠愈貴十二月與正

月內每斗二錢其安順一帶兵糧移發餉銀交

候補知府李益陽採買在十一月內者每石一

兩五錢十二月內者每石一兩八錢至次年正

月二月每石二兩二錢前後價值低昂實因時

爲高下上下無虧並無浮冒萬難核減等因詳

覆前來查黔省素稱瘠壤承平之日米價尚高

於他省卽就目下而論每石至三兩以上何况
開復之初需糧浩繁採買艱難但期無悞軍需

已爲厚幸何敢混冒開銷况山路崎嶇苗民肩
挑背負一夫不過三斗長途往返鼓其好義未
常給以脚價卽此已爲節省惟是時有先後地
有遠近故採買價值貴賤稍殊然合而計之每
石不滿二兩黔省米少價高衆目共見難容欺
掩委無浮冒且先發銀而後上米俱屬零星現
給今若議駁減問之苗民萬難倒追責之官吏

撫黔奏疏

卷之三

七

萬難賠補合疏籲懇

庶慈俯念窮民勞吏難比饒裕之地准將前項採買
價銀

敕部開銷則官民均戴

皇仁於無既矣仰祈

睿鑒施行

康熙二十一年二月初六日題三月十五日奉

旨該部知道

巡撫貴州兼理湖北川東等處地方提督學務都察院右副都御史臣楊雍建謹
題爲遵

旨會議事據按察使李輝祖詳該臣看得革職總兵
姚珩前在沅州病故據該州報有隨身衣物及
一騾一馬隨令確估變價據該州列冊詳報經
臣具題部覆以冊開無幾恐有隱匿令臣逐一
確查隨行按察使轉檄該州嚴查去後茲據司
詳據沅州知州宗騞回稱姚珩雖係總兵乃拿
問收禁之員身死之際棺木尚係辰沅靖道捐

撫黔奏疏

卷之三

七

銀買備其身無餘物可知前冊開載衣物騾馬
變價實止三十六兩二錢八分並無隱匿等因
詳報前來臣覆核無異相應題覆其變價銀兩
俟該州起解到日另冊咨部可也仰祈

敕部查照施行

康熙二十一年二月初六日題三月十五日奉

旨該部知道

巡撫貴州兼理湖北川東等處地方提督糧務都察院右副都御史臣楊雍建謹

題爲特參土官越境稱兵橫行劫殺有干法紀請
旨究擬剪除兇惡以靖地方事據布政使柯鼎璽呈
該臣看得芟根莠者所以培嘉穀除兇惡者所
以安善良黔省土司類多鴛鴦動相仇殺不循
理法不畏憲章然未有越境稱兵肆行劫殺如
獨山州土官蒙嘉祚豐寧下司土舍楊宏勳之
甚者也查嘉祚宏勳俱係土司之後尚未查明
承襲居然自稱土官雄長一方蒙嘉祚兇暴淫

撫黔奏疏

卷之三

奏

亂通國切齒而楊宏勳者又相助爲虐去年四
月內二惡率領土兵擅自出境至廣西南丹州
地方肆行劫掠初據都勻府及該城守之中報
臣咨會提督屢檄嚴查時因用兵之際未便騷
動暫爲飭諭令其解散歸司嗣據南丹州上知
州莫與齊詳報及廣西撫臣移咨冊開蒙嘉祚
等殺死多命搶擄男婦牛隻等項該州一十三
哨盡遭荼毒究慘情形鑒鑒有據閱之殊堪髮
指據蒙嘉祚等借稱原爲伊親爭襲之事然何

至張旂帶砲越境稱兵而逞其殘殺也揣其意
以苗俗讐殺不過賠還人口牲畜是以橫行無
忌殊不思所犯罪惡已在不赦之條若不亟行
剪除將來漸不可制除將兇獲之蒙嘉祚發按
察司收審并行都勻府協緝拿楊宏勳外相應
特疏糾參伏乞

敕部嚴議將蒙嘉祚等所擄男婦牲畜等項逐一追

還仍明正典刑以彰國法庶土弁知儆而民生

寧謐矣仰祈

撫黔奏疏

卷之三

奏

府鑒施行

康熙二十一年二月十六日題四月初五日奉

旨該部嚴察議奏

巡撫貴州兼理湖北川東等處地方提督軍務都察院右副都御史臣楊鼎建謹

題爲甫出湯火之民復罹災害之慘籲懇題請破格優恤稍延殘喘事據司道公詳到臣該臣看得黔省兵火之餘繼以疾疫民不聊生平遠大定黔西威寧四府丁絕田荒災傷更慘臣於去年七月內特疏入

告額請蠲賑部議未允令臣嚴飭地方官設法醫救將移徙民人招徠耕種輸糧等因隨行該司道遵照去後但查平大黔三府向係水西苗穴康

撫黔秦疏

卷之三

七

熙五年收土設流甫入版圖旋遭逆亂頭目阿五等彼此相殺三年不事耕種田土之荒蕪已久其威寧一府僻在萬山深箐之中復遭雲南霑益州土州同安世基竄入府屬地方與土目瓦你王成龍等糾黨稱兵鄉擄人畜橫行已經數載恢復以來截刦如故臣隨啓請大將軍貝子撤調回滇而世基抗不奉令以致百姓驚逃有司催徵無計卽冊籍亦難攢造其萬難迫比情形較之平大黔三府尤甚至若附近威寧之

畢節赤水永寧烏撒各衛及普市所乃川陝進滇之路南籠安籠與普安衛屬之中左中右二所乃廣西大兵進滇之路一切餉鞘軍裝等項小民絡繹損擡耕耘失業此平大黔威四府及附近各衛所民逃田荒之大概也加以去年七八月間霜風冷雨爲災卽栽種之田收成不過十之三四日下威寧等處米價騰貴每斗四錢至有每斗七八錢者本年荒歉已有明徵矣當軍餉浩繁之時敢不嚴檄催徵無如兵荒相繼

撫黔秦疏

卷之三

七

輸納維艱補救無術茲據該司道將平遠等府積荒無徵萬難完納情形造冊公詳前來事關地方疾苦不敢不再疏題報籲懇

皇恩俯念瘠土奇荒

敕部議覆將平大黔威四府及附近各衛所連年積荒之田額賦准賜全蠲俟次第招集民苗開墾拯目下之流亡正所以裕將來之

國課矣除將現具清冊分送部科查核外其清冊並印結未到者俟到日補送至於土司驚驚情

形容臣另疏奏

聞仰祈

睿鑒施行

康熙二十一年二月十六日題四月初五日奉
旨該部議奏

撫黔奏疏

卷之三

光

經撫貴州兼理湖北川東等處地方提督兼都察院右副都御史臣楊雍建謹

題為遵

旨查明事據布政使柯鼎詳該臣看得引鹽征納船
料等銀一案接准部文即行布政司移行黔屬
道府確查去後但黔地素不產鹽俱仰給於川
省山徑崎嶇舟車不通民間日用所需皆零星
小販背負肩挑至黔省發賣均照則例秤斤納
稅自引票課銀而外並無船車馱畜裝載引鹽
難照每包徵納船料等銀五釐之例據該司取

撫黔奏疏

卷之三

平

據各府結狀詳覆前來除將結狀備案外相應
具

題伏乞

敕部銷案施行

康熙二十一年二月二十三日題四月初十日
奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為摘叅赴任等事據布政司何鼎詳該臣看得

獨山州知州李景春赴任違限緣由經臣咨明

部科准部文以該撫文稱本官因支放糧餉致

違憑限但該督撫未經題明不便遽議相應請

敕該督撫查明本官有無捏飾等情具題到日再議

等因隨行布政司確查外案查該員赴任之初

原准有湖北撫臣咨移到臣其李景春違限情

由因清算交盤似非捏飾茲復據該司詳覆前

撫黔奏疏

卷之三

全

來相應具

題應不免議合聽部奪仰祈

睿鑒施行

康熙二十一年二月二十三日題五月二十三

日奉

旨吏部知道

巡撫貴州兼理湖北川東等處地方提督軍務都察院右副都御史臣楊雍建謹

題為詳請題明暫停鄉試事據布政使何鼎詳該

臣看得黔省今秋補行鄉試其修理貢院及供

應諸費例於本省條丁銀內動支事竣報銷據

布政司詳稱順治庚子科地方初闢事皆創始

科場一切費用有奇至癸卯丙子等科房舍現

成物價平賤每科開銷二千餘兩今黔省貢院

房舍被賊拆毀殆盡俱應全修且諸物騰貴應

始庚子科事例舉行等因將應修內外簾房號

撫黔奏疏

卷之三

全

舍等屋及場中供應諸物從減估計造冊具詳

前來臣復加查核因試期伊邇一面行司動支

錢糧修理備辦相應具

題除清冊送部外伏祈

敕部議覆施行

康熙二十一年三月十四日題四月二十八日

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為嚴查厥務事據布政使柯鼎詳該臣看得安

順府屬之濫木橋水碾厥年額課程水碾三百

三十三斤變價一百六十六兩五錢開復之後

查例徵解茲據布政司詳稱屢據安順府詳據

普安縣呈稱濫木橋厥在偽時早已封閉今經

九年此地遂成坵墟礦盡脉絕沙丁渙散斷難

開採再四駁查又委官踏驗實非捏飾取具甘

結詳請具題封閉前來查偽逆橫征暴斂無利

撫黔奏疏

卷之三

全

不搜而此厥久經封閉則其難以開採可知臣

覆查無異除結送部外相應題明仰祈

睿鑒敕部查照施行

康熙二十一年三月十四日題四月二十八日

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

奏為恭進緞疋事康熙二十一年三月初八日准

禮部咨為請

旨事內開恭照

昭聖慈壽恭簡安懿章慶敦惠溫莊康和仁宣弘靖

太皇太后七旬大慶在外巡撫總兵等各進緞六疋

等因移咨到臣該臣恭遇

昭聖慈壽恭簡安懿章慶敦惠溫莊康和仁宣弘靖

太皇太后七旬大慶緣臣職守封圻不獲同在

撫黔奏疏

卷之三

信

延諸臣隨班舞蹈謹遵例進

獻色緞六疋仰祈

昭聖慈壽恭簡安懿章慶敦惠溫莊康和仁宣弘靖

太皇太后

睿鑒臣不勝欣忭踴躍之至

康熙二十一年四月初九日題五月十二日奉

旨禮部知道

巡撫貴州兼理湖北川東等處地方提督軍務都察院右副都御史臣楊雍建謹

題爲欽奉

恩詔事康熙二十一年三月二十二日內閣辦事中

書馬尼翰林院筆帖式紀慶賀賚到康熙二十
年十二月二十日所頒

恩詔一道臣躬率在省司道大小文武官弁郊迎入

城恭設香案望

闕叩頭開讀訖隨發布政司謄黃刊刻頒發各屬一

體欽遵所有原頒

撫黔奏疏

卷之三

全

恩詔一道仍交內閣中書馬尼等恭繳外理合題報

仰祈

睿鑒敕部查照施行

康熙二十一年四月十四日題五月二十一日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲目今第一急務等事據按察司詳該臣看得

贖銀一案前准部文令各督撫嚴查歲終彙報

等因隨行按察司通查各屬有無罰贖銀兩造

冊詳報去後但黔省被賊蹂躪之餘哀鴻甫集

臣與司道各官勸諭小民息訟安生並不濫准

詞狀茲據該司詳據貴陽等一十四府回稱並

未有罰贖銀亦未奉有院司道批行事件無憑

造冊回報前來臣覆查無異相應具題伏祈

撫黔奏疏

卷之三

全

睿鑒敕部查照施行

康熙二十一年四月十四日題五月二十一日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建題

題為題明事據糧驛道勞之辨詳該臣看得各省

加增夫馬工料銀兩並添設驛站俱應裁去其

調協衝驛夫馬等項亦應仍歸原驛令各省督

撫查明題報等因臣接准部文即行糧驛道清

查去後據該道詳稱自康熙十九年十月內恢

復黔省將各驛站照舊安設原未奉有加增夫

馬工料銀兩之部文亦無添設驛站及調協衝

驛夫馬等項俱無可議裁惟查康熙二十年十

撫黔奏疏

卷之三

全

月內准兵部咨為亟陳滇餉遲悞之由等事內

稱貴州各驛每驛添夫五十名其工食銀兩准

於正項錢糧內動支俟大兵凱旋之日即行裁

撤等因奉

旨欽遵在案現今大兵絡繹凱旋一切扛擡餉鞘運

送逆產及搬移投誠老病家口正在需用夫役

之時此項每站添夫五十名須俟凱旋之後題

明裁撤目下亦未便議裁等因詳覆前來相應

具

題伏乞

敕部查照施行

康熙二十一年四月十四日題五月二十一日

奉

旨該部議奏

撫黔奏疏

卷之三

全

巡撫貴州兼理湖北川東等處地方提督軍務都察院右副都御史臣楊雍建謹

題爲再行申報土司抗玩夫役藐法欺官懇乞拿
究示懲事准貴州提督趙賴咨前事該臣看得
軍興旁午之際土司各有應出人夫運送餉鞘
等項此黔省通例也乃安順府頂營司正長官
羅洪勲藐法玩公其應出夫役任催不應甚而
違令毆差准提臣咨會羅洪勲素行不軌非有
司所能制隨差訊防兵丁提訊不過欲少示懲
創以儆效尤詎洪勲率領土兵居然拒捕殺死
兵丁呂昇等二名又重傷兵丁穆成龍等四名
洪勲自知罪愆性急自刎一死已足蔽辜該土
司例須承襲據司道公詳仍令伊子羅名譽承
襲管理司事前來應否准從合聽部議臣謹會
同雲貴總督臣蔡毓榮貴州提督臣趙賴合詞
具

題仰祈

睿鑒施行

康熙二十一年四月十九日題五月二十七日

奉

旨該部察議具奏

臣等謹

奏

上

巡撫貴州兼理湖北川東等處地方提督事務都察院右副都御史臣楊繼祖

題為東報事准貴州提督咨前事該臣看得黔省土司秉性暴悍瑕疵小忿動輒操戈互相殘害其積習然也本年正月間有獨山州爛土司土舍張大統因爭承襲將張繼遠父子殺死而繼遠之土目張國權又將大統之父開遠弟大綱殺死繼而大統又殺張國權數日之間彼此讐殺在若輩以稱兵構釁為苗俗之常而不知其上千

撫黔奏疏

卷之三

全

國法也准提臣咨移復據都勻府協及獨山州申報前來除一面檄行按察司確查究擬外臣謹會同雲貴督臣蔡毓榮貴州提臣趙賴合詞題報仰祈

敕部查照施行

康熙二十一年四月二十二日題五月二十七日奉

旨該部察議具奏



巡撫貴州兼理湖北川東等處地方提督事務都察院右副都御史臣楊繼祖

題為中途染病難行懇恩照例轉詳事該臣看得新陞雲南白鹽井提舉夏宗堯領憑赴任於本年三月十五日行至鎮遠府感染瘧疾不能前進延醫調治據該府查明申報在案茲該員醫治稍愈於四月十五日自鎮遠起行赴任取具該府印結呈請照例具題前來查例新復地方赴任官員如有患病及中途阻滯難行情由該督撫查明具題免議等因通行在案今夏宗堯

撫黔奏疏

卷之三

全

患病果真臣復查無異除揭送部科外相應題明伏乞

敕部議覆施行

康熙二十一年五月初七日題六月初九日奉旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為欽奉

恩詔事康熙二十一年四月初七日內閣辦事中書

孫喇滿丕貢到康熙二十年十二月二十四日

所領

恩詔一道臣躬率在省司道大小文武官弁郊迎入

城恭設香案望

闕叩頭開讀訖隨發布政司膳黃刊刻頒發各屬一

體欽遵所有原頒

撫黔奏疏

卷之三

七

恩詔一道仍交內閣中書孫喇等恭繳外理合題報

仰祈

敕部查照施行

康熙二十一年五月初七日題六月初九日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為懇祈題請展限事據布政使柯鼎詳該臣看

得黔省經制各標鎮營官兵馬匹支過俸餉草

料銀兩並月糧等項例於次年六月中彙冊報

銷自康熙十九年冬季並二十年分支過銀米

理應遵限奏銷臣敬催該司道造報去後據該

司道詳稱黔疆新復營制陸續安設先後招募

起支月日不等頭緒繁多欸項紛雜各標鎮營

因舊案無存新募書識俱未諸練冊式數目每

撫黔奏疏

卷之三

七

煩駁查必加磨對始可呈送核銷況今旋師絡

繹供應不遑須俟大兵過完之日方可悉心查

對限內未能完結詳懇題請展限至八月終彙

冊報銷庶免舛錯等因前來臣謹據詳具

題仰祈

敕部議覆施行

康熙二十一年五月初七日題六月初九日奉

旨該部議奏

巡撫貴州兼理湖北川東等處地方提督軍務都察院右副都御史臣楊建德謹

題爲奏銷火藥鉛斤事該臣看得貴陽開復之初奉大將軍貝子諭收貯賊遺火藥火箭硝磺鉛錫等項經臣

題報在案茲據操捕都司陳朗報稱自康熙十九年十一月二十二日起至二十年十二月終止支放各鎮營火藥共六千五百八十九觔鉛錫六百四十觔取有領狀存案實存火藥二千一百一十一觔火箭大小三十四桶硝一千觔磺

撫黔奏疏

卷之三

奎

一千三百八十觔備造四柱清冊呈報前來除冊送部科查核外相應報銷伏乞

敕部查照施行

康熙二十一年五月十七日題六月二十一日

奉

旨着察核該部知道

撫黔奏疏卷之三終

巡撫貴州兼理湖北川東等處地方提督軍務都察院右副都御史臣楊建德謹

題爲稟報事據按察使李輝祖詳該臣看得小箐地方殺官刦餉一案接准部文現獲盜犯聽該撫審擬具題等因查此案同夥十人每人分贓二百兩現獲三名朱姓者常經射死其朱孝王麻子二名歷審刦殺情真贓銀兇器鑿鑿可據自行招認按以強盜已行得財及殺傷人者不分首從皆斬律應立決梟示其未獲盜犯尤有功等七名通行嚴緝俟獲日另行審結據該司

撫黔奏疏

卷之四

一

招解前來臣親審無異謹錄全招具題仰祈敕部議覆施行

康熙二十一年五月十七日題六月二十四日

奉

旨三法司核擬具奏

巡撫貴州兼理湖北川東等處地方提督軍務都察院右副御史臣楊秉建謹

題為赴任中路疾發難以前進懇賜查例各題事

該臣看得新陞雲南洱海道王撫民領憑赴任

據稱憑限嚴迫星夜奔馳於康熙二十一年正

月內行至湖南長沙府善化縣地方感發血症

驟難前進取有該府縣印結及醫生寓僧甘結

在案後病稍愈自長沙起行四月初九日抵貴

州平越府地方夙疾復發延醫調治於五月初

三日方得前進復經該府縣驗明出印結並醫

據馬奏疏

卷之四

二

生寓僧甘結一并呈繳請照例具題前來查例

新復地方赴任官員如有患病及中途阻滯情

由該督撫查明具題免議等因今該道沿途病

發既取有各該地方官印結為據臣復親加查

驗見其形容尚爾憔悴則患病是實違限有因

委非無故而逗畱也除將結狀分送部科外相

應具

題伏乞

敕部查照施行

康熙二十一年五月十七日題六月二十一日

奉

旨該部知道

據馬奏疏

卷之四

三

巡撫貴州兼理湖北川東等處地方提督糧務都察院右副都御史臣楊鼎建謹

奏爲恭謝

天恩事康熙二十一年五月十三日准吏部咨移到

臣伏念臣再疏乞休理應革職蒙

恩寬宥援

赦免議方邀使過之

仁乃以捐馬准加三級此臣分所宜何當議敘惶悚

之餘倍深感激惟有竭盡駑駘圖報稱於草

一而已臣曷勝感戴屏營之至

據驛奏疏

卷之四

四

康熙二十一年五月十七日奏六月二十一日

奉

旨該部知道

巡撫貴州兼理湖北川東等處地方提督糧務都察院右副都御史臣楊鼎建謹

題爲題明事據糧驛道詳該臣看得粵西運至安

龍之米准戶部咨開係四萬石供應貴州大兵

如不便撥給供應附近安龍地方綠旗兵丁等

因茲據貴州糧驛道詳據南籠通判張建策申

報眼同粵官盤糧收管者通共一萬一千三百

五十一石八斗零四合七勺已出具實收移文

廣西南寧府王通判等情此實在運到米數臣

經咨會廣西撫臣在案但此米由江西越兩廣

據驛奏疏

卷之四

五

遠邇而來歷時已久沍爛虫蛀折耗最多據支

放過米一千九百三十六石四升折耗米一百

一十三石四斗計一萬一千三百五十一石之

米便該折耗米六百八十餘石黔省官貧民瘠

實不能代隣省償此朽爛缺額也臣亦經咨移

粵撫將此折耗之米作何開銷去後黔粵相距

遙遠尚未准有咨覆黔省現在攢造奏銷所有

粵西運到安龍米石實數既據該道詳報前來

理合

題明其中折耗米六百八十石額請

皇恩特免賠補以恤殘疆或仍令粵西補項則黔省

官民不至代受賠累之苦矣臣謹會同雲貴督

臣蔡毓榮合詞具題仰祈

敕部議覆施行

康熙二十一年五月二十七日題七月初八日

奉

旨該部議奏

撫黔奏疏

卷之四

六

巡撫貴州兼理湖北川東等處地方提督軍務都察院右副都御史臣楊雍建謹

題為移咨事據布政司詳該臣看得黔省崇山峻

嶺不通舟楫原無船隻無可議裁此外亦無應

裁應畱之案據該司道詳覆前來臣覆查無異

相應題覆伏乞

敕部查照施行

康熙二十一年五月二十七日題七月初九日

奉

旨該部知道

撫黔奏疏

卷之四

七

巡撫貴州兼理湖北川東等處地方提督軍務都察院右副都御史臣楊雍建謹

題爲行查事據布政司詳該臣看得黔省初開大小官員俱係新補所屬各員內並無康熙十二年逆賊變亂以後先經該督撫題明俟事平之日題報及已經題明俟兵部核覆到日再議之員無憑查報據該司詳覆前來臣覆核無異謹會同雲貴督臣蔡毓榮合詞具題伏乞

敕部查照施行

康熙二十一年五月二十七日題七月初九日

撫黔奏疏

卷之四

八

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲造報康熙十九年分全徵扣徵民賦銀兩事據布政使呈詳該臣查得康熙十九年分各府州縣應徵條丁米折馬館等銀照康熙十一年分由單額數合算共應徵銀五萬五千一百六十八兩八錢零內除康熙二十年二三月間先後恢復安順府屬之南籠普安州縣未徵條丁馬館等銀二千七百九十三兩零無容入冊又除銅仁等府縣原畱表箋曆日春牛花鞭春秋

撫黔奏疏

卷之四

九

祭祀銀一百八兩七錢另造開報外康熙十九年分銅仁黎平二府印江銅仁永從三縣思州府屬之施溪司共照額全徵銀六千一百七十六兩三錢零又本年連閏加徵全徵閏銀一百七十五兩九錢零至貴陽府等八府定番州八州新貴等一十五縣連本年連閏加徵共應徵銀四萬六千二百一十九兩六錢零以康熙十九年十月二十一日大兵臨省之日爲始算至年終止計兩個月零十日每銀一兩民該納銀

一錢九分四釐共該扣徵條馬折色等銀八千九百八十七兩一錢零內已完銀一萬三千一百一十二兩三錢零摺入康熙二十年分簡明四柱冊內開報外未完銀二千三百一十七兩一錢零節據各屬申稱兵燹之後繼以災疫丁絕田荒不能依限全完除嚴飭各屬設法催徵續完題報外所有造報民賦應徵條馬等銀完欠扣裁存留經費各冊揭送部科外臣謹會同雲貴督臣蔡毓榮合詞具題伏祈

撫黔奏疏

卷之四

十

敕部核覆施行

康熙二十一年五月二十八日題七月初七日

奉

旨着察核該部知道

巡撫貴州兼理湖北川東等處地方提督兼都察院右副都御史臣楊雍建謹

題爲造報康熙二十年分考成民賦銀兩事據布政使柯鼎呈詳該臣查得康熙二十年分貴陽等府州縣照新刊出單合算共應徵條馬步丁等銀五萬五千一百六十八兩八錢零內除原留表箋曆日春牛花鞭春秋祭祀等銀八百四十兩七錢零另冊開報外實徵條馬步丁等銀五萬四千三百二十八兩一錢零自康熙二十年九月初一日開徵起至年終止已完銀五萬七千四百四十四兩四錢零未完銀三千五百八十三兩六錢零又遇閏年分加徵閏銀三百四兩九錢零本年無閏例不徵解又威寧府額分帶徵四川東川土府協黔蕎折等銀一百五十兩屢催該土府全完解查限內十分全完一官經手者貴陽府經徵現任以同知管知府事汪燠等二十四員又限內十分全完二三其手者貴陽府定番州經徵去任委署知州俞一琰等十員未完不及一分者貴州布政使司督徵見任

撫黔奏疏

卷之四

十

布政使柯鼎等十員未完一分以上者都勻府
獨山州經徵現任知州李景春等二員未完二
分以上者安順府鎮寧州經徵今革職去任知
州李文雄一員未完三分以上者安順督徵現
任以同知管知府事汪世印一員未完五分以
上者安順府永寧州經徵現任知州張杞一員
未完八分以上者安順府普安州經徵去任委
署知州馬兆麟一員以上已完銀兩彙入康熙
二十年分簡明冊內開報至於未完銀兩節據
撫壽奏疏 卷之四 三

審察收部核覆施行

康熙三十一年五月二十八日題七月初七日

奉

旨該部核議具奏

撫壽奏疏

卷之四

三

巡撫貴州兼理湖北川東等處地方提督務都察院右副御史臣楊鼎建疏

題爲造報康熙二十年分考成屯賦錢糧事據布政使呈詳該臣查得康熙二十年分屯賦錢糧遵照康熙十一年分由單額數應徵步丁等銀共三千五百三十二兩七錢零內除存留各衛所表箋丁祭厲祭霜降等銀五百二十五兩另冊開報半畱半裁項欸外實徵步丁等銀三千七兩七錢零內已完銀二千二百八十七兩三錢零未完銀七百二十兩三錢零應徵屯科大

撫黔奏疏

卷之四

五

小糧米并豆菴折米共四萬二千二百二十四石四斗一升零內已完米三萬一千二百四十七石三斗一升零未完米一萬九百七十七石一斗零內查銀米十分全完一官經手者三員息烽守禦所經徵現任千總高起龍濯靈守禦所經徵現任千總裴袞錫修文守禦所經徵去任委署千總姚志鵬二三共手者二員威武守禦所經徵去任委署千總林國鼎接徵現任千總陳子斌未完不及一分者伍員貴州衛經徵

現任守備胡紹鼎安南衛經徵現任署守備王

寶鎮西衛經徵現任署守備楊國安敕勇衛經

徵現任署守備伍九鼎定南守禦所經徵現任

委署千總王緯未完一分以上者一十一員貴

州前衛經徵離任委署守備王士梓接徵現任

署守備丁偉新添衛經徵離任委署守備柯惠

接徵去任委署守備傅攀魁接徵現任署守備

安文彪柔遠守禦所經徵去任委署千總傅攀

魁接徵現任千總柯惠赫聲守禦所經徵離任

撫黔奏疏

卷之四

五

委署千總黃順祖接徵告病離任千總劉光祚於襄守禦所經徵去任委署千總蔡一翥接徵現任千總王岫未完二分以上者三員貴州前衛護理貴州掌印都司印務事今現委署普安衛守備王士梓平壩衛經徵去任委署守備神名遠接徵見署守備溫實未完三分以上者四員興隆衛經徵去任委署守備丘衍接徵去任委署守備姜文佐永寧衛經徵去任委署守備何瑁接徵現任署守備劉國相未

完四分以上者四員威清衛經歷去任委署守
備胡士傑接徵現任署守備沈德智普市守禦
所經徵去任委署千總萬上奇接徵現任千總
王文琦未完六分以上者二員普安衛經徵去
任委署守備張一鵬接徵去任署守備張盛時
未完七分以上者二員烏撒衛經徵去任委署
守備陶植接徵現任署守備王通中未完九分
以上者四員畢節衛經徵去任委署守備沈司
直接徵去任委署守備任國政赤水衛經徵去

撫黔奏疏

卷之四

七

任委署守備于萬元接徵現任署守備王顯明
以上未完錢糧屢據各屬詳稱遭災逆之變又
兼瘟疫逃亡之慘田地拋荒現在嚴飭設法催
徵至於限內十分全完各官例應紀敘以示鼓
勵所有詳報衛所完欠錢糧考成職名各冊揭
送部科外臣謹會同雲貴督臣蔡毓榮合詞具
題伏祈

敕部核覆施行

康熙二十一年五月二十八日題七月初十日

奉

旨該部核議具奏

撫黔奏疏

卷之四

七

巡撫貴州兼理湖北川東等處地方提督兼都察院右副御史臣楊鍾建謹

題為造報康熙十九年分扣徵撫制官庄賑恤田
租米穀銀兩數目事據布政使呈詳該臣查得
康熙十九年分貴陽等府州縣衛所應徵撫制
官庄賑恤田租倉斗穀六千三百二十三石六
斗七升零應徵折徵租米遞馬餘租魚課銀四
十七兩七錢零內除普安州縣普安畢節赤水烏
撒等衛安籠所於康熙二十年二三月間開復
未徵倉斗穀一百八十八石一斗九升零未徵

撫陽奏疏

卷之四

大

魚課銀一十二兩外實在銅仁府印江縣應照
額全徵倉斗穀一百八十七石九斗一升零貴
陽等府州縣所應徵倉斗穀五千九百四十七
石五斗六升零應徵倉斗米二百四十石五斗
二升零應徵租銀二千五百七錢三分零以大
兵於十月二十一日臨省為始起至本年十二
月終止計兩個月零十日每米穀一石該徵米
穀一斗九升四合零每銀一兩該徵一錢九分
四釐零共該扣徵倉斗穀一千一百五十六石

四斗七升零連前全徵共穀一千三百四十四
石三斗八升零已完倉斗穀八百七十一石八
升零未完倉斗穀四百七十三石三斗零共該
扣徵全完在倉倉斗米四十六石七斗六升零
共該扣徵全未完解租銀六兩九錢四分零以
上穀銀兩已完者彙入康熙二十年分簡明四
桂冊內報銷未完者現在嚴飭催徵續完所有
造報完欠清冊揭送部科外臣謹會同雲貴督
臣蔡毓榮合詞具題伏祈

撫陽奏疏

卷之四

充

睿鑒敕部核覆施行

康熙二十一年五月二十八日題七月初十日
奉

旨着察核該部知道

巡撫貴州兼理湖北川東等處地方提督都察院右副都御史臣楊建緒

題為造報康熙十九年分扣徵屯賦錢糧事據布政使呈詳該臣查得康熙十九年分各衛所應徵屯賦錢糧承寧畢節赤水烏撒普安伍衛安籠新興普市三所於康熙二十年二三月間開復本年錢糧未徵外又安南衛屬各里先後恢復分別起徵至於貴州貴前威清平壩新添興隆鎮西敷勇等八衛息烽定南威武赫聲榮遠修文濯靈於裏等八所康熙十九年錢糧照康熙

撫奏疏

卷之四

主

熙十一年由單額數共該應徵歲丁等銀三千八十九兩二錢零以大兵於十月二十一日臨省為始催徵起至本年十二月終止計兩個月零十日每銀一兩該徵銀一錢九分四釐零共該扣徵銀六百兩六錢七分零內除安南衛屬興仁等里甲開復在康熙二十年二月內應除去扣徵銀三十兩八錢三分零實該扣徵銀五百六十九兩八錢零內已完銀四百九兩七錢零未完銀一百六十九兩七分零應徵屯科糧米

撫奏疏

卷之四

主

三萬四千四百四十石每米一石該徵米一斗九升四合零共該扣徵米六千六百八十九石七斗四升零內除安南衛屬興仁等里甲開復在後除去扣徵米五百四十七石一斗九升零實該扣徵米豆并蕎折米六千一百四十二石五斗四升零內已完米豆并蕎折米共五千六百七十三石六斗二升零未完米四百六十八石九斗二升零以上未完錢糧據各屬報冊兵燹之後瘟疫流行紛紛逃亡不能依限全完除

敕部核覆施行

康熙二十一年五月二十八日題七月初十日奉

旨着察核該部知道

巡撫貴州兼理湖北川東等處地方提督軍務都察院右副御史臣楊鼎建謹

題為揭報衛弁違例少差解役越站遞送疎脫逃人匿不申報事據按察使李輝祖揭稱准貴西道關移前事該臣看得遞解逃人理宜詳順每逃人一名應食解役二名一站交明一站互取收管此定例也乃平壩衛守備溫實威清衛守備沈德智則有不然者據該司道揭報本年四月內有普定縣解交平壩衛逃人一名保子至衛疎脫未解到省兩衛弁並無報究着落又普

撫黔奏疏

卷之四

三

定縣解逃人一名楊景平壩衛止差解役黃天進一名管押及至威清衛官吏潛逃不行更換接替致平壩差役越站逃人免脫又不申報該道在平壩解役疎脫之罪難辭而威清衛違例越站亦難辭咎除將逃人嚴檄兩衛緝獲外其守備溫實沈德智疎玩之愆均應指參伏乞

睿鑒敕部議覆施行

康熙二十一年六月初六日題七月初七日奉

旨溫實等着議處具奏該部知道

巡撫貴州兼理湖北川東等處地方提督軍務都察院右副御史臣楊鼎建謹

題為稟報事據布政司柯鼎詳該臣看得濯靈所小箐地方盜劫餉銀一案准戶部咨開將劫去銀二千兩行令該撫着令該地方官分賠完結等因敢不祇遵但領餉與解餉不同解餉有沿途撥兵護送之例責在該地方文武各官如領餉即責在領餉之人自應多帶健丁防範無虞查黔西鎮把總邢國英赴司領餉不從大道而行又不多帶兵丁防範以致身亡餉失此實邢

撫黔奏疏

卷之四

三

國英自行疎防非起解錢糧沿途撥兵護送者可比似難責令該地方官分賠且餉銀交付該弁收領之後即造入支放項下該鎮已造入按季冊領矣無庸復加分賠以開日後領餉官弁借端卸担之地者也茲據該司詳請具題銷案前來相應題覆伏乞

睿鑒敕部查照施行

康熙二十一年六月初六日題七月初十日奉

旨該部議奏

巡撫貴州兼理湖北川東等處地方提督事務按察院右副都御史臣楊鍾建謹

題爲薦舉必不可停事切惟二年薦舉所以澄敘

官方激揚流俗甚盛典也黔地初開經營草昧如理亂系軍供浩繁民力困竭官斯上者非有精明強幹之材不能加意整頓非有飲水茹荼之操不能甘耐荼苦臣於所屬各官無日不諄切勸勉期於砥勵廉隅興崇教養使殘疆稍有起色以無負

皇上愛養斯民至意茲康熙二十一年當薦舉之期

楊鍾建疏

卷之四

書

臣敢不矢慎矢公畱心甄別臣一面檄行各司道府將所屬各官任內有無錢糧盜案及興行教化清廉之處查實開報臣復虛衷體察詳加考核如布政使柯鼎才猷諳練綜理周詳糧驛道勞之辨勤敏匪懈庶務克舉皆方面中之賢良以限於定額未能彙登薦牘惟按察使李輝祖廉能表著輿論允孚所常據實薦揚以示鼓勵其有司各官據該司道府揭報合以臣之平日見聞堪膺薦舉者有施秉縣知縣晉顯卿一

員謹臚例事實爲我

皇上陳之

計開

應薦方面官一員

貴州按察使司按察使李輝祖操履端凝才思慎密嚴詰奸宄而境宇肅清殫力軍供則士馬騰飽明刑弼教人仰法紀之無私易俗移風士爭濯磨而不怠奉公潔已吏畏民懷允矣羣僚表率

楊鍾建疏

卷之四

書

事實

一本官康熙十九年五月二十八日在銅仁府到任爾時老烏溝塘頭等處遍地皆賊逼近銅仁恐有奸宄窺探軍情本官獎勵城守士卒并招集民苗密設塘舖晝夜盤詰稽查逆賊不敢窺伺一本官於康熙十九年十一月初五日單騎到省滿漢綠旗兵等屯集省會爾時倉米俱經放完數十萬師旅索餉索糧不啻風火滿司

糧道未到本官晝夜拮据催輸採買寢食不
遑供應毫無違悞至於分防新添威清平壤
鴨池六廣普定等處糧餉分頭委官支放亦
並無違悞

一康熙十九年十一月內楚運糧米內新設塘
運難以刻期接濟本官發銀分頭差官前往
各鄉村寨買備并清查逆遺米石俱經運至
省倉不惟資助軍需且節省公帑

一本官於康熙二十年六月十二日奉委赴下

撫粵奏疏

卷之四

奏

游一帶地方催遣堆積滇餉調濟站夫本官
親詣平越鎮遠一帶地方查明餉稍催取各
屬協站人夫一月之內運過滇餉八十餘萬
各站並無停攔

一本官正已率屬嚴飭官方不得濫刑縱蠹濫
派婪私禁止餽遺陋習且自甘淡薄凡日用
薪蔬布帛等項皆發現價紋銀照時值買備
並無絲毫苛刻亦無濫取行戶仍嚴查買辦
人役扣剋等弊不許害及小民

一本官奉行批詞及自理詞狀隨到隨行隨審
隨結從不輕差一役濫罰一贖以虛窮黎至
一切文移俱親自裁決並不假手吏胥致滋
弊竇凡奉審

欽案人犯稟遵部行親加嚴訊按律究擬並不波及
無辜

一黔省當逆氛蹂躪之後習染未除伏莽未靖
本官於康熙十九年十一月赴省即通行各
屬嚴行保甲講解

撫粵奏疏

卷之四

奏

六諭彰善瘅惡仍不時細加採訪各屬漸返淳樸

一黔中土子甫出湯火絃誦久荒本官振興士
氣特舉觀風月課分別等第捐資賞資用彰
激勵士爭磨濯

應薦有司官一員

鎮遠府施秉縣知縣晉顯卿心存撫字政尚精
明凜清操而剔陋弊敦教化而廣招徠至於
折獄惟明轉輸不匱尤徵長才四應不愧循
良之選

事實

一施邑與生苗接壤兵燹之後百姓流離本官於康熙十九年十二月到任加意招徠設法措貸牛種使百姓盡得耕耨

一施邑頻年遭僞逆暴斂橫征僅存皮骨本官出示曉諭徵收條馬秋糧一分止收一分出入俱用倉斗其火耗陋規淋尖踢斛悉行革除

一施邑當蹂躪之後學校久湮本官到任卽勸

撫粵奏疏

卷之四

五

諭士子講詢經書作興文學仍於朔望之日

恪遵憲行申明

聖諭勸導百姓

一本官素甘澹泊日用薪米蔬菜等項俱係給

發紋銀現在平買不許胥役剋減貿易流通

一施邑民苗雜處奸宄易于消藏本官到任恪

遵憲行設立保甲互相稽查凡面生可疑之

人卽遵

功令盤詰具報

一本官於康熙二十年七月內奉調赴省審理

欽部案件本官小心詳慎虛公得情又於本年十二

月十七日調赴新添衛料理雲南凱旋大兵

糧餉殫心料理源源接濟並無違悞

此二官者賢聲茂著才守兼優允宜薦舉以備

優擢者也伏乞

敕部覆核如果臣言不謬照例議敘施行再查佐貳

各官間有長才而歷俸未深不敢濫舉充數至

於黔省教職未有部選多係暫委無可薦舉相

撫黔奏疏

卷之四

五

應一並聲明謹題請

旨

康熙二十一年六月十三日題七月十八日奉

旨吏部知道

經撫貴州兼理湖北山東等處地方提督事務都察院右副都御史臣楊雍建謹

題爲薦舉必不可停事切惟兩載課吏舉劾並行

明黜陟而儆官邪所關綦重黔屬向號瘠壤連

歲師旅絡繹機糧力役應接不暇民生凋瘵惟

賴賢有司加意休養庶幾漸起瘡痍共安衽席

臣職任撫綏首以察吏安民爲急所屬州縣中

有貪殘不職違玩公務者臣已不時糾叅弗敢

姑容貽悞地方今照康熙二十一年舉劾之期

復行藩臬道府各官嚴加察核據該司道府揭

撫黔奏疏

卷之四

辛

報前來合以臣之親訪無異謹將應劾知府一

員知州一員開例事蹟爲我

皇上陳之

計開

應劾官二員

威寧府知府喬謙已劣蹟據布政使柯鼎按察

使李輝祖貴西道叅政楊大鯤糧驛道叅議

勞之辨開報

一本官於康熙二十年四月內到任不能化導

苗民開墾復業以致倉廩空虛鎮標兵糧屢

屢告匱

一本官奉行案件稽延聞叢檄催數十次尙難

依限完結

一威寧恢復一年本官不能招徠逃亡百姓充

實城市

永寧州知州張杞劣蹟據布政使柯鼎按察使

李輝祖貴西道叅政楊大鯤糧驛道叅議勞

之辨安順府以同知管知府事汪世印揭報

撫黔奏疏

卷之四

辛

一本官遲悞案件於康熙二十年十一月內奉

文催造奏銷冊籍疊經行催竟不攢造呈解

計及四個月猶然沉擱奉行

欽部憲件一任頻催不行具報

一本官招撫鮮術未屬百姓向因賊兵擾亂遠

徙山箐本官到任一載不行招徠以致城市

烟寒田土仍爲荒蕪餉鞘每爲停擱

一永寧路當孔道羽檄飛馳本官怠忽郵政竟

不加意調養馬匹致令驛馬疴羸倒斃屢補

屢缺每將上下驛馬打越過站

一求屬土司夫糧惟視州官之能否以爲完欠

本官到任以來不行教化致令土司苗獠抗

夫悞糧動煩調劑

此二官者質本疎庸才非四應招徠既已鮮術

案件又復久延或兵食有告匱之虞或驛站多

廢弛之患邊郡衝州難以勝任所當照不及例

糾叅聽部議處者也相應具

題伏乞

擬駁奏疏

卷之四

三

府鑒施行

康熙二十一年六月十三日題七月十八日奉

旨喬謙已等着議處具奏該部知道

巡撫貴州兼理湖北川東等處地方提督雲貴總督都察院右副都御史臣楊雍建謹

題爲詳請題明事據布政使柯鼎詳該臣看得請

頒黔屬各官印信一案准兵部咨開羅番長官

司龍從雲等三員名缺不符程飛鵬等四十員

部冊無名令臣查明具題到日再議等因隨行

布政司確查去後但土司官弁流品混淆人員

錯雜其襲替履歷立等清查有經手累月而未

能完結者今疆圉初復案牘無存清查更難必

再三勘明方可題覆似非常限可拘據該司詳

擬駁奏疏

卷之四

三

稱此案奉文之後已歷五月尚未報齊往返駁

查尚需時日萬難依限完結呈請題明不拘常

限俟查催到日卽彙冊詳報前來臣謹據詳題

明伏乞

敕部查明施行

康熙二十一年六月二十二日題七月二十八

日奉

旨該部議奏

巡撫貴州兼理湖北川東等處學政事務都察院右副都御史臣楊鼎建

題爲欽奉

恩詔懇祈迅賜題請蚤沛

皇仁以解倒懸以奠巖疆事據布政使柯鼎詳該臣

伏讀

恩詔所載直隸田畝被圍地方康熙二十一年地丁

錢糧盡行蠲免至各省額賦亦應一體恩蠲但

凱旋大兵未經全到軍需浩繁俟

國用充足時次第酌行蠲免仰見

撫轡奏疏

卷之四

書

皇上視民如傷普天率土自無不漸沐

鴻恩臣亦何容贅陳但臣目擊地方疲苦有刻難緩

待不得不爲民

請命者自吳逆叛亂以來西南數省槩被荼毒惟黔

省最小賊盤踞多年其受害最深

王師一到疆宇廓清百姓已出湯火而登衽席矣然

自進剿以至凱旋軍糈力役拮据不遑以有限

之民力備無窮之支應轉輸惟恐不繼搜括實

在無遺今凱旋大兵業已出境而逆產等項又

接踵連運一時米穀告竭饑饉殍殍貴陽安順

之間米價騰湧每斗至二兩以上然亦無從覓

買百室有懸磬之憂苗民無樂生之念若不蚤

沛

恩施何以慰雲霓之望乎且黔省額賦不過幾萬爲

數無多今雖非

國用充足之日然蠲

公家之涓滴即可潤萬姓之脂膏蓋施當其厄有早

一日則民受一日之惠者以沛

撫轡奏疏

卷之四

書

皇仁至溥也以固

邦本至切也以符

詔令至順也茲據該司具詳前來臣謹會同雲貴

督臣蔡毓榮合詞

題請伏乞

皇上俯念黔地凋殘難比別省

敕部議覆將本年地丁錢糧先

賜蠲免庶殘喘立蘇而生聚可望矣仰祈

睿鑒施行

康熙二十一年六月二十二日題七月二十八

日奉

旨蠲免錢糧恩詔開載甚明楊雍建明知復行市恩具奏殊為不合這所請不准行該部知道

撫黔奏疏

卷之四

奏

巡撫貴州兼理湖北川東等處地方提督都察院右副都御史臣楊雍建謹

題為稟報事據按察使李輝祖詳該臣看得本年

四月內在平壩衛養馬官兵係正藍旗付都統孫塔哈所轄據定廣營副將拜思哈呈報四月初九日有鑲藍旗七品監生管疎喇章京事五子將分防平壩兵丁陳貴無故打死等情隨咨征南大將軍并行按察司查擬去後據該司詳稱此案已經兵部同八旗各官審詢五子打死陳貴自行承認又經別委旁蘭大與本司公

撫黔奏疏

卷之四

奏

研審五子打死陳貴是真前供之外並無別供但係旗員不便定擬等因除移咨征南大將軍賴以外事關人命相應題明伏乞

敕部查照施行

康熙二十一年七月初五日題八月初九日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲捐納季冊日久未報謹據實揭報仰祈照例

題參事據布政使柯鼎驗申該臣看得捐納事

例經管官應將收過糧米草束數目按季冊報

以憑各部黔省事例在鎮遠上納者係鎮遠府

署知府王清遠經管其應報季冊每多遲悞屢

經申飭在案所有二十年冬季分捐納清冊又

不按季造報檄催差催非止一次延今二十一

年夏季已終尚未據該府申報怠玩之愆不能

撫奏疏

卷之四

奏

爲王清遠寬也茲據該司揭報前來除一面再

行嚴催外相應指參伏乞

敕部議覆施行

康熙二十一年七月初五日題八月初十日奉

旨王清遠着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲懇請循例具

題頒發

勅諭事康熙二十一年六月二十三日據貴州掌印

都司杜進梅詳前事該臣看得掌印都司例有

傳

勅一道以明職守黔省兵燹之後舊案無存據該司

循例詳請頒發前來臣謹具

題伏乞

撫奏疏

卷之四

奏

敕部議覆施行

康熙二十一年七月初五日題

巡撫貴州兼理湖北山東等處地方提督都察院右副御史臣楊雍建謹

題爲窮兵日食不敷廩鹽行糧萬難扣補懇恩轉

詳援

赦豁免以沛

皇仁以甦重困事准黔西鎮總兵官葛秉貞咨該臣

看得黔西鎮官兵原係雲貴督標前鎮進勦官

兵於康熙二十年三月初四日抵黔西汛地彼

時未奉有住支廩鹽行糧之文是以曾經支給

續准部文以抵汛之日住支隨經咨會該鎮將

據驛奏疏

卷之四

卑

三月初四日抵汛之日起至四月二十七日奉

文改補黔制之日止透支過銀米照數扣補還

項去後茲據該鎮咨稱該標官兵窮苦徹骨又

時值奇荒萬難扣追援

敬求免額請具

題前來查

恩詔內云八旗官兵及綠旗官兵有因多給錢糧扣

追者俱免扣追等語該標官兵透支廩鹽行糧

與

詔款相符似可仰邀

寬典應否免其扣追

鴻恩出自

皇上非臣所敢擅請也伏祈

敕部議覆施行

康熙二十一年七月初五日題八月十二日奉

旨該部議奏

據驛奏疏

卷之內

卑

巡撫貴州兼理湖北川東等處地方提督糧務都察院右副御史臣楊鼎建謹

題爲由單與丈冊不符實徵有新荒古荒之異仰祈具

題清查以昭畫一事據布政使柯鼎詳該臣看得由單賦役爲一代章程然田畝消長不一荒熟懸殊不有以釐正之則已荒者患於包賠新墾者虞其隱漏此賦役所以失均也黔省自康熙九年奉

旨清丈更正科則造冊

撫黔奏疏

卷之四

聖

題報於十二年內奉部核明頒發回黔時方訂正賦役刊造全書適值吳逆之變蹂躪七載人丁田地率多荒圯而訂正冊籍亦竟蕩然矣恢復之後准有部頒康熙十一年分由單隨通行各屬將十九年至二十一年應徵錢糧照額徵收然以遺存丈冊底案與誌書所載原額考之尚有康熙九年十年十一年新墾田地及丈增錢糧由單均未載入據該司詳稱亟力嚴查務期清出以裕

國賦接據各屬咸稱逆賊盤踞以來人民死徙廬

舍丘墟田地復爾拋荒錢糧多屬賠墊其節年新墾間之於民僅有現在熟田輸納徭役或稱前官希圖紀敘勒報累民請委踏勘之文紛紛見告切思人民既有死徙田地復有新荒古荒冊案同稽若非徹底清查無以核其隱漏伏乞敕部議覆將黔省田地一槩清查分別荒熟訂正賦役以垂永久則既無包賠之累而亦無隱匿之弊矣再查康熙二十二年分由單例於本年十

撫黔奏疏

卷之四

聖

一月初一日頒發應暫照二十一年分由單刊訂統俟查明之後分別荒熟另行訂正可也相應一并申明仰祈

睿鑒施行

康熙二十一年七月十四日題八月十七日奉旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為科舉事據布政使柯鼎詳該臣看得黔省本年補行辛酉科鄉試例用提調監試等官查庚子癸卯丙午三科除布按兩司外又調取守巡二員入場協理其後道缺奉裁無可調取已酉壬子二科提調監試止用一員今雖分設貴東貴西二道查貴西道原以平大黔威道改補所添設者止貴東道一員而已地方初定一切軍供民事需職大之員料理不便調取入場據該

撫奏疏

卷之四

題

司詳請仍照已酉壬子兩科舊例止用提調監試各一員不必再調道員協理除行布按兩司遵照外理合題明伏乞

敕部查明施行

康熙二十一年七月十四日題八月十七日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為銅劬無可採買等事據布政使柯鼎詳該臣看得鼓鑄一案准戶部移咨未開爐省分應將作何收取廢銅開爐鼓鑄之處詳查議覆等因隨行布政司詳查去後據該司詳稱黔地不產銅鉛所屬各府州縣苗多漢少不諳使錢其廢銅賊錢自恢復以來遠方商販陸續赴黔收買已盡無從收取難以開爐鼓鑄詳請

題明銷案前來臣覆查無異相應具題伏乞

撫奏疏

卷之四

聖

敕部查照施行

康熙二十一年七月二十七日題九月初六日

奉

旨該部知道

巡撫貴州兼理湖北川東等處地方提督軍務都察院右副都御史臣楊建德謹

題爲病篤難調懇乞

題達以便回京醫治事據糧驛道勞之辨詳該臣看得亦資孔坐塘筆帖式篆明以勞苦成病遍身痰火醫藥不愈呈請更換隨行糧驛道確查去後茲據該道詳稱據署普安衛守備王士梓驗看篆明患病情真出具印結前來竊思坐塘傳遞軍機非抱病之員可以臥理相應題請更換除將印結送部外伏乞

撫黔奏疏

卷之四

哭

敕部議覆施行

康熙二十一年七月二十七日題九月初二日

奉

旨該部議奏

巡撫貴州兼理湖北川東等處地方提督軍務都察院右副都御史臣楊建德謹

題爲各省保泰之微權一時圖治之要領如巡撫

標兵似亦當握留善後事康熙二十一年七月十二日准兵部密咨前事該臣看得臣標舊係兩營每營額兵七百五十名奉有

特旨設立三營茲准部咨將多添兵七百五十名裁去臣現在遵

旨查汰部議將此所裁之兵於通省各營老弱死故逃亡兵丁缺額者頂補臣查大定鎮營額兵二

撫黔奏疏

卷之四

哭

千二百二十名因地屬苗彝招集維難現在兵止九百四十八名尚缺兵一千二百七十二名千把等官亦未足額莫若以臣標七百五十名撥充大定營制有老弱者仍汰之在該鎮可無召募之煩而臣標兵丁不致有失所之患亦不必於通省各營內零星頂補似爲妥便至於臣標三營每營遊擊一員守備一員千總二員把總四員今既裁兵七百五十名應止設左右兩營所有左營遊擊熊中蘊應管中軍事守備吳

嵩及千把等員俱照舊管事中營遊擊吳勝守
備劉遇泰及千把等員改爲右營其右營遊擊
周之禮相應裁去另候補用右營守備宣承昇
及千把等員帶領兵丁撥隨大定標營可也臣
謹會同雲貴督臣蔡毓榮貴州提臣趙賴合詞
具題伏乞

皇上睿鑒勅部議覆施行

康熙二十一年八月初三日題

撫黔奏疏

卷之四

聖

巡撫貴州兼理湖北川東等處地方提督兼理都察院右副御史臣楊鼎建謹

題爲恭報入聞日期事切照黔省於康熙二十一年
補行辛酉科鄉試臣叨任監臨遵例於八月初六日入
闈惟矢公矢慎盡飭防維以仰副掄才

大典所有奉到

欽部事件一時未能兼理至黔屬各員亦各有科場
事務分充廉所俱於場前調到場後發回奉行
案件難以依限催結相應

撫黔奏疏

卷之四

聖

題明請乞

敕部議覆照例扣限一月庶微臣得免違限之愆矣
仰祈

睿鑒施行

康熙二十一年八月初三日題九月初七日奉

旨該部知道

巡撫貴州兼理湖北川東等處地方提督兼都察院右副御史臣楊維禎

題爲科舉事竊照黔省本年補行鄉試所有提調監試等官請照已酉壬子兩科舊例止用藩臬兩司不必調取道員協理已經

題明在案七月二十六日准吏部咨開貴州按察使李輝祖陞補湖北布政使封發文憑到臣隨行該司領憑赴任現在監試乏員不得不用道員除調取貴西道叅政楊大鯤入場監試外事

關

撫黔奏疏

卷之四

幸

大典合再題明伏乞

敕部查照施行

康熙二十一年八月初三日題九月初七日奉

旨該部知道

巡撫貴州兼理湖北川東等處地方提督兼都察院右副御史臣楊維禎

題爲黔省賓典在邇歲科兩考難週懇賜

題請稍爲變通以便遵守事據提學道錢捷詳該臣看得學道歲科兩考於三年內報完此定例也黔省於二十一年補行辛酉科鄉試該道於二十年冬抵任遵照定例先行歲考但秋闈期迫道里遼遠萬不能以場前數月竣科歲兩考之事臣是以據詳

題請或以歲考優等改爲科考以應今秋鄉試或

撫黔奏疏

卷之四

幸

將今秋試期再爲展限等因嗣准部文仍於本年八月鄉試則不得不以本年歲試優等算作

科考以應

大典矣茲據該道詳稱本年武闈事竣又屆考試之期或歲或科應於何年何月報滿請乞具

題前來伏乞

敕部議覆或令該道補行歲考卽爲報滿或行歲科兩考然後報滿以符各省學臣同時報完之通例庶不致有參差仰祈

睿鑒施行

康熙二十一年八月初三日題九月初七日奉
旨該部議奏

撫寧奏疏

卷之四

聖

巡撫貴州兼理湖北川東等處地方提督軍務都察院右副都御史臣楊乘建謹

題為科舉事據貴州布政使柯鼎詳該臣看得康

熙二十一年八月補行貴州辛酉科鄉試所有

題名錄准禮部咨開照河南式抄寫等因頒發

在案茲據布政司遵照河南式繕寫題名錄一

本呈送前來相應恭

進伏乞

睿鑒施行

康熙二十一年八月二十六日題十月初四日

撫寧奏疏

卷之四

奉

奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲稟報事據布政使柯鼎詳該臣看得雲南布政司照磨張文烹押解第三起逆產人口行至鎮遠於八月初八日病故據貴東道詳報並請委員押解前來隨行布政司委令鎮遠縣典史趙彥就近管押前進仍用雲南所給照磨張文烹便牌沿途支給廩糧夫馬等項事關接解逆產人口相應題明伏乞

皇上敕部查照施行

楊鼎建疏

卷之四

五

康熙二十一年八月二十六日題十月初五日

奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲特參貪虐縣令以肅官方事竊照普定一縣地值衝疲時兼兵役辦應夫役日無寧晷其間調劑撫循惟良有司是賴臣勸勉警誡不啻再三期於安輯殘黎無負官守不意有因貪成虐縱蠹倚奸包收加歛如知縣張其培者據司道府揭報前來合之臣所親訪無異不敢以計典在卽稍爲緩待謹卬列事蹟爲我

皇上陳之

楊鼎建疏

卷之四

五

計開

貴州安順府普定縣知縣張其培劣蹟據貴州布政司柯鼎按察司李輝祖分巡貴西道參政楊大鯤檄驛道叅議勞之辨安順軍民府以同知管知府事汪世印揭報一本官因逆兵燒燬縣署架捏貢生胡佐明燒燬山票拘查縱蠹役羅起運唐白明威逼胡佐明於康熙二十年四月二十一日懷呈自刎于十字街伊子胡珣店家王大章証

一本官縱使蠹役楊衛相公於九溪壩催夫
勒索屯頭朱貴廷銀兩於康熙二十一年三
月二十一日活逼朱貴廷自縊伊子朱文俊
証

一本官徵收秋糧及召買兵米共一萬石有奇
每石高收一二升不等共多收米二百餘石
戶蠹趙珍熊章何呈圖經收有生員牟呈瑞
告發証

一本官縱使家丁張國英王管家包收排年張

撫黔奏疏

卷之四

五

選米七石五斗勒折銀十五兩一錢又縱蠹
役徐士英包收清溪枝頭人謝朝忠廖應龍
等米二十八石五斗內勒折紫兒馬一匹作
米十石張選謝朝恩等証

此一官者恣逞貪殘罔知

國法借端縱蠹而逼死二命因公倚僕而包折由
心視民生如草菅以股削爲美利倘復縱之民
上俟諸

計典何以整飭官邪所當特疏糾參亟請革職與

有名蠹犯一併提問究擬者也伏乞

睿鑒敕部議覆施行

康熙二十一年八月二十六日題十月初六日
奉

旨已有旨了該部知道

撫黔奏疏

卷之四

五

巡撫貴州兼理湖北川東等處地方提督軍務都察院右副都御史臣楊雍建謹

題爲文場事竣謹報出關日期遵例具題事竊照

黔省本年補行辛酉科鄉試臣奉

旨舉行遵於八月初六日公同正主考翰林院編修

沈旭初副主考戶部主事陸鍾呂提調監試各

考官入場試士其應行事宜臣稟遵條例加意

釐剔務期內外肅清茲試事告竣所有遵定額

中式舉人劉子章等二十名各原卷照例繳行

藩司依期解部磨勘外臣於八月二十日撤棘

撫黔奏疏 卷之四 奏

出場所有奉到

欽部案件照例行催次第完結謹將出關日期具

題伏乞

皇上睿鑒敕部查照施行

康熙二十一年八月二十六日題十月初六日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲恭謝

大恩事康熙二十年八月二十四日翰林院侍講思

格則恭奉賚

御筆清慎勤三字到黔臣率領司道文武各員出城

跪接至署恭設香案望

闕叩頭謝

恩祇領訖除一面製造匾額懸掛臣署外竊惟

御筆超軼古今遐爾共式

撫黔奏疏 卷之四 奏

宸訓昭垂日月寮案胥欽觸目警心儆對

天顏於咫尺省身率屬共期臣職之遵循惟茲三字

高懸實爲百官紀律謹特疏謝

恩臣曷勝感激欣忭之至

康熙二十一年九月初一日題十月十四日奉

旨該部知道

巡撫貴州兼理湖北川東等處地方提督都察院右副御史臣楊鍾建謹

題為城守營兵乘機燒殺刦洗事據按察使李輝

祖詳該臣看得營弁職司塘汛期於弭盜安民

未聞以弭盜之兵而為盜以安民之兵而刦民

者如石阡營守備蔡球縱兵行刦非止一次事

露復底盜不發若塘兵刦客民盧發枝周太俊

二案經臣批發按察使提審未結容另疏題報

外本年二月十六日又有營兵陳國祥等乘夜

夥黨刦搶龔熙之家同謀為盜者八人已獲五

擒歸奏疏

卷之四

李

人坐地分贓者四人已獲二人并獲贓銀二百

七十七兩據已獲熊加桂蔣俸誥供吐蔡球知

情故縱主謀分贓千總史為卿把總李成忠從

而羽翼之該弁之罪殆不止於縱兵矣雖虛實

尚須質審而民害斷難姑容相應糾叅請

旨敕將守備蔡球千總史為卿等革職以便嚴訊究

擬者也再查龔熙之被盜一案該管文職係石

阡府知府聶世棠也武職專訊把總李成忠兼

轄則守備蔡球也查知府聶世棠送考思南因

公出境且此案盜犯一十二人已獲七名似與

拿獲一半之例相符一并聲明伏乞

睿鑒施行

康熙二十一年九月初一日題十月十五日奉

旨據奏守備蔡球等縱兵為盜主謀分贓大干法紀

俱着革了職并本內有名人犯該督嚴提究擬具

奏餘着議奏該部知道

擒歸奏疏

卷之四

李

經撫州兼理湖北山東等處地方提督糧務都察院右副御史臣楊建勳

題爲朝

覲事據布政使柯鼎詳該臣看得康熙二十一年

大計各項冊籍并朝

覲官員已奉部文題明以布按二司親行入

覲俱照康熙十二年事例遵行所有各府代

覲官員相應各取府佐官一員代

覲但查黔省所屬十四府設有同知通判者止有

六府如貴陽府同知白邦傑奉委進

撫黔奏疏

卷之四

奎

表未回應委該府經歷王道弘代

覲安順府通判張建策分駐安籠所應委該府經

歷胡以晉代

覲平遠府通判王廷獻現署府篆經歷李實秀奉

委烏江收稅大定府通判張可建分駐畢節衛

經歷朱國鳳尚未到任威寧府通判郭景隆奉

委進

表未回經歷董如龍現委進

表應并委黔西府通判劉洵代

覲其餘八府無同知通判應委各該府經歷代

覲查平遠府經歷孟發到任方新應委該府所屬

典隆衛經歷鄧志福代

覲鎮遠府經歷智惟靜尚未到任都勻府經歷蔣

琰進

表未回思南府經歷朱九思尚未到任應并委石

阡府經歷金廷奎代

覲思州府經歷姚成治係投誠具

題署職黎平府經歷劉玉係投誠具

撫黔奏疏

卷之四

奎

題署職并委銅仁府經歷楊國士代

覲其按察使李輝祖已陞湖廣布政司接奉部發

文憑紅限十月二十八日到任必於

覲冊起發之先星馳赴任但定例內必令布按二

司親身朝

覲今舊按察司既已陞任新按察司尚未到任貴

州朝

覲兩司之內缺少一員理合題明再查

大計賢否等冊已經原任按察司李輝祖填註今

委貴西道叅政楊大鯤署理印務查該道有該道之考語不便又令代按察司重覆另註合無仍將原任按察司李輝祖註定考語文冊貢令叅政楊大鯤繕寫清冊差按察司經歷吳延庚賚投仍准照各府代

覲佐貳等官量給夫馬以資駝載事屬創始無案可稽今據該司呈詳前來相應一併題明除將代

覲各官職名清冊揭送部科外臣謹會同雲貴督

撫聯奏疏

卷之四

書

臣蔡毓榮合詞具題伏乞

敕部施行

康熙二十一年九月初八日題十月十四日奉

旨該部知道

巡撫貴州兼理湖北川東等處地方提督楊大鯤奏為詳請題達頒發

敕書關防事據布政使柯鼎詳該臣看得分守貴東道係新設之員據該道呈請具題頒給

敕書關防等因隨行布政司將該道職掌事宜詳晰議報去後茲據該司酌議造冊呈送前來除冊送部外臣謹會同雲貴督臣蔡毓榮合詞題請伏乞

敕部將該道

撫聯奏疏

卷之四

書

敕書查照職掌撰給并將該道關防鑄給施行

康熙二十一年九月初八日題十月十四日奉

旨該部知道

巡撫貴州兼理湖北川東等處地方提督軍務都察院右副都御史臣楊瑄謹

題為請

旨事該臣看得偽總兵梁明傑准兵部咨行臣正法於本年九月初六日准湖廣督臣蔡毓榮咨移奉大將軍貝子諭將梁明傑解到貴陽隨於本日檄行按察司委貴陽府同知白邦傑城守營千總楊豹即將梁明傑綁赴市曹正法訖所有處斬日期并監斬官職名理合題報伏乞敕部查照施行

撫粵奏疏

卷之四

奏

康熙二十一年九月十三日題十月十六日奉旨該部知道

巡撫貴州兼理湖北川東等處地方提督軍務都察院右副都御史臣楊瑄謹

題為慣賊夥黨明火燒殺叩天嚴拿正法以安民生事據按察使李輝祖呈詳該臣看得冉學周於康熙二十年十一月十三日被劫審據先獲賊犯李在成供稱同夥二十一人續獲賊犯蔣老三李長腿等供稱同夥之人數俱各相符其供在旗下者則十有二人現獲者止吳禿子小張也所供係民苗者則有九人已獲者李在成蔣老三任道美李皮匠王麻子劉必用並在監

撫粵奏疏

卷之四

奏

病故之李昌名也餘俱未獲現在嚴加行緝茲據現在各犯供認刦殺情真匪經起獲按以強盜得財之律俱應斬首查吳禿子小張以旗丁為盜業經起解大將軍貝子軍前聽候發落至李在成係伊兄李偉出首按律於法得相容隱者為首如罪人身自首法應准照兇器傷人事例擬邊衛充軍但此案雖經傷人幸而平復未死且事犯

赦前應免罪其李明還審非窩家應予省釋見在

各犯仍行監禁俟緝獲各犯到日再審定案其
諱盜不報各官專轄係現任威武所千總陳子
斌也兼轄係委署去任操捕都司會書陳朗也
統轄係原委署貴州前衛守備獲理貴州掌印
都司印務事王士梓也相應指參以聽部議接
緝專轄者仍係威武守禦所千總陳子斌也接
緝兼轄者以守禦所千總管貴州操捕都司會
書事文培世也接緝統轄者署遊擊管貴州都
使司掌印都司事杜進梅也既據該司呈詳前
來臣謹會同雲貴督臣蔡毓榮合詞具題伏乞
敕部議覆施行
康熙二十一年九月十三日題十月十五日奉
旨三法司核擬具奏

巡撫貴州兼理湖北川東等處地方提舉務都察院右副御史臣楊建
題為邊休已歷三載居官未効才長謹陳事實仰
祈憲奪事據布政使柯鼎署按察司事分巡貴
西道叅政楊大鯤會詳到臣該臣看得捐納各
官到任三年奉公守法廉能稱職者該督撫具
題後方准陞轉茲據藩臬二司詳稱貴州糧驛道
叅議勞之辨歷俸二年較腹俸已滿三年該道
冊開事實俱係實心實政毫無文飾奉公守法
廉能稱職與例相符造冊請
題前來臣再加覆核該道膺繁劇之任有肆應之
才清操自甘勞績茂著洵監司之稱職者例應
題請擢用除冊送部科外臣謹會同雲貴督臣
蔡毓榮合詞具題伏乞
敕部議覆施行
康熙二十一年九月十三日題十月十六日奉
旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲報銷康熙二十年鹽稅銀兩事據布政使柯

鼎呈詳該臣查得黔屬各稅收支鹽課銀兩例

應年終

奏銷今據布政使柯鼎冊報貴陽安順普安鎮遠

四大稅永寧畢節烏撒鴨池四中稅思南銅仁

平遠大定黔西五府康熙二十年各設局開徵

鹽雜先後不同起徵月日不等至本年十二月

終止共收解鹽課銀三千三百六十八兩五錢

撫黔奏疏

卷之四

七

七分四釐八毫照例盡充驛費其支銷驛數例

應糧驛道另冊開報所有造報管收除在四柱

清冊經臣覆核無異除揭送部科外臣謹會同

雲貴督臣蔡毓榮合詞具題伏乞

敕部核覆施行

康熙二十一年九月十五日題十月十九日奉

旨着察核該部知道

巡撫貴州兼理湖北川東等處地方提督軍務都察院右副都御史臣楊鼎建謹

奏爲奏銷康熙十九二十兩年收支餉銀事據布

政司柯鼎詳該臣看得黔省康熙十九二十兩

年收支餉銀應於二十年終奏銷今據布政司

柯鼎造報康熙十九二十兩年共收部撥各省

協黔餉銀及本省僞銅品級山僞印銷燬銅劬

變價賊遺條馬米折等項共銀六十萬三百六

十兩四錢二分三釐內除黔制各項實支過銀

三十八萬二千八百二十二兩三錢三分五釐

撫黔奏疏

卷之四

七

零又扣存康熙二十年分小建銀六千一百四

十八兩七錢五分八釐零截贖銀一十四萬五

千二百兩一錢二分一釐零朋購銀一萬一千

一百一十九兩二錢七分零存剩銀五萬五千

六十九兩九錢三分六釐零各造清冊前來經

臣覆核無異除冊分送部科外理合恭繕管收

除在四柱簡明黃冊進呈

御覽再照本年補行辛酉科鄉試所有一切

欽部事件一時未能依限完結應照例扣限一月經

臣題請展限在案理合一并聲明臣謹會同雲

貴督臣蔡毓榮合詞具奏伏祈

敕部核覆施行

康熙二十一年九月十五日題十月十九日奉

旨着察核該部知道冊畱覽

撫黔奏疏

卷之四

奎

巡撫貴州兼理湖北川東等處地方提督兼都察院右副御史臣楊雍建謹

題爲報銷康熙二十年分雜稅銀兩事據布政司

柯鼎呈詳該臣查得黔屬各稅收支雜稅兩廠

課水銀例應年終

奏銷今據布政司柯鼎造報貴陽安順普安鎮遠

四大稅永寧畢節烏撒鴨池烏茶三岔六廣盤

江葛閃省溪江口六小渡康熙二十年開徵月

日不等至本年十二月終止共解報抽收雜稅

銀九千七百一十兩八錢二分八釐六毫內除

撫黔奏疏

卷之四

奎

平遠大定黔西威寧四府存畱經費銀一百二

十八兩已另冊開報全畱半畱半裁項欸在案

實收解銀九千五百八十二兩八錢二分八釐

六毫又收思南府康熙二十年額徵魚課銀八

兩又貴陽安順平越鎮遠思南銅仁黔西七府

共解收康熙二十年分各行牙帖銀一百三十

十九兩又用砂斗甫二廠康熙二十年分奉部

文自六月初一日起至本年十月終止解收本

色水銀七百一十八兩二兩又婺川板橋收康

熙二十一年自正月起至年終止本色水銀一百六十九觔八兩內除例充驛費雜稅銀九千五百八十二兩八錢二分八釐六毫共支銷細數例應糧驛道另冊開報外實在康熙二十一年十二月終止存貯魚課牙帖銀一百四十七兩候文撥充兵餉又存貯本色水銀八百八十七觔一十兩候文變價充餉所有造報管收除在四柱清冊經臣覆核無異除揭送部科外臣謹會同雲貴督臣蔡毓榮合詞具題伏乞

撫黔奏疏

卷之四

奏

敕部核覆施行

康熙二十一年九月十五日題十月十九日奉

旨着察核該部知道

經撫貴州兼理湖北川東等處地方提督軍務都察院右副御史臣楊維禎

題為特參貪庸營弁以肅軍政事竊照軍政

大典所以別賢否而飭官常副將以下臣例得考核敢不悉心采訪加意甄別其賢者固不容掩抑而不肖者亦何敢輕縱如威寧鎮標中營中軍守備劉吉懦怯奸貪穢蹟昭著難以姑容在位貽誤戎行今據威寧鎮臣柯彩揭報與臣所訪無異謹照定例內開載共有賢不肖之尤者開具事實另揭密送之條臚列事蹟為我

撫黔奏疏

卷之四

奏

皇上陳之

計開

應効官一員

威寧鎮標中營中軍守備劉吉劣蹟

一本官貪生怕死當澧州出師及北潞印江

思南臨敵之際屢屢具呈辭職通營官兵

共見証

一本官每遇本鎮查點兵馬奸貪不遂咆哮

憤恨搖惑兵心通營官兵証

一本官於康熙二十年八月內擅將兵餉私買鞍轡以致兵餉無出該營遊擊六格詰查該弁逞兇拔刀刎頸出血欲行圖賴本鎮代出銀二十五兩給散兵丁遊擊六格並百總張祿証

一本官於本年三月內假借請餉盤費名色每兵扣剋餉銀五分有零共得銀一百二十八兩通營官弁百隊等証

一本官擅撥營馬接取婢妾以致兵多怨聲

撫黔奏疏

卷之四

七

有玷官箴千總馬國興証

此一官者遇敵則怯見利則勇那移剋減任其所爲咆哮逞兇恣行無忌既官箴之有玷豈

國法之能容所當照例特叅聽部議處者也相應

具

題伏乞

皇上睿鑒施行

康熙二十一年九月十八日題

巡撫貴州兼理湖北川襄等處地方提督軍務都察院右副都御史臣楊雍建謹題爲特舉卓異營將以彰鼓勵事竊照考選軍政原准部咨粘抄條例內開其有卓異者將卓異實蹟開明另疏

題報等因臣職在封疆凡營將能否平日諒訪已悉其槩茲值考核之日黜陟攸關何敢濫舉以辱

大典卽素所聞見亦必詳加體察以拔其尤庶官方由之澄敘士氣賴以激揚而

撫黔奏疏

卷之四

七

國家亦可收虎臣之用也查有鎮遠協都督僉事

管副將事唐光堯歷著功效堪備卓異之選謹

臚列事實爲我

皇上陳之

計開

卓異應薦官一員

都督僉事管鎮遠協副將事唐光堯謀勇兼優勤勞懋著制敵則攻無不克撫衆則人盡懷恩紀律嚴明疆圉鞏固洵將領之錚錚而推轂有

待者

事實

一本官於康熙十四年二月內奉令統領戰船恢復湖口縣城十二月內奉令帶領官兵防守都昌縣賊寇宵遁十五年五月內圍困吉安逆賊攻奪螺湖橋關廂十一月內帶兵救援泰和縣殺賊四千有餘活擒偽官二十二員又隨鑲黃旗署副都統多諾至泰和縣自主老南坑一帶殺賊一千

撫黔奏疏

卷之四

奏

有餘俱經題敘在案

一本官於康熙十六年正月內逆賊馬寶等救援吉安本官隨師奮勇殺賊五月內攻取樂大嶺殺賊衆恢復縣城
一本官於康熙十七年正月內奉令帶兵追勦逆賊韓大任等至瑞金縣老虎崗地方本官奮不顧身鼓勵兵丁同滿漢官軍殺敗賊衆逆賊勢窮計變赴閩投誠十八年二月內隨師恢復衡州寶慶等郡縣俱經

塘報在案

一本官隨師駐劄廣信府奉令招撫到偽總兵何秉誠率衆披剃投誠并凡有在本標投誠以及奉撥隨標投誠官兵俱捐給銀米贍養以鼓向化

一本官奉令駐劄銅仁府招撫潰逆投誠賞給花紅銀牌安插歸農入伍

一本官履任鎮遠舊日制兵潰散地方初復大兵南上一切糧餉軍供火砲等項俱貯

撫黔奏疏

卷之四

奏

鎮遠本官招集舊兵歸伍又差官遠方招募健卒防守城池倉庫塘汛保護無虞其所招兵丁俱係本官捐給糧米贍養入營差防部文到日方始開支糧餉又兵丁未有器械者捐俸製備給發領用以資戰守
一本官因地方綦重修整城門安設鎖鑰盤詰奸宄稽查匪類以固封疆
一本官因所轄汛地遼濶環處苗彝分撥官兵嚴加防守安設水陸塘汛保固地方又

備花紅銀牌賞資苗衆並無出沒

一鎮遠路當滇黔門戶極爲衝要護餉解逃絡繹不絕本官派撥官兵護送謹慎並無

疎虞

一本官每逢三六九日親操兵馬教習技藝

振揚威武不時嚴飭守兵恪守紀律兵民相安

一本官因兵丁棲址無所不費公帑不動民

力勸諭各兵搭蓋營房並無露宿

撫黔奏疏

卷之四

全

一本官任內並無失事盜案

此一官者決機於兩陣之間推赤於招徠之後

捐俸糧以資戰守嚴防護以靖地方已試之

效可憑將來之猷堪藉所當特舉以備優擢

者也如果臣言不謬伏乞

皇上勅部覆核施行

康熙二十一年九月十八日題

巡撫貴州兼理湖北川東等處地方提督叅務都察院右副都御史臣楊雍建謹

題爲奏聞僞將軍帶領官兵投誠事該臣看得新

添衛千總霍光遠經臣牌委護解僞少卿高連

元前至楚省交明轉發進京茲據辰沅道田慶

會驗報該弁於本年八月十三日已抵沅州因

前途染病調治不痊於八月十七日在沅身故

該道查明並將該弁原領部扎申繳前來除扎

送部外相應題報伏乞

敕部查照原缺另行推補施行

撫黔奏疏

卷之四

全

康熙二十一年九月二十二日題十月二十四

日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲地方無上無民官則仍舊虛設叩憲查明轉詳具題裁汰以省糜食事據布政使柯鼎詳該臣看得關嶺守禦所一缺屯糧已歸該州驛站設有驛丞該所千總無土無民無事可理似屬贅員據布政司查詳請照已香守備例裁汰以省糜費等因臣移咨兵部茲准部咨以裁缺例應具題不便據咨議覆行臣知照臣惟關嶺守禦所千總一缺委果無土無民亦無兼攝事務

撫學奏疏

卷之四

全

行據該司查明在案相應具

題應否裁汰伏乞

敕部議覆施行

康熙二十一年九月二十二日題十月二十四

日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲知會事據布政司柯鼎詳該臣看得正紅旗七品筆帖式孫國輔係臣題帶入黔之員該員於康熙十八年十一月內聞訃回旗守制至本年服闋業經吏部查明給照仍令赴黔候補在案今孫國輔已經到黔呈繳執照茲有安順府普安縣知縣張其珩因貪虐糾叅普定路當孔道急需能員查孫國輔係七品筆帖式以之補授普定縣知縣品級相當員缺不致久懸既據該司申詳前來臣謹會同雲貴督臣蔡毓榮合詞具題伏乞

撫學奏疏

卷之四

全

敕部議覆施行

康熙二十一年九月二十二日題十月二十四

日奉

旨吏部議奏

巡撫貴州兼理湖北川東等處地方提督軍務都察院右副都御史臣楊鼎建謹

題爲稟報病故事據布政司柯鼎詳該臣看得銅

仁府知府葉樹德調取赴省辦理科場事務偶

染痰症於本年九月初四日身故據該司詳報

取具印結前來臣一面行司詳委能員署理該

府印務相應

題報除印結送部外伏乞

敕部查照員缺速爲銓補施行

康熙二十一年九月二十九日題十月初三日

楊鼎建疏

卷之四

金

奉

旨吏部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲縱兵截殺慘變事據署按察司事分巡貴西

道叅政楊大鯤詳該臣看得石阡營守備蔡球

與千總史爲卿把總李成忠等縱兵行劫事非

一端庇盜潛藏屢提不解真目無法紀者也除

冀熙被劫一案已經特疏

題叅外本年二月內據客民盧發枝訴稱同伴三

人於康熙二十年十二月初七日在一碗水地

方遭塘兵六人執械捆綁劫去本銀四百二十

楊鼎建疏

卷之四

金

七兩經臣行司查究而吏爲卿止供汛兵湯文

炳一人爲盜繼稱文炳脫逃竟不緝解妄將事

外之羅秉倫陳萬金等四人抵解諱盜不報又

復庇之臣不能爲史爲卿解也守備蔡球不思

自省反以石阡知府譚世棠陷害爲詞該府不

平遂將上年九月二十七日客民周泰俊被劫

一事和盤托出查周泰俊等經過黃心樹係塘

兵張鳳等八人夥劫銀兩衣帽等件把總李成

忠知事敗露謀諸蔡球將原劫駐銀交還失主

薄責賊首張鳳冀寢其事縱盜諱盜臣又不能
為蔡球李成忠解而知府聶世棠亦難辭扶同
諱匿之罪也除行按察司將未獲盜犯嚴提緝
獲以憑結案外所有該營縱兵庇盜與該府扶
同諱盜情由相應指叅臣謹會同雲貴督臣蔡
毓榮貴州提臣趙賴會詞具

題伏乞

敕部查覆施行

康熙二十一年九月二十九日題十一月初三

撫黔奏疏

卷之四

全

日奉

旨該部嚴察議奏

巡撫貴州兼理湖北川東等處地方提督都察院右副御史臣楊建德

題為奏銷收支餉銀事據布政司柯鼎呈詳到臣

該臣查得征進八旗綠旗滿漢官兵自康熙十

九年十月內入黔起至康熙二十一年六月止

舊管銀無收所撥協餉并湖南支剩解黔餉銀

共二百一十六萬三千八百九十九兩二錢四分三

釐零一滿州八旗官兵馬匹自康熙十九年十

月起至二十一年五六月不等凱旋止共支過

俸餉草料銀一百二十六萬八千三百三十三

撫黔奏疏

卷之四

全

兩一錢四分六釐一進征綠旗各標協營官兵

馬匹自康熙二十年正月起至本年十二月終

止並康熙二十一年正月分各支月日不等共

支過俸餉廩鹽料乾銀並動賞土司龍天祐僞

將軍王會等及按察司糧驛道動支採買銀共

七十三萬五千五百四十一兩七錢四分二釐

零又

欽賜大將軍御馬並侍衛等馬匹經過鎮遠等六站

支過豆草折銀一百一十九兩八錢八釐共實

支過銀二百萬三千九百九十四兩六錢九分
六釐零實在原存剩銀一十五萬九千九百四
兩五錢四分七釐零已將接支康熙二十一年
分駐防貴陽大兵兵餉訖俟年終彙冊報銷據
該司備造支放細冊同取獲滿檔呈送前來經
臣查核相符除將造報各冊同取獲滿檔揭送
部科外相應具題請銷聽部核覆再照本年補
行辛酉科鄉試所有一切

欽部事件一時未能依限完結應照例扣限一月經
撫黔奏疏 卷之四 矣

臣題請展限在案理合一并聲明臣謹會同雲
貴督臣蔡毓榮合詞具題伏祈

睿鑒敕部核覆施行

康熙二十一年十月初四日題十一月初九日
奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建題

題為奏銷康熙十九二十兩年收支糧米事據糧
驛道勞之辨呈詳到臣該臣看得康熙十九年
閏八月以前黔省止有銅仁思州黎平思南四
府新經恢復其時滿州大兵及援勦綠旗官兵
分駐銅仁江口印江等處者供支之米俱自湖
南輓運前來黔省原無收支欵項應聽湖廣報
銷外計該道自康熙十九年閏八月初一日到
任料理糧務起至康熙二十年十二月終止除

撫黔奏疏 卷之四

全

原無舊管外經收康熙十九二十兩年本省民
屯秋糧湖南解供各標鎮營行糧黔省各屬清
查出賊遺米總理大兵糧餉內閣學士佛倫等
採買運至貴陽平越江口鎮遠新添等處米廣
西運至安籠所米布政司經收貴陽鎮遠二處
捐納按察司糧驛道採買米以及各項米通共
收過三十五萬八千九百二十三石七斗八升
三勺五抄八撮六粒九粟此新收之總數也又
查自康熙十九年閏八月起至康熙二十年十

二月終止一支給八旗大兵口糧米四萬六千九百一十八石四斗三升一合八勺七抄二撮一支給綏遠將軍湖廣總督蔡毓榮標五營及左右二路隨征各營雲貴督標左鎮蘭泗右鎮柯彩前鎮葛秉貞等標江西總督董衛國標五營及援勦隨征各營兩廣總督金光祖標并所統福建廣東各標鎮營川陝總督哈占標并所統各標鎮營山西提督周卜世雲南提督桑格通義將軍侯林興珠奮勇將軍標副將王珍胡廣岳州左鎮李師膺前鎮陳華俊鎮李迨荊州右路鎮曾蘭隨征左路鎮標副將張芳名隨征右路鎮李國樑援勦左路鎮陳珀援勦右路鎮王度冲等各鎮管投誠偽將軍王會各官兵行月糧米共支給過一十五萬三千一百二十四石九斗三合二勺一支給黔省各標鎮營哨兵丁月糧米八萬九百三十四石八斗六升一合一勺一支給黔省各驛站夫糧馬料米一萬八千二百一十八石八斗七升一支給過往官役

運夫難丁等項口糧米八百四十六石七斗二升六合三勺以上各項通共放過米三十萬四十三石七斗九升二合四勺七抄二撮此開除之總數也實在存倉米五萬八千八百七十九石九斗九升五合八勺六撮九粟畱支康熙二十一年凱旋大兵駐鎮貴陽八旗大兵本省制兵行月等糧及驛遞糧料等項支用此實在之總數也其開除各項除各驛站夫糧馬糧清冊另於奏銷康熙十九二十兩年驛站錢糧案內咨部查核外據該道分晰造報清冊同取獲滿檔一并呈繳前來經臣查核相符除將各冊及滿檔分送部科外相應具題請銷聽部核覆至該道職司糧驛二事拮据年前日不服給因仰遵
功令不敢將已經收明支放之數不亟為報銷是以刻日攢造以副部限誠恐其中支放各款或有遺漏理合預為聲明倘有續經查出者容臣再為題達請銷可也再照本年補行辛酉科鄉試

所有一切

欽部事件一時未能依限完結應照例扣限一月經

臣題請展限在案相應一并聲明臣謹會同雲

貴總督蔡毓榮合詞具題伏祈

敕部核覆施行

康熙二十一年十月初四日題十一月初九日

奉

旨着察核該部知道

撫黔奏疏

卷之四

七



撫黔奏疏卷之四終

經撫貴州兼理湖北川東等處地方糧務總察院右副都御史楊振建題

題為造報康熙二十年考成民賦本色秋糧事據

糧驛道勞之辦呈詳該臣看得黔屬貴陽等府

廳州縣康熙二十年分應徵本色秋糧米蕎例

應年終分別完欠已未完分數職名

奏報考成今據糧驛道叅政勞之辦造報貴陽等

府屬康熙二十年分照新刊由單數目合算除

米折銀兩不開外共該應徵本色秋糧米及蕎

折共米七萬六千六百六十八斗八升七合零

撫黔奏疏

卷之五

一

內除平大黔威四府南籠廳人丁故絕荒蕪無

徵米及蕎折共米二萬五千四百七十六石九

斗六升二合零又除黎平府額運湖廣天柱縣

倉米一十九石九斗九升九合零實有徵本色

米及蕎折共米五萬一千一百六十三石九斗

二升四合零內已完米及蕎折共米四萬七千

九百六十九石四斗八升七合零未完米及蕎

折共米三千一百九十四石四斗三升六合零

又威寧府額外帶徵四川鎮雄土府報効蕎糧

四百六十石屢催該土府全未完報查限內十分全完一官經手者貴陽府督徵以同知管知府事汪燝等二十員又限內十分全完二三其手者貴陽府定番州經徵去任委署知州俞一琰等十員未完不及一分者督徵現任貴州糧驛道布政司叅議勞之辨等四員未完一分以上者安順府督徵現任以同知管知府事汪世印等四員未完二分以上者安順府經徵現任以同知管知府事汪世印等三員未完六分以

撫黔奏疏

卷之五

二

上者安順府普安縣經徵去任委署知州馬兆麟限內經徵本色秋糧除現在題請積荒外實徵成熟秋糧十分全完各官平遠府經徵現任委署知府鄭開等五員以上各官已完米蕎該道照數彙入康熙二十年收支糧米四柱冊內開報至於未完米蕎節據各屬申稱兵燹之後繼以災疫丁絕田荒是以不能依限全完除嚴飭該道督催各屬設法催徵俟續報日另疏題報外惟是十分全完各官例應紀敘以示鼓勵

其未完各官應分別處分以昭勸誡所有造報完欠已未完分數督徵經徵職名各冊經臣覆核無異除揭送部科外臣謹會同雲貴總督蔡毓榮合詞具題再照本年八月補行辛酉科鄉試所有一切

欽部事件一時未能依限完結應照例扣限一月經臣

題請展限在案理合一并聲明伏乞

敕部核覆施行

撫黔奏疏

卷之五

三

康熙二十一年十月初四日題十一月初九日

奉

旨該部核議具奏

巡撫貴州兼理湖北川東等處地方提督都察院右副御史楊鼎建

題爲造報康熙十九年分全徵扣徵民賦本色秋糧事據糧驛道叅議勞之辨呈詳該臣看得黔屬貴陽等府府廳州縣康熙十九年分應徵本色秋糧米蕎已未完數目應於康熙二十年終奏報今據糧驛道叅議勞之辨造報康熙十九年分貴陽等府屬應徵米蕎照康熙十一年由單數目合算除米折銀兩不開外實計本色秋糧及蕎折共米七萬六千六百六十石八斗八

撫黔奏疏

卷之五

四

升七合零內除康熙二十年二三月間先後恢復之平大黔威四府安順府屬之南籠廳普安州普安縣未徵米及蕎折共米三萬六千四百九十六石一斗二升八合零又除黎平府額運湖廣天柱縣倉米一十九石九斗九升九合零實在先經開復之銅仁府黎平府銅仁縣思州府屬之施溪司照額全徵米一千四百三十石四斗二升八合零至貴陽等五府屬州縣及安順府鎮寧州永寧州普定縣共應徵本色米及

撫黔奏疏

卷之五

五

蕎折共米三萬八千七百一十四石三斗三升零以康熙十九年十月二十一日大兵臨省之日爲始徵收起至年終止計兩個月零十日每米一石民該米一斗九升四合零共該扣徵米七千五百二十七石七斗八升六合零連前全徵共該米及蕎折共米八千九百五十八石二斗一升五合零內已完米及蕎折共米八千四十二石五斗六升九合零該道照數彙入康熙二十年分收支糧米四柱冊內開報未完米及蕎折共米九百一十五石六斗四升五合零又威寧府額外帶徵四川鎮雄土府未徵協黔報効蕎糧四百六十石節據各屬中稱兵燹之後繼以災疫是以不能依限全完除嚴飭該道督催各屬設法催徵俟續報完日另疏題報外所造報全徵扣徵米蕎已完未完數目冊經臣覆核無異除揭送部科外臣謹會同雲貴督臣蔡毓榮合詞具題再照本年八月補行辛酉科鄉試所有一切

欽部事件一時未能依限完結應照例扣限一月結

臣通請展限在案理合一并聲明伏乞

敕部核覆施行

康熙二十一年十月初四日題十一月初九日

奉

旨着察核該部知道

撫黔奏疏

卷之五

六

巡撫貴州兼理湖北川東等處地方提督兼理都察院右副御史臣楊雍建

題為奏銷康熙十九年驛站錢糧事據糧驛道參

議勞之辨呈詳到臣該臣看得黔省安設驛站

自康熙十九年十月十三日從平溪設驛起至

本年十二月年終止於康熙十九年十月初十

日支過布政司庫銀二萬兩內貴陽皇華龍里

新添黃絲平越楊老清平興隆偏橋鎮遠清浪

平溪威清平壩普利安莊關嶺十八驛自康熙

十九年十月十三日起至本年十二月終止安

撫黔奏疏

卷之五

七

設馬匹日月不等共安設驛馬四百七十五匹

馬夫二百三十七名半每名日支工食銀二分

除倒斃馬五十五匹應扣截贖小建不支外實

支過馬夫工食銀一百五十兩五錢二分驛馬

四百七十五匹每馬月釘腳蹠一付每付價銀

六分除倒斃馬五十五匹接日截扣不支外實

支銀三十一兩五分零每匹每月用藥餌一服

每服價銀六分除倒斃截扣不支外實支銀三

十一兩五分零每匹日支草一束每束價銀一

分除倒斃扣存並小建不支外實支銀一百五十兩五錢二分一貴陽皇華龍里新添平越清平興隆偏橋鎮遠清浪平溪威清平壩普利安莊關嶺等一十五驛每驛每日量給供應銀十兩共支過一千八兩三錢零又貴陽皇華等十五驛應付過往差員廩給口糧銀兩共支過銀八十兩三錢零買補貴陽皇華龍里新添黃系平越楊老清平重安興隆威清平壩等十一站隨斃隨補馬五十五匹價值不等共動過銀一

撫粵奏疏

卷之五

八

千六百二十五兩一貴陽皇華龍里新添平越清平興隆偏橋鎮遠威清平壩普利安莊關嶺等一十三站自康熙十九年十一月初三日起至本年十二月終止安設站夫日月不等每站運餉長夫一百名共夫一千三百名每名月支工食銀四錢五分共支過銀九百三兩以上共支給馬夫工食脚鹽藥餌草價供應差員廩給口糧買補馬匹站夫工食等項通共支過銀三千一百八十九兩七錢七分零實在存剩銀一

萬六千八百一十兩二錢二分零又康熙十九年十月十三日起至本年十二月終止共斃馬皮張變價銀九兩以上二項共實存剩銀一萬六千八百一十九兩二錢零流抵康熙二十年項下開銷其馬夫二百三十七名每名日支食米一升除倒斃馬五十五匹應扣截曠小建不支外實支米七十五石二斗六升內除平清偏鎮四衛照例支楚省屯糧米二十八石三斗外實支黔省康熙十九年分民屯秋糧米四十

撫黔奏疏

卷之五

九

六石九斗六升又驛馬四百七十五匹每匹日支料穀五升內除倒斃馬五十五匹應扣料穀並小建不支外實支料穀七百五十二石六斗內除平清偏鎮四衛照例支楚省穀二百八十三石折米一百四十一石五斗外實支過黔省康熙十九年分民屯秋糧穀四百六十九石六斗折米二百三十四石八斗以上馬夫食米料穀折米共米四百五十一石五斗六升內除平清偏鎮四衛照例支楚省屯糧米一百六十九

石八斗外實支黔省民屯秋糧米二百八十一石七斗六升又每站運餉長夫一百名共夫一千三百名每名每日支米一升內除小建不支外共米五百八十九石二升共實支米八百七十石七斗六升據該道分晰造冊前來經臣覆核無異除將各冊分送部科外相應具

題請銷聽部核覆再照本年八月補行辛酉科鄉試所有一切

欽部事件一時未能依限完結應照例扣限一月經撫黔奏疏 卷之五 十

題請展限在案理合一并聲明臣謹會同雲貴督

臣蔡毓榮合詞具題伏祈

敕部核覆施行

康熙二十一年十月初四日題十一月初九日

奉

旨着察核該部知道

巡撫貴州兼理湖北川東等處地方提督都察院右副御史臣楊雍建謹

題為奏銷康熙二十年驛站錢糧事據糧驛道叅

議勞之辨呈詳該臣看得黔省驛站自康熙二

十年正月初一日起至本年十二月終止查康

熙十九年分存剩銀一萬六千八百一十九兩

二錢二分九釐康熙二十年分支過布政司存

銀四萬兩舊管新收二項共銀五萬六千八百

一十九兩二錢二分九釐貴陽皇華龍里等二

十六驛修葺馬棚七十八間共支過銀一百一

撫黔奏疏

卷之五

七

十七兩製備鞍轡五百二十副共支過銀四百

一十六兩製備馬屨一千三百塊共支過銀二

百六十兩製備鋤刀一百三十把共支過銀五

十二兩每驛馬夫二十五名共馬夫六百五十

名每名日支工食銀二分自康熙二十年正月

起至年終止安設馬匹月日不等除陸續倒斃

馬一千四十七匹截曠小建不支外實支過銀

四千一百一十五兩一錢九分每驛馬五十四

共馬一千三百匹每匹月釘腳蹠一副每副價

銀六分除倒斃按日截扣不支外實支過銀八百三十八兩一錢一分八釐每馬月用葯餌一服每服價銀六分實支過銀八百三十八兩一錢一分八釐每馬日支草一束每束價銀一分實支過銀四千一百一十五兩一錢九分一釐貴陽皇華龍里新添平越清平興隆偏橋鎮遠清浪平溪威清平壩普利安莊關嶺永寧安南新興普安亦資孔等二十驛每驛每月量給供應銀十兩共支過銀二千三百五兩六錢六分

撫黔奏疏

卷之五

七

三旌貴陽皇華等二十驛應付過往差員廩給口糧銀兩共支過銀一千四百十二兩買補二十六驛隨斃隨補馬一千四十七匹內除捐助溢額馬五十三匹於預籌黔驛馬匹事案內咨明兵部發補各驛不開銷價值外實買馬九百九十四匹價值不等共動用過銀二萬九千三百七十三兩六錢一貴陽龍里新添平越清平興隆偏橋鎮遠威清平壩普利安莊關嶺永寧安南新興普安亦資孔等一十八站運餉長夫

一百名共夫一千八百名每名月支工食銀四錢五分自康熙二十年正月起到年終止設站日月不等共支過銀九千四百三十六兩五錢又康熙二十年十月初一日准兵部咨回亟陳滇餉遲悞之由等事貴州各驛每驛添設人夫五十名工食銀米准其於正項錢糧內動支緣由通行各站添設據貴州衛等各站官弁冊報召募人夫日期不等共支過銀一千八十三兩七錢五分二共支過銀一萬五百二十兩二錢

撫黔奏疏

卷之五

七

五分以上修葺棚鞍屨鏹支給馬夫工食脚蹠藥餌草價供應差員廩給口糧買補馬匹站夫工食等項通共用過銀五萬四千三百六十三兩一錢二分九釐實在存剩銀二千四百五十六兩一錢又康熙二十年分斃馬皮張變價銀九十二兩六錢二項共存剩銀二千五百四十八兩七錢流抵康熙二十一年驛站項下開銷馬夫六百五十名日支食米一升除陸續倒斃馬一千四十七匹亦扣截贖小建不支外實支

夫米二千五十七石五斗九升五合內除平清
偏鎮四衛照例支楚省屯糧米三百十五石六斗
六升外實支黔省康熙二十年分民屯秋糧米
一千七百四十一石九斗三升五合驛馬一千
三百匹每匹日支料穀五升內除陸續倒斃馬
一千四十七匹應扣料穀並小建不支外實支
料穀二萬五百七十五石九斗五升內除平清
偏鎮四衛照例支楚省穀三千一百五十六石
六斗折米一千五百七十八石三斗外實支過

撫黔奏疏

卷之五

古

黔省康熙二十年分民屯秋糧穀一萬七千四
百一十九石三斗五升折米八千七百九石六
斗七升五合以上馬夫食米料穀折米共米一
萬二千三百四十五石五斗七升內除平清偏
鎮四衛照例支楚省馬夫食米料穀折米一千
八百九十三石九斗六升外實支黔省民屯秋
糧米一千四百五十一石六斗一升每站運餉
長夫一百名共夫一千八百名每名日支食米
一升內除小建不支外實支米六千一百八十

三石又每站添設人夫五十名每名照例日支
食米一升各站名募日期不等除小建不支外
實支米七百一十三石五斗二升共實支米六
千八百九十六石五斗以上馬夫食米料穀折
米站夫食米共實支過米一萬七千三百四十
八石一斗一升據該道分晰造冊前來經臣覆
核無異除將各冊分送部科外相應具題請銷
聽部核覆再照本年八月補行辛酉鄉試所有
一切

撫黔奏疏

卷之五

五

欽部事件一時未能依限完結應照例扣限一月經
臣題請展限在案理合一并聲明臣謹會同雲
貴總督蔡毓榮合詞具題伏乞

睿鑒敕部核覆施行

康熙二十一年十月初四日題十一月初九日
奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲報明地動事康熙二十一年九月二十九日

戊時貴陽省城地忽微動旋即止息衙署民居幸無傾頽但地道宜靜動則失常此皆臣奉職無狀所致除一面率屬修省外所有地動情形理合

題明伏乞

睿鑒施行

康熙二十一年十月初六日題

楊雍建疏

卷之五

七

巡撫貴州兼理湖北川東等處地方提督軍務都察院右副都御史臣楊雍建謹

題爲勞同恩異實懇援例一視均沾事據布政使

柯鼎詳該臣看得都勻府經歷蔣琰係臣題帶

進黔効用之員也據稱於康熙十七年三月內

考授八品筆帖式在案所有同品之員如張國

弼周鑠羅在廷等俱以縣丞管知縣事伊止授

府經歷遂有勞同恩異之控茲准部查臣題帶

人員一疏蔣琰雖稱候補筆帖式並未開明有

無品級是以補授經歷將並未詳明之處查明

楊雍建疏

卷之五

七

具題到日再議等因先蔣琰在京投遞履歷並

未開明品級是以原疏未載且因題帶人員有

酌量人地相宜補授之例故未究其品級崇卑

耳今既照品補用而蔣琰原係八品筆帖式乃

不得與同品之人管理縣事辨非無因應否改

用伏乞

敕部議覆施行

康熙廿一年十月初七日題十一月初九日奉

旨吏部議奏

巡撫貴州兼理湖北川東等處地方提督軍務都察院右副都御史臣楊雍建謹

題為稟報事據署按察司事分巡貴西道叅政楊大觀詳該臣看得高寨失事一案准兵部咨開兼轄新添營守備劉應魁罰俸六個月限一年緝賊如不獲題叅另處在案自康熙二十年九月初五日奉文至二十一年九月初五日一年限滿未據緝獲據該備詳稱高寨行劫之時正直兵馬雲集省城弓箭馬匹成羣載道涇渭莫分非土著彝仲可跡可跟者比通緝無踪懇乞

撫題奏疏

卷之五

太

援

赦寬宥前來查該弁有兼轄之責例應嚴緝但查高寨失事係康熙二十年三月十八日確在

恩赦以前應否邀

恩援免准令接緝合聽部議至于此案又臣于康熙二十年九月二十三日准吏部咨開龍里縣委署知縣王來瑞委署典史王師舜均照例住俸限一年緝獲查王來瑞已經解任未獲賊犯令接任官照案緝拿等因自奉部文之日扣至本

年九月二十二日亦經限滿未獲但署龍里縣

知縣王來瑞久經病故署典史王師舜亦已斥逐此案承緝文職無由指叅而接緝之官例不議處該司以

赦前盜案詳請咨部銷案等因相應一并聲明臣謹會同雲貴督臣蔡毓榮貴州提臣趙賴合詞具題伏乞

敕部查照施行

康熙二十一年十月初七日題十一月十一日

撫題奏疏

卷之五

充

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲題明事該臣看得黔省各驛添夫五十名准有部文俟各起大兵凱旋完日卽行題撤等因隨檄糧驛道遵照復行查催去後茲據該道詳稱解京逆產入起陸續運送每起需夫三百名是以未敢遽撤今題部文已通行各驛文到卽行裁撤其各驛奉文裁撤日期俟該道彙報到日另文咨部外所有前項添設人夫裁撤緣由合先

撫黔奏疏

卷之五

三

題報伏乞

敕部查照施行

康熙二十一年十月初七日題十一月初九日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲恭報武闈日期事竊照康熙二十一年黔省補行辛酉科武鄉試一切應行事宜遵奉部文照例舉行茲於十月初九日試馬箭十二日試步箭及提石舞刀等項十五日試策論臣謹董率執事各員共矢公矢慎以仰副皇上掄材至意所有考試日期理合

題報伏乞

敕部查照施行

撫黔奏疏

卷之五

三

康熙二十一年十月初七日題十一月初十日

奉

旨兵部知道

巡撫貴州兼理湖北川東等處地方提督軍務都察院右副御史臣楊鍾建謹

題爲武舉事竊照康熙二十一年十月補行貴州

辛酉科武鄉試臣奉

旨舉行茲三場試事告竣謹遵定額取中武舉唐顯

奇等二十名於十月十七日撤開所有場內繕

寫題名錄一本相應恭

進伏乞

睿鑒施行

康熙二十一年十月二十四日題十一月十九

撫麟奏疏

卷之五

三

日奉

旨兵部知道這考試題內語涉譏諷殊屬不合着吏

部嚴察議奏

巡撫貴州兼理湖北川東等處地方提督軍務都察院右副御史臣楊鍾建謹

題爲懇賜轉詳題請復姓崇先賢以延後裔事據

分巡貴西道叅政楊大鯤詳該臣看得黔西府

以同知管知府事端象震係先賢端木子貢之

裔因伊祖名以善者仕宦江南流寓深水後嗣

蕃衍相傳錯訛遂將端木二字拆爲二姓該府

有水源木本之思詳請具題改正取具同鄉官

印結申報該道轉詳前來查在外官員復姓改

名例得呈請除將印結送部外相應具

撫麟奏疏

卷之五

三

題伏乞

敕部議覆施行

康熙二十一年十月二十四日題十一月十九

日奉

旨該部知道

巡撫貴州兼理湖北川東等處地方提督軍務都察院右副都御史臣楊璉建謹

題為請頒黔屬各官印信事據布政使柯鼎詳該

臣看得土司名缺一案准兵部咨開木瓜長官

司碩大變等俱係部冊無名當日伊等因何未

給號紙并令應否給與印信號紙之處行臣查

明具題到部之日再議等因隨行布政司確查

詳報去後茲據該司詳稱據各府申稱土司各

弁有因當日年歲未滿尚未承襲以致未奉頒

給號紙者亦有父祖已奉頒給號紙或老或病

撫黔奏疏

卷之五

五

或故輪該本身襲替因吳逆阻隔未經請襲以

致部冊無名者造具登答清冊呈報前來臣覆

核無異除清冊送部外相應具

題伏乞

敕部查照頒給號紙印信以示柔遠至意仰祈

睿鑒施行

康熙二十一年十月二十四日題十一月二十

九日奉

旨該部知道

巡撫貴州兼理湖北川東等處地方提督軍務都察院右副都御史臣楊璉建謹

題為特參土官等事據署按察司事分巡貴西道

參政楊大鯤詳該臣看得土官蒙嘉祚等越境

稱兵一案經臣

題參准有部咨行臣嚴審擬罪隨行按察司擬審

去後據該司詳稱必提原告之莫與齊并欸証

羅觀保等來黔質審等因隨於本年七月初四

日咨移廣西撫臣提解在案今未准咨解黔粵

隔省咨提文移往返動需時日一時難以結案

撫黔奏疏

卷之五

五

茲據該司詳請具題前來伏乞

敕部咨催粵撫迅將南丹土知州莫與齊並欸証羅

觀保等解發來黔以憑質審庶

欽案得以速結矣仰祈

睿鑒施行

康熙二十一年十月二十四日題十一月二十

八日奉

旨該部議奏

巡撫貴州兼理湖北川東等處地方提督雲南都察院右副御史臣楊雍建

題為請頒黔屬各官印信事據布政使柯鼎詳該

臣看得黔省土司名缺一案准兵部咨送方繼

新等號紙五十八張已行布政司轉發收領外

其羅番長官司龍從雲等三員名缺不符又程

飛鵬等四十名部冊無名行臣查照伊等履歷

應否給與印信號紙之處具題到日再議等因

隨行該司確查詳覆去後茲據該司詳稱土司

各弁有前後開報員缺兩相符合並非混冒者

撫黔奏疏

卷之五

美

有目不識丁倩人代書履歷更改字義以致原

名顛倒錯訛與部冊不符者亦有父祖或老或

病輪該本身襲替因吳逆阻隔未經襲替以致

部冊無名者皆應准承襲頒給印信號紙之員

備造簡明登答清冊呈報前來臣覆核無異除

清冊送部外相應具題伏乞

敕部照例頒給印信號紙使遐荒土弁咸沐綏柔之

化仰祈

睿鑒施行

康熙二十一年十月二十四日題十一月二十

九日奉

旨兵部知道

撫黔奏疏

卷之五

美

巡撫貴州兼理湖北川東等處地方提督軍務都察院右副御史臣楊雍建謹

題爲抱病危篤仰祈俯准休致以全職命事據糧
驛道叅議勞之辨呈詳該臣看得新添衛守備
安文彪積勞成病不能供職申請休致行據糧
驛道轉委平越府知府裴天錫驗看該備患病
是真取具印甘各結詳報前來除結送部外相
應題請

敕部議覆准其休致查新添衛路當孔道錢糧夫馬
需人料理不可一日乏員隨委兵部効用武舉

撫黔奏疏

卷之五

三

楊暉前往署事外查題補之例奉文停止臣何
敢復爲貢奏但楊暉係臣各部隨帶赴黔候補
之員理合題明應否實授伏乞

敕部一併議覆施行

康熙二十一年十一月初一日題十二月初三
日奉

旨兵部議奏

巡撫貴州兼理湖北川東等處地方提督軍務都察院右副御史臣楊雍建謹

題爲題明事竊惟計吏之典陟明而黜幽例有卓
異薦舉露章叅劾所以示勸懲也臣職在察吏
敢不仰遵

功令力爲舉行乎但卓異之員必有過人才品又無
錢糧盜案者庶與例符查黔屬各官亦有才能
四應操守潔清者然或催徵稍缺或歷俸未深
臣遵照定例寧嚴無濫不敢妄舉以充卓異之
選再查黔省地狹官少年來師旅往來無論衝

撫黔奏疏

卷之五

三

僻拮据軍供不遑寢食且民物凋殘災疫疊見
大小各員卽有谿壑之欲虎狼之威亦無所施
其伎倆間有一二貪酷之吏如鎮寧州知州李
文雄普定縣知縣張其瑄一經體訪隨卽
題叅刻不少待其餘率皆循分自安莫可搜索臣
屢檄各司道府確查開報據稱黔屬現在實無
貪酷之員所有罷軟病廢年老等官亦已列在
法中至於露章乏員無憑開報復行駁察委非
欺飾若其中有真不肖者臣固不敢輕縱養奸

果其無之臣亦何敢吹求而誣捏也此後或有
改操易節貪暴虐民者自當不時糾叅無少寬
假除將五花清冊咨送部院科外臣謹題明伏
乞

睿鑒敕部查照施行

康熙二十一年十一月初一日題十二月十三

日奉

旨該部院知道

撫黔奏疏

卷之五

奉

巡撫貴州兼理湖北川東等處地方提督糧務都察院右副都御史臣楊雍建謹

題為酌撥康熙二十二年兵餉事據署布政使糧
驛道叅議勞之辨呈詳該臣查得黔屬各標鎮
營經制官兵馬匹并提督隨帶八旗甲兵馬匹
以及上下各哨之兵按數計算康熙二十二年
分除官弁俸薪等銀開月例應不支外實需俸
餉乾銀并兵丁馬匹加閏銀共五十四萬一千
二百八十八兩六錢二分三釐既據該司造冊
前來經臣核覆無異除揭送部外理合題請伏
乞

撫黔奏疏

卷之五

奉

敕部酌撥施行

康熙二十一年十一月十六日題奉

旨該部知道

巡撫貴州兼理湖北川東等處地方提督軍務都察院右副都御史臣楊秉直謹

題爲詳請題撥駐黔大兵康熙二十二年分兵餉
事據署貴州布政使根驛道叅議勞之辨呈詳
到臣該臣看得駐鎮貴州滿洲官兵馬匹俸餉
草料銀兩乃按日應支之數除康熙二十一年
分於奉撥河南解到餉銀及
奏銷滿漢大兵支剩銀內支結統俟年終報銷外
今據該司詳稱康熙二十一年將終所有康熙
二十二年分應支俸餉草料等銀每季四萬二
千四百餘兩詳請撥協前來相應題請伏乞
敕部按季撥發以資接濟

康熙二十一年十一月十六日題奉

旨

撫黔奏疏

卷之五

五

巡撫貴州兼理湖北川東等處地方提督軍務都察院右副都御史臣楊秉直謹

題爲題明事據署按察司事分巡貴西道叅政楊
大鯤詳該臣看得回兵擾害一案准兵部咨開
或係總督哈占官兵將官員拴鎖毆打擾掠百
姓或卽移送骨殖佐領卜濟等領回兵丁擾害
之處行臣查明具題到日再議等因隨行按察
司確查去後茲據該司詳稱詢問原署普安衛
守備張一鵬供稱兩起搬骨殖的至擾害地方
是有的不會拴鎖毆打我拴鎖毆打我的是川

撫黔奏疏

卷之五

五

陝總督的官兵哈總督帶領着兵於去年九月
十四日到亦資孔我遠接三十里接至滇南勝
境稟說亦資孔百姓前日因搬送骨殖的擾害
過去了百姓受害不過都逃往四散回來的不
多幾家今日聞官兵來盡行逃空請乞早發軍
令安撫百姓總督說我知道了及至總督過亦
資孔九十里扎營去了那些押損官兵就來問
我要夫那時百姓逃盡無夫答應有一個守備
就拿繩子拴起我來打了一頓是實詰問張一

賜吟總督題本上說於九月十三日方從曲靖
府起程豈能十四日就到得亦查孔地方你豈
不報錯了麼據供我是九月十四日親身接着
總督的堅供不移則是擾害百姓者係移送骨
殖佐領卜濟等領回兵丁也拴打官員者係川
陝督標守備也據該司申報前來相應具題伏
乞

敕部查照施行

康熙二十一年十一月二十一日題正月二十

撫黔奏疏

卷之五

三

日奉

貴該部知道

巡撫貴州兼理湖北川東等處地方提督軍務都察院右副都御史臣楊瑄謹

題爲甫出湯火之民復罹災害之慘額懇題請破
格優卹稍延殘喘事據署布政司糧驛道叅議
勞之辨詳該臣看得黔屬平大黔威四府畢節
赤水永寧烏撒四衛普市所普安衛安籠所南
籠廳人民死徙田地拋荒部議令臣遴委賢能
官員前往踏勘取結造冊是以行令該司議調
安順府知府汪世印都勻府知府劉茂溶石阡
府知府聶世棠大定府通判張可建安順府通
判張建策普安縣知縣羅在廷分途踏勘去後
茲據該司詳稱止有石阡府知府聶世棠踏勘
大定府一處其餘各府廳衛所或以土目鴛鴦
無從細勘或以苗蠻地方無里甲頭人花戶無
憑開造今限期將滿詳請寬限前來除嚴檄核
司分催各員星速造報外但勘踏荒絕田畝必
須詳慎勢難草率完局相應題請寬限以免錯
悞仰祈

敕部議覆施行

撫黔奏疏

卷之五

三

康熙二十一年十一月二十八日題正月二十七日奉

旨該部議奏

撫粵奏疏

卷之五

奏

巡撫貴州兼理湖北川東等處地方提督軍務都察院右副都御史臣楊雍建謹題為朝

覲事據分巡貴西道楊大鯤詳該臣看得藩臬二司例應入

覲因貴州按察司李輝祖陞任隨令按察司經歷吳延庚隨布政司柯鼎賁冊代

覲經臣具題在案茲准部覆令署按察司印道員楊大鯤代

覲等因隨行該道星馳前進去後據該道詳報於本撫粵奏疏 卷之五 奏

月十八日起行但自黔抵京路程遙遠今於十二月十二日准到部文不能如限赴

關隨班引

見詳請題明前來事關

大典臣謹會同雲貴總督蔡毓榮合詞具

題伏乞

睿鑒施行

康熙廿一年十二月十七日題正月廿五日奉

旨該部知道

經撫貴州兼理湖北川東等處地方提督務都察院右副御史臣楊維禎

題爲稟報事康熙二十一年十一月二十五日據

署按察使貴西道叅政楊大鯤呈詳該臣看得

遞解逆犯家口事關重大地方官弁自應選撥

的當兵役嚴加防範逐站交明互相收管備案

始無疎虞查逆犯李象坤等之家口久經給咨

起解因人口染病淹留除病故外有二十一名

口於本年十月初三日解至平越府南關地方

因新添衛役王文中途失落咨牌該衛申請補

撫驛奏疏

卷之五

美

發之際以致家口阿三等十名於初九日夜乘

間脫逃其時新添衛兵役與平越營縣官弁尚

未交割接收則僉差不慎在新添營署事干總

朱一龍亦無以自解也均應指叅聽部議處除

通行嚴緝並將兵役查究外臣謹會同貴州提

臣趙賴合詞具題伏乞

睿鑒收部查議施行

康熙二十一年十二月十七日題二十二年二

月初一日奉

旨安文彪等着議處具奏該部知道

撫驛奏疏

卷之五

美

巡撫貴州兼理湖北川東等處地方提督軍務都察院右副都御史臣楊維禎

題爲報明逃人在衛脫逃事據署按察司事爲政

楊大鯤詳該臣看得接解逃人地方官弁自應選撥的役小心看守隨到隨解俾無疎虞查逃人鄭逢泰解至鎮遠衛脫逃據該衛署弁既談過於防兵而兵丁白現洲等又有衛官雷思實與鄭逢泰原係親故喚進內衙開鎖吃飯之供必須質審而後可定擬也除逃人鄭逢泰通行嚴緝外但鎮遠衛楚屬隨行該協將營兵白現

撫黔奏疏

卷之五

旱

洲移解楚省與衛役質審虛實後另將疎玩官弁指叅所有疎逃情由合先題報伏乞

敕部查照施行

康熙二十一年十二月十七日題二十二年二月初三日奉

旨該部知道

巡撫貴州兼理湖北川東等處地方提督軍務都察院右副都御史臣楊維禎

題爲奏

開投誠官兵本身分起先行起程事康熙二十一年十二月初十日據糧驛道叅議勞之辨詳前事該臣看得雲南投誠家口進京一案前據糧驛道勞之辨詳稱黔省地方自大兵凱旋養馬又運送逆產官民疲敝已極若投誠家口數萬仍由黔地夫糧恐難支應是以有改從粵西水路之議且從前大兵由粵入黔俱自旧州至安籠

撫黔奏疏

卷之五

望

所一帶長驅直入今日搬移家口未始不可倣而行之臣是以據詳

題請准有部咨令臣會同雲貴督撫廣西巡撫妥

確定議臣分咨會商准雲貴督臣蔡毓榮咨移

廣撫所開山路之惡灘河之險難以行走前來

臣未敢膠執前議隨檄該道現在酌備口糧人

夫並咨雲貴督臣主稿會

題去後茲准部文始知廣西撫臣先已具疏部覆

俟臣具

題到日一並再議等因其粵西水路情形廣撫既

云難行臣復何容置喙投誠家口取路貴州無
容再議者也臣謹會同雲貴督臣蔡毓榮合詞
具

題伏乞

睿鑒施行爲此具本謹密題請

旨

康熙二十一年十二月二十二日題

撫黔奏疏

卷之五

聖

經撫貴州兼理湖北川東等處地方提督兼署都察院右副都御史臣楊雍建謹

題爲請

旨事據署布政司事糧驛道叅議勞之辨詳該臣看
得遞送大將軍貝子軍前馬匹一案黔省陸續
收過馬二千五十匹解過軍前者一千一百五
十四匹計缺額八百九十九匹除鎮遠府衛同城
鎮遠衛均派倒斃者五十六匹又偏橋衛倒斃
馬一百二十八匹此二站屬湖南地方應聽偏
撫臣報銷外計黔省經過由鎮遠以至新貴等

撫黔奏疏

卷之五

聖

站實倒斃馬七百一十五匹因康熙十九年冬
黔省初開沿途官弁俱係署員前項馬匹自京
抵黔業已疲瘦不堪又奉文不許苛排不得不
槩行接送黔省山高路險冬盡春初水堅地滑
以致倒斃甚多查例應地方官賠補但黔官既
貧黔民又瘠缺額如許實有粉骨難賠者據司
詳請具題籲

恩免賠前來臣愚以爲前項倒斃馬匹未敢求免或
如該道所議自康熙二十二年爲始寬限三四

年每年賠補馬二百匹撥發驛遞尚可補足似
未能以倒斃懸欠之馬卽克驛站實在之數除
冊結送部科外臣謹會同雲貴督臣蔡毓榮合
詞具題伏乞

敕部議覆施行

康熙二十二年正月十六日題二月二十日奉

旨該部議奏貼黃內陰訛顯着改正飭行

撫黔奏疏

卷之五

四

巡撫貴州兼理湖北川東等處地方提督事務都察院右副御史臣楊建德謹

題爲詳請劃清楚黔地界職掌以裨郵政事據糧
驛道叅議勞之辨詳該臣看得地方疆界宜有
攸分官弁職掌須有專屬然後責成一而稽核
易如平溪清浪鎮遠偏橋四衛地土錢糧隸於
湖南而驛站夫馬則屬黔省以楚屬之衛弁管
黔省之驛站如有廢弛貽悞應指叅者勢必知
會偏撫往返耽延其四衛每年應支料穀夫米
俱係湖南都司撥給路遠濡遲人馬常枵腹以

撫黔奏疏

卷之五

四

待及至奏銷又在黔省爲政彼此移查易致愆
期但鎮遠府衛同城黔府楚衛遇有公事又未
免互相推諉者其勢然也該道從郵政起見詳
請劃清楚黔地界職掌前來查平溪清浪二衛
原係湖南地方應將黔省驛馬總歸湖南驛道
管轄其鎮遠偏橋二衛地土錢糧割歸黔省並
將鎮遠衛裁衛歸府每年夫糧馬料卽在本省
撥給則奏銷便而驛站之整飭能專職守清而
官弁之呼應自速在楚無鞭長不及之慮在黔

免一切咨會之煩歸并之議事局兩便臣謹會

同雲貴督臣蔡毓榮合詞具題伏乞

敕部議覆施行

康熙二十二年正月十六日題二月二十日奉

旨該部議奏

撫黔奏疏

卷之五

哭

巡撫貴州兼理湖北川東等處地方提督兼都察院右副都御史臣楊鼎建謹

題爲窮兵日食不敷廩鹽行糧萬難扣補懇恩轉

詳援

敕部免以沛

皇仁以甦重困事據署布政使糧驛道叅議勞之辨

呈詳該臣看得黔西鎮官兵支過廩給鹽菜等

銀部議令臣查明具題到日再議今行據該司

會同糧驛道移取該鎮造具冊領內開官兵自

康熙二十年三月初四日起至四月二十六日

撫黔奏疏

卷之五

哭

止計五十三日共支過廩鹽銀二千二百三十

六兩六錢行糧七百三十六石一斗七升各造

冊領前來經臣覆核無異除冊領揭送部科外

理合具題伏乞

敕部議覆施行

康熙二十二年正月十六日題二月二十五日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建密

題為欽奉

上諭事據署布政司糧驛道叅議勞之辨呈詳該臣
看得奉

旨所撤雲南大兵欲在黔養馬所需俸餉草料等銀
自不可少查黔庫無項可動理應題請撥給但
前項官兵已於本年正月十五日自滇起行需
餉孔迫如遠撥各省協餉緩不濟急據該司詳
請具題於解滇餉內截留十萬兩支放喂馬大

撫黔奏疏

卷之五

要

兵俸餉草料等銀卽於就近地方迅撥十萬兩
抵還滇省前來臣謹會同雲貴督臣蔡毓榮合
詞具題伏乞

敕部迅撥施行

康熙二十二年正月十八日題

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為題明事據糧驛道叅議勞之辨詳該臣看得

廣西運至安籠米石部覆行查此米或係粵西
原解時泡爛虫蛀折耗收受或收入安籠倉泡
爛虫蛀支放折耗之處隨行糧驛道查報去後
據該道詳稱粵米本係泡爛虫蛀南籠通判張
建策收受之際曾呈驗米樣而收入安籠倉內
歷時一年始行放盡朽爛愈甚是以折耗六百
餘石在粵官既藉口交明而黔官以當日經收

撫黔奏疏

卷之五

要

原係泡爛虫蛀之米遂至折耗官貧民瘠無力
補項籲

恩豁免前來臣謹具題應否准豁伏乞

皇上敕部議覆施行

康熙二十二年二月初三日題

奉

旨該部議奏

巡撫貴州兼理湖北川東等處地方提督糧務都察院右副都御史臣楊雍建謹

題爲武舉事據署布政司事糧驛道叅議勞之辨
呈詳該臣看得康熙二十一年十月黔省補行
辛酉科武鄉試所有武闈應用各項什物並修
理演武廳堂等項因闕期已迫酌支藩庫銀兩
備辦去後據都司將用過價值數目造冊呈報
隨行布政司覆核臣又核減至再今據該司詳
報實用銀九百二十六兩九錢三分五釐造具
簡明清冊前來除冊送部外謹具題伏乞

撫黔奏疏

卷之五

辛

睿鑒敕部查核施行

康熙二十二年二月初三日題三月初五日奉
旨着察核該部知道

巡撫貴州兼理湖北川東等處地方提督糧務都察院右副都御史臣楊雍建謹

題爲詳請裁所歸縣以裨郵政事據糧驛道叅議
勞之辨呈詳該臣看得新興一所設有千總一
員專理驛站夫馬但查該所無土無民亦無錢
糧徵收所有站夫一百名本地殘軍充當未足
每賴附近之普安縣安南衛等處協濟又因呼
應不靈餉鞘差使往往停滯民少差繁屢以倒
站見告日復一日愈難整理據糧驛道勞之辨
申詳請以普安縣移住新興再割安南衛之仁

撫黔奏疏

卷之五

壬

議二所附入普安版圖臂指相使應站夫役可
無缺額其新興一所可裁去以省冗員至於營
造縣治之費應行黔屬各官量力捐給詳請題
達前來此亦補救郵傳之一策也臣謹會同雲
貴督臣蔡毓榮合詞具題應否裁併伏乞
敕部議覆施行

康熙二十二年二月初三日題三月初五日奉
旨該部議奏

巡撫貴州兼理湖北川東等處地方提督都察院右副御史臣楊鼎建謹

題爲請頒給屬各官印信事據署布政司事糧驛道叅議勞之辨詳該臣看得土司主簿楊懋德等一案部覆移咨該督撫查明取其甘結造冊具題到日再議等因隨行布政司逐一確查造冊詳報去後茲據該署司詳稱土主簿楊懋德土縣丞張仕發伊等祖父係部冊有名其後物故而懋德等俱未請襲實非具題承襲之員若縣丞安師弼主簿朱額其祖父在

撫黔奏疏

卷之五

聖

本朝亦未請襲是以伊等部冊無名至於何大崑等原係虛銜達部並未頒領印信號紙盤江巡檢李先登稱伊父李桂芳於康熙九年領有印信今先登已經病故無可稽考惟徧刀巡檢陸聚春稱於康熙九年內頒領印信亦無確據以上各上司印信號紙俱未便遽議頒給應俟各上司取具宗圖并地方官印甘各結到日確有憑據方可造冊咨請頒給臣謹會同雲貴督臣蔡毓榮合詞具題伏乞

敕部查照施行

康熙二十二年二月初三日題三月初六日奉旨該部知道

撫黔奏疏

卷之五

聖

巡撫貴州兼理湖北川東等處地方提督軍務都察院右副都御史臣楊鍾建謹

題爲由單與丈冊數目不符實徵有折荒古荒之

異仰祈具

題清查以照畫一事據署布政司事報驛道叅議

勞之辨呈詳該臣看得清查田地一案接准部

文隨行布政司都司轉檄所屬府州縣衛履畝

丈量依限報竣去後但黔省兵燹之餘魚鱗舊

冊既已蕩然無存弓式參差又復容移隣省兼

以層山疊嶂窮壑深谿田畝零星非比腹地平

撫黔奏疏

卷之五

審

原易於丈勘按畝清查卽閒暇之時亦難刻期

告竣現今適值雲南投誠官兵家口二萬四千

餘名分起進京需夫擡送雅雲貴督臣咨會除

站夫百名外每站暫借民力協濟二百名共用

夫三百名每五日起運家口一次以二萬四千

餘名計之每次起發二百名須分一百二十起

五日一發須用六百餘口黔省素少人夫當此

浩繁力役凡屬官弁衝途竭蹶於供支僻路僅

呼而協濟亦旣奔命不遑其運送家口之民卽

是各有田業之民身旣在站損擡又何暇伺候

清丈今將丈量一時並行官民俱不能分身兩

應其勢然也茲據布都二司各據所屬呈詞詳

請題明將清丈暫行停止俟前項家口搬運完

日再議舉行前來臣伏念目前旣有運送家口

一事則丈量田地委實難以並行伏乞

皇上敕部議覆暫停清丈俟家口運完之日再爲舉

行庶官民兩便可無顧此悞彼之慮其自康熙

九年起到三十二年止若有新墾田地許令各

撫黔奏疏

卷之五

審

民自首納糧如隱匿不報查出按律治罪可也

仰祈

睿鑒施行

康熙二十二年二月十二日題三月十五日奉

旨該部議奏

巡撫貴州兼理湖北川東等處地方提督兼理都察院右副都御史臣楊瑞璽

題為廢將恣意侵欺等事據按察使李國亮呈詳

該臣看得吳耀先質審一案准兵部咨移到臣

於上年七月十四日始准江西撫臣將吳耀先

咨解到黔而李嘉謨等於九月內到省與耀先

對質緣部文內原無令在貴州議定結案之語

該司錄取口供詳請咨覆並將耀先解回江西

聽候彼省核題結案去後本年正月內復准江

撫咨移仍將吳耀先解黔覆勘聽臣題結等因

撫黔奏疏

卷之五

奏

隨行按察司遵照俟吳耀先到日調取李嘉謨

等再加確勘以憑題結茲據該司詳稱此案往

返咨解在江省已經違限今文到半月有餘而

耀先未據解到恐逾定限詳請題明前來臣謹

具題伏乞

敕部嚴催江省查催吳耀先速解來黔覆勘庶此案

得以完結仰祈

睿鑒施行

康熙二十二年二月十二日題三月十五日奉

旨該部議奏

撫黔奏疏

卷之五

奏

巡撫貴州兼理湖北川東等處地方提督軍務都察院右副都御史臣楊雍建謹

題爲預儲火藥以資防禦以固全湯事據署布政

司事糧驛道叅議勞之辨呈詳該臣看得黔居

天末苗彝襟處分兵彈壓必資火藥其自康熙

十九年恢復以來各鎮營具領俱於賊遺火藥

內動支今賊遺之藥已盡務必設法製造以備

不時之需查黔省從前原開有藥局每歲於司

庫動支銀兩買備硝磺運局製造火藥以待各

鎮營不時具領操防年終彙冊報銷但自康熙

撫黔奏疏 卷之五 奏

十二年以前買備硝磺銀兩應於何項錢糧內

動支及每年例應支銀若干之處黔省無案可

稽今據該司詳請具題前來臣謹會同雲貴督

臣蔡毓榮合詞具題伏乞

敕部查照黔省從前每年製造火藥事例議覆轉行

遵奉施行

康熙二十二年二月十二日題 奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲欽奉

上諭事據署布政司事糧驛道叅議勞之辨呈詳到

臣該臣看得原任銅仁府知府僞授雲南迤西

道梁懋宸復准吏部咨查隨行貴州布政司確

查梁懋宸曾否投誠今住何處查明詳報在案

今據該司詳稱准雲南布政司咨移梁懋宸得

染痢症於康熙二十一年十月十二日身故詳

請具題結案前來臣覆查無異理合具題伏乞

撫黔奏疏 卷之五 奏

敕部查照施行

康熙二十二年二月十二日題三月十五日奉

旨該部知道

巡撫黃州兼理湖北川東等處地方提督務都察院右副御史臣楊鼎建密

題爲奏

聞投誠官兵本年分起先行起程事據振驛道叅議勞之辨詳該臣看得雲南投誠官兵家口計二萬四千零六十一名口又有偽總兵何振邦所領吳逆包內人口計一千一百六十四名口准雲貴督臣雲南撫臣先行咨移議於站夫百名之外每站撥派協夫二百名往回運送每五日起發一次等因嚴檄糧驛道遵照派撥去後但

撫黔奏疏

卷之五

李

黔省人民稀少夫役艱難原屬共知共見其亦資孔普安浙典一帶苗蠻雜處尤爲呼應不靈查何振邦所領人口業經起發在途現在設法催派陸續運送外其二萬四千餘名照五日起發一次每起二百名計算須兩年乃能竣局雲南地闊民稠無難起發黔地止此百姓目今春耕在即多一檣運之民即少一耕種之民若當於耜耨趾之日猶令運送家口廢時失業必致上虧

國賦民情憂慮莫知所措據該道詳稱除何振邦

所領包內人口現今運送外其餘家口已有抵

黔境者仍催派運送其未經起發及已起發而

未抵黔境者額請題明暫停運送使民得盡力

田畝仍照征南大將軍原題俟秋成農務完日

陸續起發前來竊念耕作方殷正

國計民生所係臣仰體

皇上軫恤民瘼首重農事至意不敢不據實直陳伏

乞

撫黔奏疏

卷之五

李

敕部迅覆卽行滇撫暫停起發以慰黔民之望俟農務完日再爲運送庶家口與農工不相妨害矣

仰祈

睿鑒施行

康熙二十二年二月二十七日題

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建密

題爲詳請題撥駐黔大兵康熙二十二年分兵餉
事據署布政司事糧驛道叅議勞之辨詳該臣
看得駐鎮貴州滿洲官兵馬匹俸餉草料銀兩
乃計口應支之數不便中斷除康熙二十二年
春季分餉銀奉撥湖南銀四萬二千四百兩僅
足借支春季分餉乾日今春季將終夏季屆期
所有夏季應支銀四萬二千四百兩再加閏六
月一個月約共該銀五萬六千五百餘兩今據
撫黔奏疏 卷之五 奎

該司詳請就近撥協前來相應

題請伏乞

敕部按季撥發以資接濟

康熙二十二年二月二十九日題

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建密

題爲籲陳採買之難等事據糧驛道勞之辨詳該
臣看得糧驛道勞之辨採買米價一案復准部
文行令核減隨檄該道嚴加核減詳報以憑具
題去後茲據該道呈詳前項米石自康熙十九
年十一月起至二十年八月內止共採買米四
萬七千九百七十二石零用價銀一十二萬三
千兩其中價值低昂實係因時高下在十九年
十一月十二月內其時尚有賊遺米及湖南運

撫黔奏疏

卷之五

奎

到之米又秋收不遠故價值每石一兩五錢至
一兩八九錢嗣後大兵雲集需糧甚多黔省彈
丸之地產米有限價值日騰康熙二十年自春
徂秋每石自二兩起增至三兩一二錢不等止
緣賊遺之米已盡湖南之運已停去歲之戎徵
有限本年之秋糧未登俱係給發現銀鼓舞苗
民遠入山箐多方覓買轉運艱難是以價值較
貴然合而計之每石不過二兩五六之數黔省
素稱瘠壤米少價高衆目共睹委無浮冒且先

發銀而後上米若將兩年前已給之價再議駁
減問之苗民萬無倒追責之官吏萬難賠補合
無顧懇

皇恩俯念瘠土殘疆准將前項採買價值

敕部開銷則窮民勞吏均感

聖仁于無既矣仰祈

睿鑒施行

康熙二十二年三月十五日題四月二十日奉

旨該部知道

撫黔奏疏

卷之五

論

巡撫貴州兼理湖北川東等處地方提督軍務都察院右副都御史臣楊鼎建謹

題為投誠兵丁支過銀米懇恩咨請開銷以廣

皇仁以清錢糧事據署布政司事糧驛道叅議勞之

辨呈詳該臣看得提標投誠兵丁於康熙十九

年十一月十二日并二十年正月二月內借給

過餉銀一千八百八十八兩八錢米七百三十四

石二斗三升該司道先以前項投誠官兵未經

補伍其借給銀米不便開銷是以奏銷十九二

十兩年制兵銀米未經將此借款造入冊內前

撫黔奏疏

卷之五

奎

項支過銀米理應扣還等因准提臣咨開康熙

十九年十一月十二日以至二十年正月二月

內正值逆賊盤踞水西人心未定各兵投誠以

來或偵探防禦或固守城池擺塘坐撥勞苦用

命與經制之兵無異此時以收拾人心為主念

枵腹荷戈無以鼓勵投誠之衆故數月以內借

給過前項銀米今欲扣還窮兵實難賠補特援

康熙二十年十二月二十日

恩詔內開載一欵八旗官兵及綠旗官兵并投誠官

兵有因多給錢糧者俱免扣追等因又援康熙

二十一年九月二十六日奉到

上諭內一段已裁兵丁及投誠歸農人等恐有無籍

可歸艱于生計者着各該地方官設法安插善

加撫綏等因造具兵丁花名並支過銀米數目

清冊咨請題銷到臣臣隨行布政司會同糧驛

道查議去後據該司道詳稱前項借給銀米與

恩詔

上諭之例相符似應特疏題請仰額

撫黔奏疏

卷之五

奏

皇恩免其扣追前來除清冊送部查核外臣謹

雲貴總督蔡毓榮合詞具題應否免其扣追伏

祈

皇上敕部議覆施行

康熙二十二年三月十五日題四月二十一日

奉

旨該部議奏

巡撫貴州兼理湖北川東等處地方提督楊嗣鼎奏

題為再行申報土司抗玩夫役藐法欺官懇乞拿

究嚴懲事據按察使李國亮呈詳該臣看得土

司羅洪勳拒捕自刎一案據提標守備畢國龍

供稱到寨之日洪勳竟率土兵手執器械要奪

路奔逃擄放弩箭傷死營兵二名自知罪重自

刎等語審據羅洪勳之子羅名譽與族人羅應

舉等供因官兵捉拿被圍難脫發弩傷兵情急

自刎並無別故與畢國龍當日原報相符至洪

撫黔奏疏

卷之五

奏

勳素行不法搶掠闖女抗違差糧詢之應舉亦

不能代為隱諱業經自刎可謂伏其辜矣其羅

洪臣攻寨情節審無確據且告發無人似未可

以懸坐也至於頂營土司有催辦錢糧之責羅

名譽應否承襲仍聽部議再據按察使李國亮

詳稱此案於康熙二十一年九月初六日奉文

除封印日期外扣至本年正月二十九日限滿

因人犯未獲屢次行催遲延逾限係署永寧州

知州劉良煥也相應指參但行提苗人每需時

日難拘常例應否查議伏乞

敕部議覆施行

康熙二十二年三月十五日題四月二十一日奉

旨劉良煥着議處具奏餘着議奏該部知道

撫黔奏疏

卷之五

奏

巡撫貴州兼理湖北川寧處地方提督軍務都察院右副都御史臣楊雍建謹

題爲造報康熙二十年分考成民賦銀兩事據署布政司糧驛道參議勞之辨呈詳該臣看得康熙二十年分考成冊開原未完銀三千七百三十三兩六錢二分零隨行布政司嚴催於康熙二十一年內已續徵完銀一千七百九十一兩八錢二分零仍未完銀一千九百四十一兩八錢零俟嚴催全完另具題報外所有限內續完各官除原署廣順州事張之俊原署黃平州事

撫黔奏疏

卷之五

奏

曾元麟二員原未處分無庸題請外今查限內督催全完者則貴陽府見任以同知管知府事汪蟾平越府見任以同知管知府事裴天錫都勻府見任以同知管知府事劉茂溶等三員經徵全完者則安順府見任以同知管知府事汪世印平越府現任以同知管知府事裴天錫原署黃平州事威寧府見任通判郭景隆黃平州見任知州李竑業獨山州見任知州李景春普定縣知縣今革職張其琯等六員茲據署布政

司事糧驛道叅議勞之辨造冊詳報前來相應
題請開復再查各官未完銀兩俱在康熙二十
年十二月二十日

恩赦以前其督催貴州布政使柯鼎並督催安順府
以同知管知府事汪世印及詳請開復各官原
奉降職罰俸之處應否一例援

赦免議除將續完銀兩清冊並各官職名冊送部查
核外臣謹會同雲貴督臣蔡毓榮合詞具題伏
祈

撫黔奏疏

卷之五

七

敕部議覆施行

康熙二十二年三月二十一日題四月二十五

日奉

旨該部核議具奏

巡撫貴州兼理湖北川東等處學政都察院右副都御史臣楊鼎建
題為懇恩俯賜轉詳承襲以便管理地方事據署
布政使糧驛道叅議勞之辨呈詳該臣看得乖
數暨葬長官司正土官楊瑜係

本朝領有印信號紙之員也因吳逆變後原領印
信號紙無存經臣

題請頒給准兵部咨查名缺不符應行查明再議
等因行據布政司查報楊瑜實係乖數司正土
官乃貴陽府開州所屬於順治十五年投誠奉

撫黔奏疏

卷之五

七

部頒給武字一百十九號正土官號紙一道後
奉頒發康字一百九十九號長官司印信一顆
並非都素長官應照例頒給號紙印信業經冊
報登答在案茲因楊瑜於康熙二十一年十月
十八日病故亦已循例報部但該土司有管理
地方催徵錢糧之責需員料理查已故土官楊
瑜嫡長子楊兆麟例應襲替據該府州查明照
例取具宗圖冊結並隣司戶族甘結詳司請襲
該司復出具印結粘連各結呈請

題達前來臣覆核無異除冊結送部外臣謹會同

雲貴督臣蔡毓榮合詞具題伏乞

敕部議覆施行

康熙二十二年三月二十一日題四月二十五

日奉

旨該部議奏

撫黔奏疏

卷之五

圭

巡撫貴州兼理湖北川東等處地方提督兼務都察院右副都御史臣楊雍建謹

題為稟報事據按察使李國亮呈詳該臣看得張

大統因爭襲與張國權互相仇殺一案部議令

將同張大統殺人行走有名人犯查拏一并嚴

審究擬具題隨行按察司嚴提各犯研審究擬

詳報去後復經屢次行催今據該司詳稱張大

統與張宏謨雖已到官而與大統殺人行走之

要犯及案內有名之要證均未解到難成信案

今現在嚴提往返當須時日未能依限完結詳

撫黔奏疏

卷之五

圭

請寬限并將遲延之獨山州知州李景春職名

具詳前來查此案事係土司仇殺凡土司苗人

倚山匪寨拘提非易與尋常承緝不同該州遲

延之咎應否查議臣謹會同雲貴督臣蔡毓榮

合詞具題請乞展限仰祈

敕部議覆施行

康熙二十二年三月二十一日題四月二十五

日奉

旨該部議奏

巡撫貴州兼理湖北川東等處地方提督事務都察院右副御史臣楊雍建謹

奏為恭謝

天恩事康熙二十二年三月十五日准吏部咨為武

舉事該本部覆貴撫楊雍建題前事議得貴撫

楊雍建疏稱康熙二十一年十月補行貴州辛酉

科武鄉試茲三場試事告竣所有繕寫題名錄

一本相應恭進等因具題奉

旨兵部知道這考試策題內語涉譏諷殊屬不合着

吏部嚴察議奏欽此查鄉試關係

撫為奏疏

卷之五

七

大典理應詳慎楊雍建係巡撫而鄉試策題語涉譏

諷殊屬不合相應將巡撫楊雍建革職其擬題

同考各官應移咨雲貴總督查取職名具題到

日再議奉

旨楊雍建係封疆大臣如官兵人員有應參奏事情

當卽具疏指參考試關係大典乃於策題內暗含

譏諷殊為不合本當依議革職姑從寬着將所有

加級紀錄俱行削去仍降五級畱任餘依議欽此

等因到臣臣伏誦

綸音感懼交併伏念臣學識愚昧蒙

恩寬宥降級畱任格外

鴻慈捐軀莫報惟有叩結靡盡而已謹望

闕叩頭專疏謝

恩臣曷勝戰慄隕越之至

康熙二十二年三月二十一日奏四月二十五

日奉

旨該部知道

撫為奏疏

卷之五

七

巡撫貴州兼理湖北川東等處地方提督軍務都察院右副都御史臣楊雍建謹

題爲奏繳郵符事該臣查得奉頒火牌十六張自康熙十八年起至康熙二十年終止一應本章俱係由塘投遞未經差官賁

奏故未填用火牌是以節年無憑

奏繳茲查自康熙二十一年二月十六日起至本年十一月初一日止差官往京賁奏共填用火牌六張例應

奏繳尚存火牌十張俟康熙二十二年填用另具

撫黔奏疏

卷之五

美

題繳所有填用火牌除照編定字號挨順月日脩造清冊揭送部科外理合具題伏乞

敕部核銷施行

康熙二十二年三月二十一日題四月二十五

日奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲奏銷火藥硝磺事據護理貴州操捕都司印務前衛守備丁偉驗報該臣看得支存火藥火箭硝磺數目例應年終奏銷今據護理貴州操捕都司印務前衛守備丁偉造報康熙二十一年分舊管存剩火藥二千一百一十觔火箭大小三十四桶硝一千觔磺一千三百八十觔新收數開除支放過火藥一千四百五十觔實在康熙二十一年終存剩火藥六百六十一觔火

撫黔奏疏

卷之五

老

箭三十四桶硝一千觔磺一千三百八十觔造具管收除在四柱清冊前來經臣覆核無異除冊揭送部科外相應題銷伏祈

敕部核銷施行

康熙二十二年四月初七日題五月十二日奉

旨着察核該部知道

巡撫貴州兼理湖北川惠等處地方提督軍務都察院右副都御史臣楊雍建謹

題爲稟報事據按察使李國亮詳該臣看得油榨

關離城五里荒山曠野孤懸一廟據該衛報稱

於康熙二十一年八月二十九日三更時分突

有四五人騎馬進廟將賣飯旗丁名強盜者殺

死細綁在廟之人楊璉搜去銀四錢用刀背打

傷住僧真山乃復入居民趙大之室搜銀四錢

七分而去行司查緝並催取該管職名去後茲

據該司詳稱審據趙大等所供夥盜塗臉入室

撫黔奏疏

卷之五

七

細綁行兇殺人得財情事已定但以真犯未獲

無憑究擬將該管地方官疎防職名開報前來

除營汛各弁應聽督提臣照例查叅外所有該

衛專轄者貴州衛守備胡紹鼎兼轄者以守禦

所千總管操捕都司僉書文培世統轄者以署

遊擊管掌印都司事杜進梅兼轄道員係貴西

道叅政楊大鯤也相應指叅其真賊仍行嚴緝

另候結案臣謹會同雲貴督臣蔡毓榮貴州提

臣趙賴合詞具題伏乞

敕部查議施行

康熙二十二年四月初七日題五月十三日奉

旨胡紹鼎等着議處具奏該部知道

撫黔奏疏

卷之五

七

巡撫貴州兼理湖北川東等處地方提督事務都察院右副都御史臣楊雍建謹

題爲稟報事據按察使李國亮詳該臣看得黔省

初復兵民裸處又旗下逃人衆多臣於所屬官

弁諄諄告戒務期謹守汛防使盜息民安不意

近城地方猶有疎防失事者據都司杜進梅申

報原任雲南霍慶府知府崔宗泰自滇到黔於

貴陽府南關外歇宿本年二月三十日三更將

盡有強賊一夥扒牆殺入雖無資囊可劫將家

人鄔德等四人身砍重傷賊亦被砍射四五俱

撫黔奏疏

卷之五

全

搶去字簡等情行司嚴緝并取該管職名去後

據緝獲盜犯三兒供稱同夥三十一人俱係旗

丁貴州駐防旗丁十五人業經報名拿獲雲南

回京旗丁十六人止獲黑子孫二兩犯已獲者

會同駐防貴州副都統莫達確審另報未獲者

移咨雲南回京兵主查發質審其地方疎防各

官除營汛武職聽督提臣照例查叅外所有專

轄係貴州衛守備胡紹鼎兼轄則護理操捕都

司印務貴州前衛守備丁偉統轄則署遊擊管

掌印都司杜進梅兼轄道員係護理貴西道印

務安順府知府汪世印也相應指叅此案據供

夥盜三十一人已獲十七人與拿獲一半之例

相符相應聲明臣謹會同雲貴總督蔡毓榮貴

州提臣趙賴合詞具題伏乞

敕部議覆施行

康熙二十二年四月十四日題五月十六日奉

旨該部議奏

撫黔奏疏

卷之五

全

巡撫貴州兼理湖北川東等處地方提督軍務都察院右副都御史臣楊雍建謹

題爲報銷康熙二十年分鹽稅銀兩事據署布政司糧驛道叅議勞之辨詳該臣查得黔屬各稅康熙二十年分收過鹽稅銀三千三百六十八兩五錢七分零較比康熙十一年分奏銷冊內徵收銀數缺少銀二千八百餘兩部議令臣將此缺少情由確查具題到日再議等因隨行布政司確查去後茲據該司詳報康熙二十年大兵進勦滇南之後布政使柯鼎各照地方恢復

撫黔奏疏

卷之五

全

之先後陸續詳請設局內或有收一年者有收二季者亦有止收一季者以各稅開局月日不等止實收解鹽稅銀三千三百六十八兩五錢七分零業於報銷冊內聲明今部文以一年全收之額較比是以少銀二千八百餘兩委無別因具詳前來經臣覆查無異理合具題伏祈敕部議覆施行

康熙二十二年四月十四日題

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲報銷康熙二十年分雜稅銀兩事據署布政司事糧驛道叅議勞之辨詳該臣看得黔屬各稅康熙二十年分徵過雜稅銀九千八百五十七兩八錢二分零內除已准開銷外其餘銀並貯庫銀及本色水銀變價一并收貯司庫聽候部文撥餉至查貴州省每年徵稅銀一萬二千餘兩今止徵銀九千兩有奇少銀三千餘兩且地丁錢糧既於十九年恢復省城之日開徵

撫黔奏疏

卷之五

全

其雜稅銀兩何得分毫無徵令臣將雜稅自十九年恢復省城之日起不行開徵前二十年稅銀缺少三千餘兩之處一并確查加徵具題到日再議等因隨行布政司確查加徵去後茲據該司詳報康熙十九年十月內恢復省城之後兵馬往來客商畏避並無貨物貿易是以十九年分全無開徵委難舉地丁錢糧同日而語至康熙二十年大兵進勦滇南之後布政司柯鼎各照恢復地方之先後陸續詳請設局收稅內

有收一年者有收二三季者亦有止收一季者
各徵解月目不等計算止實收雜稅銀九千八
百五十七兩八錢二分零業於報銷冊內登明
今部文以一年徵解全額較比少銀三千餘兩
奉有加徵之語查稅課原係驗貨納銀其抽收
月日先後不等無可加徵之處目今卽欲加徵
而商賈已往從何徵解若責抽收官役代賠則
從前實未設局又豈能堪此無辜賠累等因具
詳前來經臣覆查無異理合具題伏乞

撫黔奏疏

卷之五

金

敕部核覆施行

康熙二十二年四月十四日題

奉

旨該部知道

巡撫貴州湖北川東等處地方提督軍務都察院右副都御史臣楊耀建謹
題爲特糾黔屬貪暴有司等事據按察使李國亮
詳該臣看得普安縣革職知縣張其琯貪暴一
案奉

旨敕臣嚴提究擬遵行按察使李國亮審明招解前
來經臣駁訊逐款親加嚴審如一欸誣指貢生
胡佐相焚燬縣署據其琯供係前官交代冊內
之事其琯不察真偽換票拘查而兵房羅起運
原差唐白明借端凌逼以致佐明抱憤輕生雖

撫黔奏疏

卷之五

金

詐匪無據而威逼情真二欸縱竄楊旭等逼死
朱貴廷據其琯供大兵過普需夫緊急差家人
衛振基與楊旭協催事雖因公而旭與振基恣
行咆哮致貴廷情急自縊據伊子朱文俊之供
催逼有之而勒索實無也三欸高收斛而米二
百餘石據其琯供經收止三千五百餘石內一
千三百餘石又在牟呈瑞告發之後另撥戶房
張其英經收是趙珍等實止收米二千二百餘
石嚴鞠珍等供與琯同每石高收一二升不等

計該除米三十三石四斗雖與原參數目懸殊然詢牟呈瑞亦供不遇約計總數是欸証原無實據豈能懸坐於三十三石四斗之外乎嚴詢趙珍熊璋俱供原有折耗並無交與本官其何呈圖雖非戶役然既係同收原非事外三犯贓罪無庸分別者也四欸縱家人張國英等包收糧米勒折銀兩據張國英供受張選銀五兩納米二石五斗王管家卽王世基供受銀十一兩一錢納糧五斗蠹役徐大英供得謝朝忠等馬

撫聯奏疏

卷之五

全

一匹銀三十七兩納米二十八石各犯歷供不諱雖已買米入倉然其行私折價致累排年比責固無辭攬納稅糧之罪矣羅起運唐白明趙振熊璋何呈圖張國王世基徐大英等均照司擬分別杖決追贓各蔽厥辜但查各犯事在康熙二十年十二月二十日

恩赦以前應援

赦免罪贓各照追入官充餉惟楊旭衛振基二犯威逼朱貴廷一欸事在

赦后應照例的決至張其琯身膺民社不諳官箴僕

蠹害民全無覺察例當革職已經奉

旨革職應照例免擬羅起運等仍革役均聽部議餘

犯胡珣等七名審屬無辜均應宥釋寧家臣謹

具題伏乞

睿鑒敕部議覆施行

康熙二十二年四月二十七日題六月初一日

奉

旨該部核議具奏

撫聯奏疏

卷之五

全

巡撫貴州兼理湖北川東等處地方提督糧務都察院右副都御史臣楊鼎建謹

題爲目今第一急務等事據按察使李國亮詳該

臣看得康熙二十一年分贖緩一案檄行按察

司嚴查彙報據該司詳稱黔民甫出湯火糧賦

徵輸不服爭訟縱有一二小忿隨審隨卹釋逐

大小各衙門並未罰有贖緩銀兩無憑開造具

詳前來經臣查核無異理合具題伏乞

敕部議覆施行

康熙二十二年四月二十七日題六月初一日

撫黔奏疏

卷之五

全

奉

旨該部知道

巡撫貴州兼理湖北川東等處地方提督糧務都察院右副都御史臣楊鼎建謹

題爲甫出湯火之民復罹災害之慘額思題請破

格優恤稍延殘喘事據署貴州布政司事糧驛

道叅議勞之辨呈詳該臣看得黔屬平遠大定

黔西威寧四府永寧赤水畢節烏撒四衛普市

所普安衛安籠所南籠廳人民死徙拋荒田地

部議令臣遴委能員前往踏勘取結造冊一案

隨行布政司會同糧驛道遴委能員單騎滅從

自備薪水分途踏勘去後業據該司詳稱踏勘

撫黔奏疏

卷之五

全

荒絕田地必須詳慎萬難草率竣局詳請寬限

完結經臣題請在案又復屢次嚴檄該司分催

各員星速踏勘完報今始據該司詳據踏勘官

石阡府知府聶世棠安順府知府汪世印都勻

府知府劉茂溶大定府通判張可建安順府南

籠通判張建策普安縣知縣羅在廷取具各地

方官印結粘連里甲頭人甘結及添具踏勘官

並無扶同捏報等弊印結同各造原額荒熟田

地畝數簡明文冊威寧等府廳衛所補造花名

細冊計算平大黔威四府永寧赤水畢節烏撒
四衛普市所南籠廳普安衛屬并安籠所人民
死徙拋荒地共實荒民屯科一十一萬二千
二百三十八畝四分四釐零每畝各則例起科
不等共無徵糧米二萬六千七百九十一石四
斗六升六合零共無徵歲丁銀一百三十四兩
七錢八分九釐實荒賑田二分共無徵稅穀一
十六石八斗實荒陸地五萬九千六百二十畝
三分四釐零又陸地一百三分九釐零每畝每

撫黔奏疏

卷之五

五

分各則例起科不等共無徵蕎糧五千二百八
十九石六斗七合零內查南籠廳冊報絕丁無
徵銀六十八兩六錢五分查對康熙二十年分
考成該廳丁銀雖已報完原係借銀賠解而人
民瘟疫死徙之後無丁可徵委係真確理合聲
明又查普安衛親轄之四所二里屢催踏勘而
該衛署守備王士梓訴稱普安設居滇界路稱
首衛運送雲南家口催夫運糧日不暇給不能
分身會勘等情應俟勘明之日另報該署守備

王士梓怠緩之咎相應指叅除冊結覆核無異
揭送部科外臣謹會同雲貴督臣蔡毓榮合詞
保題請蠲伏乞

敕部議覆施行

康熙二十二年四月二十九日題六月初五日
奉

旨王士梓着議處具奏餘着議奏該部知道

撫黔奏疏

卷之五

五

巡撫貴州兼理湖北川東等處地方提督兼都察院右副都御史臣楊雍建謹

題爲奏銷康熙等事據署布政司事糧驛道叅議
勞之辨詳該臣看得黔省報銷各案因吳逆叛
亂以後俱各燬燼無遺所以布政使柯鼎將前
項官兵馬匹截贖朋扣等項俱彙入

奏銷康熙十九二十兩年收支餉銀事案內詳報
題達在案今准兵部咨開官兵馬匹截贖朋扣
銀兩例應另疏題報等因行據該司將黔省各
標鎮自康熙二十年分官兵馬匹截贖朋扣銀

撫黔奏疏 卷之五 全

兩分別各項造冊前來經臣覆核無異除冊揭
送兵部外理合具題伏乞
敕部核覆施行

康熙二十二年五月初七日題

巡撫貴州兼理湖北川東等處地方提督兼都察院右副都御史臣楊雍建謹

題爲慶賀事據署布政司事糧驛道叅議勞之辨
詳該臣看得黔省各府箋文例由藩司彙進本
年五月初三日恭遇

皇太子千秋所有慶賀箋文已于三月初十日專委
平遠府經歷李實秀齎捧恭進查各府箋文俱
已到齊惟思州一府未到隨經該司行查違悞
緣由並將該府職名揭報前來事關

大典自應依期彙進遲悞之咎不能爲思州府知府
撫黔奏疏 卷之五 全

陸世楷寬也除補到箋文該司照例另爲補進
外臣謹會同雲貴督臣蔡毓榮合詞題叅伏乞
敕部議覆施行

康熙二十二年五月初七日題六月初九日奉
旨陸世楷着議處具奏該部知道

巡撫貴州兼理湖北川東總督地方提督署都察院右副都御史臣楊鼎建謹

題爲特參土官越境稱兵橫行刦殺等事據按察使李國亮詳該臣看得莫與齊所許蒙嘉祚越境稱兵槍擄一案自康熙二十一年六月內接准部文登咨粵撫提解案內人犯於本年正月初六日始獲莫與齊到黔而欸証並無一人隨發該司質審據莫與齊供稱當日只據南丹州頭目莫包老黃元老具報卽令稿房文魯作稿申詳等語以致蒙嘉祚事事狡辨無憑定案臣

撫黔奏疏

卷之五

查

於本年三月初四日備咨粵撫拘提莫包老黃元老文魯並原案內未到之欸証羅觀保等及逆日盧岐解黔質審去後今據按察使李國亮詳稱至今欸証杳無一人恐所展之限轉盼卽屆而人犯究竟不齊大案終難結局詳請題明前來伏乞

皇上俯念黔粵隔省拘提往返時日難定且薏苗異類又非常法可繩

敕部咨催粵撫速將莫包老等拘齊解審俟伊等到

黔之日扣限完結庶免逾限之愆仰祈

府鑒施行

康熙二十二年五月初七日題六月初九日奉旨該部議奏

撫黔奏疏

卷之五

查

經撫貴州兼理湖北川東等處地方提督部院右副都御史臣楊鼎建謹

題爲稟報事據按察使李國亮呈詳該臣看得脫逃張一山乃正黃旗下逃人係噶將軍自安順遞解移將軍行營之人也威清衛解役童伏生押解到省交貴州衛兵房莫自申收管值衛守備千總俱委出外催辦軍需自當回衛經歷撥人看守乃署經歷劉倬林既不稽查而自申竟將逃人帶赴馬王廟住宿在童伏生謂已經解到在莫自申獨未給收管彼此推諉各不隄防

撫黔奏疏

卷之五

奏

以致一山乘夜脫逃雖審無賄縱情弊而疎脫之罪難逍查經承疎縱例無正條合照司詳將莫自申照解兵疎逃之例責四十板革役童伏生既因未獲收管同宿廟中不復防範亦應量責示儆其貴州衛署任經歷劉倬林疎忽之咎相應指叅至於守備胡紹鼎委催軍需一山脫逃之日該弁實不在衛合并聲明除逃人張一山通行查緝所有原給清字公文揭送兵部督捕查銷外臣謹會同雲貴督臣蔡毓榮合疏題

參伏乞

敕部議覆施行

康熙二十二年五月十五日題六月十六日奉旨該部核議具奏

撫黔奏疏卷之五 終

撫黔奏疏

卷之五

奏



巡撫黃州兼理湖北川東等處地方提督軍務都察院右副都御史

題為酌撥康熙十二年兵餉事據署貴州

事糧驛道叅議勞之辨詳該臣看得康熙十

年江蘇差官顧翥等領解滇餉到鎮遠作何着

落范國棟所解銀兩現在何處一案奉部行查

屢行布政司確查去後茲據該司詳稱鎮遠府

會同鎮遠協查稱兵燹之後舊案無存止據原

在協營弁目等同稱解官范國棟原未行至鎮

遠地方其所解銀兩並范國棟本身現在何處

撫黔奏疏

卷之六

一

無憑查覆外至解官顧翥等所解餉銀當日知

府張惟堅轉交副將江義衙門原係二官家人

搬運並未經營兵之手及至吳逆兵馬到鎮兵

民星散或係江義張維堅隱瞞或交送吳逆俱

不得而知委無隱匿捏報其江義張維堅各授

偽職俱已正法並無親人在鎮取據該協府印

結前來除印結送部外臣謹會同雲貴督臣蔡

毓榮合詞具題伏乞

敕部議覆施行

康熙二十二年五月十五日題六月十六日奉

旨該部知道

撫黔奏疏

卷之六

二

巡撫貴州兼理湖北川惠處地方提督軍務都察院右副都御史臣楊雍建謹

題爲知會事據署布政司事糧驛道叅議勞之辨詳該臣看得候補主事朱昌緒係臣題帶之員因丁憂回籍今服滿到部准吏部咨會仍給執照令赴黔省候用該撫作何補用之處具題到日再議等因

計典處分各員內有黎平府署事知府鄭永春以有疾勒令休致在案黎平一郡界連湖南廣西生苗出沒之處亟須郡守撫綏彈壓如候部選

撫驛奏疏

卷之六

三

之員未必能期抵任合無卽以朱昌緒補授黎平府缺庶期開

命而夕受事不至懸缺以待人矣再查從前題帶內閣中書汪世印劉茂溶等俱以同知管知府事今昌緒係候補主事應否補授知府請

敕部議臣謹會同雲貴督臣蔡毓榮合詞具題仰祈睿鑒施行

康熙二十二年五月十五日題六月十六日奉旨吏部議奏

巡撫貴州兼理湖北川惠等處地方提督軍務都察院右副都御史臣楊雍建謹

題爲稟報事據署貴州布政司事糧驛道叅議勞之辨詳該臣看得原任通政使司左叅議虞世璽以年老乞休奉

旨馳驛回籍中途患病行至貴州都勻府清平縣地方病加沉重於康熙二十二年三月十三日身故據該司駁查取具店家醫生甘結及該縣印結粘連詳報前來除結送部外查係京官病故臣謹會同雲貴督臣蔡毓榮合疏題明伏祈

撫驛奏疏

卷之六

四

敕部查照施行

康熙二十二年五月二十五日題閏六月初七日奉

旨該部知道

巡撫貴州兼理湖北川東等處地方提督軍務都察院右副御史臣楊鼎建謹

題爲城守營兵乘機燒殺劫洗事據按察使司按察使李國亮詳該臣看得石阡衛革職守備蔡球等縱兵爲盜一案奉

旨敕臣嚴提究擬遵行按察司李國亮審明招解前來經臣駁詢親加嚴審營兵陳國祥等夥劫龔熙之家同行上查八人內除譚起劉五王大賓脫逃未獲李尚俊取供之後已服冥誅現在賊犯陳國祥熊加桂趙尚志高振卽費中元也歷

撫奏疏

卷之六

五

經研審賊真供確律以強盜已行得財駢斬非枉其外有不行而分贓者四人內除葉朗先經取供病故張應虎陳得勝在逃其現在則蔣倬誥也倬誥之同謀分贓初供有據繼改前供始供有熊加桂拿回銀子一封稱出四兩爲加桂做衣服等語熊加桂卽倬誥乾兒現係同居所分之贓既交與倬誥則正與強盜窩主同謀分贓而不行之律相符亦應擬斬查陳國祥等各名下起出贓銀據失主借稱領過二百七十七

兩照各盜原供之數共少四十一兩五錢應仍於各盜並家屬名下照數追補其逸盜譚起劉五王大賓並張應虎陳得勝嚴緝另結譚起等各盜所劫贓銀衣物獲日另追給主若受寄贓物之蕭四委不知情盧氏供李尚俊送銀三兩原銀當交國祥盧氏仍無染指嚴詢國祥堅稱並非勾引俱無容深究至於蔡球史爲卿李成忠等據倬誥於值季通判劉洵初審時供三弁同謀分贓言之歷歷今經屢詢蔡球等既供無

撫奏疏

卷之六

六

是事而倬誥又稱原係妄扳刑詢再四堅供不移查夥盜所劫銀兩衣飾當時于鍾家塢地方八股俠分合之事主失單多寡不爽是前項盜贓已各瓜分殆盡似無餘資以歸三弁反覆推勘三弁之縱兵有據而同謀則無是也蔡球史爲卿李成忠等身爲將領不能約束以致營兵行劫溺職殊甚已經奉

旨革職應照本管頭目鈴束不嚴按律擬杖唐之選許國鳳一係首盜一係拿賊審無別情應行省

釋臣謹會同雲貴督臣蔡毓榮合詞具題伏乞
敕部議覆施行

康熙二十二年五月二十五日題聞六月初一
日奉

旨三法司核擬具奏

奏疏

卷之六

七

巡撫貴州兼理湖北川東等處地方提督楊雍建
奏為恭謝

天恩事康熙二十二年五月二十九日准吏部密咨
為題明事該本部覆兵部密咨前事等因巡撫
楊雍建不將守備張一鵬疏報之處指叅乃反
稱總督哈占官兵擾害百姓仍執前議具

題殊屬不合為此將巡撫楊雍建革職可也奉

旨楊雍建從寬免革職着降一級留任欽此欽遵移
咨到臣臣恭設香案望

無庸奏疏

卷之六

八

關叩頭謝

恩訖竊念臣本下愚謬膺重任寸長未効罪過多端
通蒙

皇上不卽罷斥降級畱任

聖恩寬大無可報稱臣惟有竭盡駑駘仰答

高厚於萬一耳謹特疏謝

恩臣曷勝激切感荷之至

康熙廿二年五月三十日奏聞六月廿五日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲造報康熙二十年考成民賦銀兩事據署布政司糧驛道叅議勞之辨呈詳該臣看得康熙二十年分考成原未完銀三千七百三十三兩六錢二分零牌行布政司嚴催內除貴陽等府州縣續催完過銀一千七百九十一兩八錢二分零已據署布政司事糧驛道叅議勞之辨備造完欠數目并續催結徵全完各官職名清冊業經題請開復在案尚未完銀一千九百四十

撫黔奏疏

卷之六

九

一兩八錢四毫零今據詳稱俱於康熙二十一年終續徵起解全完又威寧府詳稱四川東川土府未完舊折銀一百五十兩遵徵多方勸諭已據報全完除鎮寧州去任革職知州李文雄永寧州去任革職知州張杞普安州去任委署知州馬兆麟原未處分及永寧州帶徵去任署事知州劉良煥係外委無容議敘外所有督催全完之貴州布政使柯鼎安順府以同知管知府事汪世印二員考成未完銀兩俱在康熙二

十年十二月二十日

恩赦以前今錢糧既已續催全完至原罰降職之處似應援

赦免議至帶催署司事糧驛道叅議勞之辨及帶徵鎮寧州現任知州王瓊普安州現任知州吳鏞三員限內催徵全完應否紀敘茲據署司事糧驛道叅議勞之辨造冊詳報前來除將續完銀兩清冊並各員職名冊送部查核外臣謹會同雲貴督臣蔡毓榮合詞具題伏乞

撫黔奏疏

卷之六

十

敕部議覆施行

康熙二十二年五月三十日題開六月二十日奉

旨該部察議具奏

巡撫州兼理湖北川東等處地方糧餉事務都察院右副都御史臣楊雍震

題爲造報康熙二十一年分考成民賦銀兩事據

署貴州布政司事糧驛道叅議勞之辨呈詳該

臣看得康熙二十一年分條丁米麥折色馬館

加增貢馬鹽鈔等銀照由單合算共應徵銀五

萬五千一百六十八兩八錢二分四釐零內除

南籠屬人民死絕丁銀六十八兩六錢五分業

經具疏題請蠲免在案又除存留貴陽等十府

屬州縣表箋曆日春牛花鞭春秋祭祀銀八百

撫辦奏疏

卷之六

十一

四十兩七錢亦經咨部請示外實徵條馬歲丁

等銀五萬四千二百五十九兩四錢七分四釐

零照例自康熙二十一年九月初一日開徵起

至年終止已十分全完訖查報內督徵經徵全

完各官貴州布政使柯鼎署司事貴州清軍糧

驛道叅議勞之辨并貴陽督徵經徵現任府廳

州縣各官能於限內催徵全完例應具題以示

鼓勵其遇閏年分加徵閏銀三百四兩九錢零

本年無閏例不徵解又威寧府帶徵四川東川

土府康熙二十一年分藩折銀乙百五十兩據

該土府以民逃田荒爲詞多方勸諭始據報全

完一并造入全完條丁等銀收支冊內開報據

署布政司勞之辨造具清冊詳請題達前來除

將清冊揭送部科查核外臣謹會同雲貴督臣

蔡毓榮合詞具題伏祈

敕部核覆施行

康熙二十二年五月三十日題閏六月二十日

奉

撫辦奏疏

卷之六

十二

旨該部核議具奏

巡撫貴州兼理湖北川東等處地方提督糧務都察院右副都御史臣楊璠謹

題爲造報康熙二十一年分應徵撫制官莊賑恤

田租米穀銀兩數目事據署布政司事糧驛道

叅議勞之辨詳該臣看得康熙二十一年分撫

制官莊賑恤田租米穀銀兩舊管新收共穀九

千七十七石七斗九升五合零共米一百八十

五石五斗八合零共銀八十六兩一錢七分七

釐零內一支康熙二十年分監犯食米一十三

石七斗九升二合折穀二十七石五斗八升四

撫黔奏疏

卷之六

三

合一支通省舖兵食米八百七十一石七十二

升五合內支倉斗米一百八十五石五斗八合

零倉斗穀一千三百七十二石四斗三升零一

支康熙二十一年分監犯食米六石八斗九升

六合折穀一十三石七斗九升三合一據貴陽

等府州縣衛各冊報康熙二十一年分照例賑

濟過殘廢鰥寡孤獨無靠窮民穀九百九十二

石四斗以上共開除各倉倉斗穀二千四百六

石二斗八合零倉斗米一百八十五石五斗八

合零實在康熙二十一年終存貯各倉斗穀六

千六百七十一石五斗八升六合零流支二十

二年分制兵食米監犯獄食賑濟窮民等項存

貯司庫租米折色並貢馬餘租魚課銀八十六

兩一錢七分七釐零候撥兵餉據署布政司勞

之辨造具清冊詳請具題前來除將各冊揭送

部科查核外臣謹會同雲貴督臣蔡毓榮合詞

具題伏祈

敕部核覆施行

撫黔奏疏

卷之六

四

康熙二十二年五月三十日題閏六月二十日

奉

旨着察核該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲造報康熙十九年分全徵扣徵民賦本色秋糧事據糧驛道叅議勞之辨呈詳該臣看得南籠廳普安縣恢復月日奉文行查其康熙十九年未完米并舊折米奉文速催全完報部隨行該道查明嚴催完報去後今據該道詳稱南籠廳屬地方於康熙二十年三月二十八日大兵陸續過完始行招民復業普安縣於康熙二十年三月十六日到任給示安民等情該廳縣十

撫黔奏疏

卷之六

六

九年分並未徵收秋糧至安順銅仁府屬州縣未完秋糧米九百一十五石六斗四升零俱於康熙二十一年內續徵全完除所收米石彙入康熙二十一年收支糧米冊內開銷造具清冊詳請題達前來除冊送部科查核外臣謹會同雲貴督臣蔡毓榮合詞具題再照黔省威寧府地方於康熙二十年三四月間開復川路始追該土府十九年分舊糧無可催徵合併聲明伏乞

敕部核覆施行

康熙二十二年五月三十日題閏六月二十日奉

旨該部知道

撫黔奏疏

卷之六

六

巡撫貴州兼理湖北川東等處地方提督軍務都察院右副都御史臣楊鼎建謹

題爲報銷康熙二十一年分鹽稅銀兩事據署布政司事糧驛道叅議勞之辨詳該臣查得康熙二十一年分黔屬鹽稅銀兩據署布政司勞之辨詳稱各稅按季報解多有不敷因報銷康熙二十年分鹽稅銀兩事一案奉有部文內開康熙十一年分奏銷冊內共徵過銀六千二百餘兩等語署司竭力嚴催始於本年冬季內敷補額課共計收鹽稅銀六千二百三十二兩一錢

撫黔奏疏

卷之六

七

一分例完驛費其支銷細數應聽糧驛道報銷所有收過鹽稅銀兩造冊詳請題達前來除將清冊揭送部科查核外臣謹會同雲貴督臣蔡毓榮合詞具題伏祈

敕部核覆施行

康熙二十二年五月三十日題聞六月二十日

奉

旨着察核該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲報銷康熙二十一年分雜稅銀兩事據署布政司事糧驛道叅議勞之辨詳該臣查得康熙二十一年分黔屬雜稅銀兩據署布政司勞之辨詳稱舊管新收共銀二千八百一十兩三分零又開州用砂斗甫婺川板廠普安縣濫木橋廠四廠共解收本色水銀一千五百六十一兩一兩開除康熙二十一年准糧驛道陸續支雜稅銀一萬一千九百八十七兩二錢二分零其

撫黔奏疏

卷之六

七

支銷細數聽該道另冊報銷實在存貯司庫共銀八百二十二兩八錢一分零又存康熙二十一年分本色水銀一千五百六十一兩一十一兩候文變價充餉造具清冊詳請題報前來除將清冊揭送部科查核外臣謹會同雲貴督臣蔡毓榮合詞具題伏祈

敕部核覆施行

康熙二十二年五月三十日題聞六月二十日奉

旨着察核該部知道

巡撫貴州兼理湖北川東等處地方提督都察院右副都御史臣楊雍建謹

題爲奏銷收支餉銀事據署布政司事糧驛道參議勞之辨呈詳該臣看得奉部駁查餉銀項款隨行布政司逐一確查去後茲據署司事糧驛道參議勞之辨詳報如副都統劉■駐防安順官兵馬匹既開支給小草料又稱支給一斗六升之處查冊開銀數原係一斗二升折算支給共一斗六升字樣係冊內誤開又副都統莽吉祿等在貴陽養馬二十日共支草五十萬九千

撫黔奏疏

卷之六

九

四百八十束每束折銀二分共該支銀一萬一百八十九兩六錢今冊開一萬一千八百九十六兩多開銀一千七百六兩四錢據稱兵燹之後初募經承未諳書算是以誤寫多報其多報銀兩仍應作康熙十九二十兩年分收支存剩項下流充二十一年兵餉此二款多開穀數銀兩之處雖稱經承錯悞而布政司柯鼎難辭疎忽合聽部議又支給副都統宜■署副都統諾邁等俸餉草料銀六千五十兩三錢六分零滿

檔未經送到查此項銀兩內有副都統宜■等於鎮遠截支江西差官會師孔解黔協餉銀內動支二千二百七十五兩彙造奏銷時此項滿檔未據鎮遠府送到隨據該府申報取獲滿檔差役趕赴大將軍軍前請印前來業於二十一年十一月內呈送十二月十五日吞達在案至於署副都統諾邁在貴陽支過自康熙二十年八月十三日起至本月二十九日止計十七日小草料共支料草折銀三千三百三十八兩五

撫黔奏疏

卷之六

十

錢二分八釐又自二十年九月初一日起至本月二十止計二十日小草料共支料草折銀三千七百七十五兩三錢六分查此二項因本兵主無印信止取獲滿檔業經布政司柯鼎呈送連冊題達訖今稱尚未送到應俟該司回黔之日再行查覆又支給進征綠旗各標協營官兵馬匹并隨征招撫太僕寺張光岳等俸餉等銀印領未經送部查支過俸餉等銀俱係隨地關支支領在先及後催造報銷冊籍有造送底冊

者照冊造報有未經造送者照領收造報其先
後到印領有與報銷之數相符者亦有不符者
且各標營或調回原訊或已經解散此項領狀
一時難以彙取應俟取齊之日繳查又賞給土
目阿五銀三百兩係何年月日何案內支給案
查康熙二十年五月初二日奉大將軍貝子諭
開前在貴州時因水西頭目阿五赴軍前投誠
并帶土兵截殺賊衆動支協餉銀三百兩賞給
彙冊銷算等因遵行支給在案以上各款據該

撫黔奏疏

卷之六

三

署司逐一登答詳請題達前來臣謹會同雲貴
督臣蔡毓榮合詞具題伏祈

敕部查覆施行

康熙二十二年五月三十日題閏六月二十日

奉

旨該部知道

巡撫貴州兼理湖北川東等處地方提督務都察院右副都御史臣楊雍建謹
題為遵例

奏繳印符事據糧驛道叅議勞之辨呈詳該臣看
得康熙二十一年分貴州糧驛道勞之辨與用
過勘合火牌例應奏繳據該道詳稱自二十一
年正月起至年終止用過盈字號勘合一十四
道雲字號火牌二張備造四柱清冊并將各差
員繳到勘合四道火牌四張一并呈貢請乞
奏繳前來其存剩火牌五張照例留為康熙二十

撫黔奏疏

卷之六

三

二年填用臣覆查無異除勘合火牌咨繳兵部
清冊分送部科外臣謹會同雲貴督臣蔡毓榮
合詞具題伏乞

敕部查照施行

康熙二十二年五月三十日題閏六月二十日

奉

旨着察核該部知道

巡撫貴州兼理湖北川東等處地方提督事務都察院右副都御史臣楊鍾建謹

題爲欽奉

恩詔詳請都司衛所官役俸食等事據貴州掌印都司杜進梅詳該臣看得都司衛所各弁領支俸銀例應年終奏銷今據貴州掌印都司杜進梅冊報康熙二十一年分各衛所收解已完歲丁等銀二千五百兩八錢八分四釐零內除實支過各官俸銀七百四十六兩五錢七分七釐零實在存剩銀一千六百九兩一錢七分四釐零

撫黔奏疏

卷之六

三

又扣存罰俸委署缺官等項俸銀一百四十五兩一錢三分二釐零計二項共存銀一千七百五十四兩三錢六釐零滿奏康熙二十二年分都司衛所官役不敷俸食銀兩既據該司將康熙二十一年分都司衛所各官應支應扣俸銀數目各造清冊前來經臣覆核無異除冊報送部科查核外臣謹會同雲貴督臣蔡毓榮合詞具

題伏祈

敕部核覆施行

康熙二十二年五月三十日題聞六月二十日奉

旨着察核該部知道

撫黔奏疏

卷之六

三

巡撫貴州兼理湖北川東等處地方提督軍務都察院右副都御史臣楊雍建謹

題爲詳請題撥駐黔大兵康熙二十二年分兵餉
事據署布政司事糧驛道叅議勞之辨詳該臣
看得貴陽駐鎮大兵俸餉馬乾銀兩俱按季題
報如數撥給但黔省遠居天末每次奉撥之銀
不能尅期解到大兵嗷嗷待哺或不得已而截
留滇餉雖俟黔餉一到卽行補解欸項亦易清
楚究不如各收各餉之爲簡便今據署司事糧
驛道勞之辨詳請夏季已歷過半轉盼入秋所
擬黔奏疏

卷之六

三

有駐黔大兵秋冬二季俸餉馬乾銀兩每季約
該銀四萬二千四百兩兩季共該銀八萬四千
八百兩詳請具題撥給前來臣謹會同雲貴督
臣蔡毓榮合詞具題伏乞

敕部按數撥發接濟庶免臨期解運不到之虞

康熙二十二年六月十八日題

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲縱兵截刦慘變事據按察司李國亮詳該臣
看得盧發枝等被刦兩案經臣題報部議行臣
將石阡營弁蔡球等縱兵庇盜之處一併嚴提
究擬等因行司提審究擬去後除龔熙被刦一
案先經審擬具題外若盧發枝於康熙二十年
十二月初七日在一碗水地方被刦離塘不過
三里據供塘兵六人持刀縛客聲刦囊資千總
史爲卿止報湯文炳一人而文炳又在逃未獲

撫黔奏疏

卷之六

三

其續供之梁三雄非係行刦之兵該弁因質証
無人徒滋狡辯是必緝獲湯文炳而後可定也
其周泰俊一案係康熙二十年九月二十七日
之事泰俊同伴一十五人路經黃心樹遇塘兵
八人借名盤詰勒詐瓜分贓銀七十兩有居民
馮相斗過付及事露而把總李成忠等還銀了
局隱諱不報現獲之犯又不起解致有兇脫研
詢之際卽蔡球亦無能置辯也二案正犯至今
並無一獲無憑定案仍應遵

旨着接緝各官嚴緝獲日另結至守備蔡球千總史
為卿把總李成忠雖庇盜無據而縱兵情真歷
審不爽查三弁已於城守營兵乘機燒劫案內
奉

旨革職復行擬杖具題此兩案事在康熙二十年十
二月二十日

恩赦以前應否免擬聽部議奪若王孟衡先經差出
無繳贖之事伍美成同行押解非夥劫之人其
唐之選許國鳳等前後口供不一歷經嚴審刑

撫黔奏疏 卷之六 三

詢再四無有別情均應省釋茲據該司審解前
來臣駁訊無異謹會同雲貴督臣蔡毓榮合詞
具題伏乞

敕部議覆施行

康熙二十二年六月二十二日題七月初九日
奉

旨該部核議具奏

巡撫貴州兼理湖北川東等處地方提督糧務都察院右副御史臣楊鼎建謹
題為衙門改設經制尚未詳明等事據署貴州布

政司糧驛道叅議勞之辨呈詳該臣看得貴西
道係平大黔威道改設其應用書役應否照舊
日裁定額數咨請部示准吏部咨查貴西道事
務繁簡將書吏定數具題到日再議等因隨行
布政司確查該道事務繁簡將書役議定名數
詳報去後據該司詳稱查賦役全書裁定事例
內平大黔威道舊設吏書十六名裁減八名止

撫黔奏疏 卷之六 三

設八名門子四名裁減二名止設二名快手十
二名裁減二名止設十名皂隸十二名裁減二
名止設十名聽事吏二名裁減一名止設一名
至轎傘扇夫七名照依原數未裁將裁定數目
具報前來查前項裁定之數係平大黔威道額
用書役今改設貴西道雖增轄貴陽安順二府
事務亦不為繁所用書役應照舊時裁定數目
可也臣謹會同雲貴督臣蔡毓榮合詞具題伏
乞

敕部議覆施行

康熙二十二年閏六月初二日題七月初九日
奉

旨該部知道

撫黔奏疏

卷之六

三

巡撫貴州兼理湖北川東等處地方提督務都察院右副御史臣楊瑄建

題為稟報事准兵部咨該臣看得濯靈所小等殺

官刦餉一案逸賊尤有功等七名一年限滿並

無一獲接緝之官係現任濯靈所千總裴袞錫

也但查小等刦餉係康熙二十年六月初九日

事在本年十二月二十日

恩赦以前接緝之員應否查議又此案賊犯係旗營

兵卒早已遠颺應行通緝查接緝官員職名有

咨明兵部之例故於本年二月內咨達兵部今

撫黔奏疏

卷之六

三

准部咨令臣具題再議臣謹具題伏乞

敕部議覆施行

康熙二十二年閏六月初二日題七月十一日

奉

旨該部知道

巡撫黃州兼理湖北川東等處地方提督都察院右副御史臣楊建密

題爲報警事據按察使李國亮呈詳該臣看得王以德單大安建都係奉

旨嚴拏解京質審之重犯也除現獲之安建都臣已給發咨牌專員押解赴湖北撫臣轉解前進外惟是王以德既經拿獲懼罪自刎其提標後營守備畢國龍防範不嚴已經原任提臣趙賴會參在案嗣准咨會將案內疎防人犯移解到臣審擬具題隨發按察司究擬去後據詳王以德

撫標奏疏

卷之六

三

於四月初一日經提標中營參將李嘉謨拏獲交守備畢國龍收管加以肘鎖撥兵看守本犯自慮罪重於初八日自刎歷審王以德之家人王起蛟及送飯之唐五等並不相涉也其看守兵丁徐勝康自泰疎虞之罪自不能諉查律無正條應照獄卒失於防範致囚自盡之律各杖遇熱審減等守備畢國龍先經會參應候旨定奪若未獲之單大據單元供稱於二十年三月內已回徐州據唐起蛟供稱傳聞單大死於常

德等語未有確據其果否已回徐州或於常德病故仍請

收部行文江南湖南督撫密查者也其王起蛟等審無別情均應省釋茲據該司審擬前來臣覆勘無異謹會同雲貴督臣蔡毓榮貴州提臣侯襲爵合詞具題伏乞

敕部議覆施行

康熙二十二年閏六月初二日題七月初九日奉

撫標奏疏

卷之六

三

旨該部核擬具奏

巡撫貴州兼理湖北川東等處地方提督都察院右副都御史臣楊秉彝謹

題為黔省賓興在邇歲科兩考難週懇賜題請稍

為變通以便遵守事據貴州提學道錢捷呈詳

該臣查得黔省於康熙二十一年補行鄉試即

以本年歲試優等改作科考嗣奉部文行令該

學道速行補考歲試完日即行報滿等因本年

五月內又准兵部咨開武生考較悉照文生例

行已先後撥行該道遵照茲據提學道錢捷詳

稱通考各府屬文武生童竭力驅馳酌量秋抄

撫黔奏疏

卷之六

奉

可以告竣尚未滿兩年之期惟是二十三年又

屆鄉試若於報滿之日始行銓補接任秋闈將

屆恐有遲悞預為詳明請乞

題達前來查該道報滿既已秋杪為期若俟其報

滿而後銓補接任之員領憑赴任程途既遠轉

盼秋闈時日更促合無

敕部酌議變通將接任學道一面速行銓補令其星

馳受事不必於該道報滿之日方為補用庶將

來考試不致有悞臣謹會同雲貴督臣蔡毓榮

合詞具題仰祈

睿鑒施行

康熙二十二年閏六月初二日題七月初九日

奉

旨該部議奏

撫黔奏疏

卷之六

奉

巡撫黃州兼理湖北川東等處地方提督軍務都察院右副都御史臣楊雍建謹

題為造報康熙二十年分考成民賦銀兩事據布

政使司布政使柯鼎詳該臣看得黔省康熙二

十年分未完錢糧限內督催經徵全完之官經

臣題請開復准有部咨內開布政使柯鼎等各

官既稱先未完者係

恩赦以前原叅時為何不行援

赦令臣查明具題等因隨行該司查報去後茲據布

政使柯鼎詳稱未完銀兩俱在康熙二十年十

撫黔奏疏

卷之六

三

二月二十日

恩赦以前以錢糧關係最要既不能完徵於前是以

考成詳內未敢援

赦今督徵經徵未完康熙二十年分條丁等銀俱於

二十一年限內徵解全完彙入收支冊內報銷

訖以前處分之案應邀

恩免議具詳前來蓋始以未完而未敢援

赦繼以全完而循例邀

恩非有他故臣謹會同雲貴督臣蔡毓榮合詞具題

伏祈

敕部議覆施行

康熙二十二年七月二十四日題八月二十六

日奉

旨該部知道

撫黔奏疏

卷之六

美

巡撫貴州兼理湖北川東等處地方提督事務都察院右副都御史臣楊鼎建

題爲

殿工關係最重木料採擇宜慎恭陳末議以裨創立
大業事據布政司柯鼎呈詳該臣看得修建

太和殿需用楠木杉木遵奉部文凡寺廟所產墳塋
所植雖合丈尺毋令封採其不在寺廟院中墳
塋界內者亦不得藉口隱匿隨檄該司轉行各
屬查報去後據布政司詳稱黔屬地方皆不出
產楠木杉木間有一二不合部發丈尺且多空

撫黔奏疏

卷之六

奏

心不堪大用駁查至再取據貴陽等十三府不
致隱匿印結存司等因據都司詳稱衛所地方
果無出產楠木杉木之處卽無指稱詐騙情弊
等因各詳請具

題銷案前來其黎平一府具結呈報在後臣恐或
有隱匿復駁行該司確查俟詳覆到日另咨達
部外臣謹會同雲貴督臣蔡毓榮合詞具題伏
乞

敕部查照施行

康熙二十二年八月初二日題九月初五日奉

旨該部知道

撫黔奏疏

卷之六

奏

巡撫貴州兼理湖北川東等處地方提督軍務都察院右副都御史臣楊乘建謹

題為請

旨事據布政使柯鼎詳該臣看得捐助楠木一案准有部文隨檄該司曉諭黔屬各土司官民商人捐助去後據布政司詳催據貴陽等十三府結稱所屬地方不產楠木杉木間有一二又係短小空心不合部發丈尺並無土司官民商人捐助等因又據都司詳稱行貴州十四衛息烽所等十所同稱俱無捐助楠木之人等因各取有

冊冊奏疏

卷之六

奏

印結存司詳請具題銷案前來其黎平府具結呈報在後臣復駁行該司確查俟詳覆到日另咨達部外臣謹會同雲貴督臣蔡毓榮合詞具題伏乞

敕部查照施行

康熙二十二年八月初二日題九月初五日奉

旨該部知道

巡撫貴州兼理湖北川東等處地方提督軍務都察院右副都御史臣楊乘建謹

題為重修鐵索橋梁事據糧驛道叅議勞之辨詳

該臣看得盤江捐造渡船用過工料價值准有部文行臣造冊具題等因隨檄該道造冊詳報去後茲據該道申報前後造船十隻詳加核減共動用捐助銀六百六十六兩六錢四分造具清冊詳請

題銷前來臣覆核無異除清冊送部外臣謹會同雲貴督臣蔡毓榮合詞具題再查黔省各官捐

冊冊奏疏

卷之六

單

助船隻銀計六百八十九兩除動支外尚有銀二十二兩三錢六分據該道詳稱復經分發各屬為修船之費取有領狀存案相應一併聲明伏乞

敕部查核施行

康熙二十二年八月初二日題九月初五日奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲造報康熙二十年等事閏六月二十六日准

戶部咨該臣看得黔省康熙二十年分貴陽等

府州縣衛所應徵魚課等銀四十七兩七錢三

分開寫存貯又開未完銀一十三兩五錢臣准

部咨查取造冊舛錯各官職名題參等因隨行

布政司查取職名去後又復檄催未據詳報今

查前項魚課等銀開寫存貯又開未完者係布

政使柯鼎也該司既爲錢糧總匯難辭舛錯之

撫黔奏疏

卷之六

聖

旨臣謹會同雲貴督臣蔡毓榮合詞指參伏祈

敕部議覆施行

康熙二十二年八月初二日題九月初五日奉

旨柯鼎着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲衛弁庸闇無能衝途實難勝任特疏指參請

乞

敕部處分事竊照普安一衛管理亦資孔站務爲滇

黔之接壤實往來之要衝兼以運送家口餉鞘

絡繹不絕必得精明練達之才始能勝任而無

悞若該衛守備彭程則有可異者該弁到任以

來將及三月莫展一籌自雲南遞送至衛家口

不能預備人夫口糧按次起發以致前後擁積

撫黔奏疏

卷之六

聖

八撥約計二千餘人屢經飭催該弁莫知所措

惟有自請參處而已雖該站夫少糧貴較他處

爲難然從前衛弁殫力拮据遞運亦無違悞獨

至該弁而玩愒成性庸闇無能遂使已到家口

停滯不前倘有疎虞更誰任其咎也目前之站

務漸弛將來之貽悞何底臣訪聞所及復據糧

驛道參議勞之辨揭報相同臣謹會同雲貴督

臣蔡毓榮合詞指參伏乞

敕部將該衛守備彭程議處另簡能員勒限赴任庶

銜途攸賴而公務克舉矣仰祈

睿鑒施行

康熙二十二年八月十八日題九月二十六日

奉

旨彭程着議處具奏該部知道

撫黔奏疏

卷之六

聖

巡撫貴州兼理湖北川東等處地方提督兼務都察院右副都御史臣楊雍建謹

題為請

旨事據糧驛道叅議勞之辨呈詳該臣看得遞送軍
前馬匹倒斃一案前准部文令將賠補馬匹撥
入驛站隨據該道詳請寬限按年攤賠經臣具
題部覆未准隨檄該道速行追賠去後今據該
道詳稱倒斃官馬例應追賠無如康熙十九年
各地方初復自鎮遠以至貴陽一路皆係委署
之官非卸事斥逐卽因公累斃今奉部文勒令

撫黔奏疏

卷之六

聖

各局速行賠補責之經手業已官吏更換無可
變需之家財責之現任又稱萬里寒員不能代
前官賠補若必將前項倒斃馬匹勒限一時盡
數賠償實有剝骨難填之勢詳請再疏題請仍
作按年分賠前來查黔界倒斃馬七百一十五
匹今自康熙二十二年起每年賠補馬二百匹
撥給驛站至康熙二十五年可以賠完權衡於
緩急之間而邊吏殘黎均感

聖朝用一緩二之仁政矣臣謹會同雲貴督臣蔡毓

榮合詞具題伏乞

收部議覆施行

康熙二十二年八月十八日題九月二十六日奉

旨該部議奏

撫黔奏疏

卷之六

聖

巡撫貴州兼理湖北川東等處地方提督兼都察院右副都御史臣楊雍建

題爲造報康熙二十年等事據布政使柯鼎詳該

臣看得黔省各衛所康熙二十年分應扣解司

庫存留銀四百二兩五錢前准部文行查司庫

項下並無此項銀兩行據布政司詳稱都司冊

開雖有扣解字樣其實未解到司庫據詳各覆

嗣准部議將捏報起解各官職名查明題叅等

因隨行布政司查報去後據該司詳稱准都司

咨稱前報冊內扣解字樣乃係分別實留若干

撫黔奏疏

卷之六

聖

扣解若干原非謂已經起解之數等語但前冊

開有扣解其銀未解到庫是未經起解而報起

解造冊移送藩司者係都司杜進梅也其布政

使柯鼎據冊轉報未經查出亦難辭咎臣謹會

同雲貴督臣蔡毓榮合詞指叅至該司詳稱各

衛所應扣解前銀四百二兩五錢內除甫出湯

火之民等事案內無徵歲用銀內應扣經費銀

四十兩二錢九分三釐零實該扣解司庫銀三

百六十二兩二錢六釐零內於康熙二十一年

內完解銀三十九兩九錢業經造入收支四柱冊內呈詳達部在案尚有應扣解銀三百二十二兩七錢六釐零於康熙二十二年補解全完俟年終入冊造報候撥兵餉具詳前來合併聲明伏祈

敕部議覆施行

康熙二十二年八月十八日題九月二十六日奉

旨該部知道

撫粵奏疏

卷之六

聖

巡撫劉秉璋湖北川東等處地方提督軍務都察院右副都御史臣楊雍建謹

題為請定營兵額數等事據臣標中軍遊擊熊中

蘊詳該臣看得臣標兵丁製造甲械一案准戶

部移咨於協餉內動用仍將用過數目造冊報

銷等因隨行臣標中軍領支司庫協餉製造去

後今據臣標中軍遊擊熊中蘊詳稱於康熙二

十年六月十八等日起共領過司庫銀三千九

百兩三營共買弓二百四十二張箭二千四百

二十枝製造交鎗一千一百八十二桿刷刀四

撫粵奏疏

卷之六

聖

百三十八口買備腰刀一千五百六十六口製

造長鎗一百五十桿各價值不等共用過銀三

千六百四兩六錢三分五釐總計三營弓箭刀

鎗兩營盔甲等項通共領過司庫銀八千四百

兩共用過銀七千七百一十六兩九分二釐外

剩銀六百八十三兩九錢八釐已照數繳還司

庫訖所有置買甲械物料價值匠役工食等項

分晰造冊前來經臣覆核無異除冊揭送部科

外理合具題伏乞

敕部核覆施行

康熙二十二年八月十八日題九月二十六日
奉

旨着察核該部知道

撫黔奏疏

卷之六

聖

巡撫貴州兼理湖北川東等處地方提督軍務都察院右副都御史臣楊鼎建謹

題為報丁母艱事據布政使司布政司柯鼎申報

該臣看得貴州按察使李國亮生母王氏於康

熙二十二年七月初二日卒於襄陽旅邸本年

八月十四日在任聞計係親生母並無過繼別

情例應回旗守制茲據布政使柯鼎申報前來

除取到寄寓地方襄陽縣印結揭送部科外其

本旗都統印結俟取到之日另為咨部臣謹會

同雲貴督臣蔡毓榮合疏題報所有員缺伏祈

撫黔奏疏

卷之六

奉

敕部銓補施行

康熙二十二年八月二十四日題十月初二日

奉

旨吏部知道

巡撫貴州兼理湖北川東等處地方提督事務都察院右副御史臣楊雍建謹

題爲報銷康熙二十年分鹽稅銀兩事據布政司

詳該臣看得黔省康熙二十年分報收鹽課銀兩較比十一年所徵銀數缺少二千八百餘兩准有部覆令將各地方恢復月日及應徵銀數查明具題等因隨行布政司確查去後茲據該司詳稱黔地素不產鹽各稅行鹽俱係川滇淮三處鹽餉入黔販賣查銅仁府於十九年四月內恢復鎮遠府於十九年十月內恢復貴陽安

撫黔奏疏

卷之六

聖

順思南三府於十九年十月內恢復平遠大定黔西三府於二十年二月內恢復永寧畢節二衛於二十年三月內恢復普安州於二十年二月內恢復各地方恢復月日先後不一其時尚有逆賊盤踞大兵追襲道路戒嚴鹽販未通迨漸次恢復行鹽之徑稍通陸續設局徵課然而肩挑背負之鹽一時不能驟達於黔既無過黔之鹽安有足額之課故問額則有六千二百三十二兩一分零而實收實解止有三千三百六

十八兩五錢七分有奇殘疆初復之際課實無徵非有隱漏請具

題銷案前來臣復查地方恢復既先後不一而各稅行鹽徵課又不無等待黔處極邊不通舟楫非同產鹽地方不須等候一經恢復即可照恢復之日爲始按數徵課者比謹據詳具題伏乞敕部查照施行

康熙二十二年八月二十四日題十月初二日

奉

撫黔奏疏

卷之六

聖

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題為移付事據按察使李國亮詳該臣看得投誠

偽都司金玉例應安插四省先據該弁借稱柔

遠所土人又有載冊田糧似應照例就近安插

臣據司詳咨明兵部在案茲准部咨內開金玉

果否實係土人聽何土司管轄行臣查明具題

到日再議等因隨檄按察司確查去後據該司

詳稱金玉原係鎮寧州屬十二營安撫司土人

住柔遠所後安撫司已改長官司向係土官蕭

鴻鵬奏疏

卷之六

聖

照所轄取據柔遠所印結詳報前來臣謹具題

應否就近安插伏乞

敕部查議施行

康熙二十二年八月二十四日題十月初二日

奉

旨該部議奏

巡撫貴州兼理湖北川東等處地方提督軍務都察院右副都御史臣楊鼎建謹

題為慣賊夥黨明火燒殺事據按察使李國亮呈

詳該臣看得羅貴郎羅大相係行劫冉學周案

內之盜犯也向因脫逃未獲行緝在案茲據獲

解該司歷訊上盜情形所得贓物本犯供招不

諱雖無知被誘情有可矜而入夥受贓法難輕

貸按律擬斬其贓物仍於本犯名下追償具詳

前來臣覆看無異謹會同雲貴督臣蔡毓榮合

詞具題伏乞

鴻鵬奏疏

卷之六

聖

敕部議覆施行

康熙二十二年八月二十四日題十月初五日

奉

旨三法司核擬具奏

巡撫貴州兼理湖北川東等處地方提督軍務都察院右副都御史臣楊鼎建謹

題為預儲火藥以資防禦以固金湯事據布政使

柯鼎詳該臣看得黔省預造火藥數目需用錢

糧臣准部咨會同總督議定具題等因隨行布

政使會同操捕都司妥議詳報去後茲據布政

使柯鼎詳稱製備藥鉛觔兩并修理局房鑄造

銅礮等項需用銀兩前准操捕都司移稱約費

一萬餘兩逐一核減仍移操司節省估計實需

用銀九千七百三十四兩零造報清冊前來復

撫黔奏疏

卷之六

奏

准督臣咨會據該司詳稱買備硝磺黑鉛等項

係照順治十七年製造之例並無浮冒又局房

拆毀必先蓋造並鑄造礮鎗勢所必需等因事

關預備火藥應

請動支錢糧製造以資防禦除需用錢糧數目清冊

揭送部科外臣謹會同雲貴督臣蔡毓榮合詞

具題伏乞

敕部議覆施行

康熙二十二年九月初七日題十月十四日奉

旨該部知道

撫黔奏疏

卷之六

奏

巡撫湖北川東等處地方提督軍務都察院右副御史臣楊鍾建疏

題為稟報事據按察使李國亮詳該臣看得崔宗

泰被刦一案夥盜三十一人其在本城住者一

十五人如李孫韓國良艾兔住兄和尚呼式納

郭麻子李二南昌三瞎子莽張泰四閻大三兒

楊國臣皆旗下之甲兵與僱工也從雲南來者

一十六人現獲黑子一名其供出之王五馬回

子姚巴晃與不知姓名各犯皆隨營進京之旗

丁苦獨力也已獲盜犯李孫等十六人歷經按

撫賚奏疏

卷之六

七

察使李國亮同旗員會訊臣復與駐防副都統
莫達覆審各犯上盜情形供認不諱雖未得財
物但事主崔宗泰家人鄔德等身帶重傷按律
強盜傷人而未得財者比照搶奪傷人律分別
首從此案羣盜會食李孫之家商合糾夥李孫
應坐為首但李孫堅供係王五到家說知崔宗
泰有銀因會合行刦而各犯俱有王五與李孫
商量之供則起謀造意又在王五矣查未獲盜
犯王五等臣於本年四月內咨移雲南回京兵

主查拿質審去後于八月初五日准叅贊護軍

統領佟嘉咨解馬四回子到黔又稱姚巴晃亦

經拿獲另行楚省轉解惟王五查正黃旗並無

其人其餘不知姓名各盜無憑查詢等因隨發

臬司會同旗員公詢據馬四供稱原名馬四並

非馬四回子當加刑訊堅不承認今原供之黑

子艾兔識認亦稱並非同夥之馬四回子等語

先據住兒供王五已與代同回京艾兔供馬四

回子已隨伊主苟六回京必俟拿獲王五等質

撫賚奏疏

卷之六

八

審然後首從始明據該司詳稱旗人犯盜例應
解部審理李孫等應否解部就近於代同苟六
等各名下查緝王五馬四回子等質審定罪其
楊甫臣前供說稱夏國相家人復行研詢實係
旗丁孫二歷審供非行刦委係逃人應一併解
部發落宋么係旗下僱工誤為李孫所使接回
黑子嚴訊實不知情相應免解臣謹會同雲貴
督臣恭毓榮貴州提臣侯襲爵合詞具題伏乞
敕部議覆施行

康熙二十二年九月初七日題十月十四日奉
旨該部議奏

撫黔奏疏

卷之六

奏

巡撫高爾謙湖北川東等處地方提督軍務都察院右副御史臣楊雍建謹
題爲重農積粟之

上諭久已飭行水旱不齊之天時有無預備請
旨通行稽察以信

恩綸以擢循吏事據布政使柯鼎糧驛道叅議勞之
辦會詳該臣看得勸諭捐輸米穀備荒一案臣
准部咨隨即檄行布政司糧驛道移行各屬照
例設立常平等倉勸輸捐輸并將某官實心奉
行某官奉行不力之處逐一查明詳報具題又

撫黔奏疏

卷之六

奏

復屢次檄催去後今據該司道公詳於康熙二
十二年內各官共捐過倉斗穀二千六百六十
九石五斗三升米一十五石備造清冊前來除
冊送部科查核外至於未報捐輸之各府州縣
衛所或稱官因委署行李蕭條或稱地接苗蠻
無可鼓勵委係時勢使然非敢奉行不力俟秋
收之後再行勸諭捐輸可也臣謹會同雲貴督
臣蔡毓榮合疏

題報仰祈

敕部查照施行

康熙二十二年九月初十日題十月十五日奉

旨着察核該部知道

撫黔奏疏

卷之六

奎

巡撫貴州兼理湖北川東等處地方提督兼務都察院右副都御史臣楊雍建謹

題為欽奉

上諭事據布政使柯鼎糧驛道叅議勞之辨掌印都司杜進梅公詳該臣看得黔省本年秋冬及來年春夏應徵地丁正項錢糧欽奉

上諭盡行蠲免是以一歲之額賦作兩年徵收自應將康熙二十二二十三兩年之銀米每斗蠲免一半徵收一半茲據該司道公詳查腹裏地方凡應徵銀兩有四月完半九月完半之例應徵

撫黔奏疏

卷之六

奎

糧米有夏稅秋糧之分黔省與腹地不同凡應徵銀米俱在九月開徵議將條馬地丁歲用米折等銀分作兩年每年蠲免一半徵收一半至糧米一項黔省止有秋糧原無夏稅議于本年秋冬照數全蠲按年造冊具詳前來除冊送部外事關錢糧相應

題明臣謹會同雲貴督臣蔡毓榮合疏具題仰祈敕部查明施行

康熙二十二年九月初十日題十月十五日奉

肯該部核議具奏

據黔奏疏

卷之六

查

巡撫貴州兼理湖北川東等處地方提督軍務都察院右副都御史臣楊鼎建謹

題為詳請酌撥康熙二十二年驛費俸食銀兩事

據布政司柯鼎呈詳該臣看得黔省每年應徵輕賁折色馬館銀二萬七千二百七十二兩一錢九分零例係全撥支給驛費又應徵條丁土賦鹽課蠟價等銀除存留各府州縣經費外實解司銀二萬六千九百八十七兩二錢八分零例係全撥支給官役俸食二共銀五萬四千二百五十九兩四錢七分零每年全徵尚不敷驛費俸食之用必賴外省協濟供支今康熙二十二年分連閏共應全徵銀五萬五千四百五兩八分七釐零茲奉

上諭本年秋冬應徵地丁正項錢糧盡行蠲免欽此是本年止應半徵銀二萬七千七百二兩五錢四分零內除應存留各府州縣經費銀八百四十兩七錢外止實該解司庫銀二萬六千八百六十一兩八錢四分零以此支給驛費俸食尚不敷銀二萬七千三百九十七兩六錢二分零

據黔奏疏

卷之六

查

又舖兵每年應支工食銀八百九十五兩六錢
二分二釐共不敷銀二萬八千二百九十三兩
二錢四分零黔省並無別項錢糧那動補支茲
據布政使柯鼎詳請具

題酌撥前來臣謹會同雲貴督臣蔡毓榮合詞具

題伏祈

睿鑒敕部照數酌撥施行

康熙二十二年九月十九日題十月二十八日

奉

攝略奏疏

卷之六

奎

旨該部議奏

巡撫貴州兼理湖北川東等處地方提督貴州都察院右副御史臣楊建德謹

題爲稟報事據署貴州按察司根驛道叅議勞之
辨呈詳該臣看得張大統與張國權互相讐殺
一案因犯証未齊

題請寬限本年六月十五日准有部咨令臣速行
提鞫審明具題等因隨檄按察司作速行提審
擬具詳去後茲據該司審詳前來謹按張大統
與張宏謨之父張繼遠原係叔姪查爛土司長
官序應大統承襲因繼遠竊居爛土大統不候

攝略奏疏

卷之六

奎

公斷遽操同室之戈率帶私親蒙恩隆土目王
朝相等于上年正月內殺死張繼遠父子而繼
遠土目張國權又將大統之父開遠弟大綱殺
死復引苗衆攻統復殺權以報復之殆目無
法紀矣今蒙恩隆王朝相等嚴提未獲就現在
之張大統與張宏謨及已到之譚應鵬張大綬
等逐一嚴詢當日讐殺情形供吐已明獨是大
統與繼遠有叔姪之分似應照殺期親尊長律
擬罪但大統與繼遠均係苗人查定例內載苗

黨自相戕殺人命責令土官土目親問被殺之家或欲償命卽行斬抵不欲償命責令賠人等語當殺繼遠之時大統未曾動手訊之宏謨亦有殺父親哥子時係王朝相蒙恩隆動手之供是與手刃其叔者有別張大統合照苗人讎殺例除自相抵斬外責令賠人仍斷牛馬羊隻爲燒埋之資蒙恩隆王朝相仍嚴行案緝獲日另結其張大綬雖係大統親弟讎殺之時早避隣司並未助力譚應鵬原係大統土目嚴詢本犯

無黔奏疏 卷之六 奏

供未同行相應免擬再照此案應提齊人犯逐名各取供定案但爛土司接壤生苗逸犯遠竄無處勾提且兵部侍郎臣庫勒納會議土司事宜因此案現在拏審俟審明

題結之日將該土司族中應襲之人聽該督撫查明題請承襲等因若此案一日不結則爛土長官未便議襲錢糧夫役專責無人貽誤非小不得不就現在人犯研審題請歸結者也臣謹會同雲貴督臣蔡毓榮合詞具題伏祈

皇上睿鑒

敕部議覆施行

康熙二十二年九月二十九日題十一月十一

日奉

旨該部議奏

無黔奏疏

卷之六

奏

巡撫貴州兼理湖北川東等處地方提督糧務都察院右副御史臣楊鼎建謹

題為報明逃人在衛脫逃事據署貴州按察使貴

西道叅政楊大觀詳前事該臣看得鎮遠衛疎

脫逃人鄭逢泰一案臣於康熙二十一年十二

月十七日將疎脫情由

題報隨行鎮遠協將營兵白現洲移解楚省與衛

役質審虛實後另將疎玩官弁指叅今准偏沅

撫臣移揭內稱鎮遠衛署弁雷思實疎玩之咎

不能為寬看守兵役封晚子廖以忠已經病故

撫黔奏疏

卷之六

堯

白現洲審供之後旋亦病亡無可究擬其鎮遠

協撥兵不慎之營弁聽臣具題等因臣查撥兵

不慎之營弁係鎮遠協千總蔣玉龍把總何祖

富也相應指叅臣謹會同雲貴督臣蔡毓榮貴

州提臣侯襲爵合詞具題伏乞

敕部查議施行

康熙二十二年九月二十九日題十一月十三

日奉

旨雷思實等着議處具奏該部知道

巡撫貴州兼理湖北川東等處地方提督糧務都察院右副御史臣楊鼎建謹

題為民思

聖澤均霑錢糧欲同免半詳請酌示以便遵守徵輸

事據掌印都司杜進梅詳該臣看得黔省本年

秋冬來年春夏應徵地丁正項錢糧既奉

上諭盡行蠲免已經奉文通行所屬惟是鎮遠偏橋

兩衛向隸湖南茲於劃清楚黔地界等事一案

議將兩衛地土錢糧割歸黔省臣已會同偏沅

撫臣題覆在案鎮偏二衛既歸黔省所有該衛

撫黔奏疏

卷之六

丰

原額應徵錢糧似應照黔例蠲免以廣

皇仁據都司杜進梅具詳前來臣謹會同雲貴督臣

蔡毓榮合詞題明伏乞

敕部議覆施行

康熙二十二年十月初一日題十一月二十六

日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲請

旨事該臣看得行查楠木杉木一案除黔屬貴陽等府州縣衛所查明並無楠杉木植亦無捐助之人已於本年八月初二日具題外其鎮遠偏橋二衛向隸湖南近歸黔省准偏沅撫臣咨移偏鎮兩衛地土錢糧既經割歸黔省其木植一項應在黔查報等因隨行布政司會同都司轉飭該衛確查有無楠杉木植去後據都司杜進梅

撫黔奏疏

卷之六

主

詳稱鎮遠偏橋二衛地方並無出產楠杉木植亦無捐助之人取具該衛冊結詳請咨題銷案前來臣覆查無異除冊結送部外臣謹會同雲貴督臣蔡毓榮合詞具題伏乞

敕部查照施行

康熙二十二年十月初一日題十一月二十六日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲稟報事據按察使李國亮呈詳該臣看得陳

德寰鎮遠屠行也本年六月初十日有楚客孫聘宇偕其同里脚夫吳祥美自鎮遠回楚德寰取有資囊卽帶屠刀尾後至兩路口商同逸犯何姓龍姓追及于馬場坡一路偕行晚同歇息次日至思州府屬傘相坡龍姓誘祥美前行德寰與何姓偕聘宇稍後四顧無人操刀相向遂斃聘宇之命搜其腰纏無幾又前追祥美幸沿

撫黔奏疏

卷之六

主

途有人不遭毒手行至等溪復同宿一店祥美密告店家三犯覺而先遁至十日德寰復回等溪探信隨爲鄉約塘兵拘獲歷經訊問德寰已承認無辭蓋以造謀而論聘宇自鎮遠起身德寰從而躡跡謂非德寰之謀不可以下手而論屠刀一把係德寰所帶據供至巖下吃水以大刀挨何姓小刀而何姓刺聘宇之脇德寰斷聘宇之喉行兇情跡供吐分明以得財而論聘宇行囊九十兩雖存無失其隨帶在身之銀一

十八兩訊據德宸供係八兩何龍二人分去六兩德宸止得銀二兩又得何姓褲子一床算作五錢是分贓又鑿鑿也謀命得財情真供確按律謀殺人因而得財者同強盜不分首從論皆斬陳德宸一斬非枉原分贓銀二十兩本犯既供花費應行鎮遠府查其屠肆有無家伙變價補給在逃二犯嚴審德宸據供何姓係江西人龍姓係靖州人實不知名應請通行嚴緝獲日另結其孫聘字遺資九十兩給伊子孫國安收

縣聘奏疏

卷之六

七

領歸葬吳祥美審屬無辜相應省釋既據該司招擬前來臣覆勘無異謹會同雲貴督臣蔡毓榮合詞具題伏乞

敕部議覆施行

康熙二十二年十月初一日題十一月二十六

日奉

旨三法司核擬具奏

巡撫貴州兼理湖北川東等處地方提督軍務都察院右副都御史臣楊雍建題為酌撥康熙二十三年兵餉事據布政使柯鼎詳該臣看得黔省各標鎮營經制官兵馬匹以及上下一十八站哨兵按數計算康熙二十三年分應需俸餉等銀共四十九萬七千八百四十八兩七錢八分零茲據布政使柯鼎彙造清冊詳請題撥前來除冊揭送戶兵二部外臣謹會同雲貴督臣蔡毓榮合詞題請伏祈

敕部酌撥施行再查加銜官弁增支俸銀黔省例係

縣聘奏疏

卷之六

七

照銜造冊請撥業於康熙二十一二十二兩年照加銜增支銀數入冊題請撥給在案相應一并題明

康熙二十二年十月初一日題奉

巡撫貴州兼理湖北川東等處地方提督軍務都察院右副都御史臣楊鍾經

題爲特糾貪暴防弁以肅法紀事據署貴州按察司糧驛道叅議勞之辨呈詳該臣看得革職干總陳占春貪暴一案奉

旨敕臣嚴提究擬遵行按察司審明招解經臣駁訊逐款親審如一欸苛索侯永錫及劉魁相六人銀兩侯永錫係店民占春以稽查來歷爲名三次共要銀八兩係張應元過付確供無疑受賍有據矣其劉魁雖供獻銀十二兩然過付之謝

撫黔奏疏

卷之六

奏

客長久已遠遁伊姪謝六又不知情其餘五名魁云不知名姓自難懸坐二欸詐稱催夫鎖拿頭人潘明元鄉民沈載蛟索受銀兩查明元載蛟俱各在逃占春止認責打明元十棍並無受銀之事被害之家既未赴質難以吹求也三欸勒索新興所書識徐運亨等六人銀兩查六人中劉德英在逃劉朝用已故而徐運亨朱應聘諸素抱李萬秀相供原索銀八兩唐馬交送非虛所當照追者也四欸刑鎖新興所千總柳九

苞妻弟李明達索受馬匹銀兩今李明達供馬

係當於彭二占春用銀贖回是彼此通融之事其銀八十四兩則又明達付占春代彼僱夫有站民任愛之等即時領出明達占春所供無異未可以入已之賍律之五欸通死民妻侯氏據該所千總柳九苞與鄉約頭人驗云病死且死者之家亦並無親隣人相赴証似屬無憑六欸扭鎖馬兵李成龍及百總徐受嚇詐銀兩據李成龍送銀十二兩有魏老虎過付徐受送銀六

撫黔奏疏

卷之六

奏

兩有張應元過付占春雖云將銀修城門柵欄並買布做旂校口稱辭而張應元不爲少諱入已何辭相應照追者也七欸責夾營兵賀二身死據供賀二告假違限被責三十棍越數日身死並未用夾雖非現責現死而占春殘酷之咎固難辭也八欸酷責訊兵姚芳茹索得芳茹傭工人男婦三口私收在署役使查姚芳茹已經病故據李先借稱責打之由與其私頂兵糧其男婦三口已送往安南不在占春衙內則無私

收役使之弊矣歷經訊勘計入已贓銀三十四兩陳占春所犯合依監臨恐嚇所部取財者依挾勢索強者以枉法論係有祿人三十兩律杖八十徒二年決杖發配各主贓銀非係自行首告相應入官又例載如係抑勒索詐取財者其說事過錢之人俱應照與財人免擬張應元相應無容議臣謹具題伏乞

睿鑒敕部議覆施行

康熙二十二年十月初三日題十一月十三日

題黔奏疏

卷之六

老

奉

旨該部核擬具奏

巡撫貴州兼理湖北川東等處地方提督軍務都察院右副都御史臣楊雍建謹

題為詳請劃清楚黔地界職掌以裨郵政事准兵

部咨該臣看得劃清楚黔地界職掌一案奉有

俞旨敕部確議臣准兵部咨開將平溪清浪二驛馬

匹總歸湖南驛道管理鎮遠偏橋二驛應歸黔

省夫馬糧料俱在黔省撥給至偏橋鎮遠二衛

地土錢糧割歸黔省并裁衛歸府之處令臣會

同偏沅撫臣確查定議具題等因隨咨會偏撫

并行貴州糧驛道查議去後茲准偏沅撫臣咨

題黔奏疏

卷之六

老

據湖廣都司造報偏橋鎮遠二衛荒熟田畝糧

石以及人丁折徵糧銀數目清冊移送到臣割

歸管理等因隨發糧驛道會同都司照冊收管

并將裁衛歸府之處確議詳報以憑會題據糧

驛道叅議勞之辨具詳前來查鎮遠府衛同城

應照原題將鎮遠衛裁去其驛馬一項歸府管

理至鎮遠衛地土錢糧應歸附郭之鎮遠縣管

轄經徵編入該縣由單之內仍聽該府督徵其

偏橋衛地土錢糧既歸黔省應令貴州都司查

明收管可也臣謹會同雲貴督臣蔡毓榮偏沅撫臣韓世琦合詞具題伏乞

皇上敕部議覆施行

康熙二十二年十月十一日題十一月十五日

奉

旨該部知道

黔奏疏

卷之六

堯

巡撫貴州兼理湖北川東等處地方提督軍務都察院右副御史臣楊雍建謹

題爲報銷康熙二十年分雜稅銀兩事據布政使

柯鼎詳該臣看得黔屬康熙十九年並二十年

分雜稅銀兩奉文行查十九年恢復之日不行

開徵並二十年缺少銀三千餘兩之處一并作

速查明加徵報部等因臣隨行布政司查明加

徵詳報去後今據布政使柯鼎詳稱黔省大中

小稅恢復之月日雖有先後不等無如地方險

遠並無商賈隨師而至貨既未通稅從何出如

黔奏疏

卷之六

全

銅仁府雖於十九年四月恢復其時大兵駐札

沅州逆賊尚踞鎮遠貴陽安順等府雖於十九

年十月十一月內恢復逆賊夏國相等尚踞平

大黔三府馬寶截踞遵義胡國柱截住永寧一

帶商賈聞風裹足誰肯樂趣直至二十年內客

販漸次入黔鎮遠銅仁江口等稅方於正月內

設局徵課貴陽安順等稅方於二月三月內設

局徵課至於葛因烏茶袁家棉花三岔六鹿鴨

池平遠大定黔西普安永寧畢節烏撒等稅或

境處偏僻或地居遙遠有在二十年三月內恢復者有在二十年五月內恢復者恢復既遲遠來客貨一時不能驟達方於五六七八九十等月以客貨過稅之日爲始陸續設局徵課總因黔省不通舟楫非如他省水陸交通凡大兵駐札之處一經恢復商賈無不湊集者可比所以前項雜稅銀兩實收實解止有九千八百五十七兩八錢二分零是十九年恢復之日以及二十年缺少銀數實苦於商販絕跡貨物不通無

撫黔奏疏

卷之六

全

從徵稅在前已無可徵今又何從可加再查黔省賦役全書內各稅雖開有每年應徵之數又下註有消長不一字樣非比腹裏鈔關稅局有一定之額數等緣由詳請具

題銷案前來相應據實具題伏祈

睿鑒敕部查照銷案施行

康熙二十二年十月十九日題十月二十八日

奉

旨該部議奏

巡撫貴州兼理湖北川東等處地方提督軍務都察院右副御史臣楊珣建密

題爲修葺大道以便軍民往來事據布政使柯鼎詳該臣看得在滇大兵旋京之期非敢懸揣因准鎮安將軍都統馬齊咨爲修葺大道等事內開倘在滇大兵旋京之日不無履踏艱難希行地方官將踏壞橋梁道路速行修葺等因隨檄該司道知照去後而布政使柯鼎竊慮大兵旋京之日或在貴州關支俸餉及喂馬草料銀兩亦未可知但貴州正項錢糧不過五六萬兩業

撫黔奏疏

卷之六

全

經蒙

恩賜半委實無項可支卽請撥協餉恐臨時解運不及又無滇餉截留豈不貽悞此該司所以懇懇預計詳請具題也我

皇上睿周萬里倘念黔省無可通融欸項改於錢糧充裕之地喂養回兵馬匹自無煩議及若仍欲在黔養馬請於撤兵之先一面

敕部將就近省分現在銀兩預撥十萬兩勒限赴黔以備旋兵俸餉喂馬草料之需庶不致臨期有

悞既據該司具詳前來相應題請伏祈

敕部議覆施行

康熙二十二年十月二十七日題十一月二十

七日奉

旨該部議奏

無黔奏疏

卷之六

全

經撫貴州兼理湖北川東等處地方提督軍務都察院右副御史臣楊雍建謹

題爲造報康熙二十年分考成屯賦錢糧事據都司杜進梅呈詳該臣查得康熙二十年分都司衛所錢糧考成奉文行查接催未完之都司杜進梅等七員未經開明接催月日行令查明扣算如限滿不完題叅到日再議等因臣行據貴州都司杜進梅詳稱查中樞政考內開接征官以文到之日爲始限半年催完如不完照初叅分數處分康熙二十年分考成照定例於康熙

無黔奏疏

卷之六

全

二十一年五月內造報之後於本年十月初十日奉行准戶部咨覆催徵是奉行之日卽該司等接催爲始之日照例扣算至康熙二十二年四月初十日限滿除續完外銀米合算仍未完不及一分者三員現任貴州都司杜進梅平壩衛現任委署守備任國政新添衛去任委署守備楊暉仍未完一分以上者二員赫聲守禦所現任今復委署千總黃順祖普安衛今奉斥逐去任委署守備王士梓仍未完二分以上者一

員興隆衛現任署守備單未烈仍未完五分以
上者一員畢節衛現任署守備張鵬翼合聽部
議據該司詳稱接催未完銀米內有未寧畢節
赤水烏撒普安普市安籠等衛所人民死絕無
徵銀米原叅之案有無徵虛坐考成分數且有
赦前

赦後之分前報續完冊內已經分晰若論限滿仍有
未完照原叅處分則進梅與鵬翼受此無徵之
罰等語此未完各員內都司杜進梅及畢節衛

撫黔奏疏

卷之六

七

現任署守備張鵬翼應否原情寬議再查考成
冊內所開杜進梅等九員疏內又稱八員之處
查赫聲守禦所經徵官原係委署千總黃順祖
因部推千總劉光祚到任接徵因病休致復委
順祖帶徵所以考成冊開有經徵帶徵兩項之
別其實先後總屬順祖一人故按冊欸則有九
員之名按人數止有八員之實合併聲明其仍
未完銀米現在嚴催續完另報臣謹會同雲貴
督臣蔡毓榮合詞具題伏祈

府鑒勅部議覆施行

康熙二十二年十一月初九日題十二月十三
日奉

旨該部知道

撫黔奏疏

卷之六

八

巡撫貴州兼理湖北川東等處地方提督軍務都察院右副都御史臣楊鍾建謹

題爲強賊行劫事據署按察司根驛道叅議勞之
辦詳到臣看得旗丁李孫等行劫崔宗泰一案
准刑部咨移奉

旨李孫韓國良柱兒胡士納愛兔和尚黑子南常郭
麻子李二莽張三瞎子秦四閭大不必解部着
就彼正法楊福臣三兒俱着卽處斬梟示欽此
但未奉部文之先因原任駐防貴州副都統莫
達領兵回京咨稱李孫等旗丁應帶回京于本

奏疏

卷之六

全

年九月二十日將李孫韓國良柱兒和尚三瞎
子南常莽張閭大秦四李二共十名交鑲白旗
委夸蘭大覺羅瓦爾大帶去將愛兔胡士納郭
麻子共三名交正紅旗外委先鋒營夸蘭大益
壽帶去俱各枷鎖交明取有清檔在案當卽咨
明兵刑二部去後今奉文正法但各犯俱已交
帶回京應聽內部發落外所有未領去之黑子
民入楊福臣三兒共三名隨卽行據署按察司
根驛道叅議勞之辦詳據署新貴縣事布政司

經歷胥秀署貴陽城守營中軍守備李成功于

康熙二十二年十一月初五日鄉赴市曹處斬
梟示訖所有監斬官職名並處斬日期理合題
報其案內審非行劫之逃人孫二僱工不知情
之米么作何發落續獲解到之馬四回子應否
解部統祈

睿鑒敕部議覆施行

康熙二十二年十一月十七日題二十三年正
月二十七日奉

奏疏

卷之六

全

三法司知道

巡撫黃州兼理湖北川東等處地方提督軍務都察院右副都御史臣楊乘建疏

題爲特叅貪婪署官以肅吏治事竊惟黔地甫出湯火所在凋殘全賴良有司加意拊循窮黎方有起色臣於各屬員諄切告誡不啻再三乃有委署黃平縣事按察司經歷吳延庚署事未久穢跡彰聞斷難一日姑容以爲民害茲據司道府揭報與臣訪聞無異謹開列事款爲我皇上陳之

計開

謹將奏疏

卷之六

全

署平越府黃平州事按察司經歷吳延庚劣蹟

係布政司柯鼎署按察司事糧驛道叅議勞

之辨平越軍民府以同知管知府事裴天錫

揭報

一本官于康熙二十二年七月二十二日署任

勒索五里排年見面銀共六十兩原差朱應

垣總里楊國相証

一黃平州人任朝聘楊楨承應本年分九月夫

役本官勒索點夫紅銀四十兩蠹役徐永龍

劉廷楨過付州人任朝聘楊楨証

一差役周國林拿康熙二十一年二十二年各

里長里長不到本官將國林責打枷號以致

國林將五歲女當銀五兩交蠹吏劉承名送

進釋放周國林証

一本官借船經過新屬重安城二土司地方勒

索過山銀一百兩里民張文煥証

一差吏楊維漢送病馬還鎮遠縣在途倒斃本

官將維漢送監維漢賂馬價銀十二兩本人

謹將奏疏

卷之六

全

証

一本官私派里下轎傘折乾銀十二兩工房劉

廷楨過付里長楊國相証

此一官者借署篆以攫金倚蠹役爲心腹廉隅

罔飭民怨沸騰所當請

旨革職與有名蠹役一併提問究擬者也臣謹會同

雲貴督臣蔡毓榮會疏題叅伏祈

敕部施行

康熙二十二年十一月二十七日題二十三年

正月二十七日奉

旨這所叅吳延庚着革了職其貪婪各款並本內有名蠹役該督嚴提究擬具奏該部知道

撫黔奏疏

卷之六

全

巡撫貴州兼理湖北川東等處地方提督軍務都察院右副都御史臣楊璠謹

題爲城守營兵乘機等事據署貴州按察使糧驛道叅議勞之辨詳該臣看得石阡營革職守備蔡球等縱兵爲盜一案臣准刑部咨查承審各官將蔡球等不照例熱審減等又不行折贖令臣查取各官職名具題到日將臣一併交與吏部議等因隨行查取承審各官職名去後今據署按察使糧驛道叅議勞之辨詳稱查得承審者係值季石阡府龍泉縣知縣祖光佩也覆訊轉詳者係原任按察使今丁憂去任李國亮也相應開列職名聽候部議伏乞

睿鑒施行

康熙二十二年十二月十一日題二十三年正月二十九日奉

旨該部知道

撫黔奏疏

卷之六

全

撫黔奏疏卷之六終

中央民族
學院圖書
館藏書

巡撫黃州兼理湖北川東等處地方提督黃務都察院右副都御史

題爲奏銷駐黔大兵餉銀事據布政使柯鼎詳稱該

臣看得布政使柯鼎造報奏銷冊開康熙二十

一年分支過駐黔大兵喂馬草二百萬二百六

十四束每束折算二分該銀四萬五兩二錢八

分稻穀一十二萬一十五石八斗四升每石折

算八錢該銀九萬六千一十二兩六錢七分零

共折銀一十三萬六千一十七兩九錢五分零

今奉部文駁查大兵原係一半本色一半折給

奏疏

卷之七

一

今稻穀草束俱全折給價值浮冒比先年貴價

具題開銷不合令臣將穀草價值嚴行核減具

題到日再議等因隨行該司將穀草折給價值

嚴行核減去後今據布政使柯鼎詳稱查大兵

入黔以來無論進剿凱旋駐防喂養馬匹支放

草料價值俱照總理糧餉學士佛倫等折給之

數每穀一石折銀八錢每草一束折銀二分並

無更改增減十九二十兩年俱照此數報銷在

案今奉部文開載大兵原係一半本色一半折

給查黔省從前支放大兵草料俱係一例支給

並未奉有半本半折之部文何敢妄爲更改且

黔省穀價比年以來每石從未至一兩以下又

何敢擅爲呈請買給本色且支放大兵喂馬草

穀價值實係照例支發官兵親身領過銀兩無

從核減俯賜

題請照例准銷等因前來臣覆查無異相應具題

至於湖南邊界各站接收倒斃馬匹月日俟糧

驛道查明詳報到日另文咨部查核合併聲明

奏疏

卷之七

二

伏乞

府鑒敕部核銷施行

康熙二十二年十二月十一日題二十三年正

月二十八日奉

旨該部知道

巡撫貴州兼理湖北川東等處地方提督軍務都察院右副都御史臣楊鼎建謹

題爲呈請報滿事據布政使柯鼎署按察使根驛

道叅議勞之辨公詳該臣看得提學道錢捷兩

試已竣例應報滿造具所行事實及剔除十弊

欵項清冊具詳前來臣批行布按兩司會同核

議去後茲據布政使柯鼎署按察使根驛道叅

議勞之辨詳稱該道視學黔省適當地方恢復

之初振興文教矢慎矢公鑑衡不爽文武兩闡

中式類多首拔之士至其釐剔積弊俱係實心

馬駟奏疏

卷之七

三

實政誠文衡中之公明尤著者詳請保題以備

擢用等因臣覆核無異除冊送部科外謹會同

雲貴督臣蔡毓榮循例保

題伏乞

睿鑒敕部議覆施行

康熙二十二年十二月十一日題二十三年二

月初六日奉

旨該部議奏

巡撫貴州兼理湖北川東等處地方提督軍務都察院右副都御史臣楊鼎建謹

題爲詳請

題明考試事據提學道僉事袁時中詳該臣看得

學道到任先行歲考後行科考例也該道袁時

中於本年十二月內到任距甲子秋開屈指不

過數月若先行歲考勢必以歲作科又補行歲

考相沿不變則黔省歲考無已時矣據該道詳

請

題明先行科考後歲似屬長便其武生童定例歲

馬駟奏疏

卷之七

四

科併爲一考合無將武生童於明年歲考一次

以充科舉其歲考文生童時不必再考以符歲

科併爲一考之例等因具詳前來臣謹會同雲

貴督臣蔡毓榮合詞題明伏祈

敕部查照施行

康熙二十二年十二月十八日題二十三年二

月初一日奉

旨該部議奏

巡撫貴州兼理湖北川東等處地方提督雲貴總督院右副都御史臣楊雍建

題為詳明續報新墾田地請祈

題達刊入由單一體起科事據布政使柯鼎詳該

臣看得黔屬平大黔威等府衛所康熙二十二年分開墾新荒地議於來年起科經兵部侍郎庫勒納會議具

題在案除各令刊入康熙二十三年由單起科外

今據布政使柯鼎詳據威寧府續報康熙二十

二年分開墾新荒田一百二十五畝開墾過新

詳請奏疏 卷之七

五

荒地三百一十三畝五分應照會

題事例刊入康熙二十三年由單一體起科等因

具詳前來伏祈

睿鑒敕部查明施行

康熙二十二年十二月十八日題二十三年二

月初六日奉

旨該部知道

巡撫貴州兼理湖北川東等處地方提督雲貴總督院右副都御史臣楊雍建

題為由單田畝并錯州官朦混可駭據實指參請

乞

敕部議處事竊照黔省康熙二十二年分由單遵奉

部文暫照康熙二十一年分由單因改換單頭

年分刊刻據布政司彙呈吞達部科在案准戶

部咨查

聖賢名宦祭田等項一案行據布政司造冊前來臣

將由單數目查對冊開廣順州額田四萬一千

詳請奏疏 卷之七 六

一百九十九畝至該州康熙二十二年分由單

則開載額田四萬一千二百九十九畝彼此數

目不符遂行布政司柯鼎確查去後據該司詳

稱康熙二十二年分由單在二十一年十月內

刊造查未刊造之先本司已遵例入

覲今奉行查廣順州原額田實止係四萬一千一百

九十九畝康熙二十二年分由單刊載原額田

四萬一千二百九十九畝查對康熙二十年二

十一年由單額數委多載額田一百畝其實在

田畝及應徵錢糧仍與二十一年由單相符等語夫由單刊載田畝錢糧數目頒發紳衿小民使家諭戶曉者所以杜額外科徵之弊豈容絲毫舛錯今該縣由單多載田一百畝雖云實在田畝及應徵錢糧仍與二十年二十一年由單相符然朦混之咎不能為廣順州知州張良庚寬也除一面行司嚴查該縣官吏有無借多載額外之田溢徵情弊外相應糾叅聽部議處再查原署布政司事糧驛道叅議勞之辨貴陽軍

撫賚奏疏

卷之七

七

民府以同知管知府事汪燾未經查實均屬疎忽合併指叅伏祈

睿鑒敕部查議施行

康熙二十二年十二月十八日題二十三年二月初一日奉

旨張良庚等着議處具奏該部知道

巡撫貴州兼理湖北川東等處地方提督軍務都察院右副都御史臣楊雍震

題為慶賀事據布政使柯鼎詳該臣看得康熙二

十三年三月十八日恭逢

皇上萬壽所有慶

賀表文例應道員賁捧據布政司柯鼎詳稱黔省止有三道提學道專司考試秋開伊邇拮据不遑糧驛道現署臬篆專管通省糧驛目今運送家口夫役口糧日逐料理貴西道彈壓苗彝修理盤江橋是其專責必須躬親整理勢不能分身

撫賚奏疏

卷之七

八

賁捧請照往例選擇府佐代

進前來除委黔西府通判劉洵賁捧外所缺道員

緣由臣謹會同雲貴督臣蔡毓榮合詞題明伏

乞

敕部查明施行

康熙二十三年正月十八日題二月十五日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為詳請劃清楚黔地界職掌以裨郵政事據貴州提學道僉事袁時中呈詳該臣看得劃清楚黔地界職掌一案將平溪清浪二衛驛事歸湖南管理鎮遠偏橋二驛應歸黔省其鎮偏二衛地土錢糧割歸黔省并裁衛歸府之處臣已會同雲貴督臣蔡毓榮偏沅撫臣韓世琦具

題在案惟查平溪清浪二衛生童向來在黔就近

考較今二衛驛站錢糧既歸湖南管理則考試

奏疏

卷之七

九

之事亦應改歸楚省以清地界職掌者也茲據學道袁時中具詳前來臣謹會同雲貴督臣蔡毓榮護理偏撫印務湖南布政司臣張合詞具題伏乞

敕部議覆施行

康熙二十三年正月十八日題二月十五日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為憤賊夥黨等事據署按察司糧驛道叅議勞之辨詳該臣看得行劫冉學周案內強賊羅大相奉

旨着卽處斬欽遵行據署按察司糧驛道叅議勞之辨據署新貴縣事布政司經歷胥秀報稱於本年十二月十一日會同署貴陽城守營守備李成功將強賊羅大相綁赴市曹處斬訖所有監斬官職名及處斬日期相應

奏疏

卷之七

十

題報至未獲贓物俟該司查明羅大相有無家產變價賠還失主具報到日另文報部其逸賊王矮子等十一名嚴行該司緝獲另結合併聲明伏祈

睿鑒敕部查照施行

康熙二十三年正月十八日題二月十四日奉

旨三法司知道

巡撫貴州兼理湖北川東等處地方提督糧務都察院右副御史臣楊乘建謹

題爲奏銷收支餉銀事據布政使柯鼎詳該臣看得布政使柯鼎冊報折給大兵草束銀兩多開銀一千七百六兩四錢准戶部咨駁或有希圖侵蝕情弊應咨該督撫嚴查題叅等因隨嚴行該司確查多開銀兩有無侵蝕情弊去後茲據布政使柯鼎詳稱折給副都統莽吉祿在貴陽喂馬草束銀兩實共支一萬一百八十九兩六錢並無一萬一千八百九十六兩之數今查對

奏疏

卷之七

七

庫內存案紅簿及報銷原冊撒數的係每束折銀二分與應支銀兩原數符合止緣新募經承不諳算法錯認算予以百訛千以十訛百以兩訛十以錢訛兩悞將一百八十九兩六錢錯寫作一千八百九十六兩致冊內總數多銀一千七百六兩四錢將該承嚴加刑訊實係錯寫並無希圖侵蝕情弊所稱流充二十一年兵餉者查自康熙十九年十月起至二十一年六月止供應進征滿漢官兵銀兩既經彙冊報銷此項

錯寫銀兩仍然在庫如不歸入項款將來恐無着落故請作十九年二十年收支存剩項下流充二十一年兵餉銷算等因此項多開銀兩布政使柯鼎雖稱無希圖侵蝕情弊然疎忽之咎實所難辭仍聽部議又查取進征綠旗官兵并招撫官張光岳等俸餉乾銀印領行據該司詳稱當日支給錢糧原取有各官印領墨領並未有不取領狀卽行支給之事緣彼時黔省初復凡支給綠旗進勦兵馬錢糧未奉有取領達部

奏疏

卷之七

七

之通行是以止取據各官備案領狀一套未經取具達部領狀今奉部文行取印領具題查進征綠旗官兵恢復之後或調回原汛或解散歸農前項印領未能復取相應將備案印領墨領送部查考但彼時進勦方殷兵餉刻不容緩但照投到領狀按照支給及奏銷之外查對原領每多不合體式數目俱照應支實數造冊報銷合將備案原領并原領與奏銷不符之處逐款登咨另冊開明清數及原奉大將軍貝子賞土

司阿五銀三百兩諭帖另文呈送等因除冊領
送部外所有奉查多開銀兩情由臣謹會同雲
貴督臣蔡毓榮合詞題叅仰祈

敕部議覆施行

康熙二十三年正月十八日題二月十五日奉
旨該部知道

無駭奏疏

卷之七

七

巡撫黃爾兼理湖北川東等處地方提督兼都察院右副御史臣楊秉璽

題爲軍務事據布政司柯鼎詳該臣看得湖南解
送銅仁餉銀折支官兵馬匹豆草價值并採買
米石價銀准有部咨令臣嚴加核減去後茲據
布政使柯鼎詳稱查副都統麟吉祿統領八旗
官兵馬匹自康熙十九年七月二十八日到銅
仁府起至八月初四日止計六日共支豆一千
八百八十一石九斗六升每豆一石折支價銀
七錢五分共折支銀一千四百一十一兩四錢
七分係照湖南辰常大兵每豆一石折銀七錢
五分之例支給又應支草束七日二十八二十
九兩日共支過草二萬九百八束每草一束折
支價銀一分二釐共折支銀二百五十兩八錢
九分六釐係照湖南下半月每草一束折銀一
分二釐之例支給又八月初一日起至初四日
止計四日共支過草四萬一千八百四束每草
一束折支價銀一分一釐共折支銀四百五十
九兩八錢四分四釐係照湖南上半月每草一

無駭奏疏

卷之七

七

束折銀一分一釐之例支給其八月初五日起
至九月十六日止共計七十一日大小草料不
等共支過豆三萬三百四十三石五斗二升每
豆一石折支價銀一兩六錢每草一束折支價
銀二分之例支給此項豆草價值俱係眼同戶
部噶喇大飭書蘭珠等報定湖南從無舊例及
偏撫咨移新准部覆定例照數支給各官兵親
身領去絲毫並無短少凡自康熙十九二十年
年征進滇黔以及二十一年凱旋回京大兵并

黔黔奏疏

卷之七

五

駐防黔省滿兵俱照此題定之例折支取獲印
信滿檔造冊彙報已蒙內部准銷遵奉在案至
若動銀二千八百七十九兩二錢三分買米二
千二百十四石七斗九升零時值新闢之地人
民未歸零星收買以濟輓運每米一石止用價
銀一兩三錢因採買無多方勘論而然且當
時糧驛道請銀召買每米一石價銀一兩三錢
五分零造冊報銷業奉內部查覆米價相符在
案本司買米價值係照偏撫部院咨文而行較

貴州糧驛道報銷價值每石尚少五分有零此
折支採買二項銀兩原無浮冒實無從核減亦
無有追還伏乞請明一例准銷等因具詳前來
臣覆查無異相應具題仰祈

敕部核銷施行

康熙二十三年正月十八日題二月二十五日
奉

旨該部知道

黔黔奏疏

卷之七

六

巡撫貴州兼理湖北川東等處地方提督軍務都察院右副都御史臣楊雍建謹

題爲籌計來歲兵糧事該臣看得部撥兩浙康熙

二十二年鹽課銀十萬兩解黔採買軍精臣于

康熙二十二年十一月二十四日准浙撫臣并

巡鹽御史臣遴委許邨場大使張爾琯管解到

黔隨發糧驛道彈收去後今據糧驛道叅議勞

之辨詳稱實收銀九萬八千九百一十二兩二

錢尚輕少銀一千八十七兩八錢等因除輕少

銀兩移咨補解外所有收明銀數解官姓名到

撫黔奏疏 卷之七

七

黔日期相應

題報仰祈

敕部查照施行

康熙二十三年正月十八日題二月二十五日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲申繳文憑事據布政使柯鼎詳該臣看得新

陞平遠府知府孫奏憑限康熙二十二年十月

初九日到任於本年十二月二十一日到任計

違限兩個月零十一日據布政使柯鼎詳稱該

府行至河南開封府臨潁縣墜馬跌傷延醫調

治取有臨潁縣印結醫官結狀并原領文憑申

繳前來查該府違限有因除將文憑印結分送

部科外臣謹具題伏乞

撫黔奏疏 卷之七

末

候部議覆施行

康熙二十三年正月十八日題二月二十五日

奉

旨吏部議奏

巡撫貴州兼理湖北川東等處地方提督都察院右副都御史臣楊璉建

題爲報警事據署按察司糧驛道叅議勞之辨呈
詳該臣看得犯人王以得自刎一案奉部行查
看守王以得之守備畢國龍當以得自刎之時
或加肘鎖或係散放并有無故縱情弊令臣查
明再議等因臣於未奉部文之先據司詳稱王
以得交守備畢國龍收管加以肘鎖撥兵看守
本犯自慮罪重自刎等因隨於本年閏六月初
二日題明在案聽候部議續奉部文行查復檄

無黔奏疏

卷之七

九

該司再加詳查去後據署按察司事糧驛道叅
議勞之辨詳稱准提臣侯襲爵照會查明王以
得自刎之時係原署中軍李嘉謨并安順府知
府汪世印普定縣知縣孫國輔公同驗明帶有
肘鎖並未散放畢國龍委非故縱等因既據該
司查明詳覆前來臣謹具題伏乞

敕部查照施行

康熙二十三年二月十一日題三月十一日奉

旨該部知道

巡撫貴州兼理湖北川東等處地方提督都察院右副都御史臣楊璉建

題爲進貢紅銅事據布政使柯鼎呈詳該臣看得
進貢紅銅一案准戶部咨開黔地不產紅銅鉛
錫亦無捐助之人應無容議後有情愿捐助者
該督撫准其捐助報部仍行該撫將逾限月日
扣算明白題叅等因隨行該司查取職名去後
據布政使柯鼎詳稱此案遵奉檄催各府屬因
奉有一體欽遵之部文未曾開收具題字樣以
爲不在常限之內又須查明各屬土司有無捐

無黔奏疏

卷之七

十

助而所屬多係苗民不得不加周詳今奉查取
違悞職名理合扣算文到月日開列職名造冊
前來查此案於康熙二十一年十月二十五日
奉到部文除封印開印二十二日不計外應扣
至康熙二十二年三月十七日四個月限滿除
平越黎平鎮遠貴陽四府於限內具結回覆不
違限期查署平遠府事本府通判王廷獻違限
一個月零三日黔西府以同知管知府事端木
象震違限一個月零五日都勻府以同知管知

府事劉茂洛違限一個月零五日安順軍民府以同知管知府事汪世印違限一個月零十四日大定府以同知管知府事張弘傑違限一個月零十五日署威寧府大定府已故通判張可建違限一個月零二十三日署銅仁府事貴陽府同知白邦傑違限一個月零廿四日石阡府革職知府聶世棠違限二個月零一日思南府知府姜登高違限二個月零一日思州府知府陸世楷違限三個月零九日署布政司事根驛

無黔奏疏

卷之七

三

道叅議勞之辨違限三個月零八日布政司柯鼎自康熙二十二年六月二十六日復任起至本年閏六月十六日回詳計違限十九日以上各員相應照先後回報日期分別指叅聽部議覆除清冊送部外臣謹會同雲貴督臣蔡毓榮合詞具題伏乞

敕部查議施行

康熙二十三年二月十一日題三月十四日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建題為微臣仰繹

綸音等事據布政使柯鼎詳該臣看得平遠黔西三府改爲二州各設知州一員學正一員所有該州並儒學印信相應鑄給茲據布政使柯鼎造冊詳請具題前來臣謹會同雲貴督臣蔡毓榮合疏

題請其應繳平遠黔西二府印信并經歷司儒學教授司獄司各印信另文咨部查銷合并申明

無黔奏疏

卷之七

三

伏乞

敕部查照施行

康熙二十三年二月十一日題三月十四日奉

旨該部知道

巡撫貴州兼理湖北川東等處地方提督軍務都察院右副御史臣楊鍾建謹

題爲造報康熙二十年等事據布政使柯鼎呈詳

該臣看得康熙二十年分魚課等銀四十七兩

七錢三分冊內開寫存貯又開未完銀一十三

兩五錢准戶部咨令臣將造冊舛錯各官查明

題叅隨行布政司查取各官職名未據詳報臣

因藩司爲錢糧總匯將布政司柯鼎以舛錯題

叅復准部咨以造冊舛錯司官州縣俱有處分

之例或係柯鼎舛錯或係府州縣官舛錯之處

據黔奏疏

卷之七

電

令臣查明題叅到日再議等因行該司查去

後茲據布政使柯鼎詳稱前項魚課等銀未完

之數係補解到司緣新募書辦不諳僅將四柱

冊內改正開寫存貯其完欠冊內竟未改作已

完遂致兩冊互異雖誤在書辦而舛錯實在本

司自與屬員無涉等語該司既經承認其府州

縣無容議及舛錯之咎不能爲柯鼎寬也相應

指叅伏乞

睿鑒敕部議覆施行

康熙二十三年二月二十二日題三月二十六

日奉

旨該部知道

據黔奏疏

卷之七

電

巡撫貴州兼理湖北川東等處地方提督軍務都察院右副都御史臣楊雍釐

題為稟報事據署按察司根驛道叅議勞之辨詳

稱該臣看得逃人張一山脫逃一案准兵部督

捕咨開威清衛違例少差解役并逃人董大如

何完結情由令臣查明具題等因隨行按察司

查明去後據署按察司事權驛道勞之辨詳稱

違例少差解役係前任威清衛守備沈德智任

內之事據供彼時大兵凱旋軍需夫馬緊急經

制衙役止有六名分身難以答應是以遞解逃

無庸奏疏

卷之七

五

人張一山董大差役二名押解等語查沈德智

已經別案革職合聽部議至逃人董大已經貴

州衛解交龍里縣取有收管遞解前行訖查此

案於康熙二十二年九月初九日准到部文署

司事根驛道叅議勞之辨於本年二月初九日

具詳計違限一個月零十一日除封印開印日

期外止違限十七日至臣繕疏拜發又逾三日

合并聲明伏乞

睿鑒敕部查照施行

康熙二十三年二月二十二日題三月二十六

日奉

旨該部知道

無庸奏疏

卷之七

六

巡撫貴州兼理湖北川東等處地方提督事務都察院右副御史臣楊雍建謹

題為呈繳文憑事據布政使柯鼎詳該臣看得貴

州衛經歷黃如瑾憑限康熙二十一年十二月初一日到任遲至康熙二十三年二月初六到

任計違限連閏一年三個月零四日據布政使

柯鼎詳稱據該經歷報稱康熙二十一年五月

內領憑起程七月間路由江寧驚聞母病具呈

江蘇撫臣懇請終養咨部康熙二十二年九月

十三日吏部咨覆不准終養仍令赴任於十月

撫黔奏疏 卷之七

十一日文到十六日由江寧起程取有江寧

陽縣開具本官新奉部咨月日及違限有因印

結并原領文憑申繳前來除印結文憑送部科

外相應題明伏乞

敕部查照施行

康熙二十三年二月二十二日題三月二十六

日奉

旨吏部知道

巡撫貴州兼理湖北川東等處地方提督事務都察院右副御史臣楊雍建謹

題為請

旨事據糧驛道叅議勞之辨呈詳該臣看得遞送軍

前馬匹黔省倒斃七百一十五匹追賠一案臣

以勒限追賠黔屬官民剝骨難填疏請按年賠

補部覆每年賠馬二百匹撥入驛站扣價報部

奉旨

諭旨欽遵在案至於鎮遠偏橋二衛倒斃馬匹准有

部咨令臣普洛偏鎮二衛照數追賠等因并據

撫黔奏疏 卷之七

該道遵行去後茲據根驛道勞之辨詳稱鎮遠

二衛倒斃馬匹在先割附黔省在後理應問之

湖南但既奉文鎮偏二衛已歸黔省應黔省追

賠查鎮偏二衛共倒斃馬一百八十四匹亦難

以勒限追賠應俟黔省倒斃馬七百十五匹按

年賠完之後再將鎮遠偏橋二衛倒斃馬一百

八十四匹接續賠補通共賠補倒斃馬八百九

十九匹之數撥入驛站扣價報部等因呈請題

明前來臣謹會同雲貴督臣蔡毓榮合詞具題

伏乞

睿鑒敕部查照施行

康熙二十三年二月二十二日題三月二十七

日奉

旨該部知道

撫黔秦疏

卷之七

三

巡撫貴州兼理湖北川東等處地方提督兼理都察院右副都御史臣楊鍾璽

題為造報康熙二十年等事據布政使柯鼎呈詳

該臣看得康熙二十年分

表箋曆日等項存留銀共八百四十兩七錢冊開

支用銀三百七十八兩九錢五分扣解司庫銀

四百六十一兩七錢五分准戶部咨查解司項

下並無開有此項銀兩令臣將未經起解錢糧

捏報起解各官題參隨行布政司查取各官職

名未據詳報臣因藩司為錢糧總匯將布政司

撫黔秦疏

卷之七

三

柯鼎以捏報題參復准部咨查捏報起解司府

州縣俱有處分之處或係柯鼎捏報或係府州

縣官捏報之處令臣查明題參再議等因復行

該司確查去後茲據布政司柯鼎詳稱黔省新

闢案牘無存半留半裁

表箋曆日等銀於未奉部文之先各府州縣衙所

俱照舊例全留於康熙二十年八月內奉有部

咨粘單內開

表箋曆日全留文廟祭祀半留半裁遵行各屬應

裁銀兩照數扣解及造冊之時有解到者亦有未經起解到者因其俱係已徵在官未奉部文之先用過之銀不便造入考成冊內是以另立一冊分晰應留應解數目以別存留與起解之不同冊內所開實扣解字樣係實應扣解非謂實已扣解仰此不會開入解司庫項下則另冊所開實扣解者並非捏報本司不敢卸責於屬下並不敢自認捏報如謂造冊含糊疎忽之咎甘心自認等語布政司柯鼎雖不自認捏報但

撫黔奏疏 卷之七

三

實應扣解情由冊內未經聲明自咎有難辭仍應指叅該司既稱不敢卸責屬員其府州縣無容議及伏乞

睿鑒敕部議覆施行

康熙二十三年二月二十二日題三月二十六

日奉

旨該部知道

巡撫貴州兼理湖北川東等處地方提督事務都察院右副都御史臣楊雍建謹題為銜郡需才甚急等事據布政使柯鼎署按察司事糧驛道叅議勞之辦公詳到臣該臣看得鎮遠府知府王清遠由黃州衛守備向在軍前屢著成效於康熙十九年十月內因鎮遠一府地當貴州門戶進征在卽亟籍能員料理經臣等會題將王清遠委授鎮遠府知府隨准部覆允其委補俟三年後如有稱職實績之處該督撫保題准其實授等因奉有依議之

撫黔奏疏 卷之七

三

旨欽遵在案今據布政使柯鼎署按察司事糧驛道叅議勞之辦公詳稱該府克稱厥職事皆實政造具事實清冊申請保題前來臣覆查本官歷任已滿三年奉公守法潔已愛民才能稱職除將事實清冊送部查核外臣謹會同雲貴督臣蔡毓榮合詞保題伏乞

敕部議覆施行

康熙二十三年二月廿七日題四月初三日奉

旨該部知道

巡撫貴州兼理湖北川東等處地方提督軍務都察院右副都御史臣楊建德謹

題爲奏銷凱旋大兵支過口糧事據糧驛道叅議勞之辨呈詳該臣看得康熙二十一年召買凱旋官兵口糧價值一案准戶部咨恐經手採買官員將價值浮冒具報行臣嚴查核減據實具題等因隨行該道嚴查核減去後據糧驛道叅議勞之辨詳稱遵行經手採買各官安順府平越府等將前項米價嚴加核減據各具文回報前來查康熙二十一年正月起到本年六七月

撫黔奏疏

卷之七

三

止其時旋師雲集供億浩繁民間糶賣罄盡米如珠俱用現價鼓舞苗民遠入山箐肩挑背負運至軍前其初市價每石三四兩之間迨後每石價至六七兩八兩不等屢飭經手各官加意核減每日發價自一兩八錢至二兩八九錢三兩而止因時因地逐漸增加合計共用銀六萬兩買米二萬二千二百五十石每石不過價銀二兩七錢之數彼時夏秋之間米價騰貴有銀無買各路回兵萬目共覩委無浮冒可以再

行核減臣覆加駁查該道又稱發買之時業照市價大爲核減在經手官員尚苦不敷今又何從核減等因臣覆查無異謹會同雲貴督臣蔡毓榮合詞具題伏乞

敕部查銷施行

康熙二十三年二月二十七日題

奉

旨該部知道

撫黔奏疏

卷之七

四

巡撫貴州兼理湖北川東等處地方提督軍務都察院右副都御史臣楊鼎建謹

題爲捐俸報

國永供正賦事據布政使柯鼎呈詳該臣看得黎平府屬龍里司土官楊勝梯呈稱始祖有養廉食米一十二石又招撫生苗認納苗糧一十八石七斗該上官傳食有年今自願捐報作爲正供於二十四年起徵雖爲數無多亦見上司急公之意茲據布政使柯鼎詳請

題明以便增入康熙二十四年分由單內照數徵

撫黔奏疏

卷之七

三

輸等因前來臣謹據詳具題伏乞

敕部查照施行

康熙二十三年三月十五日題四月十九日奉

旨該部議奏

巡撫貴州兼理湖北川東等處地方提督軍務都察院右副都御史臣楊鼎建謹

題爲欽奉

恩詔事據糧驛道叅議勞之辨詳該臣看得欽奉恩詔事一案將驛站錢糧裁減四分省准復二分在直隸各省向經裁減四分今則准復二分矣至黔省驛站錢糧先兩次經臣具題請照舊十分存留部覆以裁四錢糧應於康熙二十一年裁減等因具題奉

旨黔省爲賊盜所苦且大兵現在雲南着于康熙二

撫黔奏疏

卷之七

三

十二年起裁減欽遵在案是以黔省驛站錢糧

遵奉

諭旨康熙二十二年以前照舊十分存留報銷在案

今欽奉

恩詔將十分裁四者准復二分在黔省先係十分存留白應裁減二分方與直隸各省准復二分之一事例相符先准部咨業經行令該道繕造清冊經臣具

題今復准部咨云冊內止將夫馬工料等項銀裁

二其買馬廩糧等銀作何裁減之處未經聲明
又平溪清浪二驛已歸并湖南冊內復行造入
不便遽議行臣逐一查明另造清冊去後今據
糧驛道叅議勞之辨呈詳並所造清冊內開黔
省貴陽皇華等二十六驛一十八站內除平溪
清浪二驛歸并湖南外計額支夫馬工料銀共
該二萬三千二十八兩今裁二該裁銀四千六
百五兩六錢實係存銀一萬八千四百二十二
兩四錢至于買馬廩糧等銀查康熙二十一年
撫黔奏疏 卷之七 奏

奏銷冊內共支用過銀三萬二千一百三十一
兩業經准銷在案黔省山高路險馬匹易於倒
斃每年賠補數目不等卽價值亦難盡一其廩
給口糧銀兩俱照勘合火牌應付歷年支多報
多支少報少原非額定勢難照夫馬工料等項
一例裁減等因到臣覆核無異合無仰懇
皇仁念黔省一線衝途並無僻驛原與直隸各省驛
兼衝僻者不同將前項買馬廩糧等銀或照舊
存留或照直隸各省作何裁減之處黔省遠在

天末不得而知伏乞

敕部核奪著爲遵守除冊送兵部外理合題明仰祈
敕部察核施行

康熙二十三年三月十五日題四月十九日奉

旨該部知道

撫黔奏疏

卷之七

奏

經撫貴州兼理湖北川東等處地方提督軍務都察院右都御史臣楊秉璽

題為造報康熙十九年等事據布政使柯鼎呈詳

該臣看得康熙十九年地丁錢糧完欠并收支

各款造冊

奏銷一案准戶部咨冊開存留銀共一百八兩七

錢實支用銀一十二兩扣價銀九十六兩七錢

查該司庫項下並無此項銀兩又思南府地丁

銀二千七百六十一兩一錢九分零冊內總數

俱稱已完解司撤數又開未完銀四百四十六

撫黔奏疏

卷之七

三

兩六錢九分零令臣將捏報起解錢糧並造冊

舛錯各官查叅隨行布政司查取職名未據詳

報臣因藩司為錢糧總匯將布政使柯鼎以捏

報舛錯題叅復准部咨查捏報起解錢糧并造

冊舛錯司府州縣俱有處分之例或係柯鼎捏

報舛錯或係府州縣官捏報舛錯之處查明題

叅再議等因復行該司查報去後茲據布政使

柯鼎詳稱黔屬止有銅仁黎平二府印江銅仁

永從三縣開徵在先查照原額應留經費銀一

百零八兩七錢除應半留秋祭銀一十二兩外

實應扣解司庫銀九十六兩七錢於未奉部文

之先該府縣俱照舊例全留於二十年八月內

始奉部文內開

表箋曆日全留文廟祭祀半裁遵行該府縣將應

裁銀兩照數扣解及造冊之時有解到者亦有

未經解到者因其已徵在官未奉部文之先用

過之銀不便造入考成冊內是以另立一冊分

晰應留應解以別存留與起解之不同冊內所

撫黔奏疏

卷之七

四

開實扣解字樣係實應扣解非謂實已扣解查

康熙十九年徵收銅仁府縣等錢糧奉文或銀

或米設法徵收如有不完准於次年帶徵既無

考成何故作此捏報之舉各府州縣並未將未

經起解之銀捏報本司本司亦未將未經解到

之銀而裁入解司庫項下捏報大部如謂冊內

未經聲明本司甘認疎忽之咎等語又稱思南

府地丁銀造冊時原欠四百四十六兩六錢九

分該府補解前來祇因書辦愚蠢止將總數改

正未將撤數扣過以致總撤互異本司未經對出亦難辭咎並非該府之外錯等語布政司柯鼎雖稱各府州縣及本司並未捏報但實應扣解情由原冊內未經聲明明白咎在該司至冊內總撤互異該司既經認咎並非該府之過則舛錯有歸仍應指叅伏乞

敕部議覆施行

康熙二十三年三月十五日題四月十九日奉

旨該部知道

撫黔奏疏

卷之七

聖

巡撫貴州兼理湖北川東等處地方提督軍務都察院右副都御史臣楊秉彝

題爲造報康熙二十年等事據布政使柯鼎呈詳該臣看得康熙二十年分各衛所存畱銀兩冊開存畱銀共五百二十五兩實存銀一百二十二兩五錢扣解銀四百二兩五錢准戶部咨查解司庫項下並無此項銀兩令臣將未經起解錢糧捏報起解各官題叅隨行布政司查取各官職名去後據布政司柯鼎詳稱衛所錢糧係都司造冊移送藩司藩司據冊轉報捏報不在

撫黔奏疏

卷之七

聖

本司等因是以將造冊之都司杜進梅題叅復准部咨捏報起解錢糧衛所各官俱有處分之例或係都司杜進梅捏報或係衛所各官捏報之處令臣查明題叅再議等因復行該司查報茲據布政司柯鼎詳稱准都司咨稱黔省恢復之始各衛所存畱項欸俱照舊例全畱於康熙二十年八月內奉有部咨粘單內開文廟祭祀半畱半裁備行各衛所將應裁之項與未經舉行

表箋各銀兩照數扣解及造冊之時因原係存留
項欸未便造入考成冊內故另立一冊分晰應
留應解以便考成數目內所開實扣解字樣乃
實應扣解非謂實已扣解冊內未開已解完訖
字樣則另冊所開實扣解者乃指明項欸並非
捏報本司不敢卸責於屬下並不敢自認捏報
如謂造冊含糊疎忽之咎甘心自認等語轉詳
前來都司杜進梅雖不自認捏報但冊開扣解
其已解未解之處未經聲說明白咎有難辭均

撫黔奏疏

卷之七

聖

應指叅該司既稱不敢卸責屬下其衛所各官
無容議覆伏乞

敕部議覆施行

康熙二十三年三月十五日題四月十九日奉

旨該部知道

巡撫貴州兼理湖北川東等處地方提督務都察院右副都御史臣楊雍建謹

題爲懇恩開釋無辜事據署按察司根驛道叅議
勞之辨詳該臣看得逆犯李開唐岳母吳氏臣
先據按察司詳稱吳氏有女嫁與李開唐原未
同居因進城看女混列冊內等因經臣咨明刑
部又以事關叛案解部發落復准部咨吳氏或
與伊女同居或係看女暫往之處令臣確查明
白如果看女情真取具地方印結具題再議等
因隨檄該司確查去後茲據署司事根驛道叅

撫黔奏疏

卷之七

聖

議勞之辨詳稱查李開唐岳母吳氏果係看女
情真實非同居取據普定縣印結具報前來臣
覆核無異相應具題伏乞

敕部議覆施行

康熙二十三年三月十五日題四月十九日奉

旨該部知道

巡撫貴州兼理湖北川東等處地方提督軍務都察院右副都御史臣楊榮慶

題爲發解人犯事據署按察司根驛道叅議勞之辨呈詳該臣看得行劫崔宗泰盜犯一案准有部咨將已獲之馬四回子續獲姚八晃令臣嚴行質審未獲賊犯王五并不知姓名賊犯嚴緝定擬具題等因隨行按察司將馬四回子姚八晃嚴加質審未獲賊犯嚴緝去後茲據署司事根驛道叅議勞之辨審詳前來臣復行親審姚八晃上盜情形直供不諱其爲此案真盜無疑

撫黔奏疏

卷之七

聖

應照同案之李孫等引強盜殺傷人不分會否得財皆斬梟示律擬斬立決梟示姚八晃所供同夥賊犯勝二李二奎六回子王三李二花子黑子王五李三陳三朱二李二寶三馬三段二郭二共十五名除黑子已經正法外據供李二金六回子係隨營百姓勝二等十二名俱係旗下苦獨力但口供旗色不供主名再三詰訊堅稱不知或係妄扳借端延挨亦未可定今大兵久已回京其苦獨力必隨伊主進京卽隨營百

姓亦復不畱黔省應否將姚八晃解部一一跟究識認內有沿途脫逃者另行直隸各省通行嚴緝其先經拿獲之馬四回子屢經刑訊堅供不移訊之姚八晃又供同夥內並無馬四回子且並不識認此人查黑子愛兔原供馬四回子是延邊鬍子今面貌不符似非案內真犯矣查馬四係披甲李勝龍之苦獨力應照逃人例同伊一妻一子起解兵部督捕發落者也伏乞敕部議覆施行

撫黔奏疏

卷之七

聖

康熙二十三年三月十五日題四月二十日奉旨三法司核擬具奏

巡撫黃州兼理湖北川東等處地方提督糧務都察院右副都御史臣楊雍建

題爲縱兵截刦慘變事據署按察司糧驛道勞之辨呈詳該臣看得盧發枝等被刦之案奉部駁查行臣將蔡球等并現在各犯逐一親提再加嚴審并嚴拿逸賊定擬具題等因隨行按察司提取各犯解審并嚴拿逸賊去後據該司申解前來除案內革職把總李成忠已經病故失主盧發枝龔任寰等已經回籍牽連之伍美成又經脫逃無憑質審外隨將蔡球史爲卿唐之選

撫黔奏疏

卷之七

聖

王孟衢許國鳳馮起榮等一千犯証先發該司確審臣復親審嚴鞫如部駁盧發枝等被一碗水塘兵截刦守備蔡球不行查拿反勒失主取保不容出控之處據蔡球供稱府城離一碗水有三日路待我查個的實拿了賊犯方報上司果然畱他在府裏住着並無勒他取保不容出控之事部駁一碗水行刦塘兵六人千總史爲卿止報塘兵湯文炳一名業已脫逃續供出梁三雄赴縣領根非係行刦之處據史爲卿供稱

一碗水一塘止有兵二名湯文炳見事發卽逃梁三雄在縣領根並不在塘此外行刦之人彼時各提鎮兵馬都在遵義一帶逃兵甚多委實不知何人行刦部駁唐之選供盧發枝等被刦有蔡球差役王孟衢交趾與蔡球之處據唐之選供稱交趾之說出自蔡守備書辦陳尚嵩及另案盜犯蔣俸誥造此一役口供要害王孟衢又騙小的承認此供委實無交趾之事據王孟衢供稱盧發枝等是二十年十二月初七日被

撫黔奏疏

卷之七

聖

刦小的是二十年十月二十六日差往荊州馬二十一年正月二十九日纔回石阡府人也不在從何處交趾此處須再訊陳尚嵩蔣俸誥方得真情但陳尚嵩業經病故蔣俸誥又于另案正法不能起九泉而問之部駁周泰俊等欲行控告而把總李成忠等情愿賠銀之處李成忠已經病故無憑質訊部駁許國鳳供出奏銀給還之時內有四十兩係打刦原銀兩王承玉王飛騰先供係二人後供王承玉卽王飛騰之

處據許國鳳供稱那時蔡守備同聶知府在城
聖廟公審小的聽得人說李把總在於拿着的
門個兵身上搜出銀四十兩來不是客人的原
銀其同謀分贓實不得知至於王永玉王飛騰
則委係一人部駁為盜營兵俱稱脫逃蔡球等
縱兵分贓情弊顯然之處據蔡球史為卿合詞
供稱犯弁等不能拘束營兵以致客人被劫縱
兵是真有何辨處若云分贓委實沒有以上各
犯逐一刑訊堅供不移革職守備蔡球革職下

撫黔奏疏

卷之七

聖

總史為卿分贓之處審無實據縱兵之罪百
難辭應照司詳將蔡球史為卿照本管頭目銓
束不嚴杖八十律應杖八十折責三十板查蔡
球史為卿于城守營兵乘機等事案內奉

旨革職既非職官不准折贖但事在康熙二十年十

二月二十日

赦前應否免擬合聽部議其唐之選王孟衢許國鳳
馮起榮等均應省釋至兩案逆賊先奉部文行
令照案緝拿相應仍飭該地方官協同城守備

營兵緝拿可也 臣謹具

題伏乞

收部議覆施行

康熙二十三年三月二十日題四月二十六日

奉

旨該部知道

撫黔奏疏

卷之七

平

巡撫貴州兼理湖北川東等處地方提督事務都察院右副都御史臣楊瑄謹

題為請定營兵額數等事據臣標中軍左營遊擊

熊中蘊詳該臣看得臣標兵丁製造甲械一案

奉部文覆價值浮多又撫標止設左中二營製

造右營器械應行刪減等因到臣隨檄該營遵

照去後茲據臣標中軍左營遊擊熊中蘊詳稱

黔省恢復之始諸事草創製造物件出於外省

客販至黔省價值騰貴卽日用工食亦屬繁難

不能復減雖臣屢行批駁將用過銀兩酌量核

撫黔奏疏

卷之七

五

減另造清冊送部查核外其右營器械於康熙

十九年十二月題請製造二十年五月奉文准

造已經備完至裁右營在於康熙二十一年五

月題請在先奉裁在後該營官兵裁歸大定鎮

營前項所造器械已帶入大定鎮營差操以實

營伍所製器械動用銀一千三百一十四兩零

應准一例開銷臣覆核無異相應具

題伏乞

敕部核銷施行

康熙二十三年三月二十日題四月二十六日

奉

旨該部知道

撫黔奏疏

五

巡撫貴州兼理湖北川東等處地方提督軍務都察院右副都御史臣楊璉建謹

題爲目今第一急務事據署按察司糧驛道勞之
辦詳該臣看得康熙二十二年分贖錢一案檄
行按察司嚴查彙報去後茲據署司事糧驛道
叅議勞之辦詳稱黔地苗多漢少年來漸次承
平而前此旋師接踵小民竭蹶供應軍需繼復
搬移逆口奔命損擡之役刻無寧晷卽有戶婚
田土徵嫌一經地方官剖斷立行斥逐並無罰
贖銀兩無憑造報各取具不致隱匿印結到司
撫黔奏疏 卷之七 聖

存案詳請題明前來經臣覆查無異謹會同
貴督臣蔡毓榮合詞具

題伏乞

敕部查照施行

康熙二十三年四月初二日題五月初十日奉
旨該部知道

巡撫貴州兼理湖北川東等處地方提督軍務都察院右副都御史臣楊璉建謹

題爲詳請題明撥補不敷兵餉事據布政使柯鼎
詳該臣看得黔省各標鎮協營官兵馬匹應支
康熙二十二年分俸餉銀并應存朋扣截贖小
建罰俸等項及補支原任大定鎮總兵四十六
帶隨官兵自川入黔沿途歷過康熙二十年夏
分俸餉銀共五十四萬一千六百五十兩六錢
零據布政使柯鼎詳稱查爲酌撥康熙二十二
年兵餉事案內一撥本省十九二十年分制營
撫黔奏疏 卷之七 聖

奏銷存剩銀三萬九千五百四十九兩八錢已
流入康熙二十一年分舊管項下作收作支業
於冊內詳報

題銷在案止該存剩二十一年分實在項下銀三
萬三千一百六兩七錢零流入二十二年分兵
餉一奉撥河北康熙二十二年分地丁銀四十
七萬四千五百九十八兩三錢零又奉撥本省
康熙二十二年分截贖小建銀二萬七千六百
兩四錢零三項共銀五十三萬四千七百六十

五兩八錢零以奏報錢糧之際未便懸欠今于
本省康熙二十一年分奏銷存貯截贖小建銀
內暫借抵補前項不敷銀兩彙入二十二年分
報銷總冊內登答詳請具

題照數撥補還項等因前來事關不敷餉銀臣謹
會同雲貴督臣蔡毓榮合詞具題伏乞

敕部照數撥補還項施行

康熙二十三年四月初二日題

旨該部議奏

撫黔奏疏

卷之七

奏

巡撫貴州兼理湖北川東等處地方提督楊應龍

題為移付事據署按察司糧驛道參議勞之辨詳

該臣看得投誠偽都司金玉安押一案臣准部

咨查部冊內並無十二營安撫司并長官司名

缺至柔遠所又非土屬地方不便遽議令臣確

查明自具題等因行據署按察司事糧驛道參

議勞之辨詳稱查黔誌內開載鎮寧州所轄有

十二營長官司名色土官蕭撥鳴於順治十五

年繳印投誠未頒印信號紙是以部冊無名又

撫黔奏疏

卷之七

奏

十二營附近柔遠所金玉移居該所城內凡土

人移居民地者黔屬所在皆有究其根源終屬

土人前司所以將金玉詳請免其起發今查十

二營長官司在赤溪兩洞長官司十五員之內

已經奉文不准承襲則是十二營已非土司地

方金玉亦非土人矣相應照例起發臣謹據詳

具題仰祈

敕部議覆施行

康熙二十三年四月十九日題五月二十五日

奉

旨該部議奏

撫黔奏疏

卷之七

奏

巡撫貴州兼理湖北湖南等處地方提督兼理都察院右副都御史臣楊鼎鑾

題為詳請查明等事據布政使柯鼎詳該臣看得

湖南解黔指定供支進剿綠旗官兵馬匹康熙

十九年十一月俸餉銀一案行據布政司

柯鼎詳稱陞任按察司李輝祖原議指定餉銀

一十三萬五千六百九十五兩零內除岳左鎮

扣存長支湖南廩鹽并湖南長解共銀三百七

十六兩一錢八分零又除陝西奮威將軍標扣

除存長支銀二十二兩三錢五分零已經該司

撫黔奏疏

卷之七

奏

造入冊內報銷在案外實收供支緩遠將軍標

等十六標鎮營餉銀一十三萬五千二百九十

六兩七錢二分零內支放過銀一十三萬三千

七百四十七兩五錢一分零實在剩銀一千五

百四十九兩二錢零今奉部查原解貴州提標

未支銀四千三百五十三兩解還湖南等因查

此項銀兩雖解供有數未經支給但查陞任按

察司李輝祖代湖南支放前項進剿綠旗官兵

俸餉銀兩在湖南先經指定解供之時不過以

約畧計數解黔支放之時係照各標鎮營呈投
掛發印信領狀實在官兵馬匹數目應支銀兩
支放原非冒破湖南報銷時應照支放之數開
銷不宜以指定之數爲案今該司徹底清查止
有收到前項存剩銀一千五百四十九兩二錢
零並扣存山西提標長支湖南十九年七八閏
八三個月豆草價銀五百九十八兩三錢五分
零計二項共存貯黔庫銀二千一百四十七兩
五錢六分零應聽湖南作何取支其原指定解

撫黔奏疏

卷之七

奏

供貴州提標銀兩搭放各標鎮營原指不敷之
數去訖無憑解還等因隨批查取搭放湖南原
指定解供實支不敷銀兩數目清冊前來臣覆
查無異除揭送部外相應具題仰祈

敕部核銷施行

康熙二十三年四月十九日題五月二十五日

奉

旨着察核該部知道

巡撫爲兼理湖北川東等處地方提督兼都察院右副御史臣楊繩建謹
題爲預備火藥以資防禦以固金湯事據布政司
柯鼎詳該臣看得預備火藥一案因局房銅礮
請動錢根部議行臣將借端浮冒各官職名題
參等因查預備火藥係操捕都司專職茲據布
政司柯鼎開報修理局房鑄造銅礮請動錢根
者乃操捕都司文培世也相應題參但據該都
司呈稱局房銅礮各省無開銷正項錢根之例
而黔省久經寇踰房舍焚燬無遺所需器皿全

撫黔奏疏

卷之七

李

無窮員無力捐備殘黎餘赤不敢派累是以不
得不行詳請况原係請示並非報銷准行與否
尚候部議何敢借端浮冒等語合併聲明以聽
部議伏乞

敕部議覆施行

康熙二十三年四月二十日題五月二十六日

奉

旨該部知道

巡撫貴州兼理湖北川東等處地方提督軍務都察院右副御史臣楊建道

題為特參貪劣衛弁以贓民困事據按察使張汧
招解到臣該臣看得數勇衛革職守備伍九鼎
貪劣一案奉

旨敕臣嚴提究擬遵行該司提審去後茲據按察司
張汧審擬招解前來經臣駁訊逐款親加嚴審
如一欸散帖打會九鼎借稱兵糧緊急差役陶
文輝持帖往請紳衿又令書辦宋文聰傳鄉老
謝應祿等欸得四兩五錢交送本官在文輝之

撫黔奏疏

卷之七

李

送帖未如何因而文聰之過付則供認不諱也
二欸勒派日用油燭柴炭審自康熙二十二年
四月初一日起至七月終止科歛里民每日輸
流供柴二担每担價銀一分二釐共派柴二百
九十四担值銀三兩五錢有零雖油燭與炭不
認派取而柴薪一項則竟未給價也三欸蓄田
加徵研審九鼎堅供不認惟以在倉之版經冊
籍在民之令同倉串為詞驗看印簿無有多徵
詢問倉收相合刑訊經收戶吏宋文聰尹國楨

俱不招認則此項難以懸坐四欸指稱違禁養

馬噉詐里民趙登明審據登明代謝桂軒賣騾
馬一匹以買耕牛議價六兩三錢九鼎只給五
兩指留一兩三錢未給倚官恃強未免貪鄙矣
五欸強拿民婦五妹役使審五妹係川民劉瑞
所之使女九鼎用價所買有稿吏王玉林從中
說合其五妹所生之女數月已卒未曾帶至九
鼎署中雖非部民亦玷官箴矣伍九鼎散帖打
會得銀四兩五錢科歛柴薪價值銀三兩五錢

撫黔奏疏

卷之七

奎

二分八釐勒欠馬價銀一兩三錢共贓銀九兩
三錢二分八釐應追入官除馬價一兩三錢輕
罪不議外所有打會柴薪三項共銀八兩二分
八釐應照非因公科歛人財物入已者計贓以
不枉法律折半科罪折銀四兩一分四釐伍九
鼎應杖七十係貪官不准折贖戶吏宋文聰勒
催鄉老派銀交送本官稿吏王玉林因本官買
婢從中說合各照不應重律杖八十遇熱審均
應減等發落餘犯審係無干俱行省釋臣謹具

題再照此案於康熙二十二年十二月初三日奉到部文除封印開印等日扣至本年四月二十七日限滿該司於四月二十八日覆詳逾限一日臣繕疏六日合并聲明伏乞

敕部議覆施行

康熙二十三年五月初五日題六月十六日奉旨該部核擬具奏

撫黔奏疏

卷之七

奎

巡撫貴州兼理湖北川東等處地方提督兼都察院右副都御史臣楊雍

題為造報康熙二十年分考成屯賦錢糧事據掌

印都司杜進梅詳該臣看得黔屬各衛所康熙

二十年分考成未完銀一百八十五兩二錢九

分一釐零未完米豆一千六百六十六石五斗

二升九勺令臣速行追完隨牌行都司速追去

後今據掌印都司杜進梅詳稱各衛所前項未

完銀米俱於康熙二十二年內續征全完訖其

續完銀兩仍起解布政司庫支放其米收貯各

撫黔奏疏

卷之七

奎

倉聽根驛道報銷今將督催之接徵現任署

擊掌印都司杜進梅等並因甫出湯火之民等

事一案未蒙考成各官雖已逐案另造冊報但

有係此年經徵接徵帶徵之員今造報續完仍

應照例開具職名共一十二員又查已蒙考成

停陞之鎮西衛署守備楊國安罰俸六個月之

于襄守禦所千總王岫二員各未完錢糧考成

後續徵全完應請開復再查新添衛帶徵現任

委署守備事平壩衛千總殷道亨烏撒衛帶徵

去任委署守備事貴前衛千總朱謙等二員原
不係先經造報續完案內之員因係帶征相應
開列職名造具續征全完銀米清冊並職名冊
詳請具

題前來除將清冊揭送部科查核外臣謹會同雲

貴督臣蔡毓榮合詞具題伏祈

敕部核覆施行

康熙二十三年五月十八日題七月初二日奉

旨該部知道

撫黔奏疏

卷之七

奎

巡撫貴州兼理湖北川東等處地方提督兼理都察院右副都御史臣楊雍建

題為奏銷火藥硝磺鉛彈事據貴州以守禦所千

總管操捕都司僉書事文培世呈驗該臣看得

收支火藥等項數目俱應年終

奏銷今據守禦所管操捕都司僉書事文培世造

報康熙二十二年分舊管存剩火藥六百六十

一觔火箭三十四桶硝一千觔磺一千三百八

十觔新收火藥八千七百一十三觔零鉛子五

千六百四十二觔零黑鉛二千四百觔硝一千

撫黔奏疏

卷之七

奎

四百七十五觔開除支放過火藥一千二百九

十六觔硝六百八十觔黑鉛一百觔實在康熙

二十二年終存剩火箭三十四桶硝一千觔磺

一千三百八十觔又存印江縣解到賊遺硝七

百九十五觔又新添衛存貯賊遺火藥三千三

百六十五觔黑鉛二千三百觔又安籠鎮存貯

火藥三千一百五十七觔零鉛子二千九百九

十七觔零又黔西府存貯火藥四千五百五十

六觔零鉛子二千六百四十四觔零造具管收

除在四柱清冊前來經臣覆核無異除冊揭送
部科外相應

題銷伏乞

府鑒敕部核銷施行

康熙二十三年五月十八日題七月初二日奉
旨著察核該部知道

撫黔奏疏

卷之七

七

巡撫高爾雅湖北川東等處地方提督軍務都察院右副御史臣楊雍建謹

題為歷俸已滿三載懇恩轉詳照例保舉以勵官

常事據布政使柯鼎署按察司糧驛道勞之辨

呈詳該臣看得布政司經歷胥瑋由例監除授

之員例應保舉方以京官正印官陞用茲據布

政司柯鼎署按察司糧驛道叅議勞之辨詳稱

本官歷俸已滿三年著有成績將行過事實備

造清冊循例呈詳前來臣查該經歷委用無悞

志甘淡泊允係奉公守法清廉愛民才能稱職

撫黔奏疏

卷之七

七

之員所當照例保舉以鼓吏治除清冊送部外

臣謹會同雲貴督臣蔡毓榮合疏保題伏乞

府鑒敕部議覆施行

康熙二十三年五月十八日題七月初二日奉

旨吏部知道

巡撫貴州兼理湖北川東等處地方提督軍務都察院右副御史臣楊雍建謹

題為奏繳郵符事該臣查得奉頒火牌一十六張

除康熙二十一年分填用過火牌六張已經奏

繳在案今查康熙二十二年分舊管剩火牌十

張自康熙二十二年四月二十九日起至本年

十一月十一日止差官往京齎

奏共填用過火牌九張例應

奏繳尚存火牌一張俟康熙二十三年填用另具

題繳所有康熙二十二年分填用火牌除照編定

擬馬奏疏

卷之七

完

字號挨順月日備造清冊揭送部科外理合具

題伏祈

睿鑒敕部核銷施行

康熙二十三年五月十八日題七月初二日奉

旨着察核該部知道

巡撫貴州兼理湖北川東等處地方提督軍務都察院右副御史臣楊雍建謹

題為奏銷康熙二十二年分收支鹽稅銀兩事據

布政使柯鵬詳該臣查得康熙二十二年分黔

屬鹽稅銀兩據布政使柯鵬詳稱各稅按季報

解多有不敷咸稱前奉部文內開額銀六千二

百餘兩乃係康熙十一年增收閏月之數其康

熙二十二年商販稀少即照康熙十一年分額

銀報解尚多捐賠以副考成何能再加本司以

二十二年連閏課銀自應比二十一年報部之

擬馬奏疏

卷之七

半

數加增屢經飭催始據各稅於冬季內敷補共

計康熙二十二年分連閏計共十三個月徵收

鹽稅銀六千七百五十一兩三錢四分四釐一

毫例充驛費業准根驛道盡數支領其支銷細

數應聽該道另冊報銷備造管收除在清冊詳

請題達前來除將清冊揭送部科查核外臣謹

會同雲貴督臣蔡毓榮合詞具題伏祈

敕部核覆施行

康熙二十三年五月十八日題七月初二日奉

古著察核該部知道

撫黔奏疏

卷之七

幸

巡撫貴州兼理湖北川東等處地方提督軍務都察院右副都御史臣楊鍾經

題爲造報康熙二十二年分全徵全完秋糧事據

布政使柯鼎詳該臣看得鎮遠偏橋二衛奉

旨割歸黔省所有應徵錢糧據布政使柯鼎詳准掌

印都司杜進梅移稱除鎮遠衛歸并鎮遠縣外

催據偏橋衛報稱康熙二十二年分衛屬原額

徵糧不徵銀下則屯田地二萬五千二百一十

四畝一分四釐零內除古荒不開外舊熟屯田

地八千七百六十六畝九分七釐內爲各屬具

撫黔奏疏

卷之七

幸

報拋荒等事賊殘復荒田二千三百二十一畝

六釐零實在成熟屯田地六千四百四十五畝

九分一釐零應征本色秋糧米九百六十六石

八斗八升六合零遵奉照欵催徵全完共全完

糧米應聽糧驛道報銷外督徵全完者現任署

遊擊管貴州都使司掌印都司杜進梅經征全

完者偏橋衛現任以都司僉書管守備事宋舉

督徵經徵糧米全完應否紀敘以鼓將來造具

全徵全完秋糧考成冊各官職名冊詳請具

題前來除將清冊揭送部科查核外臣謹會同雲

貴督臣蔡毓榮合詞具題伏乞

敕部核覆施行

康熙二十三年五月十八日題七月初二日奉

旨

撫黔奏疏

卷之七

七

巡撫貴州兼理湖北川東等處地方提督事務都察院右副御史臣楊建德

題為造報康熙二十二年分田地人丁半徵條丁

等銀考成冊籍事據布政使柯鼎詳該臣看得

黔屬貴陽等府廳州縣康熙二十二年分由單

刊減原額除荒徵熟田地畝數應徵銀兩例應

年終

奏銷考成今據布政使柯鼎詳稱貴陽等府廳州

縣田地原額并安南鎮遠二衛新歸田地共一

百五十七萬四千六百三十九畝四分零內除

撫黔奏疏

卷之七

七

古荒不開外舊熟田地九十八萬九千八百四

十二畝一分零內鎮遠衛新歸田地于具報拋

荒等事案內賊殘復荒田地七千四百五十一

畝二分零內于康熙二十年開墾照例于六年

後起科田二千四百六十三畝尚荒田地四千

九百八十八畝二分零又大定威寧二府南籠

廳平遠黔西二州于甫出湯火之民等事案內

原報荒蕪田地一十四萬一千一百三畝六分

零內于康熙二十二年新墾議于來年起科田

地二萬七千五百畝一分零尚荒蕪田地一十三萬三千六百三畝四分零又除徵糧徵蕎例不徵銀成熟田地一十四萬九百五十二畝五分零并無畝科徵米蕎內黔糧遵照黔例於欽奉

上諭事案內已奉全蠲楚歸屯糧應照楚例全徵俱係糧驛道督徵應聽該道分別造報外實在徵糧徵銀并徵銀例不徵糧成熟田地七十萬三百三十四畝七分零又原額并安南鎮遠二衛

撫黔奏疏

卷之七

奏

新歸人丁共一十二萬三千三百七十六丁半內除例不徵銀并隨田帶派以及逃人丁不開外舊額實丁一萬四千一百七十二丁九分七釐內南籠廳于甫出湯火之民等事案內蠲除死徙人丁二百九十三丁外實在征差人丁一萬三千八百七十九丁九分七釐每畝每丁各則例起徵不等并無畝派徵各款共該條馬歲用米折閭銀等項共銀五萬五千四百四十一兩三錢九分零內除于欽奉

上諭事案內蠲免秋冬一半銀二萬七千七百二十四兩六錢九分零外實在該徵春夏一半銀二萬七千七百二十四兩六錢九分零內除存留各府州縣減半支用

表箋曆日春牛花鞭春秋祭祀銀四百二十兩三錢五分外實該解司銀二萬七千三百兩三錢四分零并依黔例自康熙二十二年九月初一日開徵起至年終止已十分全完訖計限內督徵經徵全完各官貴州布政使司布政使柯鼎

撫黔奏疏

卷之七

奏

并貴陽府督徵經徵現任以同知管知府事汪廣等府屬州縣各官于限內催徵全完例應具題紀敘以示鼓勵又威寧府帶徵四川東川土府康熙二十二年分協黔蕎折遵照蜀例全徵銀一百五十兩已全完訖連前條馬等銀一并造入冊內所有造完康熙二十二年分田地人丁各按科則全完考成冊督徵經徵職名冊管收除在四柱冊詳請查核具題前來經臣覆核無異除冊送部外臣謹會同雲

貴督臣蔡毓榮合疏具題仰祈

敕部核覆施行

康熙二十三年五月十八日題

撫黔奏疏

卷之七

奉

巡撫貴州兼理湖北川邊處地方提督都察院右副御史臣楊建禮

題爲奏銷收支康熙二十二年分文職官役俸食

銀兩事據布政使柯鼎詳該臣看得康熙二十

二年分文職經制官役額設俸食銀二萬三千

二百三兩八錢四分一釐零舊管新收止共銀

二萬四十二兩九錢三分八釐零盡數支給黔

屬二十二年分官俸役食外至截贖冊內所扣

缺官罰俸等銀三千一百六十兩九錢二釐零

查前項舊管新收銀兩僅可足支實在官俸役

撫黔奏疏

卷之七

奉

食之數是前項另冊截贖銀兩雖冊報有數實

係無銀扣存茲據布政使柯鼎造具收支銀兩

細數清冊並截扣缺官罰俸銀兩清冊詳請題

銷前來除將清冊揭送部科查核外臣謹會同

雲貴督臣蔡毓榮合詞具題伏祈

敕部核銷施行

康熙二十三年五月十八日題七月初二日奉

旨着察核該部知道

巡撫貴州兼理湖北川東等處地方提督楊雍建疏

題爲奏銷收支八旗大兵俸餉銀兩事據布政使
柯開詳該臣看得康熙二十二年分新收並舊
管存剩康熙二十一年終候文撥餉銀共二十
四萬三百四十一兩三錢六分五釐零開除一
支駐黔八旗大兵康熙二十二年正月起至十
一月終止俸餉九月十九日止小草料共銀一
十四萬五百二兩二錢六分一支雲南回京八
旗大兵康熙二十二年正二兩月俸餉二十日

撫黔奏疏

卷之七

奏

大草料共銀七萬九千一百一十六兩二錢四
分總計駐黔大兵並雲南回京大兵共在黔支
過俸餉料草銀二十一萬九千六百一十八兩
五錢外實在存剩康熙二十一年分舊管候撥
兵餉銀二萬四千七百二十二兩八錢六分五
釐零茲據布政使柯開造具清冊並將取獲滿
檔詳請題銷前來除將清冊並滿檔分送部科
查核外臣謹會同雲貴督臣蔡毓榮合詞具題
伏乞

敕部核銷施行

康熙二十三年五月十八日題七月初二日奉
旨着察核該部知道

撫黔奏疏

卷之七

全

巡撫黃州兼理湖北川東等處地方提督糧務都察院右副都御史楊雍建謹

題爲奏銷康熙二十二年分收支雜稅銀兩事據
布政使柯鼎詳該臣看得黔屬康熙二十二年
分雜稅銀兩據布政使柯鼎詳稱舊管新收共
銀一萬五千三百三十一兩七錢四分四釐零
又開州例有加閏之用砂斗甫二廠并例不加
閏之婺川板廠普安縣濫木橋廠共解收本色
水銀二千一十觔九兩開除一准糧驛道吞移
具領康熙二十二年分徵收雜稅例充驛費銀

撫黔奏疏

卷之七

全

一萬三千五百七十二兩八錢八釐零又准咨
爲詳銷酌撥康熙二十二年驛費俸食銀兩事
具領驛費共銀六萬兩內除支例充驛費鹽課
課并米折馬館及二十一年貯庫條丁等銀外
又共支康熙二十一年終止貯魚課牙帖水銀
變價及新收二十二年分魚課牙帖等銀共一
千七百五十九兩六錢五分六釐二毫以上開
除共銀一萬五千三百三十一兩七錢四分四
釐零其支銷細數應聽該道另冊報銷實在康

熙二十二年終止存貯本色水銀二千一十觔

九兩候文變價充餉造具管收除在四柱清冊

詳請具

題前來除將清冊揭送部科查核外臣謹會同雲

貴督臣蔡毓榮合詞具題伏祈

敕部核覆施行

康熙二十三年五月十八日題七月初二日奉

旨着察核該部知道

撫黔奏疏

卷之七

全

巡撫貴州兼三湖北川東等處地方提督兼都察院右副都御史臣楊秉彝謹

題爲奏銷康熙二十二年分都司衛所官役支過俸食銀兩事據掌印都司杜進梅詳該臣看得都司衛所官役俸食舊例於各衛所起解歲丁等項銀內開支今據掌印都司杜進梅詳稱康熙二十二年分舊管並新收共銀三千四百四十六兩五錢八分四釐零今康熙二十二年分都司衛所等官俸食銀兩除開月不支外直照康熙十一年分奏銷過舊例應支數目共該支

撫黔奏疏

卷之七

金

俸食銀三千一百三十一兩三錢七分八釐零內除罰俸住俸裁缺委署缺官等項照例按日扣貯俸二百九十三兩四錢五分四釐零止實支過各官俸食銀二千八百三十七兩九錢二分三釐零尚存支剩銀三百一十五兩二錢六釐零又存前項罰俸等銀二百九十三兩四錢五分四釐零以上二項共存貯銀六百八兩六錢六分七毫零照例流奏康熙二十三年分不敷官役俸食造具應支應扣銀兩細數清冊前

來除冊結送部科查核外臣謹會同雲貴督臣

蔡毓榮合詞具題伏乞

勅部核覆施行

康熙二十三年五月十八日題七月初二日奉
旨着察核該部知道

撫黔奏疏

卷之七

金

巡撫貴州兼理湖北川東等處地方提督都察院右副御史臣楊璽

題爲籌計來歲兵糧懇祈

題請等事據糧驛道叅議勞之辨詳該臣看得康

熙二十二年分兵糧及驛遞糧料等項勢必發

銀召買備支經臣具題請撥餉銀續奉部撥餉

銀二十萬兩到黔之日隨發糧驛道赴時買米

并據實核減毋得浮冒開銷去後據糧驛道叅

議勞之辨詳稱遵卽行令各府州衛縣所將本

年秋收之後每石價銀若干各照地方時價據

撫黔奏疏

卷之七

全

實開報隨據各屬申報價值貴賤不等該道復

分別產米之多少輓運之難易與夫本年秋收

之豐歉逐一核算如銅仁思州等處離河路不

遠者每石定價銀一兩二錢如貴陽平越等處

係官道往來苗民背負入城不至十分爲遠者

每石定價一兩三錢至二兩一錢不等如大定

威寧等處水西苗穴產米素少必從附近滇界

背運至黔者來路爲遠脚力艱難每石定價自

二兩二錢以至二兩四錢不等造冊呈詳到臣

臣思二十二年分各路凱旋大兵業已過完貴

州駐防大兵又于本年九月內裁撤召買價值

照往年兵馬雲集價值騰貴時自應大加核減

復經駁飭去後續據該道詳稱自恢復黔省以

來節年召買十九年二十一年等報銷每石總

計價銀在二兩六七錢之間今二十二年分動

用過餉銀二十萬兩買過米一十萬五千八百

石每石自一兩二錢以至二兩四錢不等合而

計之每石不足一兩九錢之數是照節年報銷

撫黔奏疏

卷之七

全

米價十分中已減其三實係稟遵

功令減而又減並無分毫浮冒等情前來臣覆加查

核較之黔省節年報銷之價委係十分中核減

其三難以再減除將清冊揭送戶部查核外臣

謹會同雲貴督臣蔡毓榮合詞密題伏乞

敕部核銷施行

康熙二十三年五月二十八日題七月初八日

奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲遵例奏繳郵符事據糧驛道叅議勞之辨詳

該臣看得驛道填用過勘合火牌例於次年五

月內

奏繳今據糧驛道叅議勞之辨詳稱康熙二十二

年正月起到本年十二月終止填用過兵部頒

發辰字號勘合二十道雲字號火牌五張備造

四柱清冊並各項員役及

延試貢生繳到兵部填給勘合火牌火票一併入

無駭奏疏

卷之七

全

冊呈資詳請

奏繳前來其填用存剩者照例留爲康熙二十三

年填用除勘合牌票清冊揭送兵部外臣謹會

同雲貴督臣蔡毓榮合詞具題伏乞

敕部查核施行

康熙二十三年五月二十八日題七月十一日

奉

旨着察核該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲奏銷康熙二十二年收支糧米事據糧驛道

叅議勞之辨詳該臣看得黔省康熙二十二年

分舊管新收共米二十八萬六千五百五十石

三斗四升二合零開除一支貴陽駐防雲南凱

旋大兵口糧米一萬三千九百六十石九斗八

升九合零一支黔省各標鎮營哨兵丁月糧米

一十萬二千四百八十二石四斗三升三合零

一支黔省各驛站馬夫食米料谷折米站夫食

無駭奏疏

卷之七

全

米共一萬六千一百八十六石五升六合一支

雲南投誠官兵家口逆犯家口起發進京及盤

江水手解送馬匹等項共支糧米五千二百四

十四石八斗九升七合零一支安塘筆帖式等

無事飯食米六十石九斗八升六合零一發還

張純備等捐納米一千六百石一支奏銷康熙

十九二十兩年收支糧米事案內已支未銷米

四十七石三斗九升以上共開除米一十三萬

九千五百七十二石七斗五升三合零實在存

倉米一十四萬六千九百七石五斗八升八合
零流支康熙二十三年本省制兵月糧驛站糧
料解京家口口糧等項除各驛站支給糧料另
於奏銷康熙二十二年驛站錢糧事案內具題
查核安塘筆帖式無事飯食米另於欽奉

上諭事案內各部查核外茲據糧驛道叅議勞之辨
造具大兵支過口糧冊黔省各標鎮營支過月
糧冊雲南投誠官兵家口等項支過口糧冊各
項糧米管收除在四柱總冊及取復滿檔一十

撫黔奏疏

卷之七

允

六張投誠家口等實支四十七封詳請具題前
來除將清冊及滿檔實支分送部科查核外臣
謹會同雲貴督臣蔡毓榮合詞具題伏乞

收部核覆施行

康熙二十三年五月二十八日題七月十一日
奉

旨着察核該部知道

巡撫貴州兼理湖北川東等處地方提督都察院右副都御史臣楊雍建謹
題爲重農積粟之

上諭久已飭行水旱不齊之天時有無預備請
旨通行稽察以信

恩綸以據循吏事據糧驛道叅議勞之辨詳該臣看
得勸諭捐輸米穀一案奉文令臣俟秋收之後
再行竭力勸諭捐輸等因臣隨行該司道勸輸
去後今據糧驛道叅議勞之辨詳稱黔省督撫
司道等及將冊內未報捐輸之恩南大定南府

撫黔奏疏

卷之七

奉

開州獨山普安永寧平遠黔西六州普定普安
二縣永寧衛濯靈一所具報捐輸穀數並前冊
內已報捐輸之平越一府定審一州安化湄潭
施秉三縣具報續捐穀數計康熙二十二年秋
收之後各官捐輸及勸輸通共捐過穀一千二
百一十一石二斗九升照例貯倉備賑造具清
冊前來除將清冊揭送部科查核外臣謹會同
雲貴督臣蔡毓榮合詞具

題伏祈

牧部查明施行

康熙二十三年五月二十八日題七月十一日

奉

旨着察核該部知道

撫黔奏疏

卷之七

奎

巡撫貴州兼理湖北川東等處地方提督事務都察院右副都御史臣楊爾建謹

題爲造報康熙二十二年考成民賦本色秋糧事

據糧驛道叅議勞之辨詳該臣看得黔屬貴陽

等府廳州縣康熙二十二年分應徵本色秋糧

蕎根於欽奉

上諭事案內全蠲無有考成惟鎮遠偏橋二衛割歸

黔省所有應徵田糧除偏橋衛已據掌印都司

杜進梅造報外今據糧驛道叅議勞之辨詳稱

據鎮遠府縣將鎮遠衛歸併康熙二十二年分

撫黔奏疏

卷之七

奎

應徵本色秋糧照數催徵全完造具督徵經徵

各官職名並額外帶徵四川鎮雄土府康熙二

十二年分報効蕎根全完數目彙冊詳請題達

前來除將清冊揭送部科查核外臣謹會同雲

貴督臣蔡毓榮合詞具題伏祈

敕部核覆施行

康熙二十三年五月二十八日題七月十一日

奉

旨着察核該部知道

中央民族
學院圖書
館藏

撫黔奏疏卷之七終

撫黔奏疏

卷之七

七

巡撫貴州兼理湖北川東等處地方提督軍務都察院右副都御史

題爲奏銷康熙二十二年驛站錢糧事據

叅議勞之辨呈詳該臣查得黔省驛站自康熙

二十二年正月初一日起至本年十二月終連

閏月計十三個月查康熙二十一年分舊管存

剩銀一百五兩九分一釐四毫二絲八忽八微

四塵一纖三渺新收布政司移交康熙十九年

分續完馬館銀六百九十六兩七錢五分一釐

四毫四忽八微六塵六纖三渺又布政司移交

撫黔奏疏

卷之八

一

康熙二十二年分半徵米折輕齎銀一千七百

九十四兩八錢八分三釐二毫六絲七忽二微

一塵五纖四渺又布政司移交康熙二十二年

分半徵馬館銀一萬一千八百四十一兩二錢

一分二釐四絲六忽九微九纖六渺又布政司

移交康熙二十二年分鹽稅銀六千七百五十

一兩三錢四分四釐一毫又布政司移交康熙

二十二年分襍稅銀一萬三千五百七十二兩

八分八釐二毫又布政司移交存貯司庫節年

條丁等銀二萬三千五百八十兩六分四釐七毫三絲一忽八纖七渺又布政司移交存貯司庫節年魚課牙帖並扣存經費水根變價等銀一千七百五十九兩六錢五分六釐二毫五絲共支銀六萬兩舊管新收二項共銀六萬一百五兩九分一釐四毫二絲八忽八微四塵一纖三渺開除貴陽皇華龍里等二十四驛修葺馬棚七十二間共支銀八十六兩四錢製備鞍轡四百八十副共支銀三百七兩二錢製備馬厯一千二百塊共支銀一百九十二兩製備鋼刀一百二十把共支銀三十八兩四錢每驛馬夫二十五名共馬夫六百名每名日支工食銀一分六釐連閏月計十三個月應支工食銀三千七百四十四兩除陸續倒斃馬一千四十四匹截曠小建不支外實支銀三千五百五十二兩一錢五分二釐每驛馬五十四匹共馬一千二百匹每馬月釘腳蹠一付每付價銀四分八釐連閏計十三個月除陸續倒斃截扣不支外實支銀

撫黔奏疏

卷之八

二

七百二十一兩九錢五分四毫每月每馬一匹用藥餌一服價銀四分八釐連閏月計十三個月除陸續倒斃馬截扣不支外實支銀七百二十一兩九錢五分四毫每馬每匹日支草一束每束價銀八釐連閏十三個月除陸續倒斃馬按日截扣不支外實支銀三千五百五十二兩一錢五分二釐一清浪平溪二驛遵照詳請劃清楚黔地界等事一案於康熙二十二年五月初八日遵奉部文歸併湖南止計四個月零七

撫黔奏疏

卷之八

三

二毫四絲製鋼刀一把六分二釐八毫二絲該
價銀五錢二分一釐二絲二驛共鋼刀三把二
分五釐六毫四絲共支銀一兩四分二釐四絲
馬夫二十五名二驛共馬夫五十名每名日支
工食一分六釐自康熙二十二年正月初一日
起至五月初七日止應支工銀一百一兩六錢
除陸續倒斃馬三十四截扣小建不支外實支
銀九十五兩六錢四分驛馬五十四二驛共馬
一百匹每馬一四月釘腳趾一付價銀四分八

撫黔奏疏

卷之八

四

釐自康熙二十二年正月初一日起至五月初
七日應支腳趾銀二十兩三錢二分除陸續倒
斃馬截扣不支外共實支銀一十九兩二錢八
分八釐每月每馬一匹用藥餌一服每服價銀
四分八釐自康熙二十二年正月初一日起至
五月初七日止應支藥餌銀二十兩三錢二分
除陸續倒斃馬截扣不支外共實支銀一十九
兩二錢八分八釐每馬一匹日支草一束每束
價銀八釐自康熙二十二年正月初一日起至

五月初七日應支草價銀一百一兩六錢除陸
續倒斃馬截扣不支外共實支銀九十五兩六
錢四分一貴陽皇華龍里新添平越清平興隆
偏橋鎮遠威清平壩普利安莊開嶺永寧安南
新興普安亦資孔等十八驛以及清浪平溪二
驛未經歸併湖南月日每驛每月量給供應銀
八兩連閏計十三個月應支供應銀一千九百
三十九兩七錢三分二釐貴陽皇華龍里等十
八驛連閏計十三個月以及清浪平溪未經歸

撫黔奏疏

卷之八

五

併湖南月日應付過往差員廩給口糧銀兩共
支銀六百七十七兩買補貴陽皇華龍里等二
十四驛以及清浪平溪二驛未經歸併湖南月
日隨斃隨補馬一千七十三匹價值不等共動
用過銀三萬一千七百一兩又查康熙二十二
年十二月十七日准兵部咨為請
旨事咨開通送大將軍貝子軍前官馬內倒斃七百
一十五匹每年賠補馬二百匹撥給驛站緣由
查各驛倒斃馬匹隨斃隨補未准部文之先已

經買補所賠之馬應於康熙二十三年起每年
賠馬二百匹合併聲明一貴陽龍里新添平越
清平興隆偏橋鎮遠威清平壩普利安莊關嶺
永寧安南新興普安亦資孔等一十八站每站
運餉長夫一百名共夫一千八百名每名月支
工食銀三錢六分連閭計十三個月共支銀八
千四百二十四兩以上修葺棚鞍雇銷支給馬
夫工食脚蹤藥餌草價供應差員廩給日糧買
補馬匹站夫工食等項通共動用過銀五萬二

撫黔奏疏

卷之八

六

千一百六十兩七錢一分七釐八毫二絲實在
存剩銀七千九百四十四兩三錢七分三釐六
毫八忽八微四塵一纖三渺又康熙二十二年
分斃馬皮張變價銀一百四兩六錢二項共存
剩銀八千四十八兩九錢七分三釐六毫八忽
八微四塵一纖三渺留抵康熙二十三年分驛
站項下開銷貴陽皇華龍里等二十四驛馬夫
六百名每名日支食米八合連閭計十三個月
除陸續倒斃馬一千四十三匹應扣截曠小建

不支外實支康熙二十二年分存貯秋糧及名
買等項米一千七百七十六石七升六合內偏
橋鎮遠二驛自康熙二十二年正月初一日起
至五月初七日止未經歸併黔省支過楚省米
四十八石一斗四升五月初八日遵奉部文二
衛土地錢糧割歸黔省所有支過屯糧應作黔
米開銷又清浪平溪二驛馬夫五十名自康熙
二十二年正月初一日起至五月初七日遵奉
部文割歸湖南止計四個月零七日除陸續倒

撫黔奏疏

卷之八

七

斃馬三十匹應扣截曠小建不支外實支楚省
米四十七石八斗二升貴陽皇華龍里等二十
四驛驛馬一千二百匹每馬日支料穀四升連
閭計十三個月除陸續倒斃馬一千四十三匹
應扣料穀並小建不支外實支康熙二十二年
分存貯秋糧及名買等谷一萬七千七百六十
石七斗六升折米八千八百八十石三斗八升
內偏橋鎮遠二驛自康熙二十二年正月初一
起至五月初七日未經歸併黔省支過楚省料

谷折米二百四十石七斗五月初八日遵奉部
文二衛土地錢糧割歸黔省所有支過料谷折
米應作黔米開銷又清浪平溪二驛驛馬一百
匹自康熙二十二年正月初一日起至五月初
八日遵奉部文割歸湖南止計四個月零七日
除陸續倒斃馬三十匹應扣料谷並小建不支
外實支楚省谷四百七十八石二斗折米二百
三十九石一斗以上馬夫食米料穀折米一萬
九百四十三石三斗七升六合內除清浪平溪

撫黔奏疏

卷之八

八

二衛照例支楚省米及料谷折米二百八十六
石九斗二升外實支黔省秋糧召買等項米一
萬六百五十六石四斗五升六合每站運餉長
夫一百名共夫一千八百名每名日支食米八
石連閏月計十三個月應支食米五千六百一
十六石除小建六日不支外實支米五千五百
二十九石六斗以上馬夫食米料谷折米站夫
食米通共支過米一萬六千一百八十六石五
升六合據該道分晰造冊分送部科外臣謹會

同雲貴督臣蔡毓榮合詞具題伏祈

睿鑒敕部核覆施行

康熙二十三年五月二十八日題七月十一日

奉

旨着察核該部知道

撫黔奏疏

卷之八

九

巡撫貴州兼理湖北川東等處地方提督兼都察院右副御史臣楊雍建

題為遵例奏繳郵符事據糧驛道叅議勞之辨呈

詳到臣看得貴州布政使柯鼎貴西道楊大鯤

入

觀原領勘合粘尾內少黃絲驛印信奉文行查隨檄

糧驛道查報去後據該道詳稱黃絲驛驛丞陳

家駿於二十一年九月內管理驛務本年冬該

司道入

觀進京先後到驛會責令驛丞照例登填該驛丞係

撫黔奏疏

卷之八

十

初任之員誤認腰驛與大站不同止照數應付

馬匹且此時該驛未有印信是以勘合粘單未

經填註詢據布政使柯鼎回稱情節相符再查

兵部粘抄內凡雲南入

覲官員經過黃絲腰驛未經填註用印行查者甚多

則違例之咎不能為該驛丞陳家駿寬也相應

具

題其原任貴西道楊大鯤已陞山東按察司無憑

查詢伏乞

敕部行文山東撫臣就近查覆可也仰祈

序鑒施行

康熙二十三年六月十三日題七月二十三日

奉

旨該部知道

撫黔奏疏

卷之八

十一

巡撫貴州兼理湖北川東等處地方提督糧務都察院右副都御史臣楊乘建謹

題爲奏

聞追殺逆賊等事據糧驛道叅議勞之辨呈詳到臣該臣看得水西土司安勝祖捐助糧米四千石係原任提臣趙賴於康熙二十年正月進勦平遠逆賊之時經手收支冊報兵部在案內支過阿五等米八百七十石八斗五升又支過提標援勦隨征等營米三千一百二十九石一斗五升共符捐助米四千石之數臣先據糧驛道准

據驛奏疏

卷之八

三

提督照會收支米數造冊呈詳到臣查係提督收支又係上司捐助之米與地方官各項收支糧米不同是以經臣另案報銷續准部文駁查各款隨行糧驛道逐一查報去後今據該道呈詳准提臣侯襲爵查明其支過貴州提標援勦隨征等營米三千一百二十九石一斗五升則係時因進勦需糧孔亟提臣趙賴隨收隨取具印信實支卽爲憑據原未載有官兵數目及起止月日目下無憑懸造也其支過阿五等米八

百七十石八斗五升則係水西初復提臣趙賴亟在收拾人心是以散給口糧以資瞻養斯時軍興旁午支給之後雖經各會到臣提臣趙賴原未請有部示也至前項捐米四千石某人捐米若干石之處則係土司安勝祖一人捐助與各員無涉阿五等所呈甚明毋庸分晰造冊也既據該道逐一據實呈詳前來臣謹會同督臣蔡毓榮合詞具題伏乞

皇上敕部准銷施行

據驛奏疏

卷之八

三

康熙二十三年六月十三日題七月二十二日

奉

旨該部知道

巡撫貴州兼理湖北川東等處地方提督糧務都察院右副御史臣楊建禮

題爲逆犯強勒折夫毆辱不堪懇恩嚴禁事據糧
驛道叅議勞之辨呈詳該臣看得黔地之萬難
者莫如夫役一項連年以來官民之竭蹶急公
者莫如運送逆口一事查投誠官兵家口共二
萬四千六十一名起發未半又有何振邦所領
吳逆包內人口計一千一百六十四名口已於
去年起發全完矣續經查出吳逆包內人丁匠
役共二千四百一十六名口分爲十六撥每五

撫黔奏疏

卷之八

四

日起發一撥源源遞送未有息肩不敢違悞竊
思逆屬人等蒙

朝廷不殺之仁而且每站支給夫糧自宜守法安
分其爲領隊者更當加意約束無使滋事至於
行李沉重壓斃站夫及額外索夫折乾等弊經
臣禁飭至再至三乃有藐法橫行如續經查出
逆包人口第九撥領隊范成名者本年六月內
行至黔屬新添衛地方該隊家口應川夫二百
六十八名已經該衛點齊交送彼又額外索夫

十名既有實夫又勒折夫價每名強要折銀五
錢衛官未允率領家口張信民等將署衛守備
殷道亨肆行毆打該備不得已揭借銀兩除應
實夫二百零七名之外尚折銀三十五兩五錢
折銀到手方肯起身據署守備殷道亨之申報
并糧驛道勞之辨之呈詳若范成名張信民者
真目無法紀者矣臣卽欲提究而長隊家口業
已前進未便追回然折夫毆官強橫無忌不以
法懲則後來家口相率效尤衝站官民難以支

撫黔奏疏

卷之八

五

掙除一面給示再行飭禁外相應據詳指叅伏
乞

皇上敕部從重究治或將領隊范成名及家口張信
民發解回黔與殷道亨對質確供明正其罪庶
法紀肅而官民攸賴矣仰祈

乾斷施行

康熙二十三年六月二十四日題八月初一日
奉

旨該部嚴察議奏

巡撫貴州兼理湖北川東等處地方提督軍務都察院右副都御史臣楊雍建謹

題爲咨查事據布政使柯昀呈詳該臣看得定番

州學正田祖丁嫡母憂取該地方官印結咨部

准吏部咨開文結內俱未開明並無過繼字樣

有違定例令臣將混呈出結代報各官一併題



再議等因隨行布政司查取職名去後

茲據該司呈詳前來查違例混呈者原任定番

州學正今丁憂田祖也出結代報者安化縣溫

如琰貴陽軍民府以同知管府事汪熾定番州

撫黔奏疏

卷之八

七

知州王緒祖也均應指叅聽候部議伏乞

敕部查議施行

康熙二十三年六月二十四日題八月初一日

奉

旨田祖等着議處具奏該部知道

題爲欽奉

巡撫貴州兼理湖北川東等處地方提督軍務都察院右副都御史臣楊雍建謹

上諭事據布政使柯昀詳該臣看得繪畫地圖一案

奉有部文選差本省賢能道官二員同知二員

親歷地方逐一考證明白詳加繪畫進呈

御覽等因隨行布政司欽遵選擇去後茲據布政使

柯昀詳稱黔省止有道官三員學道專事考試

難以兼攝他務糧驛道管理糧務驛站又值搬

運逆谷之際無暇分身歷看止有分巡貴西道

撫黔奏疏

卷之八

七

副使王樑一員再查通省止有貴陽府同知白

邦傑一員並無二員可委等因具詳前來除行

委貴西道王樑貴陽府同知白邦傑束裝減從

親歷各地方詳加閱看繪畫進呈所有黔省並

無兩道官兩同知之處理合題明臣謹會同雲

貴督臣蔡毓榮合詞具題伏乞

敕部查明施行

康熙二十三年六月廿四日題八月初一日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為急報軍情事據貴州按察使張汧呈詳該臣覆看得舒玉崑首阿五叛逆一案審係誣捏經兵部會同三法司議將舒玉崑照誣告叛逆被誣之人未決者擬斬監候之例監候秋後處決奉旨

俞旨欽遵在案茲遇秋審之期臣遵例傳集布按二司道府等員復加研審據舒玉崑供稱因阿五指謂者王泰又伊子舒朝德供係阿五殺死以

撫黔奏疏

卷之八

六

此夙怨遂誣以點兵謀反與原供無異舒玉崑誣捏情真仍依反坐律擬斬不枉臣謹會同雲貴督臣蔡毓榮合詞具題伏乞

皇上睿鑒施行

康熙二十三年六月二十四日題

巡撫貴州兼理湖北川東等處地方提督軍務都察院右副都御史臣楊雍建謹

題為科舉事據布政使柯鼎詳該臣看得本年甲子科舉行鄉試例用提調監試等官查庚子癸卯丙午三科除用布按兩司外又行調取守巡道二員為副迨後道缺奉裁已酉壬子二科提調監試止各用一員上年補行辛酉科鄉試照例遵行亦未設副員今黔省止有分巡貴西道現委身歷地方繪畫輿圖此外別無道員可以調取據布政使柯鼎詳請仍照已酉壬子兩科

撫黔奏疏

卷之八

七

及補行辛酉科舊例止用提調監試各一員等因前來相應題明伏乞

敕部查明施行

康熙二十三年七月初二日題八月初十日奉

旨該部知道

巡撫貴州兼理湖北川東等處提督軍務都察院右副都御史臣楊璠謹

題爲邸報公文遲滯沿途塘舖玩延請乞

勅部嚴查以速郵傳事竊照塘舖之設所以通達邸抄遞送公文所係綦重無容留滯者也貴州京報從直隸河南湖廣湖南地方以達黔省係雲貴提塘守備在京編號抄發向來各部院咨文皆封附邸報內傳遞以防遺漏在沿途塘舖每以隔省岐視故黔省京報大約兩月內外始到今則遲滯更甚臣衙門邸抄已到者至本年四

撫黔奏疏

卷之八

干

月初十日止其在初十後者迄今八十餘日尚未到黔其中部文之沉擱者不知凡幾矣事關緊要豈容濡滯倘有遺失貽悞非輕相應據實題明伏乞

勅部轉行直隸豫楚各省撫臣嚴行各該塘舖挨查臣衙門邸報公文於何地方留滯有無遺失嗣後務期隨到隨送如有耽延嚴加懲治則公文迅速而奉行不患稽遲矣仰祈

睿鑒施行

康熙二十三年七月初二日題八月初七日奉

旨該部知道

撫黔奏疏

卷之八

主

經撫貴州兼理湖北川東等處地方提督軍務都察院右副都御史臣楊鍾建謹

題爲府縣互訐事該臣看得銅仁州縣之郡府縣同城官斯土者務期協恭和衷潔已奉法庶民生克安而無忝厥職乃若銅仁府知府周元功銅仁縣知縣周會津彼此互訐則有大可異者據該府詳稱土官楊弘基侵蝕糧米縣令周會津朋比爲奸縱令兇脫又暗囑營兵私擄公文等因到臣隨檄該司行查復據該縣申詳府官周元功貪酷兇暴凌虐官民列款揭首前來正

撫黔奏疏

卷之八

三

在嚴查而該府又以縣令侵那倉米申報矣其事之虛實尚須嚴審但上下互訐有乖政體所訐事情均干

功令除一面批發布按兩司嚴查外該府縣俱係職官未便審訊相應題叅伏乞

勅部議覆將周元功周會津革職并提案內有名人犯質審究擬庶官箴以肅矣臣謹會同雲貴督臣蔡毓榮合疏具題仰祈

睿鑒施行

康熙二十三年七月初四日題九月十一日奉旨這所叅周元功周會津俱着革了職其互訐各款併本內有名人犯該督嚴提究擬具奏該部知道

撫黔奏疏

卷之八

三

巡撫貴州兼理湖北川東等處地方提督軍務都察院右副都御史臣楊雍建謹

題為行謹事據布政使柯鼎詳該臣看得黔屬大

小各衙門書辦承差臣准部咨查照順治十三

年舊例納銀一案隨行布政司照例納銀造冊

詳報去後今據布政司柯鼎詳稱黔處荒陬僻

多漢少地瘠民貧自恢復以來各衙門所募書

辦俱係湯火遺黎各賴官食養濟以供書寫今

奉行援納皆畏縮不全願甘退役雖今一面勉

勵辦事一面責令輸銀據各役詞稱雲南中省

撫黔奏疏

卷之八

五

書辦納銀已奉減半黔係小省援納難與大省

比論籲懇

皇仁將黔省書辦承差准照滇例減半援納庶為力

稍易而辦事有人矣臣謹會同雲貴督臣蔡毓

榮合詞具

題伏祈

敕部議覆施行

康熙二十三年七月十一日題八月十九日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為請祈明示以便遵行事據按察使張汧呈詳

該臣看得直省事例

欽案大獄有於歲終繕造黃冊

進呈

御覽黔省初經恢復舊案無稽未經奉

行據按察使張汧詳稱事關

進呈未敢剝率冒昧請乞

題明領發原行冊式庶便遵行繕造等因前來臣

撫黔奏疏

卷之八

五

謹具

題伏乞

敕部查發施行

康熙二十三年七月十七日題八月二十日奉

旨該部知道

巡撫貴州兼理湖北川東等處地方提督兼理都察院右副都御史臣楊雍建謹

題爲詳請不敷驛費俸食銀兩事據布政使柯鼎
詳該臣看得黔省康熙二十三年分大小各衙
門文職官役俸食驛站經費等銀據布政使柯
鼎詳稱除例支半徵條丁土賦馬館米折及稅
課等銀并根驛道奏銷存剩銀兩外尚共不敷
銀一萬七千三百七十三兩零詳請題撥臣查
該司冊報奏銷二十二年終存剩條丁等銀一
萬八千九百餘兩係留支二十三年官役俸食

撫黔奏疏

卷之八

三

舖兵之項足支有餘無庸

題請撥給批發去後今據該司詳稱前項銀兩雖
於

奏銷冊內登答造報尚未奉部覆是以詳請

題撥除將此項聽候部示遵行外至奉撥本省各

案存庫銀二萬四千九百有零應將見在存貯

大兵支剩銀二萬四千七百零抵補查此項銀

兩現有貯庫亦未奉部文撥動并根驛道二十

二年分

奏銷存剩銀八千四十八兩零亦係留支二十三

年驛費銀兩事聞驛站錢糧未敢擅支合再詳

請一併

題明以便動支等因前來臣謹會同雲貴督臣蔡

毓榮合詞一併

題明仰祈

睿鑒敕部查照施行

康熙二十三年七月十七日題八月二十一日

奉

撫黔奏疏

卷之八

三

旨該部知道

巡撫貴州兼理湖北川東等處地方提督軍務都察院右副都御史臣楊鍾建謹

題為咨請明示以便遵守等事准鎮守貴州大定

鎮總兵官署都督僉事葛秉貞咨移到臣該臣

看得黔西鎮總兵官葛秉貞改補大定所有黔

西鎮內原領

敕書關防并

王令旗牌咨移到臣就近

題繳等因前來隨查該鎮原領舊

敕一道康字五千五百十八號鎮守黔西總兵關防

撫黔奏疏

卷之八

无

一顆令字十五號起至十九號止

王令旗牌五面捍除送兵部驗收外相應具題伏乞

敕部查照施行

康熙二十三年七月二十一日題八月二十六

日奉

旨該部知道

巡撫貴州兼理湖北川東等處地方提督軍務都察院右副都御史臣楊鍾建謹

題為稟報事據按察使張沅詳該臣看得貴州衛

屬油榨關居民被盜一案臣准部咨將疎防各

官分別住俸罰俸限一年緝賊如不獲題參另

處等因隨檄該司遵行去後今據按察使張沅

詳稱限期已屆而真賊尚無一獲應照例指參

開報職名前來除營弁聽督臣查叅外查小緝

專轄係貴州衛守備胡紹鼎也協緝兼轄係以

守禦所千總管貴州操捕都司僉書事文培世

撫黔奏疏

卷之八

无

也督緝統轄係署遊擊掌印都司杜進梅也其

接緝兼轄道員係護理貴西道印務安順府知

府汪世印今接任貴西道副使王樑據該司詳

稱受事未久例不重開等因合併聲明以聽部

議臣謹會同雲貴督臣蔡毓榮合詞題叅仰祈

勅部議覆施行

康熙二十三年八月初四日題九月十一日奉

旨胡紹鼎等着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲恭報入闈日期事竊照黔省本年甲子科舉行鄉試臣職任監臨遵例於八月初六日入闈
恭飭防維以仰副掄才

大典所有

欽部事件未能兼理相應

題明請乞

勅部照例於出闈之後扣算完結仰祈

睿鑒施行

無庸奏疏

卷之八

三

康熙二十三年八月初四日題九月初十日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲照例保舉事據布政使柯鵬按察使張沂會詳該臣看得州同管理永寧衛經歷黃允亮例監出身例應保舉方以京官正印官陞用茲據布政使柯鵬按察使張沂詳稱本官才具敏捷事多諳練署縣勤勞自甘淡泊將行過事實備造清冊循例詳請保題前來臣查該經歷歷俸三年有餘允爲奉公守法清廉愛民才能稱職之員所當照例保舉以勵官方除清冊送部外

無庸奏疏

卷之八

三

臣謹會同雲貴督臣蔡毓榮合詞保題伏乞

勅部議覆施行

康熙二十三年八月初四日題九月初十日奉

旨吏部知道

巡撫貴州兼理湖北川東等處地方提督都察院右副都御史臣楊鍾健

題爲奏銷康熙二十一年收支糧米事據糧驛道
勞之辨呈詳該臣覆看得康熙二十一年分收
支糧米一案其中欸項不符者准部文行臣逐
一查明咨報等因遵卽轉行糧驛道勞之辨逐
一查明詳報去後先據該道呈詳部文開載綠
旗回汛官兵支過行糧令將兵丁數目及起止
月日查明送部一欸查康熙二十一年分綠旗
回汛官兵計大小標營二十二起共支過黔省

撫黔奏疏

卷之八

三

行糧米七千七百七十六石三斗三升一合綠
各標營有從黔省貴陽一路回楚者有從安籠
一路回粵者有從烏撒一路回川者各標營俱
分路回汛沿途零星支給地方官取據各標營
印信實支轉報本道本道卽據實支數目入冊
報銷原與康熙十九二十兩年分各標營久駐
黔省或經年或數月有官兵數目及起止月日
可以造報者不同等因查前項綠旗回汛官兵
大小標營二十二起共支過黔省米七千七百

撫黔奏疏

卷之八

三

七十六石三斗三升一合果係沿途零星支給
之數是以實支內未經開載官兵數目及起止
月日者居多相應照印信實支數目請銷者也
又據該道呈詳部文開載康熙十九二十兩年
湖南遁解大將軍貝子軍前官馬支過穀折米
四百三十四石一斗六升令將各站接取倒斃
馬匹月日逐一開明報部一欸本道於未奉部
文之前業於公務事案內將鎮遠等七站造報
接收倒斃月日清冊具文呈請咨部在案等因
查前項馬匹倒斃月日臣業據該道造冊呈詳
咨達戶部在案相應請照前冊開銷者也又據
該道呈詳部文開載一應家口每名例支米八
合三勺今支給投誠總兵白麒生家口米一十
二石五斗每名日支米一升係照何例支給行
令查報一欸隨行支米之安南等站查明回報
去後隨據回稱投誠總兵白麒生等家口五十
名口遵照定例欲以每名口八合三勺支給而
白麒生等爭執不已是以照前站每日支米五

斗之數支給取有實支等語查白麒麟生等共多
支米二石一斗二升五合本道已行令各站照
多支之數買補還倉造入二十二年分收支四
柱冊內存倉項下報銷等因查白麒麟生等多支
米二石一斗二升五合已經支米各地方官買
補還倉似應免議以上各款業經臣於本年五
月十六日據詳咨部在案今於本年七月內准
到戶部咨為奏銷康熙十九二十兩年收支糧
米事內有事關奏銷錢糧不便據咨准銷應俟
撫黔奏疏

卷之八

三

皇上勅部查核准銷施行

康熙二十三年八月初四日題九月十一日奉

旨該部知道

巡撫貴州兼理湖北川東等處地方提督軍務都察院右副都御史臣楊建德謹

題為奏銷康熙十九二十兩年收支糧米事據糧

驛道參議勞之辨呈詳該臣覆查得康熙二十

兩年分黔省收支糧米准部文駁查各款行臣

逐一查明具題遵即轉行糧驛道勞之辨逐款

查明詳報去後今據該道呈詳候補僉事道黃

九疇等支過米一百三十二石九斗二升緩遠

將軍標下付將王珍等營支過米九萬五千四

十五石一斗六合俱係冊領相符應照數開銷

撫黔奏疏

卷之八

三

之款又江西督標副將吳友名所造官兵二十
年分米領係一萬八千一百四十二石九斗七
升米冊又係一萬八千二百四十三石一斗九
升冊領參差之處今據該道呈詳原止照江西
督標官兵實支過一萬八千一百四十二石九
斗七升之數報銷並無多支又查岳州前鎮總
兵官陳華所造官兵十九二十兩年分米領係
八千六百一十五石零五合米冊又係八千六
百二十九石四斗七升五合冊領參差之處今

撫黔奏疏

卷之六

奏

據該道呈詳該鎮冊內自十九年閏八月起至二十年十二月終止原共載支米八千九百一十八石七斗八升內應除支過湖南米二百八十九石七斗四升五合是以照該鎮實支黔米之數報銷並無多支以上江西督標官兵支過二十年分米一萬八千一百四十二石九斗七升併支過十九年分米二千八十石三斗四升又岳州前鎮官兵支過十九二十年分米八千

八百五十三石五升零俱係實在支給之數伏

乞

皇上勅部准銷至於江西督標岳州前鎮標各官兵

雖無多支米石而冊領參差咎在各營或應行

查議或事在康熙二十年十二月二十日

恩赦以前免議理合聲明併祈

勅部查奪又湖廣督標右路付將廖貴一等營支過

米二萬九千二百二十六石七斗四升零之冊

領臣於未准部文行令彙齊題報之先業於本

年五月內將取到各營清冊領彙咨戶部在案

相應一併

題明請

勅部查核開銷者也

康熙二十三年八月初四日題奉

旨該部核議具奏

撫黔奏疏

卷之八

奏

巡撫貴州兼理湖北川東等處地方提督軍務都察院右副都御史臣楊雍建謹

題爲奏銷凱旋大兵支過口糧事據糧驛道叅議勞之辨詳該臣查得糧驛道於康熙二十一年分採買供應大兵口糧米價值一案先准部文行臣核減業經轉行該道嚴加核減續據該道呈詳據各地方官申報康熙二十一年分旋師絡繹在黔喂馬米價騰貴萬難核減情形經臣覆核題明在案今復准部文因黔省二十年分採買米石准銷價值每石止二兩六錢今二十

無黔奏疏

卷之八

奏

一年分開銷二兩七錢仍有浮多是以行臣核減遵卽轉行該道再加核減具報去後今據該道詳稱二十年分採買米石係供應進勦官兵陸續支放彼時楚運未停捐納未止是以每石價銀合計二兩六錢迨二十一年分凱旋官兵一時驟至供億浩繁黔省彈丸之地產米有限又值夏秋之間價值騰貴其初市價每石三四兩之間迨後六七八兩不等萬目共睹其時嚴飭經手各官加意核減發價六萬兩買米二萬

二千一百五十石計不過二兩七錢之數雖每石增給一錢委無浮冒且先發銀而後上米若將兩年前已給之價再議駁減問之窮民萬難倒追責之官吏實難賠補等情呈詳到臣臣覆加查核本年米價騰貴是真雖較前增給一錢並無浮冒合無籲懇

皇恩俯念瘠土殘疆

敕部准銷則窮民勞吏均戴

皇仁于無既矣臣謹會同雲貴督臣蔡毓榮合詞具

無黔奏疏

卷之八

奏

題仰祈

睿鑒施行

康熙二十三年八月初四日題

巡撫貴州兼理湖北川東等處地方提督軍務都察院右副都御史臣楊雍建謹

題爲異常亢旱民不堪命仰祈特疏題請急救災
黎事據布政使柯鼎振驛道參議勞之辨掌印
都司杜進梅會詳該臣看得黔省土瘠民貧漢
少苗多耕田而外素無別項營運終歲之計全
望秋成於以上完

國賦下謀朝夕茲據司道詳稱本年六月以來亢
陽不雨禾苗焦枯不秀不實貴陽等府并所屬
各州縣衛紛紛具控秋成失望米價漸騰輾轉

撫黔奏疏

卷之八

聖

流離勢所不免籲請入

告前來事關民生疾苦理合奏

聞除各屬被災分數俟確查到日另報外所有旱荒

情形臣謹會同雲貴督臣蔡毓榮合詞題報伏

乞

勅部議覆施行

康熙二十三年八月初五日題九月初九日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲文場事竣謹報出闈日期事竊照黔省本年
甲子科舉行鄉試臣遵於八月初六日公同正
主考翰林院編修黃興堅副主考戶部郎中毛
濟秀及提調監試各官入場其應行事宜臣稟
遵條例恭飭內外茲試事告竣臣於八月二十
一日出闈所有奉到

欽部案件照例行催次第完結除中式舉人硃墨試
卷撤行布政司照例依期解部磨勘外謹將出

撫黔奏疏

卷之八

聖

闈日期具

題伏乞

皇上睿鑒勅部查照施行

康熙二十三年八月二十一日題九月二十五

日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題為科舉事案查康熙二十一年正月初三日准

禮部咨開儀制清吏司案呈查康熙十七年河南巡撫董國典疏稱戊午科場事竣所有場內繕寫題名錄一本恭進

睿鑒等因奉

旨禮部知道以後各省科舉題名錄俱照河南例行欽此隨即照樣抄寫通行各省遵照在案今廣西貴州兩省先因變亂未經頒發今舉行鄉試

撫黔奏疏

卷之八

聖

在邇相應將河南題名錄式抄寫頒行二省該撫遵照可也案呈到部擬合就行為此合咨前去煩為查照施行計送題名錄式一本咨移到臣遵奉在案今康熙二十三年八月舉行甲子科鄉試事竣所有考取中式舉人名第據布政使柯鼎仍照河南式樣於場內繕寫題名錄一本相應恭

進伏乞

睿鑒施行

康熙二十三年八月二十一日題九月二十五

日奉

旨禮部知道題名錄內遺落同考官字着飭行

撫黔奏疏

卷之八

聖

巡撫貴州兼理湖北川東等處地方提督務都察院右副都御史臣楊瑞建

題爲奏銷康熙二十二年驛站錢糧事據糧驛道勞之辨詳該臣覆查得先據糧驛道勞之辨造報二十二年分奏銷驛站錢糧清冊臣業經覆核具

題將清冊分送部科查核其時止准有驛站錢糧十分裁二留八部文而買馬廩糧等項銀兩作何裁減之處臣復於欽奉

恩詔事案內題請

撫黔奏疏

卷之八

聖

敕部酌議故二十二年奏銷驛站錢糧冊內止將夫馬工料等項銀兩十分裁二留八其買馬廩糧等銀未經裁扣今臣於奏銷達部之後復准部文令將買馬廩糧等銀一併裁二留八隨行該道照例裁減經臣另疏

題明清冊達部外但十分裁二之冊原止就黔省二十四驛一十八站一年十二個月額支錢糧十分內裁二留八之數計算是以冊內每年額支銀五萬二千六百六十四兩六錢四釐內裁

二銀一萬五百三十二兩九錢二分八釐存留銀四萬二千一百三十一兩六錢八分三釐二毫至於二十二年分多閏六月一個月又有平溪清浪二驛自本年正月初一日起至五月初七日止未經歸併湖南以前月日俱照額增加是以冊內夫馬工料等項銀兩除十分裁二外存留銀一萬九千七百八十二兩七錢一分七釐八毫二絲此前冊裁減之數除十分裁二外存留銀二萬五千九百二兩四錢此目下續行

撫黔奏疏

卷之八

聖

裁減之數總計二十二年分共支銷銀四萬五千六百八十五兩一錢一分七釐八毫二絲比照前此送部二十二年奏銷冊開夫馬工料併買馬廩糧等項共用過銀五萬二千一百六十兩七錢一分七釐八毫二絲之數今又裁減買馬廩糧等銀六千四百七十五兩六錢應扣追還庫俟二十三年奏銷冊內造入收數作正支銷誠恐前後各冊不符致干部駁據該道另造前明登答清冊前來臣覆核無異除冊送部外

理合題明伏乞

皇上敕部將前後造送清冊逐一查核准銷施行

康熙二十三年八月二十四日題奉

旨着察核該部知道

撫黔奏疏

卷之八

聖

巡撫貴州兼理湖北川東等處地方提督軍務都察院右副都御史臣楊雍建謹

題爲身病不能坐塘事據貴州糧驛道勞之辨詳

該臣看得坐塘筆帖式查克擔以患病呈清更

換隨行糧驛道勞之辨確查去後據該道詳稱

行據普安州知州吳鏞委該學教官汪天液親

身看驗查克擔患病情真出具印甘各結前來

除揭送兵部外臣謹會同雲貴督臣蔡毓榮合

詞具

題應否更換仰祈

撫黔奏疏

卷之八

聖

睿鑒勅部議覆施行

康熙二十三年八月二十四日題十月初四日

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲欽奉

恩詔事據糧驛道勞之辨詳該臣看得黔省驛站錢糧一案准有部文令將買馬廩糧等銀彙入通省驛站錢糧內照依原額十分裁二留八造具衝僻清冊具題等因遵卽轉行糧驛道勞之辨造冊呈詳去後今據該道呈詳黔省二十六驛一十八站內除平溪清浪二驛歸併湖南外計額支夫馬工料並買馬廩糧等銀每年共五萬

撫黔奏疏

卷之八

哭

二千六百六十四兩六錢四釐今裁二銀一萬五百三十二兩九錢二分八毫存留銀四萬二千一百三十一兩六錢八分三釐二毫其有遇閏年分照額增減備造裁二留八清冊前來臣覆核無異理合

題明聽部核奪又據該道詳稱黔省自鎮遠府以至普安衛下接湖南上接滇省一線羊腸有衝無僻前此從未設有衝僻之名今實難以強爲分別只得彙以極衝開造伏乞

皇上俯鑒黔省驛站錢糧既已十分裁二而黔驛實在有衝無僻與直隸各省驛站不同

勅部照冊備案免行駁造則裁減之款項既清而奉行之部件易結矣

康熙二十三年八月二十四日題十月初四日奉

旨該部知道

撫黔奏疏

卷之八

哭

巡撫貴州兼理湖北川東等處地方提督軍務都察院右副都御史臣楊雍建謹

題爲清查賊遺銅鉛事據布政使柯鼎詳該臣看得永寧州所報賊遺銅鉛准有部文照數收貯候文解送等因隨行該司遵照在案今據布政使柯鼎詳稱該州解到紅銅六千五百四十二觔大小三百七十八塊倭鉛二千六百五十七觔厚薄一百七十五磚秤驗數目與原報相符惟是前項銅觔實非淨銅係連渣毛銅已被土氣所浸銹爛不堪如再收貯日久不無折耗查

撫黔奏疏

卷之八

奉

黔省原未鼓鑄又無別項需用詳請准照部定紅銅每觔價銀八分其倭鉛黔省未奉有部定價值合無請照本省時價每觔三分一併變價充餉以免銹爛消折等因前來相應具

題仰祈

睿鑒勅部議覆施行

康熙二十三年八月二十四日題十月初四日

奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲土司承襲事據布政使柯鼎詳該臣看得議敘土司一案先經兵部侍郎庫勒納會議內一欵天壩長官司天應祿承襲正長官因被賊殺伊之子弟未據有請襲宗圖冊結應聽該督撫查明應襲之人定議具題等因隨行確查去後茲據布政使柯鼎詳稱天壩司正長官天應祿於康熙二十一年內承襲領有號紙十二年內被苗賊殺死彼時伊子天世臣年幼未經請襲

撫黔奏疏

卷之八

奉

卽遭吳逆叛亂將號紙追取康熙十九年十月內大兵進黔天世臣赴軍前呈繳偽印割投誠今據該府查明天世臣實係天應祿嫡長親男應當承襲出具印結並粘連該州印結鄰司戶族押結及宗圖清冊詳請承襲前來臣覆核無異除冊結送部外謹會同雲貴督臣蔡毓榮合詞具題伏乞

勅部議覆施行

康熙二十三年九月初七日題十一月初三日

奉

旨該部知道

撫黔奏疏

卷之八

三

巡撫貴州兼理湖北川東等處地方提督軍務都察院右副御史臣楊璽題

題爲給發文憑事據布政使柯鼎詳該臣看得歷

看地方繪畫輿圖一案前准部文因黔省道員

同知不敢委用止有分巡貴西道王樸貴陽府

同知白邦傑二員堪委題明在案今王樸白邦

傑俱已陞任不便久留歷看繪畫其新補之貴

西道貴陽同知尚未抵黔接替乏人地圖關係

緊要無容草率遲延據布政使柯鼎詳請

題明或俟新官到任再行歷看繪畫或另委別項

撫黔奏疏

卷之八

三

官員接續料理等因前來臣謹會同雲貴督臣

蔡毓榮合詞具題仰祈

勅部議覆施行

康熙二十三年九月初七日題十月十九日奉

旨該部議奏

巡撫貴州兼理湖北川東等處地方提督軍務都察院右副都御史臣楊鼎建謹

題為援例陳情懇乞終養事據布政使柯曲詳該

臣看得定例官員父母年老七十之上戶內別

無以次人丁者許回籍終養今都勻府知府顧

高嘉親母周氏七十九歲家無以次兄弟所生

一子尚未成丁不能代養援例呈請終養據布

政使柯曲查明與例相符取具同官印結具詳

前來除印結送部外臣謹會同雲貴督臣蔡毓

榮合詞具

撫黔奏疏

卷之八

書

題伏乞

勅部議覆施行

康熙二十三年九月初七日題十月十九日奉

旨吏部議奏

巡撫貴州兼理湖北川東等處地方提督軍務都察院右副都御史臣楊鼎建謹

題為奏銷收支餉銀事據布政使柯曲詳該臣看

得康熙十九年十月起至二十一年六月止黔

省供應過進征官兵收支餉銀准部文駁查各

款行臣逐款查明另造清冊具題等因遵卽檄

行布政使柯曲逐款查明另冊詳報去後今據

該司詳稱查進勦綠旗各標鎮營多支少開銀

兩先因各官兵或經撤回解散其多支者移追

不前少領者無憑補給業經詳請咨部將少支

撫黔奏疏

卷之八

書

銀兩停其補給存庫充餉多支之銀或援

赦免其扣追在案再查江西督標將領內刪除扣還

長支湖南十九年分廩鹽料乾銀及草束折銀

共七十六兩九錢八分四釐零扣貯黔庫聽部

撥用又雲南提標領內刪除扣還長支湖北十

九年分餉銀並該標繳還湖北寄收黔庫銀共

五百五十一兩五錢零聽候部示撥用至於山

西提標等五標鎮營共未支銀六十八兩九錢

五分零因各官兵撤調無從補給扣貯黔庫聽

部撥用又陝西奮威標等七標鎮營共多支銀一百三十五兩八錢七分六毫零草二百四十

四束因各官有撤調回汛有經解散難以追扣或憐調征官兵援

赦免其追扣以上扣還湖南湖北以及未支多支銀

兩原係照依冊領徹底確查之數所以較前咨

部數目稍有不符將軍開冊領互異之處於前

件項下逐一分明登答另造清冊呈報前來除

冊揭送部外相應具題仰祈

撫黔奏疏

卷之八

奏

勅部核覆施行

康熙二十三年九月初七日題十月十九日奉

旨該部知道

經撫貴州兼理湖北川東等處地方提督軍務都察院右副御史臣楊秉建謹

題為請

旨事據布政使柯鼎該臣看得鎮遠偏橋二衛倒斃

官馬一百八十四匹准有部文令臣勒限隨黔

省第一次賠馬二百匹一并照數追賠等因隨

檄該司道酌取追賠去後茲據布政使柯鼎詳

請前項倒斃馬匹係康熙十九二十兩年內事

繼時鎮偏二衛尚隸楚轄自應楚省賠補先因

偏撫卸責黔省故不得不請於黔省倒馬賠完

撫黔奏疏

卷之八

奏

之後接續賠補今奉文一併照數追賠撥給缺

馬驛遞查賠補馬匹惟各官是問黔官寥寥無

幾非如他省地廣官多衆擎易舉今以黔省之

官按年賠補馬二百匹已力竭難支若再將鎮

偏二衛倒斃馬匹責令同時賠補雖日事追呼

究于公務無濟等因前來臣復念前項馬匹原

係代楚受累馬數過多一時實難猝辦籲懇

皇仁俯念天末寒員急公有心補苴無力仍照原疏

俟黔省倒馬按年賠完之後再將二衛倒馬接

贖賠補目下稍緩追賠則公私俱克有濟仰祈
睿鑒施行

康熙二十三年九月初七日題奉

旨該部議奏

撫黔秦疏

卷之八

奏

巡撫貴州兼理湖北川惠等處地方提督軍務都察院右副都御史臣楊建勳

題為奏銷康熙十九二十兩年收支糧米事據署

糧驛道石阡府知府蔡廷輔呈詳該臣看得康

熙十九二十兩年進勦官兵支過黔省行糧准

部咨行令將官兵冊領送部查核等因今據護

理糧驛道印務石阡府知府蔡廷輔詳稱雲南

桑提督官兵自十九年十月起至十二月終止

支過黔省行糧米三千一百二十一石七斗八

升自二十年正月起到二月初七日止支過黔

撫黔秦疏

卷之八

奏

省行糧米一千七百六十石三斗九升先經前

道造冊報銷奉部查印領蒙咨取冊領前來如

冊開十九年偏橋支米一百石龍里支米一百

石威清支米一百二十五石貴陽支米三千石

又找支米二千七百六十六石七斗八升以上

共米三千一百二十一石七斗八升與前道報

銷之數相符至該營冊內所開在平溪衛支安

陸府王同知米四百九石九斗此係楚省支給

之米應聽湖南報銷今該營一并造入冊領之

內是以較前道報銷之數多米四百九十九石九斗
應將此款除去以符款項又冊開二十年支安
南衛米三百一十九斗八升六合零支永寧州
米三十石支盤江湖土官禮廷試米一十四石
支江西坡賊遺米四十九斗五升又支貴州米
一千四百九十九石四斗五升三合零以上共支米
一千七百六十石三斗九升與前道報銷之數
符合但冊載扣還長支米七石七斗七升原係
扣還之米前道本不作支今該營一并造入冊

撫黔奏疏

卷之八

奉

領之內相應將此款除去以符原數今將該營
送到冊領呈繳前來除冊領送部查核外臣謹
會同雲貴督臣蔡毓榮合詞具

題伏祈

勅部核銷施行

康熙二十三年九月十三日題十一月初三日
奉

旨該部知道

巡撫貴州兼理湖北川寧處地方提督軍務都察院右副都御史臣楊鍾建
題為特參土官越境稱兵等事據按察使張洪詳
該臣看得蒙嘉祚等越境稱兵一案行提莫與
齊及欽証羅觀保等赴黔質審據與齊口供據
土目莫包老黃元老所報冷稿房文彝作稿申
詳原未確查等語以致嘉祚展辨無憑定案臣
復經題明請行粵撫將莫包老等齊解到之日
扣限完結在案嗣准粵撫咨會羅觀保已經身
故將伊兄羅婉升案內羅富等共六名解黔質
審又准咨移龍函陸郁等屢緝無獲將龍函等
之親族普華等十名起解到黔其莫包老黃元
老盧岐等在逃無踪無憑題解等因隨將現到
犯証先後發司研審究擬臣復加親審謹按蒙
嘉祚與南丹州土舍莫與係中表弟兄而莫
與齊則係庶兄也與齊與隆爭襲土官隆與母
並遣書嘉祚而楊宏勳亦與隆瓜葛並稱兵往
收祚弟嘉祺又率眾繼往列隊成羣見者駭愕
誠為私親而干大法者也審擬蒙嘉祚供稱止

撫黔奏疏

卷之八

空

帶苗兵五六十人由獨山而往只經也峩小巴打羅富哨以至那地並無殺虜也坪等哨之事惟是巴打苗人阻路彼此相殺嘉祚之衆被殺二十三人嘉祚亦殺彼一十七人自供不諱據營兵張守紀州役李春先供稱奉差往查明蒙楊二土官到六寨地方見田坎下有砍死的人到羅富哨見蒙嘉祚楊宏勳與南丹州土目盧岐人搭有草棚營盤見一人砍去右手脊背帶傷係親眼看見約帶有一千兵等語訊問嘉

撫黔奏疏

卷之八

奎

祚則稱砍壞的人就是小巴打苗子不肯讓路因而砍傷拿他到羅富哨來是實自供不諱據塘兵張萬庫供稱蒙祺等帶領一千土兵在塘上打仗吃飯詢之嘉祺供稱伊父蒙一瓏恐怕嘉祚帶了兵知到南丹生事叫去趕他止帶有二十個人等語此又嘉祚帶兵前往之一徵矣蒙嘉祚稱兵越境殺人是真惟莫與齊冊報蒙嘉祚等於南丹地方殺擄情節嘉祚堅不承認審據莫與齊供稱只據土目莫包老黃元老具

報卽令稿房文譽作稿轉申未曾查明白甘妄報詢解到之文譽供係文盧因姓同悞解並非作稿之文譽也詢欵証羅富羅婉富李吳八莫前等僉供並未曾受嘉祚殺害詢續到之龍普韋等十人不通漢語據解差黃李代供伊等俱不知搶擄之事等語與齊所報祚惡蹟多欵無一証自難懸議至獨山州所揭諸欵審無指証內抗糧一欵查其完納二十年馬館銀庫收在揭報之後該州所揭不爲無因蒙恩隆首告各

撫黔奏疏

卷之八

奎

欵提到証人止蒙一鵬蒙奇應証兩欵事屬子虛恩隆已逃別欵實証無人亦難懸坐審據楊宏勳供稱初因蒙嘉祚被掣畏懼不前又父亡染病是以連延今自行投審非敢抗違前往南丹州去時所帶僅三十八人內缺報至那地州接取外甥黃大經並無帶有多兵殺擄之事據塘兵蕭明供稱原報帶有數百往小路去也義是楊土官等語據張守紀李春先所供到羅富哨見有蒙嘉祚楊宏勳盧岐三人營盤等語楊

宏勲雖不與蒙嘉祚同走而嘉祚所供有到羅富哨與楊宏勲相會的時候他也只帶有四五十人等語帶兵會合情事可見自不止於三十八人雖欲不謂之稱兵越境不得也惟是於南丹地方殺擄牲畜莫與齊既無指實而羅富韋李諸人亦不質証曾受楊宏勲之害此處亦難懸坐合而論之蒙嘉祚楊宏勲搶擄雖無証據而越境稱兵鑿鑿難掩嘉祚又於小巴打地方戕殺多命二犯均當重擬但查定例土苗因仇

撫黔奏疏

卷之八

審

開曩彼此稱兵如侵犯有司疆界卽以反論如殺害軍民應按律治罪今蒙嘉祚等審無侵犯有司疆界所殺亦係苗子應否從寬合聽部議其蒙嘉祚楊宏勲應襲名色均應革除另選承替莫與齊仇恨嘉祚宏勲往助與落不遂承襲之願輕信土目莫包老等妄行申報亦當重究然嘉祚等稱兵既實應否免議蒙嘉祺雖奉父命領兵追趕嘉祚無所擾害乃擅自擁衆行走亦應究擬蒙恩陪首告潛匿有應得之辜查係

嘉祚同堂叔祖大功尊屬例得從寬其未獲之盧岐與虛報之莫包老黃元老等仍應嚴緝另結但查各犯事俱在康熙二十年十二月二十日

大赦以前似應一并援宥其証犯羅富等諸人均應省釋再查此案准有部咨俟莫包老等解黔質番之日扣限完結今莫包老等屢緝未獲楊宏勲於本年七月十九日投到發審合將現在犯証審明結案以免拖累無辜相應一併聲明臣

撫黔奏疏

卷之八

奎

謹會同雲貴督臣蔡毓榮合詞具

題伏乞

敕部議覆施行

康熙二十三年九月二十五日題十一月初八

日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲異常亢旱民不堪命仰祈特疏

題請急救災黎事據布政使柯鼎護理糧驛道事

石阡府知府蔡廷輔掌印都司杜進梅會詳該

臣看得黔省本年六月以來亢暘不雨田禾焦

枯先據該司道詳稱所屬地方秋成失望米價

漸騰等因臣以事關民生疾苦會同督臣題報

在案隨檄該司確查被災分數造冊彙報去後

茲據布政使柯鼎等會詳委官遍行踏勘合計

撫黔奏疏

卷之八

奏

災傷不過四分以上五分之一以下不符蠲免定例

無容彙冊題報但黔省不比別處素無積蓄際

此旱荒求免既不符例錢糧必照數上納夫役

必按日撥派災黎何以資生仰懇

皇仁格外拯救等因前來查定例夏災秋災五分以

上者免一分黔省所勘災傷未及五分自不便

違例

請蠲至格外

賑恤出自

皇上特恩非臣所敢擅請也謹會同雲貴督臣蔡毓

榮合詞題明仰祈

睿鑒施行

康熙二十三年九月二十五日題十一月初八

日奉

旨該部知道

撫黔奏疏

卷之八

奏

巡撫貴州兼理湖北川東等處地方提督軍務都察院右副都御史臣楊璉建謹

題為懇恩轉詳賜給咨文赴任事據布政使柯鼎

詳該臣看得新任黃平州知州湯傳楷於康熙

二十二年五月內奉文陞授今職憑限康熙二

十二年十月初二日到任今於二十三年九月

初一日到任計違限十個月零二十八日准福

建撫臣咨開該員在閩兩署縣事因候交代及

交代之後又奉前任總督調赴軍前接引安插

投誠官弁件送到省交接明白正領憑赴任忽

奏為奏陳

卷之八

奏

染風寒瘡疾延醫調治呈明在案今病痊請咨

赴任違限實出有因非與無故稽遲者比取具

印甘結狀咨移到臣隨行布政使柯鼎覆查無

異并將該州原領文憑申繳前來除文憑結狀

分送部科外臣謹具題伏乞

勅部議覆施行

康熙二十三年九月二十五日題十一月初八

日奉

旨該部議奏

巡撫貴州兼理湖北川東等處地方提督軍務都察院右副都御史臣楊璉建謹

題為欽奉

上諭事據布政司詳該臣看得雲南大兵奉撤回京

共養馬料草銀兩相應撥發臣另疏題

請外復據布政使柯鼎詳稱黔地福小所產本色

有限從前大兵在黔養馬料草並不支給本色

俱照糧餉學士佛倫等議定之數每穀一石折

支銀八錢每草一束折銀二分今雲南回京大

兵如在黔喂馬難比從前兵馬雲集諸物騰湧

撫為奏疏

卷之八

奏

之時相應因時酌減以省廉費除每馬每日仍

應照例支給料穀一斗六升草二束折色銀應

將每穀一斗減去銀二分折給六分每草一束

減去五釐折支一分五釐俟雲南回兵到黔之

日即照此詳議支給等因具詳前來臣謹會同

雲貴督臣蔡毓榮合疏題明仰祈

勅部查明施行

康熙二十三年九月廿五日題十月廿五日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

題為欽奉

上諭事據布政司詳該臣看得雲南大兵回京路由
黔省臣於去冬具疏或於錢糧充裕之地喂養
馬匹若在黔養馬請於撤兵之先將就近省分
現在銀兩預撥以備旋兵俸餉草料之需准有
部覆查在滇大兵並未知撤回月日該撫所稱
錢糧充裕之地養馬并預撥餉銀之處均無容
議等因在案今雲南大兵既奉撤回京據布政

撫黔奏疏

卷之八

七

使柯鼎詳稱如不在黔喂養馬匹無容預備草
料若仍在黔養馬黔庫無項可動詳請具
題於就近省分速撥現在銀十萬兩催解來黔以
充養馬之需倘請撥銀兩協解不前請於解滇
餉銀內截留數萬兩覓作接濟俟請撥銀兩解
到照數補解還滇庶於軍供無悞等因具詳前
來臣謹會同雲貴督臣蔡毓榮合疏題
請應否撥發伏祈

勅部議覆施行

康熙二十三年九月二十五日題十月二十五

日奉

旨該部議奏

撫黔奏疏

卷之八

七

巡撫貴州兼理湖北川東等處地方提督軍務都察院右副都御史臣楊雍建謹

題爲恭報武闈日期事竊照康熙二十三年黔省
舉行甲子科武鄉試一切應行事宜臣遵奉部
文照例舉行茲於十月初九日試馬箭十二日
試步箭及提石舞刀等項十五日試策論臣董
率執事各官共矢公慎以仰副
皇上掄才至意所有考試日期理合題報伏乞
敕部查照施行

康熙二十三年十月初一日題十一月十三日

撫黔奏疏

卷之八

三

奉

旨兵部知道

巡撫貴州兼理湖北川東等處地方提督軍務都察院右副都御史臣楊雍建謹

題爲薦舉必不可停等事案查康熙二十一年正
月初三日准吏部咨該本部會同都察院議得
督撫照例二年舉劾一次其有舉無劾者將所
薦官員俱應不准如薦舉過額將其多舉之項
官員不准如果無賢官應停其薦舉勿令以定
有額數濫舉貪酷之人至有錢糧盜案者應不
准將方面有司佐貳教職酌量定爲額數通行
各直省督撫自康熙七年正月起俟二年後舉
擬黔奏疏 卷之八 三

撫黔奏疏

卷之八

三

劾一次可也計開貴州省方面官一十七員應
薦一員有司三十員應薦一員佐貳官十八員
應薦一員教官三十七員應薦一員等因於康
熙七年二月初三日奉

旨依議欽此將原案補發到臣遵奉在案茲康熙二
十三年又當舉薦之期臣矢公矢慎留心甄別
一面檄行各司道府確查所屬各官如有才幹
優長興行教化清廉愛民重農積谷無錢糧盜
案者據實開報臣復加考核恪遵

功令寧嚴切濫除方面佐貳教職無合式應薦之員
惟查有司內有龍泉縣知縣祖光珮一員堪膺
薦舉就臣間見所及又據布政使柯昺按察使
張沂石阡府知府蔡廷輔開報相符謹臚列事
實爲我

皇上陳之

計開

應薦有司官一員

石阡府龍泉縣知縣祖光珮澹泊持已慈惠宜

撫黔奏疏

卷之八

七

民闢蒿萊以集哀鴻設義學而崇教化禁革私
耗則催科有方釐剔奸宄則良善攸賴捐穀有
賑恤之備折獄見明允之才任內並無錢糧盜
案允稱循吏

事實

一龍泉彈丸僻縣本官履任之初滿城蒿萊茂
草衙署盡皆頽圯並無人民房舍本官捐資
修備草房招集居民起敝除荒稍成景象
一大兵進勦遵義以及凱旋各路提鎮官兵俱

由龍泉所需糧草運送鉛彈火藥本官竭蹶
皮應不悞見價催募夫役並未派取民間
一龍泉自遭賊變縣屬地方田土拋荒人民逃
散十有八九本官力勸開墾量給牛種設法
招徠民漸歸集年來正賦無悞

縣屬應徵條馬土蠟銀兩自僞逆橫徵遂有
火耗陋弊本官履任之初卽行禁革分毫俱
照山單徵收並無私耗以是百姓樂輸從無
拖欠

撫黔奏疏

卷之八

七

一本官設立義學一所於城隍廟延童生錢永
章設教每歲量給銀米

一龍泉當兵燹之後哀鴻甫集卽遇飢荒兼以
瘟疫流行本官捐資量賑施方調劑民得漸
蘇

一龍泉山多田少一遇荒歉粒米如珠本官衙
署之左設立義倉一所捐穀備賑申報在案
一龍泉僻處一隅本官設立保甲蚤晚稽查逃
人逃兵面生可疑之人以故奸宄難容地方

安堵

一本官自履任以來每月初一日十五日傳集鄉約等衆宣揚

六諭俾民興行

一本官奉訓值季省會一載有餘承審

欽部憲件虛公明敏積案一清

此一官者才守兼優士民共戴所當薦舉以備擢用者也如果臣言不謬伏乞

敕部議覆施行

撫齡奏疏

卷之八

奏

康熙二十三年十月初一日題十一月十三日

奉

旨吏部知道

巡撫貴州兼理湖北川東等處地方提督糧務院右副都御史臣楊雍建

題爲薦舉必不可停事案查康熙二十一年正月

初三日准吏部咨該本部會同都察院題覆前

事內開舉劾官員之時初令督撫詳確照例二

年舉劾一次其有舉無劾者將所薦官員俱應

不准等因於康熙七年二月初三日奉

旨依議欽此將原案補發到臣遵奉在案臣伏念黔

地凋殘民生困苦力役之奔馳不息旱魃之災

侵又臨若使官邪無儆則瘡痍安有起色臣於

撫齡奏疏

卷之八

奏

所屬諄諄告誡除貪殘不職者已經不時糾叅

弗敢姑容貽悞今照康熙二十三年復當舉劾

之期臣更留心體訪嚴加察核茲據該司道府

揭報前來合以臣之親訪無異所有應劾官二

員開具劣蹟爲我

皇上陳之

計開

應劾官二員

安順府永寧州知州王澤國據布政使柯鼎按

察使張汧護理貴西道印務王緒祖安順府知府唐朝宣揭報劣蹟

一康熙二十二年六月內馬跑井僧人元臣與關索嶺僧人越輝爲爭常住田告經該州本官勒要越輝銀一百兩止奏送銀三十兩與不如數將越輝重責二十以致斃命原差李皮朱應梅過付徒弟習波証

一康熙二十二年六枝土目王葵王羅王印王存王高王務王長旣已領夫上站本官每土

撫黔奏疏

卷之八

奏

目仍索要見面銀二三十兩不等王葵等証一本年六月內永寧州新鋪錢鵬程家人上山打柴檢得交鎗一管本官稱說隱匿所報勒索銀十二兩原差龔起貴過付被害錢鵬程

証

一該州損抬夫役係三土司六馬四處供應所有平遠州每月協濟夫價銀四十兩本官私扣入已竟不給散土官禮廷試沙起龍土目

羅洪成王葵証

一本年八月內關嶺祖師廟僧人覺元家財事情將汪玉告經該州本官需索銀二十四兩係原差蔡魁壁過付汪玉証

思州府經歷司署經歷姚成治據布政使柯鼎按察使張汧思州府知府陸世楷揭報劣蹟

一本官署職三年例應報滿屢催不報有違定例

一本官於康熙二十二年十一月內墜馬傷腰至今未出辦事有悞職務

撫黔奏疏

卷之八

奏

此二官者一則貪污疊見殘忍彰聞一則養病日久曠廢職務屬民旣干平大法委頓亦難以姑留所當並列糾參分別議處者也伏乞

睿鑒施行

康熙廿三年十月初一日題十一月十三日奉旨這所參王澤國着革了職其貪劣各款併本內有名人犯該督提問究擬具奏姚成治着議處具奏該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲請定營兵額數等事據臣標中軍左營遊擊熊中蘊詳該臣看得臣標製造甲械價值准部覆行令照定例刪減等因隨行該遊擊遵照刪減去後茲據臣標中軍左營遊擊熊中蘊詳稱製造甲械屢奉駁減因彼時物料價高匠作稀少所用價值毫無虛冒今既奉部文駁減只得恪遵定例刪減合將三營製造軍器兩營所造綿盛甲動用過銀兩共刪去銀七百一十九兩

撫黔奏疏

卷之八

全

五錢零出自各營將備勉力捐補還庫外實動銀六千八百三十六兩五分造具請冊詳報前來除冊揭送部科查核外相應具

題伏乞

睿鑒勅部核銷施行

康熙二十三年十月初一日題十一月十二日

奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲科舉事竊照康熙二十三年甲子科黔省舉行鄉試遵奉部文復刊試錄進呈等因茲據布政使柯開吟驗報試錄刊竣呈送前來相應恭

進伏乞

皇上睿鑒施行

康熙二十三年十月十八日題十二月十九日

奉

撫黔奏疏

卷之八

全

旨禮部知道

巡撫貴州兼理湖北川東等處地方提督軍務都察院右副都御史臣楊鍾建謹

題爲稟報事據按察使張沂呈詳該臣看得爛土
司土舍張大統因爭承襲與張國權互殺一案
經臣題報奉文將有名人犯嚴審究擬具題等
因行司嚴提在案因壤接生苗逸犯遠竄無處
勾提且此案不結則爛土長官司未便議襲就
現在人犯研審題請歸結又准部覆俟此案內
脫逃人犯獲日審明

題結等因復行該司勒限拘提去後茲據按察使

撫黔奏疏

卷之八

全

張沂詳稱張大統久在園圍因病招保出外於
本年十月十一日病故申報前來事關

欽犯相應題明至此案內脫逃人犯屢提未獲今首

犯張大統已經病故作何歸結合聽部議臣謹

會同雲貴督臣蔡毓榮合詞具題仰祈

睿鑒施行

康熙二十三年十月十九日題十一月二十一

日奉

旨該部知道

巡撫貴州兼理湖北川東等處地方提督軍務都察院右副都御史臣楊鍾建謹

題爲武舉事竊照康熙二十三年十月貴州舉行
武鄉試茲三場試事告竣謹遵定額取中武舉
陳位等二十名於十月十七日撤闈所有場內
繕寫題名錄一本相應恭

進伏乞

睿鑒施行

康熙二十三年十月十九日題十一月二十八

日奉

撫黔奏疏

卷之八

全

旨該部知道

巡撫貴州兼理湖北川東等處地方提督軍務都察院右副都御史臣楊建璽

題為陞員中途病故報明并繳文憑懇祈轉報具

題事據布政使柯鼎詳該臣查得新補雲南廣西

府彌勒州知州尹從王領憑赴任中途患病行

至平越府於本年八月二十五日身故據布政

使柯鼎查取結狀并將繳到文憑結狀送部外

臣謹具題伏乞

敕部查明施行

康熙二十三年十月十九日題十一月二十八

撫黔奏疏

卷之八

金

日奉

旨吏部知道

巡撫貴州兼理湖北川東等處地方提督軍務都察院右副都御史臣楊建璽

題為軍務事康熙二十三年五月二十日准戶部

咨前事該臣看得湖南解送解銅仁餉銀折支

官兵馬匹豆草價值并採買米價銀兩准有部

咨內開原任偏撫以貴州買米價銀與折支料

草價值較之湖南甚屬浮多等語黔撫又稱係

照湖南舊例及偏撫咨移新定例支給等語將

互異之處行令黔撫偏撫會查核減具題等因

臣咨會偏撫并檄貴州布政司確查去後疊准

撫黔奏疏

卷之八

金

偏撫咨移又據布政使柯鼎詳報前來查康熙

十九年內副都統莽吉祿統領官兵馬匹駐劄

銅仁自七月二十八日起至八月初四日止計

六日應支料豆每豆一石折支價銀七錢五分

係照湖南辰常大兵折支之例應支草束以七

月二十八二十九兩日每草一束折支銀一分

二釐係照湖南下半月折支之例八月初一日

起至初四日止計四日每草一束折價銀一分

一釐係照湖南上半月折支之例其八月初五

日起至九月十六日止計七十一日大小草料不等每豆一石折支價銀一兩六錢每草一束折支價銀二分係照偏撫咨移新定例支給查韓偏撫咨移辰常折支草料并新准部文折支之例雖未有料豆每石一兩六錢之語據布政使柯鼎詳稱辰常折支草料之例既係每穀二石算豆一石又八月初五日起新准部覆既係每穀一石折銀八錢當日支放每豆一石自應折支價銀一兩六錢且戶部噶喇大等造送清

撫黔奏疏

卷之八

全

檔俱開載料豆字樣是以照依清檔合算每穀二石算豆一石折價一兩六錢與例相符並未浮多者也再查原咨內有秋收時減作之語查黔省秋收在九月盡副都統莽吉祿統領官兵馬匹料草止支至九月十六日止即於九月二十日起行前進前項草料價值尚在未經秋收之前折支正與例符並非逾秋收之限無從減作者也至於採買糧米供應各標營官兵口糧每米一石價銀一兩三錢當日思南失守之後

官兵需糧甚緊人民竄徙未歸無法接濟據布政使柯鼎詳取動支餉銀零星收買每石價值不得過一兩二三錢隨得隨收奏支各營行糧等因詳請咨商偏撫准有咨發就近於銅仁採買糧米原為緊急軍需起見每石不得過一兩二三錢似屬允協等語在當日黔省實因人民竄徙未歸無法接濟是以商酌零星收買源源接應較之當日時價減之又減且黔省與楚時地不同黔省採買報銷價值俱在一兩三錢以

撫黔奏疏

卷之八

全

上原難比照湖南每石七錢之例則此項米價在楚似覺浮多在黔實非虛冒若以穀價每石八錢之數計之並無所浮無從核減者也除原任偏撫咨覆折支大兵馬匹草料銀兩定例粘抄一紙并議定買米價值原咨一紙先據該司呈詳送部查閱外臣謹會同偏沅撫臣丁思孔合詞具題伏祈

勅部核銷施行

康熙二十三年十一月初三日題奉

音

撫黔奏疏

卷之八

全

奏爲恭謝

經撫貴州兼理湖北川東等處地方提督軍務都察院右副都御史臣楊雍建謹

天恩事康熙二十三年十一月初一日准工部咨爲

核估黔省鐵索橋工錢根事工部等衙門會覆

工部郎中許嗣邦等題前事奉

旨蔡毓榮着將加級俱行削去仍降二級楊雍建着

降二級柯鼎着降三級俱留任餘依議欽此等

因到臣臣恭設香案望

闕叩頭外伏念橋工一案臣罪應革乃蒙

撫黔奏疏

卷之八

全

皇上寬宥降二級留任使過

洪恩同符

高厚此雖捐竭頂踵未足以言報也理合

具疏謝

恩臣曷勝感愧惶悚之至

康熙二十三年十一月初三日題十二月十四

日奉

旨該部知道

巡撫貴州兼理湖北川東等處地方提督軍務都察院右副都御史臣楊雍建謹

題爲呈報學道病故事據布政使柯鼎詳該臣看

得貴州提學道俞事袁時中自蒞任以來銜鑒

允當多士嚮風不意積勞成病醫藥不痊於本

年十二月二十七日身故據布政使柯鼎呈報

前來所有該道

勅印覽交按察司張沂收領除取到印甘各結送部

外臣謹會同雲貴督臣蔡毓榮合詞題報伏乞

勅部查照員缺另行銓補施行

撫黔奏疏

卷之八

卒

康熙二十三年十一月初三日題十二月十四

日奉

旨吏部知道

巡撫貴州兼理湖北川東等處地方提督軍務都察院右副都御史臣楊雍建謹

奏爲恭謝

天恩事康熙二十三年十一月初四日准吏部咨爲

補授侍郎事奉

旨焦毓瑞調補戶部右侍郎楊雍建復還所降五級

仍帶降五級陞補兵部侍郎欽此等因到臣臣

恭設香案望

闕叩頭外伏念臣一介庸愚蒙

恩補授黔撫力小任重數載以來無功多過屢經議

撫黔奏疏

卷之八

全

革屢蒙

皇上寬宥臣日夕悚惕方愧未有涓埃報稱適奉

特旨復還所降五級陞補兵部侍郎

隆恩異數有逾常格臣聞

命自

天感悚無地從此得覲

天顏惟有勉竭駑駘仰答

高厚於萬一耳理合專疏謝

恩臣曷勝感荷激切之至

康熙二十三年十一月初六日奏十二月十五

日奉

旨該部知道

撫黔奏疏

卷之八

三

巡撫貴州兼理湖北川東等處地方提督務都僉右副都御史臣楊雍建謹

題爲竊大急救謀殺人命事據按察使張沂詳該

臣看得潘在宗熊大俊等謀殺羅爾直等一案

臣准部咨奉

旨着卽處斬欽遵檄行按察司去後據該司詳稱潘

在宗於康熙二十三年七月二十二日在監病

故業已查明取據醫生禁卒甘結經臣咨部在

案今奉

旨行刑遵卽轉行貴陽府會同城守營將現在監犯

撫黔奏疏

卷之八

三

一名熊大俊於本月初五日綁赴市曹處斬訖

其二犯所得銀兩等物先經行令值季龍泉縣

移會解餘慶縣於各家屬名下追出給與屍親

收領外未獲之唐二楊撮子遵行嚴緝獲日另

結監斬文職乃署貴陽軍民府定番州知州王

緒祖武職乃貴陽城守營遊擊劉文佐理合詳

報等因前來所有監斬官員職名及處斬日期

相應題報伏祈

勅部查照施行

康熙二十三年十一月十一日題十二月十六

日奉

旨三法司知道

撫黔奏疏

卷之八

九

巡撫貴州兼理湖北川東等處地方提督兼理都察院右副都御史臣楊雍建

題為恭報微臣離任日期事臣叨蒙

皇恩陞補兵部侍郎於本年十一月初四日接奉部

文其巡撫印務應照例交布政司護理除

勅書臣自行資交吏部外所有

欽頒康字四千六百九十五號貴州巡撫關防一顆

王命旗八杆

令牌八面

欽部號件冊籍已未用火牌共十五張於本年十一

撫黔奏疏

卷之八

七

月十二日交布政使柯鼎接訖合離任日期

題報仰祈

睿鑒施行

康熙二十三年十一月十二日題十二月十五

日奉

旨該部知道

撫黔奏疏卷之八

兵部左侍郎臣楊雍建謹

奏爲微臣母老病劇籲

恩終養仰祈

睿鑒事臣介寒微至愚極陋叨沐

聖恩洊登今職雖捐竭頭踵未足圖報萬一但臣有

烏鳥私情不得不哀鳴於

皇上之前者臣於康熙四年以科員內陞在籍候補

十一年遵

旨入都以內陞品級仍管科員事務至十八年山副

奏疏

一

都御史奉

命撫黔奈因力小任重碌碌軍前無功多過

皇上不卽罷斥反蒙內擢於二十三年九月陞補兵

部左侍郎臣忽聞

新命益增慚悚隨於是年十一月二十八日離黔北

發臣母陸氏在籍不敢枉道省視於二十四年

三月初九日赴

闕到任糜祿尸位又已年餘身受

高厚之恩未効涓埃之報忽於本月初二日得家信

云臣母舊患痰症近來增重呻吟牀褥惟欲得

臣一面臣接信驚悸踟躕無措念臣自康熙十

一年赴補至今十五年不歸臣母已八十有四

矣臣兄鼎建臣弟廷建俱壯年病故今雖有弟

二人而德建患病怔忡宮建現任山東城武縣

知縣筑筑白髮晨昏湯藥奉侍無人每念及此

寸心如割恭惟

皇上以孝治天下含生之類莫不得遂其私臣獨何

人敢自棄於倫理之外查例官員父母年老雖

奏疏

二

有兄弟而同出仕抑或身有疾病不能侍養者

准其終養往年如臺臣楊旬瑛以母老弟病回

籍終養詞臣蕭惟豫有兄爲督標千總母老無

人侍奉亦准終養在案微臣所請似與例符伏

懇

睿慈准臣解任回籍猶及老母尚存少竭人子一日

奉侍之力則臣生生世世沾被

鴻仁於無既矣臣不勝激切待

命之至爲此具本謹具奏

開

康熙二十五年十一月初一日奏十三日奉
旨該部議奏

奏疏

三

吏部爲徵臣母老病劇等事稽勲清吏司案呈
奉本部送吏科抄出該本部題覆兵部左侍郎
楊雍建奏前事等因康熙二十五年十一月十
三日奉

旨該部議奏欽此欽遵於十一月十四日抄出到部
該臣等議得兵部左侍郎楊雍建奏稱臣母陸
氏八十有四於本月初二日得家信云舊患瘵
症近來增重雖有弟二人而德建患病怔忡官
建現任山東城武縣知縣乳乳白髮晨昏湯藥

奏疏

四

奉侍無人懇准解任回籍終養等語前來查與
例相符應准其回籍終養俟親終服滿之時起
文赴部補用可也等因具題康熙二十五年十
一月十九日奉

旨依議欽遵抄部送司奉此相應移咨爲此合咨前
去欽遵施行須至咨者

康熙二十五年十一月二十日

中央民族
學院圖書
館藏書

撫黔奏疏八卷

浙江巡撫
採進本

國朝楊雍建撰雍建自康熙十八年巡撫貴州凡在
任六年內陞兵部侍郎閏一年有餘告請終養是
編合載貴州及兵部奏疏共五百四十一篇

于山奏牘七卷附詩詞合選
一卷

〔清〕于成龍撰

天津圖書館藏清康熙二十二年刻本

附《四庫全書總目·于山奏牘
七卷附詩詞一卷》提要

序

今上之二十年

王師克滇所向底定神武旣昭罪人斯
得薄海內外悉主悉臣罔不賓服

上大嘉悅益精惟治理以

大中丞夫子于公之治

畿輔爲天下最

序一

特晉位大司馬總制兩江以風有位益

上知公自令牧二千石及監司藩臬以迄

開府上谷歷閩楚蜀粵垂二十年清

操偉畧鴻文鉅績久而彌厲故兩歲

之中節鉞再加一時

眷遇罕有其匹明年夏四月公請假在里

祭葬畢卽單騎至金陵惟攜圖書數

卷直馳入署五月素自楚趨侍恭親

御書賜公詩卷兼聞

駕幸雄縣

召見幄殿溫語移時且

詢公曩撫勦東山時事甚悉益嘆

君臣相得今古維難而公獨遭際

聖明若此不有編述懼不足以傳久遠因

序

發所攜圖書得公自令羅城以來諸

奏牘詩文稿踴請於公以爲古人著

書立言非徒誇示文字良欲開導後

學使知所取法無其事者尙欲有其

言况公之著作皆因時立議見諸行

事深切著明小之治安一方大者動

關

國計非鑒空結想借物託興之備且公

三舉卓異屢平劇寇

天子知之已十數年故復於雄縣

親垂顧問倘一旦

詔公條上行事用備採覽而編簡無稽其

何以對公許諾乃次第諸稿片楮隻

字皆公親筆細書歲久蠹蠹蝕半

序主

就脫落彙其可識者爲若干卷伏讀

十許日曰於戲盛哉今而方知無意

於功者始能成天下之大功不遺一

事者始能集天下之大事本內聖外

王之學以行其致君澤民之志其在

斯夫其在斯夫方公初仕粵西瘴癘

所侵異類與居凡七年矣北人宦此

者百不一歸而公處之泰然畧不爲
動卒之猺獞革心民卒盜戢其規畫
條議至今猶用之不盡抑何偉也及
由蜀入楚遍歷艱險數定大亂使內
地悉平

王師得一意南征無後顧之慮迄今讀
與中丞張公往復諸議真死而後

序四

生危而後存其難更有百倍于往日
者當東山逆賊首倡江右吳豫轉相
煽熾使蘄黃不守則吭扼喉嚨荆武
非我有矣公獨與張公定策率門下
十餘人督鄉勇數千直搗賊巢身自
陷堅親冒矢石一敗之黃土垌一敗
之紙棚河旬月間一撫再勦諸逆授

首而吳豫江右間聞風潰散南北之

路始通方是時外誅巨寇內辦軍需

旣飭屬僚復撫百姓羽檄交馳人馬

擐甲凡所設施皆手自裁荅于蒼皇

中示閒整於擾攘中恤民力罔不纖

悉曲當洞中機宜此又素所親炙不

假披閱始知者至若出入闔于湯火

序五

之餘調劑軍民各安厥所贖還難民

動以千百每一書上

王公大人皆虛心聽受撫綏上谷屢建

讜言爲民請命

天子知公直皆

特旨報可以故得蘇解困瘼全活死徙無

算古人得一節足以傳之無窮者公

則萃於一身無往不備又更僕難悉者矣論者謂公以外臣重微

陛見

上親灑宸翰兼賜白金良馬乳酒銀貂麕兔魚鳧等物

恩禮登加人臣之榮至此已極不知公之得此皆出意外當其入粵初不自意

序六

能至蜀也及乎仕楚更不意能至閩也而又安望開府

畿輔總制兩江哉惟出萬死不一生之計祇知

君父深恩在所必報其身家性命已久置度外故凡有建白輒掀髯而談畧無嘆喑使稍有顧戀其伸紙著筆雖曲

極組織其於

國家事終屬隔韡搔癢又何能功成事集如此其烈耶是故爲人臣而知讀是書其常也必廉其變也必勇爲人子而知讀是書其養也必力其哀也必毀以此治兵必無覆敗之虞以此臨民必免貪戾之禍以之爲國則達

序七

經權以之居家則敦孝悌於戲公仕且二十年危行特立觸忌諱不少矣所賴

聖天子及當代王公大人知之於今千百世忠臣孝子志士仁人奉之於後今雖華袞被躬騶戟衛道退處一室鷄鳴而起鐘定而臥惡衣麤食有寒士

之所難堪而文章經濟顧廣大精切
若此又孰得孰失也公嘗謂所受知
諸大人君子皆及身顯庸無復欠缺
獨中丞張公鞠躬報

國盡瘁以歿今滇黔蕩平而身不及見
每展對手書輒愴然出涕不知此書
傳則張公之功德自與之俱傳卽當

序八

代諸大人君子亦無不與之俱傳於
以副

聖天子精惟治理之盛心使士大夫服官
攷業者咸有所矜式更使天下後世
知凡欲成大功集大事者必於此不
於彼其爲裨益豈淺鮮哉公茲甫蒞
兩江未期月綱紀整飭俗易風移每

有示諭閭里小民爭手錄口誦旬日
成帙由此平章天下高文典冊方昌
未已奏之廊廟鼓吹休明將盈車累
棟有一書再書不勝書而已者更請
以俟諸異日云

康熙二十有二年歲次癸亥春王正月
上元楚黃亭州門下士李中素拜撰

序九



序

嘗觀之黃河灝衍必溯源於星宿五嶽崢嶸恆首脈於崑崙蓋以非星宿不竭之淵無以滋黃河之大也非崑崙莫上之體無以孕五嶽之尊也世之祖功宗

鄭序

一

德積厚流光者槩可想見其詒燕矣是以韋經世漢王孝興淮太傅婆娑於玉樹晉國培植夫三槐其他世澤綿邈奕葉寢昌者如裴陸崔盧阮韓顏柳要皆代有哲人開先啓後本大而實

繁根淡而枝茂也因之國史采風太常隆典昭德表賢或錫之封謚或祀之豆登稽厥獲是良匪倖臻今汾陽

于太公先生抱郭有道管幼安之襟期有萬石君陳太丘之家範

鄭序

二

孝友著於庭闈施助遍於閭里持躬仁恕訓子義方篤生雙鳳一時擬之機雲軼轍比

制府北翁先生服膺而光大之爲天星辰爲地河嶽正色冰心松蒼栢勁包孝肅趙閱道差髣髴

其涵蘊范希文韓穉圭庶絜量
其精誠以是功流粵蜀楚閩尋
遷保釐畿甸

聖天子異寵殊錫歡同魚水爰畀以
江南江西建牙督理強教悅安
化成俗易爲古今不易有之偉

鄭序

三

人爲古今不多見之鴻烈斯固
其天資學力得五百年山川間
氣蓋亦

太公趨庭之教有以倡之耳三晉

公請祀

公於

聖廡洵天人協合之舉也黃叔度王
彥方里推方正李贊皇王文正
世美貽謀東海廷尉駟馬高門
關西伯起三公五世二程有大
中公之教薪續絕學紫陽有韋
齋公之訓功閑聖道

鄭序

四

太公先生洵先後一揆鄉先生歿
而可祭於社以垂不朽者其
先生之謂與其先生之謂與
發潛聞幽誠可俾後之處一鄉
一邑者大有所師率以爲方員
規矩不猶觀泰華而見九成之

崑墟觀河雒而識湧泉之宿海
也哉是為序

康熙二十二年歲次癸亥仲春

月年通家晚學生黃岡鄭先

慶拜誤



鄭序

五

于山奏牘目次

卷之一

初落羅城自記

粵西引鹽議

粵西地方事宜議

條陳粵西事宜

與友人荆雪詩書

合州採木報文附張撫臺復書

請復祀典詳

請正朝儀詳

規畫銅梁條議附張撫臺復書

請留合州防兵詳

請復岳站詳

收復蒲圻報文

咸浦浮橋報文一道

籌畫蒲圻防守報文

于山奏牘

目次

籌各屬情形報文

卷之二

請武昌屬邑緩徵詳

辭武昌任詳

請黃州屬邑蠲災文

守黃郡上撫臺附張撫臺復書

籌緝逋寇附張撫臺復書

籌捕東山逆寇附張撫臺復書

籌畫楚疆預備

內艱告歸上撫臺附張撫臺復書

請免糶運詳

請免募鎗手上撫臺附張撫臺復書

募獵戶上撫臺附張撫臺復書

請改麻城南坂上撫臺

諫止採買上糧道

捕盜巴河報撫附張撫臺復書

籌荆州夫役	二通附 籌臺書	請捐輸免運夫詳
籌報災	附張 籌臺書	聞西事上撫臺
復撫臺募兵夫	附來 籌臺書	募鎗手報撫臺
地方妖異報撫臺		禁健訟條議
廢基淤地認糧議	附撫 籌臺書	長沙報提賀撫臺
重選鄉約示		募士充里役示
勸賑論帖		申明六訓示
籌黃安饑民示		團練保甲示
慰諭急公示		禁諭荒民示
招反側充伍示		慰諭黃安饑民示
委黃安士民堵禦檄		慰撫陽邏士民示
禁夜行示		檄二
卷之三		
初撫東山檄		諭歸農示
撫東山詳		安慰各堡示
撫東山報道文		撫東山報撫文
報撫臺安撫東山二道		諭東山士民示
東山撫按報各臺	附撫 籌臺書	撫後諭東山示

撫竣慰士民示	附撫 籌臺書	報早呈撫臺
祈雨示		安慰士民示
諭各屬隣境示		撫事報道文
委護程宦牌	附撫 籌臺書	行保甲示
招撫事竣詳文	附撫 籌臺書	善後事宜上撫臺
禁止嚇詐示		清理保甲示
慰西北鄉示		再飭保甲示
申飭區堡示		再諭東山士民示
給鄒家河示		獎諭士民示
于山奏牘	目次	
撫竣回省遣牌	附撫 籌臺書	勸諭唐殷示
黃郡開印申飭示		
卷之四		
勸紙棚河逆賊委牌		曉諭各屬示
宣慰招撫諸賊示		布告紙棚河大捷示
委協鄉勇牌		曉諭止殺示
勸諭餘賊投誠示		申覆張撫臺
撤鄉勇凱旋檄		禁止侵占示
申解賊首報撫臺		禁止詐害示

進剿東山報撫

申張撫毫文

申張撫臺

諭黃土圻示

上張撫臺

次白水阪上撫臺

移黨伊一糸將

募擒賊首示

禁擄掠株連示
撫臺書

目次

集李公茂示

敘功詳文
附摭
臺書

黃協弁兵爭功看詳

復張撫臺

上撫臺論靳黃守禦

上撫臺論兵事

報撫臺獲陽邏偽劄

與吳道臺論東征方略

附張撫臺來書

卷之五

侯蔡制臺

上蔡制臺南征方略

上蔡制臺乞歸守制

上制臺請留斬將復書

上勒部堂書

規復蒲圻與王憲副書

與鄭學憲書

與麻城諸生書

目次

謝徐守憲書

與各屬邑令書

報擒莫僞道上撫臺

上徐藩臺書

上康親王罷鋤夫啓

候吳撫臺

上姚制臺議捐米書

卷之六

初任直撫請
陛見疏

請增驛站工料疏	請蠲宜屬衝壓地糧疏
請禁訂告疏	特參州牧黨盜疏
收饒緩徵出驛疏	請急賑口北饑民疏
賜書經解義謝疏	再請 陛見疏
陛見蒙 賜謝 恩疏	題報蠲賑宜屬疏
再為驛站請增工料疏	真屬被災請停徵疏
卷之七	
請免河間民買房地疏	請寬盜案處分疏
請緩徵災邑房課疏	報賑宜屬饑民疏
十山奏牘	六
賑濟事竣回署疏	雄縣蒙 賜謝 恩疏
請更宜屬文武儀注疏	請假歸塋疏
請全蠲災邑錢糧疏	假歸請護印疏
請帶筆貼式疏	弭盜條約
卷之八 詩	
戊申除夕入彭水採木宿神祠側作	
濮湖夜月	東津漁火
魚城煙雨	金沙落雁
老女吟	晚菊四首

粵西九日	偶吟
寫夢	中秋值雨有感二首
秋吟二首	無酒
春雨	春暮
客訪溪	春月
蜀中山行	自吟
鷄冠花	成都三首
蜀道二首	霧
長安邸中午日	夢境二首
壬山奏牘	七
戊午監試楚關作	偶書
冬至渡淮	過虞姬墓二首
銅雀臺	中途過雪
代兄憶弟	自嘆
賀壽二首	贈屬邑
勸民	讀聘君歌
紀行	除夕四首
夢餐優曇花作	庚申除夕上谷署中作
辛酉上元上谷祈雨作	壬戌秋九金陵署夢中作

詩餘

憶王孫

如夢令 二闕

滿庭芳

百字令

風流子

西江月 二闕

制義

歲耕易耨壯者以暇日修其孝弟忠信

十山奏牘目次 終

十山奏牘

目次

八

十山奏牘卷之一

晉西河子成龍孔淑文著

初蒞廣西柳州府羅城縣自記

粵地僻處南荒與交趾接壤距中國萬里越洞庭之險涉瘴癘之危官茲土者岌岌乎殆哉當事者慰之曰粵地雖苦法網稍寬臥治三十月以爲梯榮藉而事竟有大謬不然者棄墳墓別妻子揮淚長途歷盡艱辛及抵任水土不調疾病侵僕從死亡相繼言之者傷心聞之者酸鼻瘠骨山立催科勞心親較簿書日無寧晷院司道府督責不少貸服中土之官者堂宇巍巍吏胥雲集所求無不如意凡有嘲謔一取其殃夫復誰怨若夫粵西地瘠民貧田土荒蕪衙舍傾圮無設其何以治食監門之食永阜隸之衣強勉從事初不知有爲官之榮也苦至此極矣而額外之誅求意外之罪謫無因而繩其後所謂法網稍寬者何在也嗚呼天下最苦者無如粵西粵西最苦者無如柳郡降爵接踵恐吏不安而百姓愈危地方滋擾其關係匪淺鮮也當事者或可少寬法網以亟救其後云

十山奏牘

卷一

粵西引鹽利弊議

查看得柳屬地瘠民貧兼以獠獠雜處從無引鹽舊例因粵東以積引壅滯貽害粵西郡縣而銷引之議自康熙元年始初屬各陳艱苦以引鹽決不能銷考成斷不能完泣訴詳請免銷文案如山附卷可查撫臺憐各郡詳免痛切題請免銷部議未允事出兩難一面催立埠招商時商人因引目數多無人敢於承應又行文僉派里商赴東領運卽催開未完鹽引州縣職名吏民驚惶無措幸撫臺漢知吏民病苦補贖再陳區畫戶口食鹽之法極力調停部于山奏贖

卷一

二

倍昂其值鹽之來也既貴則有司之發也自不得賤且在

官之僕役明知鹽價出之百姓領運盤費誰肯較銖計兩以爲官民計者鹽價之貴職此故也至於發鹽之權自上操之有招商領運鹽包數多而頒發者有不係招商假名色而予以必發者上之發於州縣也無已則州縣之發於民也亦無已有司明知民苦卽引目已完而亦不敢不領爲無可如何之勢領之必速發發之必速催鹽價雖貴而民不敢爭催納雖急而民不敢議引價雖銷而民不敢言日復一日而民病已入膏肓遲之又久不惟累正賦而且于山奏贖

卷一

三

聽乎其便無如其發鹽也必求之有司而其收價也三五成群挨門逐戶而逼索焉埠商之病民於斯爲甚欲去官運埠商二弊莫若曉諭流商從便發賣渠較鹽本幾何鹽利幾何斷不至湧貴數倍而民亦敢從而爭之議之况前商之鹽貴而後商繼之勢不得不減價以求速售如是而隨時貴賤非同官勢強壓而鹽可無一定之貴價民亦得量其有無因其緩急任其多寡隨便而公易之而民可無不得不領不敢不領之苦民窮稍甦流商喜於疏銷有利而來之必廣窮民一旦得食鹽而銷之必多則引額較

于山奏牘

卷一

四

前更論有司亦不至有考成之虛然尤宜爲流商計從粵東領鹽梧州交引換票其查核已嚴矣後抵柳府交梧州之票另換柳府之牌任意於各屬交易州縣不必盡疆界分彼此以免煩瑣流商之害而盤詰私鹽諸務亦可中止民生獲被寬大之情惟恐流商罕至而提標數萬兵口一年食鹽無算馬平鹽包不及二百其餘之引或可以備不足是又意外之一策也若王公將軍有鹽亦與流商等任其銷賣不必經有司之手則流商之鹽從何而獲食鹽之民從何而苦也

對粵西金撫臺間地方事宜議

問綠林草竊如何消弭通匪逆種如何擒緝山川地理之險要如何屯戍設防矜獍狼獾之驕悍如何撫綏馴制倒廢驛站如何興復如初森嚴欽限如何依期完結土司漢彝交錯之地如何立法使邊陲藩籬鞏固相安錢糧關稅納污之藪如何釐剔使陋規火耗悉除殆盡何以清刑獄使民無幽繫何以懲刁頑使民不健訟何以招流移使開墾蕪蕪何以懲貪酷使澄清仕途何以察莠莠何以積儲備荒

于山奏牘

卷一

五

議得牧宰地方之要莫若安民而安民之法必以肅清吏治爲先務吏得其人而潔已愛民則弭盜固圍省刑息訟興利剔弊諸務畢舉雖在荒微可漸次化理矣成龍書生寡昧荒裔下吏不識時務仰承意問憂時遠慮上以爲國下以爲民敢不悉陳勢見以佐末議今天下車書一統中外臣服粵西遠在南荒仗威底定巨寇無遺而未雨之綢繆時僅慮夫地方何盜盜卽民也民雖無知決不樂於爲盜有迫之而爲盜者責在有司清淨寡慾先之以德教以端風俗繼之以保甲以防不虞勿戕民命勿剝民產

各安室家各戀妻子此弭草竊之末議也粵西猺獞種類不一素號兇悍以殺戮爲生兼之十數年來地方無主強兼弱眾暴寡無地無天戈一指么魔屏跡彼已悉畏其威然未盡懷其德若疎一面之網多方招撫開誠布公消疑釋嫌逆獞雖愚亦必樂生惡死悉歸王化不煩弓矢而土宇寧謐此安逆獞之末議也山川地理或水或陸未歷其地難以懸擬大約粵西地險獞悍屯戍之兵不可不設而統兵之法不可不嚴兵以衛民亦有禍民者兵以防奸亦有作奸者屯戍設防寧簡無濫狎狎獞不事詩書

于山奏牘

卷一

六

不諳禮法驕悍固其素習責在有司暫羈縻之漸教育之寬舒其手足約束其心思撫綏馴制寧猛無寬若夫驛站最爲民苦當湯火初出或可徐議興復然煌煌 功令火牌勘合之外嚴禁私役需索等弊四季循環立簿查核有司實心奉行勿加譴責則民吏不受害而興復如初亦不難矣 欽限事件最爲森嚴有司敢不殫竭心力勉副功令然粵西與腹裏不同猺獞不習書數吏役乏人一二經承兼理六房事繁人寡簿書堆案有司攢眉晝夜不停而案牘彌積如造由單造奏銷造會計造徵解冊籍繁多

毫釐不敢苟簡此係每年一定之成例又加以清丈田畝編審戶口催造開墾無事不重且大以一二書役朝夕拮据心血嘔盡一不合式查駁再造而限期已逾此事之無可如何者也或有粵東善書算者投充彼明知工食盡裁必求里甲私幫赫赫 功令誰敢自僱法網是僉役土著苦無其人召募流役苦無其資書算者寡事必遲延則依期完結之法不能自爲之解矣至於土司古昔設立土官撫其種類誠以人地相宜性情相近以彙治彙廢之以爵祿而爲 朝廷用故無反側之憂今日彙漢錯處殘忍多

于山奏牘

卷一

七

乖皆因土官左右無正人教導無良法以至於此若諭以輔導擇人循法奉公使彼內地和平輪納其貢稅而無復苛求自可相安於無事錢糧關稅國課攸關然今日粵西之百姓當兵火二十年財力俱竭目擊荒烟茅籬遍皆鳩形鵠面穀賤金貴幸而正賦蚤完已出望外况鹽引加派束手待斃萬無疏銷之術 國法難逃而陋規火耗雖甚不肖者或未必能行之茲土也刑獄者民命所係率失出毋失人而好生之德自洽也詞訟者風俗所關禁止教唆嚴絕 赦前先審察原告之詞色勿爲濫准而刁頑之風

可息也殺戮之後人民逃散田地荒蕪但使遵行三年起科之實政吏靜民安流移可不招而自來也烟火轉集蕪蕪可漸大而開闢也貪酷者害民害政之本然蠶烟瘴雨地瘠民貧性命之念重富貴之心冷加以憲臺之嚴肅有司雖不肖或亦望風而畏罪之不暇殃民者莫若衙蠹艾之毋使濫充一歲必更察之毋使倖生而置辟不貸救荒者莫若積儲常平一倉萬古良法春發秋收與民便宜而緩急有濟他如土物之採買里甲之苛派新役之幫貼當此邊荒初甦之域未必如腹裏之事事可議也

于山奏版

卷一

八

康熙八年離羅城赴合州任抵桂林謁辭金撫堂條

陳粵西事宜

一塘兵之設撥未盡除也奉文嚴飭通送公文文設舖兵武設班兵兩不相涉遵行久有定例無如有司與防弁武相狎或私弊牽制縱放塘兵居住民村日供柴水米食如故民不聊生惟在嚴察一見年之答應未盡革也奉文嚴飭見年止許催辦錢糧不許答應有司衙內供給上司差役飯食及過往仕客下程酒席無如積習難破肆行無忌者夫亦不少且無恥輩藉口某縣有供應恐嚇里民

于山奏版

卷一

九

逐逐欲行不思洗滌惟在嚴察一知府之權太重也往例州縣有道府廳爲之伺察三分其權而情難私飾勢難獨斷公道不能盡混今道廳奉裁而有司之賢否藩臬耳目稍遠惟知府爲最近若府得其人則官方自清民生自遂地方自安或不得其人則是非憑其喜怒賢否任其高下而有司畏知府更甚於畏院司在下曲意爲阿從在上極力爲徇庇從此效尤成風而民命邊境關係不淺惟在裁酌一部頒法馬之宜公用也粵西地瘠民貧錢糧不容拖欠正宜恤民財以完公事若徒知刻剝則民多一分之私

費便缺 朝廷一分之正項以至嚴刑追比差役拷索民
號泣無訴必倍貸以緩目前迨至秋成雖豐田中之禾先
歸債主一遇歲歉賣兒鬻女奔走流離是當亟加憫念嚴
革收銀用錢以除暗加明加之害凡收條編有司宜親坐
堂上將天平法馬置之座右不得拘定某盤放銀某盤下
馬聽從百姓充納有司即發印票不得假手書役一力掌
定民不敢言如有用戲收銀及書役兌平者許百姓赴告
一納銀納米之宜速收糧票糧單之宜速發也近奉新例
四月九月催徵夫四月適當耕耘之候九月又在收穫之

于山奏稿

卷一

十

時農工正殷而催科值逼民之赴納也已非得已又從而
捐延之夫復何望且有司所司何事若百姓納銀米而不
即上堂躬收是怠惰也若百姓群集不能隨到隨收即時
發放以至百姓隔宿守候則有司之才不才亦大可見矣
是在嚴察一四月九月之新例宜通融也粵西與腹裏不
同夏禾最寡而秋稻爲多即秋稻亦有二種有七八月收
者有九十月收者是四月正秋九月正收之候也於此而
催科太過則公私不勝其擾矣茲稍爲通融聽從民便自
一月起至四月止有願輸納者收之願全完者獎之何必

拘拘定以四月爲限也或孤單貧弱或水火災喪一時力
不能辦者許具呈寬限秋收上納又何必於四月納半九
月納全之拘拘也窮者不得與富者較有故者不得與無
故者較量人情之緩急而權衡之期於完正賦而止即有
艱難困苦者量免一二而在官俸食豈不可相爲開除案
若與筑筑赤子較輜量銖而算之無遺力也又恐不肯藉
名豁免而開侵欺工食之弊是必將豁免者大張榜示俾
民役咸知各抄一張存照以杜弊端如此新例雖定而思
自於例之中是催科中之撫字也若夫未及四月而催徵

于山奏稿

卷一

十

全完是必急於火耗已經徵完而未行起解是必陰爲那
移種種弊端難逃洞察一見年之亟宜閔恤也粵西見年
名色與腹裏里長排年爲一例係十年輪任正務若不加
撫恤任意刻求勢必家破人亡於一年之中即數十年培
養之不能復其元氣夫既華其供應矣而用其力以催辦
錢糧是正務也然見年亦有田地若終日奔走挨門逐戶
而催之則自己之田禾荒不能顧雖未竭其財而亦已蹶
其生矣當開徵之候有司出示曉諭俾百姓隨便上納如
輪納不前令見年催冬頭冬頭催花戶可不勞而坐致也

至於朔望之點卯歲時之謁見日用之伺候當此邊荒極苦之地猶獲畏疑之衆似可盡革而期於相安是在裁酌一雜派之不可包於官由單之亟宜發於民也夫雜派之禁奉

旨嚴飭不啻再四然亦有確不可少者每歲之中造由單紙張工墨有派在縣造實徵紙張工墨有派藥材本色額銀不足有派表箋包袱額銀不足有派春秋二祭禮不敢儉起解編銀水脚盤費有派兩次奏銷水脚費用有派是皆一定之例萬不能除但當堂與民公議期於足用眼同交

于山奏牘

卷一

三

出其派單有司殊墨點定散於見年存照總有不肖料不敢將多派殊單留之百姓爲話柄也至於意外之事如往年幫解雲貴之餉費有派幫各道之進表有派幫潯州之水脚有派凡如此類咸由上派定原有定數應將原牌付與百姓從公議派完解庶有司無不可告語百姓之事百姓亦無疑畏有司之心上下相知而緩急可以相濟若夫愚弄徭徭欺其無知藉口派項之多在官一力包管初則猶相照顧終則包外加派民苦不堪而逃亡相繼是在亟爲勸諭禁止也正賦雜項界限不明總由不發由單之過

徭徭雖不識字彼亦知遇人而過問焉不發由單判原熟新墾混淆無所查明雜派得由而入之矣然功令日嚴諱過愈巧印結甘結徒事紛煩若出其不意稽查一二鄉民問其有由單否而官吏無所施其巧也卽如收銀大流水簿俱係奏銷時打點停當無關實事止將納銀發票與由單合否而官吏又何所肆其貪也一有司之廉恥宜著百姓之泣訴宜詳也夫官之於民猶父之於子父不慈則子不孝官不清則民不良况邊徼之民雖刁與腹裏大異腹裏有勢宦挾制疆矜把持光棍肆惡捕風捉影若夫蠢

于山奏牘

卷一

三

爾徭徭則不然不諳官語不識文字惟聽外江流氓唆哄告狀誣騙使用及至提審茫無一應此粵西開闢初年之情形也數年以來百姓告官吏者不一非盡流氓之唆哄實有逼於不得已者夫民之告官吏豈盡是子虛豈盡是刁詐且有司之於民宜化刁爲良上下親睦至於致民控訴全無體面亟宜引罪自悔聽上處分辭職離任庶不致於官民構訟以傷體統若反復爭辨以祈免罪加民以刁率不自愧縱使辨明無辜復何面目視居民上乎倘民舍冤不能剖訴復增一仇敵愈使民重足而立也如立意與

民洗冤此風一倡始也訴之出於無奈猶知犯上之科究也稍拂其意而肆行無忌恐開刁詐之漸是在憲臺默挽風化以釀和平之福也如有告官吏等事留中而不必明行按事而漸除之以去地方之蠹以伸百姓之冤則官吏知警不至與民廷辯庶公法行而廉恥亦全百姓知狀之未有准行也必俯首歸家不敢居告官之名及官掛彈章百姓群頌爲上之明而不自以爲得意是官之罪狀取之群議而無隱匿叅核之權俾之於上而不顯恃乎告訐如此則民情上達而民風或可幾乎淳良也且以省案牘之

于山奏牘

卷一

十四

與友人荆雪濤書
廣西柳州府羅城縣偏處山隅東北界連湖南道通一帶西北界連貴州清平一帶其餘土司縹繞山如劒排水如湯沸蠻烟瘴雨北人居此生還者什不一二土民有猺獞矜狼之種帶刀攜鎗其性好殺父子兄弟反目操戈恬不知怪順治十六年冬初入版籍成龍於十八年到任掣簽後親者不以爲親友者不以爲友行李蕭條自覺面目可憎賒腳錢寄口食行至清源敵同年王諱古人初爲蕭山尹繼轉蘇丞時讀禮家居慷慨仗義反覆開明粵西非吉祥之地素知成龍家食尙可自給力勸勿任以繳憑爲高見成龍時年四十五英氣有餘私心自揣讀書一場曾知見利勿趨見害勿避古人義不辭難之說何爲也俛首不答王兄默知其意亦不復阻灑淚而別五月初三日至家別繼母妻兒資斧艱難典田賣屋設法止有百金攜蒼頭五人勇壯可伴臨行敝族相餞歡飲至夜扶醉就枕而天已明矣古云壯士非無淚不灑別離間此不情語也天明舉家拜別大兒廷翼入庠已久猶如處子將祖遺田產文券開明交付外止云我做官不管你你治家莫想我二語

于山奏牘

卷十

十五

甫出戶庭而哭聲已達外矣拜別祠堂不覺腸斷門裏門外相聚而泣不復回顧攬轡登程此時之壯氣真可吞搖節登烟瘴而不爲之少屈迫行至湖南冷水灘一病頓連未竟英雄氣短勉強扶病陸行至桂林謁見上臺皆知羸體伶仃詢及病狀咋舌驚訝惟勸以延醫調治勿亟赴任抱病之人至是膽落往日豪氣從何得來病幾危以苦孽未盡不速死扶病至柳州稍愈尙不知羅城在何方也羅城與融縣沙轡連界行至沙轡遇許鄉老仔細盤問方知對山卽爲羅境登山一望蒿草彌目無人行徑周山遍似

于山奏牘

卷一

七

營陣哀哉此何地也胡爲乎來哉悔無及矣從此想敵同年之忠告不置也癡人作夢以爲邊地如此漸入腹裏或不然可憐黃茅直抵城下八月二十日入縣中一如郭外居民六家茅草數椽寄居關夫子廟安床於周倉背後夜不眠日痛如刀割黎明上在無大門無儀門兩墀茅草一如荒郊中堂草屋三間東邊隔爲賓館西邊隔爲書房中開一門入爲內宅茅屋三間四圍俱無牆壁哀哉此一活地獄也胡爲乎來哉鬱從中來病不自持一臥月餘從僕環繞而泣無一生氣張目一視各不相顧無如罪孽

未盡死而不死乞歸無路扶病理事立意修善以回天意凡有陋弊清查詳革可憾已命不殞禍及從僕黃瘦似壁畫陰鬼相對而泣莫能相救無何而一僕喪命餘僕驚惶不知所似至康熙元年正月群謀爲歸計成龍自付一官落魄復何憾諸僕無罪何苦累之叮嚀各自逃生內有一僕蘇朝卿仗義大言曰若今生當死於此回去亦不得活棄主人流落他鄉要他們何用哀哉幸有此也其餘掉頭不顧當時通詳邊荒久反之地一官一僕難以理事乞賜生歸當事者置之而巳本年逃僕歸家大兒悲念天

于山奏牘

卷一

七

涯萬里一主一僕何以安身續覓四僕來任而三僕皆登鬼錄止存一僕在衙晝夜號跳一如風魔事處兩難一人難以遠行欲將存僕伴歸隻身更苦無如存僕亦有思歸之念聽其浩然長往萬里惟餘一身生死莫能自主夜枕刀一口床頭貯鎗二桿爲護身符然思爲民興利除害囊無一物猶猶雖頑想無可取之貨亦無可殺之仇帖然相安事到萬不得已之時只得勉強做來申明保甲不許帶刀攜鎗咸遵無違間有截路傷命無踪盜情務期跟尋緝獲隱昧事情盡心推蔽必得真實立刻誅戮懸首郊野漸

次心服地方寧靜而上臺採訪真確於是有大事殺了解
省小事即行處決之通行也境內雖平憾與柳城西鄉爲
隣此地祖孫父子長於爲賊擾害無已申明當事者以盜
案爲艱置之高閣成龍思漸不可長身爲父母而可使子
弟遭殃乎約會鄉民練兵親督勦殺以對命爲主殺牛盟
誓齊心攻擊先發牌修路刻日進勦此未奉上命而專征
自揣功成亦在不赦之條但奮不顧身爲民而死勝於瘴
病而死也主意已定決不可回而渠魁倪首乞恩講和搶
擄男女牛隻盡行退回仍約每年十月犒賞牛隻花酒一

于山奏牘

卷十

六

次取各地方甘結存案敢有侵我境界者不報上司竟行
勦滅第種人不怕殺號令一以剝皮爲主而隣盜漸息至
是上臺採訪更確反厭各州縣之請兵不已報盜不休之
爲多事也嗣後官民親睦或三日或六日環集問安如家
人父子言及家信亦絕悲痛如切已膚土謠武陽崗三年
必反亂一場任至三年寢食爲之不安賴人心既和諧言
不足信也又云三年一小勦五年一大勦及至五年又當
愁苦賴官民相愛謠言不足憑也時法令太嚴行犯必畏
情誼爲重婚娶喪祭民間之禮一行無不達之隱羅城之

治如斯而已康熙二年藩憲金公特取入簾諸官損從盛
飾成龍止帶皮套一件共相驚訝留意相難時藩憲峻厲
異常輒欲詰詈屬官成龍心不平居闔中屢以抗直不少
挫辱從此見重朝夕必求坐談盛典不可悉數嗣陞本省
巡撫即以條對下詢盡心救陳民間利病俱係入告重事
諭旨如流事事 題疏而至文者辭不達意

旨允者什之七八康熙六年成龍以邊俸逾期八月陞四川
合州時報未到金撫臺而論兩司如不舉羅城令本院當
特疏薦舉矣兩司唯唯從命而以卓異聞撫臺又恐地方

于山奏牘

卷一

九

委用不得人反滋擾害端疏新舊交代哀哉數年來一舉
一動原非爲功名富貴計止欲生歸故里日食三餐或日
食一餐讀書堂上坐睡堂上手頭赤脚無復官長體統夜
晚酒一壺值錢四文並無小菜亦不用箸快讀唐詩爲俚
語痛哭流涕並不知孟內之爲酒爲淚也間嘗祝告城隍
謂我無虧心事一點當令我及早還鄉幸得保出性命回
想同寅諸公死亡無一得脫鬼神無與能不寒心赴蜀之
日別金撫臺蒙諭云我薦舉一場指望行取知道爾窮苦
我爲你奏下盤費誰知你先陞了此亦是你的命但兩司

因認不得你不肯薦舉你本院發怒方纔舉來誰想督臺
將你考語淡薄自甘四字圈了立意粵西單舉薦你一個
亦是公道難泯處今你往四川又是苦了照羅城縣做去
萬不可壞我名聲我與書二封一與總督一與撫臺因此
益勵前操至死不變此數年之大槩也偶書呈以發知已
萬里一笑

千山奏牘

卷一

三

合州採伐楠木報張撫臺

為請

旨事康熙七年十一月二十五日奉巡撫四川都察院張憲

牌案照查楠一事屢奉嚴

旨即通行各屬遍查具報去後事關 欽工本院不得不

親往誌載產楠之馬湖永遵一帶躬率彼地各官兵役直

抵溪山遠籌確查大材楠木以資 國用除具疏 題明

旨起馬外合先行委為此仰該州官吏查照牌內事理

即束裝星馳前往彭水武隆二縣會同該縣文武各官率

千山奏牘

卷一

三

領兵役鄉導確查搖櫓白馬江口及近酉陽一帶山箐併
南川縣金佛山馬嘴等箐堪充樑棟大材楠木逐一開列
圍圓丈尺計其臨江道里遠近馳赴遵桐回報本院以憑
親臨彼地覆行查看酌估需用錢糧 題報施行該州查
明一處即詳悉具稟封入檄筒飛遞駐節處所投閱仍減
從兼程前去不許多帶人役滋擾地方若奉行不善有悞
欽工法在必行非比他事可恕如著勤勞本院定當特
薦仍先將起程日期報明等因成龍捧讀憲諭減從凜遵
帶書吏二名陳鼎李文華快皂二名王印清王應鳳門子

一名朱紫貴合併報明外第今歲災眚迭見天變異常邸報不絕正恐懼修省之日夫何恬不知怪大興土木勞民傷財驚擾遐方 廟堂之上曾無一朝陽鳴鳳此成龍之所大懼也蜀川素產楠木列朝已有成案第今日之蜀川非昔時全盛可比田地荒蕪烟火絕滅賦役戶口載在由單歷歷可數卽有一二孑遺驚魂未定尙望安輯撫育之不遑忽遭此大役誰爲採辦誰爲牽運哀此殘疆勢必官與民偕斃從此流民裹足居民驚散可惜蜀川財賦之鄉終爲空虛之地此成龍拊心太息不禁痛哭流涕者也成

于山奏牘

卷一

三

龍職屬下吏凜承

皇上嚴諭踴躍無地星夜就道躬入漢箐確查無遺仰副憲命然不覺有切身之慮焉成龍由粵西來任路經楚黔目覩大箐之中雲樹參天日光不到卽夏秋之交尙有冷氣逼人當此寒冬栗冽竟成冰穴大樹之中林簿叢密藤蘿纏結虎豹成群人跡罕至必需夫斬伐開徑爲容身之路火炮刀鎗防猛獸之奔逸且蜀中居民與他省不同平日旣乏皮襖又無絮衣驅此啼饑號寒之衆修溪山密箐之路無衣無食何以禦寒必致冷凍顛仆一慮也尙有一二

顛仆四外居民聞風奔竄是工尙未舉而地方已爲騷動

二慮也隆冬天氣民徒無依相聚爲奸是目前所必無之事亦古來所恒見之事意外可虞三慮也成龍身居重委不敢不過爲顧慮復思成龍入箐必與本地文武官員同行文官有衙役或可令備斧頭鈎鐮凡密箐無路之所指揮砍伐武官有兵丁或可令備火炮鎗刀以防猛獸且大箐所在四圍併無村舍若朝入山而暮就舍則奔走於茂林蔓草之域往返延遲必遲時日何以報命必須武官帶一二帳房偕抵漢箐日暮攢宿於箐中庶無出入往返之

于山奏牘

卷一

三

張撫臺復書

武隆酉陽一帶地方素產楠木所以特遴門下遍查耳及接來翰山形地勢燎如指掌併分五路並進到處插牌檄記認具見門下措置井井有條乃所報之

本並無一株合式者門下可悉心確查如獲巨料不
後自於疏中 題敘以酬門下勤勞也萬勿以尖細
者摻塞可耳不盡

請復祀典詳文

爲詳請 題復祀典以光盛治事照得一代之興首重祭
祀之禮在外府州縣職司守土各有宣祀鬼神職在舊章
萬世不用一切香帛牲醴咸支用各處正賦錢糧募入經
費全書煌煌典制率土遵行如春秋丁日祭 至聖先師
啓聖公梓潼帝君戊日祭社稷山川風雲雷雨城隍土地
諸神三月初一日七月十五日十月初一日祭無祀孤魂
或以崇文教或以敦祈報或以恤幽魂皆有祭享一定之
期簡而不數豐而不儉是誠

聖天子百神來享之盛典也有司奉行罔敢怠忽成龍新任
合州目覩地方荒殘招撫百姓爲急務然當安輯之初必
須培風化之源重衣食之本釋厲鬼之恫則 至聖先師
爲禮樂文物之祖社稷諸神爲百穀生成之佑至於無主
孤魂倍宜憫恤蜀土遭劫屠戮白骨滿地燐火遍野往時
民人寂寥雖悲號夜月無能爲祟茲流民漸歸烟火漸生
則此等無主孤魂當人間祭祀之期必悽愴愈甚恩祀不
及怨氣所激或爲災眚或爲妖孽必然之理以上諸祭祀
皆宜急爲修舉不可闕一者也曩因蜀中田地未闢賦稅

無多祭祀未舉遂爲缺典間有有司捐俸舉行或派居民相助然未蒙

聖恩神鬼必不歡享且以如此重典而下爲吏民捐助適所以羞 朝廷而輕大典矧今日車書一統富有四海一切

祭祀舉無缺畧何獨靳毫末之費而俾蜀疆神鬼不得需

聖天子之恩與伏乞憲臺裁奪 題請修復祀典豐儉之宜

勸支本處正賦錢糧銷算或開徵糧多者從豐開徵糧少

者從儉俟田土成熟漸次如禮則蜀疆神鬼均受

皇恩而於一代之典制有光矣事關大典冒昧上陳

于山奏牘

卷一

五

請正朝儀詳文

爲詳請 朝賀儀式以便遵行以垂永久事照得 朝賀

大禮天下遵行臣子敬君自有一定之儀恐難以遂微儀

荒儀制隨分參差成龍原籍山西永寧州凡遇 朝賀各

官一日昧爽齊集 萬壽院習儀祝

聖分班跪迎

萬歲龍亭前至州治大堂本日昧爽各官齊集州治向 龍

亭行 朝賀禮有司詣 龍亭前跪廩生宣祝 聖文畢

復位分班跪送此成龍原籍 朝賀之禮也成龍初任廣

于山奏牘

卷一

五

西在柳州府遇冬至 朝賀禮前一日提督分守右江道

併文武各官齊集分司衙門習儀迎 龍亭至柳州府大

堂本日昧爽文武各官齊集柳州府衙門文武西魚貫

而進提督與道官上月臺先行 朝賀禮分東西而立後

文武各官在月臺下東西行禮畢通贊禮生唱祝文引贊

禮生引知府詣 龍亭前跪通贊禮生唱衆官皆跪廩生

宣祝 聖文畢知府復位分班叩頭跪送 龍亭此成龍

目見柳州府 朝賀之禮也今當冬至成龍肅查 朝賀

儀式因地方荒殘原無上頒定規往歲文武各官前一日

齊集嘉福寺習儀本日仍於嘉福寺行 朝賀禮此合州

舊儀 朝賀之禮也 朝賀大典

天威咫尺臣子拜蹈罔敢差失第成龍素未習禮又無頒式

不知在寺 朝賀與在州治 朝賀孰爲正禮又本日親

宣文云維某年某月某日某省某府州縣臣等荷 國

厚恩叨享祿位皆賴天生我 君保民政治今茲長至

聖壽益增臣等無任踴躍懼忭之至此成龍原籍與粵西

祝 聖之詞今查合州舊儀將冬至進 賀表文宣讀又

未知二者孰爲通行定式夫以合州荒殘典籍逸失當草

于山奏牘

卷一

天

創之時儀文缺畧然 朝賀大禮臣子不敢苟且但儀式

未頒成龍寸心難安謹將儀式申請伏乞憲臺裁酌舊章

俯准頒賜定式遵行雖地方荒殘而威儀漸有可觀則尊

君之禮大彰而典制可垂永久矣

規畫銅梁條議

一在外流移宜招也自甲申之變黎民逃至土司爲其迫

脅留難者之或流居別屬因種糧而逗遛不歸者有之

或原係宦僕又負人錢債懼主索財畏縮不歸者有之或

一家先歸而爲民上者不論歸與不歸將各入冊以慰歸

志者有之爲今日計或遍發告示或坐名關取或見在載

冊之民歸自外方凡有父族母黨給以照票令其招挾招

到三五家或五六家俱准入本名戶下候三年例滿輸賦

使在外之民播聞此風各自襁負而至矣一土著流寓

于山奏牘

卷一

天

入版籍俱係縣民理宜和也夫食毛踐土悉屬 朝廷赤

子兼奉定例凡一插標卽爲已業後亦不得爭論今載冊

者多屬流寓萍踪以克戶口在流寓之民見有房有地願

自整理整特別無人言及至料理齊備土著矧云族人

業或云母黨之產彼此爭奪禁人插占甘心傾圯若不嚴

示地方終無起色不惟不廣招徠卽見任之民日益思散

矣一荒田宜闢也查縣屬所轄二十六里載糧二萬二千

有奇今歸籍者寥寥載冊者僅三十有九奉行清丈之糧

三兩一錢有零開墾萬不及一各民又防京丈將見開之

田懈怠如單夫隻妻租牛辦穀一年不足一歲之用終無展眉之日猶幸安堵如故務須給示獎勵教民廣舉男耕女織各守其業毋致饑寒仍應差人逐月採訪勤惰勤者賞之惰者懲之如此鼓勵自是家給戶足比屋蓋藏之慶矣一風俗宜整也登銅邑地方向稱人文禮義之邦自張寇變亂二十年來人烟絕跡雖經開復禮教未與歸籍之民間有幼時拉入營伍竟不知孝弟忠信爲何事酗酒放肆任意橫行官遠法疎縱橫得以自便雖有鄉官幾人本無官守言責同居桑梓誰人得而禁之務令上下二鄉設

于山奏牘

卷一

三

立鄉約各一名每遇朔望持 聖諭六條諄切講諭以禮讓爲先勤儉爲本戒遊逸賭飲無以小過而不改間有不遵約束者許令指名報究使知目有 王章勿令若輩視法如弁髦也一縣城之駐防宜撤也當年 王師進滇經過銅梁因王眷尚未遷移每被逃兵過銅劫掠自遷移之後逃兵久已絕跡前以銅梁有官有印篆上司設兵駐防誠爲衛民久安長治之基今銅梁官撤印繳民雖零星野處而數年逃丁賊盜消弭以城內八九戶之民安用三十餘名之駐兵耶兼以本領不能鈴束兵卒動輒酗酒恣肆

大營尚在夔門相去千有餘里前有合州駐鎮可以節制今云已裁愈不能約束矣應否詳撤庶免殘黎滋擾一寡婦幼子宜恤也天下最苦者莫若寡婦伶丁無告者莫過孤兒自宜優加憫恤乃有奸弊陋規令人詫異者如夫死妻必嫁之言雖未可槩信而有等奸民乘民婦夫死視爲奇貨或有隣居出備衣衾板木代葬經年累月不卽取償扣算本利若干逼其再醮天理何存寡婦無門可訴寧甘受嫁索財更有賄送官長紅銀假此因公苛求雖奉兩院勒石碑禁公然視爲故紙今吏治清賞罰明宜立法飭行

于山奏牘

卷一

三

嗣後有翁姑主婚者方許出適若無翁姑叔伯者當聽本婦自便不許奸民逐逼庶生者安心死者瞑目也

張撫臺復書

合陽荒殘冲瘠得高賢撫而綏之自必漸有起色頃聞初蒞新政驅冗役却輿從及絕無名之應付清操毅力卽此已見一斑甚快甚慰也承賜廣藥二種謹登但二藥所醫何病便間望併示知附謝不一

請留合州營防兵

爲殘疆之危險堪虞經制之防兵難去伏乞本提督始終重念地方會同撫臺酌議 題留免更舊制以保殘疆事照得大臣謀國固相緩急以設防禦而下吏守土亦審時勢以詳去留本提督開闢蜀疆剪除群寇躬親戎伍險阻備嘗及成功大定度形勢之或險或易議防兵之宜有宜無會同前總督李 爰定經制爲 國家久安長治之圖灼見合州據三江之要會六路之總必需營兵坐鎮以資彈壓乃新設將領兵丁五百員各載在經制垂之永久成

于山奏牘

卷一

三

龍於本年九月初六日到任尚未熟悉地方要害風聞裁合營兵之議驚惶無措姑就營兵之有關吏治者條晰上陳棠撫憲批候部議在案嗣後成龍審閱合陽山川風景扼重慶之上流當順保之屏障地勢險要么魔敢於盤據烏合易爲糾集每當歷代季世遂爲瓜裂如釣魚城之舊跡純陽山之石刻鑿鑿可據以是知本提督與前部院李老成謀謨增設營伍憂深慮遠茲本月二十四日接閱邸報爲歷陳邊地等事已經奉

旨依議是部臣據疏叅酌知永寧之爲邊慮而未知合州之

有隱憂也爲久遠之計本提督焦心爲 國瞻前顧後已定之經制必不可更爲目前之計則成龍利害切膚審時度勢已裁之成命尙需挽回本提督封疆大臣凡地方利害知無不言如合陽之裁兵實關地方之安危事非渺小伏乞憲臺重念甫定之殘疆不可輕爲搖動萬全之經制難以驟爲更易會同撫憲酌議遠圖 題請遵照舊制留營駐防庶初年之經畫有始有終或以永寧重鎮勢需增兵然重慶新設總鎮衙門所有城守三千之兵去留未定亦可通融調撥則合陽之營兵可不裁蜀省之經制可不

于山奏牘

卷一

三

更而中外之土宇可以寧謐無虞成龍腐儒不達時務祇因利害當身激切再陳統祈憲鑒

守武昌請復臨湘驛站

爲懇詳迅起岳站等事本月二十七日據蒲圻縣詳稱鳳官港三驛馬夫徐但陳等稟前事該本縣知縣張圻隆查看得蒲屬三驛接壤岳州長雲等驛原奉編以六十里爲一站所以節勞逸惜物力也目今隣邑未行起站無馬換騎節經大人差使徒上俱經越站長驅三百餘里以致夫馬困疲前馬既去後差無以接濟差使絡繹勢必貽誤關係匪輕合無詳請俯念驛傳急務轉詳蚤發岳屬馬匹各驛起站接換庶軍機無悞人馬得甦等情到府該本府

千山奏牘

卷一

語

得湖北蒲邑與湖南臨湘爲隣蒲有官塘鳳山港口三驛臨湘有長安雲溪二驛雖有南北之分而驛站實爲血脉相通之路目前蒲圻三驛招撫馬夫增補馬匹應差無悞奈臨湘兩驛未設將港口之夫馬越站至岳港口勢不能支將鳳山官塘夫馬越站至岳路程愈遠夫馬愈敝是以臨湘未設之驛而累及蒲圻已設之驛恐三驛夫馬愈敝則差使絡繹將何以應此該縣據馬夫之稟而急申請也伏懇憲臺念郵傳關軍前急務刻不容緩移會偏院設法馬匹蚤立臨湘兩驛則蒲驛不至拖累軍機得以迅傳

收復蒲圻報張撫臺

成龍奉憲委修咸寧河橋李守備協力巡驛各員相助初七日工成已經飛報在案初八日至蒲圻官塘驛宣布德意有大貴雙坵二團鄉民投見成龍遵發憲示鄉民罔不悅服亦經飛報在案初九日沿路鄉民迎接泣訴各有陳詞現經彙繳咸乞憲示但頒發者已盡懇領其眾祈速多頒以安人心本日晚成龍同武昌衛李守備城守王把總金口郭巡檢咸寧衛典史渡河進蒲圻縣城寂無人烟止有原任丁憂巡檢潘宏錦閣家在城隨查縣有六門即塞四門僅留北門水門以通往來以便修橋所有收復蒲圻緣由合就飛報

千山奏牘

卷一

語

咸寧浮橋情形報張撫臺

咸寧橋成洪水衝壞是實天降災殃也咸寧古有石橋亦被山水衝傾而一浮橋又安能支泛漲無涯之水成龍初九日雨至蒲圻大雨水漲漫無下橋之所已經申報在案初十日料理物料十一日橋梁雨中成就值有咸寧橋被水衝之報成龍心神慌亂忙無措手本日蒲圻大雨如注水聲如雷是咸寧已壞之橋不知如何復修目前蒲圻已成之橋又在十分危急也成龍的於十二日赴咸寧多方布置物料力謀再舉不識天意何如合就申報

于山奏牘

卷一

奏

又報張撫臺

看得居官辦事務宜詳慎况軍前重情何得張皇妄報以啓不測之禍如署咸寧曾經歷其人者署咸寧之事不能修咸寧之橋一味躲避全無擔當受成龍看守橋梁之責值山水暴漲自宜小心照管倘有衝壞自應僱夫補修何因水漲不察橋梁有無衝損輒自妄行申報致成驚惶冒雨行至辰山已經飛報在案於十三日蚤辰一路覓船行至蒲圻界外嘉魚縣黃土坑地方進湖僱船每隻給銀三錢豈急彼地百姓將成龍跟役亂打丟入水中成龍親

身勸覓仍行持鎗執棍喊搶奪逼成龍急跳大湖之中魚驚為隣船戶任克明亦跳入湖甘蹈不測浮水拉救上船是皆曾經歷妄報以啓不測之禍也所有衛典史稟報情由合先報明以舒憲慮成龍一月以來筋疲力竭神氣耗散暫養一日的於十四日回省合併敘明

于山奏牘

卷一

奏

籌畫蒲圻防守報張撫臺

看得蒲圻城內留兵防守必然之勢也然止留一將領足矣恐主將多則兵丁難於約束士民畏懼不歸依然一空賊耳且兵丁盡在民房目前士民歸來將何爲安身之處更有不忍言者民房家資木器已不可問再過數日土底蓄物亦在難保士民歸家一見傷心必號泣而他往成龍亦乏撫循羈縻之術矣伏乞憲臺酌留何營何將該兵若干牌行遵照或止留城守王把總兵三十名防守城池通送塘報亦足濟用今日之事兵不在多止在收拾人心而已

千山奏牘

卷一

民

籌報各屬情形上張撫臺

成龍駐守蒲邑士民初有歸意可憾與國新州黃州德安逃兵回營浪布流言人心震驚蒲邑附近各縣危如累卵上憲差使惶張空同一應公文塘兵打轉道路梗塞通城文武恐懼離汛賴有崇陽一縣砥柱中流差役揆成龍動靜地方稍寧通城因之報文回縣嘉魚自寇夜來明去後避居鄉間聞今亦已歸縣蒲邑漸有歸民村落擊鼓插秧山中採茶肩擔沿河船隻貿易未盡斷絕前尼將軍票查病駱駝一隻成龍差武童賀世沿賫收管繳營本月初六

千山奏牘

卷一

民

日午時來見言四月二十九日離營我兵駐扎離陳陵磯五里附近大江糧米不絕止缺燒柴二十三日陸路大戰殺賊無數滿兵引他看殺死者俱係頭有長髮二十四日水路大戰砲打壞賊船無數二十七日二十九日陸路俱大戰每日我兵四千餘人巡哨此係確信本日忽有大治縣報文二角武昌縣報文一角愚民作祟恐縣文失之驚張亦宜蚤爲安慰大治逼近與國有柯陳二家且通城久已思亂嘉魚頑悍異常倘聞風附和入爲心腹憂縱殄滅不難亦傷元氣守憲素得民心勅速發示以遏亂萌且

有柯陳庶民密差曉諭解散發兵防守此正著也恐愚民生疑反逼成釁端是解散防守緩急之間憲臺自有萬全長策依成龍愚見俾與國將領嚴加提防通山武昌兩縣發重兵守禦且置大冶於不問順而撫之則反側于自安不發兵可無走險之虞發隣兵以張鎮壓之威且以杜隣封通謀之漸未知可行與否此事關係非小需役費投伏乞憲臺垂念封疆密與守道計議若守憲肯親臨大冶相機安撫自可無事但不可輕帶兵耳前日逃兵各懷疑懼務令各營將領收拾安慰加以告病假歸名色無使密釀

于山奏牘

卷一

早

禍種聚而成黨再懇將大冶通城通山咸寧所供荆需務會督臺暫緩以安人心成龍爲地方起見非敢乘機怠緩軍務也統惟憲裁成龍僻處山隅鞭長不及以貽憲慮罪難擢數蒲邑大水冒城堞垣推倒城內房屋傾圮合併附報

于山奏牘卷之一 終

于山奏牘卷之二

晉西河于成龍北漢父著

爲武昌各屬請緩徵上張撫臺

看得府屬州縣驚鴻未集民生失所尚望殊恩安輯若復議徵恐小民輸納不前軍需必致違悞悉陳各屬情形懇乞憲恩生全如蒲圻嘉魚逼近臨湘寇賊犯境雖飄忽而逝然士民驚避罔顧農業通城客邇平江民不安生復被賊夜襲城黎明遠颺而煙火已絕咸寧聯接蒲圻人民遠竄湖山境內十室九空崇陽處蒲咸通城之間雖未洗離而警息時聞不能盡力南畝至於大冶當風鶴之餘土寇作祟卽不終朝而滅斯民已受疑畏與國武昌通山與大冶爲隣土寇煽惑兼以逼脅肆虐生民不得樂業江夏爲省會首縣衝煩疲苦民不堪命是各屬危苦情形久在憲臺洞鑒中茲奉查議合就據實直陳均當軫恤安輯以恤民生則開徵之議恐尙非時似應仍前緩徵以救民困庶小民無催徵危迫之虞有司免違悞軍需之慮

于山奏牘

卷二

辭武昌任請署員上蔡制臺

爲軍務事本年六月十四日奉 總督部院蔡憲崇差官張虎前去武昌府着落官吏查照後開殺草數目勒限全完協同解官人役限本月中旬以內飛解來荆接濟等因奉此該職遵查於六月十六日爲亟請署員以理府治事照得成龍係黃州府同知于本年三月初九日委署武昌府事因就近補授一案授武昌府知府尚未領憑值 禁旅南征成龍奉委修搭浮橋被山水衝毀失誤軍務 題參部議處分應遵奉離任且成龍奉撫東山遙隔省治一

干山奏牘

卷二

二

切府事俱高閣航悞如軍前草束舊欠新派不及催辦欽案部件熱審重情不及清理負罪滋深幸東山已靖撫事已竣本月初七日詳撫憲候批歸省蒙批一應安插善後事宜該府必須計慮停妥另詳報奪回省成龍稟遵撫事雖就而善後非且夕可奏仰體憲慮爲地方生民圖久安之計目前清查保甲立守望相助之法延日逾久積案愈多現今武昌同知新任正可接署料理府事伏乞憲臺俯念 欽部案件軍需關係重大迅委同知接理成龍受守憲籌畫得以盡心効力不敢以去位貽害地方生民等

因具詳憲臺未蒙批發又于六月二十五日奉布政司信牌爲特參違玩官員事本年六月十四日奉 撫部院張憲牌行司照牌內咨文奉

旨事理欽遵施行等因奉此看得成龍原任黃州府同知本年三月初九日委署武昌府事蒙 題補武昌府知府尚未領憑因浮橋一案 題參革職例應解任伏乞憲臺勅司速詳委員署篆理事庶一應軍需 欽部案件責有攸歸等因于六月二十六日申詳亦未蒙批發今奉憲差催殺草隨該看得自五月二十二日成龍委撫東山未嘗一

干山奏牘

卷二

三

刻忘解荆軍需需索處僻隅不能分身以應憂心如焚亟欲撫竣回省料理又因善後之計多方布置非且夕可就唯恐日久遲悞于六月十六日詳請委署催辦軍需又本月二十六日詳請署員接理撫事軍需兩無違延俱未蒙憲示茲差官目覩成龍艱辛疲病之狀事出兩難伏乞憲臺查批原詳仰鮑同知接印理事刻期督催庶可有濟

爲黃州各屬報災請蠲上張撫臺

該成龍于本年八月十一日至黃州府查緩徵已荷等事
一案前府余三及于本年七月初五日呈詳內開黃梅兵
燹之後民貧土瘠今春滇黔叛逆人心風鶴驚空家而飄
泊不能自保至人心稍定播種業已過時况三春霖雨二
麥汜爛兼以北來大兵前往江西道經麻城圻水廣濟黃
梅而黃陂諸縣俱有兵馬經過是黃民疲于奔命者靡有
寧晷自五月以來旱魃爲虐職受事數日即據士民哀控
疾苦所見溪塘盡涸田苗皆枯秋成既已無望八口終歲

于山奏牘

卷二

四

絕粒有朝不保暮之憂民卽剗肉而無肉可剗吏卽追呼
而無民可追黃梅廣濟羅田各屬士民疊籲災荒縣令屢
詳賑恤幾于淚盡出血俱久入憲鑒中若不急急請蠲不
惟民慮開徵各鳥獸散且饑寒迫膚又能保其不挺而走
險哉合無詳請 題達蠲免本年正賦以免一時內荒等
情申詳在案又查七月十一日據黃岡縣知縣李經政詳
報爲災旱非常籲天求活等事據里民劉鑑等呈稱今歲
自春徂夏霪雨連月自夏徂秋赤陽不雨穀種未收顆粒
當此軍需孔亟救死不贍誰能急公好義謀生之念孔殷

逃亡之心益熾伏乞恩詳請蠲等情該縣看得黃邑

既離亂而失業復遭旱以致災滿目荒涼到處哀號
矜憐民命轉詳凡十三年未徵者盡懇蠲免使鳩形鵠面
暫留喘息地方寧謐不至流亡等情申詳在案又查
牌爲風鶴之流民雖還旱澇之災黎堪恤等事于本年七
月二十五日奉 巡撫部院張批據蘄水縣五十八里士
民高依陳業和等呈前事呈稱訛言驚怖城野多空陰氣
所感二麥悉屬澇傷繼以亢旱五穀全爲旱虐他邑之傷
在澇而蘄邑不僅于澇他邑之虐在旱而蘄邑更烈于旱

于山奏牘

卷二

五

等情蒙批委員確勘彙詳通報繳爲照報災定例極其森
嚴該縣印官所司何事竟不據情詳報以致士民違例
控殊干法紀仰府卽查斬水呈控旱災情形等因遵依奉
行在案又查六月初五日據黃陂縣知縣金殿臣詳報爲
穀死命盡急求呼籲等事據里民潘貞等呈稱軍興芻
朝求夕應之秋二三月霪雨疊至春麥汜爛五六月滴雨
俱無秋稻死傷懇乞詳請特疏 題達本年額賦盡行蠲
免始得免填溝壑等情該縣看得陂屬低下者死雨高旱
者死旱雨災並至若不急求 題請則版籍之民不死本

處定徙他鄉賦自無完等情申詳在案又查七月內據黃安縣知縣徐秉仁詳報爲旱災異常禾苗盡稿懇詳具

題爲民請命等事據三鄉王宗三等呈稱黃安土瘠民貧本年正月內採買軍需一方菁黍爲之一空又兼風鶴頻驚流離失業自夏徂秋雨澤久愆禾稻盡焦兒啼女哭少壯生輾轉之心鵠面鳩形老弱慮溝壑之慘伏乞軫念軍興旁午更憐饑饉恩詳請 題請蠲請賑等情該縣看得自夏徂秋旱魃肆災山田如焚念里民措辦軍需髓膏已竭又遭此災傷流亡載道恐鄭監門弗克繪其圖伏乞轉

于山奏牘

卷二

六

達請 題以救餓殍以安爲盜之心等情中詳在案又查七月十五日據麻城縣知縣屈振奇詳報爲異常旱傷民苦已甚等事據里民王彭等呈稱麻邑土地高燥自五月二十四日一雨至今七月十五一雨不滴垂成青風捲泥土方長者稿若霜毫當軍興旁午之際加以旱魃爲虐之慘乞恩轉詳軫念等情該縣看得旱稻皆爲腐草晚禾盡屬焦枯塘堰捲灰河港成路申乞轉詳建福等情中詳在案又查七月內據羅田縣知縣王光昇詳報爲旱之餘方苦軍需惟求正供之或竭或緩以全失業之民等事據

里民張文雄等呈稱二三月間人心有風鶴之驚五六月間禾苗有旱魃之災逃避徵輸者十室九空失業拋荒者十常八九乃草束槽刀一批已解一批將起一差未去一差又來小民之財力有限一身之膏血無多倘不蒙法外之恩議蠲議緩勢必再逃再亡總之自分一死耳與其死于法堂不如死于山谷與其死于催科之敲朴不如死于逃散之饑寒與其死于虧 國賦對法吏之難可解免不如死于隨父母挈妻子之尚可遲延伏乞收拾久散之人心永保無意外之虞等情該縣看得驚竄之餘又遭天時

于山奏牘

卷二

七

亢旱禾稼焦枯 國課爲目前亟務而民命亦在所宜矜等情申詳在案又八月十二日奉藩憲牌爲八歲六災今夏最慘懇詳檢踏早賜蠲賑等事據羅田呈詳行府遵依委踏在案又查七月十三日據圻州知州李成材詳報爲災傷倍甚于當年救荒更難于今日亟懇詳請早爲立命事據里民張重高等呈稱兵馬往來百姓奔竄農桑廢棄田地拋荒又重以洪水淹沒夏災已不可言祇緣播遷未歸以致失時不報詎知旱魃爲虐遍地如焚禾苗枯焦門內之嗟怨何堪戶外之追呼行見析骨易子誠爲慘痛勢

必有死無生伏乞申詳請蠲賑等情該州看得沂州因土盡在山壤初春因商羊肆虐盛夏又旱魃為災值吳逆猖狂鄉民輕聽訛言各棄本業遠避山湖是早禾之東作已廢卽有佈種晚禾孰謂驕陽為害四野枯槁心殊慘惻乞賜轉詳 題請議蠲等情申詳在案又查六月十三日據廣濟縣知縣潘士學詳報為水漲滔天絕禾絕命懇賜申詳以甦民困事據濟邑鄉紳胡魁楚等呈稱今春逆犯楚境邑民遠竄潛逃蒙諭歸家務農慘在五月初天雨連朝洪水泛漲田地化為東海民屋盡為魚窟妻孥子哭將來

于山奏牘

卷二

八

開徵比納無賴伏望詳請蠲賑救民水火等情該縣看得濟邑邊臨內湖接壤外江自春徂夏霖雨連綿一望汪洋春作既已淹沒兼以軍興芻牛又值天災流行萬民號泣伏乞轉達 題請蠲賑等情申詳在案又查六月十三日據黃梅縣前任革職知縣王庭龍詳報為驚鴻之災業堪嗟洪水之為殃更慘懇請蠲賑以救殘黎等事據里民郭興勝等呈稱梅邑路當八省要衝兵馬絡繹蹂躪百姓驚逃隣省四野之東作皆空將來之西成無望蒙檄撫漸歸詎意自二月以來霖雨連綿洪濤泛漲田地淤沒屋舍

漂流巢居露處婦哭兒啼不惟畝畝之禾苗變為滄海卽往來之大路盡成澤國哭奔迅請立賜蠲賑庶驚竄之遺黎免奔他邑等情該縣看得梅居楚末勢當下流因逆亂之說傳自如盡驚逃于隣省其栽種業已愆期勸撫甫事耕耘正當夏秋之交大兵往來如織因水阻道沿山扎營而山地之農功盡歸烏有矣尤慘者自二月至五月霖雨不止洪波泛漲田廬俱漂往來大路浸沒無踪亟請具題蠲賑留此一邑災黎為後日種田輸賦之資等情申詳在案又八月十二日奉藩憲牌據黃梅縣知縣李成材詳

于山奏牘

卷二

九

稱閩邑災民盈庭泣訴迅賜賑恤等情行府遵依在案該職覆查看得天災流行所在恒有或災于夏而有報蠲夏災之例或災于秋而有報蠲秋災之例未有如今歲之水旱相仍夏秋並災之甚者也遍閱九屬士民痛顛州縣哀請眞淚溢紙上悲不成聲成龍不覺心酸涕流雖夏災報逾定限乃緣風鶴有驚士民奔竄呈訴愆期性命之念重初不計及水旱之洊至誠有如蘄州里民張重高等呈稱播遷未歸以致失時不報之詞確爲真情通計一歲正賦錢糧既免夏災復免秋災所剩徵納協濟軍需亦無幾何

當此遇賊交訐之日荆岳用兵之時訛言起滅不常士民
居楚無定誠有如前府余三汲所詳恐欲徵而無民可徵
之語實爲有見至于老弱溝壑少壯流離慘不忍言饑寒
切膚群聚爲盜宜爲後慮此各屬士民有寧死于他鄉爲
民請命計出萬全之詞誠有如前府余三汲所詳挺而走
除黃安知縣徐秉仁所詳以安爲盜之心瞻前顧後均有
裨 國家之石畫也逆賊作亂人心共憤指日授首當事
請協餉以濟軍需暫寬此日災民之命將來百姓感恩踴
躍輸賦報効者正自無窮誠有如黃梅縣革職知縣王庭

于山奏牘

卷十一

十

龍所詳留此一邑災黎爲後日種田輸賦之民可謂痛哭
流涕實意爲 國爲民者矣成龍更有請焉目前荆岳進
勸辦辦槽鋤鍋桶起運草束穀米等項無不藉民力以輸
將者寬小民今歲之賦雖未得小民効順之財而歡呼趨
事亦可得小民効順之力並可得小民効順之心成龍愚
昧不識忌諱統祈憲裁詳請 題蠲除未奉緩徵之先各
屬已徵銀兩並照秋糧盡數恩豁以救民命以培國脉合
據黃屬士民州縣呈詳妥議申報

初守黃郡上張撫臺

成龍于七月二十五日在麻城縣望花山准武昌府關移
委官費黃州府印信本日叩恩接印理黃州府事于八月
初四日離望花山初六日至省回復撫部院嚴命又因新
派槽鋤鍋桶等項軍需向閩司領協餉置辦竊遲數日于
初十日辭赴黃州十一日已時到府卽將草一百萬束照
糧均派行各州縣催解已經報明在案又軍需困民已久
成龍不忍將槽鋤鍋桶等項再派民間情甘自任其勞分
委屬官覓買木料差役調取匠作買辦鐵炭楠竹籬筐木

于山奏牘

卷十二

十一

撤搬箕等物查結各憲守催事件拮据半日神已昏瞶十
二日蚤親看起爐處所復清查堆積公文有黃岡縣縣丞
王公濯呈繳日收公文自七月十七日起至八月初十日
止共拆公文四百六十一件十二日舖司投遞公文九十
一件共五百五十二件自己時至二更方行拆完成龍不
覺頭暈目眩嘔血不止查各項公文堆積如山咸係要件
非經承敢于怠玩亦非成龍敢于懸閣皆緣缺員塵封一
時何以速理且成龍于本年三月初九日理武昌府事晝
夜不遑四月初四日委在咸寧蒲圻于五月十五日歸省

印辦解岳州軍需五月二十二日委往麻城東山于八月初六日方得回省數月奔走身履危險罪戾滋深精力已竭夫以積勞之微軀一旦覩要件之沉積頓使心神驚悸感成癆瘵之危症目前扶病料理務期新派軍需毫無違悞但恐病勢危篤將來不可保也合先稟明

張撫臺復書

積勞之後慎勿過于執掌以致欲速反遲也接來翰殊爲念切幸善爲調攝以慰不佞惓惓麻城一案備述賢勞已繕疏具題矣附聞不一

于山奏牘

卷二

三

籌緝逆寇報張撫臺

史國柱包藏禍心煽惑地方蒙憲臺面諭密緝成龍稟遵指授幸未漏網鼠賊就縛咸仗憲臺威靈成龍何敢當獎諭優溢練長王芳遠等荷憲恩隆厚特賞袍帽銀兩成龍愈踴躍不安茲奉密諭孫調元汪華之陳克韶成龍刻即設法迅擒倘遁入黃安便爲籠中之鳥決不致免貽貽禍內地但成龍新聞陳鼎業陶白雪潛逃九江苦無的役緝拏唯望王芳遠張漢一方茂貞來黃密議陶楊二生成龍給以委牌俾防守單家舖一帶地方又六安麻埠告警密

于山奏牘

卷二

三

張撫臺復書

奸人屢擾內地此番又擒史國柱皆親翁之妙畧也但孫調元尙邇道諒聞其同行有兩人一爲汪華之一爲陳克韶同遁入黃安一路且聞譚以從陶克

李素之係其親密舊好查譚以從等舊係招撫之人
尚未發回羅山幸親翁密授方畧俾其迅擒賊首調
元不致更脫切速切速此不一

張撫臺又書

水師鎗手尙未足額正在需人吳生招致六十三人
具見急公之義已據守道文報俱發營收伍矣王副
將病故身後之事幸親翁就近善視之不佞已卽爲
題請存恤矣不一

千山奏牘

卷二

古

籌捕陳鼎業等報張撫臺

才疎性拙幸逢知遇格外殊恩感佩終身黃麻東山仰賴
憲威頗稱寧謐孫調元就擒已除腹心之禍止有陳鼎業
仍祈溫諭張漢一遍緝料難漏網訪孝感山中藏賊甲
三十副烏鎗數十杆已密差查起未知虛實江右寧州賊
平興國大冶無驚而黃州可以安枕伏乞憲鑒外程鎮邦
家貧糊口不給武舉曾試挈賊盜一案久在武昌統冀恩
施

張撫臺復書

千山奏牘

卷二

圭

狡逆作祟煽惑鄉愚致令無知交相受劄已獲者自
應解往武寧聽其質對未獲者多方躡緝以靖根株
至於無辜弟姪非緣坐者應予保候以安人心若夫
未經供出或名同字異者平素與其往來尤當令其
自爲舉首以邀減免是亦好生之德也率復不盡

籌畫預備上張撫臺

今日之時勢靡定人心之向背無常相機制勝圖萬全之策在封疆大臣審先後緩急之宜而已成龍下吏沐恩高厚稍有聞見何敢緘默不言去歲滇黔告警人心蠢動此時勢之一大變也王師雲屯荆鄂鞏固而人心定矣嗣後江右告警人心復爲蠢動此時勢之又一變也禁旅電馳府縣恢復而人心再定矣自前秦川用兵聲聞不確人心易于搖動奸宄煽惑潛謀巨測此時勢之變之又變矣凡所以肅清內地謹防外寇無一事不爲要務憲臺受

于山奏牘

卷二

七

國家重任晝夜不遑形神勞瘁而此時之焦心愁思更以湖北繫天下之安危愈不得不蚤爲之籌畫矣今歲元旦生員吳之鄉在署成龍命占一課得旅卦官鬼不動主無賊寇但恐四月有一小警立春日命程鎮邦占一課亦係旅卦官鬼不動恐四月有一小警本月十九日徐司獄寄一課係鼎之訟斷云地方反側已安四月有一虛警無害五六月漸就平息勿慮成龍愈憂之蓋徐司獄之課最驗去歲成龍自蒲圻歸武昌也占主敵人受降未幾而有招撫東山之役自撫竣而赴武昌也占云東南還有一行

冬月而果有剿何士榮之舉茲占四月有警安敢不豫爲

提防黃府屬所慮者麻城黃安羅田黃梅四縣今趙提督鎮守潯江黃梅可無虞也羅田年來安靜無有弊端成龍諭生員蕭二至小心謹守麻城渠魁殲滅猝難再禍且有協兵五十名駐扎項家廟虛實動靜可以緩急相聞所慮者黃安離府太遠譚以從倡亂之時城中紳衿聚蒼頭數百將爲內難以從一撫居爲首功今以從未歸羅山又不便發兵防守此處稍有疎虞成龍于黃麻地方命鄉家河貢士鄒世美練鄉兵五十名潘家塘生員蕭命福練鄉兵

于山奏牘

卷二

七

一百名牙魚坑余忠信觀音閣陳玉環共練鄉兵五十名居中豫備以防不時之警此成龍一府之事也其餘形勢要害憲臺自有籌畫成龍不敢不總總過慮之細閱諸家占辭應主西南則荆岳提防更宜嚴慎成龍受恩難報惟以所見所聞陳獻期盡此心伏乞憲鑒

聞內報計告歸上張撫臺

謫劣庸材荷恩提拔感戴終身茲有下情泣血上陳念成龍父兄先逝上無叔伯終鮮兄弟焚哭一身奉侍慈幃希冀升斗以祿養親不料任粵任蜀遠隔天涯及佐黃郡又苦卑濕不敢迎養身繫一官心懸白雲十六年來烏鳥之私未嘗刻忘成龍十三年有終養之請詞屢告休實爲高堂母老中懷隱憂不得不爲之乞憐也今忽焉永訣母北子南幽明殊隔計音馳至肝腸慘裂魂魂銷號天搶地欲見無由追悔無及痛成龍母老不能養母死不能殮目

于山奏牘

卷二

六

前板停中堂亡靈無依倚門倚閭死後望兒倍切生前成龍他鄉孤哀腐心疾首淚已血凝形已骨立惟奔喪營葬觸棺蹕踊少釋終天之恨此成龍痛哭呼號而不得不爲之乞憐也伏乞憲恩垂憐他鄉孤哀母死無治喪之子施浩蕩之仁慈積萬代之陰騭轉達歸葬父母有靈叩感地下成龍倘邀餘生焚香頂祝卽與母偕逝卿環結草永矢世世矣

一 張撫臺復書

歲聿二暮將屆新春矣昨具疏 請留雖勉抑孝思

于山奏牘

卷二

十九

實爲地方起見也幸節哀視事庶慰輿情再前任王副將勞於 王事盡瘁厥躬寓在黃郡孤苦堪憐不佞殷有故人之念亦藉同志有以相成幸分付各縣一爲照拂周急之後當有以酬其厚道也不一

請免募運上張撫臺

爲直陳募米萬艱官難再運事竊以役之征古今通義前次赴荆運募軍糈派黃州府七千五百石紫數飭僱寬夫鹽勿派里甲力役誠愛養百姓培植國本之盛意也漢陽僱騾可稱盡善武昌僱驢亦蚤有成年成龍奉文稍遲忒不及倘若買驢僱夫必延遲悞事晝夜焦思無已設借驢之法言定驢回給主傷損官賠里民借驢踴躍赴公毫無難色而領運無人點衙役代勞各役向隅環立幾費唇舌方有定局各屬照例遵行此成龍一片苦心于倉卒

于山奏牘

卷二

手

之際爲濟急之舉期以上不悞公下不病民已耳無如夫驢至荆便已疲斃日久所傷必多兼悞運事而荆州之夫驢一呼可以萬計于是委官審度時勢僱夫之舉行焉每石夫價有一兩者有一兩一錢五分者有一兩二錢三分者除官價六錢五分應幫夫價自三錢五分至五錢八分不等此外去役之盤費驢隻之草料賠驢之價值俱屬妄費咸係官賠止幸運米蚤竣爲得計倏焉二運之檄又至矣仰在荆夫驢再運然夫驢久已各回將何以應各屬之申請盈案紙上之哀前盡是哭聲筆端之揮洒無非淚珠

成龍之心已碎術已窮是當年西山之運苦在民而今日募陵之運苦在官如逼之仍照前運有司力竭豈甘坐困掩耳盜鈴安能舍里甲而索奇計也莫若行力役之征光明正大官民相濟終爲久遠之法如里甲艱于遠行有前運僱夫之成例在焉成龍萬不得已更有泣陳前次派武漢黃運米漢陽府兩縣派米二千石武昌府除江夏蒲圻通城嘉魚量派外尚有六縣該運米六千石黃州府除黃梅廣濟量派外止有七縣該派米七千石前次多派米五百石成龍以運米未必如此之苦且夫驢可以帶運任勞

于山奏牘

卷二

主

一以無傷也不料一石有一石之費彼此輕重不均各屬議論沸騰二運多派之米似難再運再有下情疊陳黃屬惟廣濟黃梅最苦今歲又罹災傷前次量派運米迄今號泣何堪再運或者正賦可遞題蠲運米亦可與憲德也此例似非未被災郡可比如以已派不便紛更查德安府于已派內新減一千石或可援請伏乞憲裁勅司道公議定官民運米之法施均派恩減之仁庶奉行不至遲悞軍需可以濟矣

請免募鎗手上張撫臺

成龍質腐才疎仰荷知遇之恩卽肝腦塗地難酬萬一惟期保障黃土舒憲臺東顧之慮幸今歲雨暘時若百室頗盈婦子頗寧人心貼息無復去歲風鶴之驚逆黨煽惑之擾咸賴我憲臺恩威並用渙仁厚澤淪浹黃民之骨髓成龍毫不敢有所假飾以欺憲臺也惟鼠竊狗盜未能絕跡雖犬尙爲騷動成龍恒鯁鯁憂之邇來民多訛傳調軍前之夫抽民間之丁成龍靜以鎮之訛言甫息忽于本月初三日奉藩司牌召募鎗手某州縣招募若干名立刻催報于山奉牘

卷二

前此百姓之所訛傳爲抽丁者卽此故也愚民實不知爲召募也第此亦關係地方安危大事夫以爲召募則可若定某州縣招募若干名恐未盡善也黃屬皆耕田鑿井之庶民有父母妻子之關切其中或有游手好閒情願爲兵者召募入伍彼亦甘心可濟實用此招募不拘多寡行之則可如定以州縣若干之數有司不善奉行畏上督責猝募無一應者勢不得不押鄉保以公報勢不得不派銀兩以僱覓恐此一舉地方多騷動矣奸人乘之禍不可測且有成龍不敢言者遇知己之主又不忍不言也前荊州調

黃協之兵甚至親友泣別洒淚赴途光景淒慘不堪聽聞更有一二僱覓代行彼已情願入伍尙且如此况耕田鑿井之民有父母妻子之累一旦逼以招募之舉又不知作何光景也伏乞憲臺裁酌仰憲臺焦心苦思剿撫經營之地方獲以萬全如召募必不可免似不宜分派州縣限定數目止責成成龍量其緩急陸續招解可否允行統祈憲臺蚤爲定議庶人心安而地方無虞矣爲此激切上稟

張撫臺復書

募兵事屬難行因 兵主王題有責成督撫招募烏

于山奉牘

卷二

鎗手二千名之說誠恐部文一到難以猝募不得不行司酌議不意其轉行各府也此事若分派州縣必開僉派里下之端必得府州縣善爲招募俾令樂於從戎方得其力此皆開支戰餉將來一進湖南之後爲兵爲民仍可任從其便幸親翁卽爲陸續召解多益益善切囑又蕤陵兵米屢准都院咨移欲於各府派夫赴荆運解愚意若一派夫則將來便無止底且此項米每石議定給腳價六錢五分自荆領米運蕤爲程二百四十里此項腳價若自備夫驢足以有餘

今司道議派黃屬運米七千五百石幸親翁卽爲酌
之止須得一能員料理似可不必轉派州縣以滋民
累得親翁力行更可爲各府倡率耳惟卽酌覆爲荷
切望不一

千山奏牘

卷二

五

招募獵戶上張撫臺

庸材腐質蒙恩拔識寵以章服優以異典知己之感千載
一時德難酬報當此逆賊侵犯正大揚撻伐之期凡屬臣
子罔不奮勵況成龍受憲恩隆重恨不能坐展一籌少舒
憲憂寢食爲之不安于本月十二日已時恭接憲牌取用
獵戶各縣不能奉行致違憲命但獵戶與鎗手雖同而實
異黃屬獵戶最少鎗手可學而能各屬或泥定獵戶不敢
妄報罪誠有由成龍竊遵憲檄多方勸諭招致年力精壯
習熟鳥鎗者濟時之用伏乞憲臺霽威姑宥各屬無知之
愆成龍感戴無既緣奉軍務合先報聞統祈憲鑒

張撫臺復書

歲暮匆匆五馬遽返殊愧未盡懷抱粗服聊表縑衣
之好何煩親翁尚及耶烏鎗已查收矣附復不一

千山奏牘

卷二

五

爲麻城請改南折上張撫臺

麻城一邑僻處萬山之中東北與豫省光息商固接壤東南與江南英霍六安比隣不通水次惟宋埠一鎮僅有盈盈一水九月之後水涸沙淤需用竹簾僅裝米八九石不等尚須人在水中牽拽百里之遠出鵝公頸方抵大江艱苦異常此歷來南米蒙允改折久經憲臺洞悉無容成龍瑣陳也目今軍糈扣算已定刻不容緩若俟麻邑南米接濟夫以盈千累百之米用八九石之竹簾輓運曠日持久欲其速濟軍需豈可得乎在百姓筋疲力竭已不可言而

千山奏牘

卷二

三

軍中之庚呼毫無裨益茲據里民梅天章等呈稱恩詳改折以從民便呼籲痛切成龍悉知麻城之山隅不近水次更審酌軍糈之緊急難容緩待不敢膜視合據詞請命伏乞憲恩憐山城水路阻遠兵食萬難刻緩俯從民便勅糧憲照例允折庶公私有濟兵民受福無窮矣

諫止採買上張糧道

成龍猥以謫分幸荷恩培感戴終身然覆餗之懼恒切寸心目前軍糈孔亟憲臺晝夜不遑成龍屬在下吏不能少助一籌自反深漸第採買糧米成龍有三慮不敢不爲憲臺陳之黃屬邇來鼠竊狗偷遍地橫行憲差賞銀務宜愼密前聞有盜自省跟憲差至陽邏托憲臺洪福來差早已登岸倖免無事茲聞來差不加愼密將銀兩裝在口袋明搭騎走惹動匪類計算恐不可測此露白之慮一也賞銀採買必訪殷實經紀自可無失茲聞憲差不察虛實果行

千山奏牘

卷二

三

混領混給一夥領銀之後販賄買鹽視爲已物不惟遲悞軍需恐此窮棍花費一盡携家逃走定煩緝追此散銀之慮二也採買軍需係上倉糙米茲聞憲差遍發示條糙米之外一槩收買大舡小舡絡繹不絕以致民欲買升合不能到手宋埠附近地方李招居民已闕然不能相安今聞牙魚坑百姓又有奮不顧身之舉此地方之慮三也伏乞憲臺密飭差役小心謹慎細擇經紀糙米已外勿包攬客船仍分些須以濟民食成龍不識時宜冒昧上陳可否惟候憲裁

捕盜巴河歸報張撫臺

成龍叩謁憲塔回府料理運米苦無頭緒以致心火焚燬又值黃岡縣夜查關廂街道城門一擱馬驚墜傷成龍倍加憂悶數日稍愈夫驢亦就甫得安枕不料心火外發膈生膿胞臥床呻吟于本月初十日忽聞巴河有失盜之傳漸不可長成龍扶病微行由徑至鎮入失主之屋細看前後兩門金無打壞踪跡情有可疑亦不敢苟且輕易再行密訪罕獲一犯居住偏僻素行不端十一日復以點煙甲爲名遍訪真盜立刻緝拏當晚三更回衙十三日失主到

十山奏牘

卷二

天

府文武同赴城隍廟會審失主身無點傷情更可疑當晚刻拿失主家奴十四日早審隱知爲失主奶公通盜也但此夥竊盜毫無顧忌若不嚴法以懲人人效尤將來何所底止且真盜未獲何以服失主奶公之心於十五日晚在葦源口拏到一盜即時鞠訊自認情真十六日蚤再加細問滿盤托出則成龍前訊奶公通盜之情果無差謬隨傳失主面聽供詞陸續叫失主家僮俾盜識認第一第二供稱不認至第三乃爲奶公盜大言是他調線開門而失主俛首奶公尙爲強辯立刻即將盜供出的黨差役分佈緝

軍大約多係與國緝捕府地方慣盜一面差役往與國通文協罕隨將盜與奶公寄黃岡縣監候差役回府必有落卽是竊盜申報憲臺嚴法創一懲百又勞攘數日而膿胞益勝腐不能坐手不能持腿不能站又值木料堆集江干不躬親檢查終不放心強病支持遍體疼痛不能假寐圻州木料先行圻水木料頭幫已過黃岡不過一二日裁截停當合幫赴荆地方事宜委張武舉鄒貢生沿路立堡巡防事尙未竣成龍血氣久衰精力已枯力不從心強勉供職地方一應事宜伏乞憲臺寬宥黃安銓手李監生正

十山奏牘

卷二

天

在府守催銀兩十九日蚤憲舍資銀至卽差役賁送黃安成龍先具實收統祈憲鑒

又籌捕盜報張撫臺

成龍才力疎庸自愧難肩重任久已憲恩俯鑒至于地方盜賊橫行失主與鄉保朦蔽不報習染成風以致鼠狗無忌真堪裂眦成龍已痛切上陳幸憲臺頒式嚴責成龍敢不一力奉行若成龍屬員朝夕告誡一已之功名事小百姓之殘害地方之擾亂事大天理良心安可以一已功名竟置百姓地方于不問也巴河烏林二案非成龍抱忿不

甘微行密緝又蹈前轍目前烏林港一事訪有踪跡但恨成龍力薄不能供養緝拏人等不料鼠輩仍無顧忌行劫倍甚自圻州至九江處處變亂成龍躁激欲死又蒙督憲嚴檄責成龍前在岐亭盜息民安何今日奉行不力反致盜案累累成龍更苦之甚矣前在岐亭稍有風聲便可傳知朝聞夕挈頃刻立擒登時處死皆躬親經理今地方寥廓各屬朦蔽不報在成龍止以爲可幸無事誰知養癰至成龍疎虞之罪其何能辭無奈遍發捕役各處打聽圻州又失兩事失主帶傷鄉保不報州官不知成龍卽刻行

千山秦牘

卷二

三

查務遵憲頒式以滅此鼠輩特成龍血氣衰弱實不能當此焦勞統祈憲憐

張撫臺復書

巴河獲盜具見摘奸發伏之奇此等荏苒橫行自當嚴爲懲創但失事未據報聞是強是竊尤宜據實具報毋致代爲下屬受過也瘡疾尤冀慎攝率復不一

籌荊州夫役上張撫臺

貴屬素號盜藪年來幸仗憲臺恩威兼施人心悅服頗稱寧謐近因逃兵紛竄愚民驚慌然逃兵有散必有聚滾山窮谷不得不切意外之防目前軍需太繁尙賴各屬勉力支持從未聞及里民爲可慶也前運糈米初不料荊州有夫費盡躊躇今王糧廳傳言荊州之夫如故先派搬運軍器夫役州縣賞銀赴荆僱募復又派雇工水手但不知有何軍器搬運或那用爲水手似亦妥便辦事靜鎮自無驚疑成龍愚見督憲統兵進剿凡一應軍情事宜均宜申報

千山秦牘

卷二

三

憲臺裁奪自有卓見定議

張撫臺復書

前藩司詳派黃屬水手已批黃州離荆寫遠令其減派矣但目今大兵仍已俱返荊州北岸則水手一項似可不需親翁議以搬運軍器之夫卽爲水手之用此議極妥當據文行藩司查議親翁仍應徑詳制軍藩司兩處以免里民遠役之苦可也

請免運夫上張撫臺

成龍於十九日晚渡江敦請各驛店旋辭懇求無如堅執不許憂心如焚命委馮縣丞叩稟憲堦漢陽有驛武昌有驛成龍將何以應即於二十日夜至黃細問新水縣丞王遴自荆至襄路程運米事憐荊州六十里至穿心店三十里至河溶五十里至當陽三十里至玉泉寺四十里至連平四十里至涼亭二十里至風寶山三十里至襄陵共三百里山路崎嶇一夫止負米三斗帶食米一斗多負決不能行兼有被褥雨蓋之累領米收米必需半月是三月止

于山奏牘

卷二

三

可運米六斗也荊州除官僱遵法外運米一石索銀一兩六錢王縣丞離荆時一兩六錢已不肯運值有信自荊州來土人每石討價二兩五錢是運米七千五百石須費萬金以外黃屬甫定之餘災傷之際何堪當此苦累目前正餉雖完南漕正在催比轉盼明歲錢糧又行開徵民窮莫措委實難支官價六錢五分爲數雖少何至浮加數倍未必非射利之徒乘機作祟貽害百姓貽誤軍需成龍計窮力竭與士民密議蠲輸夫價以救一時之急伏乞憲臺恩憐成龍苦心俯允蠲輸恩免運夫成龍幸甚地方幸甚

請捐輸免運夫上督撫兩臺

爲請勸捐輸之誠乞免運米之役以申大義以安人心事竊照我國家三十年來愛養百姓堯天舜日海內享昇平之福一旦吳賊逆天首亂湖北震驚邇來侵犯襄陵王師會勦軍行糧食難容刻緩需夫饋餉勢所必至凡踐土食毛之氓正効力報恩之日也茲因荆民疲于奔命派夫武漢黃三府黃屬該運米七千五百石敢不竭蹶從事成龍攷古度今審其時勢權其機宜有用民之力者有用民之財者名雖殊而實則相濟惟期有裨乃公事而已如

于山奏牘

卷二

三

黃屬應用財而免用力之區也黃屬九州縣以時勢言之除黃梅廣濟今夏水災題達請蠲而黃梅兵馬過往踐傷更甚已蒙司道公議裁減量派不議外麻城黃岡羅田圻水環繞崇山峻嶺接壤豫省之商城固始連廬州之六安英霍聯絡四十八寨素稱易與爲亂難與爲治之地去歲公廩蠢動人心叵測屢煩官兵而麻城令屈振奇黃岡令李經政圻水令蔣燦羅田令王光鼎相與戮力撲滅題敘各軍功在案黃安密邇羅山豫寇釀禍黃安令徐秉仁躬親招撫題叙紀錄在案黃陂與孝感黃安接壤逆賊搶掠店

驛馬查報題明在案黃屬之時勢如此迄今領子以寧地方無驚然投誠向化之輩雖云華面難信幸心成龍何敢一刻置諸懷則權其機宜不得不爲萬全之計也查派運米七千五百石每夫運米五斗計用夫一萬五千名呼之難猝至聚之浚可憂是夫未至荆而成龍膽先落矣奉守憲牌議運米一石應給官價銀六錢五分則七千五百石應支官價銀四千八百七十五兩是朝廷未嘗輕役一民有此官價何處不可覓夫成龍爲軍需計又爲地方慮情願勸勉屬民捐輸銀四千八百七十五兩爲募夫之助

千山奏牘 卷二 書

少省 朝廷金錢以伸黃民急公之義以彰上憲恤下之仁川民之財寬民之力婦子仍然以寧地方仍然無事于軍精民生未必無裨益也如捐輸不前成龍任遲悞軍需之罪或恐成龍藉端分外苛派甘心正法以謝州縣或恐州縣藉端分外需索成龍揭報以謝士民此成龍窮極計生憂心焦悴權其機宜如此否則運夫之催逼中途之逃以運米之遲速一日公事未竣一日憂心莫展成龍惟有愁悶絕命已耳伏乞憲臺迅勅司道各憲會議成龍寢食俱廢晝夜望賜恩命以解倒懸之危

籌報水災上張撫臺

今歲水災自四月泛漲至十月初旬尚未退涸變出異常蒙憲駕臨仙桃鎮觀看水勢軫恤災黎勅藩司取各府屬被災情形繪圖請謁誠覆載斯民鞏固邦本之至意也成龍愚昧揣度時勢竊有眇見上陳凡天下事情與勢而已官與民休戚相關如遇疾苦何忍膜置痛哭陳情職所當然若今歲之水災各屬爲民請命此今日之情也目前西南用兵日費不貲而賦稅全盛之省惟有北直浙江江南山東山西河南是朝廷之所入有限而兵馬之需餉浩

千山奏牘

卷二

書

繁且關樞與鹽課俱不能征如舊額司農仰屋因之官俸役食等項裁扣殆盡而加徵鄉官編派屋稅無非艱難補苴之計此今日之勢也以今日之情審今日之勢國用匱乏災傷疊告

皇上痛念民瘼勅

諸王大臣會議蠲免而在廷計臣必憂

心軍需輾轉無策欲蠲災則紬餉欲充餉則勸徵勢處兩難此安徽撫憲豫審情勢有水不成災之疏而部議又有高郵等處亦不准蠲之復也目今湖北水災最苦最慘者無踰沔陽潛江景陵漢川黃梅廣濟而已如以被水諸縣

槩爲請命合計蠲免錢糧太多部臣必有難色倘如江南事例則最苦最慘諸邑受害自不可言卽痛哭流涕恐難補救或回天有力幸邀

皇仁而司農計窘必將十六年民賦如鄉宦一例加徵是以絀于十五年者加于十六年則蠲災之惠淺而加徵之累更甚且蠲災不過一歲而加徵必俟事平苦若之何此朝廷必無之事成龍籌及兵餉不得不爲之過慮也揣情與勢之間而期於救民實際或擇被災之最苦最慘者會請蠲災其餘仍行勸輸將國計與民生相濟爲用尙未卜

千山奏牘

卷二

奏

廷臣之會議何如也此成龍愚昧之見未知有合時宜否伏乞憲鑒

張撫臺復書

民生困苦又繼以水災雖河伯爲虐而地方各官尤當加意軫恤殘黎以稍救災民於萬一耳惟親翁加意率屬以爲此一路福星可也

聞西事報張撫臺

成龍原藉山西汾州府永寧州人西隣黃河與延安府清澗米脂并榆林一帶相近東北與太原府交城縣接壤崇山峻嶺此地民人祖孫父子爲盜乃逋逃之藪更甚于麻城之東山李自成釀禍交城山中火變搶掠州境大同江襄作亂交城山中又變攻打州城受害無盡數年頗靖然鼠竊狗偷屢被侵欺今有客自介休來云正月內大盜謀劫州獄聚衆搶解餉銀公然無忌四面響應且聞汾州營兵提督調往平陽內地空虛人民難免驚擾成龍家口原

千山奏牘

卷二

奏

住城內去歲聞滇黔之變躲避鄉村九月內回城家中老母八十四歲不知如何驚慌西北不靖又煩朝廷一番顧慮緣係風聞合就具稟

招募鎗手并運驢夫役復張撫臺

張漢一委州遵諭面給仍再四勸勉竭力報恩無滋擾地方已赴黃安縣訖於本月二十七日譚以從來黃成龍復發委牌一張俾與張漢一協力招募又託羅山生員羅一者亦招募不拘多寡此委羅一者便于譚以從勸募可無他說也運米驢已有六百隻點衙役二百四十名每夫四名領驢十隻立一小旗每夫二十名領驢五十隻立一大旗以免混淆驢尾烙印記驢項繫懸牌書毛色并夫姓名以便認識口袋雨具俱全均有記號又恐衙役辛苦設備

千山奏牘

卷二

三

帳房委照磨李德署縣丞唐紹先督領刻日起行尙有夫驢如法陸續前往木料委經歷張從溟催辦合先報聞以紓憲慮

張撫臺來書

荊州大將軍新設援勦營急需鳥鎗手項據張漢一方茂貞二人稟稱暫委職銜彼可以各招募五百名今將委牌二紙付去如其言果屬可信於地方無擾則將牌給彼親翁或再給與執照倘親翁處可以召募有人而其事於地方有碍似又不必多此一番委

募卽將原牌仍繳回可也幸酌之速速

張撫臺復書

兩接來翰夫驢一項已有成緒殊慰懸懸但委官必須府佐方能彈壓且交米領米俱得迅速幸再酌之其夫驢起程日期亦須卽爲速報以便檄知荆襄等處并咨督院禁飭就近營汛拉扯耳鎗手分招極善并復不盡

千山奏牘

卷二

三

召募鎗手報張撫臺

捧讀憲諭兵夫兩事處置得宜黃屬百姓咸受憲臺無疆之福矣召募鎗手查黃安縣武生陶權錢世宗張楚耿興勃等願赴憲臺轅門効用該縣詳請蒙憲批候用調取諸生有志功名必能招致壯勇成龍星夜委武生葉方蘭前去傳諭俟到府酌議速募另報至于委官料運運糧目前照磨李德黃安典史陳聖訓分委員米驛丞唐紹先訪買粟草亦星夜調回赴憲酌委前往合先申報本月十二日已時奉督憲牌取用獵戶渡噴黃屬各縣奉行不善仰成

干山奏牘

卷二十

早

龍勉諭但黃屬獵戶最少而鎗手人人可習各縣泥定獵戶二字不敢妄報以致違命此地方事宜督憲尚未熟悉之也止云武昌水師營多是黃屬召募然水師鎗手原無一名獵戶總之行師需兵上不悞軍務下不拂民情期于事各有濟督命誼不敢辭合金報聞伏乞鑒察

為地方妖異報張撫臺

成龍才疎德薄久荷覆庇兼辱教誨而區區緝盜安民之私素蒙洞鑒至恩拔郡守惟覆餗是慎倍加防禦幸履任一歲頗保無虞忽於去歲五月大風示警以後怪異叠見自冬迄今府城回祿屢虐兵民受困或見為火團或見為赤鴉翬飛祈禱茫無一應此一異也猛虎晝行路絕人稀夜傷民舍巧為緩步之狀故作嘔吐之聲哄人出視犬出吠則脚之而去此又一異也有一等賊民三五成羣匿於林中日將暮伺有孤客粧成猛虎一喊跳出將客挾入溪

干山奏牘

卷二十一

早

林縛歸藏土室內不見天日遁賣他方有一等妖民青天白日大路之上用手將行人臉上一抹其人即不能言語頭齋行李公然收去此又一異也至于山隅孤村有一等惡少高郵沔陽流民人物魁梧衣服整齊口稱討米勒索無厭稍不如意傾家搜括城市鄉村男扮女粧公然行走沿門乞食徑入內室與婦人鬪爭全無忌憚人不知覺若夫偷盜牛驢到處皆是成龍欲以德化之而德薄欲以法制之而法窮將刑不勝刑盜不勝盜矣種種怪異從未經見更可異者豫省光羅大雪盈尺即黃岡境內雨雪潤濕

而麻城黃安自秋徂冬全無雨雪土堅成塊犁不能入麥
未下種野無青菜固成龍不肖所致亦是造化茆枯不濟
目前開徵不知何狀茲當新正履端之始乃憲臺白福駢
臻之會正千官慶賀之辰亦卽萬姓望澤之期成龍備敘
黃屬情形仰冀憲鑒俯賜軫恤以垂弘庥

千山奏牘

卷二

聖

請禁健訟條議

查看得楚黃健訟從來久矣而安邑刁風於今爲烈該縣
請嚴主唆越訴等事之詳是必積鬱憤懣疾牢不可破
之陋習仰冀肅清奸宄之嚴威細繹詳內辭意實有所指
難逃洞鑒蒙批成龍嚴查遵卽行縣據實敷陳去後該縣
復稱仰體兩部院使民無訟之心謬抒愚衷以期小補原
非有所指等情申覆前來成龍據文轉報若不確議具詳
則草率之咎奚辭業奉憲臺斧鉞之嚴申飭玩忽之罪成
龍又何敢疎畧如前而不爲憲臺備陳之湖北地方自十
三年風鶴之後水旱頻仍兼以湖南未復憲臺爲封疆大
臣日夜焦勞凡屬僚仰遵憲飭防奸察僞以救軍地方爲
急務且用兵日久荆岳軍供有司拮据不遑去歲洪水爲
災疚心倍甚無如黃屬奸棍幸免兵馬之擾如江右之慘
不念

千山奏牘

卷二

聖

皇上憫恤之弘仁不惜有司保全之辛苦不畏連年天災之
叠見專以起滅詞訟爲長技魚肉良善爲兒戲破人家產
爲得志誣讒紳衿富室爲威風安邑貧瘠民雖奸訟可無
大傷而麻城黃岡圻州之刁風實爲可異一夥奸棍呼朋

引類搖唇鼓舌人人自危成龍再四勸諭以王法可欺而神決不可欺將來男盜女娼滅門絕戶之報毫不可爽而惡等恬不知怪夫使民無訟古帝尤難之成龍德涼才薄豈能易俗于一旦亦付之無可如何而已該縣之詳傷時憫俗實非無意而無所指一語乃通辭也不得已也成龍又何敢忤度他人之心而懸擬之憲檄下飭將州縣已經審結之案准於解文備敘詳奪有無煩瀆是否可行誠憲臺審酌上下之情欲以嚴禁小民之刁訟又欲大破有司之賄庇甚費盛心也如民間詞訟止許有司准理而禁止

千山奏牘

卷二

署

告務於狀內開明州縣不准塌案不審年月情由如本府不准民詞或已准塌案不審應赴上控訴務於狀內開明告府不准塌案不審年月情由將府州縣以不職參究如州縣已經審理或受賄徇情或執拘疎畧不恤民隱許赴府申冤務於狀內粘連州縣審語如本府已經審理或受賄徇情或執拘疎畧不恤民隱應赴上申冤務於狀內粘連本府審語果有不法等弊分別輕重輕者記過重者參革究擬如審察民情真偽之中寓甄別州縣優劣之意於以禁刁訟而嚴官方此成龍一片苦心已通行各屬張掛

千山奏牘

卷二

署

越訴惟恐勢豪紳衿積年衙蠹一手把定有司受賄徇情亦未可定或執一偏之見或多疎畧之失以致民冤莫伸上干天和是許民上控以清積弊誠不可緩也辦理軍民冤枉國法具存既經上讞自有公斷則州縣審結之案似不必於詳文備悉恐開文飾到底之病又滋往返駁究之煩但州縣為發跡之始有未控州縣而徑赴上控者有原告在州縣而被犯徑赴上控者有原被俱控州縣未經審斷而急赴上控者一事而衙門告遍種種不一成龍曾有禁訟條約如州縣不准民詞或已准塌案不審許赴府控

少除矣又有一等光棍聚集會省出入衙門開張客店專以包攬詞訟爲生涯或有愚民一時小忿投入羅網便成驚天動地之詞一黨奸棍塞滿村墟止寄一原被佐証姓名訟事從天而降儼然居停禍福在其掌握此包攬之害深可痛恨也嗣後申飭江夏縣挨門嚴查凡麻城黃安等處刁棍在省會者無論久住暫住押解回籍取本地方官收管存案仍力行保甲諭民本分生理禁止出入衙門則包攬之弊或可少清矣又有一等訟師凡告訴不准之詞一經毒手無不聲准如成龍奉批上行事件或有以折州

千山奏牘

卷二

呈

而冒稱武衛者或有以武昌而冒稱黃屬者此猶其小者也有以田土之事而捏稱夥兵活殺者有以口角之微而捏稱殺傷人命者誣之以不得不准之詞及至質審不曰代書張大其詞已不知情則曰事不告大不得上准不曰無端不成詞則曰路遇人誤寫加以反坐哀號乞命是原被証佐之家盡淪於訟師之筆端此代書之害深可痛恨也嗣後准理詞訟先考定代書分衙門伺候無得攪越有代書圖記者准理臨審情與事違者代書依律究治仍將原犯罪狀坐於代書名下則代書之弊或可少止矣再

飭州縣彷彿木皂隸之法凡遇准理詞訟差木皂隸遞送鄉保知會依限赴審如過期不至或失落沉闕先加欺公之罪後定原被之案若夫本府奉上批詞州縣解到人犯三日內不審或已審之後十日內不招詳報上者成龍甘認曠職之罪州縣遠近不同近者以半月爲期遠者以二十日爲期如過期不解成龍卽行報明繩州縣以曠職之罪或各犯居住星散難以依限申解亦應州縣詳明轉請展限仍按期結案庶幾府州縣勵精圖治民冤無抑可省上憲清問之勞從此訟獄衰息風俗雍睦時和年豐家給人足于以輸正賦供軍需綽綽乎有餘裕矣何患乎南寇之不蕩平楚疆之不底定哉緣奉批飭確議事理成龍不揣愚瞽不識忌諱冒昧上陳冗繁過多未知有裨清訟與否

千山奏牘

卷二

呈

籌廢藩及江淤地畝認糧議

清查田畝一案關係國計民生既防欺隱又免包賠誠於目前籌餉之中爲久遠善後之圖煌煌

天語培養根本積累功德豈微識淺謀所可幾及也成龍自奉清丈之檄查算黃腸田畝咸遵部頒全書起科原無缺額可省行丈滋擾屬民惟爲國用計止有衛所地畝荒熟未清江湖崩淤小民爭訟請丈認課至於廢藩宅基園塘原無錢糧不在更名地畝之內曾條陳藩憲酌詳以清丈理頭緒總期不病國不病民爲籌餉涓滴之一助也成

于山奏牘

卷二

哭

龍准圻衛請丈出首蘆地報明前往而該衛已經查確出具印結申報毋容再丈因見圻城滿目荒草居屋晨星查係故明荆府諸王宗室廢基麒麟山下荆府正宮建立佛殿東宮建立關夫子廟四傍營兵蓋屋居住蒼鷄山前德安府爲已故王參將修屋家眷居住東城應山府爲現在李鄉紳領修街房鳳凰山底永福府已開爲菜園有庠生願領爲學堂一時人心鼓動爭認價求領有十數兩者有一三十兩者有四五十兩者合算有七百餘金而懇領尙未止息查更名地畝一案係載正賦錢糧在圻州全書額

內此時苦於承墾無人正賦缺額變價之說格格難行何暇議及廢基荒園也田地招人開墾納糧尙且難之城內之荒基招人建屋居住將誰應乎國家三十餘年地方享承平之福雖數載寇氛密邇而人心鞏固咸爲子孫之計願上價承業已建屋者無官基虛懸之慮前認領者有創造日新之漸合平人情似屬可行若編入更名地畝恐人心退避蓋以地畝每年耕種納糧與屋基修葺居住之不同也但變價之說恐開後業或易變價之名爲上價額開廢基修屋居住以實城內之煙戶以壯金湯之氣邑朱

于山奏牘

卷二

見

知可否伏候憲裁若夫淤地臨江舖與洲民相爭松楊舖與屯軍相爭屢懇丈立界限又羅湖洲李家嶺首報新淤三十五頃成龍親赴鴨蛋洲踏看除久淤已種熟者將新報之弓口畝數與老冊對查內有溢額照畝認納蓋課此無容議惟相爭者之地畝尙在盈盈一水中先將竹籠量定丈數兩家攜瓶水面插竹水底各立界限成龍均平分之鴨蛋洲量定四十九弓臨江舖自認一百三十二弓此地江流在上金草塌白沙之無跡不知相爭之意爲何也成龍細加採訪據洲民崔雲從稱臨江舖界內占去伊个

年麥地蓋以九十月之交水涸地出種麥至來年三四月間收麥任江水湧流如此之地似可免議留百姓以有餘無如各願認課永爲已業祈免後來之葛藤松楊舖與屯地亦同此類至羅湖洲李家嶺據報三十五頃又報一十五頃係互控黃岡縣憑衆處明立約今文明願承蘆課但西江之水雖淤而東江之水已崩似非永業將來包賠之苦在所不免但不認課而承業者終不安心旁觀者難禁指摘成龍仰體德意凡一切已崩者可否將新淤補還准賜印照以杜衆議庶可免賠已崩之糧而又認新淤之課

于山奏牘

卷二

八

也又有葉家洲係大江流水溢入有淤無崩似可承課又查蘆政淤地五年一丈自康熙二年丈後迄今十有餘年值茲奉行丈定似可免將來部差之煩又有陽邏等處湖澹清水曰湖止水曰澹載麻鐵乾魚正供長江流水業甲納府鈔正供江水崩淤不常凡有新淤水澹應歸長江業甲無如湖課業甲與兩岸居民每多私占取魚亦爭請丈且有舉首隱沒湖塘淤地成龍因案牘積久回府料理伏乞憲裁可否併查如奉文查出田畝多寡有糾糾加級卹陞之例誠以鼓舞効力之法雖清查爲州縣職所當然但

成龍在圻在州目觀州縣在烈日之中步行查丈揮汗如雨面頰頰黑爲國盡心不憚勞瘁紀錄加級卹陞固屬庸之恩典然或邀一時之功名貽日後官民之苦累此成龍之本心所不安也又廣濟民首出王庄未知虛實可否行查首虛反坐合併敘明統乞憲裁或勅藩憲酌議萬全杜百姓之物議免大部之疲索賜示以便遵行

張撫臺復書

清查田地事關國計民生固不可任民欺隱以虧惟正之供亦不可聽有司邀功以滋異日包賠之害然必求其實使上下均受其益圻州清出廢藩宅基地如堪載賦者宜於更名田地內清出陞科昨接親翁之詳已批藩司查議矣至於公議價值之說查昔年更名田畝曾有變價之部行後因民累不堪遂爾中止今應作何舉行閱稟未晰幸再爲備復可耳

于山奏牘

卷二

至

接長沙捷音賀張撫臺

蒙憲露布恢復長沙成龍遵卽張掛通衢曉諭士民仍抄錄遍傳以見用兵三年有此奇捷從此兵威大振南寇瓦解衡寶一帶勢如破竹乘勝長驅直搗桂林以壯粵東之氣以牽滇黔之臂陝關膽落平靖妖氛在此一舉是誠朝廷洪福憲臺可漸紓宵旰之勞也成龍捧示不覺雀躍異常湖北地方可望甦息成龍年邁力竭庶敢泣請告休沾憲臺破格之恩與太平草木同享無事之休矣

千山奏牘

卷二

至

復張撫臺

成龍庸質廢材蒙恩提拔惟期盡職圖報守巡之任自揣難勝部議適如素志偷安一隅稍藉藏拙且各屬英齡賢美性善儘可教訓黃屬從訟漸加約束俾就繩墨課農桑廣積儲少紓憲臺東北之顧以酬弘恩於萬一此外不敢有過望也惟恨年邁神疲力不從心耳蒙頒銀五百兩採買米石粟草遵卽備辦候命運解外具領狀一紙伏乞憲臺鑒

張撫臺來書

千山奏牘

卷二

謹

省中食指繁多茲者新稼將登之際特附去銀五百兩煩親翁陸續照市價買備米石買就之日幸以見聞當發船來裝運也瑣事屢煩蓋恐托之他人則又有滋民間之累耳端佈不一

重選鄉約示

爲重慎鄉約以端風化以靖地方事照得 朝廷設立鄉約慎選年高有德給以冠帶待以禮貌每鄉置鄉約所亭屋朔望宣讀六訓勸人爲善去惡甚盛典也後世查奸賊暴出入守望保甲之法更多倚賴焉無如黃屬風俗澆漓教化陵蕪比有司勾攝人犯差役不問原被告居址輒至鄉約之家管待酒飯稍不如意詬詈立至且於朔望點卯之日肆行凌虐倘人犯未獲即帶鄉約回話是差役之嚇詐鄉約倍甚於原被二犯更有苦者人命盜賊不離鄉約

千山奏牘 卷二 書

牽連拖累夾責受害甚之詞訟小事必指鄉約爲佐証投到聽審與犯人何異且一事未結復與一事終朝候訊遷延時日無歸家之期離縣近者猶可早來暮去三家店等處遠在縣治百里之外卽以點卯論兩日到縣一日點卯再兩日歸家是半月內在家不過十日加以協拿人犯清理區保手忙足亂無一寧畧若三家店丘鄉約買一婢女止應得鄉約一年民間那有許多婢女以供因公賠累乎凡爲鄉約者所宜痛哭流涕也言之可爲太息當日給冠帶待禮貌之優典何在宜讀六訓查奸賊暴之良法何在

一旦責成係甲彼鄉約曾未家居何由而勸人爲善去惡何由而論人出入守望名實不符上下相蒙世道頹靡大不堪言因之年高有德鄙爲奴隸設實富家視爲畏途或情或賄百計營脫而寡廉喪耻之窮棍棍攬充役串通衙捕內煙民以編甲漏造爲生意以投呈証佐爲活計惟恐地方之不多事也居民之不興訟也差役之不來照顧官府之不來呼喚也事勢至此尙可言乎故報之鄉約巡檢有常規差役有常規書辦有常規此等銀兩非出之煙戶而何鄉約之苦至此極矣於是有半月之鄉約一月之

千山奏牘 卷二 書

鄉約有朋應幫貼之鄉約真如問徒擬軍求脫離而不可得更有良心喪盡之輩報一名賣一名臨時必用陪點上下交接又有頂首積弊錮習不可救藥欲端風化靖地方宛如癡人說夢茲奉上臺嚴檄力行保甲本府仰體德意痛革前弊合行曉諭爲此示諭地方人等知悉自示之後有司隨查明鄉分於適中之地立鄉約所亭屋選年高有德者擇吉迎送給以衣頂行二跪一揖禮在鄉約所任事朔望諭鄉民聽宣六訓此外一不許票仰協拘人犯二不許差役到家飯食三不許原被告指爲証佐四不許朔望

點卯五不許請立印簿六不許差胥編查煙甲七不許買辦軍需八不許人命盜案牽連姓名九不許投遞報呈十不許紳衿把持凡人命盜案勾攝人犯惟保甲保長地方是問惟爾鄉約無事則勸化愚民有事則密稟自封用圖記牢釘星夜飛遞一年更換地方平靖訟獄不興者年終給以稱職字匾地方多盜訟獄繁興者年終書不稱職用木刻條釘於門首或飲錢擾害不公不法者訪實卽時懲革於縣前懸大木牌書貪惡鄉約姓名於上以示勸懲於以端風化靖地方庶幾近之矣凡我屬邑勉力行之以宣

于山奏牘

卷二

奏

楊上憲德意未必於地方風俗無裨益也

禁士人充里役示

爲禁止生員充當里役以端士習事照得 國家設立學校考取民間俊秀子弟優免差役以示作養之意誠盛典也故上自縉紳下及編氓之家凡有子弟延師教授固不冀一青其衿雖前程遠大此其階梯而養尊處優實不等於齊民卽武途與文學并重 朝廷原無異視無如楚風不古黃屬文武生員訪有充當里役奔走衙門恬不知怪日與隸卒爲伍者不思 國家優免之謂何費官臥碑之謂何豈盡有司失隆重之禮抑亦諸生甘自賂秦士之賤也合行嚴禁爲此示諭所屬文武生員知悉自示之後務宜各愛體統自重名器如生員名下糧石數多另立名色親身上納不許催收甲戶錢糧或云戶口消乏豈果無一二丁可應里役何苦自賤至此如必欲包收應役該州縣將應役生員姓名查對紅案別釘一簿直書學名申繳本府以憑轉報學憲查核法在必行該州縣勿得隱諱徇鼠同眠以致士風愈下此本府一片熱腸慎毋有違

于山奏牘

卷二

奏

勸賑論帖

今歲饑荒太甚窮民畏法甘心餓死固敢爲非凡我士庶孰無惻隱之心本廳已倡輸化緣晝夜憂思自己力薄不能薄施又恐募化錢穀難於周給有一法於此饑民咸有戶族仰戶長稽查合族化米贍養如無戶族責在甲長稽查報知鄉保與練長會議計區內饑民之多寡合一區烟民布施搭救上戶節省酒肉中戶減少飲食集日用口腹之餘瀝救戶族隣佑之死凶鬼神有知必報以戶族興盛隣佑和睦施多者子孫富貴施少者家門平安或饑民繁于山奏牘

卷二

多端區內之施化力不能給卽據實報明公議設法官助如區內戶長甲長坐視饑餓不報知族尊鄉保練長以致饑民餓死者戶長甲長照見死不救科罪鄉保練長力不能繼忍心不報官者各倍罰賑此以族中之布施養族中之饑衆區內之布施救區內之饑衆易爲照管法似省便且以官賑備其不足或可野無餓殍和氣召祥豐稔可俟將此立斃之殘生得見來秋之大有不惟施救者欣同樂利而更生者不知如何頂戴也此法出自苦心思惟凡我士庶勉強而力行之不勝引領以望

申明六訓示

爲申明六訓以靖地方事照得保甲之設稽查奸宄而出入相友守望相助親睦之風於斯備焉此六諭 聖訓掌之鄉約所以倡明禮教潛消黠悍之氣家庭之間父慈子孝兄友弟恭鄉黨之中尊敬長上見官府則尊敬見鄉紳則尊敬見耆老則尊敬不敢以下犯上不敢以賤妨貴不敢以卑欺長從此而人心端正風俗淳良和睦教訓務生理無非爲釀成和平之福盜賊不生奸僞不作末世視六訓爲虛文人心日變風俗日偷盜賊奸僞日生職此之由

于山奏牘

卷二

合行申明爲此示諭鄉民人等知悉嗣後務遵六訓實意力行父以之教子兄以之教弟若犯不孝順不尊敬等事鄉約呈報按律究處是又保甲之根本也切勿仍視爲故事

籌黃安饑民示

為曉諭事照得黃安饑荒較他屬尤慘本府雖以軍需繁劇晝夜焦勞未嘗一刻少忘至府之日業將九屬情形痛切呈詳請蠲請賑已蒙撫部院知照業題在案其未完積餉什物等項一槩免解新派草束發餉銀代買我民自可安心受窮但所種禾稻有不獲顆粒者八月中荒村男婦尚不得一飽若至十月之交雨雪載塗其何以堪今計九月天氣猶暖爾民尚可竭力支持及至隆冬必致饑寒不能出戶凡老山羊角石灰等處有真正孤寡貧窮朝不保暮者本戶量為周濟倘本戶貧乏不能周濟鄉保設法賑救若鄉保貧乏不能賑救報官設法若戶首鄉保坐視其死隱忍不報查出定償命不饒仰生員基等逐戶細查饑民緩急確冊彙報以便本府設法量給升斗苟延時日本府先借銀一百兩買穀積貯候買完報數本府親臨給散以救須臾餘俟勸輸全賑爾百姓各宜安分俟命決不使我民餓死特諭

江山奏牘

卷二

李

圖練保甲示

為再行申飭保甲以全生命事照得編查保甲團練鄉勇之法無事則稽察盜賊以遏亂萌有事則相機救援防禦堵剿不動支糧餉而兵足不調撥官兵而賊除兵農合為一家戰守不分兩局自古及今消弭奸逆安靖封疆未有善於此者也若不揣事勢者以修立垣保遂為聚眾見製造器械輒云謀叛不知為逆之人聚匿深山大澤何常有一定之垣堡私造利戟長矛幾曾畏有司之禁約惟善士良民守分奉法堡無完牆家無寸鐵倏忽之間死賊突至

江山奏牘

卷二

李

赤手空拳東投西竄賊能縱恣殘民民無所恃拒賊妻子為擄牛種為掠骨肉分離室如懸磬歸怨於上相率為賊田地日荒糧稅日減其何以培國脉固根本耶本府前奉督撫司道編查麻城三鄉區保甲冊籍委用堡長垣主分派戶首烟甲嚴取隣居互結責以守堡禁夜總期地方盜息民安向化樂業正寓兵於農以人治人之微意也乃好事如究懼此法一行彼無所匿從中造捏訛言妄稱抽丁恐嚇愚昧見保長編冊疑惑橫生或不遵稽察或隱漏戶口殊可駭歎當此禁旅如雲所向克捷各省客兵尚冬

問置何須爾等村農荷鋤充伍即使果欲抽丁莫非王
土莫非吾民 功令孰敢不遵奚必先假編查然後按冊
索取乎且爾等保甲為抽丁隱匿不肯入冊小而言之
漏戶有抗法之罪大而言之觀望有闔門之誅試看東山
逆地屍橫遍野血流成渠是保甲抽丁而死者歟抑從賊
作逆而死歟編保甲出鄉勇者未損一人不編保甲妄想
富貴者死已千百保甲無害於人從逆無利於己固自彰
明較著奈何勸爾為善便自千難萬難未嘗驅爾為逆竟
若神牽鬼使何愚於為惡而不智於為善乎本府憐爾等

于山奏稿

卷二

空

癡頑再申儆戒宜乘此閒暇修築垣堡各備器械以資防
禦爾堡長垣主戶首鄉保烟甲人等宜自愛重慎勿驚疑
果能妄念不生非事不作士為善士民為良民本府待為
腹心州縣隆以優禮橫逆不至刑罰不加何等安逸尊榮
較何士榮等妄想富貴而家破身亡者豈止天淵隔哉本
府更有勸諭被賊煽惑入夥者宜作速投見改過遷善即
為好人若潛伏草澤為人捕得自送性命爾堡長垣主當
以招徠為念切莫乘機挾財悞命從來不義富貴都是禍
根孽緣能於此中分別便是希聖希賢心地思之慎之

慰諭急公示

為曉諭事爾等旗幟作亂大兵征勦鍋槽草豆勢所必需
非官司之忍心苛求實兵馬之日費浩繁爾民遠處山谷
難解困苦而各官軍前支放淒楚尤甚本府在武昌答應
因草不足曾撞頭於柱上因豆不足曾逼跳於江中因舡
不足曾捨命於湖內傷哉九死一生言之涕泗交流是屢
次孤微爾民有賣兒鬻女之慘而催解不前居官有性命
存亡之危即據部院 朝廷大臣身受窘辱大小官員奔
走泥塗實足堪憐連三桂逆孽害我官民夫誰怨尤在

于山奏稿

卷一

空

朝廷軫念民艱一應軍需現督帑銀尤恐下情難達特委
三大臣料理總督決不孤之民間浩浩
皇恩諭告爾等旗幟告示有軍需孔亟念切如傷請銷脚
價請緩征賦甯且不違形神交瘁之語昭然在人耳目爾
民間之豈不痛癢無如一上恩有餘而下行則阻如買草
每束一分二厘朱嘗短價而發銀未能足數因零星發買
必有折損差役鄉約俱有盤費此項銀兩豈非一分二厘
內數乎若夫軍前折草官價一分二厘如數支給查每旗
有三營每營甲喇四五名共有十四甲喇不等即分銀十

臣封傷折最苦且五日一放無限留難又八旗有八委官支持每放有賞賜哀哉此分外費用不准開銷責之官賠窮官有何家業而能賠耶爾民之苦官知之居官之苦爾民何能知之若夫武昌之草費至二分荊州之草費至三分以外哀哉官民交病誰好爲之如催解嚴切爾民知爾民之苦本府署武昌因安撫來麻時衙中尚有總督令箭供奉棹上差官夜不收坐則衆喧嚷行則拉馬頭居官如此之苦而欲州縣之緩催得乎所幸者禾苗豐盛天恩也錢糧停徵

于山奏牘

卷二

寄

皇恩也黃屬地處江北雖有兵馬往來不過一時之驚比之荆襄即岳武漢一帶大兵駐扎野無青草盡黃如山民人流離不知何所則黃屬尤微天幸享太平也合行曉諭爲此示仰黃屬民人知悉軍前需用勉力支持且照糧派解尤屬衆擎易舉總受追逼皆由天定切勿怨尤雖星無不過之日逆孽有速平之機照項蠲補以酬勞費特諭

禁諭荒民示

爲曉諭事照得六月旱災已極七月以來連日下雨東山一帶其雨已足竟稱豐稔岐宋之間亦屬大有唯西北一帶雨雖不足而陰雲四起已非無雨之象近聞西北等處人心洶洶或向有穀之家封倉閉糶不但理法不容亦見人心昏昧時維七月尚未交秋目下有雨仍屬豐年卽令無雨種麥種菜尙望有秋若秋後無雨田禾盡稿十冬之交爾百姓一面竭力支持諸有司自當設法賑濟未有豐凶未定自蹈法網先干不測者也除已往不究外合行禁

于山奏牘

卷二

寄

諭士民人等各安分業毋得妄爲倘有不法許區長指名首報以憑究處慎勿死於法而得生於饒則幸矣

招集反側充伍示

為禁約事照得東山逆黨一歲三叛繼以 國法當大肆殺戮盡絕根株本府仰體各憲好生德意念爾愚民無知為奸究煽惑以致發兵剿絕身首異處妻子家業一旦成空真可憐又可憐也除將首逆擒解正法外餘黨概行免死但爾等共圖不軌釀禍地方凡被害之家何能甘心隱忍爾等餘黨中懷疑畏其若乘召募鎗手之名投見本府充兵食糧如有技勇另加提拔先給安家銀一兩五錢隨帶烏鎗照例領價與其提心吊膽不如披甲荷戈為此示

千山奏稿

卷一

亥

仰東山一帶士民人等知悉凡有願充招募速行報名決不相強至若地方士民與衙憲惡捕假稱兵役肆行嚇詐毒害無辜者本府已訪知一二件仰受害人等作速申冤立刻通詳拿究勿謂城狐社鼠本府生性執拘決不假借總使勢不兩立亦自無妨也特示

慰諭黃安饑民示

為曉諭事照得黃麻東山一案本府已經撫勸事竣各村堡安輯如故近因府屬災荒惟黃安最甚本府念切民艱業已具詳請蠲請賑蒙撫部院彙 題在案又目今槽鋤草米等項本府一一代為備辦解訖爾民既免軍需可以安枕又思爾民饑荒除出示勸諭鄉保戶首設法賑救外本府隨借銀兩買備穀石俟隆冬給發斷不令爾等餓死我民可以放心無憂近聞光羅交界一帶間有竊發或迫於饑寒或迫於催科或窘於軍需種種苦情皆未可知我

千山奏稿

卷一

亥

民忠切震隣合行出示曉諭為此示仰黃安連界士民知悉接彼情形速相勸諭令彼悉將苦情具詞本府以憑詳院移咨豫撫體情撫綏轉危為安倘彼不悟爾等宜自為身家計并體本府苦心督率鄉勇嚴為堵禦以分涇渭走將有功士民詳請獎賞目前大兵經過恐動聽聞乘便撲滅噬臍莫及思之慎之毋忽

委黃安士民堵禦牌

爲委任堵禦以保良善以靖地方事照得黃麻東山一案本府撫綏已竣 題敘在案近因府屬災荒黃安最甚本府念切民艱一應軍需代爲備辦解訖又思爾民饑荒設法賑救茲聞光羅一帶間有蠢動恐致震隣合行特委防禦爲此牌委某照牌事理凡屬村堡務期編立保甲清查匪類勸諭隣封嚴守本境倘彼猖獗侵犯一面飛報本府一面督率鄉勇堵勦務使外寧內謐定行詳請獎賞爾等亦不得藉端生擾未便

于山奏牘

卷二

突

慰諭陽邏士民示

爲再行曉諭以安人心以靖地方事照得地方之不靖由於人心之未安人心之未安由於疑畏之未釋陳鼎業父子家世陽邏同鎮士民非親即友爲創一案或有附和入黨者或有知情觀望者或有畏禍結舌者鼎業事露人自危誠無足怪本府確知爾等隱情桀不株連於去歲十二月內親臨爾鎮發示勸諭爾民之心可以安矣春三月間爾民復驚畏不安或見不軌之徒潛布流言今史國桂等已經投首則爾民之心可以無驚或又見陳玉之久禁首犯未除恐其波及今陳玉之等已正法則爾民之心更可以安又或見陳鼎業陶雪白等未獲通行緝拏致生疑畏不知已逃必捕者 朝廷之大法也來歸必釋者 朝廷之大恩也即張漢一方茂貞投誠有功撫部院賞賜袍帽銀兩現今錄用已有明驗若陳鼎業陶雪白等洗心改過親自投誠不但不究前非亦且嘉與維新倘執迷不悟定期必獲此理勢之必然與爾民何干多此一番疑畏合行出示爲此示仰本鎮諸邑人等知悉凡倡亂者許自投誠即行獎賞親戚隣佑桀不株連有私行誣害者許被害

于山奏牘

卷二

完

之家不時曉稟便行究治各宜安心樂業毋貽自戚

招撫多牌

爲招撫事照得道勝孫調元史國柱陳鼎業等攜帶偽劄
編緝內地漸次就擒最肯示衆尙有奸徒某某等疑畏未釋
歸降康定肅寧朱壽漢屬可憫合行招撫爲此牌仰某某等
前往密接如得其實在踪跡即便開誠勸諭務釋疑畏傾
心歸正回家樂業勿使流離失所本府素性正直從不欺
詐陷人傷天害理以情以理爲念名邀榮之事爾等切
勿仍懷反側自取罪戾未審之虞爾等差人等亦不得藉
端生事有干法紀

于山奏牘

卷一

主

禁夜行示

爲曉諭事照得天井山附近一帶盜賊夜行婦女不安鷄
犬不寧皆由防守疎虞以致鼠竊狗偷於本月初三日據
丁生員報稱夜間把守隘口要路有賊八人夜行被伏路
鄉民陳欽明等烏鎗打死二人獻首級前來賞銀四兩紅
三疋錢三百文合行曉諭爲此示仰各區長人等知悉嗣
後各撥鄉民把守隘口要路如遇此等夜行鼠賊照例打
死獻功請賞萬勿疎忽

于山奏牘卷之二

終

于山奏牘

卷上

主

晉西河于成龍北溟父著

初撫東山道牌

爲曉諭事照得本廳鎮岐四載有餘凡我士民罔不開誠見赤相安無事至於分守鄉汛賴保無虞賊鼠盜藉力協助因之偷見遠遁狼子回心年來頗稱寧謐固本廳之幸實士民之力也二月 覲歸詢知地方平靜不勝慶喜及赴省署武昌辦理軍務又往咸蒲造搭浮橋仍駐蒲防守城池雖諸務叢集未嘗一刻忘爾岐民自蒲旋省忽聞

丁山奏牘

卷三

一

東山有亂誠爲怪事以東山尚義之鄉胡爲有此不義之舉父母妻子立見亡滅可惜本廳數年生養一旦成灰燼也真可痛心酸鼻再三請命撫部院矜宥無知幸蒙撫部院如天之仁特允所請以開一面之網今本廳奉命來撫合先遣牌傳諭爲此牌諭東山士民知悉牌到之日速候本廳親臨投見辯明作反情由爾民素稱良善何忍背叛朝廷將本廳平昔勸諭安生理保身家等語竟置若罔聞也如數月不見竟成讐敵本廳立即回省任兵馬剿滅本廳亦不爲爾民姑息矣言出衷腸切勿朦視

諭取問歸農告示

爲曉諭事照得劉青黎官激民變一案人心疑畏地方震驚以致該縣請兵安慰自與附近良民無涉況協府久鎮黃州禮士愛民賑荒放生一片婆心爾民共知茲統兵來撫自是紀律森嚴爾民當農忙之一刻千金惟恐驚慌遠竄致悞農業令行曉諭爲此示諭沿路居民人等知悉各宜歸家盡力南畝勿畏賊黨播弄涇渭定有分別勿懼兵丁往來軍令毫無假借如仍前遠避不惟悞自己一年之生計且有負協府平昔恤民無方用兵有律之至意

丁山奏牘

卷三

二

申報督撫各憲詳文

爲撫綏全賴賢能合亟遴委以安地方事本月二十二日奉撫部院憲牌前事照得麻城縣土寇劉青黎狂悖倡亂本應遣發官兵擒拿但恐無知愚民武偶被蠱惑或勢迫脅從不忍俱加誅戮特先委武昌道黃州協會同前往相機撫慰今恐小民疑畏不前查該府先任黃州駐劄岐亭廉能自持士民素所愛戴合行遴委備牌仰府照牌事理即將發來告示十張兼程前去麻城縣各山寨地方曉諭民人急蚤悔悟如爲土賊迫脅不妨自首以贖前愆若有

于山奏牘 卷三 三

力能擒拿賊首亦許自新仍加優資倘或執迷不悟該府諭以忠義曉以國法力爲解散事平之日本部院自有酬庸之典斷不負該府賢勞也等因奉此成龍已於二十二日晚自會城起程於二十四日已抵白果的於二十五日進東山安撫理合申報

慰各堡告示

爲曉諭事照得本廳奉撫部院命安慰東山於本月二十四日至白果據徐家堡生員朱珏方士位黃金聲鄉民周吉甫等爲恩別玉石以安人心免致流離等事呈稱本堡士民夙係耕讀樂業平無外事禍因三四匪類附會東山本月初十日已經解散十四日復被訛報鄉堡耆民善人再查並無形跡十五日鄉約周美公點卯遭誣合堡皆賊見在監禁以致善良疑畏驚散又據生員朱珏等結稱本區除四凶附入東山外再有匪類願甘認罪又據白果王家水垣等五堡生員戴其進等結稱生員朱珏等俱屬良儒如有不端願甘認罪各等情已經申報撫院外各行給示安慰爲此示諭徐家堡士民知悉各歸堡內乘時務農勿得自悞生意如有挾詐讐害揚言害衆許即稟明立刻詳院究治凡我士民切勿再生疑畏離家失業

于山奏牘 卷三 四

申報徐道臺

看得狂夫倡亂則宜勦赤子弄兵則宜撫自古皆然况逼而走險燭聚山林情有可原者乎至于嚴刑慘刻逼報良善爲賊意欲一網打盡何能免鬼神之忌古人於賊黨之中尙冀開一生路爲脅從罔治之法何今人於良善之中務期株連蔓引爲殲滅無遺之舉仁人君子安忍存是心行是法也茲據生員鄉民哀訴前來合亟請命伏乞憲臺憐念無辜遭此慘刑罹此法網速行縣釋放不惟受刑之殘喘可留且夕之命且四境良善得免人人自危之虞否

于山奏牘

卷三

五

則退人於危畏禍偷生將有不可言者矣

申報張撫臺

看得東山之禍起於官激民變而究其根源由於縣官心神昏亂何物鄒克忠乃衣頂生鄒惺不孝不慈無仁無義縣官視爲心腹衙役倚爲爪牙此麻邑之窮兇極惡者也乘機賈禍峻官峻刑逼士民於危亡陷士民於株連將縣城紳衿槩稱通賊力脅離縣驚疑無依又云縣城之外無非賊黨贊謀逼勦以致士民號泣怨氣衝天除朱珏徐克成等呈已經申報外茲據徐阿曾李中素呈詞合亟報明伏乞憲慈迅查縣官陷害良善并鄒克忠主謀羅織情由釋放監禁夾傷平民焚毀刑板無辜供詞庶人心自安禍端可息

于山奏牘

卷三

六

釋放監禁夾傷平民焚毀刑板無辜供詞庶人心自安禍

東山初撫稟報

爲稟報事成龍稟奉憲命于本月二十七日單騎進山劉青黎之父劉起禎帶鎗手三百餘擁躍投見成龍曉諭以憲恩不忍加誅安慰解散天地父母之至意啓禎跪泣衆寇崩角稽首感頌憲德已經就撫然山愚無知尤恐事後加誅意外就戮環泣始終赦宥成龍仰體憲慈已許轉達矜全伏乞憲恩迅賞矜宥保全告示以弘不殺之仁聞山中尙有數孽祈諭啓禎盡行招撫無留遺種商城英山匪類隄防入境藏匿倘有疎虞應將啓禎前罪俱發目前安

于山奏牘

卷三

七

撫必須解散解散必須安插乞速撤黃協兵回汛勒守憲暫駐以便安插以釋疑畏仍勅麻城縣將監禁疑獄查報釋放已逐紳衿曉諭進城勿再偏聽誅求以安地方成龍必俟山黨肅清安置妥當方敢旋省但報文苦無驛馬傳遞多稽時日乞憲差星夜馳送告示諭帖可蚤結此局成龍可免稽滯日久文案堆積之慮矣

張撫臺復書

日來招撫之事若何既撫之後安插尤爲停妥若安插未妥則前功盡置于無用矣程鎮邦舊係東山頭

領今聞在黃岡山寨中彼有伊子程鵬舉一案恐不出必負固山隅如可擒則令劉啓禎等擒之不問亦令啓禎招彼率衆來歸近屢奉
上諭原許從逆之衆反邪歸正如果有功不獨待以不死已也幸親翁密圖之佈佈不一

于山奏牘

卷三

申報張撫臺

東山安撫一案五月二十七日就緒本日差役飛報候命安插值 禁旅路經麻城四境鄉民又驚避一空成龍係地方安危隻身駐居白果經過將軍噴責藉伊兵威竊取成功嚴聲厲色問賊在何處我們去殺成龍不致遜安撫在先兵到在後何爲藉威已經安撫何爲又殺將軍愈怒既有本事何不殺吳三桂去成龍回稱原不曾帶領兵馬亦曾收復蒲圻將軍言我不是與你爭功成龍稱與 朝廷辦事夫有何功將軍問成龍鄉貫忿然而往成龍無端

千山奏廣

卷三

受其凌辱竊思成龍年近六旬鬚髮皓白耳聾眼花自筮仕粵西由蜀至楚離別妻子隻身奔走十三年磨苦已極功名念灰近因地方多事不敢規避前受知於總憲新寵於憲臺知無不爲事無不任風雨寒濕艱辛備嘗止圖報憲恩於萬一也實無邀功求進之念無如時事多艱大將領兵咸以嗜利攘功爲心毫無推賢讓能之德成龍下吏秉性愚直實難安位伏乞憲恩早定東山成龍星馳旋省陳情乞休合先報明

諭東山士民樂業示

爲曉諭事照得本廳鎮岐四載自媿教養無能然誠信不欺爾士民知之有素茲東山不靖赤子弄兵撫部院好生爲心不忍加誅特命守憲徐總府王統兵撫慰又虞爾山中士民疑畏不前因本廳平昔爲爾士民所信旋委前來曉以忠義諭以國法力爲解散以是奉命馳臨本月二十七日畢騎進山爾士民果釋疑畏撤旗奔獻環呼懽躍申訴冤抑辯明陷害除詳報撫部院給示安慰外合先曉諭爲此示諭東山士民知悉既傾心就撫宜實意安生履毛

千山奏廣

卷三

駁士無非

皇恩鑒井耕田當圖報効卽司牧有一行之乖方然天下無不是之父母嗚聚雖稱避禍弄兵豈爲良民繩以國法剿滅何辭幸撫憲有力爲解散之諭恩侔天地本廳有力爲請命之誓炳若日星凡我士民允釋疑二歸寧父母各安身家僻處山隅南北之兵戈不到游優田里婦子之嬉笑自如何等快活何等受用永革一時邪念共享山中太平本廳千言萬語無非爲爾父母妻子各宜書紳永佩不忘張撫臺來書

親翁此行能不負不佞愛惜麻民之意爲之喜而不寐此時惟推好生之心以荅

上帝守如保之念以全小民何頑梗之不可輸誠何強梁之不可感化劉啓禎既率衆投誠自當令其仍安耕鑿倘能招致他寨強頑一體歸誠尤當加以優獎決不食言也至身鎗軍器作何收繳給價倘有吳逆散割之人作何縛獻其裔從之衆解散之後安插備處目今漢陽業已增兵黃協亦請添兵額應否可令入伍或仍編入各里甲俱煩一一斟酌得宜行之招

于山奏牘

卷三

上

撫之議既成黃協自可回黃惟留一守備駐麻此非疑麻民猶有反側蓋麻城地界二省向欲添設守備駐防此不佞之初意非自今日始也諸凡就緒之後方可回省發去告示十道可即張掛曉諭二十八日接到詳驗已批行守道矣二十九日接到來文俱一一照行惟二十四日報文何尙未至耶幸查之端勒不一

中詳張撫臺各憲

成龍凜遵星馳於五月二十四日至白果駐紮離賊寨十五里寂無人烟已經報明在案本月二十七日單騎進山劉青黎之父劉啓禎帶鳥鎗三百餘名攏躍投見成龍曉諭以撫部院不忍加誅安慰解散天地父母之至意啓禎跪泣衆寇崩角稽首咸願就撫成龍隨即申報六月初一日奉憲牌恩允矜宥給示安慰復遵發示曉諭本月初三日劉啓禎率衆來白果獻傾心向化旗一面赴守憲投誠賞資勸諭衆皆悅歸又奉撫部院諭劉啓禎既率衆投歸

于山奏牘

卷三

上

倘能招致他寨強頑一體歸誠尤當加以優獎守憲仰體德意特委劉啓禎執牌向各寨宣諭招撫于本月初七日啓禎招鮑洪功陳恢恢李公茂等率衆來白果獻安家樂業旗一面赴守憲投誠各賞資勸諭給照牌告示護身寧家衆皆悅歸東山已靖撫事已竣伏乞批示回省

張撫臺復書

劉啓禎傾心向化具見親翁善於招徠但未投誠人等應逐一招撫毋令臥榻之側猶有他人鼯鼯也至啓禎招撫有功可否令其較門効用當以戎旗守備

待之各鳥鎗手作何安插尤當得所可否令其入伍
日今漢陽營已奉文召兵黃州協亦添設麻城羅田
守備業經題請增兵六百名而不佞撫標亦見需
人倘入撫標其中果有雄武之士當拔置材官千把
之列蓋投誠之衆恒苦其反側未安須以至誠待之
令彼易於輸心向化則地方自可無事耳投誠盡至
則黃協方可撤兵鄉紳盡歸則小民自然樂業諸凡
事宜總煩親翁措置妥當與守道商酌行之發去賞
資各物幸同守道散給各頭目以示投醪之意投誠
敘也端佈不一

千山奏牘

卷三

三

招撫後諭東山告示

爲曉諭事照得本府前駐岐鎮頗與士民無忤近因東山
作難撫部院遴委勸慰今爾士民相安無事本府應歸省
復命令行曉諭爲此示諭東山士民知悉本府於本月某
日由白果暫駐岐鎮爾等須念撫部院生全之德堪俾天
地至誠之心可格豚魚凡有血氣誰無知覺父母妻子朝
夕歡聚誰歡聚之也雞犬桑麻優游恬熙誰恬熙之也婦
子無山棲日暴之苦壯丁無瞭高守隘之累無畏乎兵戈
而免負銃帶火之艱無憂乎捕役而獲薊棉鋤豆之樂未

千山奏牘

卷三

四

妻安枕而夜半可以不驚親友往來而株連可以無慮此
恩此德今生今世何以報撫部院之萬一也自示之後各
安生理永革邪念食薪在即秋收不遠山中正好避兵愚
民豈堪將相一念之錯皆由訛言之誤回心之早卽是終
身之福耕田當差勿藉口禁捕而併阻乎官役安下敬上
勿藉口激變而兼撓乎王法朝廷設官治民一定之體
有司差役勾攝不易之法從今循理守分自無恐懼憂患
命由天定禍自人作思之慎之

招撫事竣慰東山士民示

爲曉諭事照得東山官激民變一案撫部院好生爲念不忍加誅夙知守憲徐慈祥素著副府王老成持重特命撫慰又虞山中士民疑畏不前因本府昔駐岐鎮頗爲爾信愛遠委安撫於五月十七日單騎進山士民果釋疑畏劉青藜之父率衆歡迎泣訴冤害六月初三日出山赴守憲行署傾心向化仍宣布院道德意鮑洪功陳恢恢李公茂相繼悅歸辯明前愆咸願安家樂業蒙撫部院矜念無知槩加恩宥守憲遍給照示嚴禁毒捕仇家株連捏害多方

于山奏牘

卷三

五

生全并兵赤子安帖無驚合行曉諭爲此示諭東山內外人等知悉亂民已靖官兵已撤凡爾原未脅從十民可無逼脅之慮亦無玉石之憂毒捕不敢肆虐仇家不敢捏害各安厥居共享山中太平布告遠邇咸使聞知

張撫臺來書

麻城一案先經具題今既招撫應將招撫緣由備敘妥詳以便題報目今地方多故之際早爲上聞亦足慰朝廷宵旰之憂也矧切矧切

報旱呈張撫臺

看得麻邑連年荒旱民不聊生今歲春麥傷於霪雨尙望蚤晚二稻以贍人口無如霪雨之後繼以亢旱可惜蚤稻將成晚稻正茂值此烈日如焚池乾川竭禾焦人情驚惶夫當山逆甫戢人心甫定之時何堪增此災厲也早實太甚地方安危所繫合據呈詳報

于山奏牘

卷三

六

祈雨示

爲禁約事照得本府奉院安撫東山目覩禾苗茂盛爲斯民慶茲二十日來雨澤漸施已秀之苗待以垂成未秀之苗待以滋生愚民枯水相與爭競祈雨溥施勢不容緩合行禁約爲此示諭士民人等知悉除詳院清理監獄外爾士民各宜齋戒不許屠沽仰冀天恩速降甘霖成此豐年

又安慰士民示

爲曉諭事照得東山官激民變一案本廳奉院道憲委駢
扎白果單騎進山曉諭以忠義論以國法力爲解散山中士
民泣訴冤害畏禍聚集情願歸家安業已於本月初三日
劉青黎之父投見守憲特賜袍帽歡躍歸家現今守憲駕
臨白果開誠布赤布告士民凡有一切身被過害或以舊
事吹求或以親友波及情實可憫合行曉諭爲此示諭東
山中外士民知悉監禁免誣俱已釋放被俘良善半已昭
雪衆所共知捕緝尙未銷案疑畏不能帖息因山路隔絕

于山奏牘

卷三

七

房捕布冤情阻於上達驚惶無所依歸示到之日或星
馳申訴執示護身務各安厥居萬勿仍前疑懼聚衆失業
至於喜亂奸宄多屬遊手好閑之徒逃匿亡命之流原無
身家可慮且有罪案未結好爲訛傳以驚亂人心苟全已
命凡我士民咸有父母妻子產業身家縱有株連尙存公
論一辯自明切勿爲彼輩所愚也

張撫臺來書

前浮橋一案因准將軍咨移不得不爲 題恭詎意
部議處分太過但親翁賢聲素著不佞自卽 題留

以孚輿論况重以麻城安撫之功乎惟勉力竣事可
也特此附佈不一

于山奏牘

卷三

六

諭各屬隣境示

爲曉諭事照得撫院發示安慰百姓凡東山相連一帶地
方山寨嘯聚人等俱在一視同仁之內不止爲麻城一縣
也或黃岡羅田等處有願領示者開明某縣某處以便填
註示尾給發收照

申報徐道臺

查看得本年五月二十二日奉巡撫部院憲牌爲撫綏全賴賢能合亟遴委以安地方事等因奉此成龍稟遵於本月二十四日至麻城白果鎮離賊巢十五里駐劄居民俱已驚避山中土寇聞憲臺會同協鎮領兵先至撫勦各帖息待命成龍諭以撫部院不忍加誅至意張掛告示仍宣布憲慈祥愷協鎮兵威劉青黎之父劉啓禎畏威懷德於六月初三日率衆青黎等出山獻傾心向化旗一面赴憲臺投誠蒙賞賚有差遍給照示歸籍寧家蒙憲牌委劉啓

于山奏牘

卷三

九

禎招撫山中餘孽鮑洪功陳恢恢于六月初七日啓禎招鮑洪功陳恢恢李公茂等率衆出山獻安家樂業旗一面赴憲臺投誠又蒙賞賚有差仍給照示歸籍寧家領經節次報明撫部院允行招撫安撫歸農在案又六月初八日據黃岡縣程鎮邦爲援例安撫恩釋株連以廣聖化等事本月初九日詳報撫部院蒙憲批查程鎮邦果不知情應准援例安撫本月十二日憲牌知照在案本月十七日劉啓禎領程鎮邦赴憲臺投誠亦蒙賞賚十八日委河泊所原可資府差左先護送鎮邦赴省投叩撫部院求賜發落

本月二十四日奉批道詳批發臬司將所繫家口取保候結在案今奉確查合逐一據實詳報

張撫臺來書

程鎮邦一詳已批行徐道矣輸誠投見卽屬良民況原有知情不知情之別可速招之出山自可無罪毋貽後悔也黃梅二賊曾得其人否幸留神聞各鳥鎗手俱肯入伍食糧如果此事幸與徐道速商此輩出山則麻民可以高枕而彼得効用行間又可資其材力此兩得之道也諸凡安插招撫事宜知親翁自

于山奏牘

卷三

十

能措置停妥毋俟不佞之再囑也麻城事竣當爲備敘勞績不獨開復浮橋一案已也功名二字雖賢者原不以之動懷然不佞緇衣之好自不能泯沒耳

委設程官牌

爲撫綏全賴等事照得本府奉撫部院牌委安撫東山已
經安撫報明在案所有程鎮邦援例赴府乞撫具文詳報
撫院已蒙批准援例安撫合行投見爲此牌仰河泊景可
賢差役左先護送程鎮邦前去會城投見撫部院守候回
文沿途毋得稽延時日致干取咎未便

張撫臺來書

浮橋一案當卽 請復幸勿以此思賦歸來也程鎮
邦至省其家屬已取保發領以信招徠今仍令赴親

千山奏牘

卷三

主

翁處倘能將黃金龍梅公素及黃日昇令彼設計擒
拿將來尙可爲之敘其功能也又孫調元及散儒劉
諸人俱須留神密訪奸人盡得則民心自安此尤安
插事宜之要緊者也端佈不一

行保甲示

爲嚴保甲以靖地方事照得東山向化士民安業本府親
履田畝編立保甲查匪類勸勉爲善惟恐遊手好閑之
徒兇逆亡命之流不遵本府勸諭且憾山中就撫心懷叵
測匪名山間流禍地方潛行不軌勸良從逆一以壞安撫
之實一以貽良善之憂深可痛恨爲此牌仰知悉如有匪
類速勸投見倘執迷不悟脅良作亂凡我士民嚴行保甲
協力擒解或殲滅報功本府申詳院道厚加獎賞以勵忠
義以靖地方切不可藉端報復讐害無辜不惟有負本府

千山奏牘

卷三

主

撫輯民人靖靖地方至意且以犯神人之忌不淺矣

招撫事竣詳張撫臺

看得劉啓禎卽劉君孚而劉青黎乃啓禎之姪自幼喪父啓禎養爲己子任東山曹家河區內禍緣夏寅生李攀龍爲僞劄一案忽被拿解人心已屬驚疑該縣未出示曉諭而捕役藉端恐嚇凡東山一帶舊日招撫遺民并訛傳劄內姓名及貿易歸家商賈形涉疑似人人有莫保之勢而徐家堡劉公先李君聖方燕及談召賢疑畏入山鄉保報明該縣委着老安慰已經解釋陡於五月十五日魯家台鄉約魯象美徐家堡鄉約周美公曹家河鄉約李祥陳家

千山奏牘

卷三

七

集鄉約徐克承赴縣點卯該縣輕聽人言將周美公等硬夾取供仍行監禁至於楊楚喬係劉青黎十二年當差頭之保戶因差銀角口用刑成招並無報呈奸細緣由周美公等泣訴有據而劉君孚聞風嘯聚齊衆弄兵鮑洪公陳恢恢李子茂亦以捕嚇嚮應山中震驚縣治戒嚴後於燎原此起釁之由而該縣請兵鎮勦之所從來也成龍于五月二十二日奉撫部院遴委安撫二十七日進山曉諭六月初三日劉啓禎率衆出山獻傾心向化旗一而赴守憲投誠賞資有差給照票安插而劉公先李君聖方燕及談

召賢均在安插寧家之內劉青黎主張在父非別有事端舊從劉元兒鄉先甫均已解散本月初四日報明撫部院發示宥罪安慰在案劉啓禎蒙守憲牌委招撫山中餘孽本月初七日啓禎招鮑洪功陳恢恢李子茂率衆出山獻安家樂業旗一面赴守憲投誠賞資有差給照票安插本月初七日報明督撫部院照例宥罪安慰在案本月初八日奉督撫部院爲撫綏全賴賢能等事牌仰卽將發來告示特諭各士民凡被劉逆煽從黨羽或令徑行解散或令隨該府赴道協投明歸農一槩不得株連慎勿任其執迷

千山奏牘

卷三

七

不悛慘遭殺戮累辱父母妻子有負本部院軫恤至意等因奉此遵依發示曉諭士民凡煽從黨羽有徑行解散者有赴意領票歸農者咸體督撫部院軫恤至意在案再查該縣飛報叛形案內開周美公供稱方韶友在雲南來散劉付藏於劉君孚家自招撫之後遍查無方韶友踪跡藏劉亦無的據李祥瑞供稱雲南二人不知姓名送劉付與劉君孚劉青黎邵君弼查邵君弼年老並未倡亂而雲南二人不知姓名涉於風影徐克承供稱郭輝之在君孚家行走叫小的探報信息查徐克承係陳家集鄉約在東山

之外離曹家河三十餘里郭輝之何由囑其探信也且曹家河鄉約李祥瑞亦赴縣點卯何信不可探而囑徐克承焉如疑點卯鄉約爲奸細則無人不可疑矣又六月十七日劉啓禎領程鎮邦出山赴守憲投誠十九日護送赴省投叩撫部院求賜發落本月二十四日奉批已據守道詳批發臬司將所繫家口取保候給在案緣係安撫事宜合逐一據實詳報

張撫臺復書

東山招撫全屬親翁勞績今徐守道交代在即則善

于山奏牘

卷三

華

後事宜尤在親翁獨力成之矣頃聞木樨二里河又有嘯聚之事不知果否想大隊既已招撫此小醜自易爲平定也惟留神不一

善後事宜情形上張撫臺

成龍奉嚴命酌行善後之法焦心勞思採訪山中地勢路徑隘口已有成局大約良民居多而頑民有數編以保甲諭以利害各有互保身家之心成龍擇殷實良善舉爲區長聯絡守禦家自爲守人自爲戰料宵小不能出其範圍木樨河現委夏鼎安夏正宗夏柳宗丁貴卿丁吉生等彈壓豆族人丁有二百餘前倡亂之時立志不變已與逆爲讐用之此路可保無虞二里河果有李公茂先撫不知名姓因劉啓禎未行招撫氣激嘯聚本月十八日啓禎聞風

于山奏牘

卷三

民

往慰十九日報信安息且此地有鄉耆田初陽二男俱係青齡啓禎未往慰之先因公茂作孽曾設相關之誘公茂氣候嗣啓禎往慰而止李公茂即李攀龍之叔攀龍在監可以挾制其心目前委田初陽爲區長以樹其蔽且有東義洲區長鄭君佩等殷家園區長商克繩等落梅河區長張在如等南庄區長金鼎黃等木子店區長董瑞之等俱巨族富室爲之聲援此逆已在籠中但因啓禎往慰姑開一面茲奉憲諭亦必令出山申誠以懲將來十九日據劉啓禎密稟稱外縣竟有不軌之徒私來殺禎不忿招撫

此人心不體 朝廷德意非勦不能靖新發四張密票給
余公進夏仲昆袁興明督烟民堵截關口要路布揚聲勢
自然奪魄至於山中李公茂已經解散頑大膽承任凡事
不煩過慮尙有潘家塘大盜馬歪嘴乘機劫擄人家頑欲
處死不卜肯發令否成龍時在麻城當夜密差飛遞硃票
相機擒獲數日尙無動靜今麻城附近東山內外編甲已
就紳衿和好成龍刻期仍赴果鎮布置山中有黃寅生並
無黃日昇守道甚得人心雖交代在即尙宜款留善後局
面已定可計日以待成龍年邁力疲不善飲食強勉辦事
于山奏牘 卷三 壬

張撫臺復書

接來翰具悉尊意但疆圉多事正藉賢刺史善爲撫
馭以恤殘黎不佞行卽繕疏 題留矣幸親翁盡瘁
王事勉抑私情其東山善後事宜尤望留意率復
不一

禁止嚇詐就撫士民示

爲曉諭事照得東山就撫守憲勸賞給撫部院告示安插
遠近咸知但其中有鄰封愚民附和入山既撫之後願各
歸本地安業恐鄉保地棍衙蠹惡捕藉口稽查恐嚇索詐
將歸業好意反致失所殊非院道安撫之意合行曉諭爲
此示諭本地士民人等知悉查本人歸家驗明守道給票
并告示卽善爲安插如有諸色人等藉端嚇詐除本人稟
究外鄉保卽刻指名呈報以憑報道申院鞫解正法倘通
同作弊或縱容肆害事犯之日鄉保均難姑宥

于山奏牘

卷三

壬

清理保甲告示

為曉諭事照得東山已靖應宜安插為撫良善後之計茲
本府沿堡清理設立戶長教訓子弟編擇甲長稽查烟民
各安生理毋縱為非唯恐有流移遊手之類無家可歸無
業可務聚集山中衣食不足甚之兇逆亡命之徒有罪案
未消匿處林藪苟延旦夕均應處置得宜以撫良善合行
曉諭為此示仰陳恢恢知悉亟清理山區除將本區居民
安插務農照例設立戶長編擇甲長外如有流移遊手之
類作何安插至於兇逆亡命之徒罪案未消速趁此時投
首可以免罪若觀望不前則此會一失投首無門山中終
非遁逃匿奸之地後悔何及思之思之

張撫臺來書

浮橋一案不佞見在繕疏開復親翁可毋煩繫念幸
將麻事竣局之後方回鄂渚可耳又不佞近日將玩
法承差頭黃日昇責革之後聞彼亦逃在東山一帶
願密查之黃副將已赴省矣備述賢勞殊為欣溯端
佈不一

千山奏續

卷三

美

西北鄉告示

為曉諭事照得麻邑東山雖有激變不過數區已經安插
西南北一帶地方原未萌動何須疑慮除將生員劉廣定
等公呈詳院通行外合先曉諭釋爾暫時疑畏之心堅爾
原未萌動之志本府鎮岐數載與爾士民淡相孚信詰誅
之言奚啻再三今當風鶴時聞恐爾愚民不能堅持終遭
煽惑而論生員吳之鄒劉廣定等逐區勉勵擇立戶首垣
正清查匪類作奸出入則守望相助有警即堅壁却敵子
弟率父母訓勉不為逆子百姓聽官長命令乃是良民早

千山奏續

卷三

年

完應出之糧莫作非為之事絃誦咏歌士安士業耕田鑿
井民樂民生爾等士民果能照前安分互相保全或出力
防禦料理地方確有成規本生稟報府詳意獎賞如地
方有宵小之人不事生理或出入不常結盟結黨偽造訛
言恐嚇良善不聽戶首垣主勸戒以及捕役差人串通鄉
保指官詐騙並不白之徒借勢招搖嚇人錢財者均應呈
報就近官長立拿究罪本府于言萬語無非欲爾等邪念
不生身家永保不負本府叮嚀勸諭之言斷無日後罹織
株連之禍思之慎之

保甲事竣再行申飭示

爲嚴行保甲以靖地方事照得麻城東山撫勦咸輯土民向化本府駐麻時已經親履垣區編立保甲稽查匪類勦勉爲善日無寧晷心未刻閒雖有成規惟恐本府離麻之後人心渙散無有聯屬特委各方總堡督領垣主戶首分任勤勞逐戶清查倘有流亡兇逆之輩遊手好閑之徒不遵本府勸諭不聽保長約束心懷叵測爲害地方潛行不究煽惑我民以壞安撫之實以貽良善之憂洩可痛恨爾西南北一帶山勢不甚險峻土民原無異心但地連兩界

于山奏牘

卷三

五

路通光黃必須稽察嚴密永保地方

申飭區堡告示

爲曉諭事照得設堡長戶首原爲清理保甲稽查匪類若不徹底清查顧惜情面大非借重之意嗣後凡屬領牌堡甲所轄區分戶首烟民務要遵依憲行保甲之法聽信堡長教戒爲此示仰領委堡長及區內人等知悉作速稽查匪類盜賊教率子弟驅除強暴防守要路勿使容隱不究縱放逃僕一家有警隣里協力救護一方有警隣堡同心堵勦爾等宜各以身家性命爲重今日本府拳拳委託再三叮嚀總欲爾等共享太平無事之福也本府更有囑者

于山奏牘

卷三

五

地方重大事務除真實密報卽宜相機早圖毋令遺患慎之慎之

再諭東山士民示

為曉諭事照得本府奉部院命安撫山中爾等念朝廷德意傾心向化不越十日漸次蕩平止因該縣有爾等陽順陰逆之議部院飭本府暫駐安插毋得擅離麻邑期為善後事宜以致羈留一月有餘目覩亢旱憂心如焚兼之訛言沸騰傳本月初二初七爾等被城縣中男婦縋城逃走人情洶洶本府寢食不安今訛期已逾保甲已編幸天雨霑足四民稱快又李公茂隨守憲赴省投見部院對青蔡出首副將偽劄候題優敘劉君孚保全地方一片實

于山奏牘

卷三

重

心本府倚為左右手陳恢屢次謁見毫無芥蒂鮑洪功夜行歌舞李子茂名雖掛於招撫實無預於激變皆爾士民耳聞目見山中復有何疑本府難於久駐的於某日回省復命合行曉諭為此示諭山中人民知悉嗣後各安生理共享豐年須念該縣撫後復叛之文爾等誰無良心應與本府爭氣勿使其言效驗為所恥笑本府駐武昌相隔不遠凡事可速稟報其餘人民安家樂業勿再為訛言蠱惑致生驚擾

給鄒家河告示

為曉諭事照得東山已靖本府編立保甲期於善後今聞黃麻交界尚有匪類夜聚曉散殊非本府安撫之意合行曉諭為此示諭鄒家河鄉約人民知悉即同鄒魯章吳錫予與鄒美公會議作速安撫出山勿使鼠伏疑畏魯章等受本府倚重自宜竭力殫慮保全地方

于山奏牘

卷三

重

勸諭士民告示

為獎勵忠義良善以靖地方事照得東山作難止因被誣士民嘯聚將附近居民逼脅入黨哀哉耆年父老曾經兵戈之慘曾罹流亡之苦萬死一生留此殘喘撫兒孫而心酸視田宅而疏銷又有衣冠子弟身受朝廷恩榮顧惜祖宗門第禮義廉恥不忍棄絕中夜徬徨莫知所措父母妻子環聚而歔歔泣下又有種田農夫賦性愚樸十數年來耳不聞金華之聲目不觀旌旗之色止知終歲勤動納糧之外積儲粟豆花布茅屋之中畜養鷄鴨猪犬稍有餘

裕買牛生值便稱山中富翁聞此警息捉胸踢足件件難
捨又有商賈之流或係已資或係借貸拋妻別子經營江
湖折本羞見故鄉倘有生意歸家修理房屋治買衣服桌
椅器皿好爲精緻婢女僕兒好爲役使忽聽無端啓黥顧
惜從前辛苦棄之不忍守之難保痛哭流涕天日昏慘凡
此士民情狀堪憐因之族微勢寡者含淚棄家遠避他鄉
苟全性命焚焚無依族大勢重者糾合同姓異姓督修堡
垣器械能自守衛決不苟且從黨此等苦情壅於上聞在
爾等各爲身家性命在 朝廷便是忠義良善若不獎勵
干山奏牘 卷三

何以勵後合行給示獎勵爲此示諭東山士民知悉爾等
自能守衛者忠義可嘉望風遠避者良善堪憫自今伊始
潢池赤子俱是一家各宜安心樂業共享山中太平本府
更有囑焉值此多事之時不無一二姦民引誘後生微倖
功名殊不思耕田鑿井之民豈慣爲披甲荷戈之事本府
曾有訓言山中正好避兵農民豈堪將相古語有云一將
功成萬骨枯這事豈是容易做的嗣後須嚴行保甲責成
戶長稽查詐僞勤約子弟勿留禍害之種勿蹈危亡之轍
慎終如始以靖地方

遣牌知會

爲知會事照得本府奉院道委撫東山已經安戢的於本
月某日自白果前往岐鎮所有招募鎗手帶領旋省復命
其日用飯食俱係本府自備凡經過地方毋得驚慌合行
遣牌知會爲此牌仰沿途人等知悉照常安堵毋得畏避
張撫臺來書

麻城一案藉有成功皆親翁感孚之所致也徐親翁
帶來烏鎗手五十名已發漢陽入伍矣其餘鎗手可
卽招至所有給與鎗價安家之費俟具 題時俱當

干山奏牘

卷三

題敘捐助之數以不氓賢勞至山中聞有李家集堵姓
係湖南逆賊遣來之人及黃金龍梅公素黃日昇等
尤望速爲緝獲以消萌孽切切佈佈不一

勸諭告示

爲曉諭事照得唐殿一區已委生員何邦綬料理保甲事務但何邦綬未受委托之先有密報曾伯田官述明生員何見子等多人結盟雖有此報未經行查頃那綬來望花山面稟本府云伯田等已悔過自新見領本堡鄉勇四十名助生員劉啓禎扎營於沙家廟不但前過可贖而此刻之急義奉公情更可喜爲此示仰生員何邦綬前往唐殿一帶一一勸諭俾知犯上作亂之事必不可爲盡回心向化本府何樂如之

于山奏牘

卷三

三

開印申飭告示

爲申飭防禦以固地方事照得本府新奉督撫兩憲會疏補授黃郡撫綏人民全賴賢有司相助爲理以匡不逮本府稟遵憲檄夙夜匪懈原爲爾民安生樂業之長策寢食未安惟恐有負上意茲于七月二十五日在麻屬望花山舖開印視事矣合行飭知爲此示府屬官民人等知悉嗣後各體本府愛民至意大家齊心固守清查保甲如有面生及人聲音互異立刻驅逐境外務使兵民協和城守事宜照依往例多撥人役嚴加守禦盤詰奸宄以靖地方該

于山奏牘

卷三

三

巡捕員役毋得疎玩取咎未便

于山奏牘卷之三

三

于山奏牘卷之四

晉西河于成龍北漢父著

進勦紙棚河逆賊鄒君升等委牌

爲進勦事照得逆賊鄒君升招納流盜叛僕擾害附近良民本府出示招撫冀其悔罪來歸詎意狂悖長惡執迷不悟已經申報撫部院在案今同戎府票催各鄉義勇聞聲響應慕義子來所有兵衆合行委任總統以便整飭勉勵爲此牌仰某督率分隊編伍務要合力進攻不許臨陣退縮功成之日飛報督撫部院照功題敘紀錄優獎

于山奏牘

卷四

張撫臺復書

麻民既已安堵而又有鄒君升等倡叛梗化斷難再事姑息之仁以長其奸也楊克利自當正法一面仍聯絡鄉勇相機堵勦毋令滋蔓致費收拾惟速圖之可耳

曉諭各屬告示

爲曉諭事照得黃岡縣李家集叛逆方公孝等肆行劫掠又敢倡亂誘聚逃僕成羣入山以老賊鄒君升爲首本府會同戎府駐扎望花山於本月二十四日據鄒家河鄉約鄒益能拿獲賊一名楊克利烏鎗一桿解來梟首懸掛麻城縣示衆又追獲烏鎗一杆弓一張箭十枝賞銀二兩紅三疋二十五日據龍王墩區長王方遠報稱拿獲賊一名方公孝賞銀二兩紅二疋隨差役陳貴眼同彼地鄉保梟首懸掛李家集示衆本日委生員吳之鄒等領鄉勇一百五十名入山進勦老賊鄒君升離窠遁遁所有黃岡縣永寧鄉羅田縣茅田畝圻水縣上窩等處俱係連界宜各區小心提防如遇賊到協力堵殺報功行賞以保身家以靖地方除申報院司道外合行曉諭爲此示諭該縣士民人等知悉本府同戎府會集鄉勇入山進勦鼠賊流遁誠恐潛入該縣地方貽害平民該縣傳諭各區士民齊心協力堵殺報功勿令兔脫以留禍根各爲身家性命切勿疎忽慎之

于山奏牘

卷四

宣慰招撫諸賊告示

爲曉諭事照得本府奉撫部院安撫東山費盡苦心推誠
置腹劉君孚信之最真陳恢恢在沙廟相見甚是爽利恨
見之晚不料鄒君升爲盜僕逼脅君孚仗義進勦本府因
之會集鄉勇協力相助申報各憲以劉君孚陳恢恢爲勦
至四境告示昭然耳目日恢恢與衆紳士陪本府每夜飲
酒情意浹洽何物畜生輒布浮言離間我同心本府年近
六旬離家一十四載止帶二僕孤身萬里一片實心惟欲
保全百姓駐岐數年一舉一動士民咸知非爲功名起見

千山奏牘

卷四

三

茲恢恢見疑本府使心跡未明殊切憤恨望君孚作速傳
諭恢恢見亮此心無異若懷狐疑將以禽獸待本府也本
府焦勞招撫精力疲竭久思回籍何可久戀官職爲人所
疑忌如本府不以實意待恢恢天地鬼神速加誅殛

布告紙棚河大捷告示

爲布告大捷事照得逆賊鄒君升招納逃僕流盜嘯聚紙
棚河妄行倡亂擾害地方本府於七月二十二夜星馳望
花山預與劉君孚會議命夏仲昆余公晉伏鄉勇於布袋
坳仍同戎府調各區堡長督率義勇於二十五日進勦直
搗賊窠望風奔潰至二十六日夏仲昆等於項家廟生擒
賊頭鄒君升斬首四十餘級並俘餘賊殲滅無遺爲此示
諭知悉凡屬脅從各宜自惜性命火速投誠慎勿疑畏捷
音所到咸使聞知

千山奏牘

卷四

四

委犒鄉勇銀兩牌

本月初一日蒙撫部院諭承差楊文昌賁銀一百兩犒賞
鄉勇特委送銀六十兩分給鄉勇以昭撫部院德意仍具
稟收以憑復命

曉諭止殺告示

爲曉諭事照得逆賊鄒君升黃金龍俱已授首餘賊擒斬甚衆其有一二未盡難以悉誅如必槩行殺戮不獨非本府不忍之意誠恐傷天地好生之心爲此示諭紙棚河內外一帶區堡人等知悉自今以後凡屬藏匿餘黨聽其自來投誠不許入山搜索是叛僕歸主引見是盜賊歸營爲兵本府自能安置已經止殺初二日以後擅殺者坐罪擒來者無賞本府一言既出永不反悔

于山奏牘

卷四

五

勸諭餘賊投誠告示

爲曉諭事照得賊首鄒君升鳩集大盜叛僕勾引逃賊黃金龍恃險負隅復肆擾亂今君升金龍就擒并其黨俱已斬訖但念從賊餘人或被迫脅勢難保全本府不忍盡殺爾等宜各求生與其逃竄餓死於山林不如父母妻子安其家室況已殺者罪止其身則來歸者應免其罪合行曉諭爲此示諭山中人等知悉務宜體本府萬不得已之心無論是盜是僕速速來歸能自投見者不殺被人拿獻者必誅斷不失信若能向化投誠改惡爲善仍是吾民切勿藏匿山谷終爲兵民拿獲報功請賞自取殺戮本府不殺之心天日可矢爾等亟勿疑畏有負本府惓惓保全爾等至意

于山奏牘

卷四

六

申覆張撫臺

八月初一日據恩諭承差楊大昌領公文一角指授方略頒賜銀一百兩賞賜鄉勇成龍跪領遵行仰從公給發另行取領申繳第山中之賊聞鄉勇進山膽怯宵遁四面圍擊勦滅驚逃擒戮殆盡七月二十九日晚拿鄉黃金龍等五名至望花山恐有他虞當晚斬首八月初一日早差左先解黃金龍首級飛報鄉君升已獲尚未解到其投誠婦女器械嗣容冊報送剗逆賊復爲漏網現在四面搜拿梅公素另匿一方遵依捕緝合先報明伏乞憲鑒

于山奏牘

卷四

七

敬鄉勇凱旋牌

爲傳諭事據得鄉君升等既已擒斬餘黨竄走即有一二鼠賊藏匿巖穴見鄉勇未經掣回自然畏怯不出且將領兵丁辛勞日久本府心切不安理合調還記功領賞特令飛諭卽刻凱旋

禁止侵佔告示

爲清查逆賊婦女田地以杜侵佔事照得鄉君升造孽禍及愚民擒斬法所難宥進勦之日曾有並不株連婦女之誓今勦撫已竣惟恐已勦者婦女田地被人侵佔至於安撫原由本府實心又恐無良心之徒藉口引見免死或邀求婦女田地本犯免死心切無不依從亦未可知合亟清查爲此仰鄉益能尹良才等知悉作速從公清查如已死何人有無婦女田地若有婦女應給何人收養田地應給何人耕種有無破人家口至安撫何人有無婦女田地若

于山奏牘

卷四

八

有婦女田地本犯出具經管甘結或被人逼脅侵佔作速申究立刻追還勿生疑畏本府既不殺爾身又何忍破爾家地方人等各體天理良心勿得恃強欺壓已撫之衆以致畏懼不敢明言私占婦女田地果有此等事情亦自有妻離子散報應萬勿視爲誕言

申解賊首報張撫臺

爲稟報事竊照鄒君升招納亡命盤聚山中脅良助亂於七月二十一日據左先着孟生飛報成龍當晚由岐亭至望花山離賊巢二十里二十二日與同行生員劉廣定鄭丹董建梅鈿李中素武舉李大謀魯試陶之琇候選千總劉先定竝鄉紳蔡得春貢生吳晉爵生員程士極戴宗禮計議勦撫咸以勦爲定局值劉君孚稟稱不宜再撫衆議僉同二十三日同僉同知一面委鄧家山尹公才鄒家河鄒益能聽貢生鄒世義從中調度把守賊出入隘口一面

于山奏牘

卷四

九

委生員蕭命福蕭士泰調潘家塘鄉勇一百五十名於二十四日齊集白果武童董錫卽董魯庵董天祿卽董遂生領鄉勇協助劉君孚着生員劉自然卽劉青黎領鄉兵二百名堵寒坡岔夏仲昆余公俊領鄉兵四百名埋伏布袋坳唐殷袁興明何見子等領鄉兵三百名堵截塔兒崗劉以延周伯卜等領鄉兵二百名堵截腦中山馬安堡鄉保羅甸臣生員林斗文堵截糧路仍會大畝山僧貫識同鄉勇埋伏賊巢山後一面委王方達會僧德珠玉環把守賊

山隘口又宋埠生員施之瑞領鄉勇助布置停當於

二十五日委生員吳之鄒貢生龔相旦領衆進勦駐劄鄒

家河賊聞風宵遁二十五日追至項家廟一帶二十六日

投誠官李功懋殺傷劫賊來報二十七日各區士民咸受

成龍委牌四面攻擊二十八日麻城屈知縣馳至黃岡李

知縣聞報來望花山以軍需緊急當令還縣是日羣賊殺

傷活擒奔竄無數二十九日晚拿獲黃金龍恐有他虞當

卽臬首八月初一日差左先解赴轅門本日午時拿綁鄒

君升卽斬首差高華亦解赴轅門其餘潛匿或擒解臬首

或赴營投誠逐一造冊至於有功士民鄉勇名數亦應開

于山奏牘

卷四

十

報已經出示曉諭禁止殺戮一槩寬宥招撫安插以彰撫
部院好生之德俟安撫停妥查清婦女竝所獲器械領衆
生赴轅門謁見

禁止詐害示

爲撫輯事照得鄒君升黃金龍既俱授首叛僕流盜一皆殲滅其餘一二鼠賊藏匿深山若嚴加搜尋惟恐波及無辜本府心甚不忍今將領兵將領生員並所領鄉勇一併撤回從此止殺卽一二未盡餘孽仰鄉約鄉盜倫將本府德意勸諭來歸亟令領見不許地方刁民藉此嚇詐就中受賄如有賊黨不聽勸言歸命投誠被人拿解定難姑宥

奉牘

卷四

十二

敘功詳文

爲稟報事成龍於本年五月二十二日奉撫部院牌委安撫麻城縣東山民變於六月初七日撫事已竣通詳在案又奉撫部院牌諭力行善後事宜成龍遵依清理麻城內外三鄉保甲日無寧靜心血嘔盡忽於七月初九日聞黃岡縣李家集匪類蠢動初十日飛馳至岐亭羣賊潛遁查無踪影二十二日未時據左先稟稱黃岡麻城交界紙棚河有妖逆黃金龍賊首鄒君升作亂盤據山崗逼脅良民爲變李家集糧盜逃僕亡命之徒入夥勢大民不安生成

奉牘

卷四

十二

龍星夜同生員劉廣定等至望老山離賊寨不遠二十三日會休同知等計議停當調各鄉義勇會勦二十四日生員肅命福等鄉兵齊集二十五日生員吳之鄉等領鄉勇進山鼠賊逃至項家廟油河等處四山鄉民把守隘口奮勇堵截擒殺妖孽黃金龍賊首鄒君升並沈潤成沈四兒沈六兒方公孝楊克利等首級二十顆卽諭禁殺招歸鄒敬先等二十一名餘黨奔竄山深林密不便追搜內多有從仰鄉保安插歸農如係憤盜亡命之徒公舉入營爲兵以全民命以養天和撫勦已就地方已靖成龍星馳回省

復命以紓撫部院東顧之憂此一舉也黃州府同知佟世俊麻城縣知縣屈振奇黃岡縣知縣李經政會議主勦生員劉廣定董建李中素梅鉅候選千總劉先定武舉李大謀曾試貢生彭詰相與贊勦陳鎮邦密獻地理圖生員蕭命福鄭丹蕭士葵劉啓禎倡義協助鄉勇領兵生員吳之鄒貢生龔相旦武童董錫董天祿其餘鄉約區長守隘堵截不及遍開義助鄉勇食米貢生吳晉爵生員戴宗禮程士極蔡作楫自七月二十五日鄉勇進山於八月初二日撤兵歸農六日之內鄉黃二逆授首羣賊殲滅脅從安撫

千山奏牘

卷四

三

竝未請兵請糧全仗撫部院恩威赫靈密授方略復蒙撫部院頒賞銀一百兩於撤兵之日從公當面給散鄉勇踴躍歡呼更可幸者殺賊數十餘而我民無一帶傷從此忠義之氣一鼓而地方可保無虞所有賊鳥鎗什物等事見在清查先將已獲鳥鎗六十桿舊弓十張舊箭八十枝令牌一箇呈繳係勦逆事情理合通報

進勦東山報張撫臺

時事多難憂心如焚陽邏楊陶二生劉付甫經出首竊幸以爲有此二生卽爲心腹地方可保無虞不料二十八日方擒賊僕而羣寇夜至坐船一隻載有馬匹南北語音兼備二十九日至周山舖此賊定入東山成龍傳諭各處鄉勇堵殺但麻城東山亦有禍端羅山周鐵爪已潛入白水畈聚集亡命多徒初二日早武舉李大謀來報一面發示招撫一面約會鄉兵勦滅且各區練長請勦殺密諭變出倉卒成龍擅專行事實出萬不得已又黃岡東山永寧鄉鼠賊蠢動鄉約熊世忠初二日早請成龍進山相機勦撫時勢至此將若之何麻城東山有劉君孚丁奇生等可以堵敵外賊亦不敢從此路進黃岡東山望成龍甚殷若不從衆願恐致失望從賊與麻城合夥且陽邏之寇一入禍不可支俟程鎮邦至成龍決意前往特府城空虛人心洶洶中懷憂慮又恐一入山中外寇難於照應一身進退維谷再四籌度出其不意而臨之迅雷不及事或可濟平黃兼以平麻安危之勢在此一舉耳

又上張撫臺

千山奏牘

卷四

四

十一月二十八日晚之賊突然而至不知何來飄然而逝不知何往十一月初一日忽報黃岡永寧鄉有警息界連麻城東山陽邏之賊必然入夥則聲勢張大九江有重兵黃梅無事蘄州有守憲駐防畱兵百名可以無虞府城空虛已會商王協鎮同師密議布置伏乞迅諭王協鎮旋旅以資彈壓實兵家勝算也

又

本月初二日聞永寧鄉白水畈二處賊變卽同黃協把總羅登雲馬八匹銃手四名并齊安驛丞李德麻城縣候選于山秦續

卷四

主

千總劉先定黃岡縣家丁四名前進初四日黃協把總吳之蘭領銃手五十名從蘄州至偕行進山駐扎段家店離賊窠十五里初五日黃協千總李茂昇領馬兵五十名亦從蘄州至相機進剿合就報聞

張撫臺復書

陽邏劫馬之賊業被毛遊擊追剿擒賊十七人獲馬騾四十餘匹矣東山餘孽竄竄賴親翁前往撫勦料理自能得宜府城空虛已檄令守道吳親翁赴府彈壓可無慮也凡賊初起之時或撫或勦總以急

散其黨爲主來翰所云迅雷不及事或可濟此最合機宜古人云兵聞拙速不聞巧遲政如此也昨朱守備文到劉青藜復有反叛之說恐屬未確已經密檄行查親翁可密之恐未有其事徒令已撫之人不能自安耳如有情形時望相聞前此東山一案親翁已經加級此行惟望再著招撫之功不佞自當同在事有功之人一併題敘雖親翁惟以安輯地方爲心未必以功名動念然不佞緇衣之好自不能已於懷耳併復不一

于山秦續

卷四

頃接來文黃土嶺須兵防守隘口已卽飛飭黃協王親翁矣附聞不一

申報進剿東山詳各憲文

照得叛逆何士榮鳩結黨羽脅制良民於本月初二日過麻城白水畝與周鐵爪等合夥蒙憲授方略迅催黃協馬兵鎗手前來成龍同羅把總候選劉千總李驛丞領官兵家丁於初四日晚駐紮段店初五日李千總領馬兵至俱報明在案初六日點集鄉勇四百名黃協把總羅登雲田武舉張尚聖先統領前赴麻城白水畝成龍會黃協千總李茂昇把總吳之蘭領馬兵鳥鎗手并程鎮邦麻城候選千總劉先定驛丞李德黃岡縣家丁四名領鄉兵二百名

手山奏牘

卷四

七

協同前進尚有蕪水縣士民助有鎗手未經點數委用生員鄉保不及細開仍飛檄劉君孚等進土皮沖梅錫等進八疊山鄭丹等進平頭山童貴卿等守東義洲蕭有至等守羅田境界田穀伯毛麟長等堵剿於黃岡廟大勢已定相機撫剿嗣容另報

申報撫臺文

本年十一月初二日卯時據麻城縣武舉李大謀飛報羅山逃賊周鐵爪潛入東山白水畝聚亡命多徒脅良謀逆地方震恐等情據此同日辰時據黃岡縣東山永寧鄉鄉約熊爾忠陳蕃約等泣報何士榮係黃岡縣永寧鄉人居石馬沖其兄何士勝曾在東山作亂投吳三桂居住長沙兄死何士榮新歸鳩結黃寅生等謀叛脅良從逆亟請親臨等情成龍恐陽邏之賊奔逸入山除另檄麻城東山劉君孚等嚴守隘口外本日未時離府同熊爾忠等行二十

手山奏牘

卷四

大

里天晚駐路口村本日戌時接程鎮邦報陽邏之賊與東山無干初二日親會劉君孚守隘惟黃岡何姓造反山民驚惶麻城白水畝有英霍麻埠羣賊猖狂成龍初三日行四十五里至馬家潭點集鄉兵據段店生員張本恕稟報前月二十九日有逆賊何士榮等聚眾何家舖係逆祖居恕原奉牌有堵截之責卽督率各堡烟甲在於境內防禦并無賊黨入境今探的於本月初二日辰刻起身大旗二杆數百餘人已往黃土嶺去口稱三四日卽轉等情成龍細訊山中形勢麻城東山石人寨係麻城羅田要路三縣

交界屢反之地順治十年蕩平山賊本年題請石人寨設立千總領兵駐扎防守歷年寧謐嗣後漸弛本年春月兵弁盡撤以致鼠賊橫行略無忌憚目前何士榮過黃土嶺必與白水販眾寇入夥合亟請發兵二百名防守黃土嶺一帶隘口無使叛賊再犯黃岡境界兼督勦麻城白水販羣逆若官兵一至則鄉勇之氣倍壯兵貴神速成龍移黃協發兵早爲撲滅誠恐日久蔓延聚眾騷張伏乞迅勅黃協火速委弁領兵防勦以殲叛逆以保生民以固封疆俟山賊滅息酌議於麻羅新設兵內抽二百名防石人寨庶于山泰廣

卷四

九

首尾聯絡有星羅密布之勢矣

進勦何士榮給各區牌示

爲委用事照得何士榮作反擾害李婆墩一帶地方居民不得安生本府親臨相機撫勦大起鄉兵戮力協助必需義勇督率爾等義勇素著合行委用爲此牌仰速領鄉兵五十名前來聽候進勦但念目前收割正忙每名給代工銀一日二分先發三日工價銀三兩嗣後照日領給務擇年力精壯各執利器械論功行賞口糧計名支放如有烏鎗另給銀一錢此賊不滅山中不靖爾口販居民亦受荼毒本府爲爾百姓圖安全切勿畏縮坐視賊氛猖狂時

卷四

五

望領兵齊集進勦

又

爲委用事照得何士榮作亂擾害李婆墩一帶地方居民不得安生本府親臨相機撫勦大起鄉兵戮力協助必需義勇爾某義勇素著合行委用爲此牌仰速領鄉兵前來聽候進勦務擇年力精壯各執器械聽候本府點閱給發號片號旗以憑調撥如有烏鎗匪不赴敵者報明本府卽以私藏軍器治罪或抗阻出外卽係從賊一併報明以憑拿解梟首示衆

又

諭某等知悉本府清查保甲刻日進山爾等速傳各區奉委士民整練器械沿途迎接切不可遠離汛地致有疎虞

又

諭某等各速領鄉兵三百名齊執烏鎗前來助勦以張義舉先發銀各三十兩犒賞士卒本府親駐但店矜望雲集戮力同心共除叛逆以安民心以靖地方功成之日報明撫部院 題敘論功行賞切勿以郵封膜視

又

千山奏牘

卷四

三

仰羅把總統領鄉兵太平堡余君榮等四十名得勝堡高巨卿等四十名清淨堡舒楚玉等四十名雲龍堡王克明等四十名前往黃岡廟駐扎聽候大兵齊集相機進勦仍會田生員密議方略務要紀律森肅號令嚴明毋得疎忽

又

諭某等知今陽邏地方有賊二百餘人於二十八日屯彼地山頭二十九日逃入東山地界已行飛報撫部院并土鎮臺會勦爾等當督率本區鄉勇約鄰區各長互相策應早為防守把截要路整備器械嚴行偵探合力勦捕如肯

歸命投誠不妨為之轉達事平之日定請 題敘獎賞諭

到星火知會勿得羈遲致使逆賊免脫

又

為曉諭事照得周鐵爪與譚以從等亂於羅山以從已經安插得所鐵爪未及就撫潛入山中何士榮家住長沙被愚人蠱惑反歸鄉蠱惑愚人曾仰何雲章何媿人勸歸雖稱執迷不悟未必涕泣而道至於英霍麻埠之眾何苦擾我東山此輩豈盡無父母妻子之為累豈盡無平等生意之可務人之無知一至於此合行曉諭為此示諭周鐵爪

千山奏牘

卷四

三

等知悉示到速宜猛省若實心歸化即引眾來見或願回籍或願從兵聽從其便本府從無誑詞鬼神可鑒言山痛賜慎勿膜視

又

為曉諭事照得何士榮謀叛煽惑無知逼脅良民以致人心驚惶地方不靖本府特來勦撫命方占魁傳諭何雲章何媿人速勸何士榮反邪歸正茲聞何族人等疑畏株連男婦奔竄是豈仁人父母之所為一人有罪合族何辜果士榮傾心投誠本府哀求撫部院矜宥亦當待以不死況

原未同謀何忍一舉波及且雲章苦口良言猶彰彰在人耳乎合行曉諭爲此示仰何族人等知悉各釋疑畏寧爾室家凡鄉保地方人等切不許藉端嚇詐柳下詬未嘗累及柳下惠往古之事也鄒君升未嘗累及鄒君榮近日之事也王法天理並行不悖夫何疑畏之有至於何士榮起禍之地涇渭自別及脅從逃歸之民不止無罪且加獎賞若有出首偽劄者繳報撫部院 題請優敘本府之言天日可矢鬼神可鑒切勿有懷疑畏妄自奔竄思之慎之

又

于山奉牘

卷四

三

爲曉諭事照得何士榮謀反煽惑無知逼脅良民地方不靖生民不安王協鎮發兵剿滅所過地方毫無驚擾今駐紮但店每兵一食本府親發錢十文草料公平買賣支放決不累及烟民合行曉諭爲此示仰但店一帶地方居民知悉兵馬經過之處本府預行採買糧米草料鄉保人等切不可藉端科派如有此等情弊決不輕恕

又

爲曉諭事照得何士榮謀反勞爾鄉勇助我征勦紀律務期嚴明此兵一定之例非屬苛求合行曉諭爲此示諭

統領鄉兵區長人等知悉凡鄉保領兵前來駐紮寬敵之處先報區會鄉兵花名本府照區會發旗幟以別觀瞻照花名給號帖以憑識認候本府親臨點閱犒賞挨次分發各依隊伍不可紊亂至於進山真假難辨隄防務嚴凡鄉勇助勦遵報花名請旗幟號帖如無旗號卽係奸細盤獲審確立刻梟首法在必行勿等兒戲

于山奉牘

卷四

三

申報張撫臺

麻城木樨河生員夏京報稱賊何士榮等初二日聚集黃市下販初四日至上販汪會極家抄洗殺死閭家河會姓客人初四晚至殷家園擄掠初五日燒南庄金瓊蘇樓臺初六日至黃岡廟晚至呂王城燒田生員屋共有數千餘人現扎李王城等情又據羅田鄉民朱爾定口稱初四夜有何士榮等分兵過羅田擄驢十三隻姦淫婦女蟻連夜趕來報等情該成龍看得賊黨各夥殘虐生民初六日羅把總張武舉領鄉兵前赴黃岡廟當晚住三里販離黃岡

于山奏牘

卷四

五

申報督撫兩臺

為申報事照得麻城逆賊何士榮等作亂本月初六日成龍會同李千總羅把總張武舉領鄉兵四百名先往黃岡廟堵剿初七日成龍同李千總吳把總程鎮邦劉先定李德黃岡縣家丁等帶馬步官兵百名鄉兵三百餘名行至三里販值麻城夏生員羅田朱鄉耆一時告急隨發吳把總領馬兵二十名協助報明請兵在案頃刻羅把總等飛報已抵賊營成龍同李千總等直馳二十里至營盤吳羅二把總張武舉統馬兵鄉勇趕敗逆賊追至峻嶺深林奪獲器械收營甫歸兵民踴躍歡呼是逆賊見馬兵而膽落鄉勇倚馬兵而氣壯時日已暮安營布置賊尚舉火高山頂上合亟申報

于山奏牘

卷四

五

再諭黃土坳告示

為曉諭事照得鮑世榮陳頭敬大惡叛逆何士榮合夥橫行逼虐民生焚燬民屋神人共憤本府會同黃協統馬步官兵并鄉保義勇進山征勦本月初七日於黃土坳輒敢犯我先鋒兵民鼓勵一戰潰敗奔竄入山奄息待誅凡我士民屢被害冤仇刻骨罔不欲寢皮食肉滅門絕戶當此報復之會正宜會集擒滅無留遺種或有脅從逃歸樂宥不問合行曉諭為此示仰麻城東山一帶士民知悉示到速領鄉兵各路追擒務使神人之憤洩於一朝義勇之

于山奏牘

卷四

五

師不煩再舉慎勿偷安致貽後患

報張撫臺捷書

本月初七日羅把總等領鄉兵在黃土坳將賊趕竄報明在案初八日羣賊聚集山頭執紅白旗大膽前來打仗李千總領馬步官兵殺賊無數活擒何士榮搜獲偽劄二張偽示稿一張合先解報所有傷過吳把總并帶傷兵馬及有功兵民俟李千總查明另報

報捷詳文

為飛報大捷事本月初七日羅把總張武舉領鄉兵至黃土坳遇賊傳報先發吳把總領馬兵二十名接應成龍同

于山奏牘

卷四

六

李千總馳至已經追散收營報明在案初八日黎明官兵鄉勇守卡方歸忽見西山一面羣賊搖旗前來又聞東山一面有賊夾攻羅把總領鄉勇守截東面其西山一面李千總奮不顧身領吳把總馬步官兵百名一往向敵直至山腰與賊對鋒羣寇退却羅把總張武舉等統鄉勇兩路追擊趕過崇嶺四五重殺賊無算填滿山谷間有奔竄伏入松林活擒賊首何士榮搜獲偽劄付二段偽示稿一紙陣獲弓矢鎗砲等器暫給營兵應用所擒何士榮併偽劄示合差解驗有功將士兵民另文申報至陣亡把總吳芝

蘭井重傷輕傷官兵
踞白水畝一帶成龍

匹嗣容册繳尚有周鐵爪盤
升兵鄉士刻日進剿

丁山奏牘

卷四

元

上張撫臺

成龍初九日同李千總等行至黃岡廟係黃岡麻城羅田
三縣交界崇山峻嶺豁谷多岐真乃盜藪值羅田王知縣
領鄉兵烏鎗手會見當晚至麻城縣地方呂王城扎營背
山面河王知縣領鄉兵五百名成龍面諭其隔水堵截羅
田境界離二里河至白水畝二十里密邇賊穴本日申時
據生員夏京報稱本月初六日至三里畝接見蒙囑京督
守隘口京巡守才穉河見賊巢墜旗放銃被京趕散獲紅
旗一面據此合將進剿地名日期并紅旗解報

進屯呂王城諭各區告示

為曉諭事照得叛逆何士榮自長沙潛歸何家堡以偽劄
蠱惑愚民本府聞報初二日進山賊已往白水畝合夥初
七日復轉至黃土坳值羅把總領馬步官兵各堡鄉勇堵
截死賊奔竄入山初八日黎明輒敢搖旗下山李將爺統
馬步兵迎至山腰衝鋒陷陣羅把總張武舉領鄉勇兩路
追擊趕賊踰山三四重殺獲無數盈於豁谷活擒四十八
人審明梟首內有李有實之子李森僕來兒其餘多係何
族叛僕惟賊首何士榮并偽劄二段偽示一張活解撫部

丁山奏牘

卷四

三

院轅門發落初九日本府會李將爺統兵直抵呂王城羅
田王令領鄉兵五百餘人沿河扎營助戰大勢已定鼠賊
難逃合行曉諭為此示諭東山士民知悉爾等前奉密諭
督會各區鄉勇今已齊集什子砦左右但四面鄉兵各有
統領貴約束嚴明方調度得宜若混在一處勢不相下死
賊乘興肆害或潛行逸脫不第勞而無功且貽後患不可
不慮之早也示到宜各領各兵各扎一營務相和睦禁止
騷擾此賊不止什子砦必走商城英霍而龜尾八疊山既
山河為要路夏京等守把木穉河一帶鄭丹熊公飛守把

甌山河一帶梅劍等守把八疊山一帶汪止緒等守把龜尾一帶如敢疎忽放走責有攸歸丁期生童貴卿陳益之等以及凡我士民書不能遍及者各平心公議如賊成羣合力勦滅或聞風解散各分一路挨堡追緝沿山漫嶺卽深林密菁俱務嚴搜拿獲解審良民逃難者立刻釋放仍取搜尋無賊甘結毛翊長留軍前効力引路李大謀領兵一至卽馳赴營以便傳各處鄉兵聲息毋得怠忽各宜恪遵

千山奏稿

卷四

五

次白水阪上張撫臺

成龍蒙恩拔授黃守謀慮地方安危竭力軍需緩急心血匯盡此憲臺之所洞悉也無端爲劄煽惑陽邏夜半船賊擄掠驛馬變出意外府城空虛值陽邏驚後有兩座船晚停江千舉動叵測人心洶洶成龍身肩重任分兵布置靜以待動微倖無虞初一日已有白水永寧信息憂心如焚勉強辦事初三日黎明兩地請援理應申候憲命特慮稍遲數日則種類蔓延事有機會刻不容緩況無將無兵收拾鄉民猝何能集是以成龍當日激切叩稟卽同九人前

千山奏稿

卷四

五

往而弁兵十二人偕行星夜催督保甲無如人心渙散呼應不靈費盡心力而協兵適至當卽鼓勇進剿不料數日之內賊已養成氣候黃土坳一陣若非李千總衝鋒陷堅竟有不可言者也一戰取勝殺戮三分之一初十日抵白水阪鄉兵接應咸云什子若有賊無幾與千餘賊黨之報大不相符鄉兵領委搜山地方已稱無事成龍爲事後之慮周鐵爪竟無下落英霍麻埠之賊將歸何處是必匿遁密菁深岫爲將來害也且本地鮑世庸陳頓徽李公茂尚未見分曉成龍一府簿書承上接下咸爲要件再遲數日

則積委塵封欲仰回府則根株未絕死灰必至復然總之崇山峻嶺之中人易爲非四省交界之地性質窩惡伏惟憲裁俾餘黨悉除而府事不悞幸甚

張撫臺復書

永寧肅清具見偉略其白水畝一帶不佞已遣發党伊二叅將領兵前去此時定已抵山中矣但撫勦並用雖屬地方官愛百姓之心然賊情叵測方撫之後又爾陸梁似難禦以姑息施之惟年親翁斟酌時宜務將渠魁盡擒庶令南人不復再反方見綏靖之實

于山奏牘

卷四

三

著耳端人特布惟留神切切正發函間適接守道吳親翁申文其中情由幸卽備覆不一

次定慧寺報張撫臺

成龍於本月初八日同協鎮李千總羅把總馬步官兵帶領鄉兵與賊山腰對敵李千總領兵活擒賊首何士榮押解申報在案初九日至呂王城係麻城縣境初十日至白水畝羣賊解散無踪十一日報石壁萬野予作反羅山周鐵爪等英霍克黨羣聚又有廣西孫延齡奸細孫麻子在內十二日成龍同李千總至定慧寺地方扎營相機勦滅茲奉嚴飭合先回報

于山奏牘

卷四

三

移党伊二叅將

看得本月初八日黃岡縣永寧鄉黃土坳地方湖南長沙散偽劉叛逆何士榮領賊遍扎山頭天將黎明搖旗放砲李千總衝鋒陷陣射倒賊旗活擒賊首何士榮獲偽劄二段偽示一紙初九日早解赴守憲轉詳撫部院轅門發落訖本日入麻城境呂王城扎營初十日直抵賊穴白水畝羣賊潛匿無踪鄉兵四面搜山十一日早鄉民報石壁萬野予作反內有廣西孫延齡散偽劉叛逆孫麻子自號孫將軍羅山賊首周鐵爪卽周二黨羽并英霍亡命與黃土

劫殺散逃賊李公茂鮑世榮陳頌微等嘯聚石壁擾害良
善十二日本府同李千總統兵赴甌山河進剿駐紮定慧
寺地方十三日據麻城縣稟稱撫部院發兵十二三日可
到本府隨扎營定慧寺候移會堵截申報在案一面布置
把守各隘口鄭丹丁奇生熊公飛等守甌山河燕子崖一
帶汪公極張輝吉何升巷等守龜山口什子砦一帶田穀
伯毛翊長等守八疊山一帶劉君孚余公晉夏仲昆等守
百神廟一帶童貴卿陳益之等扎東義洲四面接應十四
日早據麻城縣稟稱貴府十二日至縣十三日辰時進兵
于山奏牘 卷四 五
本府即刻同李千總移營黃市地方扎營什子山下本日
途中准貴府大移偵探土賊情形賊巢在於何處回覆會
勦萬野予周鐵爪等聚眾倡亂乃其實情石壁是為賊巢
貴府大兵前進石壁賊必望風潰散由南奔竄有本府同
李千總羅把總堵殺惟東北一帶應麻城縣嚴勅鄉兵勿
使漏網復畱禍根如賊黨成羣負據山險宜令鄉民前導
官兵步兵為營勦賊貴其敏速進兵貴其慎重貴府自有
妙算相機審變無煩本府絮言也

申報張撫臺

本月十一日報石壁萬野予作反申報在案成龍同李千
總統等發兵前進十二日駐紮定慧寺訪確羅山周鐵爪黨
惡并英霍亡命又有口稱孫將軍者查係從廣西來騎一
大騾從中倡亂鮑世榮陳頌微李公茂俱逃合夥十三日
據麻城縣稟稱憲臺發兌參將伊參將統兵於十二三日
准到但官兵從麻城縣山路進剿尚屬寬敞徑抵萬野予
家賊必由龜峰八疊兩路奔逸成龍等應駐白水畝堵截
合就申報

于山奏牘

卷四

五

募擒賊首告示

示諭士民人等知悉有能擒獻孫麻子者賞銀五十兩如
有志功名或文武生員或貢監報撫部院 題請准給至
於鮑世榮陳頤徽已爲釜中之魚擒獲來獻遵前示給賞
逆產妻子李公茂陣前帶傷亟宜獻出倘有縱放恐不便
於沿路居停卽賊黨擒獻准宥前罪照常人一例行賞地
方人等不得阻攔爭奪

又示

爲嚴拿叛逆以絕根株以靖地方事照得鮑世榮陳頤徽

于山奏牘

卷四

壬

李公茂造逆縱惡脅良爲賊擾害地方民不安生與何士
榮孫麻子萬野予等結連作亂本府於本月初八日擒何
士榮於黃土坳伊叅府於本月十三日擒孫麻子萬野予
於石壁大慙已獲惟鮑世榮李公茂陳頤徽周鐵爪四兇
兇脫勢必匿於茂林深谷當此隆冬嚴寒夜必舉火定露
形迹日不再食則饑必有窩王供應糧食此四賊若不殲
除不惟無以消從前良善之憤氣且以留將來良善之禍
根況各區仗義人人與爲仇敵賊蓄憾在心亡命結聚夜
行竊盜禍所不免凡我士民久已忍胃饑寒勿憚辛苦滅

此朝食一勞永逸如有親故情面互相通隱殊不思衆怒
難犯事久必洩恐不能庇賊而反自受破家亡身之害也
合行曉諭嚴拿爲此示諭黃市白水販等處士民知悉示
後嚴加搜緝以除爾等後患如有窺見踪影力能擒獻者
賞銀十兩來報信者賞銀五兩卽親友進送藏匿翻然悔
悟爲事後之慮或擒或報一例給賞切勿養癰自貽伊感

于山奏牘

卷四

壬

擒獲衆逆報張撫臺

十六日早劉君孚著鮑文子報稱拿獲周鐵爪鮑世榮陳
頌報明在案卽刻于總李茂昇同麻城候選千總劉先
定武舉魯試羅田武舉張尚聖前往巡緝於十八日巳時
李千總等同生員朱愷劉青藜等護解周鐵爪鮑世榮并
大男鮑自性長男陳新陳頌徹等據稱周鐵爪係朱愷活
擒賞銀十兩鮑世榮父子陳頌徹係劉青藜活擒青藜身
帶棍傷其僕手被刃傷賞銀二十兩元克已獲地方復安
各處守隘鄉民當行曉諭放回斬水黃岡麻城隨營鄉兵

于山奏牘

卷四

无

十九日盡諭出山歸籍惟有李公茂未獲密計擒拿周鐵
爪鮑世榮陳頌徹鮑自性四犯交付李千總解赴守憲查
明轉解成龍於本月初二日擅離府治調集鄉兵身不解
衣食不下咽老病十分沉重於十九日扶病赴麻城縣會
伊党二叅將商議地方事宜至於脅從原係良民自應安
撫成龍已體憲慈曉諭槩不過問惟有鮑世榮陳頌徹萬
野予乃麻城居民自取滅亡不無被害親友扳誣良善一
切供詞筆札似應投之水火以彰天地之仁以安良善之
心黃麻此舉地方安危所繫憲臺妙算如神迅發大兵賊

首一鼓成擒羣鼠望風奔竄無有漏網憲臺威靈遐邇咸
懾匪類自此膽落封疆自此鞏固 朝廷之福生民之幸
也

張撫臺復書

前獲何士榮已經正法并具 題矣茲接來翰又獲
鮑世榮周鐵爪陳頌徹三賊首而麻令復報拿獲萬
孫二賊首從此山中可冀廓清矣但此番搜勦務盡
根株諸凡渠魁如孫調元史國柱等毋令遁逸其餘
脅從之衆果出無辜或可開其一面耳所拿賊首可

于山奏牘

卷四

四

卽解省正以憑具 題親翁荷戈援甲跋涉山中
賢勞頗爲繫念然以文吏而擅武略屢著奇功殊爲
欣快率此附復諸惟自愛不一

禁止擄掠告示

爲禁約事照得入山進勦原以爲民鄉勇協助乃爲義舉馬步官兵紀律森嚴夫何鄉兵縱肆鷄豚遍地血淋器皿一炬灰燼甚之擄及耕牛大千法紀合行禁約爲此示禁各堡統領士民鄉保人等知悉務嚴束各堡鄉兵勿擅離營盤驚擾地方至於棹椅成器之物一槩不許燒燬敢有故違定以軍法從事且班師回府其縱放鄉兵頭領論罪不敘功思之慎之

禁止株連告示

千山奏牘

卷四

聖

爲安撫良善事照得外省漏逆孫麻子周鐵爪潛匿東山勾連賊首何士榮鮑世榮陳頓徹等作亂擾害地方撫部院迅發標鎮官兵由縣進勦本府親率黃協營弁及各區鄉勇入山征討前後合擊內外夾攻生擒諸逆其餘黨惡誅捕殆盡藪澤已清禍根已絕從此山脈內外太平安樂其享

聖化高枕無憂目今鎮標官兵紀律嚴明分別善惡秋毫不犯爾等始知作善得福作惡得禍王法天理分毫不爽可爲殷鑒合行出示爲此示仰士民人等知悉自今日爲始

一槩株連牽引盡行禁絕各宜樂業安心寧爾室家修爾田園不循謹之子弟早加訓誡必無益之交遊早行屏絕消釋嫌疑和睦鄉里敢有借舊案挾制者告發立行重處懷私報復者訪出卽寘極刑爾地方鄉保區長卽行曉諭勒戒本府當分別獎勵以上報 朝廷洪恩下恤爾民困苦也

張撫臺來書

東山之役援甲爲勞何士榮既擒於前僞孫將軍復擒於後已經兩次具 題今俟周鐵爪等解至再當

千山奏牘

卷四

聖

彙疏 題敘但渠魁既獲則脅從者自當招撫俾其樂業惟李公懋孫調元未可令其漏網也省兵已經檄撤山中善後事宜凡不佞所未及者知親翁自能斟酌盡善耳前煩覓烏鎗幸爲速覓卽不能如數亦可總以速有爲荷遲則恐不及耳藥弩并畱神不盡

上張撫臺請乞休致

本月十九日李千總領官兵旋府解活擒賊首鮑世榮父子周鐵爪陳頌微四名赴守憲驗明轉解成龍卽於十九日至麻城縣會伊党二參將酌議地方事宜賊首咸擒東山復平劉青蔡劉君孚擒賊殺賊赴麻城屈令獻功伊党二參將塘報訖惟有李公茂在黃土坳陣前帶傷正在搜緝伊党二參將於二十二日班師成龍在麻病沉已詳守憲請乞休致伏懇憲恩垂念勞吏桑榆暮景二豎狂逞實難任事俯允 題請成龍生死感戴外弩弓樣式一張呈

于山奏牘

卷四

呈

驗有貢生鄒世美精曉弩製一并呈送又有黃安縣人伍家季來黃市招安周鐵爪時鐵爪已擒當卽發回據伍家季願招兵五十名成龍已行黃安縣批差護送伏乞牌仰黃安縣酌議徑送轅門但目前地方多事凡有護送務期先行曉諭經過地方庶不致真假混淆匪類藉以盡行百姓可以無驚矣

張撫臺復書

親翁此行東山渠魁次第就縛從此潢池小醜自當絕影惟李公茂吳煥能係調元須留心密緝毋留根

株再致萌發又所獲周鐵爪今審供係鄒少興乃鐵

爪之徒非真鐵爪也似當仍令伍家季招安或設計擒縛爲囑目今正急需鎗手伍家季願招兵五十名甚好祇須黃安縣給批徑送來省可耳所送弩弓各查收鄒明經俟到當卽見之以詢弩製至親翁清操若節綏靖地方種種勞績不佞知之甚深信之甚篤勿以昨者守道文內小嫌遂爲介介也幸勉之以慰綽切禱此不一

于山奏牘

卷四

呈

拿李公茂告示

爲嚴拿叛逆以靖禍根事照得大逆李公茂忘恩背義已撫復叛輒敢引領亡命於黃土坳與本府官兵鄉民對敵神人共憤兵民鼓勇殺退老賊抱頭鼠竄迄今日久未見地方鄉保綁送是必匪類潛通藏匿或親友難破情面遞相容隱殊不知逆賊作反脅制夏民痛入骨髓且扯旗放銃幾何曾有親友之情而反以恩報仇也又或愚民無知惟恐賊口仇扳故爾狐疑容隱本府與此老賊誓不共生爾士民各有身家性命何苦自陷窩藏叛逆大罪合行嚴拿爲此示諭東山士民知悉示到速將李公茂綁獻不惟無窩匿之罪且有擒賊之功從此地方除一禍根萬民咸受安靖之福何憚而不爲此也如再遲延本府訪確賊有應得之罪自作自受而窩匿之家一并究治夫何說之辭也事不宜遲亟早擒獻以勉後悔以靖禍根

于山奏牘

卷四

四

上張撫臺敘從征紳士功蹟

成龍於本月十九日至麻因李公茂未獲仰縣丞陳希堯齎示山中遍緝於二十七日活擒賊首李公茂網羅驢上行至破頭嶺老賊翻撞嶺石仍扶上驢至曹家河夜半氣絕合將賊屍解驗仰荷天威賊首無一漏網東山復靖屈令先練鄉民守隘繼請大兵勦滅復安撫脅從人心底定惟孫調元一賊確訪山中無此姓名除官兵鄉勇勦賊有功應黃麻兩縣詳報外有羅田武舉張尚聖在黃土坳與賊對敵袍袖中一鎗子勇敢爭先現今兵部催取候差似

于山奏牘

卷四

四

應留爲標聽用麻城候選千總劉先定武舉魯試同黃協李千總拿獲周鐵爪等武舉李大謀奉屈令委守隘口俱著功績且青年弓馬嫺熟均應候用以廣羅英才渠等隨屈令叩謁伏乞憲臺驗試齊安驛丞李德手執鐵棍膽略過人似非驛員所可淹沒貢生吳晉爵嫺於弓馬兼精鳥銃周維邵家養蒼頭善用鳥鎗鄒世美已考教職素習鳥銃兼曉弩製當今用武之時以網羅人才爲上智勇兼需若止以文字取人恐技勇之才未習詩書屈於制科不爲國用必爲寇資如羅田陳萬齡沉靜有勇似應拔識而

兎豈武夫可相繼爭售至於劉廣定肅命福老成持重
中素梅錮綽有智謀貢生龔相旦武生吳之郊歷著功績
程士極戴宗禮才德服衆黃安貢生彭詒武生葉芳蘭勤
勞王事查順治五年有遲部院已行往例懇憲勅貢麻兩
縣酌議舉行以勵後效程鎮邦相依入山扶病籌畫增老
堪憐黃岡縣家丁四名真旗下精甲有願謁憲轅諸生隨
屈令前赴乞霽顏獎勵外鳥鎗一事吳把總本月初一日
齋銀回府值成龍初二日進山未及料理茲奉憲諭先呈
送上號鳥鎗十杆又有陳縣丞二十桿其餘陸續解用成

千山奏牘

卷四

四

龍於二十九日離麻回府爲此具稟

張撫臺復書

接來翰知黃陂孝感之間復有餘孽萌動已密檄二
令隄防矣至東山告捷之功刻下卽當 題敘親翁
可卽赴省并有功士民劉青黎等亦帶同前來以憑
賞賚鼓舞順候不盡

敘功詳文

查得黃麻東山綿亘數百里與羅田蘄水接壤乃匪類
潛藏亡命通逃之藪逆賊何士榮來自湖南孫將軍來自
粵西假周鐵爪來自豫省攜帶偽札煽惑鄉愚逼脅良民
聚黨倡亂十月二十九日何士榮等反於黃岡之永寧鄉
十一月初一日李公茂陳顛徹鮑世鶴王子之等反於麻
城之白水畝兩處勾連一時鼎沸成龍初二日聞風飛報
憲臺請兵防禦蒙憲檄調黃協弁兵迅勦守憲駐守府城
成龍同千總李茂昇把總羅登雲吳之蘭齊安驛丞李德

千山奏牘

卷四

四

候選千總劉先定武舉張尚聖黃岡家丁四名領馬步官
兵前進值守憲諭黃岡知縣李經政督生員曹洪仁等鄉
勇齊集供應糧糈初八日與賊戰於黃土坎羣賊扎營西
山李千總一騎當先羅把總張武舉兩脇夾攻羣賊敗北
殺盈山谷活擒逆首何士榮獲偽札二張解報守憲轉報
在案初九日進攻麻城之白水畝羅田知縣王光鼎生員
蕭二至等領鄉兵五百餘名把守交界隘口蘄水知縣蔣
燦委生員何嗣然等領鄉兵二百名助戰鼠賊李公茂等
望風遠遁十一日聞孫將軍萬野予假周鐵爪反於麻城

之口壁李公茂等奔竄入夥勢更燎原嶺山峻嶺與白水
吸聲勢隔絕麻城知縣屈振奇因鄉勇守隘單弱危急請
兵崇憲迅發克伊二叅將星夜領兵救援十三日入山孫
將軍萬野予一戰生擒而李公茂等又復奔逸千總李茂
昇同武舉劉先定張尚聖魯試等擒獲假周鐵爪鮑世榮
鮑自性陳頓徹并李公茂王子之解報守憲轉報在案此
役也弁兵用命士民同仇皆賴憲威赫奕特委名將用兵
神速臬守二憲聽命調度王副將兵有紀律而同知佟世
俊黃岡知縣李經政麻城知縣屈振奇殫力除逆羅田知
于山奏讀 卷四 吳

縣王光鼎斬水知縣蔣燦資佐理若夫千總李茂昇把
總羅登雲百總涂魁凡杜保武舉張尚聖躬冒矢石齊安
驛丞李德候選千總劉先定魯試武生員劉青菰協力行
間貢士文武生員劉廣定彭詰李中素吳之鄒葉芳蘭程
鎮邦同心贊畫蕭命福龔相旦鄒世美鄭丹梅鈿李大謀
曹洪仁官純恭靖天德蕭二至何翩然陶之琇何繼魯等
各領鄉兵踰山越嶺苦歷風霜戮力用命其餘練長未便
細陳至於陣亡把總吳芝蘭爲 國死難忠義昭著有功
與帶傷兵丁不便備敘伏乞憲裁

張撫臺來書

始和布令五馬春生方深欣企頃見小抄親翁獲鮑
世榮等之功部議又加一級矣佳詞不獨爲辛劉遺
訓自當譜入朱鷺鏡歌以爲奏凱之先聲也附候不

一

于山奏讀

卷四

辛

嚴禁嚇詐告示

為曉諭事照得鮑世榮等倡亂本府深入黃市領兵勦滅已經獲解正法其餘脅從樂不追究惟有同惡叛黨恐留根株為爾鄉民禍端他日報復良善反受禍殃本府保全善類於十一月十九日離黃市時畱一密封硃帖計拿李公茂王子之等一十九名囑汪拱極收藏與丁企生田穀伯等密議行事此出於神人之公憤勢不容已嗣後李公茂王子之拿解正法能還先當場殺死彭三俊等六名拿解為兵李廣宇等投見歸農不料人心不良輒起貪殘藉干山秦續

卷四

至

端生事遍地嚇詐民不安生此豈是仁人長者之當為此豈是同鄉其井之忍為生死切齒反令本府為善不終召憾於鬼神歛怨於百姓茲當新正諸神下降清查人間善惡本府每夜泣禱如本府為利傷命刻剝鄉愚忍心屠戮株連無辜乞神速誅及其子孫但上自官長下至保練咸藉本府為名釀惡無窮是爾等之罪即本府之罪本府雖自反無愆其何能免爾等罪孽深重之累及令行曉諭為此示仰士民人等知悉見示之後亟行懺悔有搶擄婦女者速還婦女有搶擄牛隻者速還牛隻有嚇詐銀錢者速

還銀錢有逼索貨物者速還貨物尚可挽回神怒苟免凶若執迷不悟小之得病喪軀大之闔家遭瘟絕滅子孫不義之物仍被旁人爭奪惹得鬼哭神笑而本府亦不能逃其連累陰司罪案昭彰勿占一時便宜不聽本府之言三日內外定有報應速宜遵行各自懺悔不勝切禱

又示

為曉諭事照得永寧東鉉還和三鄉素稱守法良民無端何士榮結連釀禍雖有惡少遊手附和助逆而強半出之脅從黃土坳一牌率子弟以攻父母天地鬼神所共切齒因之義旗一指妖氛頓掃惡少遊手屍填山谷本府手刃四十八人以洩士民憤氣其餘脅從樂宥不究當獻囚梟首之場陳蕃若領回歸降脅從一十五人眾所耳目豈有班師凱旋復行追究往事之理至於王之仕稟稱脅從者逃匿斬水不敢投見緣是發票逐名招徠勸諭安插并無他意今票已銷又何疑忌若羅把總開報投見脅從備案存查各安家室無懷二心自今天氣陽和萬物發生農工將動生計倍殷其從賊倖免者亟去邪心看何士榮榜樣豈不寒心各理本業休言領以保寧

干山秦續

卷四

至

西藏倘再失足後悔何及爾鄉保士民人等切勿圖利恐嚇致此輩容身無地本府倘有風聞定拿重處合行曉諭爲此示諭士民人等知悉自示之後各宜遵行毋違

于山奏續

卷四

聖

黃協弁兵爭功看語

看得用兵之法在乎主將命營弁出師簡授得人而士卒爭先効命未有弁不得人而兵爭効命亦未有兵不効命而弁克成功者也黃土坳之戰把總吳芝蘭臨陣死難回詳守憲請蔭恤在案千總李茂昇一騎當先胸中賊銳綿甲透孔可驗馬帶銃傷倒斃步戰殺賊躡山越嶺兵氣倍奮活擒賊首何士榮把總羅登雲武舉張尚聖兩勝夾攻甘肅獻何賊之禾帽腰刀功績可嘉而實李千總之義勇膽略有以倡之也據甘勝訴稱李千總高賊要解活功否

于山奏續

卷四

聖

則更斬蟻首則李千總之殺賊入營同士卒鏖戰且擒滅有餘力號令有餘威歷歷如睹大約兵非將無以鼓厥勇將非兵無以成厥功則甘勝奪功之訴無容深究也此役也弁兵同心戮力咸有功勞可紀皆貴將仰體撫部院慎重封疆至意簡用營弁得人健丁素蓄銳氣守備朱定催兵進山迅速一戰滅賊地方賴以寧謐生民賴以保全至於百總冷魁凡眉角中一銃耳邊中一銃兵士可先肩勝中一銃穿透尚未全愈其餘兵丁馬匹帶傷者甚多不及細開若夫殺賊山谷無數擒賊獻功兵民四十八人難以

悉備本府當賞銀五十兩以酬同仇之義茲准移查令并
移明詳報

于山奏牘

卷四

五

東山平定勒石銘

在黃市龍潭冲什
子寨路口大石上

龜山以平龍潭以清既耕既織東方永寧

康熙十有三年十一月十九日黃州太守汾陽于成龍勒
石門下士麻城李中素書丹

復張撫臺

軍務殷繁憲臺勤勞日昃不遑成龍坐享安逸愧悚殊甚
黃安招撫一案催縣妥詳於初四日方賁文到府正據詳
通報間值憲恩浩蕩軫念投誠家口發銀二百兩當時敘
入詳內譚以從等安插縣關成龍發銀四十餘兩為餉口
之資頗稱得所而黃翠林等一百餘名又垂涕乞降救命
情實悽慘拒之不忍今端委驛官李德賡銀前往黃安買
米賑濟以從等家口此官財利分明決無侵冒之弊并諭
縣安置黃翠林等以仰副憲慈餘容再報不盡

于山奏牘

卷四

五

張撫臺來書

黃安一案俟詳到當為題敘其譚以從等曾為安
插得所否今發去銀二百兩親翁可即為買米酌賑
毋令流離失所知定能處置得宜也貉皮餘鐵刻下
需用今特發船來裝并此附及不一

又來書

黃安一案見在具題其譚以從黃翠林等已於疏
內題明安插楚省昨准制臺咨有仍令河南差官
領回之說恐非其赴楚投誠之初念似應聽從其便

庶令反側子自安已有字致制臺矣親翁可確詢諒
以從等再爲通詳可也南康之警黃梅防禦宜用王
親翁往靳知親翁必有綢繆之商酌也肅勒不一
又書

黃安一案先據縣詳已批親翁處查議幸敘安詳當
具題也飢民無告最爲可憫總屬朝廷赤子何
分楚豫幸親翁卽爲安插得所或於十二年積穀內
動支賑濟卽當於疏稿內題明可耳周鐵爪作何
勦除并煩留意五馬爲所屬領袖親翁加意整刷定
予山奏牘 卷四 五
有可觀其各屬地方苦情不佞已銘之座右矣附復
不一

復張撫臺論設水師議

用兵之道審時度勢陸路以騎兵勝水路以舟師勝自湖
南失陷長江之險賊視耽耽相其機宜設立水師誠爲要
務荊州重地武昌省會水師二營題請設立可謂無遺
策矣惟蘄黃一帶上接荊鄂下扼潯吳爲全楚門戶水師
不可不亟爲之議然增設水師必廣招募而募一兵必增
一兵之費當國用匱乏何敢議增查道士汛一營處黃
州之下流踞蘄州之上游現設兵三百名原稱水塘或可
易爲水師似不必增兵止易其名習其技便壯南北之雄

予山奏牘

卷四

五

圖也如云兵寡難成營制或將蘄州已裁兵一百二十名
補入道士汛共兵四百二十名統以名將聯荊鄂而制潯
吳思患預防審時度勢之長策誠有如黃協鎮改設水師
之議允合機宜第議水師必議舟楫若復新造工費浩繁
便難舉行或將岳州新裁水師營大船議發十隻儘可足
用再查道士汛原設防江小船以濟之大小兼資聲勢自
赫守禦自固茲奉查議合悉心籌畫伏候憲裁

上張撫臺論蕪黃守禦

前九江湖口情形乃蕪營千總等員塘報十三日晚投之王協鎮請成龍會議通報速發都千總帶兵一百名駐扎蕪州北關前哨偵探成龍於十四日賞書差役前往九江府知會逆賊實跡救援機宜俟役回另報第黃梅與九江密邇蕪州既與黃叅將密議竟不申報是視地方大事爲戲局乞憲嚴飭十四日成龍據協移復行詳報請守憲并江防同知未蒙憲示十五日奉憲牌備船二十隻成龍自遵行但民船備用終非永久之計成龍欲備價公買爲緩

于山奏牘

卷四

堯

急之需特苦貧乏不能濟事且古有水師似宜倣而行之黃叅將已經裁缺赴部改選王協鎮自應速往蕪州整練兵馬黃梅空虛亦應特委專員領兵協守城池以壯聲勢廣濟無城恐人心驚恐弁兵均應駐防今日事勢以蕪州爲重鎮以黃梅爲藩垣龍坪武穴正用兵扼要之地布置須周密事屬萬緊統候憲裁謹獻地里圖一紙祈察收程鎮邦已至正資助理爲此具稟

張撫臺復書

接來翰湖口被陷在楚黃事勢以蕪州爲重鎮黃梅

爲藩垣廣濟添設駐防龍坪武穴須布置周密數言已得其要矣吳守道佟趙二同知業已起身往蕪黃協亦應帶兵五百名駐蕪或於麻羅二守備之中速調一員駐黃梅再於龍坪武穴廣濟三處分防聯絡以固疆圉總之江上之賊叛將土寇烏合之衆原非勁敵況楚有九江爲屏翰既不可過爲張皇致民惶懼又不可不預爲防禦致小寇燎原惟親翁斟酌情形與道協商定以鎮靜爲安內之功以周密爲攘外之策而已江汎無船豈能控扼不佞已具題造船

于山奏牘

卷四

李

尚未准有部咨備價公買之說最爲妥協但應需船若干可速相聞以便酌量爲計九江守有回音幸即馬上相聞其蕪州黃梅不申報情由已另檄中飭矣附復不一

上張撫臺論九江事宜

本月二十三日已具前稟適值黃梅報到合將報內情形上呈憲鑒據黃梅縣報稱最苦者地處衝煩本月初五日至初七日江撫經過奉驛道連次差人查馬又本月十五日有正黃正白旗都統木殷二位領八旗麥蘭大下兵五十人至停前十六日至縣下營又有李總統兵隨後就到又傳四王爺領兵就過應接不止一次供億不止一處無名之費實難應手憂重傷心形影自弔惟憲如父母故敢略言之又本月初二日湖口縣被楊賊入城江西發兵

于山奏牘

卷四

全

丁名於初十日到九江府梅城之南九十里至清江鎮與九江連界東南八十里到斷腰與湖口連界去界三十里即湖口縣城是以人心驚駭逃避不前所恃者大江之隔得以自存卑職孤城舉首莫策幸數日賊勢稍平人心略定但事屬隔省無塘報可據未敢聞之上憲恐發兵防駐則隔境保寧尚未及除而此地之室廬先毀人民先逃再無殘黎何以成邑等情成龍看得禁旅南下逆賊自然聞風竄伏目前正可從容綢繆黃梅爲武黃下游門戶今據該縣稟稱恐發兵駐防則城內之廬舍人民難保萬全

爲慮誠切細閱形勢湖口與斷腰近清江鎮與九江近莫若發兵駐札清江鎮守與九江聲勢相連可以大壯兵氣湖口雖安慶不遠或移安徽撫憲亟發精兵駐防則三面鼎峙彼此相倚可保無虞至於清江鎮似應築兩土垣兵居其一民居其一庶兵民不致混雜統候憲裁

張撫臺復書

前見來翰具悉碩畫清江鎮自應設防與九江共壯犄角之勢安徽亦應發兵駐宿松等處三面鼎峙先已咨移江西督院及安徽矣清江應否築垣兵民分

于山奏牘

卷四

全

處此在親翁就近與道協商行此時既當令兵不擾民尤當恤民量力務期斟酌情形各得其當而已又來翰所云水陸形勝不佞政復同心此不獨漆室之隱憂亦桑戶之預計也今九江已經勒部堂疏請添設提督而河南亦復增設提督容再咨商豫撫於汝寧光固之間或得一援勦總鎮移駐則更壯聲援耳刻下省會召募鳥鎗手幸親翁留神速募其新撫譚以從等可有能充此役之人否孫賊之信政恐未確并附復不盡

上張撫臺論兵事

守憲十七日臨黃十八日有南康之報聞郁千總領兵赴
梅成龍深切心腹之憂請命守憲立刻發兵當日給散兵
糧借支黃梅草銀二百兩營兵方東裝而憲命適至船隻
不足李知縣帶家丁夜渡樊口十九日天明船集大小共
四十隻大船給銀三錢小船給銀一錢五分文武臨江醴
酒誓師頗有投石超距之勢又聞郁千總往蕪無復可慮
守憲優禮相待較前迥若霄壤一應事宜守憲協鎮為政
成龍與中軍料理府事如有緊要機會亦不敢坐視緘默

于山奏稿

卷四

奎

六安州麻埠地方土寇倡亂與麻城東山為鄰羅山解散
餘黨無人安插三五成羣由麻城潛入東山六安之界利
在守隘羅山之黨利在驅逐聞風已報守憲仰候布置羅
田麻城文武不睦麻城文弱武強羅田武弱文強事處兩
難調停無術九江江守書到馳報船隻目前買備尚無定
局統冀憲鑒

張撫臺復書

守道赴黃聞相待甚好殊慰懷抱麻羅文武未和容
另申飭當此多事之時惟藉同寅協恭方能撫輯百

姓詎當有參商之見也羅山解散之黨極宜安插得
所須有致親翁札已備悉之矣九江已經勒部堂疏
題奉

旨添設提督即於在荆之雲貴二提督遴一員赴任不
日即可抵汛從此蕪黃添一保障或可無虞耳尚復
不一

于山奏稿

卷四

海

中張撫臺請增防兵議

爲請別營汛崇兵力以資守禦以固封疆事竊照黃州地方家鄉水陸兼防原設協鎮副將一員額兵八百六十名分汛黃岡黃陂麻城黃安蘄水羅田六縣昇平之日尤虞地廣兵寡盜賊竊發自滇黔告變地方多事麻城羅田已新設守備各一員募兵各三百名無庸協兵防守查千總羅登雲領兵五十名防守石人嘴把總賈思玉領兵五十名防守黃陂千總郁某領兵一百名防守陽邏府城止畱六百六十名各塘汛分防不足議撥羅田兵五十名防守

于山奏牘

卷四

奎

石人嘴撤兵回協分守各塘目前江右寧州告警大冶興國有震鄰之恐黃州沿江倍宜慎加巡防麻羅營兵不時聽候調遣茲聞督部院撥麻城營兵五十名駐防陽店但大冶興國與黃州一江相隔處處需兵防守以黃協一千四百之兵尚恐不足分防尤望蘄州畱將協力若調麻邑之兵前往楊店則兵勢愈分防汛愈疎況楊店係德安地方尚屬內地或德營撥兵五十名亦可以資彈壓也成龍本屬文職不宜越位譚兵但文武同城安危與其凡有關於地方者未敢坐視不言統冀憲裁

張撫臺復書

貴恙想已全安矣茲奉

王諭探信之人具稟黃州山內有吳友教者通連南逆竟有蠢動之舉但友教曩經親翁稟報久已通行查拿至今未據報獲近果作何景狀幸即多方密探確訪的音若有踪跡迅爲密報以便遣發兵捕撲滅此獠以安內地可也至於黃協實在兵單不敷彈壓汛守親翁作何調劑或應請題撥回防通官兵少加佈置祈卽慨切具詳以憑據以核題也臨楮拳切

于山奏牘

卷四

奎

報張撫臺獲陽邏偽劄

十月二十七日晚據陽邏生員楊瓊枝陶大定出首遊擊偽印劄綾一段守備偽印劄紙一張同黃岡縣知縣李經政至衙密繳二生冒雨星夜來黃實屬忠誠當賞銀二十兩其送劄陳遇之子陳鼎業卽刻會同朱守備委吳把總前擒已將偽劄二張呈驗守憲轉繳合就報明祈卽會同各上憲以備巨測緣係機密事宜恐有洩漏不便關移

張撫臺來書

陽邏方報出首散劄之人今忽聞陽邏驛馬三十匹

山泰牘

卷四

在

盡被賊劫不知去向驛道竟無隻字報聞頃來見面詢始知而地方官并未申報何耶親翁卽速挨程密訪要知此馬係何處賊寇所劫今劫往何處務得下落至陽邏內地而逆賊猖狂應作何佈置併煩留神速爲料理并卽見復願切願切

又復書

兩接來翰蒿目時艱籌畫防禦同心之言已識懷抱但方此多事之時要當以綱繆禦外侮尤在以鎮靜安人心斯爲兩得之耳孫調元幸卽密訪毋令兎脫

此賊就擒則內地稍可安靜陳鼎業亦煩追蹤速獲其王方遠等已令其迅回黃州聽驅策矣麻埠之警更望留神餘俱具悉不一

山泰牘

卷四

在

招安六安州麻埠告示

爲勸諭事照得歲比不登小民失業者衆困於衣食往往相聚爲非原其初念豈便甘心作賊不過計窮無聊希延旦夕耳朝廷知爾民此苦故投誠歸命者概從寬宥分別獎賞各省督撫久悉此情故倡亂脅從者先事招徠不忽遠勸本府仰體上意俯察下情疾首痛心無非欲保爾民之身命洗爾等之惡名區區此誠天日可鑒前者蒲圻不守言者遂指爲從逆大將軍震怒將加剪滅本府單騎入城招徠底定至今安土樂業得免誅戮次值麻邑東山

千山奏稿

卷四

充

告變主勦之言一日數至本府親加撫綏各憲賞資優隆今茲家室豐登盡爲樂土近者羅山賊首隔省來歸本府不以越郡爲嫌督撫不以鄰省岐視迅發銀布衣食移咨豫撫及所在官司赦其罪愆護其田里彰彰耳目共見共聞此寧本府別有異術不過仰仗朝廷寬大與各憲慈恩處置得宜能服其心耳今聞爾麻埠地方亦有亂信風聞不的虛實未分事屬南州在本府可以膜視但念爾等同處天壤之間誰非朝廷赤子或爲勢豪所迫或爲饑寒所驅或輕信亡命之徒假造偽劄轉相煽誘以致二三

無賴謂隙隙可乘富貴可望甚至謂大兵精銳進討湖南

江西可以乘間陸梁不知挾持偽劄之人卽係近省犯罪潛逃者計無復之故假此入夥若此輩果係滇黔親信則彼必雷爲自用安肯遠奔數千里之外其人若果有才能亦必自戀富貴又安肯出萬死一生以試虎口卽爾等偏信不疑亦須審度時勢試看湖南江西相持一載彼曾進尺寸否自救不暇焉能救人目今滿兵一萬新駐九江而四王爺李總統大軍不下數萬正從信陽過師分駐廬鳳江州等處倘聞爾等竊發遣一旅之師關會江西湖廣

千山奏稿

卷四

充

河南江南四省與爾連界郡縣會兵進勦爾等求撫不得欲逃不能滇黔之遠水不救近火本地之親鄰盡爲敵國黠者背約先逃愚者束手待斃眼前之妻子盡屬他人祖遺之田產盡爲官物仇讐快意親戚悲傷垂及子孫尚爲笑柄爾時求本府今日一紙書安可得耶如謂本府不出實心徒以大言相恐不妨廣爲偵探商之老成以決從違益奸亂喜事之人常以訛言哄動爾等不察事勢轉相傳布認假爲真至敗方知悔已何及往年爾等地方亦曾有亂彼時首事者尚有膽識結遠者尚有數郡控弦者尚有

萬人曾幾何時灰飛烟滅父老尚能言之爾等當亦目擊
則其效亦可睹矣合行出示爲此示仰麻埠士民人等知
悉或有難白之隱情切膚之痛楚以及饑寒科役仇傾勢
族種種苦情不妨徑赴本府投訴本府一面移會爾府官
司善爲安插一面飛詳本省撫憲轉咨爾省撫憲求其寬
宥賑濟一如羅山等處事宜決不食言其有才力過人志
懷報効者本府定保舉 題敘以憑錄用立賜顯榮必不
以傾心向化之誠置之空言無用之地此本府一片婆心
故不避越俎之嫌諄諄勸勉如慮本府地方區堡嚴密不
于山奏牘

卷四

七

與吳道臺論東征方略
威龍自前月二十七夜星馳賁送偽劄後二十八日晚賊
突然至陽邏不知何來飄然而逝不知何往十一月初一
日忽報黃岡永寧鄉有警界連麻城東山恐陽邏之賊必
然入夥則聲勢益張九江有重兵黃梅無事蘄州賴憲臺
駐鎮威德宣布當自萬全止須留兵百餘以資協守府城
空虛祈會商王協鎮回師與威龍密議布置更祈密授方
略初一日已有稟報撫憲轅門專懇協鎮旋師用藉彈壓
調度再懇憲臺迅賜臨黃封疆倚賴東南安危在此一舉
于山奏牘

卷四

七

敢徑通當令二三老成隨傳示人前來先爲照會倘執迷
不悟則本府與爾輩相隔數百里風馬牛不及利害俱非
所關亦坐視爾等之噬臍而已思之慮之以毋負遠念至
意

成龍惟據命入山躬彰捷伐亦可舒憲臺內顧之憂也可
勝拳切之至

張撫臺來書

援勦營鎗手向曾煩召募今一千之數未能得半目
今兵王進勦期速難以再遲茲特分頭各募幸於
所屬州縣中卽速多方善募以應急用但萬不可使
州縣奉行不善派及里下致滋公僱擾民耳

又書

程鎮邦至接來翰所云地方諸事反風滅火驅虎渡
河此正前賢已行之效我輩要當反躬修省以禳之
耳勉之勉之又近因在省標營鎗手調赴荊州所用

于山奏牘

卷四

七

烏鎗盡多帶去今新召補伍之兵需鎗應用一時難
以猝就煩親翁卽爲覓買百十桿付至爲荷其價幾
何開來卽當付去不一

于山奏牘卷之四 終

于山奏牘卷之五

晉西河于成龍北溟父著

慰蔡制臺丁艱

成龍驚駭下吏幸逢知遇殊恩感報無地憾滇黔大逆無
端倡亂禍延湖湘扼拒敵寇惟荊州是賴憲臺運籌帷幄
調兵請餉焦心勞思天下繫望 朝廷倚重值太師相騎
箕上升增憲臺之痛傷成龍沐恩微員用是悼絕禮宜躬
赴叩奠泣血伸懷奈地方多事軍務繁劇拮据不遑方寸
抑鬱謹率僚屬踴躍陳誅辭薄獻椒漿望風灑淚弔太師相

于山奏牘

卷五

一

在天之靈復望憲臺體師相平時爲 國爲民之心勉強
抑情暫寬憂慘報 朝廷以慰師相 國家幸甚寮屬幸
甚

候蔡制臺

成龍命薄才疎幸蒙知遇格外之榮三生之幸自蒲圻叩
辭遍歷艱辛浮橋遭變委撫山寇竭蹶從事約束就繩彈
力軍需心血嘔盡匏繫齊安遙望南岳魂魄遠馳憲臺爲
朝廷荷南北重任游內仰望風采成龍下吏咸沐宏蔭
茲家丁牛自成領解槽鋪什物肅獻小稟俯候台安

上蔡制臺用兵方畧

成龍受知遇之恩雖竭犬馬之力無以報稱於萬一然年邁氣衰力不勝任况當軍興旁午之時猶非太平腐儒可坐理也伏乞憲臺垂念數月奔走恩全離任成龍得與十四年棚剿之老母妻子再相聚會闔家焚頂無既時事孔棘憲臺膺封疆重任宜亟爲朝廷計安危也用兵之法察天時審地利有守有戰有攻有奇有正有緩有急知己知彼以逸待勞攻其無備出其不意之數者不可不審也今天下之大勢在荊州據長江之險賊不能憑空飛渡

于山奏牘

卷五

相持數月金風一起川湖之賊必兩路爭渡彼利在戰我利在守以逸待勞賊氣自奪若我兵先賊而渡江未爲勝策我欲渡彼必備安能保其萬全倘或賊有狡謀陽示之以弱而伏勁兵于澧常間我兵不揣虛實踴躍爭先入其穀中則危甚在我無必勝之勢而進退失策此知已知彼渡江之戰在所當緩者也岳州對壘勢足相當水陸更宜增兵以守爲戰勝負難決然曠日持久將若之何目前陽平已復蜀無可據勿拘六月不與師之例乘勝而入進可以戰退可以守蜀中空虛鄭蛟麟老懦其餘浮夸之輩無

智勇之將先之以撫繼之以戰蜀可傳檄而定大兵直抵遵義而黔省震驚三桂必退守貴陽然後荆兵渡江以尾其後必勝之局此奇兵在所當急而出其不意攻其無備者也至於武昌受病在通城小路須委老成將官鎮守勿騷擾民間收拾人心將平江一帶土寇撫而用之探長沙之虛實藉鄉民爲引導而長沙可襲取矣然後請偏院坐鎮乘便招撫衡辰寶永亦足以奪賊人之膽而壯我軍之氣矣

于山奏牘

卷五

上蔡制臺南征方畧

四月內聞憲駕渡江南征兵威振厲成龍不勝雀躍用兵三年見此義舉然以江湖水漲暫旋天戈此誠審酌乎天時地利識兵家進退之機成龍儒生也未請軍旅之事第以素所見聞上瀆憲聰兵家之要有戰有攻有守今日長江之險古稱天限南北者也守爲長策然非徒守之而已須訓練士卒常有必戰必攻之勢若止使之把守要隘何異乎逍遙河上也訓練之法非止騎射鎗銃之末務五人爲伍十人爲什自管隊至百總把總千總守備上下相

干山奏牘

卷五

四

統休戚相關將知士意士識將心如身之有臂臂之有指呼吸貫通一旦臨陣盡視旗幟夜聽聲音可聚可散仍可散可聚而終不可亂兩軍對壘如手足之捍頭目子弟之衛父兄是訓練之要圖此議涉於迂濶而實非迂濶也守備親乎千總千總親乎把總把總親乎百總百總親乎管隊管隊親乎士卒士卒雖衆然由管隊層壘而上則頭領漸約風雨晦明同其甘苦鋒鏑死亡共其患難古大將吮疽投膠用斯道也水師營亦然但水戰之法久缺不講似宜大小船隻相間以便利爲上計總之兵不在多關夫子

用刀斧手三百岳武穆用步兵五百以少禦多誠得乎兵

心而已將將之法亦無異是目目前國用匱乏最爲喫緊

則屯種當議舉行荊州用武之地必有荒蕪之田以守兵

輪流耕種如臨江一帶九十月水退種以大麥至三四月

水漲之時即可收割其餘高阜之處種以粟穀不比水田

多費人工勿先計收穫多寡實意行之自有功效亦可助

朝廷些須之費而亦不曠乎兵務當此主憂臣辱之

時憲臺爲封疆大吏責任綦重拔武夫於行伍之中寄以

干城腹心之任古人有行之者至於通徹占候曉暢謀畧

干山奏牘

卷五

五

用兵已久草莽料不乏人虛心延訪使食使詐此又運籌帷幄之要着也成龍邇來老病纏綿憂時心切不克躬親叩謁恭陳芻言未知頗合時宜否

賀蔡制臺

成龍樗櫟匪材久辱知遇章服加榮格外殊恩圖報銘刻
值洞庭之么魔煩元老之憲駕鼠賊已無固志蕩平定在
指顧長沙一隅衝寶咽喉密邇江右一經會勦南方震驚
勢成破竹憲臺神謀妙算自有方畧成龍何敢置喙也茲
當泰階之平正憲臺萬福聯臻之會成龍特沐弘庥私切
慶賀敬効椒花之頌仰祝
聖化之調以慶膚功以賀太平

千山奏牘

卷五

六

上蔡制臺乞歸守制

成龍謏劣庸材荷恩提拔感戴終身茲有下情泣血上陳
念成龍父兄先逝上無叔伯終鮮兄弟筑筑一身奉侍慈
幃希冀升斗以祿養親不料任粵任蜀遠隔天涯及佐黃
郡又苦卑濕不敢迎養身羈一官心懸白雲十六年烏鳥
之私未嘗刻忘此成龍十三年有終養之請嗣屢乞休賔
爲高堂母老中懷隱憂不得不爲之乞憐也茲忽焉永訣
母北子南訃音馳至肝腸慘裂魂魄黯銷痛成龍母老不
能養母死不能殮號天搶地欲見無由追悔無及目前柩

千山奏牘

卷五

七

停中堂亡靈無依倚門倚閭之望死後更切于生前成龍
他鄉孤哀腐心疾首淚已血凝形已骨立惟奔喪營葬觸
棺躡踊少釋終天之恨此成龍痛哭呼號而不得不爲之
乞憐也荷憲臺格外之恩重踰山岳而慈母罔極之德痛
切心膈伏乞憲臺垂念他鄉孤哀母死無治喪之子施浩
蕩之仁恩廣萬代之陰陽俯允歸葬亡靈有知叩感地下
成龍倘邀餘生焚香禱祝卽與母俱逝啣環結草永大世
世矣爲此泣血悲慟待命之至

復蔡制臺

成龍仰荷恩庇待罪黃都雖日辰靡寧恒多饑饉之懼屢乞告休未蒙允達心神俱瘁茲承眷切成龍感佩無地木板一事今歲漕糧恐北運有期自凜遵憲命臨稟局勝惶悚待命之至

復蔡制臺

成龍自康熙十二年叩謁憲堦蒙褒諭之寵章服之錫恩逾格外誠千載一時也十三年代覲復任值南寇蠢動湖北震驚地方多事軍務繁劇未能趨謁罪戾殊甚自鄂至

于山奏牘

卷五

八

黃終歲靡寧成龍心血已枯筋力盡竭龍鍾堪憐通詳乞休未荷恩允強勉從事每多疎漏至於羅田文武互訐關係地方成龍何敢一刻放懷此事急則彼此相激緩則意氣自平况均係貴族子弟忿爭之日少親愛之日多茲屢奉憲檄不敢久稽謹將大畧申覆伏乞憲鑒

蔡制臺復書

前者山莽竊發門下躬親戎馬殲渠撫脅克奏膚功聞之欣躍文治武烈當今並亟可爲推轂預期矣稽惟親賑民沾實惠以此爲祝更勝封人也草復不盡

上蔡制臺

爲酌留營將以資防守以靖封疆事竊照黃州西接武昌漢陽東連九江安慶長江一帶亘綿數百里上以鍵荆岳之門戶下以搯潯吳之咽喉實屬要害之區當承平之日黃州原設副將一員額兵六百六十名分汛黃岡黃陂麻城黃安蘄水羅田六縣蘄州原設叅將一員額兵四百五十名分汛蘄州廣濟黃梅三州縣而黃協所轄地廣兵少常有鞭長不及之虞康熙十三年滇黔告變人心叵測麻城羅田素爲盜藪憲臺慮周萬全題請黃協添設守備

于山奏牘

卷五

九

二員分防麻羅各召兵三百名因蘄州勢踞江干密邇黃州議裁叅將一缺留兵三百守備管理而統轄於黃協彼時江右無驚議設議裁緩急適宜嗣豫章用兵憲臺審時度勢請復蘄州叅將一缺兩牘補陳無非爲朝廷封疆起見部議相左蓋以九江有提督坐鎮而江右已漸次蕩平也然今日之憂又不在水路而在陸路聞江右寧州告警與武昌之大冶與國接壤不無震隣之恐查大冶從小河出黃石港直抵大江在黃州之下蘄州之上與國從富池口直入大江在蘄州之下廣濟之上雖賊寇不敢猝犯

但恐大冶與國受敵而沿江一帶須處處隄防以一協鎮遙制九屬之水陸瞻顧後不無可慮莫若暫留雅恭將坐鎮蘄州仍分汛蘄州廣濟黃梅而對江之興國等處亦得專謀隄防黃蘄協力聲勢相援兵威自壯防禦自密不惟黃州鞏固無憂卽武昌之屬邑亦可恃以無恐伏乞憲臺爲封疆謀萬全因時制宜暫留營將輔車相依以成不可搖動之勢如欲必裁或俟事平可議

蔡制臺復書

接來稟知災民賑拯之議有裨今日急務所當具詳

千山奏牘

卷五

十

見門下留心民瘼保安地方至意當卽斟酌更改移行撫軍司道府力爲舉行期臻實效至蘄黃一帶去荆頗遠聞見不易尙有次第應行事宜不妨條晰備陳總冀民安盜息疆土寧謐卽是無窮之福軍旅病勞交迫率此復聞并以誌門下直言無隱雅懷也

與兩粵全制臺書

成龍才劣數奇寒仕粵西蠻烟瘴雨孤身七載幸蒙知遇千載一時榮膺計典格外提拔迄今回想叩別瑤堦叮嚀勿變操守不覺痛切肝腸及赴蜀任荒涼情狀滿目淒愴踏勘楠木踰山入箐奔馳百日轉躡黃丞雖屬冷曹而遏處盜藪驅除撫輯倍費心力刑名繁劇日昃不遑兼理黃漢捕務苦肩重任又兩值代覲奔走雨雪又經五載蒙蔡督臺拔識特賜章服仍膺異數告誡勿變操守一如憲命成龍不覺痛切心腸無端演黔起禍南服不靖成龍覲畢

千山奏牘

卷五

十一

星赴軍前代理武昌事務適量移建寧守張撫臺留任鄂郡因浮橋一案參黜值麻城土寇生發委任撫勦題授黃州守一切軍需躬親料理神疲力竭南賊潛入黃地煽惑肆逆領兵進勦焦心勞思鬚髮盡白事平乞休屢詳未允勉力供職以報兩臺今日之知遇卽以報憲臺當日之知遇也更瀆陳者目今西南鼎沸而東粵一省隔斷滇閩之聲援天下安危所繫憲臺一力保全眞所謂朝廷封疆大臣矣自豫章告變粵東孤立一方四面受敵竊甚憂之幸江右蕩平則東粵軍威倍壯頃閱邸報西粵撫軍克復

梧郡須善守之平樂離高水險不便進兵宜密訪別路出
永州一帶可以直抵桂林舊右江黃守適素蓄膽畧陷入
賊中必有歸意倘得內應孫孺子不足謀也舊線將軍未
卜存亡此老若在可與黃協力至於馬雄成龍料必附賊
羅城溫守備久在標下習知馬營虛實倘起兵柳羅間襲
取慶遠徭獍聞風響應是亦搖動彼地之一策也惟恐細
作難得其人耳成龍治斬黃頗稱寧謐荆岳相拒邇來鄖
襄多事亦已合兵會勦江右寧州失守不過土寇作祟無
有大患秦中賊勢畧已斂跡天下事全賴憲臺諸大臣盡
心區畫兵不可輕動機不可輕失相度時勢戰守自有機
宜成龍愚瞽下吏沐恩高厚夢寐難忘茲因便羽特將成
龍前後艱苦備陳兼述時事以表鄙忱臨啓不盡瞻切

千山奏牘

卷五

三

上勒部堂書

成龍材識疎庸蒙恩眷顧拔之泥塗之內寵以章服之榮
天地覆載父母生成此生此世何以忘懷忽聞衮衣北歸
雖廟堂資啓沃之助而九設之悲信宿之私烏能已已
惟願贊畫鴻猷底于磐石蒼生倚賴頌實無疆成龍年邁
力衰勢若朝露泰山北斗未必獲瞻仰於今生千載知遇
之感當與天壤無盡也敬陳羔裘之獻聊充禦寒之需雖
未足服御於憲體祇以肅寒酸之下情伏乞俯鑒更有瀆
者成龍邇來心火炎燥百病俱生由憂思太過血氣枯槁
事愈集則心彌燥心彌燥則病愈篤黃州重地豈老病所
能臥治特因撫憲恩深義重不敢云瘁不忍告休仰祈憲
恩金言九轉代達撫憲俯容休致庶知已之拔識曠絕千
古不至覆餗於末路貽羞士大夫也緣值駕別黯然不覺
感觸已私痛哭陳情統乞汪鑒臨啓悚息

千山奏牘

卷五

三

初至黃郡與友人書

天下有極苦之地居之久而不爲苦者羅城合州是也天下有不苦之地入其境而卽爲苦者黃州是也羅城爲蠻烟瘴雨之鄉其苦古今人共知之然久之而茅屋頽垣布衣蔬食裸體跣足長歌痛哭習以爲常彼其心不在此也在于欲全生歸家而已又久之而時和年豐盜息民安官民親睦在下易於見德在上易於見功日用之需費有限而一於儉上司禮節不行無所憎惡迨至合州人烟絕滅水陸衝煩苦矣其僕也挑水運柴其主也讀書飲酒民間

千山奏牘

卷五

古

供應盡裁上司誅求亦寬往來仕客聞風而嘆惜以去夫役因之無擾在上則曰清操穀敏又曰刻苦矯厲爲良吏美之又加悲焉憫其窮也在下垂涕號泣無復官民禮此居極苦之地而不爲苦者也若夫黃州則不然居郡丞之位履文物之邦署宇嚴肅役胥羅列士民聚觀耳目維迷狐裘煌煌者同寅也衣裳楚楚者屬邑也蒞斯土者王向可布衣而步行乎僕尚可挑水而運柴乎爲之治其執事備其傘蓋繁其交際咸借貸以應而令署如冰水下無以爲德上無以爲功五窮環至應接不暇如之奈何此居不苦

之地而適爲苦者也八年十二月二十五日蚤舟中驟見小犬長者龐然幼者突然竟不識爲誰家子徐聽其聲音抱頭痛哭此命數蹇阨父南子北者九年一旦見面肝腸欲碎者也頃捧手扎數戰隔絕如對芝眉灑淚痛懷始知老年伯奄忽仙遊猶記聶親翁親旋寄有尊論勉慰備至尙存笥中忽焉乘箕上天五內震悼此痛切而難已者也惟年兄以禮節情爲時自玉積緒萬千書不盡意統希台照不次

千山奏牘

卷五

古

規復蒲圻與王憲副書

自憲駕回蒲成龍因崇陽船歸日夜不寧今船已足數值王把總從大營旋奉撫憲有守橋梁之命則橋有責成定於二十九日聯舟爲橋庶成龍之職可寬責任至於招撫士民當大兵渡河之後人心踴躍思歸雖朝來暮去而路有行旅市有貿易無如天雨連綿道塗泥濘繼以逃兵浪言煽惑人心前此阻士民欲歸之路者大也後此阻士民欲歸之心者人也天時人事如此總成龍竭盡心力其何能濟惟有株守歎息而已既無益於地方應歸省以謝罪

千山秦牘

卷五

七

一畏士民之無王空城寥落一畏屬員之偕行驛站廢棄苟且居蒲以圖可乘之機但請署之文未下精力愈疲神氣愈耗似一廢人居一棄地矣若逃兵乃德安興國圻州黃協四鎮兵也於二十七日早渡蒲河洄口散布耳下堪聞從崇陽大冶逃者十之七從蒲逃者十之三恐通城一帶自此倍爲多事未知撫憲如何布置通城咸寧官不勝任成龍因蒲署未下亦不敢多言地方事目前靜坐河干料理船隻鄉紳伺其動靜頗爲帖息二十八日鄉民往來不絕以通南北一綫之路王把總歸來道營中事甚悉二

十三日我師在陳陵磯遇賊勝負未分但南寇多烏統料不敵我師之勁弓矢爲輕便天氣晴明利於馳射戰勝在即嗣容報聞

千山秦牘

卷五

七

留別蒲圻紳士書

貴邑逼近湖南士民震驚失業離家言之心愴成龍實不才撫徠無術兼以天降淫雨人布流言阻我士民歸心城垣崩壞墻屋傾圮氣象蕭索寢食不安邇來人民頗集正欲修砌北城以壯我蒲旺氣事未就緒值撫軍有撫緝嘉魚事竣回省之命束裝就道不克面別中懷鬱戀後會何期并期轉達諸生亂離之中朝夕歡接一旦分袂情實依依地方事務藉力調劑言不盡意統冀鑒照不宣

與鄭學憲書

初七日忽捧憲諭諄諄誡念桑梓之末員篤以家人父子之厚誼感激之下倍增酸楚成龍年邁力竭沉滯苦海遙望白雲肝腸碎裂祇因撫憲恩深義重不敢云瘁地方事務各屬年少恐不諳練事事關心至於靳黃原名盜數數年以來躬親稽察不遺餘力水陸頗靜近日諸兇口稱成龍養高必不冒險敢於私臆橫行若不出其意外破其惡膽將何底止扶病巴河之行非得已也卽身居署中未嘗不心馳境內出入勤慎之諭真令人痛哭流涕事出無干山秦牘

卷五

太

奈將若之何如此嚴密尙有諱盜不報之弊訛傳高尙實屬本心但目前難以卸肩相度時勢或終不免此一承惠種種尊者之賜不敢告却解衣之恩當佩服終身敬望駕臨齊安未卜福星肯照臨否

與屬令書

今日居官咸怕盜案殊不知盜案何足懼也目前失主鄉保恐其拖累槩隱不報卽有報聞槩稱竊盜以致鼠輩毫無忌憚且成群打夥揚言誰敢報官定行報讐縱盜而盜愈多始也畏事既也畏盜地方敗壞已不堪言嗣後失事鄉保不報嚴加懲責盜賊自然斂手十案之中總不全獲亦可獲其半盜賊自然膽裂是不畏盜而盜自滅也或云盜案可壞功名第不思一已之功名其事小百姓之受害地方之受驚其事大天理良心何忍以一已之功名竟置地方百姓於不問也勉力報緝不佞一方和尙可不數月而地方清靜矣此不佞躬親之事勿謂老髦不聽也惟留神不宣

干山秦牘

卷五

光

與麻城諸生書

世事反覆憂心如焚飲食不進老病之軀立待湮亡師弟關心言之淚下羅山周鐵瓜無端潛入釀禍諸君念生苦心多方禦侮生即沒在九泉當銘骨不忘聞屈親翁厚待從此雖疑盡釋更皆出望外也陽邏之賊突發必然進山前已有字托程譽早轉送未知到否隘口務要緊守布袋切須余公晉夏仲崑謹守但內患防備宜嚴如乏人用交白呆王家水砦一帶諸生發鄉兵相幫一應機宜總冀小心細密言之不盡

千山奏牘

卷五

干

與同僚書

今日之事人心思亂惟在靜以鎮之而已不必與愚民較短長我心不動則浮言自息此謝安石之所以全江左寇萊公之所以定宋室也借船二十一隻特著貴价押回緩急相濟感何可言但每船領銀伍錢未知肯開銷否共銀十兩五錢望取船戶一領狀粘連用印申繳存案財帛分明大丈夫此生此心惟有天日可表耳臨楮感切

謝徐守憲書

成龍屢聞派夫之議晝夜愁悶如坐針氈於本月初十日值知憲臺詳請折價武漢黃三府士民戴如天之仁陰德萬代朝廷受無疆之福鞏固百世成龍不覺心折手額踴躍欲舞復望憲臺一力主議哀懇必行成龍奉命唯謹伏乞憲鑒

千山奏牘

卷五

主

與王協鎮書

前者臨江出師有投石超距之勢老親臺緩帶輕裘謀在萬全即刻稟明撫憲諭來慰甚昨承翰教兼賜塘報賊之形勢如在目中增兵已請命酌議戰船業奉命允現買五隻餘俟陸續備辦火藥俟天稍晴與朱親翁料理吳把總烏鎗四十杆解赴軍前相煩查用尊體違和弟中心憂念懇為朝廷保重勉強加殮東南軍務撫臺藉重實恃為太山引領企望不盡願言

與各屬邑令

正值分秧之時忽有挑夫之檄令人愁眉不展幸黃岡縣慷慨捐募並不問之里民頓覺心胸爽快不佞何緣遇此賢能輩相助爲理也生民之慶朝廷之福但捐募必須有法斟酌妥當方克濟事望同乃心力無俾一人專美不勝欣騰

千山奏牘

卷五

五

新正候張撫臺

成龍蒙恩提拔感佩終身知遇之感誠千載一時也復荷溫諭教訓期以全人相勉勵至誠藹洽真天地之覆載父師之生成不是過也成龍不惟書紳而敬鑠心矣新正元旦謹書子謂子產四言觸目而則做之以仰副憲臺之期望變化氣質時自刻責焉茲當鳳曆初頒正憲臺萬福聯臻百政維新之會成龍親沐弘庥倍切慶賀恭陳蕪言聊抒下情伏乞憲鑒

千山奏牘

卷五

五

報擒莫偽道上張撫臺

成龍赴省叩謁憲堦蒙恩優渥歌醉飽之什感高厚之仁卿結難緩於初七日叩辭初九日回黃十一日巳時據興國州報稱挈獲莫偽道所供逆黨已經報明在案但文內并無各犯口供亦無起解字樣恐有意外之虞成龍當於十二日夜二更時分帶領防巡二道各役乘十二槳快船星赴興國安慰良善以釋驚疑以靖地方合就報明統乞憲鑒

陞閩臬上張撫臺

成龍受知遇之恩卽天地父母何以踰也淪骨浹髓莫可
名言昨叩別慈顏痛不能割于焉永訣肝腸碎裂蒙笑語
之燕醉飽之德愧莫能承復蒙清問俯及敢不罄抒素所
見聞仰贊盛治但恐芻蕘言無裨高深伏望鑒宥焉自
十三年禍亂之初正憲臺蒞政之始承平日久人不知兵
一時風鶴處處城郭蕩空若非憲臺鎮靜屹如山岳彼時
乾坤不知作何光景也焦心勞思選將守鄂呼吸之頃轉
危爲安復請侍衛之兵大彰 國威上緩徵之疏收拾人

平山奏稿

卷五

五

心試問今日之天下金甌如故者誰之力也憶昔逆氛漸
逼江夏城門之外文書不能行兼以稊蕪匱乏費用浩繁
天降災殃淫雨如注慷慨悲傷此成龍之所親睹也尤憾
奸宄喜亂內變紛生大冶燭禍於前東山接踵於後嗣江
右諸邑失守南北震驚漢口黃岡麻城黃安撲霄蜂起憲
臺發策指使用兵如神勦撫兼施保有疆宇 題請恩免
逆首家屬用彰 朝廷不殺之威至於脅從罔治視僞割
如棄帑反側自安又其餘緒

皇天在上毫無佞諛之辭兼以天災異常海遭水旱請蠲請

賑苦無辜數年來享平安之福殊不知臥薪嘗膽之苦
也從前功德累帑難盡目前事務較昔倍苦官民交困不
忍不言如轅門瑣屑細事無關地方安危似不必煩憲慮
也圖治之大要在用人行政而已用人之權雖出自 朝
廷而激濁揚清之法又在封疆大臣操之但知人則哲自
古爲難賢良佐理易與爲治監司爲憲臺耳目朝夕籌畫
國家大事最爲喫緊如驛傳襄陽二道皆正人之選倚
爲心膂自可相與有成守令爲親民之官時加勸勉人孰
無良且八法具在敢不自愛而勞苦之吏亦宜拔擢一二

平山奏稿

卷五

五

以快人心以示鼓勵如襄陵知州身履危險之地黃梅知
縣躬親奔走之苦日久神疲情狀堪憐前任漢陽江防修
理沙船領家助 國均難民減倘微特典則人人自奮於
功名之路罔不捐軀報効若夫各府屬員難以盡知不敢
冒昧上陳此用人之大要也行政多端目前苦累惟在軍
需 王諭一頒時刻難緩然寓仁慈於催辦之內寬一分
則軍民受一分之福一切木料油麻鐵釘等項先查經理
衙門存剩幾何勿令沉匿尙需用幾何量其多寡確實分
派勿令浮冒凡司道分派數目申飭詳報以俟開銷之日

徹底對查則沉匿浮冒之弊可杜而吏書不敢作奸至採買米豆等項現在發價申飭司道不許牌內開如價不足另行補發字樣此係騙局陽爲君子陰爲小人止許地方官照時價買解造冊報銷如有浮冒者痛加駁減如大部奏銷之例則公事易辦而官民無平空填賠之累至驛站之事苦於倒追各驛官無隔宿之糧而拖欠至成千累百號天泣地不可聽聞將何以周恤各屬吏員奔馳軍前枵腹從事內不能顧妻子外不能瞻跟役衣服藍縷殊無居官之體將何以存濟排夫數減差使日增累及烟戶漸已

于山奏牘

卷五

奏

逃避將何以調停大江舟楫乃商賈血脉之路封船不已船戶潛匿商賈絕跡將何以疏通漢沔一帶堤受水害百姓流亡將何以修築長江上下塘汛無兵盜賊必致橫行將何以預防湖南一日不復軍供一日不休楚地居民日就剝削患在肘腋將何以籌度楚民健訟賴輒傾家敗產縱有一二富室破壞不堪將何以禁止事務多端難以枚舉此行政之大要也若督臺帥師洞庭焦勞殊甚鬚髮半白尤賴憲臺同心戮力時勸寬慰此又封疆大臣利害與共視同手足之誼矣若察核官吏下及衙役此太平之常

事當今日極苦極累之時更冀憲臺寬其文法思先於威俾各屬勉勵固治咸樂寬平之化成龍歸休丘園遙相慶幸冗言瀆聽曷勝惶悚緣奉下問不識忌諱統乞憲鑒可否採擇施行若吳逆眞誅天將悔過蕩平可望憲臺凌烟之慶成龍身在草莽亦與有榮施焉

于山奏牘

卷五

奏

上徐藩臺書

兩接諭命讀至苦海陷穽之句不覺痛如刀割莫料時事一至於此留憶去歲五月內成龍竭言切諫明知時事之難處而瑣瑣慮及此也憲臺亦憶及此乎已往不諫來猶可追時事雖不可爲而尙可及早圖之也成龍又有芻蕘之言淡知不足聽而又不忍不激切言之也惟望憲臺俯閱裁酌可否實意行之焉今日財用惟有餘不足兩者而已酌盈濟虛補偏救弊之法古人之今人不可倣而則之乎懇憲臺大舒胸臆勤惜分陰全副精神注於會計念

千山奏牘

卷五

天

茲在茲日積月累彈允勿落他手支取必須躬親登記莫緩時刻非孳孳爲利也亦云救也若愁悶日集毀吉日至一味放倒將來何以處之其緊要之法有三焉一曰覈實數傳集經承清查錢糧民賦不足幾何協餉不足幾何捐納不足幾何立爲欠數著經手軍需書吏清算各項軍供應開銷幾何立爲存數再將在庫在內已發銀兩徹底清查某府州縣有已發之銀某等如修理杉船之類某府州縣有發買之米如黃岡蘄水二千兩之數查明立刻催解立爲存數以所存抵補所欠尙有不足幾何復查在省

棕麻板片等項已用實數幾何未用存留幾何俱係有用之物料查明交付武漢兩府因便支用一以省另買一以作實數可杜藉端盜賣之弊已聞有盜賣鐵斤者不可不蚤爲之計也一一確查然後一手出入節次省減量入爲出雖有吝嗇之名可免陷穽之累矣一曰親吏書朝廷之有百官百官之有吏書一也百官之內豈乏不肖吏書之中豈無賢者亦在因才器使而已耕問諸農織問諸婢必然之理一身之精力有限衆人之耳目無窮各執事分辦於下一人察核於上彼焉虞哉但不可過疑亦不可過

千山奏牘

卷五

天

信用人勿二古之道也樂彼之圖其下維籜古之言也好而知惡惡而知美衆吏莫不樂爲之用何憂財用之不足乎若寂處尊嚴屏絕吏胥止有一二親信恐利歸他人禍歸一己種種弊生不可救藥矣一日閱文書藩司爲一省總漕衙門百官之賢否民生之休戚歲時之水旱民賦之起解軍餉之領支俱屬望焉文書隨到隨閱隨閱隨行則百官畏其丰裁民生保其性命水旱賴以調劑民賦軍餉無守候稽滯之怨若不勤加拆閱則諸事塵積一二奸吏伺其喜怒賄行文書利歛於下怨歸於上總財賦雖無可

慮而陷穽愈不可測矣更望親近正人君子相助爲理

神氣日清名譽日彰功名

置之度外禍患杜於將來以上瑣言出之痛腸惟台鑒焉
成龍行矣承憲臺贈言讀不忍終及見詩如見我之句灑
淚沾襟聞楚之隔山川之遙後事不及聞知且成龍年踰
六十邇來多病又恐有生死契濶之痛矣臨別未面後會
無期黯黯魂銷不知所云敬呈俾句誌別惟憲臺見之一
如見成龍焉

千山奏牘

卷五

三

又爲藩憲上張撫臺

成龍任道日淺衙門事件亦少護道事查明已具結中報
訖惟任府治五年錢糧軍供等項例應統爲查核近日藩
司行查黃州府出具并無未完事件印結合據結申繳成
龍任內之事俱已明白應赴新任且闕役於本月十三日
到黃迎接不便久爲逗留前藩司劄云回荆查明詳請憲
臺批允發憑迄今未知查明詳請否尙有十六年八月內
買豆一事當時議定買豆十萬石成龍具六萬兩印領一
紙藩司止發銀一萬兩買豆二萬石此項豆銀黃梅領銀

千山奏牘

卷五

呈

七千兩買豆一萬四千石景照磨領銀三千兩買豆六千
石俱已交收清楚而六萬兩之印領未發今歲領買豆銀
二萬兩此項銀兩鮑同知領過一萬兩景照磨領過四千
兩尙有銀六千兩眼同庫官吏收明司庫而二萬兩之領
未發又有修理沙船一案借司庫銀一千七百五十兩印
領三紙據前任郭同知云止收過銀一千兩此項銀兩黃
州府俱已承當而一千七百五十兩之印領應行查發九
月初旬姚監生赴荆清算遇藩司於江夏面云回荆查發
手劄又云各領應存者存應還者還斷不貽慮言詞斐楚

謂之不勝痛切師弟之情利害關心但 朝廷餉銀理宜
逐一清算爲一了百當之事

爲一身慮也 此成龍爲藩司慮又不得不
此成龍痛

心疾首而無如之何者也統望憲臺始終曲全爲援救之
法昨聞憲臺嚴聲厲色乃一片婆心實意教訓而藩司不
勝氣短惟恐愧悔之下事件頭緒繁雜急不能理必至寢
食俱廢而大事愈不可問矣成龍愚見莫若相其性情而
節次清之但荆南路遠事多遲滯懇憲臺啓請糧道暫赴

千山奏牘

卷五

五

荆料理星夜調回藩司朝夕面商溫言寬慰令其心志舒
暢愁悶暫展喚經手錢糧吏書逐日清算限期歸結則錢
糧之出入多寡有無水落石出總有差雜逐案清補事尙
可爲也若不蚤爲籌畫必至債事苦至此極矣藩司止有
一子不幸早逝焚焚母妻天各一方內外憂偏又無親屬
解慰將來作何結局此成龍之晝夜不寧而鯁鯁過慮者
也印領一日不發成龍決不敢輕離黃州赴任違限之咎
甘心受之成龍執拘鄙見未知有合時宜否

上 康親王求罷鑄夫啓

啓爲地方罷市亟請諭示安民事康熙十九年正月二十
八日據福州府知府蔣璈海防同知蘇佳嗣糧捕通判林
有蘭呈據閩縣知縣祖寅亮侯官縣知縣姚震會報稱本
月二十四日蒙撫院傳奉 王諭令職等照舊撥給各旗
官兵剿草人夫職等以未奉院檄難以撥派民間隨因出
師行逼職等不得不再行請示至二十七日各旗官弁兵
甲填塞縣堂刻着職等撥派剿草人夫職等以此項人夫
前係督院具 題禁革未奉上文不敢擅撥當經面稟

千山奏牘

卷五

五

叅贊大臣併各司道職等於二十八日具啓 王爺聽候
批示聞詎合城內外諸色人等傳聞仍取前項人夫以大
兵雲集徭役繁重民命不堪突然廢業罷市喧泣街衢事
關地方理合詳請乞賜示禁庶地方得以安堵等緣由到
司道據此職等隨即傳喚保甲人等查詢據稱大兵剿草
人夫子民竭力已久前蒙 王爺天恩軫念小民困苦特
准豁免實業再生不擬昨二十七日旗兵復向兩縣收撥
小民典鬻已竭委難再支因此驚惶廢業號乞轉懇 王
爺等語職等即曉諭令其照舊開市安業外但閩省殘黎

困苦已極業蒙 睿鑒豁免各旗剿草人夫百姓邀恩已
久今應否仍准照前免撥出此 浩蕩洪慈職等身任地
方理合啓請 王爺睿裁施行

再求罷剿草人夫啓

啓爲敬陳國與民相倚之切仰祈睿鑒弘宣德意以恤殘
黎以培國本事竊照國家之安危由於人心之得失而人
心之得失在於川人行政識其順逆之情而已孟子曰得
天下 道得其民斯得天下矣得其民有道得其心斯得
民矣得其心有道所欲與之聚之所惡勿施爾也是國與

千山奏牘

卷五

書

民相倚之切千古其不可誣也我 親王爲國家之大宗
實維城維翰之所攸賴因旗黔背德東南煽動

皇上命將出師審浙閩爲東南重鎮熟知 親王仁育義正
可當大任授關外之寄以平定東南是卽

太祖

太宗

世祖章皇帝之所式憑也我 親王毅然受命簡師閱旅平
復浙疆直入閩關醜類望風効順海逆遠遁救斯民於水
火之中登之衽席之上神武不殺古之用兵無以逾也數

年以來小民歌頌戴高履厚莫知所報十七年海逆偶
犯順旋即驅逐而小民獲有寧宇無非 親王愛養斯民
之所致也爾來 京師地震 太和殿災

皇上憂勤惕厲下罪已求言之

詔惓惓以愛民察吏爲念且北直江南山東河南處處告饑
賑濟之

旨日頒豈不知滿漢兵馬從征日久勞於 王事軍需浩繁
內帑告匱難於供給而愛民心切未常因之而少置也

親王爲朝廷宗臣鎮靜海邦地方寧謐

千山奏牘

卷五

書

皇上少紆宵旰之憂者惟 親王是賴我 親王體

皇上之心敬

天畏災屢諭滿兵毋擾百姓煌煌 王言下痛民隱上徹

宸聰是又

太祖

太宗

世祖在天之靈所喜悅也職司成龍年逼桑榆受 親王知
遇之恩無以報荅惟審人情順逆之故敬獻狂瞽之言乞
親王俯念 國與民相倚之切以一夫不獲日予之辜

一吏不法日早之咎爲保邦致治之本爲回

天慰

祖之實以尊 朝廷以服海醜莫是過焉成龍章句腐儒不識治體冒昧瀆陳伏乞 親王睿鑒施行

牛山奏稿

卷五

奏

上吳撫臺論閩疆事宜

成龍山右腐儒未習軍旅然謬任閩職已幾一載切知生民之塗炭皆由海逆之憑陵此賊一日不滅閩疆一日不寧憲臺勞心焦思圖報 朝廷知遇之特恩拯救閩省之殘黎必殲除海逆以底蕩平因之殫心籌畫以難與慮始之見爲一勞永逸之舉修理戰艦製造軍器夏不避暑冬不避寒且浹洽歸誠交驩平勃一片苦心未嘗一刻忘朝廷也茲戰具齊備厲兵秣馬擇吉興師將見澄清海宇又安邊疆在指顧間也成龍雖屬賸賸躍躍懼忤慶太平之有日矣然不揣狂瞽爲攘外必先安內之議未知當憲鑒否敢敬陳之

牛山奏稿

卷五

奏

一省會根本之地不可不慎也閩民姦詭而好亂多圖微倖爲不終朝之計逃兵匿寇竄伏閩左乘便思逞遷民變夫室家化離一呼易叛歸誠者雖多革心而歸農者豈盡化服憲駕南征腹內空虛么魔窺伺實繁有徒雖 王師靜鎮可保無虞而南台種類雜處人心易爲煽動倘有小警未免煩憲臺閩外之慮此林鼎陳德楓二案似當早爲處決以絕觀望者也

一上游形勝之區不可不固也延建邵武爲八閩咽喉米穀所由輸運商賈所由流通邇來山寇出沒建邵之浦陽崇甌等縣咸受荼毒延邵二郡順昌光澤均遭侵犯至於杉關要路民不安枕商旅視爲畏途各協守兵惟知按月索餉不知所守何地所防何賊且江紀楊一豹二賊日以歸誠爲餌而焚掠倍慘憲駕南征彼復何顧忌雖尙將軍駐建可恃無恐而延邵之間糧長不及二豎必更有一番計算目前古田已藏逆種永安復報危黨順昌尤沙尙留燃灰尙有小警又未免煩憲臺關外之慮此順昌杉關似

平山奏稿

卷五

兵

何彙陳者也
一各營分守之兵不可不練也 國家養兵期於禦侮未
有止期以迎送往來守汛瞭望空糜糧餉爲者近稽兵籍
郡有鎮守邑有分防星羅密布如常山之勢然細加察核
或調赴漳南或搭配水師或分防塘汛在伍之兵實有幾
何憲駕南征各營必逸豫高枕惟計餉銀之完欠誰復驗
弓馬之生熟尙有小警在伍之兵寡而未必精在汛之兵
呼而未必應又難免憲臺關外之慮似宜爲綢繆之計亟

加申飭務嚴在伍實兵若干名時加操練寡而期精在塘
之兵若干名日加稽查呼而期應各成一枝勁兵互相聯
絡以通聲氣以資禦侮以備調遣者也至於海上形勢憲
臺久以洞悉成龍何敢妄陳戈矛所指勢如破竹以杼
瓦重宵旰之憂酬知遇之恩建蓋世之奇勲鏘功名於鼎鑪
此成龍之雀躍欲狂者也統祈憲鑒

平山奏稿

卷五

兵

候吳撫軍

憑鶴南征成龍等弗克左右戎行中心懸晷旬日違顏彌切瞻依祗因飽繫職業又不敢趨侍座前仰承色笑聞意臺駐節福清拂風沐雨厲兵秣馬爲 朝廷封疆籌畫勞神此又成龍等之寢處不安者也海壇之捷軍聲大振敵節之後勢如破竹成龍喜躍如狂茲王驛道有閱站之役趨謁軍門成龍等均侯起居聊備食物數種統乞鑒茹

又

憲駕出征爲 國受勞成龍遷居省會無刻不懷諸懷每

平山奏牘

卷五

早

閩南報陟天馬屯崇武披草萊剪荆棘驅除游逆安撫降丁爲水師先聲應聲社稷臣也破海壇越江陰戰湄洲泥灣之間真可謂一月三捷矣三月朔日廈門露布除 兩朝之遺寇建蓋世之奇勳從此海不揚波民獲寧宇用抒九重南顧之慮成龍喜躍如狂更竊有請焉臺灣尚在宜爲善後之計或云得其人不足臣得其地不足耕此目曉事也久之必爲廈門憂武侯擒縱之策正在此時銅鼓之威海內咸仰望焉成龍不識時勢謬陳一見乞憲裁酌書 國家久安長治之圖萬世將倚賴之矣但慮臺冒陰雨

海風晝夜靡寧聞意體清癯成龍寢食不安區區下情望爲 朝廷保重統祈憲鑒

山奏牘

卷五

早

上姚制臺宜和衷書

本月初三日捧讀憲檄爲大計一案以和衷爲惓惓是誠大臣之體 朝廷之福也成龍老邁迂儒不學無術歷仕二十年縱觀古今名賢身任國家大事無不同心協力相濟以有成者况閩省之危岌爲何如地閩民之殘疲爲何狀也謹將大計一事緣由備陳之 部文大計以一月爲限期成龍於十月初旬患病告假而大計賢否高藩司差役守催成龍以老病列欵移司通詳則大計重典成龍病不能理也適高藩司有楚省之議撫臺以揭內不便列名

于山奏牘

卷五

聖

十月十九日催成龍議事卽以藩篆相付成龍以病辭未允彼時二十五日大計之限滿矣二十日催迫任事二十一日受篆報明在案二十二日卽以大計請命撫臺隨詢主稿之例成龍未經其事卽傳吏書問云軍政乃憲臺主稿大計乃撫臺主稿也復諭查舊案歷歷不爽撫臺方諭吏書速行此成龍在座 天日共鑒者也成龍又以地方多事屬員爲軍務所苦且一年之中已被劾八員此番似難過刻乃成龍所力懇者二十三日卽開列三員通報以副限內之舉是大計緣由歷歷有案可攷者也憲臺廓達

大度敬賢容衆同撫臺以定海安民爲已任是今日閩省之封疆 朝廷所倚重士民所待命百官所畏威者憲臺撫臺也數年來勞 朝廷數十萬兵馬費 朝廷數十萬金錢全望會師大舉以紓 朝廷宵旰之憂以解閩民倒懸之苦兩憲功名垂於竹帛福蔭綿於子孫在此一時矣和衷之論憲臺盛德事也成龍愚見以吹壘吹篴之誼原無彼此爾我之形和衷之美可併不有也成龍耳聾眼花不似人形龍鍾可厭久應在廢棄之列何敢與言 國家事但蒙憲臺知遇之恩知之何敢不言言之何敢不盡也

于山奏牘

卷五

聖

上姚制臺議書

泉郡米價騰貴兵民交困蒙憲臺特疏題請捐濟救此一方誠饑溺由已之盛心也復奉憲檄設立站運先動憲捐銀五千兩司道府捐銀五千兩在省買米五六千石星夜運泉如救焚溺實爲朝廷兵民實爲朝廷封疆籌畫周詳成龍奉命竭蹶遵行撫憲并念泉郡米貴協濟難容刻緩諭查延建邵三府從前發餉買米尙有四萬石委糧道星往清理督運又恐府縣米石一時難清聞餉銀四十萬將至論糧道於省餉十五萬內留三萬兩迅爲買米期

于山奏稿

卷五

星

於無悞急需是撫憲熱腸同憲臺苦心兩地合符也值省會米價亦陡至二兩一二錢以外成龍虞在省買米則米價必爲興化之續若候上游米到又難訓目前之急隨懇撫憲諭借糧道十九年秋糧米令閩縣備米一千石俟官縣備米二千石成龍奏米二千石俟上游米到陸續補還一時協力辦備站運可有頭緒也嗣蒙憲委線副使來省催銀買米成龍區區下情有實陳者省米數日內減至一兩有零若經採買勢必仍前騰湧省會貿易者衆力田者寡嗷嗷待哺將何以濟此其可議者一也大兵月折料穀

二萬石每石折銀六錢五分目前因米穀價貴勒不允折費盡委曲若米價再騰必索本色則每月二萬石之料穀將何以支其可議者二也各道捐銀事屬急公誰不樂從但成龍與各道朝夕共事頗悉底裏如李糧道陞任蒼梧資斧告窘王驛道陞任南泉尙負債息隱隱在聽聞間王運使陞任嘉湖日用亦甚蕭索楊學道蒞任未久當此三空四盡無不捉襟露肘夙荷憲臺矜念至於在外各道成龍未悉知然值軍興浩繁物力告匱之時一舉一動難逃憲鑒若夫各府認捐勢必索之屬邑私派民間爲偷兒竊

于山奏稿

卷五

星

取之計其可議者三也前蒙憲恩代解泉餉一萬餘兩因協餉未至久未清還目前司庫匱乏成龍苦情不敢上陳大兵每月折料穀銀八千兩折草價銀二千兩月餉銀四千兩共需銀一萬四千兩東那西補心血嘔盡竊思成龍初任粵西令止徵地丁銀一千二百兩次任蜀守止徵地丁銀九兩再任黃州錢糧徑解藩司從不知收放銀兩成千累萬爲何事忽遭此大坑苦累欲死此又成龍之不敢議者四也憲臺寬洪大度體恤下情成龍敢不披陳肝膽以候裁奪成龍更有請焉泉郡兵馬雲屯料在省數千石

之米真如一杯之水但相時度勢或米價稍平清查歷欠
餉銀如數補足則月餉無缺民間積米自出或可綽有餘
餘也憲臺嚴守一介海內咸知慨然以萬金自任無非爲
此 朝廷兵民 朝廷封疆成龍豈無人心甘爲鄙各下
流特惓惓鄙懷惟祈審時度勢而已統乞憲臺鑒酌焉

于山奏牘卷之五

終

于山奏牘

卷五

吳

于山奏牘卷之六

晉西河于成龍北溟父著

初任直撫請 陛見疏

奏爲恭請

陛見以盡微誠事臣本草茅下士濫叨祿秩由知縣而歷
任府廳十有餘載寸長未見實切曠疎之愆乃於三
年之內荷蒙

皇上隆恩復由楚省監司歷遷閩省藩臬此誠

恩逾望外迥出非常履任以來惟有朝夕竭蹶以圖報效

于山奏牘

卷六

竊恐庸劣未能稱職今復荷

新綸不以臣爲謏劣畀以直撫重任臣捧讀之自揣下

乘非才何堪

畿甸重寄然聞

命自天又不敢控辭有負

特簡至意竊念臣屢受

皇上知遇洪恩久切覲

闕之念今既謬叨

皇恩優陞巡撫且自保定前赴

京都計程止三百餘里與他省相隔迢遞者不同况直隸係

畿輔重地連歲荒旱頻仍黎庶困苦臣係庸才必得

天語指示庶足以撫蒞茲土仰祈

鑒臣愚衷俯允

陛見使臣得以匍匐

金階瞻睹

天顏躬聆

天語提命即便回任盡心供職以仰副

于山奏牘

卷六

皇上簡任至意伏乞

睿慈俞允施行奉

旨于成龍簡任巡撫正資料理不必來京陛見該部知道

題報災傷請蠲地方錢糧疏

題為恭報勘明災傷分數事該臣看得順德府屬之內

丘唐山任縣真定府屬之真定衛順天府屬之涿州

武清房山昌平永清大城寶坻良鄉東安涿鹿河間

府屬之交河阜城青縣天津共十八州縣衛各被旱

雹災傷臣據詳報情形業經具疏

題報在案今據守道詳稱各屬被災地畝分委廳印官

員踏勘除涿州房山良鄉昌平寶坻五州縣勘不成

災外其內丘唐山任縣真定武清永清大城東安涿

于山奏牘

卷六

鹿交河阜城青縣等十二州縣衛俱經勘明成災備

造冊結呈送理合具

題伏乞

勅部議覆施行

戶部議覆內開奉

旨這本內議免被災地方著差爾部司官一員作速前往

踏看具奏餘依議欽此隨差郎中額爾赫圖前往踏看

去後今據額爾赫圖疏稱交河阜城二縣原報被災

旱災十分九分七分地二千七百六十六頃九十二

畝麥收既少秋田收穫歉薄應將此二縣被災分數如其原報唐山內丘任縣青縣真定彭城涿鹿等七縣衛原報被災十分八分地六千八百九十六頃七十五畝麥雖收一二分秋禾已收五六分應比原報分數減其二分大城東安永清武清四縣原報被災十分九分八分七分地九千一百七十七頃二十八畝麥收雖少秋禾已收七八分麥田所種禾苗又得收穫應將此四縣具報被災不准算入其東安大城永清三縣地內麥與秋禾兼種並不將

平山奏稿

卷六

四

麥地秋田分晰俱作夏旱災具報應一併交與部議等語又查報文內天津衛被災田地坐在青縣此地應照青縣一體等語查各屬被災分數既經郎中額爾赫圖踏勘明白俱照額爾赫圖所議其東安等三縣並不分麥禾秋禾俱作夏旱災具報不合但未開原報官員職名不便遽議相應行文該撫開列職名具題之日將該撫一併查議可也等因具題奉旨這本內各縣地方自去年被災民生困苦俱著照原報分數准蠲免其東安等處地方官職名免行察議

請增驛站工料疏

題為衝驛繁苦已極草豆騰貴異常亟請加增工料以救危站以速軍機事該臣看得直隸驛站錢糧十分裁四之後每馬一匹日支料豆草麩額銀五分四厘康熙十七年以前連歲豐稔僅足支應十七年秋收微薄各價已昂至十八年荒歉更甚時值日益騰貴較前不啻數倍原定之銀不敷用度所有額設夫役工食與廩糧飯食并買補馬價及煮料柴薪等銀又皆必需之項無可通融直屬當天下之衝往來差使

平山奏稿

卷六

五

晝夜絡繹多係緊急軍務必須應壯馬匹以資馳騁日需料草勢難減少而額銀不足各州縣驛賠墊應用日銀一日紛紛告苦是以巡道僉事吳元榮有暫增站銀之詳臣批守道叅議董秉忠確議據稱直隸地方係萬國總匯之區驛站非他省可比今連歲凶荒衝途各官賠累難堪亟當變通以濟驛困請將各驛所用豆草照時辦支除原定銀數之外其長墊之銀於荒歉價貴之時暫時准給俟豐年停止臣思值茲度支匱絀之際內外臣工惟當生財節用以資不

逮何敢建議加增但豆草之騰湧已經二載銜達之
賠累亦已二載靡不筋疲力盡矣如不速爲軫恤各
驛勢將不支必致馬斃夫迺貽悞

軍國重計此臣不敢不以

上聞也既據兩道呈詳前來理合具

題伏乞

勅部議覆施行

千山奏牘

卷六

六

請蠲宜屬衝壓地糧疏

題爲請豁水衝沙壓地糧以廣

皇仁以甦民累事該臣看得宜府所屬西城與懷安蔚州
等衛邊隅土瘠逼近渾乾等河有水衝沙壓地畝小
民包糧爲累經前撫臣金世德於康熙十四年十月
內具疏

請豁部覆以歷年錢糧俱係報完不係未完拖欠仍令照
舊徵收在案但查糧從地出地既積荒而歷年錢糧
仍報全完者是皆小民竭盡脂膏以包賠者也自部

千山奏牘

卷六

七

覆之後又歷五六年矣除稍有可墾者已陸續勸民
墾種外其實實衝壓不毛之地人力有所難施筑筑
小民包糧年久困苦益滋漸至徵比不前催呼莫應
在地方各官莫不以考成關切而無術彌補屢以未
完開報矣前撫臣稔知其累第以時值軍需孔亟數
年來未得卽爲覆

請故於伏枕彌留之際猶惓惓以此爲未了之餘爰而遣
疏乞蠲仰邀

聖德也臣履任後廣諮民瘼復檢閱舊案乃知宜屬窮黎

之累害莫過於包納荒糧是以檄行查勘茲據守道
叅議董秉忠詳稱口北道李如桂公同廳衛各官逐
處勘明懷安衛實有水衝沙壓地一百九十一頃二
十一畝零蔚州衛實有水衝沙壓地三百一十八頃
二十三畝零西城實有水衝沙壓地三百四十三頃
六十畝零又東城地方亦有水衝沙壓之地緣從前
倉塋水退沙消勉力墾種以完正賦是以十四年未
經開報乃年來衝壓益甚耕耨無期故官民激切呼
籲亦經口北道親詣勘明實有荒沙地九百五十五
頃二十九畝零取有該道廳衛印結并造冊呈送前
來臣思民之有地原藉所產以資生今地荒而糧存
不特無以資生而且以爲害也邊徼窮黎綿力幾何
奚堪永遠包賠此數處之荒糧一日不除則數處之
民生一日不遂雖目今師旅未息需餉尙殷但逆氛
殄滅殆盡唯遺黔滇餘孽指日蕩平此後軍需似無
虞於不足而合計四處荒地本色糧不過三千餘石
銀僅一千餘兩免之則涓滴之損似無關於
國計而數千餘戶貧民得免包賠實受惠於無窮仰祈

于山奏

卷六

八

皇上特沛洪恩准與豁免俟水乾沙退之日勘懇輸糧應
荒邊僻壤之民永甦其累頂感

理合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得直撫于疏稱宣屬西

于山奏

卷六

九

城與懷安蔚州等衛各有水衝沙壓地畝小民包糧
爲累經前巡撫金具疏請豁部覆仍令照舊徵收
但宣屬窮黎累害莫過於包納荒糧又東城地方亦
有水衝沙壓之地取具各官印結具題請豁前來查
宣屬西城等處水衝沙壓地畝事關永蠲錢糧不便
遽議應仍令該撫遴委賢能道官一員親詣踏勘果
否水衝沙壓據實具題到日再議可也等因具題奉
旨依議

題覆前事該臣看得宣府所屬懷安蔚州二衛與東西

二城水衝沙壓地畝小民包糶爲累經臣具疏

請部覆令臣遴委賢能道官親詣踏勘果否水衝沙壓

據實具

題遵卽遴委天津道李玠前往彼處逐一踏勘茲據守

道叅議董秉忠詳稱天津道李玠會同護理口北道

印務保定府同知何玉如履畝查勘懷安衛實有衝

壓絕荒地一百九十一頃二十一畝零蔚州衛實有

衝壓絕荒地三百一十八頃二十三畝零東城實有

衝壓絕荒地九百五十五頃二十九畝零西城實有

于山奏牘

卷六

十

衝壓絕荒地三百四十三頃六十畝零皆因山谷諸

澗及渾乾等河環繞於中衝者盡爲溝渠壓者遍地

沙石誠犁鋤所不能施工力所不能措也當津道踏

勘之時各衛城士民環繞哭泣備懇歷年賠糧苦累

望蠲情切津道目擊絕荒不毛之地與小民鳩鵲之

狀以謂再加追呼則邊徼窮黎將來不免于溝渠是

地之荒者固荒而熟者亦轉爲荒津道勘報情形如

斯臣思此項衝壓地畝包納錢糧實爲宣屬殘黎之

累害是以前撫臣金世德具

題請部覆未允至易贊之際猶念念不忘遺疏乞蠲

臣履任之後復又行查確實疏

請蠲免以邀

皇仁部臣因事關蠲豁錢糧理宜詳慎故令委官踏勘今

既履畝勘明實係衝壓絕荒之地工力難施貧民歷

年賠糧異常困苦其所報情形出於目覩最真最切

必無扶隱捏報情弊合計四處荒地本色糧止三千

餘石折色銀僅一千餘兩今

請豁免其於

于山奏牘

卷六

十一

國家之正賦所蠲不過涓滴而存活數千戶之生靈則

所全者甚大臣謹據實

題明仍祈

皇上特沛洪恩將此四處衝壓地畝糧銀准與豁免庶荒

微殘黎頂戴

皇仁於不朽矣既據該道呈詳前來除地畝細冊前已送

部無庸再造所有勘官印結併口北道廳城衛印結

咨送戶部外擬合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得先據直撫于 將宣府

所屬懷安蔚州二衛并東西二城水衝沙壓地畝錢

糧具題請豁臣部以事關永蠲錢糧行令該撫遴委

賢能道員親詣踏勘去後今據該撫疏稱遴委天津

道李玠踏勘懷安衛實有水冲沙壓地一百九十一

頃二十一畝零蔚州衛地三百一十八頃二十三畝

于山奏

卷六

三

零東城地九百五十五頃二十九畝零西城地三百

四十三頃六十畝零取具踏勘官員印結具題請豁

前來查懷安衛等處地畝該撫既稱委官勘明實係

水冲沙壓等語此項錢糧應准其二十年為始照數

豁免其地畝仍令該撫速行設法開墾徵糧可也等

因具題奉

旨依議

請禁許告以正名義疏

題為直屬有司疊許上官初為謀陷詐贓之舉漸成反

噬挾制之風流害無已名義與

國體俱傷謹特疏糾奏伏乞

鑒鑒以肅法紀以昭體統事竊照上下者名義之所關舉

劾者

國體之攸重自督撫以及監司至諸執事上下名義昭

然不容紊越若三年

計典與薦舉必不可停等案並不時糾察事務必司道府

于山奏

卷六

吉

據實欵揭合之督撫訪聞無異方敢列疏入

告權不旁貸事不獨制上下相維名實俱存法至周詳盡

善矣未有如直屬之有司蔑視

王章還許上官相沿成習名義廢弛體統倒置之甚者

也臣六月抵任檢結舊案如任縣已故知縣施挺寶

為申明威勒等事一案許報大名道范永茂順德府

知府殷作霖廣平縣已故知縣夏顯煜為利債之圖

取等事一案許報大名道范永茂署廣平府事河間

府同知周從謙夫以前撫臣金 清慎明決貪墨從

無漏網法紀凜然又安容屬員縱吻肆訐無忌糾劾之權操之下吏蓋以施延寶夏顯煜侵欠庫銀盈千累萬謀陷詐贓已死不可復詰是予道府以不得不揭撫臣以不得不泰之勢也無如効尤成風恬不知怪及臣任事數月倦倦以驅除貪吏亟救民生爲念以少酌

皇上知遇之特恩擇其已甚於百入之中據道府揭報畧効數員以示懲創以予改悔隨有永清縣知縣萬一肅依襲故轍將霸昌道沈志體刻款開揭臣業據文

于山奏牘

卷六

五

入

告在案此猶從守巡兩道轉報者也其中恐有勒索情弊尙未可定已行守巡兩道會訊未幾而獻縣知縣喬國棟許河間府知府徐可先同知周從謙之文又至矣內稱茲嚴禁火耗鎔錄盡除中秋無有餽送節禮府廳因此懷恨藉魯道村崔成夫事一案明知是交河地方捏誣獻縣且謬執別人糧票杜稱獻縣等語附許知府徐可先同知周從謙十六十七等年各款正在查閱間據守巡兩道同稟前情除批守巡二道

會審確實另報外臣查得魯道村崔成家被盜乃本年三月二十一日事也崔成赴部報獻縣魯道村失事喬令以交河相推抗不開具職名天津道委徐知府親勘據實開報喬令輒肆污蔑之言致徐知府結舌不敢定案限期久逾事無定局天津道復委周同知往勘查魯道村原屬獻縣地方因當日同周家庄高官上夫庄等村誤圈入旗下共地二百七十餘頃交河還獻縣段家庄等村共地二百七十餘頃嗣後魯道村爲旗下圈庄歷來未設保甲稽查亦無失事

于山奏牘

卷六

五

相沿已久茲忽有崔成被盜一案喬令堅不承認周同知細問交河還獻縣段家庄等村一切逃盜俱責之交河而誤圈獻縣魯道村之地逃盜等事何獻縣可脫然無涉也轉報天津道開揭獻縣遲延職名臣據奏在案此乃地方公務愚謬無可巧施何輒以未送節禮爲辭撫拾往事公然具訐且不由守巡兩道徑以驗文封送似此悍藐將來道府必懷投鼠忌器之嫌而隱忍養奸法紀大不可問矣各屬有司包藏禍心任意橫肆剋削小民道府決不敢有過而問者

法紀頽靡將何底止我

國家數十年振綱飭紀大小臣工無不以名義自持何容此千名犯義之輩挾制上官壞綱亂紀於

幾輔之地也倘海內效尤風俗人心爲之大壞伏乞

勅部嚴議如道府不法而撫臣姑容容害應作何從重治罪而反噬挾制之有司作何處分於以申飭法紀嚴戢體統大義明而

國體昭以養

國家久安長治之休所關匪淺鮮矣臣謹具疏

手山奏稿

卷六

題奏伏乞

睿鑒

勅部議覆施行奉

旨該部確議具奏

吏部議覆內開除獻縣知縣喬國棟訂河間府知府徐可先同知周從謙之文該撫既稱批守巡二道會審確實另報等語應俟查明到日照例議外議得直隸巡撫于成龍疏稱上下名義不容紊越凡有糾參事務必道府據實欵揭督撫訪問方敢入

告未有如直屬之有司蔑視

王章逞許上官相沿成習者也臣查魯道村崔成家被盜

一案崔成赴部報獻縣魯道村失事獻縣知縣喬國

棟以交河相推抗不開具職名天津道委河間府知

府徐可先親勘據實開報復委同知周從謙往勘查

魯道村原屬獻縣地方轉報天津道開揭獻縣遲延

職名據參在案此乃地方公務恩讐無可巧施何輒

以未送節禮爲辭撫拾往事公然具許似此悍藐將

來有司任意橫肆尅剝小民道府決不敢有過而問

手山奏稿

卷六

之者法紀頽靡將何底止伏乞

勅部嚴議如道府不法而撫臣姑容應作何從重治罪而

反噬挾制之有司作何處分等因前來查道府不法

督撫姑容不行題參者有降三級調用之例應無庸

議至凡官員若上司有將伊勒索苛求之處應於未

將伊列欵揭報糾參之先首告將伊列欵揭報糾參

之後乃將上司列欵首告者因將伊揭報糾參之際

担欵首告亦未可定相應定其處分之例查定例內

京察大計降級革職官員如有將考伊官員以受賄侵勒

按告者將所告之事不准行本官有冠帶者革職無
冠帶者交與刑部議罪等語嗣後凡官員將伊列款
揭報糾察之後乃將上司列款首告者應照此例將
所告之處不准行治罪俟

命下之日通行直隸各省遵行可也等因具題奉
旨依議

于山奏牘

卷六

六

特泰州牧黨盜疏

題為州牧黨盜不報臣謹特疏糾察以儆官邪以肅法
紀事該臣看得州牧一官身任地方之責當以緝盜
安民為事不意有緝盜無能而反工護盜如景州知
州張鳴珂者大盜呂世昌高登舉將弓箭刀鎗等械
用簾包裹暗藏車內由景州以往德州乃該州任其
公行而不為覺察及至兩處交界地方被德州營兵
盤獲押解該營而鳴珂旋為關取當賊由州境行走
之時何以昧於盤詰及被降兵拘執之後又何以速

于山奏牘

卷六

九

於關提鄭且提到二賊既不捕緝餘黨又不申報道
府惟稱無失主賊証難以盜賊懸擬為詞竟將賊械
劫掠行徑諱為賒買牛驢強借偷驅舊案私移德營
欲為開釋如此挾械之大盜置之不究不報且力為
出脫此非通同受賄而何鳴珂之居心行事臣誠不
能為之解也養奸貽害一手障天是州境竟為群盜
之淵藪而隣封悉為几上之魚肉矣更不知前此之
縱賊行劫於隣境者幾何行劫於本境而隱諱者又
幾何也且臣准山東撫提二臣咨會檄令巡道行提

捕役人等冤訊而鳴珂尙敢抗不申解目中寧有三尺乎似此黨盜庇蠹之員斷難一日姑容貽害地方所當請

旨革職同捕役人等一併提問從重究擬者也臣謹

題參伏乞

睿鑒施行奉

旨這所參張鳴珂黨盜庇蠹殊干法紀著革了職併本內有名蠹役該撫嚴提究擬具奏該部知道

于山奏牘

卷六

三

爲口北饑民請緩徵出糶疏

題爲謹陳急救口北饑民之議仰祈酌行事該臣看得宣府所屬衛堡連年歉收民多困苦今歲夏秋東西二城宣府前衛懷安衛萬全左衛又被旱雹等災漢井堡蔚州衛秋間亦被雹災經臣委員勘明成災分數先後具

題在案今據守道叅議董秉忠詳議緩徵平糶二款前來臣查宣屬徵糧多係本色今疊被災傷籽粒無出必須糴米完納值此饑寒交迫之際災黎已難存濟

于山奏牘

卷六

三

而重之以催科臣恐徒煩敲朴究竟不能輸將雖國儲綦重不敢輕議全蠲然民命所關又不敢不仰體皇上愛養群黎至意急

請軫恤也臣查宣屬每年約徵本色糧玖萬石其每年支放不及五萬石所徵者多而所用者少康熙十八年奏銷實在糧共計二十七萬七千餘石除十九年給散蒙古併支放官兵外仍有存貯糧二十萬石康熙二十年儘足支用而尚有餘十九年應徵新糧又約計九萬石此糧徵完不過積留在倉無有支用之處

若將災傷地方分別輕重酌量緩徵被災之民實沾無窮之惠今宜屬被災之處惟東西二城爲最所有康熙十九年額賦除折銀照數催納外其本色糧一萬三千餘石

請於本年先徵十分之三其餘七分緩至明秋帶徵至於前衛及懷左蔚濠四衛堡雖俱被災未至如東西二城之甚本年折銀亦照數催納其本色糧二萬三千餘石本年先徵十分之七其餘三分亦緩至來秋帶徵此不過暫寬時日其於額糧毫無虧損而稍緩一

于山奏牘

卷六

三

分之追呼小民卽受一分之弘濟不致立填溝壑矣再查東西二城歷年所徵糧石支銷無幾見存之糧約計四萬五千餘石久貯在倉將有沱爛之虞今二城罹此重災百姓粒食維艱若將陳積之糧平價出糶不許外境輿販不許富戶多糶祇聽災民計口糶買米價既平民間易於得食雖遇凶年或可安鄉井而無流移之苦亦救荒之一策也臣謹具

題伏乞

勅部議覆施行奉

旨該部議奏

戶部議覆內開該臣等查得直撫于疏稱宣府所屬連年歉收今歲夏秋被災民難存濟查宣府被災之處惟東西二城爲最所有康熙十九年本色糧於本年先徵十分之三至於前衛及懷安萬全左衛蔚州濠井五衛堡本色糧本年先徵十分之七其餘緩至明秋帶徵等因前來查宣府所屬該撫既稱疊被災傷均應如該撫所題帶徵完納至於該撫疏稱東西二城現存倉糧四萬五千餘石以平價出糶令重災百姓計口糶買亦救荒一策等語查宣府所屬舊存米豆共六萬一千餘石現今准其變價今又將東西二城舊存米豆盡數出糶恐不足供應等項亦未可定相應行令該撫將東西二城存貯米豆俱令將一半照時價確估報部可也等因具題奏

旨依議

于山奏牘

卷六

三

再爲口北饑民題請急賑疏

題爲二城饑困已久三冬民命垂斃懇祈

題賑亟救殘黎事該臣看得宜屬地方連年歉收今歲東西兩城及萬全左右前懷蔚保柴溝西陽等處俱報夏災臣到任後勸諭守道及口北道倡率官紳士民共捐銀一千三百八十二兩四錢米七百七十九石九斗委保定府同知何玉如前往分賑外尙存銀二百八十三兩八錢三分迨至秋間東西二城及前懷蔚左潁井等處復被災傷據守道詳議將東城等處被災地方本年應徵糧石分別緩徵及將積貯糧石平價出糶以救凶荒臣於本年十一月初九日具疏

于山奏牘

卷六

五

題請此時該地方官尙未報有饑死之民也今於十一月二十七日據守道董秉忠詳稱據南路通判陳天棟報稱東西二城春夏以來民食草根木莩迨至秋冬西成無望捐賑無幾向之根莩不可復得近於二十餘日之間饑死者不下數十人卽城坊鬻帑每日亦僅什幾口等語臣展閱至此不勝憫惻伏思臣

題平糶之疏見候部覆卽荷

皇仁允臣所

請尙須二十餘日止可救來春而不能救目前亦止救稍能措糶之民而不能救囊無一錢殍臥待斃之民卽再疏

請發廩賑濟其間下部議覆候

旨允行亦須一月此一月之內民之饑死者又不知凡幾矣臣與守道董秉忠共相籌度東西兩城既無常平倉穀可動雖有從前勸捐存剩之銀然止二百八十

于山奏牘

卷六

五

餘兩爲數無幾欲再勸捐一時銀米不能聚集而又迫不能待再四圖維別無良策惟有西城陳積之糧臣已

題明平價山糶以救災荒今西城饑民奄奄一息勢須急爲拯救不能稍緩須臾臣仰體

皇上惠愛元元至意委保定府同知何玉如等馳赴東西兩城查有實實饑困不能謀生窮民動支前項倉糧每名口賑給二斗俾此垂危之民少延月餘之生其前衛并蔚潁懷左等五處據守道詳報俱有饑民臣

檄守道轉行同知何玉如等俟賑完兩城之後將此五處饑民查明亦動各本處倉糧給賑至動過糧石容臣通查各屬積貯無項舊銀照依官府前衛經變康熙十七年以前倉糧之價按數抵補如或不敷再行勸捐補足至各處饑民除目前賑濟之外其善後之舉容臣酌議另疏

題請今據守道呈詳前來理合具

題伏乞

睿鑒

于山奏牘

卷六

五

勅部議覆施行奉

旨該部速議具奏

戶部議覆內開該臣等查得直撫于疏稱宣屬地方連年歉收東西二城春夏民食草根木芩迨至秋冬根芩不得二十餘日之間饑死不下數十人城坊開市每日亦偃仆幾口勢須急為拯救不能稍緩須與委保定府同知何玉如馳赴東西二城查實實饑困窮民動支倉糧每名口給賑二斗少延月餘之生其前衛并蔚淩懷左等五處饑民查明亦動倉糧給

賑至動過糧石通查各屬無項舊銀抵補如或不敷再行勸捐補足等因前來查該撫既稱東西二城及前衛等五處饑民委官賑濟應行該撫速將存剩米石動支賑救務須仰副

皇上愛恤饑民之至意毋致離散仍將賑救過饑民數目動支米數報部查核其動過米石該撫照時估價勸捐抵補可也等因具題奉

旨依議

于山奏牘

卷六

五

謝賜書經解義疏

奏為恭謝

天恩事康熙十九年十二月初七日臣提塘李懋功自京

領齋

皇上頒賜書經解義到臣臣隨恭設香案望

闕叩頭祇受訖伏思

皇上至德生知體執中於堯舜

聖修典學懋建極於商周念茲疎庸咸宜訓迪

頒賜成書俾有矜式臣成龍雖以固陋之資淵微莫測益

于山奏牘

卷六

天

不敢不夙夜小心講求古訓期於仰副我

皇上砥礪臣工之盛意焉臣謹具疏奏

謝伏乞

睿鑒施行為此具本專差提塘李懋功齋捧謹具

聞伏候

勅旨奉

旨該部知道

再請 陛見疏

奏為微臣躬率昇請夫役前赴沙河路由

京都謹請

陛見以遂夙誠事臣以謏劣菲才謬蒙

皇上知遇授以巡撫鉅任

聖德如

天感激無地臣於蒞任之初具有恭請

陛見以盡微誠一疏奉

旨于成龍簡任巡撫正資料理不必來京陛見該部知道

于山奏牘

卷六

天

欽此欽遵不敢再疏陳

請然瞻

天仰

聖之愚忱刻刻在懷今工部

題明昇請

二位皇后梓宮夫役一萬八百四十名咨臣揀選齊備親

身率領於二月初八日前至沙河臣俟屆期躬率人

夫趨赴應役伏思臣前疏恭請

陛見未荷

皇上俯允今自保定前赴沙河路由

京都咫尺

闕廷益切觀

聖之念且臣才識庸常膺茲

畿輔重寄必得

天語提命俾知砥礪臣謹再疏恭

請伏乞

睿慈俞允施行臣未敢擅便為此具本專差提塘李懋功

齋捧謹具奏

于山奏牘

卷六

三

聞伏候

勅旨奉

旨于威謹著暨見該部知道

陞見蒙 賜謝 恩 疏

奏為恭謝

天恩事竊臣因督率昇請

二位皇后梓官夫役至沙河荷蒙

聖恩俯俞臣請於康熙二十年二月初五日

陞見獲觀

天顏躬承

聖命隨蒙

賜坐

于山奏牘

卷六

三

賜茶特徹

御膳賜食當即謝

恩趨赴沙河料理夫役於二月十二日翰林院掌院學士

庫勒納一等侍衛對親傳奉

上諭褒嘉特賜

內帑銀一千兩

御乘連鞍良馬一匹隨望

闕叩頭祇領訖又於二月十八日大學士明珠翰林院掌

院學士庫勒納一等侍衛對親奉

上諭賜臣

御製詩一章

御筆手卷臣恭隨

欽使親詣

行殿叩頭祇領訖及臣率夫至

陵事畢回

京于三月十四日詣

闕謝

恩又奉

手山奏牘

卷六

欽賜鞍馬一匹臣隨祇領一併叩謝

天恩當經恭請

聖安復蒙傳

諭賜茶伏念臣以一介腐儒歷任外吏僅守淡泊曾無寸

長謬蒙

特達之知

簡授撫

織之職今茲

陛見親覲

龍光幸抒仰

聖之微忱欣遂瞻

天之夙願詎荷

睿慈遇承

寵眷

賜坐

賜茶特徵

御膳賜食更念臣家計涼薄特賜

內府帑金

手山奏牘

卷六

御乘良馬且蒙

聖製詩章

宸揮彩翰

繪音溢美愧感交深似此

殊恩異數誠曠古所希聞臣何人斯乃邀

榮於非分唯有益加砥礪以無負我

皇上知遇之隆已耳臣謹恭疏

奏謝伏乞

睿鑒施行爲此具本專差提塘李懋功齎捧謹具奏

聞伏候

勅旨奉

旨該部知道

于山奏順

卷六

言

題報蠲賑宜屬米石疏

題為

題明勸蠲運宜米石以盡臣節少佐邊儲事切照宣府等處歲歉民饑邊外蒙古亦饑頻行賑濟存倉米石

告廣我

皇上念切邊儲為重特

命撥運京倉米石又以解暑之時恐勞民力復屢

睿慮

命王公以下卿貳以上各蠲車輛運米萬餘石以備急需

于山奏續

卷六

謹

仰見我

皇上惠愛斯民甚濫且切也竊念內外臣工均屬一體在

內王公大臣既已急公蠲車輓運臣與道府等官以

沐

聖恩忝居外任無以仰舒

宵旰揣分何以自安且臣前奉

旨往宣府賑濟饑民親見鎮城倉米支放已竭現在竟無

存貯而前衛本年額徵之糧已奉

特恩全蠲直至明歲秋成始有新糧接濟目今宣鎮在城

營兵無米可支軍需所關亦屬緊要臣抵署後旋舉
守道叅議董秉忠巡道僉事吳元萊面同酌議乘今
秋收之際於直屬道府等勉其各量力蠲輸仍自備
車脚運至宣府交收約畧計算可得米貳萬石有此
儲備則宜鎮兵糧不虞缺少若遇賑濟蒙古等項亦
可少資於用除臣已檄行各道府勸勉輸助俟將願
蠲數目報明催令運宣交倉之日容臣核明確數開
列蠲助各官職名另疏

題報外此臣仰體

于山奏牘

卷六

皇上懷保之仁亦微廷臣急公之誼勸令道府各輸涓埃
以盡臣分少佐邊儲於萬一耳臣謹先疏

題明伏乞

睿鑒施行奉

旨于成龍率屬蠲米貳萬石運至宣府備賑可嘉着議奏
該部知道

再爲驛站請增工料疏

題爲衝驛繁苦已極豆草騰貴異常亟請加增工料以
救危站以速軍機事該臣看得直屬當天下之衝各
省差使莫不經由其地驛站之繁難自昔稱最各驛
原額工料當編定之時蓋幾經籌畫量其足用而設
立乃自吳逆倡亂軍需浩繁屢經裁減差愈多而銀
愈少各驛始困然於康熙十七年以前直年歲豐稔
猶可勉力支持不期十七年秋收歉薄歷十八十九
年疊罹災傷豆草等價一切騰湧較前不啻數倍裁
剩之銀不敷於用各官賠墊難堪紛紛籲請臣據守
巡兩道詳議是以有暫給長墊之疏未荷允准隨通
飭各屬遵照部覆仍令於裁存銀內通融支給亦何
敢再爲陳

請但自連歲災荒之後未遇豐收物價曾不少減而所存
工料各有項欸如夫役工食廩糧飯食及買補馬價
與煮料柴薪等銀無一可省更無一足用實無可以
通融其間各驛賠累既久日見困迫自准部文檄行
之後呼籲叠至比前更切其不得已之苦情誠難殫

于山奏牘

卷六

五

述據總巡道僉事吳元萊詳稱直屬原額工料銀五十三萬四千一十兩零奉文十分裁四止應裁銀二十一萬三千六百四兩零今合先後裁銀共有二十五萬二千四百七兩零除應裁外多裁銀三萬六千六百四十三兩零此多裁之數原係各驛應留六分以內之銀請仍還各驛少濟時艱等情臣復批令會同守道查議今據兩道查明原有多裁銀兩詳請

題覆前來臣猶恐未確又檢閱原裁案卷前撫臣金世德於康熙十五年奉文裁減之時原按額銀計算統

平山奏牘

卷六

奏

合各案共裁銀二十一萬三千六百餘兩後經部駁又找裁銀三萬六千六百餘兩曾於疏內敘有原額計算幾及五分等語則是後次找裁者實係應裁四分以外之銀况前撫臣於十五年題覆裁四一疏內稱直隸無處不衝無處不繁較之安徽相去懸殊不啻倍蓰今將額設錢糧照依安徽裁減誠恐各驛通將來力不能支其於軍機緊差所關匪淺若日後存剩之銀不敷供應必須再為

題請臣等身在地方洞悉各衝驛之苦不得不預為

明等語則是前撫臣當日仰體一時籌餉之計勉為裁減固已逆知日後之必不敷於用也假使撫臣至今尚在值此連遭荒歉物力艱難之際亦將請復之恐後矣臣今身在地方目覩各驛困苦情形安敢坐視倒懸而不亟為

上請也合無仰懇

皇仁軫念驛站關係軍機重務

特勅部議將前項多裁銀兩自康熙二十年起給還各驛容臣酌量繁簡均勻補給庶驛困得以少蘇而馳遞

平山奏牘

卷六

奏

軍機可無貽悞之虞矣臣謹具

題伏乞

勅部議覆施行

為真屬被災州縣請停徵疏

題為泣陳災邑萬分重困懇恩授例帶徵以甦民命以固邦本事據直隸守道叅議董秉忠呈稱蒙巡撫于右副都御史批據獲鹿井陘等縣申詳前事內稱切照獲井等縣環邑皆山地盡沙石別無水源在雨暘時若之年收穫無幾不意旱魃肆虐連三年雖前經微雨繼以暴風麥穗焦枯顆粒無望穀種未播秋收無期嗟此下民釜甑生塵饑饉斷絕因而離載道幸蒙各上司多方賑救雖得續命之膏然終

十山奏牘

卷六

旱

無可措若云緩徵於春夏勢必併徵於秋冬則此溝壑待斃之民輾轉究無生路有土地者因徵地丁而逃有房舍者因徵房號而逃丁口日見凋耗

國賦從何徵輸是緩徵在常年為破格之恩在獲井等邑此地此時仍屬朝三暮四案查口北被災深重業蒙本院

題請帶徵獲井等邑三歲奇荒災黎之苦雖疊牘難盡其狀實與口北相同今除驛遞一項關係軍機祭祀一項關係典禮別縣既無協供之理應於現年

其餘除春季已經支給外一切起運存留各款通作

十分計算將康熙二十年地丁等項錢糧槩行停徵於二十一二十二二十三等年分別帶徵倘邀時和年豐尚可通融辦納轉移緩急之間於

國賦無虧額之憂民命有更生之望若不為民請命終無善全之策職等蟻命固無足惜又安忍坐視千萬生靈盡填溝壑不得不冒昧申請伏祈鑒奪等情申詳本院蒙批仰守道速行確議詳奪繳蒙此又蒙本院批據真定府呈詳前事內稱獲井等邑詳同前情

十山奏牘

卷六

旱

該真定府知府趙瑾看得真屬地方災荒連歲大槩歉收而西北沿山一帶之獲鹿井陘曲陽平山靈壽五邑災黎困苦尤甚惟冀雨暘時若春秋俱熟庶幾可望起色不意本年自三月初中二旬各得微雨之後迄今彌月以來河漢為昭麥苗不能盈尺抑且漸見焦枯已種之穀不長未耕之地咸荒幸蒙賑救頻加暫得苟延目下然賑濟救其一時亢旱無如復見黎民仰事俯育急公完糧者惟此地土是賴地土一荒下既切於饑餒倘上再迫於徵輸欲其不逃不敢

不可得也職府目擊災黎俱皆鳩形鵠面慘苦之狀
鄭圖難繪五邑士民紛紛籲控二麥枯死無餘郊原
悉爲赤地除踏勘確實另請

題蠲外茲據五邑將本年錢糧糧口北帶徵之例爲民
請命前來職府不得不據實呈請俯賜具

題以救殘黎等情呈詳本院蒙批已據獲井等縣申詳
批行該道查議矣仰速妥議詳等因批行到道蒙此
該守道叅議董秉忠看得真屬獲鹿井陘曲陽平山
靈壽五縣地方連旱三年小民困苦已極雖前經詳

平山奏牘

卷六

聖

請多方蠲備買米及借穀兩經賑濟在案然不過少
救目前之饑餒惟望二麥以甦生今據獲井等縣與
真定府詳稱各該地方自本年三月初中二旬各得
微雨之後迄今彌月以來河漢爲昭麥苗枯稿已種
之穀不長未耕之地咸荒旱災復見黎民所藉以資
生完糶者惟此土地是賴地土一荒下既切於饑餒
倘上更迫於徵輸勢必逃散呈請確查災地請蠲併
援例詳請帶徵前來是獲井等五縣二麥絕望夏災
已見除委員踏勘確實另行詳奪外但獲井等五縣

連被重災十望九空小民糊口無策以此重困垂斃
之饑民而令其辦納

國課此徒事追比究竟不能完納反多流離散亡之慘
康熙二十年分錢糧實實難於徵解合無詳請先賜
具

題將獲鹿井陘曲陽平山靈壽五縣康熙二十年地丁
錢糧寬至二十一年帶徵完解是以轉移間在

國賦仍無虧缺而千萬殘黎得獲再生之恩也等因呈
詳到臣該臣看得直屬地方連年荒歉去歲復被水

平山奏牘

卷六

聖

旱災傷者三十餘處
畿北唯宣府爲最業蒙
皇恩蠲賑頻施且允臣所請將康熙十九年本色糧石准
於二十年帶徵矣至
畿南被災之處惟真定府屬之獲鹿井陘曲陽平山靈
壽五縣爲最蓋此數處皆沿山一帶地固沙磧民素
困窮何堪疊罹災傷第以宜屬饑民衆多方煩發票
是以未敢輕爲入
告重費

臣等臣鼓勸道府等官多方蠲備買米借穀自春初至今兩經賑濟被災窮黎稍爲苟延所望者惟二麥成熟秋田收穫資生完賦俱借此以給不意今歲自春以來雨雪甚少各處同然於三月初七八等日時有雨澤雖或未盡溥通而別屬已有沾足者獨此五縣偏不得透雨且彌月以來亢旱如故麥苗悉已枯槁夏災已成民心惶惶錢糧無措該府縣咸激切詳請蠲除帶徵臣批守道查議茲據該道叅議董秉忠議將各縣康熙二十年地丁錢糧寬至二十一年帶

于山奏稿

卷六

署

徵前來臣思此五縣目下情形實屬困迫誠難復事徵輸但時在夏初雖麥田無望若得透雨秋禾之未長者尚可長茂未種者尚可佈種幸邀

天眷秋田有收則民心安而民力舒當茲軍需孔亟之際

臣何敢輕

請帶徵併何敢輕議緩徵也若此後仍無透雨則秋田又

復無望將見數縣民生不免流離溝壑之虞

國賦從何辦納臣於此際又不得不懇

皇上寬恤之恩也除各縣夏災地畝批令守道遴員踏勘

俟勘明詳報到日另

題外所有各縣被災情形並目下民困難徵緣由理合

先疏具

題伏乞

勅部議覆施行

于山奏稿卷之六

于山奏稿

卷六

于山奏牘卷之七

晉西河于成龍北溪父著

請免河間災民估買房地疏

題爲盆冤屢控未伸變產勉圖賠納今限期將迫措辦無門願比例交納房資追賣抵償事該臣看得袁珩未完逆本銀兩前將親友曹振平所助河間文安兩縣房地抵銀六千三百兩內河間縣地每畝作價五錢七分草土等房每間作價銀一兩一錢四分計地九十三頃四十八畝零房四百三十八間共作價銀

于山奏牘

卷七

五千八百餘兩准刑部移咨行追變解先據守巡兩道會詳內稱前項地畝悉皆嶮薄不堪耕種照時估值每地一畝不過價銀一錢其隨地房屋每間不過價銀數錢曹振平虛開多價捐助袁珩以抵欠本如照部單所開之價勒令種地貧民承買萬難完納請照時值估變其所缺之銀仍於袁珩名下補追等因經前撫臣金世德移咨刑部咨同仍令照數嚴追變賣行據守道叅議董秉忠巡道余事吳元來會詳內稱前項地破房所值無幾河間縣地荒米珠

耕桂老幼啼饑流離載道幸蒙

皇恩賑濟雖散者復聚而正供輸將不前窮民卽有房地

尙皆拋棄何能重價置買代完

欽案銀兩若必嚴追佃種之民照數納價貧民不能措交勢必逃竄他方是不惟無益於公而反重害災黎仍請照依時值變價其原抵逆本不敷之銀在袁珩名下追補或將房地仍歸曹振平令代袁珩措完欠銀或將房地歸於原業主曹克恭等於克恭名下追出原得房地價銀以結夙案統聽部議既據兩道詳

于山奏牘

卷七

二

前來理合具

題伏乞

勅部議覆施行臣未敢擅便謹題請

旨奉

旨該部議奏

刑部議覆內開該本部議得直隸巡撫于成龍疏稱袁珩未完逆本銀兩前將親友曹振平所助河間文安兩縣房地抵銀六千三百兩內河間縣房地共作價銀五千八百餘兩以抵欠本前項地畝悉皆嶮薄

不堪耕種河間縣疊罹災荒若必嚴追佃種之民照數納價貧民不能措交勢必逃竄仍請照依時值變價其不敷之銀在袁珩名下追補或將房地仍歸曹振平代袁珩措完欠銀或將房地歸於原業主曹克恭等追出原得房地價銀以結夙案等因具題前來據此曹振平所助房地該撫既稱若必嚴追佃種之民照數納價貧民不能措交勢必逃竄等語相應將曹振平所助房地歸回原主仍於袁珩名下追銀五千八百餘兩以完逆本可也康熙十九年八月二十

于山奏稿

卷七

三

二日題二十四日奉

旨依議

請寬盜案處分以惜人才疏

題爲盜案之處分久定不敢擅請從寬人才之淹抑可矜特爲酌陳通變以鼓舞積困之勞吏事竊查盜案處分定例內開道路村庄被劫將承緝州縣印捕官併捕盜同知通判任俸文到扣筭限一年緝拿若限滿不獲降一級調用又兼轄道官罰俸六個月限一年催緝限滿不獲再罰俸一年等語此係已定通行之例何敢輕議變更第直屬之盜案與他省迥不相同直屬圍殘之區民無恒產既往往往流習非爲而又旗民襍處乘馬挾矢呼群引類無可稽查紛紛申報失事幾無虛日故監司廳印等官求其與盜案脫然無累得與陞轉之例者十不能三四其間豈無廉能素著之員可期大受者而一官疲劇之區此案未獲彼案又起一案幸完數案未獲甚有一日而失盜之案數家經年累月攢眉莫策始焉未嘗不勵精求爲消弭之計而無如飄忽兇徒焚劫不時積案多宗降罰隨至灰心進步無計自拔以

朝廷有用之人才而皆以盜案沉滯鐫級去任殊可憐

于山奏稿

卷七

四

惜臣目擊淹抑多員不得不亟

請稍爲變通也除城內被盜行劫各官仍照定例處分外其道路村庄失事在州縣身在地方既不能消弭於未行復不能緝拿於已劫責無可諉一年不能緝獲降級調用允宜但原失事之州縣既降級去任接緝之官事不切已恐未肯實心搜緝則強盜反有漏網之弊合無將州縣官於一年未能緝半

題來者降一級仍留原任賊犯照案緝拿若於已叅議處之後有能續獲一半以上仍許開復還其原降之

千山奏稿

卷七

五

級是於懲過之中寓以勸勉則各官不因去任隳心咸知自奮必能悉力擒拿不致強徒倖免也至於薦舉卓異行取官員乃

朝廷超拔人才之典而亦督撫諸臣盡其以人事

君之義但有才守兼優堪膺斯選者每因一二案未完格於定例而不敢輕列薦剡致使遠大之器困於百里淡爲可惜前見江寧撫臣慕天顏爲請

自行取事一疏將有未完錢糧之知縣林象祖任辰旦題請行取欽奉

特旨俞允仰見我

皇上憐才之殷初未欲以成例限人也直隸盜案之多與江南錢糧之繁事同一轍其中非無品行卓越才具優長如林任二令者倘邀一視之仁

特開破格之舉遇薦舉

大計及行取之期容臣將真知灼見確有才守之員不論盜案之銷否一體薦揚以備擢用庶真才不致於淹抑而

朝廷可收得人之實効矣再查捕盜同知通判雖專司

千山奏稿

卷七

六

督緝之任但所屬有十餘州縣及二三十州縣不等既不能分身經理又無由遍歷搜拿竟同各州縣一體處分似屬過甚查武職議處之例千把等官爲專汛守備等官爲兼轄副參等官爲統轄州縣印捕既與武職專汛之員同一處分則同知通判亦當與武職兼轄之員同一處分也比例更定則各廳員未有不鼓舞勉力者矣至督緝道員定例原止罰俸臣亦何敢再爲置議但於罰俸之外停其陞轉限年緝賊今承緝州縣與同知通判既請量輕處分而道員所

轄地方遼濶一歲之內有失事數起至十數起不等
停陞之案先後接續竟無銷結之期故直屬有督緝
責任之道員欲與推轉之列終不可得臣思方面大
吏或由京官改授或由外吏陞補歷任既久率多練
達之才及其年力精壯正可矢圖報効乃令困頓一
職無復進階之期更爲可惜况督緝與承緝原自不
同在承緝州縣等官固應停其陞轉限年緝賊而督
緝之道員既已罰俸似可免其停陞輕重區別之間
或亦上下之體統宜然若夫武職副參等官則又視

平山奏稿

卷七

七

文職之道員相等所當併

請一體變通以昭畫一之例者也緣係憐惜人才起見敬

陳末議如果臣言可採伏乞

睿鑒

勅部議覆施行臣未敢擅便謹題請

旨奉

旨九卿詹事科道會議具奏

吏部等衙門議覆內開該臣等會議得直隸巡撫于
成龍疏稱云云相應將此處無庸議餘照前議恭候

皇上

命下臣等遵奉施行謹題請

旨奉

旨直隸地方盜案繁多官民殊爲苦累著將該撫原疏內
各款事情再加逐一詳議具奏欽此再會議得直隸巡
撫于成龍疏稱直隸地方旗民雜處失事甚多故監
司廳印等官求其與盜案脫然無累得與陞轉之列
者十不能三四官員而以盜案沉滯殊可憐惜道路
村庄失事冷無將州縣官於一年未能緝半題參者
降一級仍留原任賊犯照案緝拿若於已處之後有
能續獲一半以上仍許開復其原降之級至品行卓
越才具優長者遇薦舉

平山奏稿

卷七

八

大計行取之期不論盜案之銷否一體薦揚擢用又捕
盜同知通判所屬有十餘州縣及二三十州縣不等
既不能分身經理又不能遍歷搜拿竟同各州縣一
體處分事屬過甚當與武職兼轄之員全一處分至
於督緝道員所轄地方遼濶停陞之案先後接續欲
與推陞之列終不可得况督緝與承緝原自不同既

已罰俸似可免其停陞若夫武職副參等官視之道員相等當併請一體變通等語查定例內道路村庄被劫承緝州縣印捕并捕盜同知通判及專汛武職任俸限一年緝拿兼轄道官及兼轄副參等官罰俸六個月限一年催緝限內拿獲一半者免罪若限滿不獲州縣等官及專汛武職俱降一級調用有加級紀錄准抵道官及兼轄武職罰俸一年賊犯照案緝拿同城知府照州縣例處分等語查盜案限一年不獲即行降一級調用餘賊交與接任官緝拿限期急

迫本官既經去任接任官事不切已反不將盜賊查拿以致盜賊愈多嗣後州縣等官及專汛武職等官一年限滿不獲降一級留原任再限一年緝拿無級可降之官革職亦留原任限一年緝拿如再不獲調用革職同知通判管轄數州縣應照先定處分兼轄官員例初參停陞罰俸六個月限一年緝拿限內不獲罰俸一年照案緝拿同城知府以下既有承緝知縣其知府應照同知通判例議處道官與兼轄武職初參既罰俸六個月免其停陞仍限一年緝拿限滿

不獲仍照例罰俸一年若未滿一年之限陞遷照離任官例罰俸一年盜案俱係一體各省盜案亦照此定例行又查定例無錢糧盜案官員方准薦舉卓異行取知縣林象祖任辰旦係奉

特旨准行不爲例在案應將此處無庸議

命下之日以後所到盜案照此例議可也等因奉

旨依議

請緩徵災邑房課疏

題爲山邑慘罹奇荒房課力難措辦懇祈

題鑒以救民命事該臣看得真定府屬獲鹿井陘曲陽

平山靈壽五縣連年疊被災傷今歲復遭亢旱經臣

將所被災委員勘明分數具

題在案其應徵房稅銀兩先因難以措納咨部俟麥熟
之後開徵今各縣咸稱房稅緩俟麥熟開徵原望麥
收輸納今自春至夏亢旱異常麥無收穫災黎救死
不暇豈能責其完納房稅詳請蠲免前來臣批守道

于山奏牘

卷七

十二

查議茲據該道叅議董秉忠詳稱獲鹿等五縣連被
災荒今又二麥無收目下雖得雨澤止可佈種秋禾
枚死將來此時正在青黃不接之際若按追徵房稅
勢必流離散亡終無有濟臣查宣府被災地方房稅
銀兩已蒙

皇恩免徵而獲鹿井陘等五縣災傷與宣府無異其房稅
銀兩請俟二十一年徵收不過暫寬時日於稅銀仍
可補徵而災黎實沾無窮之惠矣既據該道呈詳前
來理合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得直撫于成龍疏稱真定
府屬獲鹿等五縣連被災荒今又二麥無收若按限
追徵房稅銀兩勢必流離請俟二十一年徵收等因
前來查房稅銀兩原係爲接濟兵餉徵取自應照限
徵解但該撫既稱獲鹿等五縣二麥無收若仍按限

于山奏牘

卷七

十二

追徵百姓困苦等語相應准其俟秋收之日徵解可
也等因具題奉

旨依議

報賑宣屬饑民疏

題為欽奉

上諭事康熙二十年六月初七日准戶部咨山西清吏司

案呈康熙二十年五月二十七日奉

上諭論戶部前因大同等處地方自去歲饑荒百姓無食
流離失所已經發銀二十萬兩遣官賑濟又將應徵房
稅悉與豁免除務期小民家室復完不失故業今復差官
各處察看閭閻尚多逃亡田土仍然荒棄耕種無資衣
食奚賴朕心深為憫惻所有本年應徵地丁各項正賦
予山秦贖

卷七

七

併歷年帶徵拖欠錢糧盡行蠲免但小民困苦已極猶
恐無濟目前此外有何應行事宜可以速拯災黎俾得
存活者爾部即行詳議具奏以副軫恤百姓至意特
諭欽此欽遵該臣等議得除應行事宜另行確議具奏
外將大同宣府太原此三處賑過州縣衛所應徵二
十年分地丁各項正項錢糧米穀并節年帶徵拖欠
錢糧米穀俱行蠲免其未賑州縣衛所錢糧仍照舊
徵收俟

命下之日行文該撫將蠲免錢糧之處大張告示通行曉

諭俾其均沾

皇上愛民實惠如有不肖官員將蠲免錢糧私徵或被害
之民首告或傍人出首者將州縣官照貪官治罪巡
撫司道等官一併從重議處現今仍有無食饑民亦
未可定應請

勅下直隸山西巡撫作何速行設法賑救以副

皇上愛民至意之處確議舉行可也康熙二十年五月二

十九日題六月初二日奉

旨依議著差爾部賢能司官前往會同該撫賑濟饑民務

予山秦贖

卷七

七

使得沾實惠併作何設法拯救著會同詳議具奏欽此
欽遵抄部送司奉此相應移咨案呈到部移咨到臣
除將蠲免錢糧之處頒發告示通行七處曉諭務使
均沾

皇上愛民實惠外隨該戶部員外郎葉 等兩臣會議親
往七處查看將寔寔乏食饑民自六月十五日起至
八月十五日止借支存倉米豆再賑兩個月俟勸捐
補還情由業經會疏

題明臣隨於本月初九日起程亦經具疏

題報在案至本月十四日已抵宣府會同員外郎葉

於十五日開倉賑濟前衛饑民次至萬全左衛懷安
漢井堡東城西城蔚州衛俱逐處遍歷親行查賑今
於本月二十八日已經賑完訖臣於所到之處逐一
詳加察看自出居庸關以外地土率皆石磧山坡非
如口內平衍之原田而時方溽暑涼爽自生一似口
內仲秋節令若至仲秋則肅殺之氣已至而草木應
先凋落矣是口外之地勢天時均與口內大不相同
故常年稱為豐稔之秋亦適與口內之中年相等若
遇雨暘不均則荒歉甚於他處今此七城衛堡去年
災祲又稱特甚民無素蓄致多饑餓前已蒙我
皇上疊賑之恩得以存活所最苦者尤在錢糧無從措辦
今兩奉

平山奏牘

卷七

五

特恩將應徵房稅銀兩悉與豁免本年應徵地丁各項正
賦并歷年帶徵拖欠錢糧盡行蠲免萬姓歡呼載道
幸免催科咸有安居之慶此七處之民情大率如此
臣等察看宣府前衛地方民間所種麥田雖收穫甚
薄而秋禾得沾雨澤收成可望見今農忙之際少壯

之人傭工力作俱可度日且豆菓菜蔬之類隨時
取可以易米亦可供食較去冬今春與夏初無雨之
際已大不相同是以請賑之民亦不如前此之多臣
等查驗將老疾困苦力不能自給者賑過大口饑民
六十七名萬全左衛地方見今情形大槩與前衛相
等唯東南之閭家庄等村一帶地土砂磧最甚先遭
亢旱有棄而不種者有種而至今萎短不堪者臣等
逐一查驗將實實困苦之饑民賑過大口四百一十
一名小口一十名懷安衛地方情形亦與前衛相去

平山奏牘

卷七

五

不遠而山僻之區窮民較多於附郭之處臣等逐一
查驗將實實困苦之饑民賑過大口二百二十名小
口一十名漢井堡地方地狹民少見今秋禾較之左
懷等衛更為茂盛臣等查驗除可自食其力者不給
外將老弱無力饑民賑過大口十八名小口二名東
城地方麥田無收所種秋禾先苦亢旱風沙近賴雨
澤連綿不被冰雹之處已漸長茂唯千家營王家窰
東水地馬圈堡西水地東六馬房等村於五月十七
日為冰雹打傷間存根柢或復佈晚禾幸今有雨亦

漸生發將來少有收穫亦不可定但此等復被災處民人困苦臣等親詣各村查驗確實賑過大口饑民三百零二名小口一十三名西城地方其情形不特比前左等衛堡懸殊即較之東城爲尤苦麥田既不接濟秋收又難懸望其被水雹打傷之黃羊坡等村共計二十四處禾苗殘毀一空率多拋棄不復再種卽有再種者無力耘鋤草多苗少長不盈寸欲望收成全然難定及查看民間屋舍之內所貯唯有野菜男婦老稚無不饑餓現於形色緣此處被災獨重

于山奏稿

卷七

七

是以窮民獨多臣等逐一查驗賑過大口饑民三千二百三十名小口饑民八百五十五名蔚州衛地方麥田因旱爲災大率與各處相同而秋禾則較各處爲尤盛臣等查驗除可以力作自食者不賑外將困苦無力饑民賑過大口一百八十名小口二十六名以上七處共賑濟大口饑民四千四百二十八名每名給米二斗四升小口饑民九百一十一名每名給米一斗二升通共借支各倉米一千一百六十六石二斗八升豆五石七斗六升此七處饑民得此兩月米

糧已可接濟至秋收凡有收成之處民人俱可自給但如西城等之復被水雹村庄若秋禾仍無所獲勢須再賑容臣於應賑之時另疏

題明設法拯救至於賑過饑民花名細數已檄令各地方官備造清冊俟送到之日咨部查核其借支米豆亦一面勸捐補還併俟捐補交倉之日另咨報部合將臣等賑完緣由具疏

題報伏乞

敕部查照施行臣未敢擅便謹題請

于山奏稿

卷七

七

旨奉

旨這賑濟過宣府所屬地方饑民知道了該部知道

報賑濟事竣回署疏

題為恭報微臣回署日期事切臣奉

旨會同戶部員外郎葉倫等賑濟宣屬前左懷蔚四衛東

西二城淡井堡七處饑民俱經逐處親查給賑於六

月二十八日事竣業經具疏

題報在案臣於拜疏之後於六月二十九日自蔚州衛

起程由紫荆關入口於康熙二十年七月初二日回

署訖臣於所到之處詳察地方情形訪民間疾苦

一切利弊所關與應行事宜容臣次第入

平山奏稿

卷七

九

告外所有微臣回署日期理合具

題伏乞

勅部查照施行謹具題

知 奉

旨該部知道

雄縣蒙 賜謝 恩疏

奏為恭謝

天恩恭逢

皇上行幸雄縣地方臣伏幸

天顏彌誠倍切隨具疏

奏明於康熙二十年九月初十日蒙

欽賜魚二包鹿一隻兔二十隻鴈二隻孤汀五隻臣衙門

筆帖式郎圖賚捧到保臣卽叩頭祇受分頒同城文

武各官均沾

平山奏稿

卷七

字

聖恩臣隨躬率守道叅議董秉忠巡道僉事吳元萊保定

營叅將張玉麒馳赴

行展禮候

聖安復蒙

恩賜

御膳併賜銀鼠褂一件奶酒一甌臣當卽叩頭謝

恩訖念臣謬任撫

畿毫無寸補屢蒙

聖恩

龍錫頻頒仰承

眷注之彌渥益慚報稱之無術唯有矢竭駑駘冀答

隆恩於萬一耳臣謹恭疏

奏謝伏乞

睿鑒施行爲此具本專差提塘李懋功齎捧謹具奏

聞伏候

勅旨奉

旨該部知道

于山奏牘

卷七

七

請更定宜屬文武儀注疏

題爲宜屬廳員轄衛之分名實未符特

請酌復舊制以重事權以專責任事切照宣府一鎮地處
邊方雖四境遼濶而山多田少荒沙瀾整寥寥土民
或築堡以居或穴山爲室蓋此地自來爲屯牧之所
原與腹裏不同故於附近口內之處僅置延慶保安
二州此外唯設有十衛地土人民悉令守備經管而
衛備之所不及者卽令營弁兼理其統轄之官則口
北道總持要綱六路廳分任督率也緣邊塞之區糧

于山奏牘

卷七

七

微丁少不堪爲縣而置衛不必立府而設廳其稽察
錢糧督緝盜逃一切地方事務皆六路廳之責任是
宣府各衛之屬於廳亦猶州縣之屬於府非若外省
衛所徑隸都司與府廳毫無統攝者可比也舊制守
備於廳員俱行屬禮自更定儀注以來改行賓主之
禮文移俱用手本原爲彼此不相轄而定乃宜府各
衛弁亦遂以文武分途竟抗禮平行而稽察不服呼
應不靈毫無統轄之實也近如蔚州衛已故守備何
藩懷安衛守備王曰熹等缺少倉糧皆盈千累萬又

萬全左衛守備吳文儀等或貪縱不法或酷烈無刑俱經參究矣至各衛連年本折錢糧率多未完十九年夏秋二災不遵六九兩月之限奏銷文冊至五月終尚無送到悉已逐案參處而各廳員以有督率之故因之亦屢掛彈章並受處分矣臣思各廳既任統轄之責必重其統轄之權名實相符則呼應靈而諸事不致廢弛未可以不相轄之屬備概論也合無將宣府衛備於所轄之廳員仍照舊時儀注另行更定庶使各知分之所在不復敢縱恣抗玩而公務獲濟

于山奏

卷七

重

矣再查城堡守備等官兼管地丁事務者其錢糧亦係各廳任其督催稽核而地方有失盜等事除兼轄營將外各廳仍有督緝之責是營弁而與衛備無異既有廳員統轄之事亦應行廳員統轄之禮所當併請更定以重事權以專責任者也臣謹具

題伏乞

勅部議覆施行臣未敢擅便謹題

旨奉

旨該部議奏

禮部議覆內閣該臣等查得直隸千成龍疏稱宣府衛地土人民悉令衛備經營稽察錢糧督緝逃盜皆陸路廳之責任舊制守備於廳員俱行屬禮自更儀注以來改行賓主之禮廳員徒有統轄之名而稽察不服呼應不靈宣府衛備仍照舊時儀注另行更定其城堡營弁所管錢糧與衛弁無異當併更定等語查順治十八年臣部與內三院吏兵二部會定文武官員相見儀注內各守備見知府同知通判推官俱不相轄行賓主之禮等因通行在案相應將撫院千

于山奏

卷七

重

成龍更定儀注之處無容議奉

旨這各路同知等官有專管稽察錢糧之責屯衛守備與營伍守備不同着再議具奏欽此該臣等再議得直隸千成龍疏稱宣府衛地土人民悉令衛備經營於廳員俱行屬禮自更定儀注以來稽察不服呼應不靈其城堡管弁兼管錢糧者亦與衛弁無異併行更定而公務獲濟等語臣部議仍令無轄行賓主之禮等因具題奉

旨這各路同知等官有專管稽察錢糧之責屯衛守備與

營伍守備不同着再議具奏欽此查順治十八年以前所定儀注內既有廳員行屬官之禮嗣後相應照舊定儀注例統轄可也等因具題奉

旨依議

于山奏續

卷七

謹

請假歸葬疏

奏爲微臣母喪未葬瀝陳哀衷仰祈

聖慈俯允以全子道事竊惟

聖朝敷教崇孝所以勸忠臣子立身竭忠必先盡孝未有子道有虧而可以事

君臨民者也臣山右寒儒早年失恃蒙繼母李氏視臣猶之已出教養勤劬恩同乳哺臣於順治十八年叨選廣西羅城縣知縣其時臣父久已見背止有繼母在堂家世清貧甫除一職間關萬里欲奉母之任而力

于山奏續

卷七

奏

有不能僅偕二三僕人擔囊而往拋離母氏囑臣妻子奉養絕裾之情至今思之猶有餘痛在粵七載於康熙六年陞授四川合州知州蜀道險阻自昔稱難欲迎母侍養而又不可得至康熙八年陞湖廣黃州府同知雖轉遷已就近地而在任四年兩次入

覲兼奉上司委調不常奔馳靡有寧宇及十三年二月內報陞福建福州府知府留補武昌府知府因浮橋一案革職旋補黃州府知府正值兵興終未遂迎養之私是臣竊祿有年臣母從未一嘗臣之食也至康熙

十五年十月內接臣母病故計音五內摧崩隨照例
詳請同籍守制乃以逆賊梗化軍務倥偬督撫諸臣
不以臣謫劣勉臣移孝作忠慰留再四隨經

題准在任守制臣於斯時私念母在既不能盡菽水之
歡而多事之秋若復力請回籍又不能盡鞠躬之義
則忠孝兩失由是抱哀供職馳驅於軍旅之間而臣
母停柩在家不遑顧也嗣蒙

皇恩超擢於康熙十六年十月內特陞湖廣分巡下江防
道十七年六月內復陞福建按察使尋陞本省布政

千山奏

卷七

使十九年二月內

簡授今職古來

守過之隆從無臣比臣前任江防道湖南猶阻聲教及任
閩省藩臬漳澄正在用兵自抵今任一年有餘而黔
滇餘孽未盡殘滅

禁旅尙煩征討

宵旰未舒臣之私衷何敢遽及且臣受

命撫畿以來毫無寸補而

聖眷有加本年二月內率夫沙河

陛見特蒙

製詩褒美更

賜帑金千兩

御馬二疋又本年九月內

駕幸雄縣復蒙

賜鹿兎魚鴈等物及臣趨候

聖安又蒙

賜銀鼠掛併奶酒

寵錫頻頒

千山奏

卷七

沃

榮施逾分感激之私捐軀莫報唯慮暮氣已侵鞭策不效

何敢言去辜負

聖恩獨是臣於繼母生不能養死不獲殮罪已深重今停

柩五年有餘尙未歸土如臣之爲子亦何賴焉天倫

父母事有未盡何以爲人況臣今年六十有五且就

衰邁若再遲延遺此未了大事而溘先朝露則通天

之罪百世莫逭是以每一迴思而拊膺頓足情難自

已者也臣前此之奪情留任歷久不敢言歸者緣以

四字未寧

王事靡盬人臣義不遑顧親之時也茲接部文滇南

尊湯平率土歸

王普天同慶從此兵革不用臣民共享太平之樂我

皇上誕敷文德首在扶植綱常敦崇倫理以維萬世之人

心以固無疆之曆服臣謬任巡撫代宣

聖化亦惟以綱常倫理教人乃躬際太平之盛非復從前

多事之時若不歸葬母喪是貪戀顯榮忘親背義不

孝之名不免貽譏於天下後世對屬臨民之際先懷

慙歉又何以勸人興孝思致化民成俗之效耶伏祈

平山奏稿

卷七

奏

皇上鑒臣私衷

允臣回籍安葬母喪俾臣子道獲全完此一生大事則身

外更無他慮大馬餘年皆圖報

聖恩之日矣緣係瀝陳哀衷事理貼黃難盡伏乞

睿鑒俯賜全覽施行爲此具本專差提塘李懋功齎捧謹

具奏

聞伏候

勅旨奉

丁威龍所奏情辭懇切准假三個月回籍葬母事竣速

行赴任供職該部知道

平山奏稿

卷七

奏

請全蠲災邑錢糧疏

順欽奉

上諭事康熙二十年九月二十三日准戶部咨福建清吏

司案呈康熙二十年九月二十日奉

上諭論戶部頃者朕巡行近畿至霸州地方見其田畝窪下多遭水患小民生計無資何以供納正賦其該州見在被淹田地應徵本年錢糧著察明酌量蠲免以示朕勤恤民隱至意爾部卽遵諭行特諭欽此欽遵相應移咨直撫將霸州現在被淹田地數目并應蠲錢糧數

牛山奏續

卷七

五

目速行查明具題可也等因呈堂奉批行送司奉此案呈到部移咨到臣隨檄直隸守道欽遵將該州見在被淹田地數目并應蠲錢糧數目查明詳報去後今據該道叅議董秉忠呈稱等因呈詳到臣該臣看得霸州地方田畝窪下多遭水患我

皇上軫恤災黎困苦特

諭戶部將應蠲本年錢糧察明酌量蠲免部咨行臣將被淹田地并應蠲錢糧各數目查明具

題行據守道叅議董秉忠詳覆查該州水淹地畝先經

勘明成災十分九分具疏

題報部覆照例免本年錢糧十分之三在案共計被災地一千五百四頃零本年額徵錢糧共該銀六千三百八十二兩零若照十分免三之數計算應蠲銀一千九百一十四兩零但該州地勢最窪被水爲患民生之困苦業在我

皇上睿照之中既奉

特恩軫恤合無於常例之外將本年錢糧破格全蠲以廣皇仁統聽部臣覆奪既據該道呈詳前來理合具

牛山奏續

卷七

五

題伏乞

勅部議覆施行臣未敢擅便謹題請

旨部覆奉

旨依議

假歸請護印務疏

題為

恩准假期兼肩

新命恭

請道臣護理印務以便交代事康熙二十年十二月二十

六日准吏部咨為微臣母喪未葬等事內開該直隸

巡撫于成龍題前事康熙二十年十二月十八日奉

旨于成龍所奏情辭懇切准假三個月回籍葬母事竣速

行赴任供職該部知道欽此欽遵移咨到臣准此又於

于山奏牘

卷七

呈

康熙二十年十二月二十八日准吏部咨為補授總

督事內開本部題前事康熙二十年十二月二十四

日奉

旨于成龍陞補江南總督應兼職銜爾部議奏欽此欽遵

移咨到臣准此臣兩按部文俱經恭設香案望

闕叩頭謝

恩外竊念臣一介腐儒謬叨

殊恩歷任外吏超擢直隸巡撫年餘以來毫無裨益自揣

庸劣常懷覆餗之虞前以母恆久停在家特

請回籍安葬荷蒙

聖慈准假三個月令臣葬母事竣速行赴任供職捧讀之

下感激無地正期完臣私衷疾趨供職勉圖後效復

奉

特旨陞補江南總督臣聞

新命不勝惶悚江南繁劇之地總督兼理文武事務任重

責大如臣非才能勝此然以受

恩渥重又不敢控辭有辜

知遇之隆唯有勉竭駑駘冀報

于山奏牘

卷七

呈

高厚於萬一第臣歸葬母喪奉有

欽定假期而新承

簡命更不便久於遲曠所有直撫印務必須護理有人庶

臣得以速於交代離任刻期回籍葬母事竣星馳前

赴新任臣查直隸守道叅議董秉忠操守廉慎才猷

練達自臣抵任年餘同城共事日益砥礪留心政務

加意民瘼凡所設施無不允當且查康熙十九年春

夏之間直撫員缺部

題奉

旨令其護理合無循例將臣印務仍交董秉忠護理白可

勝任無悞但未奉

旨未敢擅交理合恭疏

題請伏候

命下臣謹遵奉施行臣未敢擅便謹題請

旨奉

旨該部知道

于山奏續

卷七

呈

請帶郎筆帖式疏

題為請隨帶筆帖式以資任使事切照直撫衙門筆帖

式郎圖於康熙十三年十二月內安設迄今七年有

餘在前撫臣金任內歷久素稱勤慎及臣蒞任以

來又經年餘益見其小心供事凡各衙門所行清字

文移皆其番譯並無差訛而且安分守法從不干預

外務此誠筆帖式中所難得者今臣奉

命陞授江南總督職司軍務凡往來清字文移尤須慎密

則番譯之員必誠實循謹臣所素信之人庶可委用

于山奏續

卷七

呈

無疑合無將郎圖准臣隨帶江南以資任使聽部議

奪理合具

題伏乞

勅部議覆施行臣未敢擅便謹題請

旨奉

旨該部知道

附弭盜條約

爲申嚴保甲以絕匪類以靖地方事照得直屬逃人盜賊大爲民害無論軍民紳士或犯窩逃或被盜劫家業不保甚至身命隨之而地隣人等亦咸被其牽累今欲爲爾等謀保護安全之計莫如力行保甲古人守望相助出入相扶持良法美意可則可倣用是因時制宜酌定條款編帙成書務使家喻戶曉共相勸勉以期寧謐本部院欽承

簡命撫蒞茲土與爾等情關休戚故不憚諄諄告誡總欲

千山奏稿

卷七

七

爾等各守身家非好爲多事也爾等當深思而力行之所有條款開列於後

一十家立爲一甲務選殷實老成端正勤慎者公舉爲甲長報官九家咸聽約束違者稟官重究

一十家各開男婦姓名年貌自祖父母及本身妻妾至子孫婦女與同居叔姪親戚并婢僕等人口作何生理盡數開立門單交與甲長不許遺漏以便認識稽查違者重究

一九家民人互相保結其結內開某人作何生理平

日并無窩逃蓄盜交結匪類出入旗下勾連生事

遊手賭飲撒潑兇惡結黨刁訟起滅是非等項如有此等事犯某人家甘受連坐所結是實九家各具互結一張交付甲長以便編入甲內如朦混具結地方官查出九家各責三十板枷號兩個月敢有抗違不遵入甲者重究

一九家之中平日有窩逃蓄盜交結匪類出入旗下勾連生事者八家不敢互結許本人赴官自首改過遷善咸與自新地方官另訂一冊開列姓名或

千山奏稿

卷七

吳

他處舊案扳犯許將本犯悔過首詞敘入以開生路或怙惡不悛地方官執法究治如力不能制者立刻申報以憑核參舉問其餘游手賭飲撒潑兇惡排黨刁訟起滅是非者八家不肯互結亦另訂一冊開列姓名不時稽查違者重究

一甲長訂一甲簿凡十家之內有出外行走者卽報明甲長今往某處公幹甲長註入簿內回日仍報明甲長某日事畢回轉卽於簿內去時項下註明以便稽查或恃惡不報或詭秘不報八家查明某

不在家卽報甲長註簿次早報官拿究或人家逼同隱諱不報甲長查出註簿報官本家與來人審明口供如來人清白任其回去本家仍以失報責二十板八家各責十五板如來人不端卽差役押解原籍地方官查收註簿收管於本處簿內註解收訖本家責四十板枷號三個月八家各責三十板枷號兩個月違者重究

一十家之中立有甲長或不請書寫卽請隣佑識字者登記或甲長有事他往卽報明九家公同註簿

山秦續

卷七

五

將簿轉付甲內人收管登記甲長回日仍同九家將回轉情由註簿將簿收回如甲長家有親客來往亦照九家例註簿違者重究

一市鎮居民開店接客須訂一簿每晚客寓同行幾人務查問客衆姓名係何處人氏來往何處或何公幹生理有無弓箭什物或自備騾馬或僱長腳將騾馬毛色認明或孤客步履有無行李盡數登記簿內次早或去或住報送甲長查閱如有來歷詭張語言恍惚踪跡可疑卽密傳甲長保長窺伺

去解夜曉小心隄防次日勿令早行以備不虞如玩忽不記他處失事行查店家簿內未開者從重治罪

一十家之中有鄉紳兩榜貢監生員不便與庶民同例編查但直屬逃盜肆虐夜不安枕白晝劫殺幾無虛日紳衿咸受荼毒歷歷有案該地方官酌議或鄉紳立一冊文武兩榜各立一冊貢監生員各立一冊將家僕盡數開列冊內邇來風俗頹靡有以武舉而竊盜者有以武生而爲盜者種種不法

山秦續

卷七

單

已經事犯似應武舉貢監生員互相保結武舉貢監責之縣官文武生員責之教官如生員抗不互結者教官移縣轉詳如武舉貢監抗不互結者縣官申詳一併查究或武舉貢監生員居處隔遠未悉素行不便互保者另列一冊如係鄉居願編入村庄保甲者聽其自便此分別貴賤之法以寓弭盜安民之意法在必行違者重究

一鄉村各有垣牆此弭盜安民之善制也日久剝蝕多有倒塌目今農隙正宜同心協力補葺壞垣修

理柵欄各甲長公訂一簿輪流派撥某日某人姓名看守柵欄某人幾名值日查夜登記簿內或遇盜警本村放炮鳴鐘擊鑼大家救護如堵禦不能入柵行劫者巡夜同守柵欄人等報明地方官各賞紅布五尺如已入柵欄力能救護不致失事者巡夜守柵人等報官各賞紅布一丈如當場打死擒獲盜賊者巡夜守柵人等各賞紅布一疋倘先事不能知覺臨時不肯救援以致盜賊入柵劫去財物拷傷失主者隣佑并巡夜守柵人等一併究

治敢隱諱不報者十家以通賊論

一村庄居民一甲以至數十甲若無統屬則呼應不靈應設一保長以統率各甲或村庄止有一甲將附近村庄甲長聯成一處公舉一賢能保長料理地方各甲長將花名交付保長保長將各甲合總報官以憑稽察凡遇隣村有事保長聞鐘炮鑼聲立刻傳炮各村一齊放炮保長印率所管村庄甲長一面分衆各據要路堵截一面率衆直赴當場救援或當場殺獲賊徒或要路擒拏賊徒者每名

各賞銀五錢甲長賞銀一兩保長賞銀二兩如保長聞隣村放炮不傳炮者罪坐保長甲長聞保長放炮不傳炮者罪坐甲長如甲長傳炮甲內人丁不赴援者罪坐各家如當場退縮觀望不前致賊逸脫者罪坐保長如分撥堵守要路放脫賊走者即未受賊賄甲長亦應治罪法在必行違者重究一地方設立保甲長協力守禦不可無器械使用查一村之中須置炮一杆鑼數面各家成丁者各備門棍一條凡遇盜警先放炮以便保長會衆救援

兼以鐘鑼齊擊則各家奮勇爭先更查甲內或有鳥鎗弓箭腰刀鐵尺長槍鐵叉之家開明報官量留鳥鎗弓箭數件地方官書押鐫刻於上仍給本主甲長同本主具領存案不許攜帶別處行走如有遺失從重治罪其餘盡收入官照物給價如有匿藏甲長與八家首報本家以通賊論如甲長八家未經查出被傍人首報甲長與八家連坐至於刀尺鎗叉槩鑄本家姓名當官驗明登記簿內以便稽察違者重究

一地方人民有在園佔莊內居住旗房者查明幾家照例編入附近村民甲內如有抗違不服者查拘親屬務獲正身面取親屬保結交付甲長註入簿內本身仍以抗違

王法枷責不饒

一十家之內有窮苦民人不能度日者甲長報知地方官另造一冊設法養濟如此等民人既不敢出外行走又無地土生意甲長不報罪坐甲長甲長已報地方官任其困餓顛連以致喪命溝壑或典

于山奏牘

卷七

聖

僱旗下苟延歲月本院訪聞縣官以不職糾叅如能設法生理養濟四季詳報存案以便紀功舉薦以上各款務須恪遵實行不得視為具文常套悞身家而干法紀保甲人等亦不得藉端滋擾自取罪戾後悔無及須至冊諭者續增條約

十家互糾之法本部院在楚行之已久然在直隸有行不去者祇因南北風氣不同習俗亦異今加意諮訪有前此條約中所未備者酌增數則附列於後

于山奏牘

卷七

器

一直屬有等大盜彰明較著稱為馬上好漢子地方人等畏之如虎敬之如神稍有拂意即白晝劫殺或暮夜殺死全家凡屬良民口稱犯了王法止一人死惱了大盜則全家死因之寧死王法決不敢惱了大盜也從此思之求一不敢互保之八家不可得矣隱忍獻媚求保身家誰敢不保大盜如此保甲竟為養盜圈套嗣後地方官先訪大盜姓名密稟本院務憂慮遠設法擒拿立斃杖下王法既行則良民有所倚靠氣直膽壯互保之法方能著實行去切勿如從前漢州之受賄賄東鹿之畏賊鋒致大盜蜂起釀禍迄今不可救止也一禁馬之法本院業已飭行邇來密訪此法止可行之於良民百姓決不能行之於巨富大盜凡屬富家俱是大有身家之人院宇深遠僕從衆多馬足弓箭器械無不備具且鄉愚村民望風懼伏稍有身家託為姻契不肖有司受其愧獻結成相知且自己賊跡纍纍畏其訐告一入牢籠明知故隱一經事犯多方遮飾地方百姓知其子眼通神怕到

官不得死無奈聯名公保預爲結識之地其中羽引類呼朋極口稱冤每每釋放竟無顧忌若夫巨盜重價購買健馬追風逐電防汛官兵望風縮頭誰敢向前堵敵此等馬疋俱養之各處窩家踏就生意取之如攜一經事犯卽藏窩家如追緝急逼或潛匿

京邸或投充旗下地方官莫可誰何且此輩舉動更爲駭人有買驢騾日行二三百里者有步行一日一夜走三四百里者今日打劫明日已離失處數

于山奏廣

卷七

星

百里矣因此事犯多被辨脫此種大盜一日不除則河南山東直隸終無寧暑嗣後地方官務要廉靜自守端正寡交更留心密訪切勿如滄州之被其愚弄則大窩必然斂手一切巨盜嫖賭性成揮金如土手頭一空便思行劫東來西去到處狐群狗黨交相容匿不肯改悔不死不休且賊遁九州某處有一生意便來勾引既已入夥明知事犯到官不饒總屬死命欲不去而不可得與言及此亦覺可憐一步錯了滿盤是錯地方官須要恩威并

用將此夥巨盜心上時刻記筭不要一刻放下某賊日在某處卽行密拿一經擒獲便思了當如某賊已有悔萌卽傳投見善爲解救處置得宜如事發緝拏逼急無處躲閃投見求免者萬萬不得寬縱立刻綁送失事地方切不可被他哄了總之天下無難事只怕不用心若將問百姓要銀子這副心腸用在拏強盜上何事不成各地方官都一心做起來賊無容身之地何愁地方不太平著實細心叅閱

于山奏廣

卷七

異

一州縣地方或有一村都是盜一家祖孫父子世世做賊這互保之法如何行得去甲長是盜九家是盜明是強盜保強盜此處沒奈何只得亦編成保甲姑入羅網大約良民多賊盜少務擇有身家有才幹的做一保長立禁止夜行木牌時刻叮嚀各處甲長大家隄防看明這一村的出路去路於要隘路口埋伏鄉夫如遇此村人黑夜行走卽行緝鎖次日稟官嚴審如無謀劫實跡治以夜行之罪如此防閑日久彼不得動手或稍斂盜心亦未可

定此蓬生麻中不扶自植之謂也著實奉行

一保甲之法一行盜賊不得動手必與地方官爲仇
督須要時刻防備這夥強盜謀害白日謹守城門
稽察出入著巡捕官每日落時逐戶查問并巷觀
寺院不許容留閒人更於衙內建一敵樓頂上蓋
房二間每晚家人巡更地方官帶印宿於中一層
嚴守樓門再於衙舍外邊撥更夫巡邏以防報復
此先保其身方可實行保甲切勿疎虞

一賭博乃爲盜之根屢奉嚴禁法令不容寬假邇來

于山奏牘

卷七

聖

訪得直屬每遇集市一夥大盜公然放頭開賭地
保不敢過問地方官竟置膜視全不禁止這夥將
打劫之物一擲輸去又商議行劫隨切隨輸隨輸
隨劫終無了日又將沒飯喫的窮人勾引在內地
方官平日不肯禁賭養成盜黨及至事犯把入夥
的窮民拿來一例梟斬於心忍乎此種罪過都在
地方官身上只是貪財迷竅全不想殺了這些
窮人到陰司底下那個不嚷鬧終久一命要還一
命遠在兒孫近在身何如打起精神嚴禁賭博稽

查貧乏不知教了多少人的性命祿位如何不憚

噪子孫如何不昌大功德無邊比要銀子十分受
用十分放心地方官要留心參閱

于山奏牘卷之七終

于山奏牘

卷七

庚

子山詩詞合選卷之八

晉西河于成龍北溟父著

戊申除夕入彭水採楠木宿神祠側作

驅馳王事入彭川旅舍神宮辭舊年七載羅陽梅弄影二
冬蜀道柳含煙石龜氣負星文榮林鳥聲催草木鮮忽忽
家鄉思對鏡明晨霜鬢獨淒然

濮湖夜月

水落林空蔓草長猿吟虎嘯石龕傍攀蘿尋勝窮人力月
色悠然照古塘

子山詩詞

卷八

東津漁火

夜靜沙寒灘水鳴雲橫露冷渡浮萍星垂兩岸青燐見故
道幽人撒網驚

魚城煙雨

石城遙望碧雲端峭壁荒涼煙水寒屈指興亡幾許事情
風明月在江干

金沙落雁

金沙依舊掛灘長孤雁飛飛下夕陽煙斷水寒悵不定招
梁覓處是他鄉

老女吟

妾身已許嫁梅實過三春四德未敢數歸期何尚迎豈爲
儀貌寢應是孀家貧水融霜又至何以采蘋濱布絲即可
質井曰妾所親旭日雁聲寂蛾眉低自輦誰家車和馬百
兩爛其隣妾命嗟成薄桃葉空慕慕拊心扣昊天終待結
朱陳就使窮難嫁詎將香逐塵悲思古賢婦饋饁敬如賓
叩友心同否有生殊不均

晚菊

年年九日報花開偏爾今年懶脫腮似怕主人添瘦骨綻

子山詩詞

卷八

黃欽影乍徘徊

又

桃李芳菲盡有期菊花愛晚獨遲遲西風搖落今重九尙
爾韶英更待誰

又

籬邊把酒問青天何苦繁霜帶醉煙縱使向榮嗟已暮更
遲疎影益人憐

又

一般培植百花臺衆卉爭妍不肯開趣取清標須速發莫

虛涼序間將來

粵西九日

冷落荒城又一秋每逢佳節轉添愁黃茅嶂遠今猶古白
髮風淒嘆復羞菊瘦懶看空淚落雁回遙望暮雲收閉門
却厭登高去醉裏心魂到故丘

偶吟

石崇豪貴范丹貧生後生前定有因傳語世間名利客不
如安命是高人

寫夢

于山詩詞

卷八

三

終日思家悵復吁夢魂飛泊洞庭湖忽驚信篆歸何處別
却舊童覓舊途

中秋值雨有感

正擬中秋看月華無端雨後黑雲遮天公有意朦朧過不
許清光照碧紗

其二

歲歲中秋離別天登樓羞看月團圓嫦娥會得愁人意雲
閉寒宮合早眠

秋吟

一年又有一年秋難禁時時憶故丘獨坐琴臺心萬里月
前草木盡含愁

其二

漫誇解綬是何人五斗安能強絆身屈指古今猶未遠閒
看菊蕊倍傷神

無酒

一夜一壺酒床頭已乏錢強欲禁酤我通宵竟不眠

春雨

屈指春三月連陰九十朝花片落泥濘柴煙帶濕燒

于山詩詞

卷八

四

春暮

清明方過去穀雨又新來眼看春光盡遊人何日回

客訪溪

我來客訪溪獨坐夕陽西古道荒已沒隔離聞鳥啼

春月

臘月出門履雪山梅花向暖綻紅顏春來桃李橫岡嶺我
自披裘草色閒

蜀中山行

幾人鞅掌幾人閒山裏僧家獨閉關風雨一犁堪自慰醉

歸春社月西灣

自吟

逢人漫道不如意滿腹原來不合時回首青山千萬里樂
天安命亦何疑

鷄冠花

亭亭赤幘岸臺端傲出風霜不自寒要識朝陽憑一唱扶
桑高捧海瀾安

成都

兩任邊荒囊乏錢低頭羞語尉巡前淮陰受却少年辱也

于山詩詞

卷八

五

了前生一惡緣

又

易老馮唐虛歲月難封李廣未公侯晉秦同好今吳越只
爲方圓不可儔

又

萬里孤舟亦一官窮途主僕強加飧單衣難禦朔風冷倚
戶無言白眼看

蜀道

半明行過躍龍橋龍去橋橫溪水消雲首鳥驚飛作隊關

前狼虎怒爲剽天寧悔禍常靈雨人未全生總寂寥多少
古來繁會地徐驅疲蹇欲魂銷

又

漫看一霧帶山腰山外長松翠自搖北地小春花六出西
川淡谷雨連宵紅黃半雜厓間樹上下全崎渡處橈炮斷
日晴述古徑馬啼艱澁憶嫵姚

霧

大霧滿虛空山川一混濛人聲遠近際樹色有無中旭日
光微香羣陰慘薄叢模糊難見路舉足我心忡

于山詩詞

卷八

六

長安邸中午日

十載浮萍宦異鄉回思已事倍神愴榴裙噴火紅顏好荷
蓋擎珠綠水涼泡雨有無呼吸變奇雲生滅古今怵悲歌
慷慨當年夢白髮空慚續命長

夢境

夢裏單眸一老翁胡床岸幘貌如童橫談往事多奇異笑
指英才在座中說到當年開福地蟠蛇體漫飛空問吾
來楚若干紀六載流光荊棘叢

又

門外依稀佳客至非仙非佛隔窓東贈儂一束古詩卷
蚪開書久別公夢轉含糊難記憶簷前錯認五更風一聲
雲板微寒暑萬事攢心日未紅

戊午監試楚閣作

皓月懸明遠奎光映素秋瑤圖五老獻玉署眾英儔佳影
天香發卿雲瑞氣浮末員微効職爲國廣薪楨

偶書

春來陰雨多春去晴光好花蕊妬蜂鬚雛翎驚鴛爪柴門
留月看琴堦倩風掃物理自如此鶯殘茂葉老

平山詩簡

卷八

冬至渡淮

鳳陽路值一陽天霜透征裘陟嶽嶺九里山前沙草合石
頭城角水雲連雙鳧唼喋浮淮浦孤雁翩翻下泗壩馬首
北來陽吊古舊陵宮樹不知年

過虞姬墓

在靈璧縣有紅色草見人輒舞俗名美人草和前人韻

陰陵古道照殘陽策蹇荒塋弔楚公血灑西風後燭月氣
吞白帝劍生霜貞魂傍逐烏騅逝烈骨長凝碧草香行客
莫知悲舞意春來疑作妬新妝

又

破秦當日蚡咸陽及敗誰噴困北邱王功無謀定天下青
鋒有意謝君王八千歌散腸應斷九叩神銷骨尚香悔比
樊姬差一諫空令死血舞紅妝

銅雀臺

半爲漳水所壞

銅雀臺臺漳水流雲橫煙斷笑焚丘千門鎖鑰風塵暗萬
里河山落日收才子文章堪極目美人聲伎半成洲英雄
一世今安在明月依然是漢秋

中途遇雪

陰雲漠漠朔風寒雪染征裘行路難霰集水周憐馬滑花

平山詩簡

卷八

飛枝壓總心酸離披短袖侵皮綻荏苒長途刻骨癢更慙
蒼頭偏掄白何時高臥學袁安

代兄憶弟

天光黯澹雁行斜斷續行雲映遠霞太乙吹藜頭出火蠹
魚鉅字復生花素琴懸壁宮聲合青草當庭簃意賒太史
於今瞻紫氣德星應集我荀家

自嘆

病體渾無力閒愁誰與憐炎涼悲二豎狐貍苛且山不願
上方劍但持感應篇小官缺養毋浮譽憫羣賢久欲歸林

臥豈爲升斗牽菩提垂慈訓真覺孽難前廉隅雖尋丈
明卽佛仙隱微多玷垢冥府不矜全只謂堪瞻衆誰知難
哄天晨夕朝太岳思結再生緣輕脫敝衣裘千將撤俗纏
秋風吹細雨霹靂護青蓮

賀壽

才猷當代仰宗上經濟文章自不腐名著玉堂稱繡虎功
齊銅柱集飛鴻一身化育鈞陶際萬姓生成指顧中從此
豫州多氣象惟憑湘澤望高嵩

又

于山詩詞

卷八

九

數年寒暑戴清輝爲戀潑恩尚未歸挾纊何緣同綰帶捉
襟殊愧等緇衣盾邊檄就常摧敵馬上詩成已解圍敢訂
中原霖雨足願分餘潤慰調餞

贈屬邑

滄川淑氣冠齊安撫字催科萬姓寬尤望冰壺澄到底神
君年少足稱歡

勸民

黃俗喜訟鎮岐
時作此勸之

閉門且避事省爾窮民錢莫憾居官懶妻孥望爾還倉中
無一粒比日斷晨煙儼白甘心餓嬌兒雨淚漣肝腸痛碎

絕中夜不能眠望爾覓升斗忽聞訟獄牽哀哉饑欲死尙
遲爾輕懷健訟因凶產饑寒猶不悛痛兒兼痛爾無食誰
爲憐挖藏奴甘去爾回種麥田強如羅鼠雀枵腹與人喧
安分救兒女空中自有天莫生在蕩想官府自周全萬一
無生路清貧赴九泉我今歌且泣勸爾此長篇

讀聘君歌

挑燈夜讀聘君歌句句關情觸目多萬物生來同此性吾
民不聽却因何

于山詩詞

卷八

十

挑燈夜讀聘君歌引得船頭駭浪多風雨無心猶會意吾

民不聽却因何

挑燈夜讀聘君歌水底魚龍噴浪多浪裏魚龍猶聽講吾
民不聽却因何

挑燈夜讀聘君歌江色星光隱沒多雲橫斗轉星還現吾
民不聽却因何

吾民不聽却因何豈是吾民癡許多定有個中真線索從
容細讀聘君歌

吾民不聽却因何笞杖流徒總是多偏與人猜猜不著從
容細讀聘君歌

吾民不聽却因何月且鄉銘講亦多室暗心虧神自電從
容細讀聘君歌

吾民不聽却因何表正影端差莫多俸祿脂膏皆妙語也
須添入聽君歌

紀行

鷄鳴起茅店晨路漸熹微東北朝

天子周馳望

帝畿隻身走古道何必雲錦飛朔風吹栗冽霰粒灑征衣兩

耳兜入帽兩腮削故肥足水拳盤蹴手駁垂鞭揮南楚寒

千山詩稿

卷八

七

暄半六花滿亦稀前後難遮顧僕夫徒歔歔急求旅店火

冷戰念天威晨興復登路重山白霏霏面目加黧黑鬚髮

戟旂旂苦極還自慰歷險忘其碣指日拜

天闕天香可袖歸十年奔故里未息漢陰機

除夕

除夕三十日江黃萬象新陰雲天地暖細雨柳梅春咫尺

瞻

龍座劬勞自小臣壺漿難濟衆掃榻且迎賓爆竹幾家響椒

盤生底塵

其二

政餘空閉日燈燭忽輝光香瓣通三界人天依粉牆朦朧
試一看惻惻使心傷

其三

四壁青容慘忽焉思故鄉老妻知歲事料得一家忙誰念
居官者隻身惟雪霜幸兒伴我側談笑且開觴只恐倚門
望淒然憾夜長

其四

新春指日過遊子整歸鞭舞綵期非遠雁行共一天老夫

千山詩稿

卷八

七

惟自苦形影誰爲憐升斗羈難去妻孥情共牽况經饑饉

日觸目誰仔肩所得麥新熟平安報有年家中莫怨望拂

裏此心堅

夢餐優曇花作

余讀書山寺時夢餐優鉢羅花卽吟一句云仙人

賜我鉢羅花醒語純天上人檢藏知鉢羅花卽優

曇花也因賦以誌

優曇曾記夢中餐山寺日高柏水寒雲繞佛龕常五色香
飄精舍比芝蘭生平未識金銀氣偶爾輕拋麋鹿離四十

年來魔障盡好教拂袖紫霞端

庚申除夕上谷署中作

今夕是何夕明晨二十年三冬無再雪萬戶有孤煙爆竹
誰家響盆花幾處鮮早朝齊拜舞誰上彗星篇竈冷疇爲
祀井寒空自漣哀哉子遺嘆忍待麥辛辛

辛酉上元上谷祔雨作

時經臘無雪恐傷二麥特齋
三月真少回天意故作此示

羣僚俾各知
所省戒云

皓月當空照黃塵逐日飛求沾驚蟄雨腸斷幾千回

壬戌秋九金陵暑夢中作

李山詩

卷八

七

牢落風塵裏三千白髮新跨虹湖色變嘯月海嵐親椒雨
鐵牛厭菊霜金馬隣

市鄉咫尺近浩氣達西秦

詩餘

憶王孫

黃昏獨自聽烏啼芳草樓前漸滿堤寄語王孫莫意迷
須歸花影將斜月欲西

如夢令

歲暮容顏非舊食少形骸消瘦睡起不勝愁頻叫蒼徒斟
酒斟酒斟酒夢見故鄉花柳

又

赤壁驚啼岸柳岐鎮雨肥園非憶別若爲情且看燕飛紅

李山詩

卷八

四

瘦回首回首穀雨清明時候

滿庭芳

脫却蠻烟奔離蜀道三年又滿光黃生來命薄才力比誰
強眼見此身已老消磨了多少疎狂百年裏有幾人跳出
傀儡蓬場思量還故里簞瓢陋巷澹泊何妨任隨緣過
日說甚彭殤幸遇杏花赤壁訪遺跡感慨悲傷尋兩地半
丘荒草一望白雲鄉

百字令

楚天和靄忽風狂雲黯霎時雨洩潑入篷窓噴碎玉濕透

竹穹珠滴麗怨龍吟雷轟電掣永夜無休歇挑燈倚枕恐
把危檣吹揭待旦爽氣微開枝頭梅子開似金丸相擊
菡萏池塘醉到渾如無力紫燕無聲烏鴉影滅處柴門都
閉幾人賞雨酣飲頓忘岑寂

風流子

曉風吹破屋春將暮聲碎滴簷頭見霧繞千村珠開萬樹
唧泥燕子帶濕歸樓心歡喜點來翻麥浪響過微溪流茅
屋閉門青山洗嗽牧童幾個戴笠騎牛停雲時午後凝
眸望滿目繡錯田疇恍惚紅遮古道綠映滄洲願自今伊
年山詩詞
卷八
始拈樽掛月未秧飲露婦子嬉遊懷想醉翁遺跡今古誰
儔

西江月

終日陰雲霏霰空過上已踏青殘紅片片滿長亭兩岸浮
萍靡定鶯報春歸誰送遊人獨歎飄零五更杜宇更難
聽萬轉千愁不寢

又

百歲春光有限一年幾度花紅及時笑做趁東風正好歡
輕送無奈人生易老又當零雨其深清明寒食總成

空看破浮雲如夢

山詩詞

卷八

榕城梨習指
不觀愿諸子

于山奏牘

卷八

生

也以之而婦子饁畝父老携杖子與子言孝伯也負耒耜俱無荒第與弟言悌出入可以相友守望可以相助子弟與子弟言忠信食鬱及羹烹葵及菽此日之壯者修其孝矣力田作苦斗酒相勞此日之壯者修其悌矣彼有遺穰此有滯穗此日之壯者修其忠信矣夫何幸而有此壯者也抑何幸而有此暇日之壯者也寬胼胝之手足以養愚氓之天良忘知識之混莽以見容蓄之大義入事父兄出

于山詩詞合選卷之八 終

跋

史稱韓魏公臨大事決大議不動聲色措天下于泰山之安范文正初遺宰相書極論天下事他日爲政盡行其言語先憂後樂之志海內固已信其弘毅而司馬溫公人人引領望其爲相非區區材智所能得德之盛而

跡一

誠之著也蓋自古一代之名世之臣以天下爲已任故當艱難險阻之會百折不回具堅忍之定力及其當大任而勲建名立垂光百世矣此無他有非常之識然後能立非常之言成非常之功也

大司馬西河于公非常人也特膺

寵命總制兩江

天子倚毗百僚奉法黎民景從未期月而

數千里之境內外二百餘城之衰廣

翕然大治鼎備位宇下佩

公之訓莫不以一誠孚格于人廼得

公門下士李君子鵠編次

公歷來著作再拜而伏讀之嘆

跋二

公之遠慮深思沉謀果斷于

國家大計生民利害洞若觀火皆人所

不能爲不敢爲者

公之筮仕羅城也處苦寒之邊徼志彌

堅節彌厲以綏靖遐方自是治蜀治

楚治閩廿年如一日撫勦東山之事

列眉指掌恩威並用直足撼天地泣

鬼神豈非德之至盛誠之至著哉開

府畿輔之日忠讜入

告孚信

一人朝上而夕

報可

眷賚之隆邁軼千古惟其能行之而始知

其言之審耳易曰貞固足以幹事其

跋三

是之謂歟

公之功業如日方升丕炳天壤則

公之文章當與星日爭光山嶽比壽然

慮在官在民無由盡見

公之行事與立言也于是敬授之梓播

之寓內以風厲有位移易風俗天下

後世服

公之決機如神措安磐石者惟本一誠
養之素而出之裕也生平事業豪傑
自知之韓范司馬諸公類如是乎讀
是書而咸知所奮勵以自盡其爲人
臣子之職則是書之有裨于世奚可
量也夫

康熙癸亥夏五月屬下吏三韓劉鼎再

跋四

拜謹跋



于山奏牘七卷附詩詞一卷

江蘇周厚
增家藏本

國朝于成龍撰成龍字北溟永寧人前明拔貢生入
國朝授廣西羅城縣知縣官至湖廣總督此集刊於
康熙癸亥自卷一至卷七皆載其歷任所上奏疏
及詳文牌示並一時同官往來書牘第八卷則詩
詞而終之以制藝一首其後政書之刻卽因此本
而增損之此篇蓋猶其初稿至於詩詞本非所長
制藝一首尤不入格亦不如政書之刊除潔淨也